


(157-158) - 157-158 (157-158)
157-158

- 1) 157-158 (2: 1-10)
 - 2) 157-158 (2: 11-20)
 - 3) 157-158 (2: 21-30)
 - 4) 157-158 (2: 31-40)
 - 5) 157-158 (2: 41-50)
 - 6) 157-158 (2: 51-60)
 - 7) 157-158 (2: 61-70)
 - 8) 157-158 (2: 71-80)
-





গ্রন্থাবলী সিরিজ

যশীন্দ্র চৌধুরী
৪.৫.১৯৪০

জ্যোতিরিন্দ্র নাথ * গ্রন্থাবলী *

[তৃতীয় ভাগ]

জ্যোতিরিন্দ্রনাথ ঠাকুর প্রণীত

উপেন্দ্রনাথ মুখোপাধ্যায় প্রতিষ্ঠিত
বসুমতী-সাহিত্য মন্দির হইতে
শ্রীসতীশচন্দ্র মুখোপাধ্যায় প্রকাশিত

কলিকাতা, ১৬৬ নং বহুবাজার ষ্ট্রীট, "বসুমতী-বৈদ্যতিক-রোটারী মেসিনে"
শ্রীপূর্ণচন্দ্র মুখোপাধ্যায় মুদ্রিত।

সূচী-পত্র

১।	মুচ্ছকটিক	...	১
২।	মানবিকাগ্নিমিত্র	...	৯১
৩।	প্রবোধচন্দ্রোদয় নাটক	...	১২৭
৪।	কপূর-মঞ্জরী	...	১৭১
৫।	চণ্ডকৌশিক	...	১৯৫
৬।	বিষ্ণু-শালভঞ্জিকা	...	২২৭
৭।	মহাবীর-চরিত	...	২৫৭

মুচ্ছক
দশ অঙ্কে
শুদ্ধক রা
পূর্ববর্তী—
সত্য হয়,
উাহার রা
এদিকে আ
যুক্তির দ্বার
যে, মগধের
তিনি আয়
যাহাই হউ
মধ্যে "মুচ্ছক
আর সনেহ
প্রমাণ এই,
মুদ্রার উল্লেখ
পতি শক-ব
ছিল। ক
রাজা ছিলেন
চতুর্থ সতাব
শতাব্দীতে র

মুচ্ছকটিক

(মুচ্ছকটিক)

(3rd Cent. A. D.)

জ্যোতিরিন্দ্রনাথ ঠাকুর অনুবাদিত

ভূমিকা

মুচ্ছকটিক "প্রকরণ"-জাতীয় নাটক। ইহা দশ অঙ্কে বিভক্ত। রাজা শূদ্রক ইহার রচয়িতা। শূদ্রক রাজ্যের রাজত্ব কাল শকারি বিক্রমাদিত্যেরও পূর্ববর্তী—এইরূপ কিম্বদন্তী প্রচলিত। তাহা যদি সত্য হয়, তাহা হইলে, খৃষ্ট-পূর্ব প্রথম শতাব্দীতে তাঁহার রাজত্বকাল নির্দ্ধারিত করিতে হয়। কিন্তু এদিকে আবার, করনেল্ উইলফোর্ড সাহেব সারণ্ড যুক্তির দ্বারা প্রতিপন্ন করিতে চেষ্টা করিয়াছেন যে, মগধের অন্ধ রাজবংশের তিনিই প্রথম রাজা। তিনি আনুমানিক ১৯২ খৃষ্টাব্দে রাজত্ব করেন। সে যাহাই হউক, সমস্ত প্রচলিত সংস্কৃত নাটকগুলির মধ্যে "মুচ্ছকটিক" যে সর্বাপেক্ষা প্রাচীন, তাহাতে আর সন্দেহ নাই। ইহার প্রাচীনত্বের আর একটি প্রমাণ এই, মুচ্ছকটিক নাটকে "নাগক নামক" একটি মুদ্রার উল্লেখ আছে। এই "নাগক"-মুদ্রা কাশ্মীর-ধিপতি শক-বংশীয় রাজা কনিষ্কের সময়ে প্রচলিত ছিল। কনিষ্ক বৌদ্ধধর্মাবলম্বী প্রবল-পরাক্রান্ত রাজা ছিলেন। তাঁহার নেতৃত্বাধীনেই বৌদ্ধদিগের চতুর্থ সভার অধিবেশন হয়। তিনি খৃষ্টাব্দের প্রথম শতাব্দীতে রাজত্ব করেন এবং তাঁহার একটি পদবী

ছিল—"বাসুদেব"। মুচ্ছকটিকের একটি পাত্র "শকার," আক্ষালন করিয়া মধ্যে মধ্যে বলেন, "আমি কি কম লোক?—আমি দ্বিতীয় বাসুদেব।" আমার মনে হয়, এই স্থলে কনিষ্কে মনে করিয়াই এই বাসুদেব-শব্দ প্রযুক্ত হইয়াছে। কনিষ্ক খৃষ্টাব্দের প্রথম শতাব্দীতে কাশ্মীর ও সমস্ত উত্তর-ভারতের রাজা ছিলেন। ইহা হইতেই অনুমান হয়, মুচ্ছকটিক খৃষ্টাব্দের প্রথম দুই এক শতাব্দীর মধ্যেই বিরচিত হইয়াছিল।

সেই সময়ে বৌদ্ধধর্মের বিলক্ষণ প্রভাব ছিল, অথচ বৌদ্ধ ও হিন্দুদিগের মধ্যে কোন প্রকার বিদ্বেষ-ভাব ছিল না। সাধারণ লোকে যদিও প্রচলিত হিন্দুধর্ম-অনুসারেই পূজা-অর্চনা ক্রিয়া-কর্ম সমস্তই করিত, কিন্তু বৌদ্ধধর্মের প্রতিও তাহাদের প্রগাঢ় শ্রদ্ধা-ভক্তি ছিল এবং তাহাদের আচরণেও বৌদ্ধ-নীতির প্রভাব বিলক্ষণ সংক্রামিত হইয়াছিল। "যে যেমন ধর্ম করে, পরলোকে সেইরূপ তার গতি হয়"—"সংকুলে জন্মগ্রহণ করিলেই সং হয় না, অসংকুলে জন্মগ্রহণ করিলেই অসং হয় না"—"ধর্মার্জন উচ্চ নীচ সকল জাতীয় লোকেরই সাধ্যায়ত্ত ও সাধন-সাপেক্ষ"—"আত্ম-সংযমী হইবে"—"প্রাণ দিয়াও



পরের উপকার করিবে, শরণাগত জনকে আশ্রয় দান করিবে—“সত্য পালন করিবে”—“অপকারীকে উপকারের দ্বারা জয় করিবে” ইত্যাদি বৌদ্ধধর্মের নীতিতত্ত্বগুলি এই নাটকে অতি জীবন্তভাবে প্রতি-পাদিত হইয়াছে।

তাই, বেণ্ডাকুলে জন্মগ্রহণ করিয়াও বসন্তসেনা সদৃশে বিভূষিত, রাজকুলে জন্মগ্রহণ করিয়াও “শকার” যার-পর-নাই নীচ-ভাবাপন্ন, “স্বাবরক” দাস হইয়াও ধর্মপরায়ণ এবং “শর্কিলক” ব্রাহ্মণকুলে জন্মগ্রহণ করিয়াও চৌর্য্য-বৃত্তি-রত।

এই নাটকে পরস্পর বিসদৃশ দুই শ্রেণীর চরিত্রের চিত্র পাশাপাশি চিত্রিত হইয়াছে। যেমন এক দিকে চারুদত্ত সাধুজনের আদর্শ-চিত্র, তেমনি অন্য দিকে শকার অসাধুজনের আদর্শ-চিত্র। সাধুজনের সমস্ত লক্ষণ চারুদত্তের চরিত্রে এবং অসাধু-জনের সমস্ত লক্ষণ শকারের চরিত্রে পূর্ণরূপে বিদ্যমান।

এই নাটক পাঠে জানা যায়, সে সময় দাসত্ব-প্রথা প্রচলিত ছিল এবং গ্রীকদিগের “হিটরির” ছায় এক দল উচ্চ শ্রেণীর বেণ্ডাও ছিল। তৎকালে নাগরিক* সমৃদ্ধি ও বিলাসিতা যে চূড়ান্ত

* ইংরাজি civilization শব্দের মূল ধরিয়া অনুবাদ করিতে হইলে, উহাকে “নাগরিকতা” অথবা “নাগরিক সভ্যতা” বলা যাইতে পারে।

সীমায় উঠিয়াছিল, তাহা বসন্তসেনার ভবন-বিভবের বর্ণনা পাঠ করিলেই বিলক্ষণ উপলব্ধি হয়।

সে সময়কার সরল বিচার-পদ্ধতিতে যদিও এখনকার ছায় ততটা বৈজ্ঞানিক সূক্ষ্মতা ছিল না, তবু দেখা যায়, সুবিচারের দিকে বিচার-পতির বিশেষ দৃষ্টি ছিল এবং বিগুণ রীতি-অনুসারেও বিচারকার্য্য সম্পাদিত হইত। তবে দণ্ডবিধানের ক্ষমতা রাজার হস্তে থাকায়, বাস্তবিক সুবিচার হওয়া না হওয়া অনেকটা রাজার উপর নির্ভর করিত।

এই নাটকটি আলাঙ্কারিক কৃত্রিমতা হইতে অনেক পরিমাণে মুক্ত। যে যে স্থলে হাস্য-রসের প্রসঙ্গ আছে, তাহা “বিষক”-শ্রেণীর হাস্যরস অপেক্ষা উচ্চতরের— তাহাতে বেশ একটু নূতনত্ব আছে এবং ইহার করুণা-রসের উক্তিগুলিও স্থান-বিশেষে মর্ম্মস্পর্শী— অতীব স্বাভাবিক।

আমাদের নিকট এই নাটকটির আর একটি বিশেষ মূল্য এই—সেই সময়কার আইন-আদালত, পুলিশ-চৌকিদার, রীতি-নীতি, আচার-ব্যবহার—এক কথায় সমস্ত নাগরিক জীবনের চিত্র ইহাতে জীবন্তরূপে চিত্রিত দেখিতে পাওয়া যায়। ফল কথা, এই শ্রেণীর নাটক সংস্কৃত সাহিত্যের মধ্যে আর দ্বিতীয় নাই বলিলে অত্যুক্তি হয় না।

চারুদ
রোহ
মৈত্র
বর্দ্ধমা
সংস্থান
বিট।—
স্বাবরক
আর্য্যক

শর্কিলক
স্বাহক
মাথুর।

ধূতা।—
বসন্তসেনা
বসন্তসেনা
মদনিকা।—

আর এক
রদনিকা।—

সেনার ভবন-
বিলক্ষণ উপলব্ধি

পদ্ধতিতে যদিও
সুস্থতা ছিল
দিকে বিচার-
বিশুদ্ধ রীতি-
হইত। তবে
থাকায়, বাস্তবিক
টা রাজার উপর

মতা হইতে অনেক
রসের প্রসঙ্গ আছে,
পক্ষ। উচ্চদের—
আছে এবং ইহার
শেষে মর্মস্পর্শী—

কটির আর একটি
র আইন-আদালত,
কার ব্যবহার—এক
ইহাতে জীবন্তরূপে
ল কথা, এই শ্রেণীর
আর দ্বিতীয় নাই

পাত্রগণ

পুরুষ-বর্গ

চারুদত্ত ।—ব্রাহ্মণ বণিক ।
রোহসেন ।—চারুদত্তের বালক-পুত্র ।
মৈত্রেয় ।—চারুদত্তের সখা (বিদূষক) ।
বর্দ্ধমানক ।—চারুদত্তের দাস ।
সংস্থানক ।—রাজার শ্যালক (শকার) ।
বিট ।—শকারের পণ্ডিত-পারিষদ ।
স্থাবরক ।—শকারের দাস ।
আর্য্যাক ।—একজন গোয়াল।—রাজ-বিদ্রোহী—
পরে সিংহাসনাধিকারী ।
শর্কিলক ।—ব্রাহ্মণ চোর—মদনিকার প্রণয়ী ।
সম্বাহক ।—গাত্র-মর্দন-ব্যবসায়ী—পরে বৌদ্ধ-ভিক্ষু ।
মাথুর ।—জুয়ার আড্ডার আড্ডাধারী ।

দর্দরক ।—একজন জুয়ারী ।
আর একজন জুয়ারি ।
কর্ণপূর্বক ।—বসন্তসেনার হস্তিপালক (মাহত) ।
বিচারপতি ।
শ্রেণী }
কায়স্থ } —বিচারপতির সহকারী কর্মচারিদ্বয় ।
চন্দনক }
বীরক } —নগর-রক্ষকদিগের সর্দার ।
কুস্তীলক ।—বসন্তসেনার দাস ।
চণ্ডালদ্বয় ।—জলাদ ।
শোধনক ।—বিচারালয়ের ভৃত্য ।

স্ত্রী-বর্গ

ধূতা ।—চারুদত্তের স্ত্রী ।
বসন্তসেনা ।—বেশা—চারুদত্তের প্রণয়িনী ।
বসন্তসেনার মাতা ।
মদনিকা ।—বসন্তসেনার দাসী—শর্কিলকের
প্রণয়িনী ।
আর একজন দাসী ।
রদনিকা ।—চারুদত্তের দাসী ।

নাট্যোল্লিখিত ব্যক্তিগণ

পালক ।—উজ্জয়িনীর রাজা ।
রেভিল ।—গায়ক ।
বসন্তসেনার ভ্রাতা । ইত্যাদি ।



মুচ্ছকটিক

প্রথম অঙ্ক

নান্দী

পর্যাক-আসন য়ার,
জানু বন্ধ হই ফের ভুজগ-বন্ধনে
বাহুজ্ঞান-বিরহিত
অন্তঃপ্রাণ অবরোধ—ইন্দ্রিয়-সংঘমে,
তত্ত্ব-দৃষ্টি দিয়া যিনি
দেখেন আত্মার মাঝে নিরিল্লিয় পরম-আত্মায়
শূন্য-দৃষ্টি সেই শব্দ
ত্রঙ্কের ধানেতে মগ্ন—তোমাদের রক্ষন সবায ।

অপিচ :—

কণ্ঠের বরণ য়ার
শ্যাম-জলধরোপম,
গৌরী-ভুজলতা যাহে
রাজে বিছিন্নতা সম,
নীলকণ্ঠ প্রভু সেই
করুন সবে রক্ষণ ।

নান্দীর পর সূত্রধার

সূত্রধার ।—এখন অভিনয় দেখবার জন্ত উপস্থিত সভাসদগণের অত্যন্ত কৌতূহল হয়েছে—তাই অধিক বাক্যাড়ম্বরে তার ব্যাঘাত করিতে আমি ইচ্ছা করিনে। অতএব উপস্থিত মহামাতৃ বহুশাস্ত্রবিৎ পণ্ডিত-মণ্ডলীকে প্রণাম করে' এই নিবেদন করুচি, আজ এই মুচ্ছকটিক প্রকরণ আমরা আপনাদের সমক্ষে অভিনয় করব বলে' স্থির করেছি। যে কবি এই প্রকরণের রচয়িতা :—

গজপতি-গতি তাঁর, চকোর-নয়ন,
পূর্ণেন্দু বদন চারু, শরীর শোভন,
ক্ষত্রিয়ের শ্রেষ্ঠ তিনি, গম্ভীর হৃদয়,
খ্যাত কবি শূদ্রক নামেতে পরিচয় ।

অপিচ :—ঋগবেদ, সামবেদ,
অঙ্ক-শাস্ত্র, হস্তি-বিজ্ঞা, কলা আদি চৌষটি প্রকার
এ সব করিয়া শিক্ষা,
শিবের প্রসাদে লভি' জ্ঞান-নেত্র বিগত-আধার,
পুত্রেরে রাজত্ব দিয়া
মহাসমারোহে করি, অশ্বমেধ-যজ্ঞ সমাপন,
পশিলেন হতাশনে
শতবর্ষ দশদিন পরমাণু করিয়া যাপন ।

অপিচ :—

বুদ্ধাসক্ত, অবহিত,
বেদজ্ঞগণের শ্রেষ্ঠ, আর তপোধন,
ছিলেন শূদ্রক নৃপ
গজসনে বাহুযুদ্ধে সতত প্রবণ ।

তাঁরই বিরচিত এই প্রকরণে :—

উজ্জয়িনী পুরী-মাঝে
বাণিজ্যের ব্যবসায়ী চারুদত্ত যুবক নির্ধন
যার গুণে অহুরক্ত
গণিকা বসন্ত-সেনা—বসন্ত-শ্রী যে করে ধারণ ।
উত্তম সুরতোৎসব, নীতির প্রচার,
খেলের স্বভাব-চিত্র ছুঁই-ব্যবহার,
হুঁসীর অপ্রতিহত ভবিতব্য-গতি,
সমস্ত বর্ণিলা ইথে শূদ্রক-নৃপতি ।

(পরিক্রমণপূর্বক অবলোকন করিয়া)

এ কি! আমাদের এই সঙ্গীতশালা যে শূন্য!
আমাদের নটেরা না জানি কোথায় গেছেন—(চিন্তা
করিয়া) ওঃ! বুঝেচি ।

নাহি যার গৃহে পুত্র শূন্য গৃহ সেই,
চির-শূন্য গৃহ, যার সৎ-মিত্র নেই,
মুখের নিকটে শূন্য দিক সমুদয়
দরিদ্র যে, তার কাছে সবই শূন্যময় ।

আমার সঙ্গীত তো হয়ে গেছে । অনেক ক্ষণ
সঙ্গীত সেবা করে' গ্রীষ্মকালে প্রচণ্ড সূর্য্য-কিরণে

পদ্মবীজ যেমন শুকিয়ে যায়, ক্ষুধার জালায় আমার চোখের তারা তেমনি শুকিয়ে খট খট করতে। এখন তবে গৃহিণীকে ডেকে জিজ্ঞাসা করে' দেখা যাক, ঘরে প্রাতরাশ কিছু আছে কি না। প্রয়োজনের অনুরোধে আর অভিনয়ের অনুরোধে এখন তবে প্রাকৃত ভাষায় বাক্যালাপ করা যাক! ওঃ, কি কষ্ট! অনেক ক্ষণ সঙ্গীত-চর্চা করে' শুকনো পদ্মের ডাঁটার মত আমার সমস্ত অঙ্গ যেন শুকিয়ে গেছে। এখন তবে গৃহে গিয়ে জানি, গৃহিণী আগে থাকতে কিছু যোগাড় করে' রেখেছেন কি না। এই তো আমাদের গৃহ। এখন ভিতরে যাওয়া যাক। (প্রবেশ) এখন দেখছি, এখানে অল্প প্রকারের আয়োজন হচ্ছে। পথে চাল বোয়া জলের দীর্ঘ শ্রোত বয়ে যাচ্ছে—যুবতীরা কপালে তিলক কাটলে যেমন তাদের শোভা-বৃদ্ধি হয়, সেইরূপ লোহার কড়ার ঘসাবসিতে মাটিতে কাল দাগ পড়ে' তেমনি শোভা হয়েছে। পাকের স্নিগ্ধ গন্ধে ক্ষুধার আরো উদ্বেক হয়ে ক্ষুধার জালা বিগুণ বেড়ে গেছে। তবে কি পূর্বপুরুষদের সঞ্চিত কোন গুণ ধন পেয়ে এই উৎসব-আনন্দের আয়োজন হচ্ছে? অথবা আমি ক্ষুধিত বলেই সমস্ত সংসারই আজ অন্ন-ময় দেখছি? কৈ, ঘরে তো প্রাতরাশ কিছুই দেখছি। ক্ষুধার জালায় আমার প্রাণ যে বেরিয়ে গেল। এখানে তো সকলই অল্প রকমের উছোঁগ দেখছি। কেউ বা রং পিষচে, কেউ বা মালা গাঁথচে। ব্যাপারটা কি? আচ্ছা, গৃহিণীকে ডেকে আসল কথাটাই জানা যাক। গিন্নি! একবার এই দিকে এসো তো।

(নটীর প্রবেশ)

নটী।—ওগো, কি বলছ?—এই আমি এসেছি।
 স্বত্র।—এসেছ?—বেশ বেশ, এসো এসো।
 নটী।—কি করতে হবে, বল।
 স্বত্র।—অনেকক্ষণ সঙ্গীতচর্চা করে' আমার শরীর একেবারে শুকিয়ে গেছে, তা ঘরে খাবার-দাবার কিছু আছে কি?
 নটী।—সবই আছে।
 স্বত্র।—কি কি আছে?
 নটী।—এই গুড়ের পায়ের আছে, দধি আছে, ঘৃত আছে, তণ্ডুল আছে—তোমার খাবার মত সরস উপাদেয় সব জিনিসই আছে। তবে এখন দেবতাদের ইচ্ছে।

স্বত্র।—কি? আমাদের ঘরে যা বলছ, সবই আছে?—না তুমি পরিহাস করছ?
 নটী।—(স্বগত) পরিহাস বটে। (প্রকাশ্যে) সবই আছে—কিন্তু দোকানে।

স্বত্র।—(সক্রোধে) দূর অনার্যো! এইরূপ যেন তোরও আশা-ভঙ্গ হয়—অশ্লাভাব উপস্থিত হয়।—ই-ট-পাটখেলের মত উপরে ছুড়ে শেষে আমাকে দশ হাত নীচে ফেলে দিলি?—আঁ্যা?

নটী।—আমাকে মাপ কর—মাপ কর—আমি পরিহাস করছিলাম।

স্বত্র।—এ সব নূতন আয়োজন তবে কিসের? একজন রং পিষচে, আর একজন ফুলের মালা গাঁথচে—এই সব পাঁচ-রঙা ফুলে ঘরের মেঝে সাজানো।

নটী।—আজ উপবাস নিয়েছি।

স্বত্র।—কিসের উপবাস?

নটী।—“সুন্দর পতিলাভ”-ব্রতের উপবাস।

স্বত্র।—কি রকম পতি গিন্নি?—ইহলৌকিক না পারলৌকিক?

নটী।—ওগো, পারলৌকিক।

স্বত্র।—(সরোষে) দেখুন মহাশয়রা সব! ঘরের ভাত বায় করে' পারলৌকিক ভক্তার অঘেষণ হচ্ছে! (নটীর উদ্দেশ্যে) এ উপবাস করতে কে উপদেশ দিলে?

নটী।—তোমার প্রিয় সখা চূর্ণবুদ্ধ।

স্বত্র।—আরে বেটা চূর্ণবুদ্ধ! রাজা কুপিত হয়ে নব বধুর সুগন্ধ চুলের মত তাকে কবে কুচি কুচি করে' কেটে ফেলবে, তাই আমি একবার দেখতে চাই।

নটী।—ওগো—চোটো না—ঠাণ্ডা হও। তুমিই যাতে জন্মান্তরে আমার স্বামী হও, তার জন্মই এই উপবাস করচি।

স্বত্র।—ও, তাই? ওঠো ঠাকরণ ওঠো; এই ব্রত-উপবাসে কি করতে হবে বল দিকি?

নটী।—আমরা যে অবস্থার লোক, তারই উপযুক্ত ব্রাহ্মণ নিমন্ত্রণ করতে হবে।

স্বত্র।—আচ্ছা গিন্নি, তুমি তবে যাও—আমাদের অবস্থার উপযুক্ত ব্রাহ্মণাদি আমি নিমন্ত্রণ করচি।

নটী।—আচ্ছা, আমি তবে চললাম।

[প্রস্থান।

স্বত্র।—(পরিক্রমণ করিয়া) আশ্চর্য্য! এই

যখন দেবতার
 ান দেবতাদের

এটি গৃহস্থের

দেবতারে

বিচারে?

না।

আর কেউ ব্রাহ্মণের সকলি কার ছায়ার মত দিক বাম হয়ে রাজপথে বেগা, জার প্রিয়-পাত্র লুচ্ছি, মণ্ডুক-লুক্ক হয়, এদের হাতে যাবে। আচ্ছা, দিকি?—তুমিই

, আমার জপটা

না, দাঁড়াও।

পণ্ডিত-পারিষদ
 র' ও নীচ-
 বেশ)

গা দাঁড়াও।

মুহুর গতি

ভাবে ফেলিছ চরণ,
 পাত

সম করিছ গমন।

একটু দাঁড়াও।

স্থলিত চরণে?



স্বসমৃদ্ধ উজ্জয়িনী নগরে আমাদের অবস্থার মত ব্রাহ্মণ এখন কোথায় খুঁজে পাই? এই যে চারুদত্তের বন্ধু মৈত্রেয় এই দিকে আসছেন। আচ্ছা ভাল, ওঁকেই জিজ্ঞাসা করি। মৈত্রেয় মহাশয়, সর্বপ্রথমে আপনি আমাদের গৃহে এসে আজ আহার করুন।

নেপথ্যে।—ওহে, অল্প ব্রাহ্মণকে নিমন্ত্রণ কর, আমি কার্যান্তরে ব্যাপ্ত।

সূত্র।—মহাশয়! ভোজন প্রস্তুত—আর স্থান-টিও নিঃশব্দ—আহারের কোন ব্যাঘাত হবে না। তা ছাড়া কি দক্ষিণা চান, বলুন।

নেপথ্যে।—ওহে! প্রথমেই তো আমি তোমার নিমন্ত্রণ অগ্রাহ্য করেছি—তবু বার বার আমাকে জিজ্ঞাসা করচ কেন?

সূত্র।—ইনি তো আমার নিমন্ত্রণ গ্রহণ করলেন না—আচ্ছা ভাল, অল্প কোন ব্রাহ্মণকে নিমন্ত্রণ করা যাক।

[প্রস্থান।

ইতি প্রস্তাবনা।

দৃশ্য—চারুদত্তের গৃহ

(উত্তরীয় হস্তে মৈত্রেয়ের প্রবেশ)

মৈত্রেয়।—“অল্প কোন ব্রাহ্মণকে নিমন্ত্রণ করা যাক।” আমি মৈত্রেয়, আমাকে কি না এখন পরের ঘরে নিমন্ত্রণ খেয়ে খেয়ে বেড়াতে হচ্ছে। হা! আমার কি শোচনীয় অবস্থা! কিছু দিন পূর্বে চারুদত্তের দৌলতে, অহোরাত্র সুগন্ধ মৌদক আহার করে’ উদগার করতাম; চতুঃশালা-ঘরের মধ্যে বোসে, নানাবিধ ব্যঞ্জনপাত্রে পরিবৃত্ত হয়ে, চিত্রকরের মত আঙ্গুল দিয়ে চঁেচঁে-পুঁচঁে সমস্ত শেষ করতাম; নগর-চত্বরের বৃষভের মত বসে’ বসে’ রোমস্থান করতাম; সেই আমি এখন দরিদ্রতার দরুণ, যেখানে সেখানে চরে’ বেড়িয়ে ঘোরো পায়গার মত এখন গৃহে ফিরে আসছি। ভাল কথা, চারুদত্তের প্রিয়সখা চূর্ণবুদ্ধ জাতী-কুসুমবাসিত এই উত্তরীয়টি পাঠিয়েছেন—চারুদত্তের দেবকার্য শেষ হলে এইটি তাঁকে দিতে বলে’ দিয়েছেন। আচ্ছা, তবে চারুদত্তকে জিজ্ঞাসা করি—এই যে, চারুদত্ত দেবকার্য সম্পন্ন করে’ গৃহদেবতাদের পূজা দিয়ে এই দিকেই আসছেন।

(চারুদত্ত ও রদনিকার প্রবেশ)

চারু।—(উর্ধ্বে অবলোকন করিয়া উদাসভাবে নিঃশ্বাস ফেলিয়া)

যে গৃহ অল্পনে মোর

হংস-সারসকুল বলিদ্রব্য করিত ভক্ষণ

তৃণাচ্ছন্ন সেই স্থানে

কীট-মুখ-দংষ্ট্র বীজ এবে দেখ হয়েছে পতন।

(ধীরে ধীরে পরিক্রমণ করিয়া উপবেশন)

বিদু।—এই যে চারুদত্ত। ওঁর নিকটে তবে যওয়া যাক। (নিকটে গিয়া) কল্যাণ হোক, শ্রীবুদ্ধি হোক!

চারু।—এই যে আমার সর্বকালের মিত্র। এসো সখা, এসো—এইখানে বোসো।

বিদু।—এই বসুচি। দেখ সখা, তোমার প্রিয়-বস্ত্র চূর্ণবুদ্ধ জাতী-ফুলের গন্ধে ভরপুর এই চাদরটি পাঠিয়েছেন, আর বলে’ দিয়েছেন, দেবকার্য শেষ হয়ে গেলে চারুদত্তকে এইটি দেবে”। (সমর্পণ)

চারু।—(গ্রহণ করিয়া সচিন্তভাবে অবস্থান)

বিদু।—ওহে! ভাবচ কি?

চারু।—সখা!

ঘন অন্ধকারে যথা দীপের দর্শন

হৃৎ-ভোগ-পরে সূখ তেমনি শোভন।

যে জন সূখের পর ধন-বিরহিত

শরীর ধারণ করি’ বাঁচিয়া সে মৃত।

বিদু।—আচ্ছা সখা, মরণ ও দারিদ্র্য এ দুয়ের মধ্যে তোমার কিসে অভিরুচি?

চারু।—সখা! দারিদ্র্য মৃত্যুর মধ্যে

মৃত্যুতেই রুচি মোর জেনো তুমি বেশ।

অন্নই মরণে কষ্ট,

দারিদ্র্যের অবস্থায় যাতনা অশেষ ॥

বিদু।—সখা, হৃৎ করে’ আর কি হবে? যে ধন-ঐশ্বর্য্য সুস্থজনের মধ্যে সংক্রামিত হয়, তা সুরলোকের পীতশেষ প্রতিপদ-চন্দ্রের মত অধিকতর রমণীয়।

চারু।—সখা, অর্থ-দৈন্যে আমার কষ্ট হয় না—

কিন্তু:—

এই শুধু হৃৎ মোর

—অর্থহীন বোলে গৃহে না আসে অতিথি,

মদ-কাল হলে গত
করি-গণ্ডে মদ যবে গুরু হয় অতি,
ভ্রমস্ত ভ্রমরগণ
আর নাহি ইচ্ছা-স্থখে কভু যায় তথি ।

বিদু।—দেখ সখা, এই অর্থলোলুপ অতিথি
ব্যাটারা গোপাল-বালকের মত যে মাঠে যতক্ষণ
সুবিধা পায়, সেই মাঠেই ততক্ষণ গরু চড়িয়ে বেড়ায় ।

চারু।—দেখ সখা !
ধননাশ হেতু নহি আকুল চিন্তায়,
ভাগ্যবশে ধন আসে, ভাগ্যে ধন যায় ।
শুধু হুঃখ এই মোর—নষ্ট হলে ধন
লোকের শিথিল হয় সৌহার্দ-বন্ধন ।

অপিচ :—

দারিদ্র্য হইতে লাজ,
লজিত জনের দেখ তেজ হয় ক্ষয়,
নিস্তেজের অপমান,
অপমানে চিত্ত-মাঝে বৈরাগ্য উদয় ।
বৈরাগ্যেতে শোকোৎপত্তি
শোক আক্রমণে বুদ্ধি করয়ে প্রস্থান,
নিবুদ্ধি বিনাশ পায়,
সর্ব আপদের তাই দারিদ্র্য নিদান ।

বিদু।—দেখ সখা, যাদের কেবল অর্থের সঙ্গে
সম্পর্ক, সেই ছু দিনের বন্ধুদের কথা ভেবে কেন কষ্ট
পাচ্চ ?

চারু।—সখা, দারিদ্র্যই পুরুষের :—
চিন্তার আশ্রয়-স্থান
পর-তিরস্কার-ভূমি, শত্রুতা-কারণ,
মিত্রের ঘৃণায় পাত্র
স্বজন-স্বামীর বিদেষ-ভাজন ।
বনে যেতে মন যায় দরিদ্র জনের
লাঞ্ছনা-গঞ্জনা সহে নিজ কলত্রের ।
না দহে গো একেবারে হৃদি-শোকানল
মর্শে মর্শে দেয় তীব্র সন্তাপ কেবল ।

গৃহ-দেবতাদের পূজা আমার শেব হয়েছে—এখন
তুমি রাজপথের চোমাথায় গিয়ে মাতৃগণের পূজা
দিয়ে এসো ।

বিদু।—না, আমি যাব না ।

চারু।—কেন বল দিকি ?

বিদু।—এত পূজা-আর্চনা করেও যখন দেবতারা
তোমার প্রতি প্রসন্ন হলেন না—তখন দেবতাদের
পূজা দিয়ে কি ফল ?

চারু। সখা ! না না, তা নয় । এটি গৃহস্থের
নিত্য-কর্তব্য কর্ম ।

মনোবাক্য তপস্তায়
বলি-উপহারে পূজা দিলে দেবতারে
পরিতুষ্ট হন তাঁরা,
শাস্ত-চিত্তজনদের কি ফল বিচারে ?

অতএব যাও, মাতৃদের পূজা দিয়ে এসো ।

বিদু।—না হে না, আমি যাচ্ছিনে । আর কেউ
গিয়ে পূজা দিয়ে আসুক । আমার মত ব্রাহ্মণের সকলি
বিপরীত ফল ফলে ।—আশির ভিতরকার ছায়ার মত
বাম দিকে দক্ষিণ হয়ে যায়, দক্ষিণ দিক বাম হয়ে
যায় । তা ছাড়া, এই সন্ধ্যার সময় রাজপথে বেড়া,
পুর্ন্ত, লম্পট, নীচজাতীয় দাস, রাজার প্রিয়-পাত্র
এরা সব বেড়িয়ে বেড়ায় । তাই বলছি, মধুক-লুক
কালসর্পের মুখে মৃষিক পড়লে ঘেরূপ হয়, এদের হাতে
পড়ে' আমার সেইরূপ প্রাণটা যাবে । আচ্ছা,
তুমি এখানে বসে' কি করবে বল দিকি ?—তুমিই
যাও না ।

চারু।—আচ্ছা, একটু দাঁড়াও, আমার জপটা
শেষ করি ।

নেপথ্যে।—দাঁড়াও গো বসন্তসেনা, দাঁড়াও ।

দৃশ্য—রাজপথ

(অগ্রে বসন্তসেনা, তৎপশ্চাৎ পণ্ডিত-পারিষদ
“বিট,” রাজশালক “শকার” ও নীচ-
জাতীয় দাসগণের প্রবেশ)

বিট।—বসন্তসেনা, একটু দাঁড়াও গো দাঁড়াও ।
বল দেখি কেন ভয়ে, তাজিয়ে মুহল গতি
নৃত্যের বিধানে যেন দ্রুতভাবে ফেলিছ চরণ,
উষ্ণ-চঞ্চল-দৃষ্টে করিয়া কটাক্ষপাত
ব্যাধ-ধূতা সচকিতা মৃগী সম করিছ গমন ।
শকার।—দাঁড়াও গো বসন্তসেনা, একটু দাঁড়াও ।
কোথা যাও কোথা যাও
পালাও কোথায় বালা স্থলিত চরণে ?

ভয় নাই ভয় নাই

মাথা খাও, মাথা খাও, দাঁড়াও ললনে !

কামের দহনে দহে হৃদি অসংয়

অঙ্গার-রাশির মাঝে মাংস-খণ্ড-প্রায় ॥

একজন দাস।—ঠাকরণ, একটু দাঁড়াও গো দাঁড়াও।

ওগো দিদি ভয়ে কোথা করিছ গমন

গ্রীষ্ম-ময়ূবী মত ধরিয়া প্যাথম ?

যাচ্ছেন মোদের প্রভু দেখ তোমা কাছে

কুকুট-শাবক যেন অরণ্যের মাঝে।

বিট।—ওগো বসন্তসেনা, বলি একটু দাঁড়াও।

কোথা যাও সুন্দরি লো !

বাল-কদলীর সম বিকম্পিত কায়,

রক্তাশ্র পরিধান,

বিলোল অঞ্চল কিবা পবনে ছলায়।

যাইতেছ কমল-মুকুল যেন করি' বিকিরণ

অঙ্গ দিয়া মনঃশিলা-গুহা যেন করি' বিদীরণ ॥

শকার।—দাঁড়াও বসন্তসেনা, একটু দাঁড়াও।

মদন-আগুন কেন আলাও স্বিগুণ ?

নিশি-শয্যা কেন কর কণ্টক-দারুণ ?

ভয়-ভীতা হয়ে কোথা

যাইতেছ পলাইয়া স্থলিত চরণে,

কুন্তী যথা রাবণের

—আমার হইবে বশ তুমি গো ললনে।

বিট।—আমা চেয়ে দ্রুতপদে চলেছ কোথায় ?

খগেন্দ্রের ভয়ে ভীতা ভুঞ্জিনী-প্রায় ?

বায়ুরে করিতে পারি বেগে অতিক্রম

কিস্ত নিগ্রহিতে তোমা নাহি মোর মন।

শকার।—ও পণ্ডিত ! ও পণ্ডিত !

তন্দুর-প্রেয়সী, নৃত্য-বিলাসিনী, মৎস্তের লোলুপ,

সর্কনানী, কুশনানী, অবশিকা কামের সিন্দুক,

বেশ-বধু, বেশাঙ্গন, বেশবতা, দশ নামে ডাকি,

তবুও তো চাহে না মোরে বেশা-বেটি

কেন বল দেখি ?

বিট।—চলেছ কোথায় ওগো ভয়েতে বিহ্বল,

গণ্ড-পার্শ্ব ঘরষিয়া ছলিছে কুণ্ডল !

নখাহত বীণা সম বিকম্পিত-কায়,

জলদ-গর্জন-ভীতা সারসীর প্রায়।

শকার।—

বিবিধ ভূষণ অঙ্গে

বাজিতেছে বন্ বন্ বন্

রাম-ভয়ে কৃষ্ণা যেন

করিতেছ কেন পলায়ন ?

এখনি হরিব তোমা

হরিলা গো সবলে যেমনি

হুম্মান স্তভজায়

—সেই বিশ্বাবসুর ভগিনী।

দাস।— রাজার বসন্তে ভজো,

মৎস্ত মাংস খাইবে প্রচুর,

তাজা মৎস্ত মাংস পেলে

মৃত দেহ না খায় কুকুর।

বিট।—ওগো বসন্তসেনা !

কটকটে নিবেশিয়া

তারা-সম সমুজ্জল চারু চন্দ্র-হার

মনঃশিলা-চূর্ণ-পেপ

মাথিয়া মুখের পরে করিয়া বাহার,

সভয়ে বিশ্বয়-ভরে অতি দ্রুত-পায়

নগর-দেবতা সম চলেছ কোথায় ?

শকার —

বনে যথা কুকুরেরা

মহাবেগে তাড়া করে শৃগাল-পশ্চাতে

মোদের আক্রমণে তুমি

পালাইছ, মন-প্রাণ কাড়ি লয়ে সাথে।

বস।—ও পল্লবক, পল্লবক !—ওলো পরভৃতিকে,

পরভৃতিকে !

শকার।—(সভয়ে) ও পণ্ডিত ! এখানে লোক-জন আছে দেখচি।

বিট।—ভয় নাই, ভয় নাই।

বস।—মাধবিকে ! মাধবিকে !

বিট।—(হাসিয়া) দূর মুখ !—ও যে পারচারি-কাদের ডাক্চে।

শকার।—কি বল্চ পণ্ডিত ?—স্ত্রীলোকদের ডাক্চে ?

বিট।—হাঁ।

শকার।—স্ত্রীলোক একশজন আসুক না—এখনি আমি তাদের মেরে তাড়িয়ে দেব।—তারা জানে না, আমি কত বড় বীর।

বস।—(শূণ্যপানে তাকাইয়া) কি সর্কনানী—আমার লোকজনেরাও যে পিছিয়ে পড়েছে—আচ্ছা, আমি তবে আপনাকেই আপনি রক্ষা করব।

বিট।—ডাকো ডাকো, তোমার লোকজনদের ডাকো।

শকার।—বসন্তসেনা, ডাকো ডাকো—তোমার পল্লবকে ডাকো, তোমার পরভৃতিকাকে ডাকো—সমস্ত বসন্ত ঋতুকে ডাকো না কেন—আমি তোমাকে ভাড়া করে' ধরুবই ধরুব, দেখি কে তোমাকে রক্ষা করে।

কোথায় ভীমসেন—জমদগ্নি-পুত্র ?
কুস্তীর নন্দন কোথা—দশানন কুত্র ?
ডাকো না গো যত আছে তব বীর-কুল,
দুঃশাসন সম দেখ ধরি তব চুল।

এই দেখ—

সুতীক্ষ্ম অসির ঘায়ে দেখিবি এখনি
কাটিব রে মুণ্ড তোর করিয়া ছথানি।
কি আর হইবে বল করে' পলায়ন
মুমূর্ষু যে জন তার নিশ্চয় মরণ।

বস।—মহাশয় —আমি অবলা রমণী।

বিট।—তাই তোমার রক্ষে।

শকার।—তাই আজ বেঁচে গেলে।

বস।—(স্বগত) ওর আশ্বাস-বাক্যেতেও ভয় হয়। বা হবার, তা হবে। (প্রকাশে) মহাশয়, আপনি কি আমার অলঙ্কারগুলি চান ?

বিট।—ছি ছি—সে কি কথা ? উদ্যান-লতা হতে কি ফুল কেউ ছিঁড়তে পারে ? তা, তোমার ও অলঙ্কারে আমাদের কি প্রয়োজন ?

বস।—তবে এখন কি চান ?

শকার।—আমি দেবপুরুষ, আমি মনুষ্য বাসুদেব, আমি তোমার ভালবাসা চাই।

বস।—(সক্রোধে) থামুন, আর না।

শকার।—(হাতে তালি দিয়া হাসিয়া) “থামুন, আর না”—হা হা হা—ও পণ্ডিত, ও পণ্ডিত, দেখ—আমার উপর মমতা করে' কি বল্চে শোনো—বল্চে “থামো, আর না, এখানে এসো, কত শ্রান্ত হয়েছ, কত ক্লান্ত হয়েছ”—বলি ও ঠাকরণ, তোমার দিবি, আমি গ্রামান্তরেও বাই নি, নগরান্তরেও বাইনি, তোমার পিছনে পিছনে ছুটেই আমি শ্রান্ত-ক্লান্ত হয়েছি।

বিট।—(স্বগত) আশ্চর্য্য ! ও শুধু বলেছে “থামো—আর না”—আর ও-থেকে মুর্থ বনে করেছে

—ওকে বলেছে “তুমি শ্রান্ত হয়েছ—ক্লান্ত হয়েছ”—কত কি। (প্রকাশে) দেখ বসন্তসেনা, তুমি বা বলে, ও যে বেষ্ঠাগয়ের বিরুদ্ধ কথা হল।

ভেবে দেখ, যুবার আশ্রয়-স্থান বেষ্ঠার আশ্রয়,
গণিকা সে মার্গ-জাতা লতা ইহা জানিবে নিশ্চয়।
ধন-ক্রেয় পণ্যসম দেহ তব করিছ ধারণ,
প্রিয় কি অপ্রিয় হই সমভাবে করিবে সেবন।

অপিচ :— দৌর্ধিকায় করে স্নান

বিজ্ঞ, দ্বিজ, মুর্থ নরাধম।

বিকসিত লতাপরে

শিখী কাক ছয়েরি আসন ॥

ব্রহ্ম, ক্ষত্র, বৈশ্য, শূদ্র

তরীতে না পার হয় কে বা ?

বাপী লতা তরী-সম

বেষ্ঠা তুমি, সবে কর সেবা ॥

বস।—গুণই অনুরাগের কারণ, বলপ্রয়োগে অনুরাগ জন্মে না।

শকার।—ও পণ্ডিত, দেখ ! এই গর্ভদাসীটা যে অবধি কামদেবের মন্দির-উদ্যানে সেই দরিদ্র চারুদত্তকে দেখেছে, সেই অবধি তার প্রতি অনুরক্ত। চারুদত্তের গৃহও খুব নিকটে। দেখো পণ্ডিত, যেন আমাদের হাত-ছাড়া না হয়।

বিট।—(স্বগত) যে কথা চেপে যাওয়া দরকার, সেই কথাই মুর্থ টেঁচিয়ে বল্চে।—চারুদত্তের গৃহ নিকটে, বসন্তসেনাকে জানিয়ে দিলে। বসন্তসেনা চারুদত্ত মহাশয়ের প্রতি অনুরক্তা, কথাটা ঠিকই বলেছে—রত্ন রত্নের সঙ্গেই মেশে। তা বসন্তসেনা, এই বেলা যাও—তা হলে মুর্থটার হাত থেকে নিষ্কৃতি পাবে। (প্রকাশে)—দেখ শকার, নিকটেই সেই বণিকের গৃহ।

শকার।—হাঁ, নিকটেই তার গৃহ।

বস।—(স্বগত) আশ্চর্য্য ! সত্যই তো নিকটে তাঁর গৃহ ! এই ছুট লোকটা মন্দ করতে গিয়েও আমার উপকার করলে—আমার প্রিয়জনের সঙ্গে মিলন ঘটিয়ে দিলে।

শকার।—দেখ পণ্ডিত, মাষকলাইয়ের রাশির মধ্যে যেমন একটা মসীর গুটলি মিশে যায়, সেই রকম এই অন্ধকারের মধ্যে বসন্তসেনা কোথায় মিশিয়ে গেল।

বিট।—কি ঘোর অন্ধকার !

বিশাল নয়ন মোর

সহসা তিমিরে পশি, দৃষ্টি-বিরহিত ।

এই অন্ধকার-মাঝে

উন্মীলিত নেত্রদ্বয় যেন নিমীলিত ॥

অপিচ—অন্ধকারে অঙ্গ লিপ্ত,

অঙ্গন বরিষে নভস্তল ।

অসাধুর সেবা সম

দৃষ্টি মোর এবে গো নিঃফল ॥

শকার।—দেখ পণ্ডিত, আমি বসন্তসেনাকে এক-
বার খুঁজে দেখি ।

বিট।—ওগো শকার!—কোন কিছু চিহ্ন কি
লক্ষ্য হচ্ছে ?

শকার।—কি চিহ্ন পণ্ডিত ?

বিট।—এই যেমন ভূষণের শব্দ, অঙ্গের সোরভ,
কি মালার গন্ধ ?

শকার।—হাঁ হাঁ—আমি মালার গন্ধ স্পষ্ট শুনতে
পাচ্ছি—অন্ধকারে আমার নাক একেবারে ভরে
গেছে—কিন্তু তৈক, ভূষণের শব্দ তো দেখতে পাচ্ছি
নে ।

বিট।—(জনাস্তিকে) দেখ বসন্তসেনা !

প্রদোষ-তিমির-মাঝে তোমারে না দেখা যায়,
জলদ-উদরে লীনা তুমি সৌদামিনী-প্রায় ।

তোমারে জানায়ে দেয় মালোর সোরভ তব,
আর তব চরণের মুখর নুপুর-রব ।

শুনলে বসন্তসেনা ?

বস।—(স্বগত) শুনেছি—বুঝেওছি । (নুপুর
ও মাল্য অপসারিত করিয়া, কিঞ্চিৎ পরিষ্করণ
পূর্বক—হস্তের দ্বারা স্পর্শ করিয়া) ও মা ! এই যে,
দেয়ালে হাত বুলিয়ে জানতে পার্ছি, এইট খিড়কির
দরজা—কিন্তু এ যে বন্ধ ।

দৃশ্য—চারুদত্তের গৃহের অভ্যন্তর

চারুদত্ত।—সখা, আমার জপ শেষ হয়েছে ।
এখন তবে যাও, মাতৃগণের বলি উপহার দিয়ে
এসো ।

বিদু।—না হে না, আমি বাব না ।

চারু।—হায়, কি কষ্ট !

দারিদ্র্যে বান্ধব-জন

দরিদ্রের বাক্য নাহি করে গো গ্রহণ,

শুদ্ধ বিমুখ হয়,

বিপদ বিপুল ভাব করয়ে ধারণ,

প্রাণ-বল হয় হ্রাস

চরিত্র-শশাঙ্ক-কান্তি হয় পরিমান,

অপরে করে যে পাপ

দরিদ্রের কৃত বলি' হয় অনুমান ।

অপিচ :—সংসর্গ করে না কেহ দরিদ্রের সনে,
নাহি করে সম্ভাষণ সাদর বচনে ।

ধনীর উৎসব-গৃহে

লোকে সবে দেখে তারে অবজ্ঞার সাথে,

স্বল্প পরিচ্ছদ বলি'

বড় লোক হতে রহে লজ্জায় তফাতে ।

তাই বলি নিধনতা অতীব জঘন্য,

মহাপাতকের মধ্যে ষষ্ঠ বলি' গণ্য ।

অপিচ :—হে দারিদ্র্য ! তব তরে

সকাতরে শোক আমি করি গো প্রকাশ ;

পরম শূন্য ভাবি'

এতদিন মোর দেহে করিলে নিবাস,

এই হতভাগ্য দেহ যখন করিব বিসর্জন

—এই চিন্তা হয় মোর—তুমি যাবে

কোথায় তখন ?

বিদু।—(অপ্রতিভ হইয়া) আচ্ছা সখা, যদি
আমার যেতেই হয়, তবে রদনিকাও আমার সহায়
হয়ে আমার সঙ্গে চলুক ।

চারু।—রদনিকে ! তুমি মৈত্রেয়ের সঙ্গে
যাও ।

দাসী।—যে আজ্ঞা ।

বিদু।—দেখ রদনিকে, এই বলি-দ্রব্য ও প্রদীপ
তুমি ধর, আমি খিড়কির দরজাটা খুলি।—
(তথা করণ)

(গৃহের বাহিরে)

বস।—না জানি কে অনুগ্রহ করে' খিড়কির
দরজাটা খুলে দিলে—এইবার তবে প্রবেশ করি ।
এ কি ! একটা প্রদীপ যে ! (বস্ত্রাঞ্চলে নির্দীপ
করিয়া প্রবেশ)

(গৃহের অভ্যন্তরে)

চারু।—মৈত্রেয়! এ কি হল?

বিদু।—খিড়কির দরজাটা খুলে যাওয়ায় একটা দমকা হাওয়া এসে প্রদীপটা নিবে গেল। তুমি খিড়কির দরজা দিয়ে বেরিয়ে যাও। আমি ভিতর-বাড়ী থেকে প্রদীপটা জ্বলে নিয়ে আসছি।

[প্রস্থান।]

(গৃহের বাহিরে)

শকার।—দেখ পণ্ডিত, আমি বসন্তসেনাকে একবার খুঁজে দেখি।

বিট।—খোঁজো—খোঁজো।

শকার।—(তথা করণ) পণ্ডিত! আমি ধরেচি—ধরেচি।

বিট।—আরে মুর্থ—এ যে আমি।

শকার।—পণ্ডিত, তুমি তবে একটু এখান থেকে সরে' দাঁড়াও। (অশ্বেষণ করিতে করিতে দাসকে ধরিয়।) ও পণ্ডিত! ধরেচি, ধরেচি!

দাস।—মশাই, আমি দাস।

শকার।—এই দিকে যাও পণ্ডিত—দাস এই দিকে যাও—ও পণ্ডিত—ও দাস—ও দাস—ও পণ্ডিত—তোমরা পাশে সরে' যাও। (পুনর্বার অশ্বেষণ করিতে করিতে রদনিকার কেশ ধরিয়।) দেখ পণ্ডিত, এইবার বসন্তসেনাকে ধরেছি, ধরেচি।

অন্ধকারে পালাচ্ছিলে

মালার গন্ধে জানানু দিলে

ধরনু কেশ—যাবে কোথা?

চাণক্য দ্রোপদী যথা।

বিট।—যৌবনের দর্পভরে কুলপুত্র-জন-পিছে

সদা তুমি করহ গমন,

স্বসেব্য সূচারু কেশ কুসুম-ভূষিত তব

কে দেখ গো করে আকর্ষণ।

শকার।—ধরিয়।ছি এই দেখ ও-চুলের মুঠি

দেখিব কেমনে এবে পালাও গো ছুটি।

গলা ছাড়ি যত পার চ্যাচাও চ্যাচাও,

বল শিব, শঙ্কর, ঈশ্বর—যা চাও।

রদ।—(সভয়ে) মশায়রা করেন কি?

বিট।—ওগো শকার! এ যে আর একজনের কণ্ঠস্বর।

শকার।—দেখ পণ্ডিত, দই-সরের লোভে বেড়াল যেমন গলার স্বর বদলায়, এ বেটিও তেমনি আপনার গলার স্বর বদলেছে।

বিট।—কি! স্বর পরিবর্তন করেছে? কি আশ্চর্য্য! কিম্বা এতে বিচিত্রই বা কি!

পশি' রঙ্গভূমে ও যে

নানাবিধ নাট্য-কলা করেছে অভ্যাস।

বঞ্চনা-পণ্ডিত তাই

স্বরের নৈপুণ্য এবে করিছে প্রকাশ ॥

(বিদুষকের প্রবেশ)

বিদু।—হি! হি! হি! ওহে! পশুবধের স্থানে ছাগলকে নিয়ে এলে যেমন তার প্রাণটা ধড়-কড়-কস্মতে থাকে, এই প্রদীপটাও সেই রকম সঙ্ঘ্যার বাতাসে ফুরু-ফুরু কস্মে। (অগ্রসর হইয়া রদনিকাকে দেখিয়া) ওগো রদনিকে!

শকার।—ও পণ্ডিত! মানুষ, মানুষ।

বিদু।—(শকারকে দেখিয়া) ওটা ঠিক নয়—এটা উচিত নয় যে, এখন চারুদত্ত গরিব হয়ে গেছে বলে' একজন পরপুরুষ তার গৃহে এসে ঢুকবে।

রদ।—মৈত্রেয়-মশায়! দেখুন, আমাকে এরা কি অপমানটাই করুচে।

বিদু।—তোমার অপমান—না, আমাদের অপমান?

রদ।—হাঁ, এতে আপনাদেরই অপমান।

বিদু।—কি?—বলপ্রয়োগ নাকি?

রদ।—হাঁ, মশায়।

বিদু।—সত্যি?

রদ।—সত্যি বল্চি।

বিদু।—(সক্রোধে লাঠি উঠাইয়া) তা কিছুতেই হবে না। ওহে দেখ, নিজ গৃহে কুকুরটাও রুখে ওঠে, তা আমি তো ব্রাহ্মণ; তা, এই আমার শুকন বাশের বাঁকা লাঠি দিয়ে তোর মাথাটা ভেঙ্গে গুঁড়ো করে' দি আস।

বিট।—ওগো মহাব্রাহ্মণ, মেরো না, মেরো না, ফাস্ত হও।

বিদু।—(বিটকে দেখিয়া) না, এ কোন অপরাধ করেনি—ঐ লোকটাই অপরাধী। ওরে ব্যাটা রাজার শালা!—সংস্থানক!—জর্জন!—হম'রুয়া! এই কি তোর উচিত কাজ? যদিও চারুদত্ত মহাশয়

এখন দরিদ্র হয়েছেন, তবু কি তাঁর গুণে সমস্ত উজ্জ-
য়িনী অলঙ্কৃত নয়? তবে কি সাহসে তুই তাঁর
গৃহে প্রবেশ করে' তাঁর পরিজনদের এই রকম অপমান
করিস?

ছরবস্থা হলে' কারো নাহি অপমান,
দৈবও না করে তার দণ্ডের বিধান।
চারিত্র্য-বিহীন হয়ে যদি হয় ধনী,
তাহারি প্রকৃতপক্ষে ছরবস্থা গণি।

বিট।—(অপ্রভিত হইয়া) মহাত্মা, ক্ষমা
করুন, ক্ষমা করুন। আর একজনকে মনে করে'
ভুলক্রমে আমরা এই কাজটা করেছি—

খুঁজিতেছিলাম মোরা

কামাতুরা নারী একজন—

বিট।—কি! এই স্ত্রীলোকটিকে খুঁজিলে?

বিট।—না না, ছি ছি—উহারে না

—কোন এক স্বাধীন-যৌবনা।

পলাল কোথায় সে গো

তারি ভ্রমে এই বিড়ম্বনা ॥

মশায় আমাদের ক্ষমা করুন—আমাদের সর্বস্ব
গ্রহণ করুন। (খজা ফেলিয়া দিয়া কুতাজলি হইয়া
পদতলে পতন)

বিট।—তুমি দেখি ভাল লোক—ওঠো ওঠো।
তোমাকে না জেনে তিরস্কার করেছিলাম। এখন
জানতে পেরেছি, আমাকে ক্ষমা করবে।

বিট।—আমিই আপনার নিকট অপরাধী—
আমিই আপনার ক্ষমার যোগ্য।—একটা যদি কথা
দেন, তা হলে আমি উঠি।

বিট। কি কথা, বল।

বিট।—এই রত্নস্তুটা যদি চারুদত্ত মহাশয়কে
না বলেন।

বিট।—আচ্ছা, আমি বলব না।

বিট।—প্রণয়-বচন তব

শির-পরে ওহে বিপ্র করিলাম ধৃত,

সশস্ত্র যদিও মোরা

তব গুণ-অঙ্গে মোরা হইলু বিজিত।

শকার।—(অহুয়া-সহকারে) কেন বল দিকি
পণ্ডিত, কুতাজলি হয়ে এই ভূট বাওনটার পায়ে পড়ে'
আছ?

বিট।—আমি বড় ভীত হয়েছি।

শকার।—কার কাছে ভীত?

বিট।—সেই চারুদত্তের গুণের কাছে।

শকার।—যার ঘরে গিয়ে কেউ এক মুঠো অন্ন
পায় না, তার আবার গুণ কিসের?

বিট।—না না—ও কথা বলো না।

আমাবিধ জনে তার

ধনক্ষয় করিল গো প্রণয়ের দানে;

ধন যাচি' তার কাছে

কেহ নাহি ফিরিল গো বিষয়-পরাণে।

নিদাঘকালেতে ছিল পূর্ণ জলাশয়

—লোকতৃষ্ণা নিবারিয়া এবে শুষ্ক প্রায়।

শকার।—(অসহিষ্ণু হইয়া) সে ব্যাটার-ছেলে
কে হে?

পাণ্ডব না শ্বেতকেতু কোন্ মহাবীর?

রাধাপুত্র রাবণ সে—না সে যুধিষ্ঠির?

কুন্তীর গরভে আর রামের গুণে

জনমিল কি সে বীর?—অস্থখামা কি সে?

অটায়ু—না, ইন্দ্র-দত্ত—বল দেখি কেটা?

কার গুণ গাইতেছ?—কে হে সেই বেটা?

বিট।—আরে মূর্খ! যার কথা বলচি, তিনি
মহাত্মা চারুদত্ত।

দীনজন-কল্পতরু,

নিজ-গুণ-ফল-ভারে অবনত বিনীত-অস্তর;

সাধুর আশ্রয় তিনি,

শিক্ষিত-জন-আদর্শ, সুচরিত-নিকব-প্রস্তর।

শীল-সিদ্ধ-বেলা তিনি,

সদাচারী, না করেন কারো অপমান,
পুরুষ গুণের নিধি,

দাক্ষিণ্যেতে বিভূষিত উদার-পরাণ।

গুণাধিক্যে হয়ে শ্লাঘ্য

আছেন এ ধরাধামে তিনি গো জীবিত,
অপরে জীবিত শুধু

(P. 21) নিঃখাস-প্রখাস মাত্র করি' উজ্জ্বলিত।

এসো এখন, এখান থেকে যাওয়া যাক।

শকার।—বসন্তসেনাকে না নিয়ে আমি—

বিট।—বসন্তসেনা পাগিয়েছে।

শকার।—পালান কি করে'?

বিট।— অন্ধজন-দৃষ্টি,
আতুরের পুষ্টি,
মূর্খজন-বুদ্ধি,
অলসের সিদ্ধি,
স্বল্প-স্মৃতি ব্যসনীর বিষ্ণার অর্জন,
নিজ-শত্রুজন-পরে প্রণয় যেমন,
তোমাতে তাহাতে দেখি তেমতি মিলন ;
তোমা হেরি' তাই সে গো করে পলায়ন ।

শকার।—বসন্তসেনাকে না নিয়ে আমি যাব না ।
বিট।—এ কথাটি কি তুমি কখন শোনোনি ?—
স্তম্ভে বাঁধা যায় হাতী, বলুগা-রজ্জু দিয়া হয়
অখের বন্ধন,
হৃদে বাঁধা যায় নারী, তা যদি না পার তবে
করহ গমন ।

শকার।—যদি যেতে হয় তুমিই যাও—আমি
যাচ্চিনে ।

বিট।—আচ্ছা, আমি তবে চল্লম ।

[প্রস্থান ।

শকার।—পণ্ডিতটা যে চলে' গেল ।

(বিদূষকের প্রতি)

কাক-পদ-টিকি-ওয়াল ওরে বিটলে বাওন !
একটু বোস্—একটু বোস্ ।

বিদূষক।—আমাদের তো বসিয়েই দিয়েছে—
আর বস্ব কি ?

শকার।—কে বসিয়ে দিলে ?

বিদূষক।—দৈব, আবার কে ?

শকার।—তবে ওঠ ।

বিদূ।—উঠ ব এক সময়ে ।

শকার।—কখন ?

বিদূ।—যখন দৈব আবার অহুকুল হবেন ।

শকার।—তবে এখন বসে' বসে' কাঁদ ।

বিদূ।—কাঁদিয়েই তো রেখেছে—আর কাঁদব
কি ?

শকার।—কাঁদালে কে ?

বিদূষক।—দারিদ্র্য—আবার কে ?

শকার।—তবে হাস ।

বিদূষক।—হাস্ব এক সময়ে ।

শকার।—কখন ?

বিদূ।—আবার যখন চারুদত্ত-মহাশয়ের ধন-
ঐর্ষ্য হবে ।

শকার।—ওরে হুঁষ্ট বটু, আমার নাম করে,
দরিদ্র চারুদত্তকে তবে এই কথা বলিস্—“নব
নাটকের সূত্রধারের মত, স্বর্ণ-কাঞ্চনে ভূষিতা বসন্ত-
সেনা নামে একজন বেশা কামদেবের মন্দির-উদ্যানে
তোমাকে দেখে অবধি তোমার প্রতি অহুরক্তা—
আমরা তার প্রতি বল-প্রয়োগ করায়, তোমার ঘরে
সে প্রবেশ করেছে ; তা এখন যদি তুমি আপনা
হতে—বিচারালয়ের বিনা-নালিশে—তাকে আমার
হাতে সমর্পণ কর, তা হলে তোমার সঙ্গে আমার
প্রীতি-সম্বাব থাকবে—নচেৎ আমার তোমার সঙ্গে
আমার শত্রুতা হবে । ভেবে দেখ :—

যে কুয়াণ্ডের বৃন্ত গোময়ে লেপিত,
ওক শাক, ভাজা মাংস ঘৃতাদি-শোধিত,
যে ভাত হয়েছে সিদ্ধ হেমস্তের রাতে,
বেলা গতে তবু নাহি পুতি-গন্ধ তাতে” ।

এই কথাগুলি আমার হয়ে তুই শীঘ্র তাকে বল্ গে
বা ।—আমি ততক্ষণ আমাদের নূতন প্রাসাদের ছাদে
পায়রার টঙের উপর বসে' থাকি গে সেইখান থেকে
তোমার কথা আমি শুনতে চাই । আর যদি না বলিস্,
তা হলে কপাটের তলে ভাঙ্গা কদবেলের মত মাথাটা
তোমার মড় মড় করে' ভাঙ্গ্ব ।

বিদূ।—আচ্ছা, বলব ।

শকার।—(চুপি চুপি) হ্যাঁ রে দাস ! পণ্ডিত
কি সত্যি চলে' গেছে ?

দাস।—হ্যাঁ, গেছে ।

শকার।—তবে আয়, আমরাও যাই ।

দাস।—প্রভু, এই অসিটা নিন্ ।

শকার।—ওটা তোমার হাতেই থাক্ ।

দাস।—প্রভু, এই নিন্—আপনার অসি ।

শকার।—(উণ্টো দিকে ধরিয়)

নিষ্ক মূল্যের বর্ণ

অসিটিরে কাঁধে রাখি',

সাবধানে কোষমধ্যে পুরি'

চলিয়াছি গৃহ পানে

শৃগালের মত,

পিছে গরজিছে কুকুর-কুকুরী ।

[পরিক্রমণ করিয়া প্রস্থান ।

বিদু।—দেখ রদনিকে! তোমার এই অপ-
মানের কথা চরুদত্তের কাছে বোলো না—একে
তো তিনি দারিদ্র্য-কষ্ট ভোগ কবচেন, এ কথা শুনে
তার বিগ্ণ কষ্ট হবে।

রদ।—মৈত্রের মশায়, আপনি এ বেশ জানবেন,
রদনিকার মুখ আলুগা নয়।

বিদু।—তা জানি।

(গৃহের অভ্যন্তর)

চারু।—(বসন্তসেনার প্রতি) রদনিকে! এই
সন্ধ্যার বাতাসে রোহসেনের ঠাণ্ডা লাগবে, ওকে
ঘরের ভিতরে নিয়ে এসো—আর এই চাদরটা দিয়ে
ঢেকে আনো (চাদর প্রদান)

বস।—(স্বগত) আমাকে গুর দাসী বলে' মনে
করচেন দেখি (চাদর লইয়া আভ্রাণ ও সম্পূহভাবে
স্বগত) ও মা! চাদরটাতে জাতী-কুলের
গন্ধ যে! তবে দেখি, এখনও ঘোবনের সুখে গুর
ওদাস্ত হয় নি।

(অন্তরালে গমন)

চারু।—শোনো রদনিকে, রোহসেনকে নিয়ে
ভিতরে এসো।

বস।—(স্বগত) উনি জানেন না, এই হতভাগি-
নীই এখন ভিতরে আছে।

চারু।—কি রদনিকে!—উত্তর নেই?—ওঃ, কি
কষ্ট!

দৈব-বশে মানবের

ভাগ্য-ক্ষয় হয় গো বখন,

মিত্র সে অমিত্র হয়,

বিরক্ত সে অহুরক্ত জন।

(বিদূষক ও রদনিকার প্রবেশ)

বিদু।—ওহে! এই যে রদনিকা।

চারু।—

ও যদি গো রদনিকা—ও কে তবে পাশে?

—দুষ্টিতা হয়েছে পর-পুরুষের বাসে?

বস।—(স্বগত)

দুষ্টিতা নহে গো তারে ভূষিতাই জেনো।

চারু।—শারদ জলদে ঢাকা চন্দ্র-লেখা যেন।

কিন্তু না, পরস্ত্রী দর্শন করা উচিত নয়।

বিদু।—ওহে, পরস্ত্রী দর্শনের ভয় নাই। ইনি

বসন্তসেনা, কামদেবের মন্দির-উচ্চানে তোমাকে দেখে
অবধি ইনি তোমার প্রতি অহুরক্ত।

চারু। তাই তো, এ যে বসন্তসেনা! (স্বগত)

প্রচুর ঐশ্বর্য্য মোর যখন নিঃশেষ

তখন উদয় হৃদে প্রেমের আবেশ।

কাপুরুষ-ক্রোধ যথা গাত্রে হয় লয়,

তেমতি এ তৃষ্ণা মোর ক্রমে হবে ক্ষয়।

বিদু।—দেখ সখা, রাজার শালা তোমাকে এই
কথা বলতে বলেছে—

চারু।—কি?

বিদু।—“নব নাটকের স্বত্রধরের মত, স্বর্ণ-
কাঞ্চনে ভূষিতা, বসন্তসেনা নামে একজন বেশী
কামদেবের মন্দির-উচ্চানে তোমাকে দেখে অবধি
তোমার প্রতি অহুরক্ত। আমরা তাকে পাবার জন্ত
বলপ্রয়োগ করায় সে তোমার গৃহে প্রবেশ করেছে”।

বস।—(স্বগত) “তাকে পাবার জন্ত বল-
প্রয়োগ”?—এই কথাগুলিতে আমি আপনাকে
সম্মানিত বলে' মনে করি।

বিদু।—আরও এই কথা বলতে বলেছে—“এখন
যদি বিচারালয়ের বিনা নালিশে, আপনা হইতেই
আমার হাতে তাকে সমর্পণ কর, তা হলে তোমার
সঙ্গে আমার প্রীতি-সম্ভাব থাকবে—নচেৎ আমার
তোমার সঙ্গে আমার শত্রুতা হবে।”

চারু।—(অবজ্ঞার সহিত) সে নিতান্ত মূর্খ।
(স্বগত) আহা! এই যুবতীটি দেবতার মত
উপাস্ত। যখন রোহসেনকে গৃহাত্যন্তরে আনতে
বল্লম, সেই সময়ে—

অহুরক্ত্য হইয়াও

গৃহে মোর না করে প্রবেশ,

পাছে এ ছরবস্থার

পাই আমি আতিথ্যের ক্রেশ।

যদিও এমনি সে গো বলে বহু কথা,

পুরুষ-সমক্ষে নাহি করে প্রগল্ভতা।

(প্রকাশে) দেখ বসন্তসেনা, আমি তোমার না
চিনতে পেরে, আমার দাসী ভেবে তোমার প্রতি যে
আচরণ করেছি, তার জন্ত আমি অপরাধী, এখন নত-
মস্তকে তোমায় অহুনয় করছি, আমাকে মার্জনা
কর।

বস।—আমার মত অযোগ্য লোক যে আপনার গৃহে প্রবেশ করেছে, এতে আমি অপরাধী। আমিই নত-শিরে প্রণাম করে আপনার কৃপা প্রার্থনা করি।

বিদু।—ওগো তোমরা দুজনে ক্ষেতের ধানের মত পরস্পরে মাথা নোয়াহুয়ি কর—আমিও উষ্ট্র শিশুর হাঁটুর মত হয়ে তোমাদের দুজনেরই কাছে কৃপা প্রার্থনা করছি।

চারু।—হয়েছে, আর অনুনয়-বিনয়ে কাজ নেই।

বস।—(স্বগত) এ'র বাক্যালাপ কি পরিপাটি ও মধুর। কিন্তু আজ এখানে এরূপ ভাবে এসে বেশি-ক্ষণ থাকা উচিত নয়। আচ্ছা, এই রকম তবে বলি। (প্রকাশে) দেখুন, মহাশয়, যদি আমার প্রতি এতই অনুগ্রহ হয়ে থাকে, তা হলে আমি এই অলঙ্কার-গুলি আপনার গৃহে রেখে যেতে ইচ্ছা করি, এই অলঙ্কারগুলির জন্তই ঐ দুই লোকগুলি আমার পিছনে পিছনে আস্চে।

চারু।—এ গৃহ এখন অলঙ্কার রাখবার উপযুক্ত স্থান নয়।

বস।—ও কথা বলবেন না। লোকে যে জিনিস রাখে, সে মানুষের কাছেই রাখে—ঘরের কাছে নয়।

চারু।—মৈত্রেয়! এই অলঙ্কারগুলি রাখো।

বস।—অনুগ্রহীত হলেম। (অলঙ্কার অর্পণ)

বিদু।—(গ্রহণ করিয়া) তোমার কল্যাণ হোক।

চারু।—আরে মূর্খ! এ দান নয়—এ গচ্ছিত বস্তু।

বিদু।—(চুপি চুপি) আচ্ছা, তা যদি হয়, তবে চোরে নিয়ে যাক না।

চারু।—কিছু দিনের জন্ত এখানে থাকবে।

বিদু।—এখন তো উনি আমাদের হাতেই এগুলি দিলেন।

চারু।—আবার ফিরিয়ে দিতে হবে।

বস।—মশায়! আমার ইচ্ছে, ইনি আমার সঙ্গে গিয়ে আমার বাড়ী পর্য্যন্ত পৌঁছে দেন।

চারু।—মৈত্রেয়! ঔর সঙ্গে যাও।

বিদু।—তুমিই এই কল-হংস-গামিনীর সঙ্গে রাজহংসের মত যাও না কেন—এ তোমাকেই শোভা পায়। আমি গরীব ব্রাহ্মণ, রাস্তার চৌমাথায় গেলে লোকগুলি কুকুরের মত আমাকে খেতে আস্বে—আমি তা হ'লে মারা যাব।

চারু।—আচ্ছা, আমি তবে নিজেই ঔর সঙ্গে যাচ্ছি। দেখ, রাজপথে যাবার উপযুক্ত মশালগুলি আলাও দিকি।

বিদু।—ও বর্দ্ধমানক! মশালগুলি আলাও তো হে।

দাস।—(জনাস্তিকে) আরে, বিনা-তেলে কখন মশাল জ্বালানো যায়?

বিদু।—(জনাস্তিকে) ওহে দেখ, আমাদের এই মশালগুলি, অপমানিত দরিদ্র নারকের বেষ্ঠার মত এখন তৈল-শূন্য ও স্নেহ-শূন্য!

চারু।—মৈত্রেয়!—মশালে আর কাজ নেই।

উদ্বিগ্ন শশাঙ্ক এবে
—রাজমার্গ-দীপ—সাথে লয়ে গ্রহগণ,
বিরহে বিধুরা অতি
কামিনীর গণ্ড সম পাণ্ডুর বরণ।
তমো-মাঝে এই রশ্মি কিবা স্তম্ভ-পারা,
শুক পঙ্কোপরি ঘেন পড়ে ক্ষীরধারা।

(অনুরাগ-সহকারে) ওগো বসন্তসেনা—এই তোমার গৃহ—এখন প্রবেশ কর।

[বসন্তসেনা অনুরাগ দৃষ্টিভরে অবলোকন করিয়া
প্রস্থান।

চারু।—সখা! বসন্তসেনা গেলেন—এখন এসো, আমরাও গৃহে ফিরে যাই।

রাজপথ শূন্য হেরি'
রক্ষিগণ চারি দিকে
ইতস্তত করে বিচরণ,

এড়াইতে হবে এবে
চৌর্য্য প্রতারণা, রাত্রি
বহু দোষ করে গো পোষণ।

(পরিক্রমণ করিয়া) এই স্বর্ণ-অলঙ্কারগুলি আজ রাত্রে তোমার কাছে রেখে দাও, কাল দিনের বেলা বর্দ্ধমানকের হাতে দিও।

বিদু।—যে আজ্ঞা।

[উভয়ের প্রস্থান।
ইতি অলঙ্কারহাস নামক প্রথম অঙ্ক।

দ্বিতীয় অঙ্ক

দৃশ্য—বসন্তসেনার গৃহ

(প্রধানা দাসীর প্রবেশ)

প্র-দাসী।—মা একটা কথা বলতে ঠাকুরণের কাছে আমাকে পাঠিয়েছেন। (পরিক্রমণ ও অবলোকন করিয়া) এই যে ঠাকুরণ,—মনে মনে কি ভাবচেন। এইবার তবে এগিয়ে যাই।

মদনিকার সহিত বসন্তসেনা আসীনা।

বস।—ওলো, তার পর, তার পর ?

মদ।—ঠাকুরণ, কিছু বলচ কি?—“তার পর তার পর” কেন বলচ ?

বস।—কি আমি বলেছি ?

মদ। বলছিলে “তার পর—তার পর”।

বস।—(সজ্জফেপে) হাঁ, তাই বটে।

(প্রধানা দাসী অগ্রসর হইয়া)

প্র-দাসী।—ঠাকুরণ, মা আজ্ঞা করলেন—স্নান করে’ দেবতাদের যেন পূজা করা হয়।

বস।—ওলো! মাকে বল, আমি আজ স্নান করব না। আর, আমার হয়ে বাওন-ঠাকুরই যেন আজ পূজা করেন।

প্র-দাসী।—যে আজ্ঞে।

মদ।—ঠাকুরণ, ভালবাসি বলেই একটা কথা জিজ্ঞাসা করচি—তোমার আজ এরূপ ভাব কেন বল দিকি ?

বস।—মদনিকা, আমাকে তুই কি রকম দেখচিস্ ?

মদ।—ঠাকুরণকে আজ ভারি আন-মনা দেখচি—যেন ঠাকুরণের প্রাণের ভিতর কেউ আছে—আর তাকেই পাবার জন্ত প্রাণটা অস্থির হয়েছে।

বস।—তুই ঠিক বুঝিচিস্। মদনিকা, তুই পরের হৃদয় বুঝতে খুব পণ্ডিত।

মদ।—এ তো খুব সুখের কথা। তা বল দিকি ঠাকুরণ, কোন্ যুবাযুগকে অনুগ্রহ করে’ তোমার যৌবন-উৎসবে নিমন্ত্রণ করেছ?—কোন রাজা না রাজবল্লভ, কার সেবা করবে বল দিকি ?

বস।—ওলো! আমি ভালবাসতে চাই, সেবা করতে চাই নে।

মদ।—কোনও বিদ্যালঙ্কার ব্রাহ্মণ-যুবাকে কি তোমার মনে ধরেছে ?

বস।—ব্রাহ্মণ আমার পূজনীয়।

মদ।—অনেক অনেক নগরে গিয়ে যার ধন-ঐশ্বর্য্য খুব বেড়ে গেছে, এমন কোন বণিক-যুবাকে কি মনে ধরেছে ?

বস।—ওলো! খুব ভালবাসা হলেও বণিক-যুবা প্রণয়িনীকে পরিত্যাগ করে’ দেশান্তরে চলে’ যায় বলে’, সময়ে সময়ে ভয়ানক বিচ্ছেদ-কষ্ট ভোগ করতে হয়।

মদ।—ঠাকুরণ! রাজা নয়—রাজবল্লভ নয়—ব্রাহ্মণ নয়—বণিকও নয়—তবে না জানি ঠাকুরণের কাকে মনে ধরেছে।

বস।—ওলো! তুই আমার সঙ্গে কামদেবের মন্দির-উদ্যানে গিয়েছিলি কি ?

মদ।—ঠাকুরণ, গিয়েছিলেম বৈ কি।

বস।—তবে যেন কিছুই জানিসনে এইরূপ ভাবে জিজ্ঞেস করচিস্ কেন বল দিকি ?

মদ।—ও, বুঝেছি। ঠাকুরণ যার ঘরে আশ্রয় নিয়েছিলে, তিনি বুঝি ?

বস।—তঁার নাম কি ?

মদ।—সেই যিনি বণিক-পটিতে থাকেন।

বস।—ওলো, আমি তাঁর নাম জিজ্ঞাসা করুচি।

মদ।—ঠাকুরণ, তিনি চারুদত্ত মহাশয়।

বস।—(সহর্ষে) বাঃ! মদনিকা, তুই তো ঠিক বুঝিচিস্।

মদ।—কিন্তু ঠাকুরণ, শুনতে পাই নাকি তিনি দরিদ্র।

বস।—সেই জন্তই তো আমি তাঁকে চাই। বেঞ্জারা দরিদ্র পুরুষে আসক্ত হলে লোকে তাদের ভারি নিন্দা করে, আমি তা জানি।

মদ।—ঠাকুরণ, সহকার-বৃক্ষ পুষ্পহীন হলে মধুকরেরা কি আর তার সেবা করে ?

বস।—সেই জন্ত পুরুষদেরই তো মধুকর বলে।

মদ।—ঠাকুরণ, তাঁকেই যদি আপনার মনে ধরে’ থাকে, তবে এখনি কেন তাঁর সঙ্গে দেখা করুন না।

বস।—ওলো, সহসা দেখা করতে গেলে, প্রত্যাশ-কার করবার ক্ষমতা নেই বলে’ পাছে তিনি না দেখা দেন, তাই আমি দেখা করিনে।

মদ।—সেই জ্ঞান বুঝি আপনার অলঙ্কারগুলি তাঁর কাছে গচ্ছিত রেখেছেন ?

বস।—ওলো, তুই তো ঠিক বুঝেছিস।

[প্রস্থান।]

দৃশ্য—রাজপথের ধারে শূন্য মন্দির

(নেপথ্যে কোলাহল)

নেপথ্যে।—দেখুন কর্তারা, ঐ লোকটা জুয়ো-খেলায় দশ-স্বর্ণ হেরেচে—এখন কিছু না দিয়েই পালিয়ে যাচ্ছে—ওকে ধরু—ধরু—দাঁড়া দাঁড়া—ওরে! দূর থেকে তোকে দেখতে পাচ্ছি।

(ব্যস্ত-সমস্ত হইয়া সংবাহকের প্রবেশ)

সং।—ওঃ, কি যন্ত্রণা! জুয়ারীদের শেষে এই অবস্থাই ঘটে!—দড়া-ছেঁড়া গাধার মত আমাকে ধরে' প্রহার করুচে—আর অঙ্গরাজ কর্ণের বলমে যেমন ঘটোৎকচ মারা গিয়েছিল, আমাকেও দেখচি তেমনি খুঁচিয়ে মারবে।

আড্ডাধারী লেখা-কার্যে ছিলেন মগন
এমন সময়ে আমি করি পলায়ন।
এখন তো পথ-মাঝে পড়েছি আসিয়া,
কোথায় আশ্রয় পাই দেখি গো ভাবিয়া।

একজন জুয়ারী ও আড্ডাধারী হুজনেই আমাকে খুঁজতে বেরিয়েছে—এই সময়ে আমি পিছু হেঁটে এই শূন্য দেব-মন্দিরের মধ্যে ঢুকে মন্দিরের দেবতা হয়ে বসি। (নানাপ্রকার নাট্যভঙ্গী করিয়া সেইরূপে অবস্থান)

(মাথুর নামক জুয়া-আড্ডাধারী ও একজন জুয়ারীর প্রবেশ)

মাথুর।—দেখুন মশায়রা, দশ স্বর্ণ হেরে গিয়ে ঐ জুয়ারীটা পালাচ্ছে—পালালো—ধরু ধরু—দাঁড়া দাঁড়া—আমি তোকে এখান থেকে দেখতে পাচ্ছি। পালাবি কোথা ?

জুয়ারী।—পাতালে যদি বা বাস,
ইজের আশ্রয় যদি করিস গ্রহণ,
এড়াইয়া আড্ডাধারী
রুদ্রও নারিবে তোরে করিতে রক্ষণ।

৩য়—৩

মাথুর।—সর্ব-অঙ্গ কম্পমান

হতেছিস পদে পদে ঝলিত-চরণ,
কুলমানে কালি দিয়ে

আড্ডাধারী হুজনেই করি প্রতারণ
কোথায় বল রে তুই পালাবি এখন ?

জুয়ারী।—(পদচিহ্ন দেখিয়া) এই পথ দিয়ে চলে, গেছে—এই পর্যন্ত পদচিহ্ন আছে, তার পর মিলিয়ে গেছে।

মাথুর।—(দেখিয়া বিচারপূর্বক) এইখান থেকে উণ্টো পায়ের চিহ্ন দেখা যাচ্ছে—এই দেব-মন্দির প্রতিমা-শূন্য—ধূর্ত জুয়ারীটা উণ্টো দিকে মুখ করে' পিছিয়ে পিছিয়ে দেব-মন্দিরে দেখছি প্রবেশ করেছে।

জুয়ারী।—তা, আহুন, আমরা ওর সন্ধানে যাই।
মাথুর।—হাঁ, চল।

(উভয়ে দেবগৃহে প্রবেশপূর্বক নিরীক্ষণ করিয়া পরস্পরের প্রতি সঙ্কেত)

জুয়ারী।—এ কি কাঠের প্রতিমা ?

মাথুর।—না হে না, এটা পাথরের প্রতিমা। (বহু প্রকার নাড়া দিয়া সঙ্কেত করণ)—আচ্ছা ভাল—এসো আমরা এইখানে বোসে জুয়া খেলি। (বহু প্রকারে জুয়া-খেলা আরম্ভ করণ)।

সংবা।—(জুয়া-খেলার ইচ্ছা বহুপ্রকারে সম্বরণ করিয়া স্বগত) ওরে !

“করুতা-করুতা”—রব জুয়ার খেলায়
নিধনের হৃদি-মন হরি' লয়ে যায়,
রাজ্যভ্রষ্ট-নৃপ যথা গুনি ঢকা-ধ্বনি
উল্লাসে উৎফুল্ল হয়ে উঠেন অমনি।

জানি আমি, খেলিব না,

জুয়া-খেলা—স্বমেকর চূড়া হতে পতন-সমান,
কোকিল-মধুর তবু

জুয়ার “করুতা”—রব—জুয়ারীর হরে মনঃপ্রাণ।

জুয়ারী।—আমার “পাঠে”—আমার “পাঠে।”

মাথুর।—না হে না, আমার “পাঠে,” আমার “পাঠে।”

সংবা।—(অস্ত দিক হইতে সহসা অগ্রসর হইয়া)

না না—আমার “পাঠে।”

জুয়ারী।—এই সেই লোকটা হে।—ধর ধর।

মাথুর।—(ধরিয়া) পাঞ্জি জুয়া-চোর কোথা-
কারে, এইবার ধরা পড়েচিস্।—দে এখন সেই দশ
সুবর্ণ।

সং।—আজই আমি দেব।

মাথু।—এখনি দে।

সং।—আমি দেবো বলচি—আমাকে অমুগ্রহ
করে' ছেড়ে দিন।

মাথু।—ওরে, এখনি দিতে হবে।

সং।—আমার মাথা ঘুরচে।

(ভূতলে পতন—উভয়ে বহুবিধ তাড়না)

মাথু।—জুয়ারী-দলের কাছে তুই এখন আবদ্ধ
রইলি।

সংবা।—(উঠিয়া সবিষাদে) কি?—এইখানে
আমাকে আবদ্ধ থাকতে হবে? ওঃ, কি কষ্ট!
এই জুয়া-খেলায় নিয়ম অস্বাভাবিক—এখন কোথা
থেকে দি।

মাথু।—ওরে, একটা বন্দোবস্ত কর—একটা
বন্দোবস্ত কর।

সংবা।—আচ্ছা, তাই কর্চি—অর্ধেক তোমাদের
দিচ্ছি—আর অর্ধেক আমাকে ছেড়ে দেও।

জুয়ারী।—আচ্ছা, তাই হোক।

সংবা।—(আড্ডাধারীর নিকটে গিয়া) অর্ধেক
দিচ্ছি—আর অর্ধেক আমাকে ছেড়ে দেওয়া
হোক।

মাথু।—আপত্তি কি—আচ্ছা, তাই হোক।

সংবা।—(প্রকাশে) মশায়, অর্ধেক কি ছেড়ে
দিলেন?

মাথু।—হাঁ, ছেড়ে দিলেম।

সংবা।—(জুয়ারীর প্রতি) অর্ধেক তুমিও ছেড়ে
দিলে?

জুয়ারী।—হাঁ, ছেড়ে দিলাম।

সংবা।—এখন তবে আমি বিদায় হই।

মাথু।—দশ সুবর্ণ দিয়ে যাও—এখনি যাচ্ছ
কোথায়?

সংবা।—দেখুন কর্তারা, এ কি বিপদ! এইমাত্র
অর্ধেকের বন্দোবস্ত করলুম—আর বাকি অর্ধেক
ছাড়ান পেলুম—তবু এখনও দেখুন, এই নাচার
ব্যক্তির কাছ থেকে আবার দাওয়া কচ্ছে।

মাথু।—(ধরিয়া) ধূর্ত কোথাকারে! আমি

সব বুঝি—আমার নাম মাথুর—আমার কাছে চালাকি
না। জুয়াচোর কোথাকারে—সুবর্ণগুল এখনি দে।

সংবা।—কোথ থেকে দেব?

মাথু।—বাপকে বিক্রী করে' দে।

সংবা।—কোথায় আমার বাপ?

মাথু।—মাকে বিক্রী করে' দে।

সংবা।—কোথায় আমার মা?

মাথু।—আপনাকে বিক্রী করে' দে।

সংবা।—অমুগ্রহ করে' আমাকে রাজমার্গে নিয়ে
চলুন।

মাথু।—চলু।

সংবা।—আচ্ছা, তাই যাচ্ছি। (পরিক্রমণ) ও
মশায়রা! দশ সুবর্ণ দিয়ে এই আড্ডাধারীর হাত
থেকে আমাকে কিনে নিলু। (আকাশে দেখিয়া)
কি কাজ করব, তাই জিজ্ঞাসা করচ?—তোমার
গৃহের কার্যকারক হব। কি? উত্তর না দিয়েই
চলে, গেল?—আচ্ছা ভাল, এই কথা তবে আর
কাউকে বলি।—কি!—এও আমাকে তুচ্ছতাচ্ছল্য
করে' চলে' গেল?—হায় হায়! চারুদত্ত মশায়
নির্ধন হওয়াতেই আমার মত হতভাগ্যের এই দশা
হয়েছে।

মাথু।—দে বল্চি।

সংবা।—কোথ থেকে দেবো? (পতন ও মাথুর
ধরিয়া টানাটানি)।

সংবা।—মশায়রা আমাকে রক্ষা করুন—রক্ষা
করুন।

(দর্পকের প্রবেশ)

দর্প।—দেখ, জুয়া-খেলাতেই পুরুষের বিনা-
সিংহাসনে রাজভোগ হয়।

কাহা-হতে পরাভব দুাত নাহি করয়ে গণন,
নিভা অর্থ-রাশি করে নৃপসম দান ও হরণ,
আয়বান নৃপ-সম ধনশালী জন
মন-সাধে জুয়া-খেলা করে গো সেবন।

অপিচ :—
দ্রব্য লব্ধ হাতেতেই,
দারা মিত্র হাতেতেই,
দত্ত, ভুক্ত হাতেতেই,
সর্ব নষ্ট হাতেতেই।

অপিচ :-

পড়িলে "তিয়া"র দান সবস্ব যায
"দোয়া" দান পড়িলে গো শরীর শুকায়,
"একায়" খেলার মার্গ করে প্রদর্শন
"চারি" দানে বিনিপাত—করে পলায়ন।

(সম্মুখে অলোকন করিয়া) এই যে আমাদের
পূর্ব-আড্ডাধারী এই দিকে আসচে। কি করি,
এখন তো আর পালাবার যো নাই। তবে
এইখানে মুড়ি-সুড়ি দিয়ে থাকি। (বহুবিধ নাট্যভঙ্গী-
সহকারে অবস্থান এবং নিজ উত্তরীয় নিরীক্ষণ
করিয়া)

এই চাদরের, হয়ে গেছে, সূত্র-গুলা পাতলা
এই চাদরের স্থানে স্থানে, ছিদ্র আছে মালা,
এই চাদরে গাত্র মোর ঢাকা নাহি যায়,
এই চাদরটা হয়ে গেছে যেন পিণ্ড-প্রায়।

আমি তো নিরুপায়—এখন করি কি? শেষে
দেখ্‌চি—

এক-পা গগনে তুলে এক-পা ভূতলে
যাবৎ ভাস্কর রবে, থাকতে হবে বুলে।

মাথুর।—দাও দাও, তোমার সেই টাকাটা
দাও।

সংবা।—কোথ থেকে দেব? (মাথুরের
টানাটানি)

দর্।—এ কি! সম্মুখে এ কি হচ্ছে? (আকাশে)
কি বলেন? আড্ডাধারী এই জুয়ারীর প্রতি অত্যাচার
করচে?—কেউ ছাড়িয়ে দিচ্ছে না?—আচ্ছা, আমি
দর্, আমিই ছাড়িয়ে দিচ্ছি (সম্মুখে অগ্রসর
হইয়া)।—সরে' যাও—সরে' যাও,—যাবার পথ দেও।
(দেখিয়া) এ কি! সেই ধূর্ত মাথুর যে! আর এই যে
সেই বেচারী সংবাহক।

স্বর্ঘ্যাস্ত পর্য্যাস্ত যে গো, নাহি থাকে নত-শিরে
স্বলস্বিতভাবে,

লোষ্ট্রের ঘর্ষণে যার পৃষ্ঠদেশ নাহি ছায়

কালুশিরা-মাগে,

অহরহ জজ্বা যার

জুয়ারী-কুকুর সবে না করে চর্কণ,

কোমলাঙ্গ সে জনের

জুয়ার খেলায় বল কিবা প্রয়োজন?

আচ্ছা, মাথুরকে আমি ঠাণ্ডা করুচি। (নিকটে
আসিয়া) মাথুর, নমস্কার!

মাথুর।—নমস্কার!

দর্।—ব্যাপারটা কি?

মাথুর।—এ লোকটা দশ সূবর্ণ আমার ধারে।

দর্।—এ তো সামান্য কথা।

মাথুর।—(দর্-রের বগলে পুঁটুলি-পাকানো চাদর
টানিয়া) দেখুন মশায়রা, ছেঁড়া-কুটিকুটি চাদর পরে'
এ লোকটা বলে কি না, দশ সূবর্ণ সামান্য কথা!

দর্।—ওরে মূর্খ! আমি দশ সূবর্ণ "কটু" খেলে
দেব। যার ধন আছে, সে কি ধন কোলে করে'
নিয়ে বসে' লোকদের দেখায়?

অতি হীন জাতি তুই

অধঃপাতে গিয়াছিস ওরে!

দশ সূবর্ণের লাগি

বধিস্ রে পঞ্চেন্দ্রিয় নরে?

মাথুর।—মহাশয়, আপনার পক্ষে দশ সূবর্ণ সামান্য
কথা, কিন্তু ঐ আমার ঐশ্বর্য্য।

দর্।—আচ্ছা, তবে একটা কথা বলি শোনো,
আর দশ সূবর্ণ ওকে দেও; ঐ রেষ্ট নিয়ে আর
একবার ও খেলুক।

মাথুর।—তা হলে কি হবে?

দর্।—যদি জেতে, তা হলে দেবে।

মাথুর।—যদি না জেতে?

দর্।—তা হলে দেবে না।

মাথুর।—রেখে দে ওনব বাজে কথা ধূর্ত কোথা-
কারে! তুমি ওকে দেও না। আমি ধূর্ত মাথুর—
জুয়াখেলায় অত্কে ঠকিয়ে বেড়াই—কাউকে আমি
ভয় করিনে! আমার কাছে চালাকি?—ধূর্ত পাজি
কোথাকারে!

দর্।—ওরে, পাজি কে বল দিকি?

মাথুর।—তুই পাজি।

দর্।—তোর বাপ পাজি। (সংবাহককে
পলাইতে ইঙ্গিত করণ)

মাথুর।—বেশাপুত্র কোথাকারে! তুইও কি জুয়া
খেলিস্ নে?

দর্।—হাঁ, আমিও জুয়ো খেলি। খেলব না
কেন?

মাথুর।—ওরে সংবাহক, দশ সূবর্ণ এখনি দে।

সংবা।—আজ দেব গৌ, দেবো।

(মাথুর সংবাহককে ধরিয়া টানাটানি)

দর্।—মূর্খ, অসাক্ষাতে যাই করিস না কেন, আমার সামনে ওকে ও রকম করে কষ্ট দিতে পারবি নে।

(মাথুর সংবাহককে টানিয়া নাসিকাগ্রে মুষ্টি প্রহার, সংবাহক রক্তাক্ত ও মুচ্ছিত হইয়া ভূতলে পতন—
দর্ রক অগ্রসর হইয়া উভয়ের মধ্যে আগমন—
মাথুর ও দর্ রকের মধ্যে মারামারি)

মাথু।—পাজি বেঞ্জা-পুত্র কোথাকারে, এর ফস তুই পাবি।

দর্।—ওরে মূর্খ, তুই আমাকে আজ রাজপথে মারুলি, আচ্ছা, কাল তুই আমাকে রাজবাড়ীতে গিয়ে মারিস, তখন মজাটা দেখতে পাবি।

মাথু।—আচ্ছা, তা দেখা যাবে।

দর্।—কি রকম করে' দেখবি বল দেখি।

মাথু।—(চক্ষু প্রসারিত করিয়া) এই রকম করে' দেখব।

(দর্ মাথুরের চক্ষে ধূলি নিক্ষেপ করিয়া)

সংবাহককে পলাইতে সঙ্কেত করণ।

মাথুর চক্ষের যাতনায় ভূতলে পতন—
সংবাহকের পলায়ন)

দর্।—(স্বগত) প্রধান আড্ডাধারী মাথুরের সঙ্গে আমার বিরোধ হ'ল—এখানে আর থাকা উচিত হয় না। আমার প্রিয় সখা শিবিলক আমাকে বলেছিলেন, আর্ষাক নামে কোন গোয়ালার ছেলে রাজা হবে বলে' একজন সিদ্ধ পুরুষের আদেশ হয়েছে—তাই আমার মত লোক সবাই এখন তার পিছনে ছুটেচে—তা, আমিও কেন তার ওখানে যাই না।
[প্রস্থান।

দৃশ্য—বসন্তসেনার গৃহ

সংবা।—(সত্রাসে পরিক্রমণ পূর্বক দেখিয়া)
মা জানি এ কার গৃহ—খিড়কির দ্বার খোলা। তা, এই গৃহেই প্রবেশ করা যাক। (প্রবেশ করিয়া বসন্তসেনাকে অবলোকন) ঠাকরণ! আমি আপনার শরণাগত হলেম।

বস।—শরণাগত জনকে অভয় দিচ্ছি। ওলো! খিড়কির দরজাটা বন্ধ করে' দে। (দাসীর তথা করণ)

বস।—কার ভয়ে পালিয়ে এসেছ?

সংবা।—পাওনাদারের ভয়ে।

বস।—ওলো! এখন খিড়কির দরজাটা বন্ধ করে' রাখ।

সংবা।—(স্বগত) আমার মত এ'রও দেখছি পাওনাদারের ভয়। এ কথা যে বলেছে, সে ঠিকই বলেছে:—

আত্মবল জানি', পরে তারি উপযুক্ত ভার
নিজ স্বন্ধে যে করে বহন,
না হয় স্থলন কভু, কাস্তার-মাঝেও তার
নাহি হয় অনর্থ-ঘটন।

দৃশ্য—গৃহের বাহিরে রাজপথ

মাথু।—(চোখ মুছিয়া জুয়ারীর প্রতি) ওরে দে দে।

জুয়ারী।—কর্তা! আমরা যখন দর্ রের সঙ্গে ঝগড়া করছিলাম, সেই সময়ে সে পালিয়েছে।

মাথু।—আমার মুষ্টি-প্রহারে সেই জুয়ারীটার নাক ভেঙ্গে রক্ত পড়েছিল—এখন এস, সেই রক্ত-পথ ধরে' ধরে' তার সন্ধান করি। (অনুসরণ)

জুয়ারী।—কর্তা! সে বসন্তসেনার বাড়ীতে ঢুকেচে।

মাথু।—তবে আমার দশ স্বর্ণ গোল দেখ' চি।

জুয়া।—আমুন, রাজবাড়ীতে গিয়ে নালিশ করি।

মাথু। তা হলে ধূর্তটা এই দিক থেকে বেরিয়ে অন্য দিক দিয়ে পালিয়ে যাবে; এখন তার পালাবার পথ বন্ধ করে' তাকে ধরতে হবে।

বসন্ত-সেনার গৃহ

(বসন্তসেনা মদনিকাকে সঙ্কেত করণ)

মদ। কোথ থেকে আসছেন মশায়? নিবাস কোথায় মশায়? কি কাজ করেন মশায়?—কার ভয়ে পালিয়ে এসেছেন মশায়?

সংবা।—শোনো ঠাকরণ, বলি। ঠাকরণ,

পাটলিপুত্র আমার জন্মভূমি, আমি গৃহস্থ-সন্তান, গা
টিপে দেওয়া আমার ব্যবসা।

বস।—আপনি তো বেশ একটি সুকুমার কলা
শিক্ষা করেছেন দেখ্‌চি।

সংবা। ঠাকরণ, প্রথমে সখ্ করে' এই বিদ্যেটি
শিক্ষা করি, কিন্তু এখন এটি আমার উপজীবিকা
হয়ে দাঁড়িয়েছে।

দাসী।—উত্তরটাতে মনের কষ্ট প্রকাশ পাচ্ছে।
তার পর—তার পর?

সংবা।—তার পর ঠাকরণ, ভিক্ষুকদের মুখে শুনে
নূতন দেশ দেখবার কৌতূহল হওয়ায় এখানে আমি
এলেম। এখানে এসে উজ্জয়িনী নগরে প্রবেশ করে'
এক জন বড় লোকের সেবা-শুশ্রূষায় নিযুক্ত
হলেম—তিনি এমন প্রিয়দর্শন ও প্রিয়বাদী যে, কি
বলুব—তিনি দান করে' প্রকাশ করেন না, ও
অপকারের কথা ভুলে যান। অত কথায় কাজ কি,
এমনি তাঁর দয়া-দাক্ষিণ্য যে, পরকে তিনি আপনার
মত দেখেন; তা ছাড়া, তিনি শরণাগত-বৎসল।

দাসী।—ঠাকরণের যিনি মনের মাল্লুষ, তাঁরই গুণ
চুরি করে' না জানি কে এখন উজ্জয়িনী-নগর অলঙ্কৃত
করচেন?

বস।—ওলো, তুই ঠিক বলেচিস—আমিও তাই
মনে মনে ভাবছিলাম।

দাসী।—তার পর মশায়, তার পর?

সংবা।—ঠাকরণ, তিনি করুণার বশবর্তী হয়ে দান
করে' করে'...

বস।—তাঁর ধন নিঃশেষ হয়ে গেল?

সংবা।—না বলতেই আপনি কি করে' জানতে
পারলেন?

বস।—এ আর জানতে কি—ধন-ঐর্ষ্য দুর্ভ
বস্ত—যে পুষ্করিণীর জল কেউ পান করে না, তাতেই
অনেক জল থাকে।

দাসী।—মশায়, তাঁর নামটি কি?

সংবা।—ঠাকরণ, সেই ধরণীচন্দ্রের নাম কে না
জানে? তাঁর বণিকপটিতে বাস। তাঁর লোকপূজা
নাম শ্রীবৃক্চ চারুদত্ত।

বস।—(সহর্ষে আসন হইতে নামিয়া) তাঁরই
কোন আত্মীয়ের এই গৃহ। ওলো, একে বসুতে
আসন দে। তাঁল-পাখা নিয়ে আয়। তাঁর অত্যন্ত
পরিশ্রম হয়েছে। (দাসীর তথাকরণ)

সংবা।—(স্বগত) কি আশ্চর্য্য! চারুদত্তের
নামকীর্ত্তনেই আমার এত আদর? নাধু আর্ঘ্য চারু-
দত্ত নাধু। পৃথিবীতে তুমিই জীবিত—আর সকলে
শ্বাসপ্রশ্বাস ত্যাগ করে মাত্র (পদতলে পড়িয়া) থাক্
ঠাকরণ, থাক্—ঠাকরণ, আপনি আসনে বসুন।

বস।—(আসনে বসিয়া) মহাশয়, সে পাওনা-
দার কোথায়?

সংবা।—সদাচারই সাধুর এক ঐর্ষ্য-দম্বল,
ধন-অর্থ কার নাহি হয় চলাচল!

যে লোক পূজিতে নাহি জানে একেবারে
সে কি পারে পূজিতে গো বিশেষ প্রকারে?

বস।—তার পর—তার পর?

সংবা।—তার পর তিনি আমাকে তাঁর বেতন-
ভুকু পরিচারক করলেন, তাঁর যখন সমস্ত ধন নিঃশেষ
হয়ে শুধু চারিত্র্য মাত্র অবশিষ্ট রইল, তখন আমি
জুয়াখেলার ব্যবসায় ধবুলেম। তার পর হুর্ভাগ্যক্রমে
সেই জুয়া-খেলায় আজ দশ সুবর্ণ হেরেচি।

(গৃহের বাহিরে)

মাথু। আমাকে উচ্ছন্ন দিলে রে—সমস্ত টাকা
আমার ঠকিয়ে নিলে রে!

(গৃহের অভ্যন্তরে)

সংবা।—সম্প্রতি ঠাকরণ আমায় আশ্রয় দিয়েছেন
শুনে, আড্ডাধারী ও জুয়ারী হুজনেই আমার সন্ধানে
এসেছে দেখ্‌চি।

বস।—দেখ্ মদনিকা! বাসা-গাছ ভেঙ্গে গেলে
পাখীরাও ইতস্ততঃ ঘুরে বেড়ায়। ওলো, তুই
যা, "উনি দিলেন" এই কথা বলে' সেই আড্ডা-
ধারী ও জুয়ারীকে এই হাতের গহনাটা দিয়ে
আয়।

দাসী।—(গ্রহণ করিয়া) যে আজে।

[প্রস্থান।

(গৃহের বাহিরে)

মাথু।—উচ্ছন্ন দিলে রে—সব ঠকিয়ে নিলে রে!

দাসী। এরা হুজনেই উর্দ্ধদিকে চেয়ে আছে,
দীর্ঘনিঃশ্বাস ফেলতে ফেলতে হুঃখ করুচে, দরজার
দিকে চোখ রেখে আপনাদের মধ্যে কথা কছে—তাই
মনে হচ্ছে, এরাই সেই আড্ডাধারী ও জুয়ারী।
মহাশয় নমস্কার।



মাধু।—সুখী হও।

দাসী।—তোমাদের মধ্যে আড্ডাধারী কে ?

মাধু।—কুশোদরি! যার সনে কহিতেছ কথা এবে
মনোহর-বাক্যে
আমি সেই আড্ডাধারী যার পানে চাহিতেছ
মধুর কটাফে।

আমার এখন অর্থ নেই—অন্তরে যাও।

দাসী।—এই রকম যখন তোমার কথার ধরণ—
তখন তুমি জুয়ারী নও। এমন কেউ আছে কি—যে
তোমার ধারে।

মাধু।—একজন দশ স্তব্ধ ধারে বটে—কি
তার ?

দাসী।—সেই জ্ঞান, ঠাকরণ—না না, সেই
লোকটি—এই হাতের গহনাটা তোমাকে দিলেন।

মাধু।—(সহর্ষে গ্রহণ করিয়া) ওগো! কুলের
সেই স্পঞ্জটিকে বল গে “এ বেশ ব্যবস্থা হয়েছে!
এসো, আবার জুয়ো খেলসে”।

[প্রস্থান।

(গৃহের অভ্যন্তরে)

দাসী।—(বসন্তসেনার নিকট আসিয়া) ঠাকরণ,
আড্ডাধারী ও জুয়ারী দুজনেই পরিতুষ্ট হয়ে চলে
গেল।

বস।—তবে এখন আপনি যান—গিয়ে আশ্রয়-
স্বজনকে সাহায্য করুন গে।

সংবা।—ঠাকরণ, যাবার আগে একবার এ
দাসকে অহুমতি দিন, আমার বিছার দ্বারা একটু
সেবা করি।

বস।—মহাশয়, যার দরুণ এই বিদ্যা শিক্ষা
করেছিলেন ও পূর্বে যার সেবা করেছিলেন, এই
বিছার দ্বারা তাঁরই সেবা-শুশ্রূষা করা উচিত।

সংবা।—(স্বগত) ঠাকরণ বেশ স্বকৌশলে
আমাকে ত্যাগ করলেন যা হোক। কিন্তু আমি
এখন কি করে’ ওঁর প্রতাপকার করি? (প্রকাশে)
ঠাকরণ! আমি এই জুয়াখেলার অপমানের দরুণ
বৌদ্ধ পরিব্রাজক হব বোলে স্থির করেছি। তা, এই
কথা গুলি ঠাকরণ মনে রাখবেন যে, “জুয়ারী সংবাহক
বৌদ্ধ-পরিব্রাজক হয়েছে।”

বস।—মহাশয়—কেন এরূপ হতাশ হচ্ছেন?

সংবা।—ঠাকরণ, আমি এ বিষয়ে মন ঠিক করে’
ফেলেচি।

সবার সমক্ষে আমি
হত-মান হইলাম জুয়া-খেলা হতে
মুক্ত-মস্তকে এবে
ভ্রমণ করিব আমি রাজ-পথে পথে।

(নেপথ্যে কলরব)

সংবা।—(শুনিয়া) ওরে! ব্যাপারটা কি ?
(আকাশে) কি বল্চ ?—বসন্তসেনার খুটমোড়ক
নামে ছুট হাতীটা ছুটে বেড়াচ্ছে ?—কি সর্বনাশ!
ঠাকরণের মত হাতীটাকে দেখি গিয়ে—কিন্তু না, ও
দেখে আমার কি হবে, আমি যা মনে করেছি, তাই
করি।

[প্রস্থান।

(তাড়াতাড়ি সহর্ষে বিকট-উজ্জ্বল বেশে
কর্ণপুরকের প্রবেশ)

কর্ণ।—কোথায়, ঠাকরণ কোথায় ?

দাসী।—আরে মিনষে, তোর এত ভাবনা
কিসের ?—সম্মুখে ঠাকরণ বসে’ আছেন, তবু দেখতে
পাচ্চিস্ নে ?

কর্ণ।—(দেখিয়া) ঠাকরণ, প্রণাম।

বস।—কর্ণপুরক! তোকে যে আজ বেশ
প্রফুল্ল দেখছি—ব্যাপারটা কি ?

কর্ণ।—(সবিস্ময়ে) ঠাকরণ! একটা বড়
স্বযোগ হারালেন, কর্ণপুরকের আজ বিক্রমটা দেখতে
পেলেন না।

বস।—কর্ণ-পুরক! কি—কি ?—ব্যাপারটা কি ?

কর্ণ।—ঠাকরণ, শুধুন তবে। ঠাকরণের সেই
খুটমোড়ক নামে ছুট হাতীটা বাধনের থাম ভেঙ্গে,
সর্দার-মাহতকে বধ করে’ সমস্ত স্থান তোলপাড় করে’
রাজপথে বেরিয়ে পড়েছে—আর লোকেরা তাঁৎকার
করে’ বল্চে :—

সরাও বালকজনে,

বুক ও প্রাসাদে শীঘ্র কর আরোহণ,
দেখিছ না ছুট হাতী

এই দিকে মত্তভাবে করে আগমন ?

অপিচ :—

বাজিছে নূপুর পায়ে,
ছিঁড়িয়া পড়িছে মণি-খচিত মেখলা,
খসি পড়ে নারীদের
রত্নাকুর-জাগবন্ধ মনোহর বালা ।

তার পর সেই ছুঁই হাতীটা, পা, শুঁড় ও দাঁত
দিয়ে, পদ্মফুলটির মত এমন যে উজ্জয়িনী নগর, তাকে
তোলাপাড় করে' শুঁড় দিয়ে জল ছিটিয়ে, একজন
পরিব্রাজককে ভিজিয়ে, তাকে ছুঁই দাঁতের মাঝে
ফেলে দিলে—ভয়ে তার হাত থেকে দণ্ড-কমণ্ডলু
পড়ে' গেল—আর রাস্তার লোকেরা তাই দেখে
চীৎকার করে' বলতে লাগল—“পরিব্রাজককে মেরে
ফেলে রে মেরে ফেলে” !

বস—(ভয়-ব্যাকুল হইয়া) ওঃ! কি বিপদ—
কি বিপদ!

কর্ণ।—ভয় নেই ঠাকরণ, শুভুন। তার পর,
পরিব্রাজকের শিকলিগুলা জড়িয়ে-মড়িয়ে গেছে,
হাতটা তাকে দাঁতের মধ্যে নিয়ে তুলে ধরেছে—
কর্ণপূরক—না না,—আমি আপনার অন্ন-দাস—
এই ব্যাপারটা দেখেই, বক্র-গতিতে গিয়ে, “ওরে!
এ সেই জুয়ারী” এই কথা চীৎকার করে' বলতে বলতে
দোকান থেকে একটা লৌহদণ্ড নিয়ে ছুঁই হাতীটাকে
ডাক্ দিলুম।

বস—তার পর—তার পর?

কর্ণ।—

বিদ্যা-শৈল-শিখরাভ
হাতীটারে দণ্ডাঘাতে করিয়া দমন
দস্ত-মধ্য-অবস্থিত
পরিব্রাজকেরে আমি করিহু মোচন।

বস।—ঠিক কাজ করেছ—তার পর—তার
পর?

কর্ণ।—তার পর ঠাকরণ! “সাবাস্ রে কর্ণপূরক!
সাবাস্” এই কথা বলতে বলতে, বিষম-বোঝাই
নোকার মত সমস্ত উজ্জয়িনী নগর যেন এক দিকে
ঝুঁকে পড়ল। তার পর ঠাকরণ, একজন শূন্য
আভরণের স্থানগুলিতে নিজ অঙ্গে হাত বুলিয়ে, উপর-
পানে চোখ করে' দীর্ঘ নিঃশ্বাস ফেলে, এই চাদরটা
আমার উপর ছুড়ে ফেলে দিলে।

বস।—কর্ণপূরক! চাদরটাতে জাতী-কুলের গন্ধ
আছে কি না বলতে পার?

কর্ণ।—ঠাকরণ, মদগন্ধে সে গন্ধ ঠিক বুঝতে
পারচি নে।

বস।—কারও নাম কি দেখতে পাচ্চ?

কর্ণ।—এ নাম ঠাকরণই পড়তে পারেন।

(চাদর প্রদান)

বস।—আর্য্য চারুদত্ত। (পাঠ করিয়া আগ্রহ-
সহকারে গ্রহণ করিয়া তদ্বারা গাত্র আচ্ছাদন)।

দাসী।—কর্ণপূরক! এই চাদরটিতে ঠাকরণকে
বেশ মানিয়েছে।

কর্ণ।—হঁ, বেশ মানিয়েছে।

বস।—কর্ণপূরক! এই নেও তোমার পারি-
তোষিক। (আভরণ প্রদান)

কর্ণ।—(মস্তকে গ্রহণ ও প্রণাম) ঠাকরণকে
এখন চাদরটাতে বেশ মানিয়েছে।

বস।—কর্ণপূরক! এই সময়ে চারুদত্ত মহাশয়
কোথায়?

কর্ণ।—এই পথ দিয়ে বাড়ী যাচ্ছেন।

বস।—ওগো! আয়, আমরা উপরের অলিন্দে
উঠে দত্ত-মশায়কে দেখি।

[সকলের প্রস্থান।

দ্যাতকর-সংবাহক নামক দ্বিতীয় অঙ্ক।

তৃতীয় অঙ্ক

দৃশ্য—চারুদত্তের গৃহের অভ্যন্তর

(দাসের প্রবেশ)

দাস।—স্বজন প্রভুটি মোর

ধনহীন হইয়াও ধরে কত গুণ।

ধনগর্ব্বী হুর্জন যে

হুঃসেব্য ঐভু সেই,—শেষে নিদারুণ ॥

অপিচ :—শশু লুক্ক বলাবর্দ না মানে বারণ,

পর-দ্বী-আসক্ত জন না মানে বারণ,

দ্যুতাসক্ত নর কভু না মানে বারণ,

স্বাভাবিক দোষ কভু না মানে বারণ।

কতক্ষণ হল চারুদত্ত মহাশয় গীত-বাণ্ড শুনতে গেছেন তা ছাড়া,
—অর্ধরাত্রি হয়ে গেল, তবু এখনও এলেন না। তত-
ক্ষণ আমি তবে বাঁর-দরজার দালানে ঘুমুই গে।
(তথা করণ)

দৃশ্য—চারুদত্তের গৃহের বাহির

(চারুদত্ত ও বিদুষকের প্রবেশ)

চারু।—ওহো ওহা! “রেভিল” কি চমৎকার
গেয়েছিল! আর, তার বীণাযন্ত্রটি অসমুদ্রোৎপন্ন
রত্নবিশেষ।

উৎকণ্ঠিত-জন-সখী,

—বীণা যদি-বেদনা জুড়ায়,

বিলম্বিলে প্রণয়িনী

—উৎকণ্ঠ বিনোদ উপায়।

প্রেমসী-বিরহাতুর

প্রণয়ী সাত্বনা-কারণ,

প্রেমিকের প্রেমানল

বীণা করে দারো উদ্বোধন।

বিদু।—ওহে! এসো, গৃহে যাওয়া যাক্।

চারু।—আহা!—সঙ্গীত-পণ্ডিত রেভিল কি
সুন্দর গেয়েছিল!

বিদু।—আমার এই ছয়েতেই হাসি পায়,—
জীলোককে সংস্কৃত পাঠ করুতে দেখলে, আর
পুরুষকে মিহি সুরে গাইতে দেখলে। জীলোক
যখন সংস্কৃত পাঠ করে, নূতন-নাকে-দড়ি-দেওয়া গরুর
মত ক্রমাগত “হু হু” শব্দ করুতে থাকে; আর
পুরুষও যখন মিহি সুরে গান করে, তখন শুকনো-
মালা-পরা বুদ্ধ পুরোহিতের মন্ত্র-জপের মত মনে হয়—
আদপে ভাল লাগে না।

চারু।—সখা! সঙ্গীত-পণ্ডিত রেভিল কিন্তু আজ
অতি সুন্দর গেয়েছিল—তোমার কি ভাল লাগে নি?
তঁার সঙ্গীত?

মধুর সুরাগ-যুক্ত

পরিষ্কৃত, পূর্ব-পর সম,

স্বললিত, ভাবাধিত,

তঁার গান অতি মনোরম।

বহু প্রশংসায় মোর কিবা প্রয়োজন,

—মনে হয়, নর-বেশে নারী কোন জন।

থামিয়াছে গীত তাঁর,

তবু যেন যাইতেছি শুনিতে শুনিতে
সেই তাঁর স্বরক্রম,

মুহু বাক্য, যুক্তধর বীণাতন্ত্রীটিতে;
মূর্ছনায় উঠে উঠে,

গীতধ্বনি—সমাপনে হয় মুহুতর,
হেলায় সংযম করি’

পুনর্বার ধরে গান—ধিকৃষ্টি সুন্দর।

বিদু।—দেখ সখা! বাজারের রাস্তার উপর
কুকুরগুলও স্তখে ঘুমছে। আর ভগবান্ শশাঙ্ক-দেবও
অন্ধকারের আবরণ ফাঁক করে’ আকাশের প্রাসাদ
থেকে নামুচেন।

চারু।—তুমি ঠিক বলেছ।

সমুদ্র-অগ্রভাগ

ইন্দু ওই, তিমিরকে এবে তিনি দিয়া অবকাশ
হতেছেন অন্তগামী

জলমগ্ন করী যথা দণ্ড-অগ্র করে গো প্রকাশ।

বিদু।—ওহে! এই আমাদের গৃহ! বর্ধমানক!
বর্ধমানক! দরজা খোলো।

(গৃহের অভ্যন্তর)

দাস।—মৈত্রেয়-মহাশয়ের গলার আওয়াজ শোনা
যাচ্ছে—বোধ হয় দত্ত-মশায়ও এসেছেন—এইবার তবে
দরজাটা খুলে দি। প্রণাম মৈত্রেয় মশায়।
আপনাকেও প্রণাম—এই বড় আসনে আপনারা
ছজনেই বসুন।

(উভয়ের প্রবেশ করিয়া উপবেশন)

বিদু।—বর্ধমানক! রদনিকাকে ডাকো—পা
ধুইয়ে দেবে।

চারু।—(অহুস্কা সহকারে) ঘুমন্ত লোককে
জাগিয়ে আর কি হবে?

দাস।—মৈত্রেয় মশায়! আমি জল দিচ্ছি—
আপনি পা ধুইয়ে দিন।

বিদু।—(সক্রোধে) দেখ সখা! এই দাসের
ব্যাটা দাস জল ধরবে, আর আমি ব্রাহ্মণ, আমাকে
কি না পা ধোয়াতে বলে।

চারু।—সখা মৈত্রেয়! তুমি জল ধর, বর্ধমানক
পা ধুইয়ে দিক্।

দাস।—মৈত্রেয়-মশায়—জল দিন।

[বিদূষক তথাকরণ—দাস চারুদত্তের পদপ্রক্ষালন
করিয়া প্রশ্নান।

চারু।—ওরে! ব্রাহ্মণকে পাদোদক দে।

বিদূ।—আমার পাদোদকে কি হবে?—আমি
মারু-খাওয়া গাধার মত আবার এখনি মাটিতে
লোটাব।

দাস।—মৈত্রেয়-মশায়—আপনি ব্রাহ্মণ—

বিদূ।—সকল সাপের মধ্যে যেমন চৌড়া-সাপ—
সকল ব্রাহ্মণের মধ্যে আমি তেমনি ব্রাহ্মণ!

দাস।—মৈত্রেয় মহাশয়, তা হোক, তবু ধুইয়ে
দি আশুন। (তথা করিয়া) দেখুন, সোনার গহনা-
গুলি দিনের বেলায় আমার—আর রাত্রে আপনার
জিন্সে। এই নিন্।

[দিয়া প্রশ্নানা

বিদূ।—(লইয়া) এখনও পর্য্যন্ত এগুলি রয়েছে
দেখ চি। উজ্জয়িনীতে কি কোন চোর নেই যে,
আমার এই নিদ্রা-চোরগুলিকে চুরি করে' নিয়ে যায়।
দেখ সখা, অন্তঃপুরে এগুলিকে নিয়ে যাই।

চারু।— কি হবে সেথায় লয়ে—নাহি প্রয়োজন,
বেশ্যা-অঙ্গ-পরিধৃত এগুলি যখন।
যাবৎ না তারে পুন করি সমর্পণ
তাবৎ তুমিই বিপ্র করহ ধারণ।

(নিদ্রিত হইয়া “থামিয়াছে গীত তাঁর” ইত্যাদি নিদ্রা-
ঘোরে আবৃত্তি)

বিদূ।—ওহে ঘুমচ্চ ?

চারু।—হাঁ।

এবে এই নিদ্রা মোর
লগাট হইতে নামি আশ্রিত নয়ন,
অদৃশ্য জরার মত
নয়-বল পরাভবি' হয় গো বর্জন।

বিদূ।—যুমোনো যাক্ তবে। (নিদ্রা)

(শৰ্বিলকের প্রবেশ)

শৰ্বি।—যাহাতে সহজে দেহ হয় গো প্রবেশ
হেন সিঁধ-পথ গৃহে করিয়া বিশেষ
শিক্ষা-বলে দেহ-বলে, আমি তার পর

৩য়—৪

ভূ-বিবরে ঘবি' পার্থ, যথা বিষধর
পশিব খোলোস ছাড়ি' ঘরের ভিতর।

(আকাশ অবলোকন করিয়া সহর্ষে) কি?—
ভগবান্ শশাঙ্কদেব কি অন্ত যাচ্ছেন?—হাঁ, তাই তো,
রাজপুরুষের ভয়ে, সশক্তি প্রসিক্ত যে বীর
পরগৃহ লুটিবারে, সাবধানে চলে অতি দীর ;
তম-আবরিণী নিশি জননীর প্রায়
যতনে আবৃত্ত করি রাখেন তাহার।

বাগানের জমিতে সিঁধ কেটে বাড়ীর মধ্যে
প্রবেশ করেছি—এইবার ঘরের দেওয়ালে সিঁধ কাটি।

স্ববিধস্ত নিদ্রাকালে যার বুদ্ধি হয়
সেই চৌর্য্য “নীচ অতি”—সাধুজনে কয়,
“বঞ্চনায় বল তার—চৌর্য্য শৌর্য্য নয়।”
স্বাধীন এ চৌর্য্য ভাল আমি কিন্তু বলি,
করিতে না হয় সেবা হয়ে কৃতাজলি।
অশ্বখামা এই পথ করে প্রদর্শন
নয়পতি সৌপ্তিকেরে করিয়া নিধন।

এখন সিঁধটা কোথায় কাটি।

কোথা সেই স্থান যাহা শিথিল সলিল-সেকে
—শব্দ যেথা না পশে শ্রবণে,
প্রশস্ত ভিত্তির সন্ধি যেথাকার, সহজে না
পড়ে কভু লোকের নয়নে।
লোণা-ধরা ইট-ধরা হস্ত্যের সে কোন্ অংশ ?
কোথা দেখা না যায় রমণী ?
হেন স্থান পাই যদি, কাটিলে গো সিঁধ সেথা
কার্য্যসিদ্ধি হইবে তখনি ॥

(দেওয়ালের গায়ে হাত বুলাইয়া) এই যে।
ক্রমাগত রোদ্রে পুড়ে ও জলে ভিজ্জে এই জমিটা
খারাপ হয়ে গেছে, লোণা ধরেছে, আর এখানে
ইহুরেও মাটি তুলেছে। ভালা মোর বাপ, এইবারই
কার্য্যসিদ্ধি! কার্ত্তিকের শিষ্য চোরদের কার্য্যসিদ্ধির
এই প্রথম লক্ষণ। এখন আরম্ভে কিরূপ সিঁধ কাটা
যায়?—কার্ত্তিক ঠাকুর তো সিঁধটা কাটবার চার
রকম উপায় দেখিয়ে দিয়েছেন। যেমন, ঝামা ইট
টেনে তোলা, ঝামা-ইট ছেদন করা, মাটির দেওয়ালে
জল ঢালা, কাঠের দেওয়াল কেটে ফেলা ইত্যাদি।
এ স্থলে ঝামা ইট—কাছেই টেনে তুলতে হবে।
এখন কি রকম আকারের ছিদ্র করা যায় ?



ফুল পদ্ম, দিবাঙ্কর, কিম্বা বাল-শশি,
বড় পুরুষিণী কিম্বা, স্বস্তিক-কলসি ?
কোন স্থানে শিল্প নিজ করি প্রকটিত
—কল্যা যাহে পৌরজন হবে গো বিস্মিত ?

এই ঝামা ইঁটে কলসির আকারের সিঁধই ঠিক
ধাটবে। তবে এইরূপ সিঁধই কাটা যাক।

লোণা-ধরা অসমান

অপর ভিত্তির গায়ে সিঁধ আমি কাটিলে গো রাতে,
দুখিয়াছে মোরে, তবু

বাথানেছে গুণপণা প্রতিবেশী আসিয়া প্রভাতে।
নমো নমো বরপ্রদে, কুমার কার্ত্তিক-পদে
হস্তে যার সোনার বল্লম।

দেবব্রত ব্রহ্মণ্যেরে নম।

প্রণমি ভাস্করানন্দে, যোগাচার্য্যে দাস বন্দে
যার শিষ্য আমি গো প্রথম।

তিনিই পরিতুষ্ট হয়ে এই যোগ-রচনার দ্রব্যগুলি
আমাকে দান করেন।

এ দ্রব্য করিলে লাভ রক্ষিগণ দেখিতে না পায়
শব্দ আঘাতেও ব্যথা কিছুমাত্র নাহি লাগে গায়।

(তথা করণ) হায় হায়! মাপবার স্ততোটা
ভুলে এসেছি—(চিন্তা করিয়া) হাঁ, এই যজ্ঞোপবীত-
টাই এখন আমার মাপবার স্ততো হবে। যজ্ঞোপবীত
ব্রাহ্মণের অনেক কাজে লাগে—বিশেষতঃ আমার
মত ব্রাহ্মণের।

এই যজ্ঞ-স্ত্র দিয়ে

সিঁধ-পথ-মুখ মাপা যায়

পরিহিত অলঙ্কার

টানি' লই ইহারি কুপায়,

যন্ত্র-বন্ধ কপাটের

এরি যোগে করি উদঘাটন,

কাল-সর্পে দংশে যদি

অঙ্গ এতে করি গো বেষ্টন।

এইবার মাপ-জোক করে' কর্ম আরম্ভ করি।
(তথা করিয়া অবলোকন) এই সিঁধে কেবল একটা
ইঁট এখন বাকি আছে।

উঃ! আমাকে সাপে কামড়েছে। (যজ্ঞো-
পবীতে অঙ্গুলী বন্ধন করিয়া বিষ-রোগের অভিনয়।

পরে চিকিৎসা করিয়া) যাক—ভাল হয়ে গেছে।
(পুনর্বার কার্য্যারম্ভ ও অবলোকন)

এ কি! একটা প্রদীপ জ্বলছে নাকি?—হাঁ,
তাই তো।

প্রদীপ-শিখাটি ওই স্তূর্ণ-বরণ,

সিঁধ-মুখ দিয়া আলো হয় নির্গমন।

চারিধার অন্ধকারে রয়েছে বেষ্টিত,

স্তূর্ণের রেখা যেন নিকষে স্থাপিত।

(পুনর্বার কার্য্যারম্ভ) যাক, সিঁধটা শেষ

হয়েছে। এইবার তবে প্রবেশ করি। না, এখনও

প্রবেশ ক'রে কাজ নেই—একটা মাহুষের প্রতিমূর্ত্তি

রেখে দি। (চিন্তা করিয়া) কেউ কি নেই?

কার্ত্তিক ঠাকুরকে প্রণাম। (প্রবেশ করিয়া দর্শন)

এই যে ছজন লোক ঘুমচে আচ্ছা, পালাবার জন্ত

বাহিরের দরজাটা খুলে রাখি। আঃ! পুরোনো

বাড়ি ব'লে কপাটটার ক্যাচ-কোঁচ শব্দ হচ্ছে, তা দেখি

যদি কোথাও একটু জল পাই। জল না জানি

কোথায় আছে। (ইতস্ততঃ দৃষ্টি করিয়া জল লইয়া

ভয়ে ভয়ে কপাটে জল নিক্ষেপ) না, কাজ নেই—

জল ভূমিতে পড়ে' শব্দ হচ্ছে। এ পর্য্যন্ত তো এক

রকম হল। (পৃষ্ঠে ভর দিয়া কপাট উদঘাটন)—

এখন তবে পরোধ করে' দেখি, এরা মিছিমিছি ঘুমচে,

না সত্যিই ঘুমচে। (নানা প্রকার ভয় দেখাইয়া ও

পরীক্ষা করিয়া) বোধ হয়, সত্যিই ঘুমচে।

তাই বটে

নিশ্বাস নিদ্রার মাঝে পড়িছে সমান ;

তাই বলি, নাহি কোন আশঙ্কার স্থান।

গাঢ়তর নিমোলিত নয়ন-যুগল,

নহেক কৃত্রিম, নহে তারকা চঞ্চল।

শিথিল দেহের সন্ধি,

শয্যা-সীমা অঙ্গগুলি করে অতিক্রম।

সম্মুখে রয়েছে দীপ

মিথ্যা নিদ্রা হলে হ'ত নেত্রের পীড়ন ॥

(চারিদিকে অবলোকন করিয়া) এ কি! মৃদঙ্গ

যে, এই দর্দূর, এই ভেরী, এই বীণা, এই সব বাঁশী,

এই সব পুস্তক, তবে কি এটা নাট্যাচার্য্যের বাড়ী?

আমি কি একটা বড় বাড়ী দেখেই প্রবেশ করেছি?

তবে লোকটা কি নিতান্ত দরিদ্র? অথবা রাজার

ভয়ে, চোরের ভয়ে টাকা-কড়ি মাটির ভিতর পুঁতে

রেখেছে? আমি শর্কিলক শর্মা, মাটিতে-পোতা
ধন—সে তো আমারি। বীজ ফেলে দেখি (তথা
করণ) কৈ—বীজ পড়ে' তো ফুলে উঠল না।
লোকটা নিতান্তই দরিদ্র বটে। তবে আর এখানে
কি হবে, যাওয়া যাক।

বিদু।—(স্বপ্নে কথা কহন) দেখ সখা! সিঁধ
দেখা যাচ্ছে, চোর এসেছে, এই স্বর্ণ-অলঙ্কারগুলি
তুমি রাখো।

শর্কি।—দরিদ্রের বাড়ীতে প্রবেশ করেছি বলে'
আমাকে কি উপহাস করচে?—তবে কি একে যম'-
লয়ে পাঠাব? অথবা লঘু প্রকৃতি বলেই এইরূপ
স্বপ্ন দেখচে? (দেখিয়া) এই যে। ছেঁড়া-খোঁড়া
মানের গাম্ছায় বাঁধা সতাই কতকগুলি অলঙ্কার,
প্রদীপের আলোয় ঝকমক করচে—আচ্ছা, নেওয়া
যাক। কিন্তু না, আমার মত তুল্যাবস্থার ভদ্র
সন্তানকে কষ্ট দেওয়া উচিত নয়—আমি তবে বাই।

বিদু।—(স্বপ্নে) দেখ সখা! তোমার গো-
ব্রাহ্মণের দিব্যি, যদি এই অলঙ্কারগুলি তুমি না নেও।

শর্কি।—গোব্রাহ্মণের দিব্যি লজ্বন করা যায়
না—তবে নেওয়া যাক। কিন্তু প্রদীপটা যে জ্বলচে।
আমার কাছে প্রদীপ নেবার জন্ত এক রকম
আঙুনের পোকা আছে। এইবার পোকাটাকে
ছেড়ে দি। (তথা করণ) পোকাটা প্রদীপের উপর
নানাভাবে ঘুরে ঘুরে বেড়াচ্ছে—এইবার ওর পাখার
বাতাসে দীপটা নিবে গেল। কি ঘোর অন্ধকার!
কিন্তু আমি এই ব্রাহ্মণকুলে জন্মগ্রহণ করে' অন্ধকারে
ঘুরে বেড়াচ্ছি? আমি চতুর্বেদবেত্তা অপ্রতিগ্রাহক
ব্রাহ্মণের সন্তান শর্কিলক শর্মা—আমি কি না বেষ্ঠা
মদনিকার জন্ত এই অকার্য্যে প্রবৃত্ত হয়েছি? বা
হোক, এখন এই ব্রাহ্মণের অহুরোধটা রক্ষা করি!
(হাত বুলাইতে বুলাইতে অগ্রসর)

বিদু।—(স্বপ্ন) দেখ সখা, তোমার হাতটা বড়
ঠাণ্ডা।

শর্কি।—কি বিপদ! জল ঘেঁটে আমার হাতটা
ঠাণ্ডা হয়ে গেছে বটে। আচ্ছা, বগলের মধ্যে হাতটা
রাখি। (ডান হাত গরম করিয়া অলঙ্কার গ্রহণ)।

বিদু।—নিরেছ?

শর্কি।—ব্রাহ্মণের অহুরোধ অলজ্বনীয়—তাই
মিলেম।

বিদু।—জিনিস বিক্রী হয়ে গেলে বণিক যেমন

স্থখে ঘুমোয়, আমিও এখন সেই রকম স্থখে
ঘুমোতে পারব। (নিদ্রা)

শর্কি।—ওহে মহাব্রাহ্মণ—এখন তুমি শত বর্ষ
ধরে' ঘুমোও। আমার তাতে কোন আপত্তি নেই।
আমার এখন এইমাত্র কষ্ট, সেই বেষ্ঠা মদনিকার
জন্ত সমস্ত ব্রাহ্মণ-কুলকে নরকে ডোবালেম—কিন্তু
আপনিই নরকে ডুবলেম।

ধিক্ ধিক্ দারিদ্র্যেরে!

পৌরুষের নামমাত্র নাই,

মন্দ বলি নিন্দা যারে

অনায়াসে করি গো তাহাই।

এখন তবে মদনিকার দাসত্বমোচন করতে বসন্ত-
সেনার বাড়িতে যাওয়া যাক। (পরিক্রমণ ও অব-
লোকন) এই যে, কার পায়ের শব্দ শোনা যাচ্ছে।—
প্রহরীদের না তো? আচ্ছা, আমি খামের মত চুপটি
করে' এখানে দাঁড়িয়ে থাকি। কিন্তু তাও বলি,
প্রহরীরা শর্কিলক-শর্মার কি করুতে পারে? যে
শর্কিলক শর্মা

নিঃশব্দ পদ-চারে মার্জ্জাব যেমতি,
যুগ-সম পলায়নে অতি দ্রুতগতি।
গ্রহণ-ছেদন-কার্য্যে বাজের মতন,
সুপ্তাসুপ্ত চিনিবারে কুকুর যেমন,
আঁকিয়া বাঁকিয়া যেতে ভূজঙ্গের প্রায়,
মাঝার সমান ছদ্মবেশ-রচনায়,
বাণী-সম সুপণ্ডিত নানা ভাষা-জ্ঞানে,
রাত্রে দীপ—অস্থতর সংকটের স্থানে।
স্থল-পথে অস্থ যে গো—নৌকা জল-পথে
কি ভয় তাহার বল রক্ষিগণ হতে?

অপিচ :—

গতিতে ভূজঙ্গ সম, স্থিরত্বে পর্ব্বত,
লক্ষ্যের চৌদিকে ফেরে গরুড়ের মত,
শশ-সম চতুর্দিক নেহারে নয়নে,
ধরিতে বৃকের সম, কেশরী বিক্রমে।

(রদনিকার প্রবেশ)

রদ।—কি সর্ব্বনাশ! বা'র দরজার দালানে
বর্জমানক শুয়ে ছিল—তাকেও তো দেখতে পারচিনে।
আচ্ছা, মৈত্র-মশায়কে ডাক দি।

(পরিক্রমণ)



শর্কি।—(রদনিকাকে মারিতে ইচ্ছুক হইয়া ও নিরীক্ষণ করিয়া) এ কি! একজন জীলোক যে, তবে বাই।

[প্রস্থান।

রদ।—(ভয়ে ভয়ে গিয়া) সর্বনাশ হয়েছে! সর্বনাশ হয়েছে! আমাদের ঘরে সিঁধ কেটে চোর বেরিয়ে যাচ্ছে। আচ্ছ, আমি গিয়া মৈত্রেরকে জাগিয়ে দি। ও মৈত্রের-মশায়! উঠুন উঠুন— আমাদের ঘরে সিঁধ কেটে চোর পালিয়ে গেল।

বিদু।—(উঠিয়া) আরে বেট, বলিস্ কি?— সিঁধ কেটে চোর পালিয়ে গেল?

রদ।—হতভাগা! এখন আর ঠাট্টায় কাজ নেই, দেখ্চ না কি হয়েছে?

বিদু।—আরে বেট, বলিস্ কি?—দ্বিতীয় দরজাটা খোলা? চারুদত্ত! সখা! ওঠো ওঠো, আমাদের ঘরে চোর সিঁধ কেটে পালিয়েছে।

চারু।—তা হোক—তোমার আর পরিহাস করতে হবে না।

বিদু।—ওহে, পরিহাস না—তুমি বরং নিজে এসে দেখ।

চারু।—কোনখানে?

বিদু।—এইখানে।

চারু।—(দেখিয়া)

হইয়াছে উর্জ হতে

সিঁধ-মাঝে ইষ্টক-পতন,

সংকীর্ণ উপরিভাগ,

মধ্যদেশ বিপ্লবাতন।

অযোগ্য জনেরা যেথা

প্রবেশিতে মনে পায় ভয়

কাটিয়া গিয়াছে সেই

স্ববৃহৎ হর্ষের হৃদয়।

এই কাজে কি চমৎকার দক্ষতা প্রকাশ পাচ্ছে।

বিদু।—দেখ বয়স্ক! ছাত্রের মধ্যে একজন নিশ্চয়ই এই সিঁধটা দিয়েছে—হয় কোন আগন্তুক, নয় কোন শিক্ষার্থী—নৈলে এই উজ্জয়িনীনগরে আমাদের আর্থিক অবস্থা কে না জানে?

চারু।—হয় কোন ঐবেদেশিক

অজ্ঞানে করেছে এই কাজ,

অথবা অভ্যস্ত চোর

সিঁধ কাটিয়াছে গৃহমাঝ।

বিশ্বস্ত-নিদ্রায় মগ্ন

নির্ধন এ জনে সে তো জানিত না আগে,

শুধু বড় গৃহ দেখি'

প্রথমে হাঁহার মনে মহা আশা জাগে;

সিঁধ কাটি' শাস্ত হয়ে

নিরাশ হইয়া শেষে হেথা হতে ভাগে।

এর পর, চোর বেচারী নিজের বন্ধু-বান্ধবদের কাছে গিয়ে না জানি কি বলবে। বলবে—“বণিকের বাড়ি প্রবেশ করে' কিছুই পেলেম না।”

বিদু।—ওহে! তোমার চোর-ব্যাটার উপর দয়া হয়েছে নাকি? সে নিশ্চয় ভেবেছিল, এটা মস্ত বাড়ী—এখান থেকে স্বর্ণ-অলঙ্কার—রত্ন-অলঙ্কার সমস্ত ‘বার করে’ নিয়ে যাবে। ভাল কথা, সেই স্বর্ণ-অলঙ্কারগুলি কোথায়? দেখ সখা, তুমি সব সময়েই বলে' থাকো, “মৈত্রেরটা মুর্থ—মৈত্রেরটা নিরীক্ষা”—কিন্তু আমি সেই অলঙ্কারের পুঁটুলিটা তোমার হাতে দিয়ে ঠিক কাজ করেছি কিনা বল—নৈলে চোর-ব্যাটা নিশ্চয়ই চুরি করে' নিয়ে যেতো।

চারু।—আর পরিহাস করতে হবে না।

বিদু।—ওহে, আমি মুর্থ বলে' কি পরিহাসেরও দেশ-কাল বুঝি নে?

চারু।—বাঃ! আমার হাতে তুমি কখন দিলে?

বিদু।—দেখ, আমি যখন তোমায় বল্লুম, “তোমার হাত ঠাণ্ডা” সেই সময়ে।

চারু।—না, এ কথা কখনও হয় নি। (চারু-দিকে দেখিয়া সহর্ষে) সখা, একটা সুসংবাদ দি।

বিদু।—কি! চুরি হয় নি?

চারু।—হাঁ, চুরি হয়েছে।

বিদু।—তবুও সুসংবাদ?

চারু।—চোরের কার্যসিদ্ধি হয়েছে, তাই বল্চি।

বিদু।—সে যে গচ্ছিত বস্তু।

চারু।—কি?—সেই গচ্ছিত বস্তু? (মুর্ছিত)

বিদু।—সখা, শাস্ত হও। যদি গচ্ছিত দ্রব্য চোরেই নিয়ে থাকে, তবে তুমি মুর্ছা যাও কেন?

চারু।—(সংজ্ঞা লাভ করিয়া) সখা!

বিশ্বাস কে করিবে গো প্রকৃত কথায়?

সংশয় সকল জনে করিবে আমায়।

এ সংসারে দরিদ্রতা প্রতাপ-রহিত
তাই তো থাকিতে হয় সদা সশঙ্কিত।

হায় হায়! কি কষ্ট!

প্রবৃত্তি দিলেন বিধি

চোরেরে হরিতে মোর ধন,

নৃশংস আরো কি চান্

দূষিতে এ চারিত্র্য-রতন?

বিদু।—আমি একেবারে অস্বীকার করব।
কে দিয়েছে?—কে নিয়েছে?—কেই বা সাক্ষী?

চারু।—আমি কি মিথ্যা কথা বলব?

ভিক্ষায় অর্জিয়া অর্থ,

ন্যস্ত বস্ত্র উদ্ধারের করিব যতন,

তবু না কহিব মিথ্যা,

—চারিত্র্য-নাশের উহা প্রধান কারণ।

রদ।—এখন তবে ধূতা-ঠাকরণকে এই খবরটা
দিয়ে আসি।

[প্রস্থান।

(দাসীর সহিত চারুদত্তের স্ত্রী ধূতা-দেবীর প্রবেশ)

স্ত্রী।—(ব্যস্তসমস্ত হইয়া) ওলো! সত্যি কথা
বল, ওঁদের শরীরে তো কোন আঘাত লাগে নি?

দাসী।—ঠাকরণ! ওঁদের কিছু হয় নি বটে,
কিন্তু সেই বেষ্ঠার যে অলঙ্কার ছিল, সেইগুলি চুরি
গেছে।

স্ত্রী।—(মুর্ছিতা)

দাসী।—ঠাকরণ, শাস্ত হোন।

স্ত্রী।—(সংজ্ঞা লাভ করিয়া) ওলো! তুই
বল্চিস, ওঁর শরীরে আঘাত লাগে নি, কিন্তু চরিত্রে
আঘাত লাগা অপেক্ষা শরীরে আঘাত লাগাও যে
ভাল ছিল। এখন উজ্জয়িনীর লোকেরা এই কথা
বল্বে, দরিদ্রতার দরুণ উনিই এই কাজ করেছেন।
হা পোড়া বিধি! পুরুষ-ভাগ্যকে পদ্মপত্রের জলের
মত চঞ্চল করে' কি তুমি কোতুক দেখচ? মাতৃগৃহ
হতে এই মালাটি পেয়েছিলেন—এইটিই যা আমার
এখন আছে। কিন্তু আমার স্বামী যেক্রপ প্রকৃতির
লোক—তিনি আমার কাছ থেকে এটি কখনই
গ্রহণ করবেন না। দেখ, মৈত্রেয়-মশায়কে ডেকে
নিয়ে আয়।

দাসী।—যে আজ্ঞে ঠাকরণ। (বিদুষকের নিকট
গিয়া) মৈত্রেয় মশায়! ধূতা দেবী তোমাকে
ডাকছেন।

বিদু।—কোথায় তিনি?

দাসী।—এইখানে আছেন—এগিয়ে আসুন।

বিদু।—(অগ্রসর হইয়া) কল্যাণ হোক।

স্ত্রী।—প্রণাম। পূর্বমুখ হয়ে বসুন।

বিদু।—এই পূর্বমুখ হয়ে বসেছি।

স্ত্রী।—এইটে আপনি নিন্।

বিদু।—এটি কি?

স্ত্রী।—আমি রত্ন-বঞ্জীব্রত নিয়েছিলেম—তাতে
যার যেমন শক্তি ব্রাহ্মণকে রত্নদান করতে হয়—আমি
একজন ব্রাহ্মণকে দিতে গিয়েছিলেম—তিনি দান
গ্রহণ করলেন না—তঁার হয়ে এই রত্নমালাটি আপনি
গ্রহণ করুন।

বিদু।—(গ্রহণ করিয়া) কল্যাণ হোক! যাই,
প্রিয়সখাকে এই সংবাদটা দিই গে।

স্ত্রী।—মৈত্রেয় মশায়! আমাকে লজ্জা দেবেন না।

[প্রস্থান।

বিদু।—(সবিস্ময়ে) ওঃ! কি মহানুভাবতা!

চারু।—মৈত্রেয়ের আস্তে এত বিলম্ব হচে
কেন?—মনঃকণ্ঠে একটা অকার্য্য না করে' বসে।
মৈত্রেয়! মৈত্রেয়!

বিদু।—(নিকটে আসিয়া) এই এসেছি। এইটি
গ্রহণ কর। (রত্ন-মালা প্রদর্শন)

চারু।—এটি কি?

বিদু।—তুমি যে তোমার নিজের মত একটি স্ত্রী
সংগ্রহ করেছ, তারই এই ফল।

চারু।—কি?—আমার উপর ব্রাহ্মণীর দয়া
হয়েছে? হায়! আমি এখন দরিদ্র।

নিজ ভাগ্যদোষে আমি

হারিয়েছি দেখ সখা সরবস্ত্র ধন,

স্ত্রীধন আমি কি এবে

অনুগ্রহ মনে করি' করিব গ্রহণ?

নর অর্থাভাবে নারী,

নারী সে পুরুষ হয় অর্থের কারণ ॥

কিন্তু না—আমি দরিদ্র নই। কেন না—

অনুগতা ভার্য্যা মোর বিভবে অভাবে

স্বখে হুখে সখা তুমি গাঢ় অনুরাগে।

সত্য যা ছন্ন ভ অতি ধনহীন জনে
হইনি তা হতে ভ্রষ্ট জানি আমি মনে।

মৈত্রেয়! এই রত্নমালা নিয়ে বসন্তসেনার কাছে
যাও, আমার নাম করে' তাঁকে বল গে, "তোমার
সেই স্বর্ণ-অলঙ্কারগুলি আমার নিজের মনে করে'
আমি দূত-ক্রীড়ায় হারিয়েছি—তার পরিবর্তে এই
রত্নমালাটি দিচ্ছি, গ্রহণ কর।"

বিদু।—সেই অন্ন-মূল্য তুচ্ছ অলঙ্কারের পরিবর্তে
চতুঃসাগরের সার-ভূত এই রত্নমালাটি দেওয়া কোন-
মতেই উচিত নয়।

চারু।—সখা—না না, ও কথা বোলো না।

যে মহা বিশ্বাস-ভরে

রেখেছিল মোর কাছে স্বর্ণ অলঙ্কার,

এই মহামূল্য দিয়ে

শুধিতেছি আমি সেই বিশ্বাসের ধার।

অতএব সখা! আমার গা ছুঁয়ে শপথ কর,
তাঁকে গ্রহণ না করিয়ে তুমি এখানে আসবে না।
বর্জমানক!

এই সব ইঁট দিয়া

বন্ধ কর এই সঙ্কিস্থান।

রক্ষিব সঙ্কিট আমি

নিন্দা হতে পাইবারে ত্রাণ ॥

সখা মৈত্রেয়! তুমি কার্পণ্যের কথা ছেড়ে দিয়ে
উদারতার কথাই আমার কাছে বল।

বিদু।—দেখ, দরিদ্র কি উদারতার কথা বলতে
পারে?

চারু।—সখা, আমি দরিদ্র নই। ("অনুগত্য
ভাৰ্যা" ইত্যাদি পুনর্কীর পাঠ) তুমি তবে যাও—
আমিও কৃতশোচ হয়ে সন্ধ্যা উপাসনা করি গে।

সঙ্কিচ্ছেন নামক তৃতীয় অঙ্ক সমাপ্ত।

চতুর্থ অঙ্ক

দৃশ্য—বসন্তসেনার গৃহ

বসন্তসেনা ও মদনিকা আমীনা।

(প্রধানা দাসীর প্রবেশ)

দাসী।—মা আমাকে ঠাকরণের কাছে যেতে
বলেছেন। এই যে ঠাকরণ চিত্র-কলকের উপর

চোখ রেখে মদনিকার সঙ্গে কি কার্তাবার্তা কচ্ছেন—
এইবার তবে এগিয়ে যাই।

বস।—ওলো মদনিকে! দত্ত-মশায়ের চিত্রটা
কি তাঁর মত ঠিক হয়েছে?

মদ।—ঠিক হয়েছে।

বস।—কি করে' জানুলি ঠিক হয়েছে?

মদ।—ঠাকরণ যখন ভালবাসার চোখে একদৃষ্টে
দেখেন, তখন অবিশ্বি ঠিক হয়েছে।

বস।—বেশালয়ের ভালবাসার কথা কি বল্চিস?

মদ।—যারা বেশালয়ে বাস করে, তাদের সব
সময়েই কি কপট ভালবাসা?

বস।—দ্যাখ্, বেশালা নানা পুরুষের সংসর্গ
করে, কাজেই তাদের কপট ভালবাসা দেখাতে হয়।

মদ।—কি বল ঠাকরণ, যখন আপনার চোখ
ও প্রাণ ছই-ই চিত্রটির উপর পড়ে' আছে, তখন কি
আর তার কারণ জিজ্ঞাসা করতে হয়?

বস।—দ্যাখ্, সখীরা এই জন্ত আমাকে বোধ
হয় উপহাস করে।

মদ।—না ঠাকরণ, তা নয়—রমণীরা সখীদের
ভালবাসা, ভালবাসার চোখেই দেখে থাকে।

প্রধানা দাসী।—মাঠাকরণ আজ্ঞা করুচেন,
"খিড়কির দরজায় গাড়ি তৈরি আছে, আপনি
ঘোমটা দিয়ে সেইখানে যান।"

বস।—চারুদত্ত-মশায় কি আমাকে নিয়ে যাবেন?

প্র-দাসী।—ঠাকরণ! সেই গাড়ীতে দশ সহস্র
স্বর্ণ-মূল্যের অলঙ্কারও পাঠিয়েছেন।

বস।—কে পাঠিয়েছে?

প্র-দাসী।—রাজার শালা সংস্থানক।

বস।—(সক্রোধে) দূর হ! আমাকে আর ও
কথা বলিসনে।

প্র-দাসী।—ঠাকরণ, রাগ করবেন না, মা
আমাকে দিয়ে এই কথা বলে' পাঠিয়েছেন।

বস।—এই কথা তিনি বলে' পাঠিয়েছেন বলেই
আমি রাগ করুচি।

প্র-দাসী।—মাঠাকরণকে তবে কি বলব বলুন।

বস।—এই কথা বলিস্ "আমি বেঁচে থাকি, এই
যদি তাঁর মনোগত ইচ্ছে হয়, তা হলে মা যেন আর
এরূপ কথা আমাকে বলে' না পাঠান।"

প্র-দাসী।—তা, আপনার যা ইচ্ছে।

[প্রস্থান।

(শর্কিলকের প্রবেশ)

শর্কি।—নিশিরে করিয়া আমি
সকলের নিন্দার ভাঙ্গন,
নিদ্রারে করিয়া জয়
এড়াইয়া নৃপ-রক্ষিজন
হইয়াছি স্বর্ঘ্যোদয়ে
শ্লান-রশ্মি শশাঙ্ক যেমন ।
অপিচ :—সচকিত শশব্যস্ত
আমি যবে করি গো গমন,
যদি কেহ দ্রুতগতি
আসি' মোরে করে নিরীক্ষণ,
দাঁড়ায়ে থাকিলে কিম্বা
দ্রুত যদি কাছে আসে কেহ,
দোষী অন্তরাঙ্গা মোর
সবারেই করে গো সন্দেহ ;
—নিজ দোষে সদা নর
সশঙ্কিত বিকম্পিত-দেহ ।
আমি শুধু মদনিকার জন্তই এই হুঃসাহসিক
কাজ করেছি ।
কোথাও বা পত্নীসনে
করে পতি কথোপকথন,
তাহারে করিয়া ত্যাগ
অন্ত স্থানে করেছি গমন ।
কোথাও বা দেখি গৃহে
নর নাই নারীই কেবল,
শাস্ত্র-মতে তখনি গো
করিয়াছি ত্যাগ সেই স্থল ।

নিকটে আসিলে রাজ-প্রহরীর দল
গৃহ-দারু সম আমি হয়েছি অচল ।
এইরূপ উপায় করিয়া শত শত
রজনীরে দিবসে করিহু পরিণত ।

(পরিক্রমণ)

বস!—ছাথ, এই চিত্র-ফলকটি আমার শোবার
ঘরে রেখে শীঘ্র একটা ভালপাতার পাখা নিয়ে আয় ।
মদ।—যে আজ্ঞা ঠাকরণ ।

(গৃহের বাহিরে)

শর্কি।—এইটি তো বসন্তসেনার বাড়ী, এইবার
প্রবেশ করা যাক ।

(গৃহের অভ্যন্তর)

(প্রবেশ করিয়া) মদনিকাকে না জানি কোথায়
দেখতে পাওয়া যাবে ।

(তাগবৃন্ত হস্তে মদনিকার প্রবেশ)

(দেখিয়া) এই যে মদনিকা । আহা ! আহা !

রূপে মদনের চিত্ত করিয়া বিজয়
বিমোহিনী মূর্ত্তিমতী রতি শোভে যেন ।
অনঙ্গে তাপিত ছিল এ মোর হৃদয়,
হইল এখন যেন শীতল চন্দন ।

মদনিকে !—

মদ।—(দেখিয়া) ও মা ! এ কি ! শর্কিলক
যে ! এসো এসো—কোথায় তুমি ?

শর্কি।—একটা কথা বলুব । (পরস্পরকে
অমুরাগের সহিত দর্শন)

বস।—(স্বগত) মদনিকার দেরি হচ্ছে—
কোথায় না জানি সে—এই যে, একজন কোন্ পুরু-
ষের সঙ্গে কথা কছে । অত্যন্ত অমুরাগের সহিত
একদৃষ্টে দেখছে—যেন কি অমৃত একেবারে শুবে
পান করছে । তাই মনে হচ্ছে, ঐ লোকটা এর
দাসত্ব মোচন করতে ইচ্ছুক । আচ্ছা, ওগো ! ভাল-
বাসো—ভালবাসো—প্রাণ ঢেলে ভালবাসো ।
কারও প্রেমে আমি ব্যাঘাত করতে চাই নে—না—
ওকে আর আমি ডাকব না ।

মদ।—শর্কিলক—বল, কি কথা আছে ?

শর্কি।—(সভয়ে চারিদিক অবলোকন)

মদ।—শর্কিলক ! ব্যাপারটা কি ?—তোমাকে
সশঙ্কিত দেখছি যে ?

শর্কি।—তোমাকে একটা গোপনীয় কথা বলুব
—এ স্থানটা নির্জন তো ?

মদ।—না, এখানে কেউ নেই ।

বস।—(আড়াল হইতে) কি ! গোপনায়
কথা ?—তবে শুনব না ।

শর্কি।—মদনিকে ! উপযুক্ত মূল্য দিলে বসন্ত-
সেনা কি তোমাকে দাসত্ব হতে মুক্তি দেবেন মনে
হয় ?

বস।—আমার সম্বন্ধে কি একটা কথা বলতে
না ?—তবে আমি এই গবাকের আড়াল থেকে শুনি ।

মদ।—শর্কিলক !—আমি ঠাকরণকে এই বিষয়

জানিয়েছিলাম। তিনি বলেন, “আমার যদি ইচ্ছে হয়, তা হলে বিনা মূল্যেই সকল দাসীর দাসত্ব মোচন করুব,” ভাল, শর্কিলক! তোমার এমন বিষয়-বিভব কি আছে যে, মূল্য দিয়ে আমাকে কিনে নিয়ে যাবে?

শর্বি।—অভিভূত হয়ে আমি দারিদ্র্য-দশায় কেবল তোমারি ভালবাসার লাগিয়া—
—শোনো গো প্রেয়সি আমি আজিকে নিশায়—
বলপূর্ব্ব কোন কাজ এসেছি করিয়া।

বস।—এর মুখে তো বেশ প্রসন্ন ভাব—ওরূপ ছঃসাহসের কাজ যে করে, তার মুখে তো উৎসে-
গের ভাব দেখা যায়।

মদ।—শর্কিলক! একজন তুচ্ছ জীলোকের জন্ত উভয়কেই মজালে?

শর্কি।—কাকে কাকে?

মদ।—কেন, শরীরকে আর চরিত্রকে।

শর্কি।—আরে নির্দোষ! সাহসেই লক্ষীর বাস।

মদ।—শর্কিলক। তোমার চরিত্র অতি বিশুদ্ধ—
—তবে আমার জন্ত এই অকার্য্য করে’ তুমি কি অত্যন্ত বিরুদ্ধ আচরণ করনি?
শর্কি।—

ভূষণে ভূষিতা যে গো
বিকসিতা লতার মতন,
তাহার ভূষণ আমি
কতু নাহি করি গো হরণ।
না করি হরণ আমি
ব্রাহ্মণের ধন কি কাঞ্চন ॥
ধাত্রী-কোলে যে বালক,
তারো নাহি হরি এক রতি,
চৌর্য্যেতেও নিত্য মোর
কার্য্যাকার্য্য-বিচারিণী মতি।

এখন তবে বসন্তসেনাকে দাসত্ব-মোচনের বিষয়
আর একবার জানাও। আর দেখ—

গোপনীয় অলঙ্কার.
টিক তব দেহের প্রমাণ
ধারণ কর গো অঙ্গে,
জেনো ইহা প্রণয়ের দান।

মদ।—শর্কিলক!—গোপনীয় অলঙ্কার?—এই
কথা ছুটির মধ্যে তো কোন মিল নেই। আচ্ছা,
অলঙ্কারগুলি আনো দিকি দেখি।

শর্বি।—এই অলঙ্কারগুলি! (ভয়ে ভয়ে
সমর্পণ)

মদ।—(নিরীক্ষণ করিয়া) মনে হচ্ছে যেন
অলঙ্কারগুলি পূর্ব্ব কোথাও দেখেছি—বল দিকি
কোথ থেকে পেলে?

শর্বি।—মদনিকে! তা জেনে কি হবে?—এই
নেও।

মদ।—(সরোষে) যদি আমাকে বিশ্বাসই
না হয়, তবে কেন আমাকে মূল্য দিয়ে কিনতে
যাচ্ছ?

শর্বি।—ছাথ, বণিক-পাটতে আজ প্রভাতে
শুনলেম, এগুলি বণিক চারুদত্তের। (বসন্তসেনা
ও মদনিকা উভয়ে মুচ্ছিতা)

শর্বি।—

মদনিকে! শাস্ত হও, কেন গো এখন
বিষাদে অবশ-অঙ্গ বিভ্রান্ত-নয়ন?
দাসত্ব ঘুচাতে ব্যগ্র আমি মূল্য-দানে,
কোথা হবে অহুকম্পা, না—কম্প সে স্থানে?

মদ।—(সচেতন হইয়া) ছঃসাহসিক! আমার
জন্ত অকার্য্য করে’ কাউকে হত কিছা নিহত করে’
এসনি তো?

শর্বি।—মদনিকে! যে ভীত কিছা নিদ্রিত, তাকে
শর্কিলক কখন প্রহার করে না। না, কেউ হতও
হয়নি—নিহতও হয়নি।

মদ।—সত্য বলচু?

শর্বি।—সত্য বল্চি।

বস।—(সংজ্ঞা লাভ করিয়া) ও মা! আবার
বৈচে উঠলেম যে।

মদ।—আ! বাচলেম।

শর্বি।—(ঈর্ষ্যা-সহকারে) মদনিকে! ওরূপ কথা
কেন বল্চ বল দিকি?

যদিও স্ত্র-কুল হতে

লভিয়াছি আমি গো জনম,
তব প্রেমে বদ্ধ হয়ে
এ অকার্য্য করেছি সাধন।

হারিয়ে মদন-দায়ে সব সদাচার
তবুও করি গো রক্ষা মর্যাদা সবার ।
কিন্তু দেখি, তব প্রেম নাহি মোর পরে,
মুখে মোরে মিত্র বলি' ভজিছ অপরে ।

(অভিপ্রায়-সহকারে)

সরবস্ব-ফলবান কুল-পুত্র-মহাতরুগণ
—তাদের নিষ্ফল করে বেষ্টা-পক্ষী করিয়া ভক্ষণ ।
বেষ্টা সে সুরত-জালা, কামানল, প্রণয়-ইন্দ্রন,
পুরুষ, আছতি দেয় সে অনলে ধন ও যৌবন ।

বস ।—(সন্মিত) কি আশ্চর্য্য! অস্থানে
অকারণে এর চিত্ত-উদ্বেগ ।
শর্বি ।—

স্ত্রীতে স্ত্রীতে যে পুরুষ করে গো প্রত্যয়
আমি তো তাহারে বলি মূর্খ অভিশয় ।
অবলা কমলা উভে ভুজঙ্গিনী-প্রায়,
আঁকিয়া-বাঁকিয়া তারা বক্র পথে ধায় ।
ভাল নহে ভালবাসা কামিনীর সনে ।
অবজ্ঞা করে গো তারা অনুরাগী জনে ।
ভালবাসো তারে যেই দেয় ভালবাসা,
বিরক্ত যে তোমাপরে ত্যজ তার আশা ।

অপিচ :—তারা—

মাগর-তরঙ্গসম চপল-স্বভাব,
সন্ধ্যাত্র-রেখা সম ক্ষণ-অনুরাগ,
পুরুষ হইতে অর্থ

বেষ্টাগণ শুষ্কিয়া সর্ব্বথা

ত্যজে তারে অনায়াসে

নিষ্পীড়িত অলঙ্কর যথা ।

—স্ত্রীলোকেরা অত্যন্ত চপল ।

কারে বা হৃদয়ে ধরি' ডাকে অস্ত্রে আঁখি ঠেলে,
কারে দেয় মুখ-সুরা, কারে দেয় দেহ চেলে ।

কোন কবি বেশ একটি কথা বলেছেন :—

না জনমে সরোজিনী পর্কত-শিখরে
গর্দভ না অশ্ব-ভার বহে পৃষ্ঠোপরে,
যব ছিটাইলে কভু শাল নাহি হয়,
সেইরূপ বেষ্টা নারী শুচি কভু নয় ।

আঃ! হতভাগা পাজি চারুদত্ত—তোকে এরূপ
কখনই হতে দেব না। (কিয়ৎ পদ চলিয়া
গিয়া)

৩য়—৫

মদ ।—(অঞ্চল ধরিয়া) ওগো! তুমি এলোমেলো
কি বক্চ ?—কেন তুমি অকারণে রাগ কর্চ ?

শর্বি ।—অকারণে ?

মদ ।—এ অলঙ্কারগুলি আমাদের ঠাকরণের ।

শর্বি ।—তার পর কি করে' অস্ত্র হাতে গেল ?

মদ ।—তার পর এগুলি চারুদত্তের কাছে গচ্ছিত
রাখা হয় ।

শর্বি ।—কি জ্ঞাত ?

মদ ।—(কানে কানে) এই জ্ঞাত ।

শর্বি ।—(অপ্রতিভ হইয়া) হায় হায় !

গ্রীষ্মতপ্ত হয়ে আমি আশ্রিত্ব বাহায়
পত্রহীন করিলাম সে তরু-শাখায় !

বস ।—কি!—এও যে অনুতাপ কর্চ—তবে
দেখ্ চি, না জেনেই এই কাজটা করেছে ।

শর্বি ।—এখন কি কর্তব্য বল দিকি ?

মদ ।—এ বিষয়ে তুমিই ভাল বুঝ্বে ।

শর্বি ।—তা কখনই না। দেখ :—

স্ত্রীলোক পণ্ডিত হয় স্বভাবের বলে,
পুরুষ পাণ্ডিত্য লভে শাস্ত্র-শিক্ষা-ফলে ।

মদ ।—শর্বিলাক! যদি আমার কথা শোনো,
তা হলে বল্চি, এই অলঙ্কারগুলি সেই মহাত্মাকে
ফিরিয়ে দেও ।

শর্বি ।—মদনিকে! ফিরিয়ে দিলে যদি তিনি
রাজ-দরবারে আমার নামে আবার নালিশ করেন ?

মদ ।—আচ্ছা, বল দেখি, চাঁদ থেকে কখন কি
তাপ বেরোয় ?

বস ।—ঠিক বলেছিস মদনিকে, ঠিক বলেছিস ।

শর্বি ।—মদনিকে !

চুরি করি' খিন্ন কিম্বা ভীত নহি আমি
সে সাধুর গুণ কেন কহিছ গো তুমি ?
কাজটা জঘন্য তাই লজ্জা পাই অতি,
আমা হেন শঠের কি করিবে নৃপতি ?

দেখ মদনিকে! এ উপায়টা যুক্তিসিদ্ধ নয়—
আর কোন উপায় ভেবে দ্যাখো ।

মদ ।—আর একটা উপায় হচ্ছে—

বস ।—না জানি আর কি উপায় হতে পারে ।

মদ ।—চারুদত্তই তোমার হাত দিয়ে পাঠিয়েছেন,
এই বোলে তুমি অলঙ্কারগুলি ঠাকরণকে দাও ।

শর্বি ।—তাতে কি হবে ?

মদ।—তা হলে তুমি আর চোর হবে না—
তি নও ঋণযুক্ত ছবেন—ঠাকরণও নিজ অলঙ্কারগুলি
ফিরে পাবেন।

শর্বি।—না না, এও আবার অতি সাহসের কথা।

মদ।—ওগো, আমার কথা শোনো।—ঠাকরণকে
অলঙ্কারগুলি দাও—না দিলেই বরং ছঃসাহসের
কাজ হবে—শেষে বিপদে পড়বে।

বস।—ঠিক বলেচিস মদনিকে, ঠিক বলেচিস
—এ দাসীর মত কথা নয়—স্বাধীন ভদ্রলোকের
মত কথা।

শর্বি।—তব অমুগত হয়ে

সদ্বুদ্ধি লভিহু বিশেষ

চন্দ্রহারী রজনীতে

কে করে গো পথের নির্দেশ ?

মদ।—তুমি তবে এই কামদেবের ঘরে বোসো,
আমি ঠাকরণকে তোমার আসবার কথা জানিয়ে
আসি।

শর্বি।—আচ্ছা, তাই ভাল।

মদ।—(অগ্রসর হইয়া) ঠাকরণ, চারুদত্তের
কাছ থেকে সেই ব্রাহ্মণটি এসেছেন।

বস।—ওলো! তাঁর কাছ থেকে এসেছে, তুই
কি করে জানিলি ?

মদ।—ঠাকরণ! আমার আপনার লোককে
কি আর আমি জানিনে ?

বস।—(শিরশ্চালন পূর্বক হাসিয়া স্বগত) তা
বটে। (প্রকাশে) আচ্ছা, এইখানে তাকে নিয়ে
আয়।

মদ।—যে আজ্ঞে ঠাকরণ। (নিকটে গিয়া)
শর্বিলক! ভিতরে এসো।

শর্বি। (অগ্রসর হইয়া অপ্রতিভভাবে) আপ-
নার কল্যাণ হোক।

বস।—মহাশয় প্রণাম, বোসতে আজ্ঞে হোক।

শর্বি।—বণিক চারুদত্ত এই কথা আপনাকে
বলতে বলেছেন, তাঁর গৃহ অতি জীর্ণ পুরাতন,
সেখানে এই অলঙ্কারগুলি বেশি দিন রাখা যায় না,
তাই আপনি এগুলি গ্রহণ করুন।

(মদনিকার হাতে সমর্পণ করিয়া প্রস্থানোত্ত)

বস।—মহাশয়! প্রত্যুত্তরে আমারও কিছু
নিবেদন আছে।

শর্বি।—(স্বগত) সেখানে কে যাবে?—আমি
তো না। (প্রকাশে) আপনার কি নিবেদন ?

বস।—আপান মদনিকাকে গ্রহণ করুন।

শর্বি।—দেখুন, আম এ কথার অর্থ বুঝতে
পারলেম না।

বস।—অর্থ আমি বুঝেচি।

শর্বি।—সে কেমন ?

বস।—চারুদত্ত মহাশয় আমাকে বলে' গেছেন,
এই অলঙ্কারগুলি যে দিতে আসবে, তার হস্তে যেন
মদনিকাকে সমর্পণ করা হয়। এখন তো অর্থ
বুঝলেন ?

শর্বি।—(স্বগত) ওরে! ইনি আমার সমস্তই
জানতে পেরেছেন দেখ্‌চি। (প্রকাশে) সাধু চারু-
দত্ত মহাশয় সাধু!

গুণের অর্জনে নর হইবেক সদা যত্নবান্,

গুণহীন ধনী হতে শ্রেষ্ঠতর নিঃস্ব গুণবান্।

অপিচ :—পুরুষ গুণেতে যত্ন করিবে সদাই,

গুণের অপ্রাপ্য বস্তু তেথা কিছু নাই।

গুণের উৎকর্ষ-বলে শশাঙ্ক যেমন

অগভ্য শতুর শির করিলা লজ্বন।

বস।—গাড়ীর বাহক কে আছে ওখানে ?

(গাড়ী লইয়া একজন দাসের প্রবেশ)

দাস।—ঠাকরণ, গাড়ী প্রস্তুত।

বস।—ওলো মদনিকে, আমার প্রতি শুভদৃষ্টি
কর, তোকে সম্প্রদান করেছি, এখন গাড়ীতে ওঠ
গিয়ে—আমাকে মনে রাখিস্।

শর্বি।—আপনার কল্যাণ হোক। মদনিকে!

করি শুভ দৃষ্টিপাত

প্রণাম করহ তব ঠাকুরাণী-পদে,

ছিলে বধু-সাধারণী

—পড়ে অবগুষ্ঠন এবে সে শব্দে।

(মদনিকার সহিত গাড়ীতে আরোহণ

করিয়া যাইতে উত্ত)

নেপথ্যে।—কে আছ তোমরা ? রাষ্ট্রপাল এই
আদেশ করছেন, "আর্য্যাক নামে গোপাং-বালক
রাজা হবে"—সিকপুরুষের এই কথায় বিশ্বাস করে'
ও ভীত হয়ে আমাদের রাজা পালক তাকে

ঘোষ-পন্নী থেকে ধরে' এনে ঘোষ কারাগারে বদ্ধ করেছেন। অতএব তোমরা স্ব স্ব স্থানে সতর্ক হয়ে থাকো।

শর্বি।—(শুনিয়া) কি ?—আমাদের রাজা প্রিয়সুহৃদ আর্ধ্যাকে কারাগারে বদ্ধ করেছেন ? কিন্তু হায় ! আমি যে এখন কৃতদাস হয়ে পড়েছি। হায় হায় ! কি কষ্ট ! কিন্তু তাতেই বা কি ?

এ লোকে নরের প্রিয়
বনিতা, সুহৃৎ—তুই জন,
শতক সুন্দরী হতে
এবে এ সুহৃদই প্রিয়তম।

আচ্ছা, আমি তবে গাড়া থেকে নেমে পড়ি।

(অবতরণ)

মদ।—(সাক্ষনয়নে অঞ্জলি-বদ্ধ হইয়া) না, তা হবে না, আমাকে এখন গুরুজনদের কাছে নিয়ে চল।

শর্বি।—প্রিয়ে। ভাল কথা বলেছ। আমার মনের মতন কথাই বলেছ। (দাসের প্রতি) দেখ বাপু, বণিক রেভিসের বাসা কি চেনো ?

দাস।—চিনি বৈ কি।

শর্বি।—সেইখানে প্রিয়াকে নিয়ে যাও।

দাস।—যে আজ্ঞে।

মদ।—আচ্ছা, তাই ভাল ! কিন্তু দেখো, তুমি খুব সতর্ক হয়ে থাকো।

[প্রস্থান।

শর্বি।—এখন আমি :—

উত্তেজিব জ্ঞাতি সবে,
নগরের যত ধূর্তগণে,
আর যারা হইয়াছে
খ্যাতনামা আপন বিক্রমে,
রাজ-অপমানে রুষ্ট
আছে যত নৃপ ভূত্যগণ,
সুহৃৎ-মোচন তবে
সবারে করিব উত্তেজন ;
—উদয়নে উদ্ধারিল

যথা মন্ত্রী যোগদর্শয়ণ।

অপিচ :—অসাধু রিপুর দল ভয় পেয়ে মনে ধরেছে সুহৃৎকে অতি অকারণে।

রাহুগ্রস্ত শশি-সম সখারে আমার
এখনি করিব গিয়ে সবলে উদ্ধার ॥

[প্রস্থান।

দৃশ্য—বসন্তসেনার গৃহের কক্ষ

(দাসীর প্রবেশ)

দাসী।—ঠাকরণ ! আপনার আজ বড় সৌভাগ্য, শেঠজি চারুদত্তের ওখান থেকে একজন ব্রাহ্মণ এসেছেন।

বস।—আগ ! আজ আমার সৌভাগ্যই বটে ! ওলো ছাথ, খুব আদর-যত্ন করে' বন্ধুগণকে সঙ্গে করে' নিয়ে আয়।

দাসী।—যে আজ্ঞে ঠাকরণ।

[প্রস্থান।

দৃশ্য—বসন্তসেনার ভবনের সম্মুখে রাজপথ

(বন্ধুদের সহিত বিদূষকের প্রবেশ)

বিদূ।—হি ! হি ! হি ! বলি ওগো, যেমন রাক্ষস-রাজ রাবণ কঠোর তপস্যার ক্রেশ ভোগ করে' পুষ্ক-রথে গমন করেছিলেন, শর্মা তেমনি তপশ্চর্য্যার ক্রেশ স্বাকার না করে'ও এই নগর-নারী-টির সঙ্গে কেমন আশেষে চলেছে !

দাসী।—মশায়, দেখুন এই আমাদের বাড়ীর দরজা।

বিদূ।—(অবলোকন করিয়া সবিষ্ময়ে) বাঃ, কি চমৎকার ! ভূমিটি কেমন জল দিয়ে ধোয়া—পবিত্র-পরিষ্কর, মাত্রা-ঘসা—গোময়-লিপ্ত, আর নানা প্রকার ফুল দিয়ে সাজানো। হাতীর দাঁতের উন্নত তোরণটি যেন গগনতল দেখবার কোতুহলে বহু-উর্ধ্বে মাথা তুলে আছে। তা থেকে আবার মল্লিকার মালা সব ঝুলে ঝুলে পড়েছে—দেখে যেন ঐবাতের শুঁড় বলে' ভ্রম হয়। তোরণের উপর সৌভাগ্য-পতাকা উড়ছে ;—মনে হয়, বাতাসে হুলুতে হুলুতে আগুল নেড়ে যেন আমাদের ডাকচে। আর, হিবণ্যকশিপুর বক্ষঃস্থলের মত বজ্র-কঠিন ঘন নিবিষ্ট লৌহ-কীলক-বদ্ধ হৃর্ভেগ কনক-কপাটির বা কি

শোভা!—দেখে দরিত্রের মনে বুখা আশার সঞ্চার
হয়ে কষ্ট উপস্থিত হয়—আবার ঘে নিতান্ত উদাসীন,
তারও দৃষ্টি যেন সবলে ঐ দিকে আকৃষ্ট হয়।

দাসী।—আম্বন মশায়, এই একের মহলে
আম্বন।

দৃশ্য—বসন্তসেনার ভবন

(প্রথম মহল)

বিদু।—(প্রবেশ ও অবলোকন করিয়া) হি!
হি! হি! ওগো, এই প্রথম মহলে চাঁদের মত,
শাঁখের মত, মৃগালের মত চক্চকে, আর চূণকাম-
করা ধবধবে সারি-সারি প্রাসাদ দেখছি যে—
আবার, নানা প্রকার রত্নে খচিত সোনার সিঁড়ি;
উপরে স্ফটিকের গবাক্ষ—মনে হচ্ছে, যেন চাঁদ-মুখ
বের করে' সমস্ত উজ্জয়িনী নগরটিকে দেখছে।
আবার শ্রোত্রিয় ব্রাহ্মণের মত দিব্যি আরামে বসে'
দৌবারিক নিদ্রা যাচ্ছে। এই কাক-গুল দেখছি
দই-ভাতের লোভে বলি-দ্রব্য চূণ-ছিটোনো মনে
করে' আর খাচ্ছে না। তার পর, কোথায় যেতে
হবে বল।

দৃশ্য—দ্বিতীয় মহল

দাসী।—আম্বন মশায়, এই ছয়ের মহলে
আম্বন।

বিদু।—(প্রবেশ ও অবলোকন করিয়া) হি,
হি, হি, হি!—ওগো, এই দ্বিতীয় মহলে তো দেখছি—
ঘাস-ভূষি খেয়ে সুপুষ্ট শিল্পে-তেল-মাখানো গাড়ী
টানবার বলদ! আর এই ছইটির মধ্যে একটি মহিষ
অপমানিত সংকুলোৎপন্ন ব্যক্তির মত ফৌস-ফৌস
করে' দীর্ঘ নিঃশ্বাস ফেলছে। এ দিকে আবার,
যুদ্ধ-বিরত মল্লের মত মেঘের ঘাড় মোলে দিচ্ছে।
ওদিকে অশ্বদের কেশ-রচনা হচ্ছে। অশ্বশালায়
একটা বানর চোরের মত আঠে-পৃষ্ঠে বাঁধা। এ
দিকে আবার মাছতরা তেলে-মাখা ভাতের পিণ্ডি
হাতীকে দিচ্ছে। তার পর কোথায় যেতে হবে বল।

দাসী।—আম্বন মশায়—এই তিনের মহলে
আম্বন।

দৃশ্য—তৃতীয় মহল

বিদু।—এই তৃতীয় মহলে দেখছি, ভদ্র-সন্তানদের
বসবার জন্ত আসনাদি সাজানো রয়েছে। তক্তার
উপর অর্ধ-পাঠিত পুস্তক ও মণিময় পাশার গুটি সব
পড়ে' আছে। এ দিকে আবার কাম-শাস্ত্রে পণ্ডিত
বেশা ও বুদ্ধ রসিকেরা নানা রঙের চিত্র-ফলক হাতে
করে' ঘুরে ঘুরে বেড়াচ্ছে। তার পর, কোথায় যেতে
হবে বল।

দাসী।—আম্বন মশায়, এই চারের মহলে
আম্বন।

দৃশ্য—চতুর্থ মহল

বিদু।—(প্রবেশ ও অবলোকন করিয়া) হি হি
হি হি!—ওগো—এই চতুর্থ মহলে দেখছি, সুবতীরা
মৃদঙ্গ বাজাচ্ছে—আহা! মেঘ-গর্জনের মত কি
গন্তীর ধ্বনি! ক্ষীণ-পুণ্য আকাশের তারার মত
কর্তালগুলি নেমে এসে কেমন তালে তালে পড়ছে।—
ভ্রমর-ঝঙ্কারের মত বাঁশীগুলি কি মধুবই বাজছে!
এরা আবার ঈর্ষ্যা-প্রণয়-কুপিতা কামিনীর মত
বীণাটিকে কোলে নিয়ে হাতের নখ দিয়ে বাজাচ্ছে।
আবার ও দিকে পুষ্পমধু-মত্ত মধুকরের মত গীত-
নিপুণা আদি-রস-রসিকা বেশা-কুমারীরা অসঙ্কোচে
নৃত্য করছে। বাতাস ধরুবার জন্ত জলপূর্ণ কলসগুলি
গবাক্ষে রয়েছে। তার পর, কোথায় যেতে
হবে বল।

দাসী।—আম্বন মশায়—এই পাঁচের মহলে
আম্বন।

দৃশ্য—পঞ্চম মহল

বিদু।—(প্রবেশ ও অবলোকন করিয়া) হি হি
হি হি!—ওগো—এই পঞ্চম মহলটা দেখছি, হিং-
তেলের গন্ধে ভরপুর—এই গন্ধে দরিদ্র লোকের বড়
লোভ হয়; চুলো হতে নানা প্রকার সুগন্ধ ধোঁয়া
বেরুচ্ছে—শোকার্ভ লোকের মত যেন ক্রমাগত মুখ
দিয়ে নিঃশ্বাস ফেলছে। আর, নানা প্রকার খাবার
জিনিস তৈরি হচ্ছে, তাতে আমার লোভটা যেন

আরও বাড়িয়ে তুলে। ওদিকে আবার কশাই-বালক কাটা-পত্তর উদরের মাংস ছেঁড়া-কাপড়ের মত কচলে ধুচ্ছে। পাচক নানা প্রকারের খাদ্য-সামগ্রী রাখচে—মোয়া তৈরি করচে—পিঠে ভাজচে। এখন যদি কেউ একবারটি আমাকে বলে, “আহার করুন, পা ধোবার জল দিচ্ছি”—তা হলে বড় মজাই হয়। সুরগন্ধর্ষগণের মত নানা প্রকার অলঙ্কার-ভূষিতা বেশী ও বন্ধুলেতে এ গৃহটিকে যেন একেবারে স্বর্গ করে’ তুলেছে। ওগো, তোমরা কি ছজন “বন্ধুল? আচ্ছ!—তোমরা কে বল দিকি?

বন্ধুল।—

লালিত পরের গৃহে

পরিপুষ্ট পর-অন্ন-রসে,

জনমেছি মোরা সবে

পর-গর্ভে পরের গুঁরসে।

পর-ধনে রত মোরা

আমাদের কোনো গুণ নাই,

করি-শিশু সম মোরা

হেথা-হোথা চরিয়া বেড়াই।

বিদু।—ওগো, এর পর কোথায় যেতে হবে বল।

দাসী। আস্থন মশায়, এই ছয়ের মহলে আস্থন।

দৃশ্য—ষষ্ঠ মহল

বিদু।—(প্রবেশ ও অবলোকন করিয়া) হি হি হি! ওগো!—এই ষষ্ঠ মহলে এই সকল শিল্প-কার্যের তোরণগুলি নীল-রঙে খচিত হয়ে ইন্দ্রধনুর মত দেখাচ্ছে। শিল্পীরা প্রবাল, পুষ্পরাগ, ইন্দ্র-নীল, কর্কটরক, পদ্মরাগ, মরকত প্রভৃতি রত্ন বাছাই করচে, সোনা দিয়ে মাগিক বাঁধে, লাল স্নতো দিয়ে সোনার অলঙ্কার গড়চে—মুল্লা গঁথে আভরণ তৈরি করচে—বৈদূর্যমাগি ধীরে-ধীরে গুঁড়ো করচে, শাঁখ কাটচে, প্রবাল শাণে ঘষে, ভিজ়ে কুঙ্কুম শুকোতে দিয়েছে, কস্তুরী পরিষ্কার করচে—চন্দন ঘষে—গন্ধ-দ্রব্যগুলি একত্র মেশাচ্ছে, বেশীরা লম্পট পুরুষদের কপূর-মেশানো পান দিচ্ছে, সকটাক্কে চেয়ে দেখে, হাম্বে, সৌকার শব্দ করে’ অনবরত মণ্ডপান

করচে।—এই সকল দাস-দাসীরা আর এই সকল লক্ষ্মী-ছাড়া পুরুষেরা ধন-দারা-পুত্রের মায়া ছেড়ে এখানে এসে বেশীদের পান করা বরফ-দেওয়া মদের উচ্ছিষ্ট পান করচে। ওগো! তার পর কোথায় যেতে হবে বল।

দাসী।—আস্থন মশায়, এই সাতের মহলে আস্থন।

দৃশ্য—সপ্তম মহল

বিদু।—(প্রবেশ ও অবলোকন করিয়া) হি হি হি! ওগো, সপ্তম মহলে তো দেখেছি পক্ষি-শালা। পায়রার বোড়ারা পরস্পরকে চুষন করে’ কেমন সুখানুভব করচে, খাঁচার মধ্যে শুকপাখী দই-ভাতে উদর-পোরা ব্রাহ্মণের মত যেন বেদমন্ত্র পাঠ করচে। এদিকে আবার কতকগুলি ময়না-শালিক প্রভুর আহুরে দাসীর মত ক্রমাগত কি বিড়বিড় করে’ বক্কে। কোকিলেরা বিবিধ ফলের আশ্বাদে কর্ণকে শানিয়ে কুট্টিনীর মত গলা ছেড়ে ডাক্কে। লাওয়া পাখীরা লড়াই কচ্ছে—খাঁচার তিতির পাখীরা কত কি আলাপ করচে। বিবিধ মণি-মাণিক্যে যেন চিত্রিত-করা গৃহ-ময়ূবটি সহর্ষে নাচতে নাচতে প্যাখোম ধরে’ রৌদ্র-তপ্ত প্রাসাদ-টিকে যেন চামর দিয়ে বাতাস করচে—পিণ্ডি-পাকানো জ্যোছনার মত রাজহংসেরা পদ-গতি শেখবার জগ্গই যেন কামিনীদের পিছনে পিছনে ভ্রমণ করচে। এদিকে গৃহ-সারসেরা অতি-বুদ্ধের মত আস্তে আস্তে পা ফেলে চলে’ বেড়াচ্ছে। ওগো! কি আশ্চর্য্য! এই বেশী-রমণী নানা প্রকারের পাখী সংগ্রহ করেছে দেখেছি। এই বেশী-লয় বাস্তবিকই নন্দনবনের শোভা ধারণ করেছে। এর পর কোথায় যেতে হবে বল।

দাসী।—আস্থন মশায়, এই আটের মহলে আস্থন।

দৃশ্য—অষ্টম মহল

বিদু। (প্রবেশ ও অবলোকন করিয়া) ওগো! ও লোকটি কে?—রেশমি চাদর গায়ে, অতি অদ্ভুত

রকমের রাশি রাশি অলঙ্কার পরে' স্থলিত-গতিতে
ইতস্তত বেড়িয়ে বেড়াচ্ছে ?

দাসী। মশায়! উনি হচ্ছেন ঠাকরণের ভাই।

বিদু। কতকটা তপস্যা না করলে আর বসন্ত-
সেনার ভাই হওয়া যায় না। কিন্তু না, যেটা পার
গাছ খাণানে জন্মায়, উজ্জল স্নিগ্ধ সুগন্ধ হলেও তার
কাছে যায় কে? ওগো! উনি আবার কে?—
গুলু-বাহার চাদর গায়ে, তেলে-চোবানো চুক্চুকে
জুতো-পায়ে উচ্চাসনে বোসে আছেন ?

দাসী।—উনি হচ্ছেন আমাদের ঠাকরণের
মা।

বিদু।—এই অপবিত্র ডাকিনীর কি বিপুল উদর !
এই মহাদেবমূর্তিটিকে কি দ্বারের শোভার জন্ত এই
গৃহে রাখা হয়েছে ?

দাসী।—কর কি গো!—আমাদের মাকে ও রকম
করে' ঠাট্টা করো না—উনি "চাতুর্ধিক" পালাজরে
ভুগছেন।

বিদু।—(পরিহাস-সহকারে) হে ভগবান
চাতুর্ধিক! যদি চাতুর্ধিকে এইরূপ দেহ-পুষ্টি হয়,
তা হলে এই কৃণ ব্রাহ্মণের প্রতি একটু কৃপা-দৃষ্টি
কোরো।

দাসী।—ওগো! তা হলে যে মবুবে।

বিদু।—(পরিহাসের সহিত) আরে বেটি! এইরূপ
স্থলোদর লোকের মরণই ভাল।

মাতার অবস্থা এই

পান করি' সীধু-স্বরাসব।

যদি মরে মাতা তব

শৃগালের হবে মহোৎসব ॥

ওগো! তোমাদের এত ধন ঐশ্বর্য্য—বাণিজ্যের
আহাজাদি চলে না কি ?

দাসী।—ওগো—না গো, না।

বিদু।—হায় হায়! এও আবার আমি জিজ্ঞাসা
করচি!—নির্মূল প্রেমের জলে মদন-সমুদ্রে তোমাদের
স্তন-নিতম্ব-জঘনাদিই তো মনোহর আহাজ। যা
হোক, এই বসন্তসেনার আটমহল বাড়ীর বৃত্তান্ত
পূর্বে অনেক শুনেছিলাম, কিন্তু এখন স্বচক্ষে দেখে
বাস্তবিকই মনে হয়, ত্রিলোকের সমস্ত ঐশ্বর্য্য যেন
এক স্থানে জড় হয়েছে। এর প্রশংসা করি, এমন
বাক্য-বিভব আমার নেই।—এ বেশালয়,

না কুবের-ভবন? ভাল, তোমাদের ঠাকরণটি
কোথায় ?

দাসী।—মহাশয়! তিনি এই বাগানে আছেন—
আছেন।

দৃশ্য—উদ্যান

বিদু।—(প্রবেশ ও দৃষ্টি করিয়া) হি হি হি!
ওগো! কি সুন্দর বাগানটি! কত রকমের গাছ;
আর কি চমৎকার সব ফুল ফুটে আছে।
মধ্যে মধ্যে গাছের তলায় যুবতীদের জঘনের মাপে
রেশমি দোলা সব ঝুলচে—স্বর্ণমুঁই, শিউলি,
মালতী, মল্লিকা, নবমল্লিকা, কুরুবক, মাধবীলতা
হতে অজস্র ফুল আপনা আপনি ঝরে পড়চে—
এর কাছে নন্দনবনের শোভাই বা কোথা লাগে?
এদিকে আবার নবভানুর মত সমুজ্জল কমল-রক্তোৎ-
পলে দীঘিটি আচ্ছন্ন।

অপিচ :—অশোক-তরুতে কিবা

কুসুম-পল্লব নব হয়েছে বাহির,

সংগ্রামের মাঝে যেন

রক্তপঙ্কে স্ত্রশোভিত মনের শরীর।

কৈ গো, তোমাদের ঠাকরণটি কোথায় ?

দাসী।—মহাশয়! চোখ নামান—ঠাকরণকে
দেখুন।

বিদু।—(দেখিয়া নিকটে অগ্রসর হইয়া) কল্যাণ
হোক!

বস।—একি! মৈত্রেয় মশায় যে! (উষ্ণ)
আসতে আজ্ঞা হোক। এই আসন—এইখানে
বসুন।

বিদু।—ওগো! তুমি বোসো। (উভয়ে
উপবেশন)

বস।—বণিকপুত্রের কুশল তো ?

বিদু।—হাঁ, সমস্ত কুশল।

বস।—মৈত্রেয় মশায়! এখন কি—

গুণ যার কিশলয়,

বিনয় প্রশাখাচয়,

স্বয়ং কুসুম, আর মূলটি বিশ্বাস,

নিজগুণ ফল ধরে,

এ চেন বুকের পরে

সুহৃদ-বিহক সবে স্থখে করে বাস ?

বিদু।—(স্বগত) হুট বেঞ্জা ঠিকই বুঝেছে।
(প্রকাশ্যে) হাঁ, করে বৈ কি।

বস।—এখন কি জ্ঞান আসা হয়েছে?

বিদু।—তবে শোনো বলি। চারুদত্ত-মহাশয়
কুতাজলি হয়ে এই কথা নিবেদন করছেন :—

বস।—(কুতাজলি হইয়া) কি আজ্ঞা করছেন?

বিদু।—তিনি বলছেন,—“আমি সেই স্বর্ণ-
অলঙ্কারগুলি নিজের ভেবে দ্যুত-ক্রীড়ায় হারিয়েছি;
সেই আড্ডাধারীও রাজার কাছে কোথায় যে
চলে’ গেল—আমি তাকে আর খুঁজে পেলেম না”।

দাসী।—ঠাকরণ, আপনার বড় সৌভাগ্য, দত্ত-
মহাশয় জুয়ারী হয়েছেন।

বস।—(স্বগত) কি! চোরে চুরি করে’ নিয়ে
গেছে, তবু নিজ মহত্ব-গুণে বলছেন কি না “আমি
দ্যুতক্রীড়ায় হারিয়েছি”। তাই তো আমি তাঁকে
ভালবাসি।

বিদু।—এই রত্নমালাটি গ্রহণ করুন।

বস।—(স্বগত) সেই অলঙ্কারগুলি দেখাব
কি?—না, কাজ নেই।

বিদু।—আপনি কি তবে এই রত্নমালা গ্রহণ
করবেন না?

বস।—(হাসিয়া সখার মুখের পানে চাহিয়া)
এই রত্নমালাটি নেব না কেন? সহকার-বৃক্ষ পুষ্প-
হীন হলেও তা হতে মধু-বিন্দু ঝরে। মহাশয়!
আমার নাম করে’ জুয়ারী চারুদত্ত-মশায়কে বলবেন,
আমিও আজ সন্ধ্যার সময় তাঁর সঙ্গে দেখা করতে
যাব।

বিদু।—(স্বগত) সেখানে গিয়ে না জানি আবার
কি আদায় করবে। (প্রকাশ্যে) দেখুন, তাঁকে
গিয়ে বলিচি (স্বগত) আমি বলব—“সখা এই বেঞ্জার
সঙ্গ ছাড়ো”।

[প্রস্থান।

বস।—ওলো! এই অলঙ্কারগুলি সঙ্গে নে—
দত্ত-মশায়ের সঙ্গে দেখা করতে যাচ্ছি।

দাসী।—ঠাকরণ! দেখুন, দেখুন, অকালে মেঘ
উঠেছে।

বস।—

উদয় হউক মেঘ, আশুক রজনী,
অবিরত হউক বর্ষণ;

প্রিয়জন অভিমুখে হৃদয়ের গতি,

—এ সকল না করি গণন।

ওলো! হারটা নিয়ে শীত্র আয়।

[সকলের প্রস্থান।

মদনিকা-শর্বিলক-নামক চতুর্থ অঙ্ক সমাপ্ত।

পঞ্চম অঙ্ক

দৃশ্য—চারুদত্তের উদ্যান

(উৎকর্ষ-চিত্ত চারুদত্ত আসীন)

চারু।—(উর্ধ্বে অবলোকন করিয়া) এ কি!
অকালে হুদিন?

অকাল-জলদ নভে গৃহ-শিখী দেখে সবে
মহাস্তম্বে প্যাথোম ধরিয়া;
সমুৎসুক হংসকুল মানস-গমন-কামৌ,
বিয়াকুল বাবাত দেখিয়া।
সহসা উঠিয়া মেঘ, অন্তর ও অন্তরীক্ষ
উভয়েরে ফেলিল ছাইয়া ॥

অপিচ :—

জলার্জ জলদরাজি নীলকান্তি ভূঙ্গসম,
কিষ্কা যেন মহিষ উদব,
ক্ষণ-প্রভা বিরচিত পীতাম্বর কেশবের
উত্তরীয় সুপীত অম্বর।
সংলগ্ন বলাকাবলী—বিষ্ণু যেন শঙ্করূপে
করতলে করেন ধারণ।
আক্রমিতে সমুত্তম মেঘদল আকাশেরে
ঠিক যেন দ্বিতীয় বামন ॥

অপিচ :—

শ্যাম মেঘ শ্যাম-সম,
বক্রগতি বলাকার শঙ্ক বিরচিত,
বিদ্যাৎ-কৌষেয়-বাস,
চক্রধর সম মেঘ গগনে উদ্ভিত।
রজতের দ্রব যেন হইয়া ক্ষরিত, জলদ-উদর হতে
বেগে ধারা হয় বরিষণ।
তড়িৎ-প্রভায় দৃষ্টি ক্ষণেক ধাঁধিয়া,
নভো-বাসাঞ্চল যেন
ছিন্ন হয়ে হয় গো পতন।

পবন-চালিত হয়ে
কতই অসংখ্য রূপ ধরে মেঘ-দল,
কভু বা উড়ন্ত হাঁস,
কখন মিলিত চক্রবাকের যুগল,
উন্নত প্রাসাদ কভু,
সাগর-মহন-জাত মৎস্য ও মকর ;

—চিত্র-পদ্ম সম নভ
কিবা শোভা ধরে আহা বড়ই সুন্দর ।

ধৃতরাষ্ট্র-চক্র-সম নভস্তলে ঘোর তম,
অতি দর্পে গরজিছে, যেন শিখী ছুর্যোধন ।
অক্ষদ্যুতে পরাজিত মৌন পিক ধর্মরাজ,
পাণ্ডব এ হংস-কুল অজ্ঞাত-নিবাসে আজ ।

(চিন্তা করিয়া) অনেকক্ষণ হ'ল মৈত্রেয় বসন্ত-
সেনার ওখানে গেছে—এখনও তো এল না ।

(বিদূষকের প্রবেশ)

বিদূ।—ওঃ! বেশা-বেটির কি লোভ! কি
অভদ্রতা! একটা কথাও বলো না,—'কিছু না বলে',
কোন আদর-বহু না দেখিয়ে, অনায়াসে রত্নমালাটি
হাত পেতে নিলে গো! এত ঐশ্বর্য্য, তবু একবার
বলো না, "মৈত্রেয় মশায়! একটু বিশ্রাম করুন,
একটু জলযোগ করে' যান"—বেশা-বেটির আর
মুখদর্শন করব না । এ কথাটা খুব ঠিক যে—“অমূল-
সমুখিতা পদ্মিনী, অরক্ষক বণিক, অচোর স্বর্ণকার,
অকলহ গ্রাম-সমাগম, আর অলুকা বেশা—এ কখন
মনে কল্পনাও করা যায় না ।” এখন তবে প্রিয়সখার
কাছে গিয়ে যাতে তিনি এই বেশার সঙ্গ ত্যাগ
করেন, তাই করি গে । (পরিক্রমণ ও দৃষ্টি করিয়া)
এই যে, সখা বাগানে বসে' আছেন । এইবার তবে
নিকটে যাই । (নিকটে গিয়া) কল্যাণ হোক!
—শ্রীবুদ্ধি হোক!

চারু।—(দেখিয়া) এই যে সখা এসেছ যে ।
এস সখা এস, বোসো ।

বিদূ।—এই বস্টি ।

চারু।—সখা—সে কার্য্যটার কি হল, বল দিকি ।

বিদূ।—কার্য্যটা সমস্তই নষ্ট হয়ে গেল ।

চারু।—তবে কি তিনি রত্নমালাটি নিলেন না ?

বিদূ।—আমাদের এমন কি সৌভাগ্য যে, নেবেন
না, দেখবামাত্রই তাঁর নব-কমল-কোমল অঞ্জলি
মাথায় তুলে' স্বচ্ছন্দে নিলেন ।

চারু।—তবে যে বলে, সমস্ত কার্য্য নষ্ট হল ?
বিদূ।—ওহে, নষ্ট হল না তো কি ? যা কখন
ব্যবহারে আসেনি, চোরে যা চুরি করে' নিয়ে যায়—
সেই অল্প-মূল্যের স্বর্ণ-অলঙ্কারের নিমিত্ত, চতুঃসাগরের
সার-বস্তু সেই রত্নমালাটি হারান গেল ?

চারু।—সখা, তা কখনই নয় ।

যে বিশ্বাস-ভরে তিনি

রাখিলা গো মোর কাছে স্বর্ণ-অলঙ্কার

এই মহামূল্য দিয়া

শুধিলাম আমি সেই বিশ্বাসের ধার ।

বিদূ।—আমার আর একটি কষ্টের কারণ
আছে ;—সেই বেশা বেটি সখীদের ইসারা করে'
অঞ্চল দিয়ে মুখ ঢেকে, আমাকে উপহাস করে-
ছিল । আমি ব্রাহ্মণ, তোমার পায়ে মাথা রেখে
এই অনুন্নয় করচি, এই বেশার সঙ্গ তুমি
ছাড়ো—বেশার সংসর্গ বহু অনিষ্টের কারণ । বেশা
জুতোয়-টোকা কাঁকরের মত, বের করা বড়
কষ্টকর । তা ছাড়া দেখ সখা,—গণিকা, হস্তী,
কায়স্থ, ভিক্ষু, ধূর্ত, এরা যেখানে বাস করে, ছুঁই
লোকেরাও সেখানে থাকে না ।

চারু।—সখা, এ সমস্ত নিন্দাবাদে আর কোন
প্রয়োজন নাই—দ্রবস্থাপন্ন লোককে বেশা কখন
আশ্রয় করে না । দেখ :—

স্বরিত-গমনে অশ্ব করয়ে যতন,

শ্বাস-স্বয়-হেতু তার না সরে চরণ ।

পুরুষ চপল-মতি যায় সর্কদেশে,

খিন্ন হয়ে পুনঃ করে হৃদয়ে প্রবেশ ।

তা ছাড়া :—

বাহার আছে গো অর্থ, কান্তা সে তাহার
ধনে বশীভূত (স্বগত) না না—গুণে বশীভূত ।

(প্রকাশে) ধনৈশ্বর্য্য করিয়াছে মোরে পরিহার,
সেই সঙ্গে তাহা হতে আমিও বিচ্যুত ।

বিদূ।—(অধোদিকে অবলোকন করিয়া স্বগত)
সখা, যখন উপর দিকে চেয়ে নিঃশ্বাস ফেলুচেন,
তাতেই মনে হচ্ছে, আমি নিবারণ করায় তাঁর উৎকণ্ঠা
আরও বৃদ্ধি হয়েছে । কথায় যে বলে, “কাম বড়
বাম” এ কথা খুবই ঠিক । (প্রকাশে) দেখ সখা,
তোমাকে সে এই কথা বলতে বলেছে, আজ সন্ধ্যার

সময় সে এখানে আস্চে। আমার মনে হয়, রত্ন-মালায় সন্তুষ্ট হয়নি—আরও কিছু চায়।

চারু।—সখা, আত্মক—এবার পরিতুষ্ট হয়ে যাবে।

দৃশ্য—উদ্যানের বাহিরে

(দাসের প্রবেশ)

দাস।—সরে যাও—সরে যাও সব লোকজন।

যেথায় যেথায় মেঘের ধারা।

পিঠের চামড়া ভিজিয়া সারা।

যেথায় যেথায় শীতের বায়

বুকটা ওঠে গো কাঁপিয়া তায়।

(হাসিয়া)

বাজাব বাঁশী সপ্তচ্ছন্দ মধুর-স্বর,

বাজাব বাঁশী সপ্ততন্ত্রী তাহার পর,

গাহিব গান গাধার রাগে

নারদ তব্ব কোথায় লাগে ?

ঠাকুরগ বসন্তসেনা আমাকে বলেন, “দেখ কুস্তীলক, তুমি গিয়ে চারুদত্ত-মহাশয়কে বল, আমি এখনি তাঁর বাড়ীতে যাচ্ছি।” ঐ যে, দত্ত মহাশয় বাগানে বসে’ আছেন, সেই বিটলে বাওনটাও সঙ্গে আছে দেখ’ চি—এখন তবে ঐখানে যাই। এ কি! বাগানের যে দরজা বন্ধ। আচ্ছা তা’ হ’ক, আমি বিটলে বাওনটাকে সঙ্কেত করে’ জানিয়ে দি।

(চিল নিক্ষেপ)

বিদু।—প্রাচীরে-ঘেরা কদবেল মনে করে’ কে রে আমাকে চিল ছুড়ে মাবুচে? আরাম-প্রাসাদের বেদিকার উপর বসে’ পায়রারা খেলা করচে, ওরাই বোধ হয় ফেলে থাকবে।

দাস।—পায়রা ব্যাটা বুঝি? রোস—রোস—এই লাঠি দিয়ে পাকা আমটির মত ঐ প্রাসাদ থেকে ভুঁয়ে পেড়ে ফেল’ চি। (লাঠি উঠাইয়া ধাবমান)

চারু।—(পেতা ধরিয়া টানিয়া) সখা! বোসো, ও কি কর—বেচারা পায়রা ছুটি বেশ সুখে আছে—কেন ওদের মারো।

দাস।—আমাকে এখনও দেখতে পায়নি—

৩য়—৬

মনে করচে, পায়রা। তবে আর একটা চিল ছুড়ে মারি। (তথাকরণ)

বিদু।—(চারিদিক অবলোকন করিয়া) কি?—কুস্তীলক? তবে ওর কাছে এগিয়ে যাই—ওরে কুস্তীলক—আয় আয়, ভিতরে আয়।

দৃশ্য—উদ্যানের অভ্যন্তর

দাস।—(প্রবেশ করিয়া) ঠাকুর, প্রণাম।

বিদু।—ওরে। এই অন্ধকার ছদ্মিনে তুই কোথ থেকে আস’চিস?

দাস।—ঠাকুর! এই সেই—

বিদু।—আরে, কে সে? কাকে মনে করে’ বল’চিস?

দাস।—সেই গো সেই।

বিদু।—আরে ব্যাটা, তোর হয়েছে কি? ছুর্ভিক্ষ-সময়ের অতিবৃদ্ধের উর্দ্ধ্বাসের মত “এই সেই এই সেই” কর’চিস কেন? কাকে মনে করে’ বল’চিস?

দাস।—আপনিও তো ঠাকুর, মদন-দেবের পূজার সময়কার মত “কাকে কাকে” কর’চেন।

বিদু।—এখন তবে আসল কথাটা বল।

দাস।—(স্বগত) আচ্ছা, তবে এই রকম বলি, (প্রকাশে) আপনাকে একটা প্রশ্ন দিচ্ছি।

বিদু।—আমি তোর মাথায় পা দিচ্ছি।

দাস।—আপনি তো জানেনই, তবু বলুন দেখি, কোন্ সময়ে আমগাছে বোল’ ধরে?

বিদু।—আরে ব্যাটা, সে তো গ্রীষ্মকালে।

দাস।—(হাসিয়া) ওগো, না গো না।

বিদু।—(স্বগত) ওকে এখন কি উত্তর দি? আচ্ছা, চারুদত্তকে গিয়ে জিজ্ঞাসা করি। (চারুদত্তের নিকটে গিয়া) দেখ সখা, বল দিকি, কোন্ সময়ে আমের গাছে বোল’ ধরে?

চারু।—আরে মূর্খ—বসন্তে।

বিদু।—(দাসের নিকটে গিয়া) আরে মূর্খ! বসন্তে।

দাস।—আপনাকে আর একটা প্রশ্ন দি। বড় গ্রামগুলি কে রক্ষা করে বলুন দিকি?

বিদু।—আরে—রাস্তা।

দাস।—(হাসিয়া) ওগো, না গো না।

বিদু।—আবার যে বিষম সংশয় উপস্থিত।

আচ্ছা ভাল—আবার চারুদত্তকে জিজ্ঞাসা করে
আসি। (ফিরিয়া গিয়া চারুদত্তকে পুনঃ জিজ্ঞাসা)
চারু।—সখা, তাও জান না?—গ্রাম রক্ষা করে
সেনা।

বিদু।—(দাসের নিকটে গিয়া) ওরে!—সেনা।
দাস।—আচ্ছা, ঐ ছোটো কথা একত্র করে
শীঘ্র বীর বলুন দিকি।

বিদু।—সেনাবসন্তে।
দাস।—একটু ঘুরিয়ে বলুন দিকি।
বিদু।—(নিজ দেহকে ঘুরাইয়া) সেনাবসন্ত।
দাস।—পদটা উল্টিয়ে বলুন।
বিদু।—(নিজের পা উল্টাইয়া)—সেনাবসন্ত।
দাস।—আরে মুর্থ বটু, অক্ষরের পদটা উল্টিয়ে
বল।

বিদু।—বসন্তসেনা।
দাস।—সেই তিনিই এসেছেন।
বিদু।—আচ্ছা, তবে চারুদত্তকে জানিয়ে আসি।
(নিকটে আসিয়া) দেখ চারুদত্ত! তোমার পাওনা-
দার এসেছে।
চারু।—আমার গৃহে পাওনাদার কোথ থেকে
এলো?

বিদু।—গৃহে যদিও না এসে থাকে, ঘারে
এসেছে।—বসন্তসেনা এসেছে।
চারু।—সখা! আমাকে কি প্রতারণা করচ?
বিদু।—যদি আমার কথায় প্রত্যয় না হয় তো
এই কুস্তীলককে জিজ্ঞাসা কর। ওরে ব্যাটা কুস্তী-
লক, এগিয়ে আয়।

দাস।—(নিকটে আসিয়া) প্রণাম মশায়!
চারু।—এস বাপু! সত্যি কি বসন্তসেনা
এসেছেন?
দাস।—হাঁ, এই যে তিনি এসেছেন।
চারু।—(সহর্ষে) বাপু! আমার কাছে সুসং-
বাদ দিয়ে কেউ কখন নিফল হয় না।—এই পারি-
তোষিক দিলেম। (চন্দর দান)
দাস।—(লইয়া প্রণাম করিয়া সপরিতোষে)
আমি তবে ঠাকরণকে জানিয়ে আসি।

[প্রস্থান।

বিদু।—ওহে! তুমি কি জানো, এই হৃদনে
কনে সে এসেছে?

চারু।—সখা, আমি ঠিক জানিনে।
বিদু।—আমি জানি। রত্নমালাটা অন্ন-মূল্যের,
স্বর্ণ-অলঙ্কারগুলি বহুমূল্যের—তাই সস্তুষ্ট হয়নি,
আরও কিছু চাইতে এসেছে।
চারু।—(স্বগত) এইবার পরিতুষ্ট হয়ে যাবেন।

দৃশ্য—উদ্যানের বাহিরে

(ছত্রধারিণী ও বিট-সমভিব্যাহারে উজ্জল অভিসারিকা-
বেশে সোৎকর্থা বসন্তসেনার প্রবেশ)

বিট।—(বসন্তসেনার উদ্দেশে)

পদ্মহীন লক্ষ্মী ইনি

ললিতাজ্ঞান অনঙ্গ দেবের,

কুলস্রীর শোক-স্থান

পুষ্পরত্ন মদন-বৃক্ষের।

লয়ে প্রিয় সঙ্গী সাথে

রতি-কালোচিত লাজে অতি লজ্জাবতী,

বিলাস-বিভ্রম-ভরে

রতি-রঙ্গ-ক্ষেত্র-মাঝে চলেন যুবতী।

দেখ দেখ বসন্তসেনা!

বিরহিণী-হৃদি সম স্নান মেঘ গরজ্জিছে

লক্ষ্মণ শৈল-শিরপরে।

সে রব শুনিয়া দেখ সহসা ময়ূরগণ

উড়ি' উড়ি' উল্লাসের ভরে

মণিময় পুচ্ছ দিয়া তালবৃন্ত সম কিবা

করিতেছে বীজন নভরে।

অপিচ :—ধারাহত ভেকগণ

করিছে সলিল পান সুপঙ্কিল মুখে,

আনন্দে ডাকিছে শিখী,

কদম্ব-কুম্ব যত প্রক্ষুটিত সুখে।

সন্ন্যাস লয় গো যথা যেই জন কুল-কলঙ্কিত,

চন্দ্রমা তেমতি এবে অতি ঘোর জলদে আবৃত।

নীচকুলোদ্ভবা কোন যুবতী যেমতি

এক স্থানে নহে স্থির বিহ্যৎ তেমতি।

বস।—পণ্ডিত, তুমি ঠিক বলেছ :—

সুনিবিড় পয়োধরে আচ্ছন্ন করিয়া দিশি

কুপিতা সপত্নী-সম পথ মোর রোধে নিশি।

গরজ্জিয়া ঘন ঘন করে মোরে নিবারণ,

ওরে মুঢ় নিশি! তোর কেন হেন আচরণ?

এ নিবিড় পয়োধরে লগ্ন হয়ে অবিরল
রমে যদি কান্ত মোর তোর কি তাহাতে বল ?
বিট ।—আচ্ছা, ওকে খুব তিরস্কার কর দিকি ।
বস ।—দেখ পণ্ডিত ! স্ত্রী-স্বভাব ঈর্ষ্যা করা, তা
ওকে তিরস্কার করে' কি ফল ? দেখ পণ্ডিত :—

করুক বর্ষণ মেঘ করুক গর্জ্জন,
ভীষণ অশনি-পাত হোক অহুঙ্কণ,
যে রমণী যাত্রা করে কান্ত-সম্মিধানে
শীত-উষ্ণ বাধা সে গো কিছু নাহি মানে ।

বিট ।—আবার দেখ বসন্তসেনা !
পবন-সমান-বেগ ধারা-শর হানে মেঘ,
বিজুলী পতাকা-প্রায়, ভেরী-গরজন ।
নৃপ যথা মহাবলী পশে পুরী শত্রু দলি'
সেইরূপ মেঘ আজি ছাইয়া গগন
শশাঙ্ক হইতে কর করিছে হরণ ।

তুমি যা বলে, তা ঠিক—কিন্তু এ কথাও কি সত্য
নয় ?

তড়িৎ-বলাকা-শোভী
লম্বোদর গজরূপী মেঘদল করে গরজন,
শেল-সম তাহে দেখে বিদ্ধ হয় বিরহীর মন ।
হতাশ বকের দল
অতি-জল-বৃষ্টি-হেতু হাহা করে আকুল পরাণে,
বধ্য-ভেরী-নাদ-সম পশে তাহা বিরহিণী-কানে ।
“প্রাবুট্ প্রাবুট্” বলি'
যখন তাহারা সবে করে হাহাকার
ক্ষত-স্থানে সে সময়ে পড়ে যেন ক্ষার ।

বিট ।—তা বটে বসন্তসেনা ।—কিন্তু আবার
দেখ :—
বলাকা—নভের খেত উক্ষীষের মত,
বিছ্যৎ-চামর শিরে রয়েছে উজ্জত,
জ্বলে করিতে গজ ইচ্ছা মনোগত ।

বস ।—পণ্ডিত ! দেখ দেখ !
তমালের আর্দ্র পত্র-সম
কালো মেঘ সূর্য্য ঢাকি ছাইল গগন ।
শরাহত গজবৃন্দ যেন
—অবসন্ন ধারাহত বলমীকগণ ।
সৌদামিনী কাঞ্চন-দীপিকা
প্রাসাদ-উপরে যেন করে সঞ্চরণ ।

হীন-বল পতি যার
সে নারীর যেই দশা হ'লে বহির্গত,
তেমতি বাহির হয়ে
জোছনারো সেই দশা—মেঘে হয় হত ।

বিট ।—বসন্তসেনা ! দেখ দেখ :—

তড়িৎগুণে বন্ধ-বপু গজ-সম মেঘদল
পরস্পরে যেন গো আক্রমে,
ইন্দ্রাদেশে কিম্বা মেঘ রোপ্য-গুণে টানে উর্দ্ধে
ধরণীরে ধারা-বরিষণে ।

আরো দেখ :—

মহাবায়ু-পূর্ণোদর
মহিষের সম নীল যত জলধর
বিছ্যতের পাখা ধরি'
চলে যেন জলধির শেষ সীমান্তর ।
কিম্বা যেন ধারা-রূপ মণিময় শরাঘাতে
তীব্ররূপে ধরা করে ভেদ,
নববারি-ধারা-পাতে তীব্রগন্ধী ধরা হতে
তৃণাকুর হয় গো উদ্ভেদ ।

বস ।—পণ্ডিত ! আবার দেখ :—

ময়ুরেরা ডাকে যারে
উচ্চৈঃস্বরে অতি সকাতরে,
বলাকা উড়িয়া বেগে
আলিঙ্গয়ে যারে স্নেহ-ভরে,
পদ্ম ত্যজি' হংসগণ
যারে দ্যাখে হয়ে উৎকণ্ঠিত,
—কজ্জলে কাগিয়া দিক্
সেই মেঘ দেখ সমুখিত ।

বিট ।—তাই বটে ।

দিন-রাতি এই ছুটি জগতের পঞ্চজ-নয়ন—
ক্ষণ-প্রভা-প্রভাবলে দৃষ্টিহীন—নাহিক স্পন্দন ।
জগতের আশা-মুখ দশ-দিশি আচ্ছাদন করি'
মেঘ-রাশি সুবিশাল নভোমারো আছে ছত্র ধরি'
—জগৎ ঘুমায় স্থখে মেঘ-গৃহে মেঘেতে আবারি' ।

বস ।—সে কথা সত্য—কিন্তু আবার দেখ :—

বিলুপ্ত তারকাগণ
—অসাধু জনের প্রতি যথা উপকার,
কান্ত-হারী নারী সম
হারিয়েছে দিক্-বধু সব শোভা তার ।



বাসবের বজ্রানলে
অতিমাত্র হইয়া তাপিত
গগন গলিয়া যেন
জলরূপে হতেছে পতিত।

আরো দেখ :—

প্রথম-সম্পদ-লক্ষ পুরুষের মত
জলধর কত রূপ ধরে শত শত।
কভু বা উপরে ওঠে, কভু নীচে যায়,
গরজে, বরষে, কভু অন্ধকারে ছায়।

বিট!—সে কথা ঠিক।

বিছাৎ-অনলে জলে, হাসে বলাকার ছলে
মাহেন্দ্র ধমুকে যেন যোঝে ছাড়ি' শর-ধারা।
বজ্রনাদে হাঁকে ডাকে, মাথা ঘোরে বায়ু-পাকে,
নভ ধুমায়িত করি' চলে নীল সর্প-পারা ॥

বস।—

নির্লজ্জ তুমি গো মেঘ, আমি এবে যাইতেছি
আমার সে নাথের সদন।
গর্জনে দেখায়ে ভয় ধারা-হস্ত মোর অঙ্গে
বুলাইছ কেন গো এখন ?

শোন বলি ইন্দ্র :—

পূর্বকালে তব প্রেমে অছুরাগী ছিল কি এ চিত্ত ?
তবে যে গো বৃষ্টিপাতে নাথ-দরশন-পথ রোধিতে
প্রবৃত্ত ?

অপিচ :—

তুমি পূর্বে অহল্যারে মিথ্যা করি' বলেছিলে
“আমি গো গৌতম”।
তাই যদি এসে থাকো, মোরো হুঃখ দেখি' তুমি
—মেঘে কর নিবারণ ॥

অপিচ :—

গরজ' বরষ' ইন্দ্র যা ইচ্ছা তোমার,
অশনি নিঃক্ষেপ কর শত শত বার।
যে নারী ভেটিতে যায় নিজ প্রিয়-জনে
কার সাধ্য রোধে তারে এ তিন ভুবনে ?

অপিচ :—

গর্জে যদি জলধর করুক গর্জন,
কে না জানে নিষ্ঠুর সে পুরুষের মন।
কিন্তু সৌদামিনি ওগো ! এ বড় কৌতুক,
তুমিও কি বোঝো নাকো রমণীর হুঃখ ?

বিট।—ঠাকুর! কেন ওকে মিথ্যে তিরস্কার
করচ—বিছাৎ তোমার উপকারিণী বন্ধু।

ঐরাবত-উরুপরি

চপল কনক-রজ্জু-প্রায়,
ধবল পতাকা যেন
নিবেশিত শৈলের মাথায়,
দেবরাজ-ভবনের
প্রজলিত দীপের মতন
বলিয়া দিতেছে উহা
তব প্রিয়তমের ভবন।

বস।—পণ্ডিত! তাই তো, এই যে সেই
গৃহ।

বিট।—সমস্ত কলা-বিছাই তো তোমার জানা
আছে—এমন কিছুই নেই—যে বিষয়ে তোমাকে আমি
উপদেশ দিতে পারি। কেবল এইমাত্র বলি, গুর
ওখানে গিয়ে, অত্যন্ত বেশি রাগ কিম্বা অভিমান
করা তোমার কর্তব্য নয়।

কর যদি মান তবে না থাকিবে রতি,
বিনা মানে কোথাই বা কামের বসতি ?
মান করে' থাকো, মান কর উত্তেজনা,
পরে ক্ষান্ত হয়ে কর কান্তরে সান্ত্বনা।

সে যাক্। কে আছ গো ! চারুদত্ত মহাশয়কে বল :—

যে সময়ে বিকসিত কদম্ব-কুম্ভম নীপ
করে গন্ধদান
সেই মেঘাবৃত্ত কালে জলার্দ্র অলকে, আর
প্রেমে হৃষ্ট-প্রাণ
তব দরশন আশে কোন্ বামা হেথা দ্যাখো
আসি উপস্থিত,
নুপুরে কর্দম লগ্ন, দাঁড়ায়ে করেন ঘারে
পদ প্রক্ষালিত।

চারু।—(গুনিয়া) সখা! জেনে এসো দিকি
ব্যাপারটা কি ?

বিট।—এই যাই। (বসন্তসেনার নিকটে আসিয়া
সাদরে) কল্যাণ হোক !

বস।—এসো ঠাকুর, এসো ! প্রণাম ! (বিটের
প্রতি) এই ছত্র-ধারিণী তোমার সঙ্গে থাক্।

বিট।—(স্বগত) এই উপায়ে কেমন কৌশল

করে' আমাকে সরিয়ে দিলে দ্যাখো, (প্রকাশে)
আচ্ছা, তাই হোক। দেখ বসন্তসেনা!

দন্ত, মায়া, ছল, মিথ্যা

ইহাদের যেথা জন্ম হয়

শাঠ্য-পরিপূর্ণ সেই

রতিকলা-কেলির আলয়।

মদন-বাজারে যেথা

সতত সংগ্রহ হয় সুরত-উৎসব,

দাক্ষিণ্য-সুখের মূল্যে

বিক্রয় হউক তব যৌবন-গৌরব।

[বিটের প্রস্থান।

বস।—মৈত্রেয় মহাশয়! আপনাদের জুয়ারী
কোথায়?

বিদু।—(স্বগত) হি হি হি! বেশ যা হোক!
প্রিয়সখা "জুয়ারী" খেতাব পেয়েছেন দেখ্‌চি।
(প্রকাশে) তিনি ঐ গুরু বাগানে বসে' আছেন।

বস।—মশায়! বাগানটিকে গুরু বল্‌চেন কেন?
বিদু।—যেখানে খাদ্য-পানীয় কিছুই নেই, সে
স্থান গুরু নয় তো আর কি?

বস।—(সম্মিত)
বিদু।—ওগো, তবে ভিতরে এসো।
বস।—(জনাস্তিকে) ওখানে গিয়ে কি বলি বল্‌
দিকি?

দাসী।—“ওগো জুয়ারী! তোমার সন্ধ্যাটা তো
এখন বেশ সুখে কাটে” এই কথা বলুন।

বস।—ও কথা কি বল্‌তে পারব?
দাসী।—অবসর পেলেই বল্‌তে পারবেন।
বিদু।—ওগো! ভিতরে এসো।

দৃশ্য—উদ্যানের অভ্যন্তর

বস।—(প্রবেশ ও নিকটে গিয়া পুষ্প-প্রহার)
ওগো জুয়ারী! তোমার সন্ধ্যাটা এখন সুখে কাটে
তো?

চারু।—(দেখিয়া) এ কি! বসন্তসেনা যে!
(সহর্ষে উত্থান করিয়া) অয়ি প্রিয়ে!
প্রদোষটা যায় মম সদা জাগরণে,
নিঃস্বাসেতে কাটে কাল নিশা আগমনে।

তোমারে পাইয়া আজি ওগো স্নলোচনে!
প্রদোষের শোক-তাপ যুচিল এক্ষণে ॥

এসো প্রিয়ে, এসো—এই আসন—এইখানে বোসো।

বিদু।—ওগো! এই আসনে বোসো।

(বসন্তসেনা উপবিষ্ট হইলে সকলের উপবেশন)

চারু।—সখা! দেখ, দেখ!

বৃষ্টিবিন্দু ঝরি' পড়ে

শ্রবণান্ত-বিলম্বিত কদম্বটি হ'তে,

হয়েছে একটি স্তন

যৌবরাজ্যে অভিবিক্র যেন বিধিমতে।

তা, দেখ সখা, বসন্তসেনার কাপড় ভিজে
গেছে, অন্য একখানা ভাল কাপড় এনে দেও।

বিদু।—আচ্ছা, এনে দিচ্ছি।

দাসী।—মৈত্রেয় মহাশয়! আপনি থাকুন, আমি
ওঁর সেবা-শুশ্রূষা কর্‌চি। (তথা করণ)

বিদু।—(চুপি চুপি) দেখ সখা, ওঁকে কি কিছু
জিজ্ঞাসা করব?

চারু।—কর না।

বিদু।—(প্রকাশে) আচ্ছা, কি নিমিত্ত তুমি
চন্দ্রালোক-শূন্য এই অন্ধকার দুর্দিনে এলে বল দিকি?
দাসী।—ঠাকরণ! ব্রাহ্মণটি ভারি সাদাসিধে
লোক দেখ্‌চি।

বস।—বরং বল, ভারি চতুর।

দাসী।—ঠাকরণ জান্‌তে এসেছেন, সেই রত্ন-
মালাটির মূল্য কত?

বিদু।—(জনাস্তিকে) দেখ, পূর্বেই তো আমি
তোমাকে বলেছিলেম, রত্নমালার অল্প মূল্য আর স্বর্ণ-
অলঙ্কারগুলির বেশি মূল্য—তাই আরও কিছু পাবার
প্রত্যাশায় এসেছে।

দাসী।—সেই রত্নমালাটি নিজের ভেবে জুয়ো-
খেলায় ঠাকরণ হারিয়েছেন—আর সেই আজ্ঞাধারী,
রাজার কাজে কোথায় চলে' গেছে—তাকে আর
দেখতে পাওয়া যাচ্ছে না।

বিদু।—ওগো, আমি স্বর্ণ-অলঙ্কার সম্বন্ধে যা যা
বলেছিলেম, এও যে তাই আওড়াচ্ছে।

দাসী।—যত দিন না তার খোঁজ পাওয়া যায়,
তত দিন এই স্বর্ণ-অলঙ্কারগুলি আপনার কাছে
রাখুন।—(স্বর্ণ-অলঙ্কার প্রদান)

বিদু।—(নাড়িয়া চাড়িয়া দর্শন)

দাসী।—মহাশয় যে খুব ঠাউরে ঠাউরে দেখছেন
—এগুলি পূর্বে দেখেছিলেন না কি ?

বিদু।—ওগো!—কি চমৎকার শিল্পকাজ!—
তাই এ-থেকে চোখ ফেরাতে পারচি নে।

দাসী।—দেখে ঠাওরাতে পারলেন না ? আপ-
নার তবে চোখ নেই—এই সেই স্বর্ণ-অলঙ্কারগুলি।

বিদু।—(সহর্ষে) দেখ সখা! এই সেই স্বর্ণ-
অলঙ্কারগুলি যা চোরে আমাদের ঘর থেকে চুরি
করে' নিয়ে গিয়েছিল।

চারু।—সখা!

গচ্ছিত যে বস্তু ছিল আমার নিকটে
তারি' পরিশোধ-ছলে দিতেছি গো বটে।

কিন্তু নহে বাস্তবিক এ সে অলঙ্কার,
ইহা শুধু আমাদের বঞ্চনাই সার।

বিদু।—দেখ সখা, ব্রহ্মণ্যদেবের দিবিয়া, এগুলি
সত্যই সেই অলঙ্কার।

চারু।—মা, বাঁচা গেল! শুনে বড় খুসি হলেম।

বিদু।—(জনাস্তিকে) ও কোথ থেকে পেলে,
জিজ্ঞাসা করব কি ?

চারু।—দোষ কি ?

বিদু।—(দাসীর কানে কানে) তাই কি ?

দাসী।—(বিদুষকের কানে কানে) হাঁ, তাই
বটে।

চারু।—কি কথা হচ্ছে ? আমরা কি শুনতে
পাই নে ?

বিদু।—(চারুদত্তের কানে কানে) এই কথা।

চারু।—বাছা! সত্যই কি সেই অলঙ্কারগুলি ?

দাসী।—আজ্ঞে হাঁ।

চারু।—বাছা! স্মরণ দ্বারা আমার কাছে
কেউ নিফল হয় না। পারিতোষিক-স্বরূপ এই
আংটাটি দিলেম—আও। (হাতে অঙ্গুরী নাই দেখিয়া
লজ্জা)

বস।—(স্বগত) তোমারি হাতে অঙ্গুরী থাক
শোভা পায়।

চারু।—(জনাস্তিকে) ওঃ, কি কষ্ট!

যে জন গো ধনহীন, আদৌ জীবনে তার
নাহি প্রয়োজন।

প্রতিদান-শক্তি নাই—কোপ অনুগ্রহ তার
বুখা প্রদর্শন।

অপিচ :—

পক্ষহীন পক্ষী, আর

শুষ্ক তরু, জলহীন সর,

দস্ত-উৎপাটিত সর্প,

সেইরূপ ধনহীন নর।

অপিচ :—

শূন্য গৃহ, শীর্ণ তরু, জলহীন কূপ,

দরিদ্র পুরুষ, এরা সবই সমরূপ।

পরিচিত জনেরাও

দরিদ্রকে হয় বিশ্বরণ,

দরিদ্র হইলে তুষ্ট

ব্যর্থ তার তুষ্টি প্রদর্শন।

বিদু।—দেখ, হুঃখ করে' আর কি হবে? (প্রকাশে
পরিহাস-সহকারে) ওগো! এখন আমার সেই আন-
ধুতিটা ফিরে দেও দিকি।

বস।—দেখুন দত্ত মশায়! আমাকে এই
রত্নমালার যোগ্য মনে করা আপনার উচিত
হয় নি।

চারু।—(অপ্রতিভ হইয়া সঙ্গিত) দেখ বসন্ত-
সেনা!

বাস্তবিক কথা কে গো করিবে প্রত্যয়,

সর্বজনে আমারেই করিবে সংশয়।

সবাই সন্দেহ করে দরিদ্রের কথা,

হুর্কল যে তেজোহীন—ছার দরিদ্রতা।

বিদু।—ওগো! আজ কি তুমি এখানেই
শোবে ?

দাসী।—(হাসিয়া) মৈত্রেয় মশাই! আপনি
আজ যে ভারি ঝাকা হয়েছেন দেখচি, যেন কিছুই
বোঝেন না।

বিদু।—দেখ সখা! আমরা বেশ হুখে বোসে
আছি, আমাদের তাড়াবার জন্ত আবার যে ঘোর ঘট
করে' বৃষ্টি আরম্ভ হল।

চারু।—ঠিক বলেছ।

মেঘের অন্তর ভেদি' পড়ে বৃষ্টিজল

মুণালের সৃষ্টি যথা ভেদে' পক্ষ-তল।

শশীর বিপদে কিম্বা যেমতি গগন

তাপিত হইয়া করে অশ্রু বিমোচন।

অপিচ :—বলদেব-বস্ত্র সম নীল জলধর
সাধু-চিত্ত-শুভ্র ধারা বর্ষে নিরন্তর ।
কিধা যথা অর্জুনের বাণ খরধার,
কিধা যথা বাসবের মুক্তার ভাণ্ডার ।

প্রিয়ে ! দেখ দেখ !

সুপিষ্ট তমাল-লেপে লিপ্ত হয়ে আছে যেন
সমস্ত গগন

সুরভিত সঙ্ঘ্যানিল স্নানীতল, করে যেন :
তাহারে বীজন ।

জলদের সমাগমে প্রণয়িনী সৌদামিনী
আসি' শ্বেচ্ছাক্রমে
নিজ বাস্ত গগনেরে করে বন্ধ গাঢ়তর
প্রেম-আলিঙ্গনে ।

বস ।—(শৃঙ্গার-ভাব অভিনয় করিয়া চারুদত্তকে
আলিঙ্গন)

চারু ।—(স্পর্শ-সুখ অভিনয় করিয়া প্রত্যাালিঙ্গন)

গরজ' গরজ' মেঘ স্নগস্তোর নাদে,
মদন হৃদয়ে জাগে তোমারি প্রসাদে ।
উপজ্বিল অনুরাগ, প্রিয়ার পরশে
তনুটি কদম্ব-সম রোমাঞ্চ হরষে ।

বিদু ।—আরে ব্যাটা বর্ষা ! - তুই ভারি খারাপ—
বিছ্যাৎ দিয়ে তুই ওঁকে এখন কেন ভয় দেখাচ্চিস্
বল দিকি ?

চারু ।—সখা ! বিছ্যাৎকে কেন তিরস্কার করচ ?

শত বর্ষ ধরি' বর্ষা, অবিরত বারিধারা
করুক বর্ষণ,
সৌদামিনী মুহুর্ষু হু, সমস্ত আকাশ ব্যাপি'
করুক শূরণ,
সুহৃৎ প্রিয়া-সনে আলিঙ্গনে বন্ধ এবে
আমা-বিধ জন ।

তা ছাড়া, দেখ সখা !

ধলু বলি' মানি আমি তাহার জীবন
লভিয়া যে নিজ গৃহে কামিনী সঙ্গম
মেঘ-জল-স্নানীতল আর্দ্র গাত্র তার
নিজ গাত্রে সংলগ্ন করে বারিধার ।

প্রিয়ে বসন্তসেনা !

স্তম্ভগুলি বিচলিত স্তম্ভ-বেদীপরে,
কোনমতে চন্দ্রাতপে অতি কষ্টে ধরে ।

ধারা-বেগে সূধা-লেপ হইয়া গলিত
বিচিত্র এ ভিত্তিটিরে করে কর্দমিত ।

(উর্দ্ধে অবলোকন করিয়া) এ কি, ইন্দ্রধনু যে !
প্রিয়ে দেখ দেখ ।

বিহুজ্জিহ্বা প্রকাশিয়া, ইন্দ্র-ধনু-দীর্ঘবাহ
করি উত্তোলন
মেঘ-হনু বিস্তারিয়া, অন্তরীক্ষ করে যেন
আরামে জুস্তপ ।

এস তবে আমরা ঘরের ভিতরে যাই ।
(গাত্রোথান করিয়া পরিক্রমণ)

তাল-বনে তার-স্বর—তরু-শাখে মল্ল,
শিলাপরে রুক্ষধ্বনি, সজিলে প্রচণ্ড
—বীণাবাণ্ড হয় যথা সঙ্গীতের কালে
তেমতি গো বৃষ্টিধারা পড়ে তালে তালে ।
[সকলের প্রস্থান ।

“হুর্দিন” নামক পঞ্চম অঙ্ক ।

ষষ্ঠ অঙ্ক

দৃশ্য—চারুদত্তের গৃহ

(দাসীর প্রবেশ)

দাসী ।—এ কি ?—এখনও ঠাকরণের ঘুম
ভাঙ্গেনি ?—আচ্ছা, আমি তবে ঘরে গিয়ে ওঁকে
জাগিয়ে দি । (পরিক্রমণ)

ঘরের ভিতর

আচ্ছাদিত-শরীর বসন্তসেনা নিদ্রিতা ।

দাসী ।—(নিরীক্ষণ করিয়া) উঠুন ঠাকরণ,
উঠুন ! প্রভাত হয়েছে ।

বস ।—(জাগিয়া) কি ! রাত্রি-প্রভাত ?

দাসী ।—আমাদের প্রভাত—ঠাকরণের এখনও
রাত্রি ।

বস ।—ওলো ! তোদের জুয়ারীটি কোথায় ?

দাসী ।—ঠাকরণ ! দত্ত মশায় বর্দ্ধমানককে



সমস্ত বোলে-কোয়ে “পুষ্প-করগুণ” নামে সেই পোড়ো বাগানটিতে গেছেন।

বস।—কি বোলে গেছেন?

দাসী।—রাত্রি থাকতেই গাড়ি প্রস্তুত রেখো, বসন্তসেনা যাবেন—এই কথা বলে’ গেছেন।

বস।—ওলো! আমায় কোথায় যেতে হবে?

দাসী। ঠাকরণ! যেখানে দত্ত-মহাশয় গেছেন।

বস।—(দাসীকে আগিজন করিয়া) রাত্রে ভাল করে’ তাঁকে দেখতে পাইনি, আজ তা হ’লে তাঁকে ভাল করে’ দেখব। ওলো! আমি কি অন্তঃপুরে প্রবেশ করেছি?

দাসী।—শুধু অন্তঃপুরে নয়, সকলের অন্তরের মধ্যে প্রবেশ করেছেন।

বস।—আমি আসাতে চারুদত্তের পরিজনদের কি কষ্ট হয়েছে?

দাসী।—তাদের কষ্ট পরে হবে বটে।

বস।—কখন?

দাসী।—যখন ঠাকরণ চলে’ যাবেন।

বস।—তখন তো প্রথমে আমারই কষ্ট হবে। আখ, এই রত্নমালাটি নিয়ে আমার ভগিনী ধৃতদেবীর হাতে দিয়ে আয়—তাঁকে এই কথা বলবে, ‘আমি চারুদত্ত-মহাশয়ের গুণে বশীভূত হয়ে তাঁর দাসী হয়েছি—সুতরাং আপনারও দাসী—অতএব এই রত্নমালাটি আপনারই কর্তব্যবরণ হোক।’

দাসী।—ঠাকরণ, চারুদত্ত তা হলে আপনার উপর রাগ করবেন।

বস।—না, রাগ করবেন না, তুই যা।

দাসী।—(রত্নমালা লইয়া) যে আজ্ঞে, যাচ্ছি।

(প্রস্থান করিয়া পুনঃ প্রবেশ)

দাসী।—ঠাকরণ! ধৃতদেবী বলেন, “আমার স্বামী তোমাকে এটি দান করেছেন, আমার নেওয়া উচিত নয়। তুমি এ বেণু জেনো, আমার স্বামীই আমার নিজস্ব অলঙ্কার।”

(একটি বালককে লইয়া রদনিকার প্রবেশ)

রদ।—আয় বাছা! আমরা এই মাটির গাড়ীটি নিয়ে খেলা করি।

বালক।—(সকরণভাবে) রদনিকা, এই মাটির গাড়ীতে আমার কি হবে?—আমার সেই সোনার গাড়ীটা নিয়ে এসো।

রদ।—(নিরাশভাবে নিঃশ্বাস ফেলিয়া) জাহ! এখনি আর আমাদের সোনার ব্যবহার কোথায়?

বাবার যখন আবার টাকা হবে, তখন তুই সোনার গাড়ী নিয়ে খেলবি। (স্বগত) এখন ওকে কোনও রকম করে’ ভুলিয়ে রাখি—যাই, ওকে বসন্তসেনা-ঠাকরণের কাছে নিয়ে যাই। (নিকটে গিয়া) ঠাকরণ! প্রণাম।

বস।—এসো রদনিকে, এসো! এ ছেলেটি কার? গায়ে কোন অলঙ্কার নেই, তবু চাঁদমুখটি দেখে আমার এত ভাল লাগে।

রদ।—এটি চারুদত্ত মহাশয়ের পুত্র—নাম রোহসেন।

বস।—(বাহু প্রসারণ করিয়া) আয় বাছা, আমার কোলে আয়। (কোলে বসাইয়া) দেখতে ঠিক বাপের মত।

রদ।—শুধু চেহারা নয়, আমার মনে হয়, স্বভাবটিও বাপের মত হয়েছে। এখন তিনি একে দেখেই যা কিছু সান্ত্বনা পান।

বস।—কীদৃষ্টি কেন?

রদ।—আমাদের প্রতিবাসীর একটি ছেলে সোনার খ্যালুনা-গাড়ী নিয়ে খালা করছিল—এ দেখতে পেয়ে সেটি হাতে করে’ নিলে—আর ক্রমাগত সেইটি চাইতে লাগল—আমি ভোলাবার জন্তে তার বদলে একটি মাটির গাড়ী এনে দিলুম। কিন্তু ছেলেটি কি ভোলাবার পাত্র?—আমাকে বললে, “রদনিকা! আমি এই মাটির গাড়ী নিয়ে কি করব—আমাকে সেই সোনার গাড়ীটি দেও।”

বস।—আ ছি ছি! পরের দ্রব্য নেবার জন্তু কীদৃষ্টি? ভগবান্ দৈব! পদ্ম-পত্রের জলবিন্দুর মত পুরুষের ভাগ্য নিয়ে তোমার খেলা? জাহ! কেঁদো না—সোনার গাড়ী পাবে।

বালক।—রদনিকা! একে?

বস।—আমি তোর পিতার গুণ-মুগ্ধা দাসী।

রদ।—বাছা! ঠাকরণ তোর মা হন।

বালক।—রদনিকা! তুমি মিথ্যা কথা বল্চ—ইনি যদি আমাদের মা হবেন, তা হ’লে গায়ে গহনা কেন?

বস।—জাহ! তোমার সরল শিশু-মুখের এই-রূপ কথা শুনে বড়ই কষ্ট হয়। বাছা! এখন আমি যে তোর মা হয়েছি। তা, এই অলঙ্কারটি নে—এতে সোনার গাড়ী তৈরি হবে।

বালক।—যাও—আমি নেব না—তুমি যে
কাঁদচ।

বস।—(অশ্রু মার্জনা করিয়া) না জাহ—
আমি আর কাঁদব না—তুই এটি নিয়ে খালা করু গে।
(মুৎ শকটের মধ্যে অলঙ্কারগুলি পুরিয়া) জাহ!
এই দিয়ে সোনার গাড়ী করিয়ে নিস্।

[বালককে লইয়া রদনিকার প্রস্থান।

(বয়েলের গাড়ীতে চড়িয়া দাসের প্রবেশ)

দাস।—রদনিকে! রদনিকে! বসন্তসেনা-
ঠাকরণকে জানিয়ে এসো, খিড়কির দরজা খোলা
আছে, গাড়ীও তৈরি হয়েছে।

(রদনিকার প্রবেশ)

রদ।—ঠাকরণ! বর্দ্ধমানক বল্চে, খিড়কির
দরজায় গাড়ি দাঁড়িয়ে আছে।

বস।—ওলো! একটু অপেক্ষা করুক, আমি
ততক্ষণ সেজে-গুজে নিই।

রদ।—(প্রস্থান করিয়া) বর্দ্ধমানক! একটু
অপেক্ষা কর—ঠাকরণ সাজ-গোজ করচেন।

দাস।—হি হি হি! ওগো, আমিও যে গাড়ীর
বিছানা আনতে ভুলে গেছি—আমি এখন নিয়ে
আসি। বলদেরা নাকের দড়ির টানে যাবার জন্ত
অস্থির হয়েছে—আচ্ছা,—এই গাড়িতে করেই যাই।

বস।—ওলো! আমার সাজ-সজ্জার জিনিস-
গুল নিয়ে আয় তো—এইবার সাজ-গোজ করে' নি।

(গৃহের বাহিরে)

(বলদের গাড়ী চড়িয়া দাস স্থাবরকের প্রবেশ)

স্থাবরক।—রাজার শালা সংস্থানক আমাকে এই
কথা বলেছিলেন, “দেখ স্থাবরক! গাড়ী নিয়ে “পুষ্প-
করগুক” নামে পোড়ো বাগানটাতে শীঘ্র এস”।
আচ্ছা, এখন তবে সেইখানেই যাই—চল্ রে বয়েল
চল্। (পরিক্রমণ ও অবলোকন করিয়া) গ্রামের
গরুর গাড়ীতে পথটা একেবারে বন্ধ হয়ে গেছে—
এখন কি করি? (সর্গর্ভে) ওরে! সরে' যা রে
সরে' যা! কি বলচিস্?—কার গাড়ী?—এটি
রাজার শালা সংস্থানকের গাড়ী! শীঘ্র সরে' যা
বল্চি। (অবলোকন করিয়া) এ আবার কে?
জুয়ার আড্ডা থেকে জুয়ারী যেমন আড্ডাধারীকে
দেখে পালায়, সেই রকম ও ব্যক্তিও আমাকে হঠাৎ

দেখে মুখ ঢেকে যে পালিয়ে গেল। না জানি এ
লোকটা কে। কিন্তু আমার তা জেনে লাভ কি?
আমি এখন শীঘ্র হাঁকিয়ে যাই। এই! এই!
গাঁয়ের লোক! তোরা সব সরে' যা। কি বল্চিস্?
একটু দাঁড়িয়ে চাকাটা ঠেলে দেব? আরে! আমি
রাজার শালা সংস্থানকের লোক—আমি তোরা চাকা
ঠেলে দেব?—না না, বেচারী একলা—কেউ সাহায্য
করবার লোক নেই—আচ্ছা, আমিই করচি। তত-
ক্ষণ এই গাড়ীটা চারুদত্ত মহাশয়ের বাগান-বাড়ীর
খিড়কির দরজায় রেখে দি। (গাড়ী রাখিয়া) এই
আমি আস্চি।

[প্রস্থান।

(গৃহের ভিতরে)

দাসী।—ঠাকরণ! চাকার শব্দ শোনা যাচ্ছে,
গাড়ী বোধ হয় এসেচে।

বস।—ওলো চল্। যাবার জন্ত আমার মন
ব্যস্ত হয়েছে—এখন খিড়কির দরজায় আমাকে নিয়ে
চল্।

দাসী।—এই দিকে ঠাকরণ, এই দিকে।

বস।—(পরিক্রমণ করিয়া) তুইও এখন বিশ্রাম
কর।

দাসী।—যে আজ্ঞে ঠাকরণ!

[প্রস্থান।

(গৃহের বাহিরে)

বস। (দক্ষিণ চক্ষুর স্পন্দন ও গাড়ীতে আরো-
হণ) বোধ হয়, চারুদত্তের দর্শনেই এই অশুভ দূর
হবে।

(দাস স্থাবরকের প্রবেশ)

স্থ। শকট-গুল সরিয়ে দিয়েছি। এখন তবে
যাওয়া যাক। গাড়ীটা বড় ভারি! অথবা চাকা
ঠেলে শান্ত হয়েছি, তাই ভারি বলে' মনে হচ্ছে। যাই
হোক, এখন যাওয়া যাক। চল্ গরুরা চল্!

নেপথ্যে।—দ্যাখ, তোরা প্রহরীরা সব আপনা
আপনার থানায় সতর্ক হয়ে থাক্—আজ সেই গোয়া-
লার ছেলে কারাগার ভেঙ্গে কারাগারের প্রধানকে
বধ করে' শিকলি ছিঁড়ে পালিয়েছে। তাকে গিয়ে
তোরা ধর।



(এক পায়ে শৃঙ্খল-বদ্ধ অবগুষ্ঠিত আর্ধ্যক ভয়ব্যাকুল-
ভাবে সত্বর প্রবেশ করিয়া পরিক্রমণ)
স্বা।—(স্বগত) সমস্ত নগরের লোক ভয়ে
আকুল হয়েছে—এইবার শীঘ্র হাঁকিয়ে যাই।
[প্রস্থান।

আর্ধ্য।—এড়াইয়া ভূপতির ঘোর কারাগার
বিপদ-আপদ হতে হইল উদ্ধার।
শৃঙ্খলে আবদ্ধ মোর একটি চরণ,
ছিন্ন-পাশ গজ সম করি গো ভ্রমণ।

রাজা। পালক সিদ্ধ পুরুষের আদেশ শুনে
ভীত হয়ে গোয়াল-পাড়া থেকে আমাকে ধরে'
এনে একটা ঘোর কারাগারে বেঁধে রেখে-
ছিলেন—আমার প্রিয় স্ত্রী শবিলক আমাকে
সেই বন্ধন থেকে মুক্ত করেছেন। (অশ্রু মোচন)

ভাগ্যে যদি থাকে তবে মোর কিবা দোষ?
ভূপতি আমার প্রতি রুখা করে রোষ।
—মোরে কারাগারে বদ্ধ করি' অকারণ
বাধিল নিগড়ে যেন অরণ্য-বারণ!
দৈবের ঘটনা কেবা লজ্জ্বব্বারে পারে
—তাহার উপরে শক্তি ধরে কে সংসারে?
নূপেরো নিকটে যাওয়া আমার উচিত,
কে করে বিরোধ বলবানের সহিত?

হতভাগ্য আমি এখন কোথা যাই? (দেখিয়া)
কোনও ভদ্রলোকের বাড়ীর খিড়কির দরজাটা খোলা
রয়েছে দেখি চি।

ভয় দেখি এই গৃহ—নাহিক অর্গল,
বৃহৎ কপাট কিন্তু জীর্ণ সঙ্কিস্তল।
গৃহপতি হতভাগ্য আমারি মতন,
আমারি সমান কষ্ট পায় অনুক্ষণ।

আচ্ছা, আমি তবে এই গৃহের ভিতরে গিয়ে একটু
দাঁড়াই।

নেপথ্যে।—চল রে গরু চল।

আর্ধ্যক।—(শুনিয়া) এই যে। একটা গাড়া
এই দিকে আসচে।

হবে কি যাত্রীর যান?

অথবা উহাতে কোন ছুঁ অধিষ্ঠিত?

বধু-জনে লইবারে

বধু-যান কোন কি গো হেথা উপস্থিত?

যাইতে গ্রামের বা'র
প্রধান জনের তরে ইহা কি আনীত?
দেখিতেছি শূন্য ইহা,
স্থানটিও দেখিতেছি নির্জন নিভৃত।
এ যান আমারি তবে
—নিশ্চয় আমারি তরে বিধির প্রেরিত ॥

(গাড়ী লইয়া দাস বর্দ্ধমানকের প্রবেশ)

বর্দ্ধ।—হাঃ সাবাস!—গাড়ীর বিছানাটা তো
এনে ফেলেচি। রদনিকে, বসন্তসেনা-ঠাকরণকে
বল—গাড়ী তৈরি; ঠাকরণ এখন গাড়ীতে চড়ে'
“পুষ্প-করওক” পোড়ো বাগানে চলুন।

আর্ধ্যক।—(শুনিয়া) এটা দেখি চি বেষ্কার'
গাড়ী—গ্রামের বাহিরেও যাবে—আচ্ছা, আমি তবে
চড়ে' বসি। (আস্তে আস্তে নিকটে গমন)

দাস।—(শৃঙ্খলধ্বনি শুনিয়া) এই যে, নূপুরের
শব্দ শোনা যাচ্ছে। ঠাকরণ বুঝি তবে এলেন।
নাকের দড়ির টানে গরুরা বড় অস্থির হয়েছে—
ঠাকরণ! পিছন দিক দিয়ে গাড়ীতে উঠুন।
(আর্ধ্যক তথাকরণ)

দাস।—নূপুরের শব্দ থেমে গেছে, গাড়ীটাতে
চাপ পড়েছে—তাই বোধ হচ্ছে, ঠাকরণ গাড়ীতে
উঠেছেন—এখন তবে হাঁকাই।—চল রে গরু চল।

(বীরকের প্রবেশ)

বীরক।—ওরে রে! জয়, জয়মান, মঙ্গল,
পুষ্পভদ্র প্রভৃতি নগররক্ষীগণ!

সুবিশ্বস্ত-মনে তোরা আছিস হেথায়?
গোয়ালার ব্যাটা ছিল আবদ্ধ কারায়,
টুটিয়া বন্ধন তার দেখ সে পালায়
রাজাও ভাবিত বড় হয়েছেন তায়।

ওরে! তুই বহির্দ্বারে থাক—তুই পশ্চিম দিকে
—তুই দক্ষিণে, আর তুই উত্তরে। চন্দনকের সঙ্গে
এই প্রাচীরের উপরে উঠে আমি চার দিকটা একবার
দেখি। ওরে চন্দনক! এই দিকে আয় রে, এই
দিকে আয়!

(ব্যস্ত-সমস্ত হইয়া চন্দনকের প্রবেশ)

চন্দনক।—ওরে রে বীরক, বিশাল্য, ভীমাঙ্গদ,
দণ্ডকাল, দস্তশুর প্রভৃতি রক্ষীগণ!

খোঁজ রে যতন করি'—আয় রে ত্বরায়,
—রাজ-লক্ষ্মী গোত্রান্তরে যেন নাহি যায়।

অপিচ :—

উত্তানে, সভায়, মার্গে,
ঘোষ-পন্নী, নগর-বাজারে
—যেথায় সন্দেহ হয়
শীঘ্র করি খোঁজ রে তাহারে।

ওরে রে বীরক তুই
কি দেখিলি বল রে খুলিয়া,
ভাঙ্গিয়া শৃঙ্খল কে গো
গোপ-পুত্রে লইল হরিয়া ?
অষ্টমেতে রবি কার ?

চতুর্থেতে রহে কার শশী ?
ষষ্ঠে কার শুক্র গ্রহ ?
পঞ্চমে মঙ্গল কার বসি' ?
নবমেতে কার শনি ?
—সেই জন উদ্ধারিল তায়।

থাকিতে জীবিত আমি
দেখিব সে পলায় কোথায় ॥

বীরক।—দেখ সর্দার মহাশয় !
উদ্ধার করিল কেহ তাহারে নিশ্চয়।
শপথ করিছি হুঁয়ে তোমার হৃদয়,
পলাল সে যবেমাত্র অর্দ্ধ-স্বর্যোদয়।

দাস —চলু রে গরু চলু।
চন্দ।—(দেখিয়া) ওরে রে—দেখ্ দেখ্

আচ্ছাদিত গাড়িখানি
যাইতেছে রাজপথ দিয়া
কার যান, কোথা যায়,
অন্বেষণ কর কাছে গিয়া।

বীরক।—(দেখিয়া) ওরে গাড়োয়ান ! গাড়ী
থামা। এ গাড়ী কার ? আরোহী কে ? যাচ্ছেই
বা কোথায় ?

দাস।—এটি চারুদত্তের গাড়ী, এতে বসন্তসেনা
আছেন। “পুষ্পকরগুণ্ডক” পোড়োবাগানে আমোদ
করবার জন্ত চারুদত্ত একে নিয়ে যাচ্ছেন।

বীরক।—(চন্দনকের নিকট গিয়া) গাড়োয়ান
বলুচে ;—চারুদত্ত মহাশয়ের গাড়ী, বসন্তসেনা ওতে
আছেন, “পুষ্পকরগুণ্ডক” নামে পোড়োবাগানে নিয়ে
যাচ্ছে।

চন্দ।—আচ্ছা, বাক।
বীরক।—না দেখেই যেতে দেওয়া হবে ?
চন্দ।—হাঁ।

বীরক।—কার বিশ্বাসে ?
চন্দ।—চারুদত্ত মহাশয়ের।

বীরক।—কে চারুদত্ত ?—বসন্তসেনাই বা
কে ? আর, না তদন্ত করেই বা যেতে দেওয়া
হচ্ছে কেন ?

চন্দ।—আরে, চারুদত্ত মশায় কে, তা জানিস
নে ? বসন্তসেনা কে, তাও জানিস নে ? যদি
চারুদত্ত ও বসন্তসেনাকে না জানিস, তবে আকাশের
চাঁদকেও জানিস নে—জোছনাকেও জানিস নে।

গুণে অরবিন্দ যে গো শীলে শশী সম
বল তারে নাহি জানে হেথা কোন্ জন ?
বিপ্লবের হুঃখ তিনি করেন মোচন,
চতুঃসাগরের তিনি অমূল্য রতন।

এ নগরে ছুই ব্যক্তি
সকলের পূজনীয়—তিলক মাথার
—এক সে বসন্তসেনা,
ধর্মের নিদান সেই চারুদত্ত আর।

বীরক।—ওরে চন্দনক !
জানি আমি চারুদত্তে,
জানি আমি বসন্তসেনায়,
রাজাজ্ঞা-পালন-কালে
না জানি গো আপন পিতায়।

আর্য্যাক।—(স্বগত) এই বীরক আমার পূর্ব-
শত্রু, আর এই চন্দনক আমার পূর্ব-মিত্র। কেন
না :—

নিযুক্ত এক-ই কার্য্যে
তবু নহে ইহাদের এক রীতি-নীতি।
একই তো গো হতাশন
শ্মশানে বিবাহে তবু বিভিন্ন-প্রকৃতি ॥

চন্দ।—তুই খুব হুঁসিয়ার সেনাপতি, রাজার
বিশ্বাসী। আমি বলদ ছটোকে ধরচি, তুই দ্যাখ,
গাড়ীর ভিতরে কে আছে।

বীরক।—তুইও তো রাজার বিশ্বাসী সেনাপতি,
তুই দ্যাখ্ না।

চন্দ।—আচ্ছা, আমি দেখলেই তোবু দ্যাখা
হবে।



বীরক।—তোর দেখা হলেই রাজা পালকেরও
দেখা হবে।

চন্দ।—ওরে! গাড়ী থামা। (দাসের তথাকরণ)
আর্য্যক।—(স্বগত) রক্ষীরা কি আমাকে
দেখতে পেয়েছে? হতভাগ্য আমি আবার এখন
নিরস্ত।

ভীমের দৃষ্টান্তে হোক বাহ মোর অস্ত,
বন্ধনের চেয়ে যুদ্ধে মরণই প্রশস্ত।

কিন্তু এখন সাহস প্রকাশের অবসর কোথায়?

চন্দ।—(গাড়ীতে চড়িয়া অবলোকন)
আর্য্যক।—আমি শরণাপন্ন হলেম, আমাকে
রক্ষা কর।

চন্দ।—শরণাগতকে অভয় দিলেম।

জয়-লক্ষ্মী, আর যত
মিত্র বন্ধু ত্যজে সে অধমে,
—লোক-উপহাস হয়,

যে ত্যজে শরণাগত জনে।

এ কি! গোপাল-পুত্র আর্য্যক যে! বাজের
ভয়ে পালিয়ে এসে পাখী যেমন ব্যাধের হাতে পড়ে,
এও তেমনি আমাদের হাতে পড়েছে দেখছি। অ্যাকে
এ নিরপরাধী শরণাগত ব্যক্তি, তাতে চারুদত্ত-মহা-
শয়ের গাড়ীতে চড়ে এসেছে—আবার আমার প্রাণ-
দাতা মিত্র শর্কিলকের পরম বন্ধু। কিন্তু এ দিকে
আবার রাজ-আজ্ঞা—এখন কি কর্তব্য? কিন্তু না—
যা হবার তা হবে—আমি প্রথমেই অভয় দিয়েছি।

পর-উপকারী জন, ভীত জনে করে যদি

অভয় প্রদান

যায় যাক প্রাণ তার, তবু লোকে করে সদা

তার গুণগান।

(গাড়ী হইতে সতয়ে নামিয়া) দেখলেম, আর্য্যক—
(অর্ছোক্তি) না না, আর্য্যক বসন্তসেনা গাড়ীতে বসে,
আছেন। তিনি বলেন;—আমি রমণী, মহাত্মা
চারুদত্তের ওখানে যাচ্ছি—রাজপথে অবলার অপমান
করা কি উচিত?

বীরক।—চন্দনক! এ কথায় আমার সন্দেহ
হচ্ছে।

চন্দ।—সন্দেহ কিসের?

বীরক।—প্রথমে বলিলে, “আর্য্যক” হইয়া গো খতমত
—ঘরুঘর স্বরে,

আবার বলিলে “আর্য্যক,” কথাটা বদল করি’
ঠিক তার পরে।

(সেই জন্তই আমার অবিশ্বাস হচ্ছে।

চন্দ।—ওরে! এতে তোর অবিশ্বাস কিসে
হচ্ছে? আমরা দাক্ষিণাত্যের লোক, শুদ্ধ কথা
আমাদের মুখ দিয়ে পষ্ট বেরায় না। খন্দ, খতিখড়ি,
করটি, বিলক, কর্ণটি, কর্ণ, প্রাবরণক, দবিড়, চোল,
চীন, বর্কর, খের, মধুঘাত, এই সব স্লেচ্ছজাতীয়
নানান ভাষা আমরা যথেষ্ট ব্যবহার করে থাকি,
—তাই কখন কখন “দৃষ্টা”কে “দৃষ্টও” বলি, “আর্য্যাকে
“আর্য্যও” বলি।

বীরক।—না না, আমিও তবে একবার দেখে
আসি; রাজার হুকুম, তাতে আবার আমি রাজার
একজন বিশ্বাসী লোক।

চন্দ।—তবে কি আমি রাজার অবিশ্বাসী?

বীরক।—না না, সে কথা হচ্ছে না—রাজার
এই হুকুম, তাই বলছি।

চন্দ।—(স্বগত) গোপাল-পুত্র আর্য্যক আর্য্য চারু-
দত্তের গাড়ীতে চড়ে পালাচ্ছে, এই কথা যদি বলি, তা
হলে রাজা চারুদত্তের শাসন করবেন—এখন উপায় কি?
আচ্ছা, এখন তবে কর্ণটি ঝাড়া আরাভ করে দেওয়া
যাক। (প্রকাশে) বলি শোন বীরক! আমি
চন্দনক, আমি দেখে এলেম, তাতে হল না,
আবার তোর দেখতে যেতে হবে?—কে তুই বল
দিকি?

বীরক।—তুই বা কে বল দিকি?

চন্দ।—আমি তোর পূজনীয়, মাশ্রুমান ব্যক্তি।
তোর কি জাত, তা কি তোর মনে আছে?

বীরক।—(সক্রোধে) ওরে! আমার কি জাত
বল দিকি?

চন্দ।—তুই বল না শুনি।

বীরক।—তুই বল না।

চন্দ।—না বলাই ভাল।

জানিয়াও তব জাতি

বলিব না শিষ্টতা-খাতির

কি হইবে হাট-মাঝে

ভাঙ্গি’ পচা কদবেলাটরে?

বীরক) —না না, বলতেই হবে। বল না শুনি—
বল না।

চন্দ। —(সঙ্কটকরণ)

বীরক। —না রে না, তা নয়।

চন্দ। —

শীর্ণ শিলা হাতে লয়ে, বাঁকিলে গাঁঠের অস্থি
সিধা করা কাজ,
কাটারীতে হাত সদা, মহামাণ্ড সেনাপতি
হয়েছিস্ আজ ?

বীরক। —ওরে চন্দনক। তুই যত মাগুমান
ব্যক্তি, তাও জানি—তোর জাতটা কি মনে করে'
দ্যাখ্ দিকি।

চন্দ। —ওরে! চন্দনকের জাত চন্দ্রের মত
বিশুদ্ধ।

বীরক। —কি জাত বল।

চন্দ। —তুই বল না।

বীরক। —(সঙ্কটকরণ)

চন্দ। —ওরে! না, তা নয়।

বীরক। —ওরে! তবে শোন, শোন।

বড় শুদ্ধ জাতি তোর ;—মাতা তোর ভেরী, আর
পিতা জয়চাক,
ভ্রাতা তোর কাড়া-যন্ত্র, তুই সেনাপতি আজ
শুনিয়া অবাক।

চন্দ। —(সক্ৰোধে) আমি চন্দনক চামার ?—
আচ্ছা, তাই ভাল। তুই এখন গাড়ীর ভিতরটা
দেখ্ গে যা।

বীরক। —ওরে গাড়োয়ান! গাড়ী ফেরা,
আমি দেখব।

(দাসের তথাকরণ)

বীরক। —(গাড়ীতে উঠিতে উত্তত, এমন সময়ে
চন্দনক সহসা বীরকের কেশ ধরিয়া ভূতলে ফেলিয়া
পদাঘাত, পরে বীরক সক্ৰোধে উঠিয়া) আমি রাজার
হুকুম তামিল করতে যাচ্ছিলুম, আর তুই কি না
আমার অপমান করলি? এর জন্ত যদি আদালতে
আমি তোকে বিধিমত নাকাল না করি তো আমি
বীরক নই।

চন্দ। —ওরে! তুই রাজবাড়ীতেই যা, আর
আদালতেই যা, তোর মতন কুকুরে আমার কি
করতে পারে ?

বীরক। —আচ্ছা, ঞাখা যাবে।

[প্রস্থান।

চন্দ। —(চারিদিক অবলোকন করিয়া) যা রে
গাড়োয়ান যা। যদি কেউ জিজ্ঞাসা করে তো
বলিস—চন্দনক ও বীরক তোর গাড়ীর তদন্ত করে'
ছেড়ে দিয়েছে। আর, আর্থ্যা বসন্তসেনাকে বলবি,
যেন তিনি আমার এই নিদর্শনটি গ্রহণ করেন।
(খজা প্রদান)

আর্থ্যক। —(খজা লইয়া সহর্ষে স্বগত)

পাইলাম শত্রু আমি,
দক্ষিণ বাহুও মোর করিছে স্পন্দন।

সব্ই দেখি অনুকূল

ভাগ্যবলে সুরক্ষিত আমি গৌ এখন ॥

চন্দ। —আর দ্যাখ্, আরও তাঁকে এই কথা
বলবি :—

স্মরণে রাখেন যেন

তিনি তাঁর দাস চন্দনরে।

না কহি লোভের বশে

—কহিতেছি অনুরাগ-ভরে ॥

আর্থ্যক। —

চন্দন চন্দ্রের সম শূন্যতাময়
ভাগ্যে মম সখা হয়ে হলেন উদয়।
তোমায় চন্দন ওগো! করিব স্মরণ,
সিদ্ধের আদেশ যদি হয় সংবটন।

চন্দ। —বধি' শুভ-নিশ্চিন্তেরে

দেবী যথা ভয় হতে ত্রিলোকে করে করিলেন ত্রাণ

ব্রহ্মা, বিষ্ণু, মহাদেব,

চন্দ্র, সূর্য্য, বরুণ, করুন তোমা অভয় প্রদান।

দাস। —(গাড়ী হাঁকিয়া প্রস্থান)

চন্দ। —(নেপথ্যাভিমুখে অবলোকন করিয়া)

ঐ যে, আমার প্রিয় সখা শর্বিলক গাড়ীর পিছনে
পিছনে আসছেন। সে যাক্—আমি যে রাজার
বিশ্বাসী প্রধান দণ্ডধারক বীরকের সঙ্গে বিরোধ
করলেম, সে নিশ্চয়ই এখন গিয়ে রাজার কাছে
সমস্ত বলে' দেবে—তা, আমিও তবে ভাই-পুত্র সঙ্গে
নিয়ে এই বেলা তার পিছনে পিছনে যাই।

[প্রস্থান।

প্রবহণ-বিপর্যায় নামক বর্ষ অঙ্ক।

সপ্তম অঙ্ক

দৃশ্য—পুষ্প-করগুণক-উদ্যান

(চারুদত্ত ও মৈত্রেয়ের প্রবেশ)

বিদু!—ওহে, দেখ দেখ! পুষ্প-করগুণক-উদ্যানের
কি চমৎকার শোভা!

চারু!—হাঁ সখা, চমৎকার!

বণিকের সম শোভে হেথা তরুগণ,
পণ্য-সম সুসজ্জিত কুসুম-রতন,
মধুকর ভ্রমে করি' গুহ্র আহরণ।বিদু!—ওহে দেখ, এই শিলাতলটি বে-মেরামৎ
হয়ে পড়ে আছে, তবু কেমন সুন্দর! এসো, এই-
খানে বসি যাক।চারু!—(উপবেশন করিয়া) বর্দ্ধমানক আস্তে
এত দেরি করচে কেন?বিদু!—বর্দ্ধমানককে আমি বনে' দিয়েছি,
বসন্তসেনাকে নিয়ে যেন শীঘ্র এখানে আসে।

চারু!—তবে কেন এত দেরি করচে?

অন্ত কোন প্রবহণ, যায় কি গো শ্লথগতি
আগে আগে তার?
তাই কি প্রতীক্ষা করে—সম্মুখে কখন হবে
পথ পরিষ্কার?ভগ্ন অক্ষ বদলাতে করে কি প্রয়াস?
কিষ্কা ছিন্ন হইয়াছে বলদের রাশ?
কাষ্ঠখণ্ড ফেলি কেহ রোধে কি গো পথ?
—তাই অন্ত পথ দিয়া আনে বৃষ্টি রথ?
চালায় কি গরুদের গতি করি' শ্লথ?
কিষ্কা আসে ধীরে ধীরে নিজ ইচ্ছামত?(গুপ্ত আরোহী আর্ষ্যককে লইয়া দাস
বর্দ্ধমানকের প্রবেশ)

দাস!—চলু রে গরু চলু!

আর্ষ্যক!—(স্বগত)

পাছে দ্যাখে নৃপজন ভয়ে ভয়ে যাই,
শৃঙ্খলে আবদ্ধ পদ কেমনে পলাই?
অজ্ঞাত হইয়া আমি সাধু-যানে স্থিত,
পরভূৎ হয় যথা বায়সে রক্ষিত।

ওঃ! নগর ছাড়িয়ে অনেক দূরে এসে পড়েছি—

এখন কি তবে গাড়ী থেকে নেমে এই বাগানের
মধ্যে লুকিয়ে থাকিব—কিষ্কা যার গাড়ী, তাঁর সঙ্গে
দেখা করব?—না—বাগানের মধ্যে লুকিয়ে থেকে
কি হবে? শোনা যায়, মহাত্মা চারুদত্ত নাকি
বিপন্ন-বৎসল—আচ্ছা, তাঁকে তবে একবার দেখে
যাই।বিপদ-সাগর হতে হইয়াছি পার;
সাধু দেখি' চিত্তে হবে সন্তোষ অপার।
এ হেন দশায় মোর শরীর পতিত
মহাত্মার গুণে হবে নিশ্চয় রক্ষিত।দাস!—এই তো সেই বাগান—(নিকটে দেখিয়া)
মৈত্রেয় মশায়!বিদু!—একটা সু-খবর দি—বর্দ্ধমানকের কথা
শুনতে পাচ্ছি, বোধ হয়, বসন্তসেনা এসেছেন।

চারু!—আ! কি সুখের সংবাদ!

বিদু!—আরে ব্যাটা! এত দেরি করুলি
কেন?দাস!—মৈত্রেয় মশায়—রাগ করবেন না—
গাড়ীর বিছানা আনতে ভুলে গিয়েছিলেম—তাই
যাওয়া আসা করতে দেরি হয়ে গেল।চারু!—বর্দ্ধমানক! গাড়ী থামাও। দেখ
সখা মৈত্রেয়, বসন্তসেনাকে নাবিয়ে আনো।বিদু!—শিকলি দিয়ে পা বাঁধা আছে নাকি যে,
আমার গিয়ে নাবিয়ে আনতে হবে? (উঠিয়া
গাড়ীর দ্বার খুলিয়া) ওগো, এ কি! এ তো
বসন্তসেনা নয়—এ যে বসন্তসেন!চারু!—এখন ভাই পরিহাস রেখে দেও—ভাল-
যাসার কাছে বিলম্ব সহ হয় না। আচ্ছা, আমি
তবে নিজে গিয়েই নামাচ্ছি। (গাত্রোথান)আর্ষ্যক!—(দেখিয়া) এই যে! এ'রই বৃষ্টি
এই গাড়ী। শুনেছিলেম, ইনি অতি সুপুরুষ—দেখেও
তাই মনে হচ্ছে। যাক! এইবার আমি রক্ষা
পেলেম।চারু!—(গাড়ীতে উঠিয়া দর্শন) এ কি! এ
কে তবে?

করি-কর সম-বাহু, সমুন্নত স্থল স্বক

সিংহের মতন,

সুবিশাল বক্ষোদেশ, রক্তিম চঞ্চল কিবা

আয়ত লোচন,

—মহাত্মা-লক্ষণ সব,
এক পদে কেন তবে শৃঙ্খল-বন্ধন ?

আপনি কে ?

আর্য্য।—গোপ-কুলে জন্ম, আমার নাম আর্য্যক—
আমি আপনার শরণাপন্ন হলেম।

চারু।—রাজা পালক ঘোষ-পল্লী হতে ধরে' এনে
যাকে কারাবদ্ধ করেছিলেন, আপনি কি সেই
আর্য্যক ?

আর্য্যক।—আজ্ঞে হাঁ।

চারু।—বিধি আনিলেন তোমা

দেখিলাম আপন নয়নে,

পরান ত্যজিব স্থখে

তবু না শরণাগত জনে।

আর্য্যক।—(হর্ষ প্রকাশ)

চারু।—বর্ধমানক ! পায়ের শৃঙ্খল খুলে দেও।

দাস।—যে আজ্ঞে। (তথাকরণ) মহাশয় ! শৃঙ্খল
খোলা হল।

আর্য্যক।—স্নেহের অশ্রু দৃঢ়তর শৃঙ্খল আবার বাঁধা
হল।

বিদু।—এ'র শৃঙ্খল তো গেল, কিন্তু সেই সঙ্গে
তুমিও যে গেলে ! ইনি তো মুক্ত হলেন, এখন চল,
আমরাও আমাদের পথ দেখি। রাজা জানুতে পেলে
আর রক্ষা থাকবে না।

চারু।—আঃ ! কি বক্চ, চুপ্ কর।

আর্য্যক।—সখা চারুদত্ত ! আপনাকে আমার
বন্ধু মনে করেই এই গাড়ীতে চড়েছিলাম—আমাকে
ক্ষমা করবেন।

চারু।—আপনি যে আমাকে বন্ধু বলে' মনে
করেছিলেন, এতে আমি কৃতার্থ হলেম।

আর্য্যক।—অনুমতি হয় তো এখন যাই।

চারু।—যান্।

আর্য্যক।—আচ্ছা, আমি তবে নামি।

চারু।—না, নামবেন না। এইমাত্র আপ-
নার পা থেকে শৃঙ্খল খোলা হল, এখনও বোধ
হয় আপনার চলতে বাধো-বাধো ঠেকবে।
বিশেষতঃ এই প্রদেশে নানা প্রকার লোক
সর্বদাই যাতায়াত করে, তারা আপনার চলবার
রকম দেখে সন্দেহ করতে পারে—গাড়ীতে গেলে

আর সে সন্দেহ হবে না। অতএব আপনি গাড়ী
করেই যান্।

আর্য্যক।—আপনি যা বলেন, তা ঠিক।

চারু।—যাও গো কুশলে বন্ধু-বান্ধবের মাঝে।

আর্য্যক—তোমা হেন বন্ধু মোর

কেবা আর আছে ?

চারু।—অবসরমতে মোরে করিও স্মরণ।

আর্য্যক।—আপন আশ্বারে কেউ

ভোলে কি কখন ?

চারু।—পথ-মাঝে দেবতারা রক্ষুন তোমায়।

আর্য্যক।—পাইলাম রক্ষা আজি তোমারি কৃপায়।

চারু।—রক্ষা করিয়াছে তব সৌভাগ্যের সেতু।

আর্য্যক।—না না না না—তথাপি

তুমিই তার হেতু।

চারু।—রাজা পালক আপনাকে বখন ধৃত করবার
চেষ্টা করতেন, তখন রক্ষা পাওয়া ছকর—আপনি শীঘ্র
এখান থেকে পলায়ন করুন।

আর্য্যক।—আচ্ছা, তবে আমি এখন আসি।

[প্রস্থান।

চারু।—রাজার অপ্রিয় কাজ করি' অহুষ্ঠান

অনুচিত ক্ষণমাত্র হেথা অবস্থান।

শৃঙ্খলটা ছাও ফেলি' পুরাতন কুপে,

রাজচক্ষু চারি দিকে থাকে চর-রূপে।

(বাম-চক্ষু স্পন্দন) ভাই মৈত্রের, বসন্তসেনাকে
দেখবার জন্ম আমি অত্যন্ত উৎসুক হয়েছি।
দেখ :—

না হেরে প্রিয়ারে আজি

বাম-চক্ষু করিছে ক্ষুরণ,

অকারণ ত্রাসে যেন

ব্যথিত হতেছে প্রাণ মন।

তবে এসো যাওয়া যাক। (পরিক্রমণ)

এই দিকে আবার একজন অন্তর্দর্শন বোদ্ধ সন্ন্যাসী
আসচে—আশুক—চল, আমরা অশ্রু পথ দিয়ে
যাই।

[প্রস্থান।

আর্য্যক-অপহরণ নামক সপ্তম অঙ্ক।

অষ্টম অঙ্ক

দৃশ্য—রাজপথ

(আর্দ্র বস্ত্র-খণ্ড হস্তে বৌদ্ধ ভিক্ষুর প্রবেশ)

অজ্ঞ জন কর সবে ধরম সঞ্চিত,
নিজের উন্নয়ন নিত্য কর সংকুচিত।

বাজা রে ধ্যানের ঢাক,

সতর্ক হইয়া সদা কর জাগরণ,

বিষম ইন্দ্রিয় চোর

হরণ করয়ে চির-সঞ্চিত ধরম।

সংসার অনিত্য দেখি'

লইয়াছি ধর্মের শরণ,

- ইন্দ্রিয়ের পঞ্চজনে

যে করে গো জ্ঞানাস্ত্রে নিধন।

অবিজ্ঞা-নারীয়ে বধি'

রক্ষণ যে করে আত্ম-গ্রামে,

পাপ-চণ্ডালেয়ে নাশে,

নিশ্চয় সে যায় স্বর্গ-ধামে।

মস্তক মুণ্ডিত কর

অথবা মুণ্ডিত কর বদন-মণ্ডল,

চিত্তের মুণ্ডন বিনা,

ও সব-মুণ্ডনে বল আছে কি বা ফল?

মুণ্ডিত যে করে চিত্ত

মস্তক মুণ্ডিত জানি তাহারি কেবল।

এই কাপড়টা গেরুয়া রঙে ছোপানো গেছে—
এখন শ্যালকের বাগানে গিয়ে পুকুরিণীর জলে এটা
ধুয়ে শীঘ্র পালানো যাক। (পরিক্রমণ করিয়া তথা
করণ)

দৃশ্য—পুষ্পকরগুক উদ্যান

নেপথ্যে।—(দাঁড়া রে ছুট শ্রমণক দাঁড়া।

ভিক্ষু।—(দেখিয়া সভয়ে) কি আশ্চর্য্য! এই
যে, রাজার শালা সংস্থানক এসেছে দেখ্‌চি। কে
একজন ভিক্ষু অপরাধ করেছে—মার তার জন্ত
এখন দেখানে সেখানে ভিক্ষুক দেখতে পাচ্ছে,
অমনি তাকে ধরে' গরুর মত নাক বিধিয়ে চালান
করুচে। আমি নিরাশ্রয়, এখন কোথায় আশ্রয় নি?—
না, বুদ্ধই আমার একমাত্র আশ্রয়।

(বিটের সহিত ধজ্জাহস্তে শকারের প্রবেশ)

শকার।—দাঁড়া ছুট ব্যাটা ভিক্ষুক, দাঁড়া। ভাঁড়ির
দোকানের রান্না মুলোর মত তোর ঐ মাথাটা ভেঙ্গে
দি রোস্। (প্রহার)বিট।—কি সর্বনাশ, কর কি? গেরুয়া-ধারী
বৈরাগী ভিক্ষুককে মারা উচিত হয় না—ওকে ছেড়ে
দেও। এই স্মৃথোপভোগ্য উদ্যানটির দিকে একবার
চেয়ে দেখ দিকি।

গৃহ-হীন জনে স্থান করিয়া প্রদান,

নিরানন্দে আনন্দ গো করিয়া বিধান,

এই সব তরু করে পুণ্য-অনুষ্ঠান।

- ছরাআ-হৃদয় কিম্বা নব-রাজ্য-সম

বিশৃঙ্খল এ উদ্যান তবু মনোরম।

ভিক্ষু।—এসো উপাসক, এসো, রুষ্ট হইয়ো না।

শকার।—পণ্ডিত! দেখ, আমাকে গালা-
গালি দিচ্ছে।

বিট।—কি বলচে?

শকার।—আমাকে উপাসক বলুচে—আমি
কি নাপিত?বিট।—আপনাকে বুদ্ধের উপাসক বলুচে—
এ তো প্রশংসারই কথা।

শকার।—শোন। শ্রমণক শোন!

ভিক্ষু।—ধন্য তুমি, পুণ্যবান্ তুমি!

শকার।—পণ্ডিত! দেখ, ও আমাকে ধন্য পুণ্য
বলুচে—আমি কি শ্রাবক—না কোষ্টক—না
কুস্তকার?বিট।—না না, তা নয়—তোমাকে ধন্য পুণ্য বলে'
প্রশংসাই করচে।শকার।—পণ্ডিত! আচ্ছা, ও ব্যাটা কেন
এখানে এল?

ভিক্ষু।—কাপড় ধুতে এসেছে।

শকার।—ওরে ছুট ব্যাটা শ্রমণক! আমার
ভগিনীপতি সকল বাগানের সেরা এই "পুষ্পকরগুক"
বাগান আমাকে দিয়েছেন, সমস্ত কুকুর-শেয়ালেরা
এরই জল পান করে; আমি যে এত বড়লোক—
আমিও যে পুকুরিণীতে স্নান করি নে—তুই কি না
সেই পুকুরিণীতে, পুরানো-কলাইয়ের-ঝোলে-দাগী
নানা-রং-ধরা পচা ঝাকড়া কাচুতে এসেছিস?—
রোন্! এরই এক ঘায়ে তোর কণ্ঠ নিকেশ করুচি।

বিট।—ওগো শকার, আমার মনে হয়, এ
লোকটার সন্ন্যাস-গ্রহণ বেশি দিনের নয়।

শকার।—কিসে তুমি জানলে পণ্ডিত ?

বিট।—এ আর জানতে কি—দেখ না কেন :—

অচির-মুণ্ডিত মাথা, তাই তো এখনো
আর্যের ললাট-চ্ছবি গউর-বরণ।
ভিক্ষা বুলি অল্প দিন আছে স্বরূপরে,
এখনো যায়নি তাই কাঁধে দাগ ধোরে।
ছোপানো বসন পরা হয়নি অভ্যাস,
অত্যন্ত ঢাকিয়া গাত্র পরে তাই বাস।
দীর্ঘ-বস্ত্র বলি' কাঁধে নাহি রহে ঠিক,
শিথিল হইয়া পড়ে এদিক ওদিক।

ভিক্ষু।—উপাসক! তাই বটে—আমি সম্প্রতি
সংসার ত্যাগ করেছি।

শকার।—তা, তুই জন্মাবামাত্র সংসার ত্যাগ
করতে পারুলি নে? (প্রহার)

ভিক্ষু।—বুদ্ধায় নমঃ।

বিট।—ও বেচারাকে মেরে কি হবে? ছেড়ে
দেও—চলে' যাক।

শকার।—আচ্ছা, আমি পরামর্শ করে' দেখি—
তত্তক্ষণ তুই ওখানে দাঁড়া।

বিট।—কার সঙ্গে পরামর্শ ?

শকার।—নিজের হৃদয়ের সঙ্গে।

বিট।—কি আশ্চর্য্য! ও পদার্থটা কি এখনও
আছে ?

শকার।—বাপু হৃদয়! যাহ! বাছা! বল
দিকি, এই ভিক্ষুকটা যাবে কি থাকবে?—“নাক দিয়ে
নিঃশ্বাসও পড়বে না—থাকবেও না।” পণ্ডিত!
হৃদয়ের সঙ্গে পরামর্শ করেছি—আমার হৃদয় আমাকে
এই কথা বল্চে।

বিট।—কি বল্চে ?

শকার।—বল্চে—“ধাবেও না, থাকবেও না,
নিঃশ্বাস টানবেও না, ছাড়বেও না, এইখানেই ঝট
করে' পড়ে' মরবে”।

ভিক্ষু।—বুদ্ধায় নমঃ—আমি শরণাগত হচ্ছি,
আমাকে রক্ষা কর।

বিট।—ওগো! ওকে যেতে দেও।

শকার।—একটা কাজ যদি করতে পারে তো
ছেড়ে দি।

বিট।—কিরূপ কাজ ?

শকার।—এমন করে' পুকুরের পাক তুলে
ফেলুক, যাতে পাকও তোলা হবে অথচ জল ঘোলা
হবে না। কিম্বা জল আগে কোথাও পৃথক্ করে'
রেখে, তার পর পাক উঠিয়ে ফেলুক।

বিট।—ওঃ! কি মূর্খতা!

শিলাখণ্ড, মাংস-পিণ্ড,
নরদেহরূপে যেন রাশীকৃত করা
—বিপরীত মনো-গতি,
এই সব গণ্ডমূর্খে ভারাক্রান্ত ধরা।

ভিক্ষু।—(অভিশাপ)

শকার।—কি বল্চে ?

বিট।—তোমার প্রশংসা করচে।

শকার।—শোনো শোনো, আবার কি বল্চে
শোনো।

[বিড়বিড় কিরিয়া অভিশাপ দিতে দিতে
ভিক্ষুর প্রস্থান।

বিট।—ওগো শকার, উত্তানের শোভাটা এক-
বার দেখ।

ফল-পুষ্পে সুশোভিত এই তরুগণ,
নিষ্পন্দ লতারা করে সবলে বেঁটন,
নৃপতি-আদেশে রক্ষিগণের পালিত,
সস্ত্রীক নরের মত সুখে অবস্থিত।

শকার।—পণ্ডিত, ঠিক বলেছ।

নানা পুষ্পে শোভে ভূমি,
পুষ্পভারে নম্র তরুগণ।

তরুর শিখর হতে
লঙ্ঘমান লতা মনোরম।

বিরাজে বানর কিবা
পনসের ফলের মতন ॥

বিট।—ওগো শকার, এই শিলাতলে বোসো।

শকার।—আচ্ছা, বস্চি। (বিটের সহিত উপ-
বেশন) পণ্ডিত! সেই বসন্তসেনা এখনও আমার
মনে জাগচে। হুর্জনের বচনের মত কিছুতেই হৃদয়
থেকে যাচ্ছে না।

বিট।—(স্বগত) অমন করে' যে প্রত্যাখ্যান
করলে, তবু তাকেই আবার চাচ্ছে ? অথবা :—

মদন কাপুরুষের হয় গো বঞ্চিত
রমণী করে গো যদি অপমান তারে ;
—সৎপুরুষের প্রেম মৃগভাবাঘিত,
অথবা হৃদয় হতে যায় একেবারে ।

শকার ।—স্বাবরককে গাড়ী নিয়ে শীঘ্র আসতে
কখন বলে' দিয়েছি, এখনও এল না । অনেক ক্ষণ
থেকে আমার ক্ষিধে পেয়েছে । মধ্যাহ্নে হেঁটে
যাওয়াও যায় না । দেখ দেখ :—

নভোমধ্যগত সূর্য্য

কুপিত বানর-সম হুশ্ৰেক্য অতি ।

ভূতল উত্তপ্ত ঘোর

হত শত-পুত্র-শোকে গাঙ্কারী যেমতি ॥

বিট ।—তাই বটে :—

তৃণ-গ্রাস পরিহরি, গরু সবে নিদ্রা যায়

লভি' ছায়াতল,

তৃষ্ণাতুর বন-মৃগ, ব্যগ্র হয়ে করে পান

সরসীর জল ।

তাপ-ভয়ে ভীত হয়ে নগরের পথ লোকে

না করে সেবন ।

তপ্ত ভূমি ত্যাগ করি' অস্থানে রাখে বৃষ্টি

তাই প্রবহণ ॥

শকার ।—পণ্ডিত !

মস্তকে নিলীন মম সূর্য্যোর কিরণ,

বৃক্ষের শাখায় লীন যত বিহঙ্গম ।

নরগণ নাহি ছাড়ে নিজের আবাস,

কাটাইছে কাল, ছাড়ি' তপত নিশ্বাস ।

পণ্ডিত ! সে দাসটা এখনো এল না । সময় কাটা-
বার জন্ত একটা গান তবে গাওয়া যাক । (গান
করণ) পণ্ডিত, শুনে, কি গাইলেন ?

বিট ।—কি বলব, তুমি সাক্ষাৎ একটি গন্ধর্ব্ব !

শকার ।—গন্ধর্ব্ব হব না তো কি ?

সেবিয়াছি গন্ধর্ব্বুক্ত হিন্দু সহ জীবা মুখা

বচ-গ্রন্থি, শুঁঠ দিয়া গুড় ;

পণ্ডিত পণ্ডিত ওগো ! কেন না হইবে মোর

কণ্ঠস্বর দিব্য হুমধুর ?

পণ্ডিত ! আবার গাই শোনো । পণ্ডিত, এবার
শুনে যা গাইলেন ?

বিট ।—পূর্বেই তো বলেছি, তুমি গন্ধর্ব্ববিশেষ ।

শকার ।—গন্ধর্ব্ব হব না কেন ?

মরীচের গুঁড়া দিয়া হিন্দুর সহিত

তৈল আর ঘৃত তাহে করিয়া মিশ্রিত

কোকিলের মাংস আমি করেছি আহার

—কেন না হইবে স্বর মধুর আমার ?

পণ্ডিত ।—দাসটা এখনও এলো না ।

বিট ।—তুমি স্থির হও, এখন আসবে ।

(প্রবহণে আকৃত হইয়া বসন্তসেনা ও দাসের
প্রবেশ

দাস ।—ওঃ ! মধ্যাহ্নবেলা ! আমার বড় ভয়
হচ্ছে, পাছে রাজার শালা সংস্থানক রাগ করে । তা,
যত শীঘ্র পারি হাঁকিয়ে যাই । চল রে গরু চল ।

বসন্তসেনা ।—কি সর্ব্বনাশ ! এ তো বর্দ্ধমানকের
কণ্ঠস্বর নয় । এ কার স্বর ? চারুদত্ত মহাশয় কি
হাঁকাবার পরিশ্রম বাগাবার জন্ত অল্প গাড়োয়ান ও
গাড়ী পাঠিয়েছেন ? আমার ডান চোখটা নাচুচে,
বুকটা কাঁপুচে, চার দিক যেন শূন্য দেখছি, সকলি
যেন ওলটপালট মনে হচ্ছে ।

শকার । (চাকার শব্দ শুনিয়া) পণ্ডিত !
পণ্ডিত ! গাড়ী এসেছে ।

বিট ।—কি করে' জানলে ?

শকার ।—দেখচ না পণ্ডিত, বুড়ো শূয়োরের মত
ঘর্ঘর শব্দ কছে ?

শকার ।—দাস স্বাবরক ! বাপু ! বাছা ! এসে-
ছিস কি ?

দাস ।—আজ্ঞে হাঁ ।

শকার ।—গাড়ীও এসেছে ?

দাস ।—আজ্ঞে হাঁ ।

শকার ।—গরুরা কি এসেছে ?

দাস ।—আজ্ঞে হাঁ ।

শকার ।—তুইও কি এসছিস ?

দাস ।—(হাসিয়া) আজ্ঞে প্রভু, আমিও এসছি ।

শকার ।—আচ্ছা, তবে ভিতরে গাড়ী নিয়ে আর ।

দাস ।—কোন পথ দিয়ে আনব ?

শকার ।—ওই ভাঙ্গা প্রাচীরটার উপর দিয়ে ।

দাস ।—প্রভু, তা হলে বলদ ছোটো মবুবে, গাড়ীটা
ভাঙবে, এ দাসও মারা যাবে ।

শকার ।—ওরে দ্যাখ, —আমি রাজার শালা ।
বলদ মোলে অল্প বলদ কিনুব, গাড়ী ভাঙলে, অল্প

গাড়ী করিয়ে নেব, তুই মোলে আবার অল্প গাড়োয়ানও মিলবে।

দাস।—সকলই হতে পারবে—কিন্তু প্রাণটা হারালে আমি তো আর ফিরে পাব না প্রভু।

শকার।—সব নষ্ট হোক, তুই গাড়ী প্রাচীরের উপর দিয়ে নিয়ে আয়।

দাস।—আচ্ছা, তবে ভাঙ্গুক গাড়ী—ভাঙ্গুক আরোগীর ঘাড়। আবার অল্প গাড়ী তৈরি হোক—প্রভুকে গিয়ে বলি। (প্রবেশ করিয়া) কি আশ্চর্য্য! ভাঙ্গলো না। প্রভু, গাড়ীটা এনেছি।

শকার।—গরুগুল ছেঁড়েনি তো? রাশ গাছা মরেনি তো?—তুইও তো মরিস্ নি?

দাস।—আজ্ঞে না।

শকার।—পণ্ডিত! এসো, গাড়ীটা দেখা যাক। তুমি আমার গুরু, পরম গুরু, আদরণীয় মাননীয়—তুমিই আগে গাড়ীতে ওঠ।

বিট।—আচ্ছা, আমিই উঠি।

(আরোহণে উত্তত)

শকার।—না না, তুমি থাকো। তোমার কি বাপের গাড়ী যে, তুমি আগে উঠবে? আমার গাড়ী, আমিই আগে উঠব।

বিট।—তুমিই তো আমাকে উঠতে বললে।

শকার।—যদিও আমি বলেছিলেম, তবু তোমার ভদ্রতা করে' বলা উচিত ছিল—“তোমার গাড়ী, তুমিই আগে ওঠো।”

বিট।—তুমিই তবে ওঠো।

শকার।—হাঁ, আমি উঠি। বাপু স্বাবরক দাস! গাড়ী ফেরা।

দাস।—(গাড়ী ফেরাইয়া) উঠুন প্রভু!

শকার।—(উঠিয়া দেখিয়া ভাত হইয়া পুনর্বার নামিয়া বিটের কণ্ঠ অবলম্বন করিয়া) পণ্ডিত! পণ্ডিত! এইবার আমরা মারা গেছি! যে লোকটা বসে আছে, সে হয় চোর, নয় রাক্ষস। যদি রাক্ষস হয়, তো আমাদের সর্ব্ব্ব চুরি করে' নিয়ে যাবে—আর যদি চোর হয়, তা হলে নিশ্চয়ই আমাদের খেয়ে ফেলবে।

বিট।—ভয় নেই, এই বলদের গাড়ীতে রাক্ষস কোথা থেকে আসবে? বোধ হয়, মধ্যাহ্ন-সূর্য্যের তাপে তোমার দৃষ্টির ব্যতিক্রম হয়ে থাকবে,

তাই কঙ্ক-পরা স্বাবরকের ছায়া দেখে ভ্রান্তি জন্মেছে।

শকার।—বাছা স্বাবরক দাস! বেঁচে আছিস্ তো?

দাস।—আজ্ঞে হাঁ।

শকার।—পণ্ডিত! গাড়ীতে একজন দ্বীলোক বসে, আছে দেখ।

বিট।—

পরের কামিনী আছে, শুনিয়া এ কথা।

—বরষণ-হত-দৃষ্টি বলীবর্দ যথা—

পথ দিয়া যাই দ্রুত নত করি মাথা।

সজ্জন-সমাজে আমি গৌরব-আকাজ্জী,

কুলবধু দরশনে কাতর এ আঁধি।

বস।—(সবিশ্বয়ে স্বগত) কি সর্ব্বনাশ! যে আমার ছ-চক্ষের বালি, সেই রাজ-শালকটা যে এখানে! এইবার দেখি আমার প্রাণ-সংশয় হয়, আমি কি হতভাগিনী! লোণা জমিতে বীজ ছড়াবার মত আমার আশাটা নিতান্তই নিফল হল! তা, এখন কি করি?

শকার।—এই বুড়ো দাসটা ভয়ে কাতর হয়েছে, তাই গাড়ীর ভিতরটা দেখে না। পণ্ডিত! তুমি গিয়ে দেখ তো।

বিট।—তায় দোষ কি? আচ্ছা, আমিই দেখি।

শকার।—এ কি! শেয়ালরা যে উড়চে, কাকরা যে চলে' বেড়াচ্ছে। ওরা চোখ দিয়ে পণ্ডিতকে খেতে না খেতে, ও দাঁত দিয়ে দেখতে না দেখতেই আমি পিটান দেব।

বিট।—(বসন্তসেনাকে দেখিয়া সবিবাদে স্বগত) এ কি! মৃগী বাঘের অনুসরণ করুচে? হায়! হায়!

শরচ্ছন্দ্র-সম কাস্তি—বালুচরে বসে
—সেই হংসে ছাড়ি' হংসী ভেটে গো বায়সে।
(জনাস্তিকে) বসন্তসেনা, এ কাজ তোমার উচিত নয়, তোমার উপযুক্তও নয়।

সদর্পে অবজ্ঞা করি' পূর্বে কোন জনে
অর্থ-লোভে মাতৃবশে এসেছ এক্ষণে?

বসন্ত।—না। (শিরশ্চালন)



বিট।—নীচাশয় বেষ্টা অতি—তাই ভাবি মনে ॥
মনে আছে বলেছিলেম তোমারে গো আগে
—প্রিয় ও অপ্রিয় তুমি ভজো সমভাবে।

বস।—ভুলক্রমে গাড়ীর উর্নোপার্টা হওয়ায়
এখানে এসে পড়েছি—তোমার শরণাগত হলেম,
আমাকে রক্ষা কর।

বিট।—ভয় নেই, ভয় নেই। আচ্ছা, রোনো,
আমি ওকে ভোগা দিচ্ছি। (শকারের নিকট গিয়া)
ওগো শকার, গাড়ীতে সত্যই একটা রাক্ষসী বসে,
আছে।

শকার।—পণ্ডিত! পণ্ডিত! যদি সত্যই রাক্ষসী
হয়, তবে তোমার সর্কস্ব চুরি করলে না কেন?—
আর যদি চোর হয়, তবে তোমাকে খেয়ে ফেলে না
কেন?

বিট।—দূর হোক, ও সব জেনে কি হবে?—
এখন যদি আমার কথা শোনো—চল, আমরা এই
সারি-সারি বাগানগুলির মধ্যে দিয়ে উজ্জয়িনী
নগরে ফিরে যাই। তাতে তোমার আপত্তি কি?

শকার।—তা করলে কি হবে?

বিট।—তা হলে ব্যায়াম-সেবাও হবে, আর,
বলদেদেরও পরিশ্রম বাঁচানো যাবে।

শকার।—আচ্ছা, তাই হোক। না না—ওরে দাস
স্বাবরক! গাড়ী নিয়ে আয়। না না, থাক থাক। দেবতা
ও ব্রাহ্মণদের সম্মুখে দিয়ে পদব্রজেই যাব। না না—
গাড়ীতে চড়েই যাব। তা হলে দূর থেকে আমাকে
দেখে সবাই বলবে—ঐ রাজার শ্যালক যাচ্ছেন।

বিট।—(স্বগত) বিষকে ঔষধ করে' তোলা
ছুর—বসন্তসেনার কথাটা না বলে' আর চল্চে না।
আচ্ছা, এই রকম তবে বলা যাক। (প্রকাশে)
ওগো শকার, আসল কথা কি জান, বসন্তসেনা
তোমার উদ্দেশে এসেছেন।

বস।—কি সর্কনাশ! ও কি পাপ-কথা!

শকার।—(সহর্ষে) পণ্ডিত! পণ্ডিত!—
আমার উদ্দেশে—এই মহাত্মা ব্যক্তির উদ্দেশে—এই
মহুয্য-বাসুদেবের উদ্দেশে?

বিট।—হাঁ।

শকার।—আমার তবে আজ অপূর্ব লক্ষ্মীলাভ
হল! তখন আমি ওর পরে রুপ্ত হয়েছিলেম—রোস,
এখন আবার ওর পায়ে ধোরে সাধি।

বিট।—বেশ বলেছ।

শকার।—এই পায়ে পড়ি। হে মাতঃ!
অধিকে! আমার নিবেদন শোনো।

পড়ি গো চরণে, বিশাল-নয়নে!

কুতাজলি হয়ে আমি করি নমস্কার

ওগো দশনখে! দস্ত-স্বক্কে!

করেছি কামার্ত্ত হয়ে ছুঁষ্ট ব্যবহার।

সুন্দরী পরমা। কর মোরে ক্ষমা,

জেনো তুমি চিরদিন এ দাস তোমার।

বস।—(সক্রোধে) যাও যাও!—কি অভদ্রের
মত কথা বল্চ। (পদাঘাত)

শকার। (সক্রোধে)

যে মুণ্ডট জননীর আদর-চুস্বিত,

যে মুণ্ড দেবের পদে হয়নি নমিত,

সেই মুণ্ড শব-সম শৃগাল-আনীত

ও তব চরণ-তলে হইল দলিত?

ওরে দাস স্বাবরক! একে তুই কোথায় পেলি?

দাস।—প্রভু! গ্রাম্য-শকটে রাস্তা বন্ধ হয়ে
যাওয়ায় চারুদত্তের বাগান-বাড়ীর সামনে এই গাড়ী
রেখে, গাড়ী থেকে নেমে, একজনের গাড়ীর চাকা
ঘুসিয়ে দিচ্ছিলেম, সেই সময়ে বোধ হয় উনি আপনার
গাড়ী ভেবে এই গাড়ীতে উঠেছিলেন।

শকার।—কি? ভুল করে' এই গাড়ী চড়ে'
এসেছে? আমার উদ্দেশে আসে নি? তবে নেমে
যা, নেমে যা আমার গাড়ী থেকে। তবে তুই সেই দরিদ্র
বণিক-পুত্রের উদ্দেশে যাচ্চিস্? আমার গুরুদের
বাড়িয়ে নিচ্চিস্? তবে নেমে যা, নেমে যা, পাজি
বেটি নচার কোথাকারে—নেমে যা বল্চি।

বস।—তুমি যে বল্লে "চারুদত্তের উদ্দেশে যাচ্চিস্"
—এ কথায় আমি আপনাকে অলঙ্কৃত মনে করলেম।
এখন যা হবার তা হোক।

শকার।—দশনখ-শতদল

সুশোভিত হস্তেতে যাহার,

শত চাটুবাণ্য সম

ভাল লাগে করিতে প্রহার,

সেই হস্তে বু'টি ধরে'

বরতনু নামাব নিমিষে,

জটায়ু করিল যথা

বালীর পত্নীরে ধরি' কেশে।

বিট।—

শুণবতী-নারী-কেশ আকর্ষণ নহে গো উচিত,
উপবন-লতিকার পত্রচ্ছেদ নহে গো বিহিত।

তুমি থামো—আমি ঠুঁকে নাবাচ্ছি। বসন্তসেনা!
নাবো।

বস।—(নাবিয়া একান্তে অবস্থান)

শকার।—(স্বগত) পূর্বে যার অপমানের কথায়
আমার রোষাঘ্নি একটু দেখা দিয়েছিল, আজ তার
পদাঘাতে একেবারে প্রজ্বলিত হয়ে উঠেছে—এখন
তবে একে মারি। আচ্ছা, পণ্ডিতকে এইরূপ বলা
যাক।

চাও যদি দীর্ঘ-প্রান্ত

শত-সূত্র-যুক্ত উত্তরীয়,

চাও যদি খাইবারে

সুমধুর মাংস রমণীয়,

পিতে চাও চুহ চুহ

চুহ চুহ সরস পানীয়—

বিট।—তা হলে কি ?

শকার।—তা হলে আমি যা চাই, তাই কর।

বিট।—আচ্ছা করব—কিন্তু অকার্য্য বর্জন
করে'।

শকার।—পণ্ডিত! তাতে অকার্য্যের গন্ধও
নেই—রসও নেই।

বিট।—আচ্ছা, তবে বল।

শকার।—বসন্তসেনাকে মেরে ফ্যালো।

বিট।—(কর্ণ ঢাকিয়া)

ও যে গো অবলা বালা নগর-ভূষণ,

ও নহে তো বেশালয়-বেশার মতন।

প্রেমবতী নির্দোষারে বধি আমি যদি

কোন্ নায়ে পার হব পরলোক-নদী ?

শকার।—আমি তোমাকে নোকো দেব।

তা ছাড়া, এই নিরুজ্জন বাগানে মারুলে কে তোমাকে
দেখতে পাবে ?

বিট।—

দেখিবে গো দশদিশি,

দেখিবে গো বনের দেবতা,

শশী, দীপ্ত দিবাকর,

অস্তরাঙ্গা জানিবে বারতা।

ধর্ম, বায়ু, ক্ষিতি, ব্যোম

পাপ-পুণ্য-সাক্ষী সবে হেথা ॥

শকার।—আচ্ছা, তবে কাপড় দিয়ে ঢেকে মারো ॥

বিট।—মূর্খ! তুমি অধঃপাতে গেছ।

শকার।—এই বুড়ো শূয়োরটা অধর্ম-ভীরু।

আচ্ছা, দাস স্থাবরককে বলি। বাছা বাপু দাস
স্থাবরক! তোকে সোনার বালা দেব।

দাস।—যে আজ্ঞে, আমি হাতে পরব।

শকার।—তোকে সোনার পিড়ি গড়িয়ে দেব।

দাস।—যে আজ্ঞে, আমি তাতে বসব।

শকার।—আমার সব উচ্ছিষ্ট তোকে দেব।

দাস।—যে আজ্ঞে, আমি খাব।

শকার।—সকল দাসের সর্দার করে' দেব।

দাস।—যে আজ্ঞে, তা হব।

শকার।—এখন তবে যা বলি শোন্।

দাস।—যে আজ্ঞে, আর সব করব, কেবল অকার্য্য
করব না।

শকার।—তাতে অকার্য্যের গন্ধমাত্র নেই।

দাস।—যে আজ্ঞে, বলুন তবে।

শকার।—এই বসন্তসেনাকে মেরে ফ্যাল।

দাস।—প্রভু, রাগ করবেন না। আমি দাস,
ঠাকরণকে ভুলক্রমে এই গাড়ী করে' এনেছি।

শকার।—আরে ব্যাটা দাস! আমার কথা
শুনচিস্নে? আমি কি তোর প্রভু নই?

দাস।—আপনি আমার শরীরের প্রভু, চরিত্রের
প্রভু নন।—আমার বড় ভয় হচ্ছে।

শকার।—তুই আমার দাস হয়ে কার ভয়
করিস্?

দাস।—আজ্ঞে, পরলোকের।

শকার।—কে সে পরলোক-ব্যাটা?

দাস।—আজ্ঞে, পাপ-পুণ্যের ফল।

শকার।—পুণ্যের ফল কিরূপ?

দাস।—পুণ্য-ফলে প্রভু যেমন সোনা সোনা
ছয়লাপ।

শকার।—পাপের ফল কিরূপ?

দাস।—পাপের ফলে আমি যেমন পরের অঙ্গ-
দাস। তাই, অকার্য্য আর করব না।

শকার।—ওরে! তবে তুই মারবি নে?

(নানা প্রকারে প্রহার)



দাস।—আজ্ঞে, আমাকে মারুন আর মেয়েই ফেলুন, অকার্য্য আমি করব না।

ভাগ্যানোষে ক্রীতদাস হয়েছি গো মোরে শত ধিক্ !

অকার্য্য করিয়া পাপ কিনিব না তাহার অধিক ॥

বস।—পণ্ডিত মশায়! আমাকে রক্ষা করুন!

বিট।—ওগো! মাপ কর, মাপ কর। ঠিক বলেছ হাবরক, ঠিক বলেছ।

দীন-হীন ভূত্য এও, চাহে পরলোক-ফল,

কিন্তু নাহি চাহে তার প্রভু।

অযোগ্যে বাড়ায় যারা, যোগ্যে ত্যজে, তাহাদের
নাশ কেন নাহি হয় তবু?

অপিচ :—

দৈব শুধু রক্ষায়েষী, অতি অবিচারী ;

এরি বা দাসত্ব কেন প্রভুত্ব তোমারি ?

তব লক্ষ্মী কেন না ও করে উপভোগ ?

তব প্রতি কেন আজ্ঞা না করে প্রয়োগ ?

শকার।—(স্বগত) ওই বুড়ো শেয়ালটার অধর্ম্মের ভয়, আর এই ক্রীত দাসটার পরলোকের ভয়। আমি রাজার শালা—কত বড় লোক—আমার কাকে ভয় ? ওরে ব্যাটা গর্ভদাস। তুই যা, ঐ পর্দার মধ্যে তুই চূপ্ করে বসে থাক্ গে।

দাস।—যে আজ্ঞে প্রভু। (বসন্তসেনার নিকটে গিয়া) আমার যা সাধ্য, আমি করেছি।

[প্রস্থান।

শকার।—(কোমর বাঁধিয়া) দাঁড়া বসন্তসেনা, দাঁড়া—তোকে বধ করব।

বিট।—আমার সম্মুখে বধ করবে ?

(গলা টিপিয়া ধরিয়া)

শকার।—(ভূতলে পতন) পণ্ডিত তার প্রভুকে মারলে রে! (মুচ্ছা—পরে সংজ্ঞা লাভ করিয়া)

মৃত দিয়ে মাংস দিয়ে, দেহ পুষ্ট কর, তোর,

কার্য্য উপস্থিত হ'লে, তুই হলি শত্রু মোর ?

(চিন্তা করিয়া স্বগত) হয়েছে, একটা উপায়

ঠাওরেছি। ওই বুড়ো শেয়ালটা মাথা নেড়ে একটা

কি ইসারা করেছিল—আমি ওকে দূরে সরিয়ে

দিয়ে তার পর বসন্তসেনাকে মারব। হাঁ, সেই

ভাল। (প্রকাশ্যে) পণ্ডিত! আমি এমন মহাবংশে

জন্মগ্রহণ করে' সে অকার্য্য কি কখন করতে পারি ?

—আমি কেবল ওকে অঙ্গীকার করবার জন্তই ভয় দেখাচ্ছিলাম।

বিট।—কি হইবে বল ওগো কুলের শিক্ষায়,

স্বভাব-চরিত্র মূল-কারণ হেথায়।

হোক না উর্ধ্ব-ক্ষেত্র অতাব সূচাক

বাড়ে না কি তাহে হীন কণ্টকের তরু ?

শকার।—ও তোমার কাছে লজ্জা করতে, তুমি এখন যাও—হাবরক দাসকে প্রহার করায় সে পালিয়ে গেছে, তাকে তুমি নিয়ে এসো পণ্ডিত!

বিট।—(স্বগত)

বুঝি বা বসন্তসেনা আমার সমক্ষে

দেখায় মহত্ত্ব, তাই ভজে না মূৰখে।

বিলম্ব করিয়া দেই তবে এই স্থান,

বিজনে বিশ্বাস-রস ভোগ করে কাম।

(প্রকাশ্যে) হাঁ, তাই ভাল—আমি যাই।

বস।—(কাপড়ের অঞ্চল ধরিয়া) না না, যেও না—আমাকে রক্ষা কর।

বিট।—বসন্তসেনা! ভয় নেই—ভয় নেই। ওগো! বসন্তসেনাকে তোমার হাতে গচ্ছিত রেখে গেলাম।

শকার।—আচ্ছা, আমার হাতে গচ্ছিত রইল।

বিট।—ঠিক্ বল্চ ?

শকার।—ঠিক্ বল্চি।

বিট।—(একটু গিয়া) কিন্তু না, আমি গেলে নৃৎস ওকে বধ করলেও করতে পারে—আচ্ছা, আমি এই আড়াল থেকে দেখি, কি করে। (একান্তে অবস্থান)

শকার।—আচ্ছা, আমিই বধ করি। না, এখন থাক—ঐ বুড়ো শেয়াল ব্রাহ্মণটা কপটের শিরোমণি—হয় তো ও আড়ালে শেয়ালের মত লুকিয়ে আছে। ওকে ঠকাবার জন্ত এইরূপ করা যাক। বালা বসন্তসেনা! এস তো যাছ!

বিট।—এই যে! কামাৰ্ন্ত হয়েছে—যাক্, আমি এখন নিশ্চিত হলাম। আমি তবে যাই।

[প্রস্থান।

শকার।—(বসন্তসেনার পদতলে পড়িয়া)

ঢালিব সুবর্ণরাশি, হইব মধুরভাবী
উফৌষ সহিত মাথা রাখিব ও চরণে ।
বণিতেছি এত করে, তবু নাহি চাহ মোরে,
কত কষ্ট সেবকের কষ্টময় জীবনে ॥

বস ।—তার সন্দেহ কি ? (অবনতমুখী হইয়া)

নিকৃষ্ট-চরিত, খল, অপরাধী ওরে !
কেন বুঝা ধন-লোভ দেখাইছ মোরে !
সুচরিত কর্ম যার, দেহটি নির্মল
—অলি কভু নাহি ছাড় সে চারু কমল ।
দরিদ্র-ও যদি হয় কুলশীলবান
যতনে সেবিবে নারী সঁপি মন-প্রাণ ।
যে গণিকা অহুরক্ত হয় যোগ্য জনে
তাই তার শোভা বলি' সর্বলোকে গণে ।

তা ছাড়া :—সহকার-তরুকে সেবা করে' পলাশ-
বৃক্ষকে কে চায় ?

শকার ।—আরে দাসীর বেটি দাসী ! দরিদ্র
চারুদত্তকে সহকার-তরু বলি, আর আমাকে পলাশ-
গাহ বলি, কিংকও বলিনে ? এই রকম করে' তুই
আমাকে গালাগালি দিয়ে সেই চারুদত্তের নাম
করুচিস্ ?

বস ।—যিনি আমার হৃদয়ে আছেন, তাঁর নাম
কেন না করব ?

শকার ।—সে তোর হৃদয়ের মধ্যে এখনও
আছে ?—তবে ভালই হল, তোর সঙ্গে তাকে
একত্রেই বধ করব । তবে রে দরিদ্র বণিক-কামুকী
বেণী কোথাকারে ! দাঁড়া—দাঁড়া ।

বস ।—বল বল, আবার বল—ও আমার
গোরবেরই কথা ।

শকার ।—সেই দাসের ব্যাটা চারুদত্ত এখন
তোকে রক্ষা করুক ।

বস ।—আমাকে যদি দেখতে পেতেন, ও হলে
রক্ষা করতেন ।

শকার ।—

বালি-পুত্র সে কি ইন্দ্র, মহেশ্বর না সুবন্ধু ?
রক্ত'পুত্র কালনেমি চাণক্য না ত্রিশঙ্কু ?
রুদ্র রাজা ধৃঙ্কুয়ার দ্রোণপুত্র জটায়ু ?

কিন্তু না, এরাও তোকে রক্ষা করতে পারবে না ।

চাণক্য বধিল যথা, ভারতের যুগে সেই
দেবী জানকীরে

জটায়ু বধিল যথা, সেই পুরাতন কালে
দেবী দ্রৌপদীরে
আমিও তেমতি আজি, এখনি করিব বধ
উগারে অচিরে ।
(মারিতে উত্তত)

বস ।—মা গো ! তুমি কোথায় ?—হা চারুদত্ত !
প্রাণের আশা পূর্ণ না হতে হতেই প্রাণত্যাগ কর্তে
হল—খুব টেচিয়ে কাঁদি—না ।—বসন্তসেনা টেচিয়ে
কাঁদবে ?—কি লজ্জার কথা । চারুদত্ত ! তোমাকে
প্রণাম করে' জন্মের মত বিদায় হই ।

শকার ।—এখনও গর্ভদাসী সেই পাপিষ্ঠের নাম
করচে ? (গলা টিপিয়া) তার নাম কর, গর্ভদাসী,
তার নাম কর ।

বস ।—মগায়া চারুদত্তকে প্রণাম ।

শকার ।—মরু গর্ভদাসী, মরু । (গলা টিপিয়া)

বস ।—(মুচ্ছিতা ও নিশ্চেষ্টা হইয়া পতন)

শকার ।—(সহর্ষে)—

সর্বদোষ-একাধার

অবিনয়-বাস ভূমি, খল, ক্রুর মন,
এসেছিল হেথা আজি

বিলাসীর প্রেম-বশে করিতে রমণ ।
এ মোর বাহুর বীর্ঘ্য

কি হইবে অতিমাত্র করি' প্রকটিত,
ভারতেতে সীতা যথা

শুধু ও নিঃশ্বাস-মাত্র হইয়াছে মৃত ।
আমি চাহি গণিকারে

—নাহি চাহে আমায় সে ;
সেই সে কারণে তারে

বধিয়াছি ঘোর রোষে
—শুভ এই পুষ্পোত্তানে

গলা টিপি খুব কোষে ।
মোর পিতা মোর ভ্রাতা, দ্রৌপদীর সম মাতা

বঞ্চিত এ দৃশ্য দরশনে ।
এ হেন শূন্য মোর, পুত্রের বীরত্ব ঘোর

না পাইল দেখিতে নয়নে ॥

সে যাক্—এখন সেই বুড়ো শেরালটা এসে পড়বে—
এই বেলা সরে' যাই । (তথা করণ)

(দাসের সহিত বিটের প্রবেশ)

বিট।—স্বাবরক দাসকে তো বলে-কয়ে নিয়ে এলেম। এখন তবে শকারের সঙ্গে দেখা করি। (পরিক্রমণ ও অবলোকন) এ কি! পথে যে একটা* গাছ পড়ে' আছে। বৃক্ষের পতনে স্ত্রীহত্যা স্মৃতি হচ্চে। ওরে পাপিষ্ঠ! এই অকার্য্য তবে কি তুই সত্যই করেচিস্? যাই হোক, ওরে পাপ-বৃক্ষ! তোর পতনেও স্ত্রী-হত্যা-দর্শন-পাপে আমরা পতিত হলেম। এই দুর্নিমিত্ত যদি সত্য হয়, তবে বসন্ত-সেনার কোন অনিষ্ট হয়েছে বলে' আমার বিলক্ষণ মনে শঙ্কা হচ্চে।—দেবতারী সর্ব্বপ্রকারে মঙ্গল করুন। (শকারের নিকট গিয়া) ওগো শকার! এই দেখ, স্বাবরক দাসকে বলে-কয়ে এখানে এনেছি।

শকার।—পণ্ডিত! এসো এসো! বাপু বাছা স্বাবরক দাস—তুইও আয়।

দাস।—যে আজ্ঞে।

বিট।—ওগো! এখন আমার সেই গচ্ছিত বস্তুটি নিয়ে এসো।

শকার।—কিরূপ গচ্ছিত বস্তু?

বিট।—বসন্তসেনা।

শকার।—সে চলে' গেছে।

বিট।—কোথায়?

শকার।—তোমারি পিছনে পিছনে।

বিট।—(মনে মনে বিচার করিয়া) ও সে দিক্ দিয়ে যায়নি।

শকার।—তুমি কোন্ দিক্ দিয়ে গিয়েছিলে?

বিট।—পূর্ব্বদিক্ দিয়ে।

শকার।—সেও দক্ষিণদিক্ দিয়ে গেছে।

বিট।—আমি দক্ষিণদিক্ দিয়েই গিয়ে-ছিলেম বটে।

শকার।—সেও উত্তরদিক্ দিয়ে গেছে।

বিট।—তুমি যে পাগলের মত কথা বল্চ। আমার অন্তবাস্তা স্ত্র হচ্চে না—ঠিক কথা বল।

শকার।—পণ্ডিত! তোমার মাথায় পা দিয়ে শপথ করচি—এখন নিশ্চিত হও—আমি বসন্ত-সেনাকে বধ করেছি।

বিট।—(সবিধাদে) সত্যি বধ করেছ?

* বঙ্গীয় গ্রন্থে "পাদয়ো" এবং বোম্বাই-মুদ্রিত গ্রন্থে "পাদপ" আছে। শেখোক্ত পাঠান্তরটিই সম্ভবত বলিয়া মনে হয়।

শকার।—যদি আমার কথায় প্রত্যয় না হয়, তবে রাজ-শ্যালক-বাহাদুরের বীরত্বটা একবার স্বচক্ষে দেখ। (বসন্তসেনার শরীর প্রদর্শন)

বিট।—হা! কি সর্ব্বনাশ!—কি সর্ব্বনাশ! আমি কি হতভাগ্য! (মুচ্ছিত হইয়া পতন)

শকার।—হি হি হি—পণ্ডিত মরেছে।

দাস।—পণ্ডিত মশায়! উঠুন, উঠুন। না দেখে-শুনে গাড়া হাঁকিয়ে নিয়ে আসায় গোড়ায় আমা হতেই এই স্ত্রী-হত্যাটি হয়েছে।

বিট।—(সংজ্ঞালাভ করিয়া সক্রমণভাবে) হা বসন্তসেনা!

দয়া-দাক্ষিণ্যের নদী

বিগলিয়া গেল চলি স্বদেশ দক্ষিণে

প্রীতি রতি অহুরাগ

সকলি চলিয়া গেল সে বালা বিহীনে।

অলঙ্কৃত স্তম্ভধনে!

সুবদনে! কোথা ওগো ক্রীড়া-বিলাসিনি!

সৌজাত্যের প্রবাহিণি!

হাস্তের পুলিন! ওগো আশ্রয়দায়িনি!

হায় হায়! নষ্ট হল

সৌন্দর্য্য-ভাণ্ডার সেই মন্থ-বিপণি ॥

(সাক্ষলোচনে)

হায় হায়! কি কষ্ট!

কি কাজ করিলি তুই

বিনাশিয়া এ হেন সুন্দরী

তো হতে পাপিষ্ঠ! হল

শ্রীভ্রষ্ট এ নিদোষ নগরী।

(স্বগত) এই পাপিষ্ঠের অসাধ্য কিছুই নেই—ও শেষে নিষ্কৃত দোষ আমার উপরে সংক্রামিত করতেও পারে। এ স্থান হতে প্রস্থান করাই শ্রেয়। (পরিক্রমণ)

শকার।—(নিকটে আসিয়া বিটকে ধারণ)

বিট।—পাপিষ্ঠ, আমাকে স্পর্শ করিস্ নে—

তোমার সংস্রবে আমি আর থাকব না—চলেম।

শকার।—ওরে! বসন্তসেনাকে নিজে বধ করে'

শেষে আমার নামে দোষ দিয়ে কোথায় পালাচ্চিস্?

বিট।—তুই অধঃপাতে গিয়েছিস্।

শকার।—শত শত অর্থ দিব

ভোজন সহিত স্বর্ণ কাহন কাহন

হত্যা-কৃত্যাদগু-ফল

আমা হতে অন্তর্জনে কর সংক্রমণ।

বিট।—এ কথা বলতে লজ্জা হল না?—ধিক্
তোকে!

দাস।—রাম! রাম! এ কি কথা?

শকার।—(হাস্য)

বিট।—

হেসো না হেসো না তুমি, এখন অপ্রীতি হোক
তোমায় আমার,
অপমানকারী নীচ, অনার্য্য-সনে যে প্রীতি
ধিক্ বলি তায়।

তব সনে আর যেন না হয় মিলন

নিগুণ ধনুক সম করিনু বর্জন।

শকার।—পণ্ডিত! রাগ করো না, রাগ করো
না—এসো, আমরা ঐ পদ্ম-সরোবরে গিয়ে একটু
আমোদ-প্রমোদ করি গে।

বিট।—যদিও নির্দোষ আমি, সেবিলে তোমায়
লোকেরা অনার্য্য বলি' ভাবিবে আমার।
জীবধ করেছ তুমি

তোমারে দেখিলে যত নগর-রমণী

"ওই হত্যাকারী" বলি'

সচকিত আড়-চক্ষে দেখিবে অমনি

—কেমনে গো তোমা সনে যাইব এখনি?

(সকরণভাবে) বসন্তসেনা!

অন্ত জন্মে বেশা আর হয়ো না সুন্দরি!

সুচরিত্রে! শুদ্ধ-কুলে এসো দেহ ধরি'।

শকার।—আমার "পুষ্পকরণক" উদ্যানে বসন্ত-
সেনাকে বধ করে' তুই কোথায় পালাচ্চিস? আমার
ভগিনীপতির কাছে এই মোকদ্দমায় তোর জবাব
দিতে হবে। (ধারণ)

বিট।—রোস্ পাজী (খজা আকর্ষণ)।

শকার।—(সভয়ে সরিয়া গিয়া) কি রে, ভয়
পেয়েচিস? আচ্ছা, তবে যা।

বিট।—(স্বগত) এখানে থাকা আর উচিত
হয় না—আচ্ছা, যেখানে শবিলক, চন্দনক প্রভৃতি
আছেন, সেইখানেই যাই।

[প্রস্থান।

শকার।—যেখানে ইচ্ছা, মরু গে যা—দূর হ।
ওরে বেটা স্থাবরক—কেমন কাজ করেছি?

দাস।—আজ্ঞে, বড়ই খারাপ কাজ করেছেন।

শকার।—ওরে দাস, কি বলচিস? খারাপ
কাজ করেছি? আচ্ছা, বেশ। (নানা আভরণ
অঙ্গ হইতে খুলিয়া) এই অলঙ্কারগুলি নে, তোকে
দিলেম—যে সময়ে আমি এইগুলি পরব, তখন আমার,
নৈলে তোর—বুঝ্‌লি?

দাস।—এই অলঙ্কারগুলিতে আপনাকেই মানায়
—এ নিয়ে আমার কি হবে?

শকার।—আচ্ছা, তবে এই বলদ্‌ ছটো নিয়ে যা।
আর, আমার প্রাসাদের প্রবেশদ্বারের উপরে যে
নূতন চূড়া-বর তৈরি হয়েছে, সেই ঘরে তুই গিয়ে
থাক্, যতক্ষণ না আমি যাই।

দাস।—যে আজ্ঞে।

[প্রস্থান।

শকার।—নিজেকে বাঁচাবার জন্ত পণ্ডিতটা তো
সটকেচে। আর, দাসটা প্রাসাদে গেলেই তাকে
পায়ে বেড়ি দিয়ে বন্ধ করে' রাখব। এখন আর
কথাটা প্রকাশ হবার কোন সম্ভাবনা নেই। এখন
তবে যাই—না না, আর একবার দেখি, সত্যি মরেছে
কি না।—আবার কি মারুতে হবে?—না, নির্ধাত
মরেছে। আচ্ছা, তবে এখন চাদর দিয়ে একে ঢেকে
রাখি—কিন্তু না, এতে যে আমার নামের চিহ্ন আছে,
তা হলে কোন ভদ্রলোক দেখলেই চিনতে পারবে।
আচ্ছা, বাতাসে উড়ে এসে এই শুরু পাতাগুলো
এখানে জড় হয়েছে, এইগুলো দিয়ে ঢেকে রাখা
যাক্। আচ্ছা, এখন তবে আদালতে গিয়ে নালিশ
লিখিয়ে আসি—এই কথা বলি যে, অর্থের লোভে
বণিক চারুদত্ত আমার পুষ্প-করণক নামক জীর্ণ
উদ্যানে প্রবেশ করে' বসন্তসেনাকে বধ করেছে।"

চারুদত্ত নাশ তরে

করিনু নূতন ফন্দী আজ।

বিগুণ এ পুরীমাঝে

পশু-হত্যা নিদারুণ কাজ।

আচ্ছা, তবে যাই। (প্রস্থান করিয়া দৃষ্টি পূর্বক
সভয়ে) কি আশ্চর্য্য! যে পথ দিয়েই যাই, সেই
পথেই যে সেই ভিজে-কাপড়-হাতে বুদ্ধ ভিক্ষুকটাকে
দেখতে পাই। সেও দেখচি, এই পথ দিয়ে আসচে।

আমি ওর নাক কেটে মেরে তাড়িয়ে দিয়েছিলাম—ও আমার শত্রুতা করে' যদি প্রকাশ করে যে, এই হত্যাটা আমিই করেছি—এখন তবে কোন্ দিক দিয়ে যাই? হয়েছে—এই প্রাচীরের অর্ধেকটা পড়ে গেছে—এই প্রাচীরটা ডিঙ্গিয়ে যাই।

যাই আমি এই বেলা করি' খুব ভরা মহেন্দ্র যেমতি লজ্জি' পাতাল ও ধরা ধাইয়া গগন-পথে হনু শৈল হতে লক্ষ্মীপে উপনীত হন কোনমতে।

[প্রস্থান।

(তাড়াতাড়ি সংবাহক ভিক্ষুর প্রবেশ)

ভিক্ষু।—এই কাপড়খানা তো জলে ধুয়ে— এখন কি গাছের ডালে শুকোতে দেব?—না, তা হলে বানরেরা ছিঁড়ে কুটিকুটি করে' ফেলবে। তবে কি মাটিতে শুকোতে দেব?—না, তা হলে ধুলোর ময়লা হবে। (দেখিয়া)—তবে কোথায় শুকোতে দি? আচ্ছা, বাতাসে উড়ে এসে কতকগুলো গুরু পাতা এইখানে জড় হয়ে আছে—এরই উপরে বিছিয়ে শুকোতে দি। (তথাকরণ) বুদ্ধায় নমঃ। (উপবেশন) আচ্ছা, এখন তবে ধর্মশ্লোক পাঠ করি। ('অজ্ঞ জন' ইত্যাদি পূর্বোক্ত শ্লোক পাঠ) কিন্তু না, যে বসন্তসেনা দশ সুবর্ণ দিয়ে জুয়ারীর হাত থেকে আমাকে উদ্ধার করেছেন, তাঁর যত দিন না আমি প্রতাপকার করতে পারি—তত দিন আমার স্বর্গ কামনা করে' কি ফল! তত দিন আমি তাঁরই ক্রীতদাস। পাতার ভিতর থেকে কি যেন একটা নড়ে উঠে। ব্যাপারটা কি? অথবা

বায়ু-তাপে তপ্ত পাতা

আর্দ্র বস্ত্রে উঠেছে ফাপিয়া

—মনে হয় পাখী যেন

নড়িতেছে পাখা ঝাপটিয়া।

(বসন্তসেনা সংজ্ঞা লাভ করিয়া হস্ত প্রদর্শন)

হায় হায়! এ কি! শুদ্ধালঙ্কার-ভূষিত স্ত্রীলোকের হস্ত যে! এই যে, অপর হস্তটিও বের করেছে—এ হস্তটি যে আমি চিনি। সত্য কি সেই হস্ত—যে হস্তে তিনি আমাকে অভয় দান করেছিলেন! আচ্ছা, দেখি দিকি। হাঁ, সেই বুদ্ধোপাসিকাই বটে।

বস। (পানীয় আকাজ্জ্বল্য)

ভিক্ষু।—কি! জল চাচ্ছে! কিন্তু পুকুরিণীটা যে দূরে। এখন কি করি! আচ্ছা, এই কাপড়টা নিংড়ে নিংড়ে জল দি। (তথাকরণ)

বস।—(সংজ্ঞা লাভ করিয়া উত্থান)

ভিক্ষু।—(কাপড়ের অঞ্চল দিয়া বীজ্ঞন)

বস।—মহাশয়, আপনি কে?

ভিক্ষু।—বুদ্ধোপাসিকা! তুমি আমাকে দশ সুবর্ণ দিয়ে জুয়ারীর হাত থেকে মুক্ত করেছিলে— আমাকে কি তোমার স্মরণ হচ্ছে না?

বস।—আপনাকে স্মরণ হচ্ছে—কিন্তু আপনি যা বলছেন, তা তো স্মরণ হয় না—আমি মরে' গেলেও ও কথা মুখে আনতে পারব না।

ভিক্ষু। বুদ্ধোপাসিকা! এ কি ব্যাপার! তোমার হয়েছে কি?

বস।—(নৈরাশু-সহকারে) বেঞ্জার যা হবার, তাই হয়েছে।

ভিক্ষু।—ওঠো, বুদ্ধোপাসিকা, ওঠো—এই গাছটার নিকটে যে লতা আছে, তাই ধরে' ওঠো। (লতা নামাইয়া)

বস।—(লতা ধরিয়া উত্থান)

ভিক্ষু।—এই মঠে আমার ধর্ম-ভগিনী আছেন— সেখানে মনকে সুস্থ করে' উপাসিকা, তোমার গৃহে যাও। এখন আস্তে আস্তে চল। মহাশয়েরা সব সরে' যান—সরে' যান—ইনি যুবতী স্ত্রী—আমি ভিক্ষু—আমি অবিকৃত-চিত্তে ওঁকে সঙ্গে নিয়ে যাচ্ছি—এই আমার পরিশুদ্ধ ধর্ম।

সুসংঘত হস্ত মুখ

সুসংঘত ইন্দ্রিয়াদি যার

তাকেই মহুষ্য বলি,

কি করিতে পারে রাজা তার?

হস্তে তার পরলোক,

কাড়ি লয় সাধ্য আছে কার?

বসন্তসেনা-বধ নামক অষ্টম অঙ্ক।

নবম অঙ্ক

দৃশ্য—বিচারালয়

(কখন বাহিরে, কখন ভিতরে)

(শোধনকের প্রবেশ)

শোধ ।—বিচারকেরা আমাকে এই আজ্ঞা করেছেন :—“দেখ শোধনক ! বিচার-মণ্ডপে গিয়ে আসন সব সাজিয়ে রাখো”—তাই সেখানে যাচ্ছি। এই তো বিচার-মণ্ডপ—এখন তবে ভিতরে যাই। বিচার-মণ্ডপটি পরিষ্কার করে রাখা গেল—আসন-গুলও তো সাজানো হল—এখন বিচারকদের জানিয়ে আসি। এ কি ! সেই ছুঁই পাজি রাজার শালা ব্যাটা যে এই দিকে আসচে—ওর সামনে থেকে এই বেলা সরে পড়া যাক। (একান্তে অবস্থান)

(উজ্জ্বল-বেশ-ধারী শকারের প্রবেশ)

শকার ।—কাননে উজ্জানে বসি’,

জলবারি সলিলেতে করিয়াছি স্নান।

যুবতী স্ত্রী নারী সনে, ছিন্ন আমি সুশোভিত
গন্ধর্ব সমান।

ক্ষণে গ্রস্থি বন্ধন, ক্ষণে জটা-ধারণ,

ক্ষণে এলো-মেলো ঢিলে-ঢালা।

ক্ষণে খোলা-চুল ঝোলা, ক্ষণে চূড়া উর্দ্ধে তোলা,

চিত্ররূপী আমি রাজ-শালা ॥

তা ছাড়া—মৃগাল-গ্রস্থির মধ্যে যেমন কীট প্রবেশ করে’ পথ অন্বেষণ করতে করতে একটা পরিসর স্থান পায়, আমিও তেমনি সূক্ষ্ম সূত্রে বৈরনির্খ্যাতনের একটা বেশ অবসর পেয়েছি—এখন কার ঘাড়ে এই ছুঁইটা চাপাই ? হাঁ, মনে পড়েছে, দরিদ্র চারুদত্তের ঘাড়ে চাপানো যাক। সে দরিদ্র, লোকে তার পক্ষে সকলই সম্ভব বলে’ মনে করবে। সেই কথাই ভাল। আগে বিচারমণ্ডপে গিয়ে অভিযোগটা এই বলে’ লেখাই যে, চারুদত্ত ঘাড় মটকে বসন্তসেনাকে বধ করেছে। এখন তবে বিচারমণ্ডপে যাই। এই তো বিচার-মণ্ডপ—এইবার প্রবেশ করা যাক। এই বে, আসন সব প্রস্তুত। যতক্ষণ না বিচারকেরা আসেন, ততক্ষণ আমি এই দুর্ক-ঘাসের চাতালে একটু বসে’ অপেক্ষা করি। (তথা অবস্থিত)

শোধনক ।—(অত্মদিকে পরিক্রমণ করিয়া

সম্মুখে দেখিয়া) এই বিচারকেরা আনছেন, আমি তবে এগিয়ে নিকটে যাই। (নিকটে গমন)

(শ্রেষ্ঠী ও কায়স্থাদি দ্বারা পরিবেষ্টিত হইয়া

বিচারকের প্রবেশ)

বিচারক ।—দেখ শ্রেষ্ঠী, কায়স্থ !

উভয়ে ।—আজ্ঞে করুন।

বিচারক ।—বিচার-কার্যে আমরা নিতান্ত পরাধীন—পরমুখাপেক্ষী, অর্থি-প্রত্যাখীর মনোগত ভাব বোঝা বিচারকের পক্ষে বড়ই দুষ্কর।

সত্যেরে প্রচ্ছন্ন করি’

কহে লোকে কত কথা ঞ্চায়-পরিচ্যুত,

নিজ দোষ নাহি বলে

মনের বিকারে নিজে হয়ে অভিভূত।

পক্ষ বিপক্ষের যদি

সহায়ের বলে হয় বলের বর্জন

নিশ্চয় গো তাহা হলে

নূপের নামেতে হয় কলঙ্ক স্পর্শন।

সংক্ষেপে বলিতে গেলে

বিচারক-অপবাদ সুলভ জগতে,

গুণের প্রশংসা তাঁর

বহু দূরে অবস্থান করে তাঁহা হতে।

অপিচ :—

লুকাইয়া নিজ দোষ

রোষ-বশে কহে কথা ঞ্চায়-বিরহিত

বিচার-আলয়ে যে গো,

—উভয়-পক্ষের দোষে হইয়া দূষিত

করে সে বিষম পাপ ;

—পরলোকে অধোগতি নিশ্চয় তাহার।

সংক্ষেপে বলিতে গেলে

বিচারক যশোহীন—অপবশই সার।

সেই জন্ত বিচারকেরা :—

শাস্ত্রে সুপণ্ডিত, বক্তা,


নিপুণ মিথ্যার আবিষ্কারে।

ক্রোধশূন্য, সমদৃষ্টি

শক্রমিত্র উভয়-বিচারে ॥

আচরণ বিচারিয়া উত্তর প্রদান

অক্ষমে রক্ষণ, শঠে দণ্ডের বিধান,



বর্ষ-পরায়ণ সদা—লোভের অতীত,
পর-তত্ত্ব অন্বেষণে চিত্ত সমাহিত
—এইরূপে বিচারক করেন বিচার
কুপিত নৃপের কোপ করিয়া সংহার।

শ্রেষ্ঠী ও কায়স্থ।—এতেও যদি কেহ আপনার
গুণ-রাশিতে দোষারোপ করে, সে অনায়াসেই বলতে
পারে, চন্দ্রাগোকে অন্ধকার আছে।

বিচা।—বাপু শোধনক! বিচার-মণ্ডপের পথ
দেখিয়ে নিয়ে চল।

শোধ।—এই দিক দিয়ে বিচারক-মহাশয়, এই
দিক দিয়ে।—(পরিক্রমণ) এই বিচারমণ্ডপ, প্রবেশ
করুন।

(সকলের প্রবেশ)

বিচা।—বাপু শোধনক! বাহিরে গিয়ে জেনে
এসো, কে কে কার্যার্থী উপস্থিত।

শোধ।—যে আজ্ঞে। (প্রস্থান করিয়া) বিচার-
ক-মহাশয় জিজ্ঞাসা করছেন, এখানে কার্যার্থী কে
কে উপস্থিত আছেন?

শকার।—(সহর্ষে) এই যে বিচারকেরা উপ-
স্থিত। (সগর্বে পরিক্রমণ করিয়া) আমি বড় লোক,
বড় মানুষ, রাজার শালা, রাষ্ট্রীয় শ্যালক—আমি
একজন কার্যার্থী।

শোধনক।—(সত্যে) কি সর্বনাশ! প্রথমেই
রাজার শালা কার্যার্থী? আচ্ছা, মহাশয় একটু
দাঁড়ান, আমি বিচারক-মহাশয়কে বলে' আসি।
(নিকটে আসিয়া) মহাশয়, রাষ্ট্রীয় শ্যালক কার্যার্থী
উপস্থিত আছেন।

বিচা।—কি? প্রথমেই রাষ্ট্রীয় শ্যালক কার্যার্থী?
স্বর্ঘ্যোদয়ে রাহগ্রাসের স্থায় কোন মহাপুরুষের আজ
নিপাত হবে দেখ্‌চি। শোধনক! আজ অণ্ড
মোকদ্দমার কাজে আমরা ব্যস্ত, বাহিরে গিয়ে তুমি
তাকে এই কথা বল যে “যান, আজ আপনার মোক-
দ্দমার বিচার হবে না।”

শোধ।—যে আজ্ঞে। (প্রস্থান করিয়া শকা-
রের নিকট গিয়া) মহাশয়! বিচারক-মহাশয় বলেন,
“আজ যান, আজ আপনার মোকদ্দমার বিচার হবে
না।”

শকার।—(সক্রোধে) কি! আমার মোকদ্দমার
বিচার হবে না? যদি বিচার না হয়, তা হলে

ভগিনীপতিকে বলে,' রাজা পালককে বলে,' ভগি-
নীকে বলে,' মাকে বলে' এই বিচারককে দূর করে'
দিয়ে এখানে অণ্ড বিচারককে এনে বসাব।

শোধ।—রাষ্ট্রীয়-শ্যালক-মহাশয়! দাঁড়ান,
আমি বিচারপতি মহাশয়কে জানিয়ে আসি।
(বিচারপতির নিকট গিয়া) রাষ্ট্রীয় শ্যালক-মহাশয়
অত্যন্ত কুপিত হয়েছেন। (শ্যালকের কথাগুলি
নিবেদন করিয়া)

বিচা।—এই মূর্খটার পক্ষে সকলই সম্ভব।
বাপু! তাকে বল—“আম্বন, আপনার মোকদ্দমার
আজই বিচার হবে।”

শোধ।—(শকারের নিকট গিয়া) মহাশয়!
বিচারপতি-মহাশয় আপনাকে আসতে বলেন।

শকার।—প্রথমে বলে “বিচার হবে না”—এখন
আবার বলে “বিচার হবে”—তবে বিচারপতির নিশ্চ-
য়ই ভয় হয়েছে—এখন যা আমি বলব, তাই বিশ্বাস
করবে। আচ্ছা, আমি যাচ্ছি। (প্রবেশ করিয়া
নিকটে গিয়া) আমি অত্যন্ত সুখী হলেম—আপনা-
দেরও সুখী করা না করা সেও আমারই হাতে।

বিচা।—(স্বগত) কি আশ্চর্য্য! বিচারার্থী যে
একেবারে স্থির-সংস্কার দেখ্‌চি। (প্রকাশে) বসুন।

শকার।—হাঁ, এ সব তো আমারই জায়গা—
যেখানে আমার ইচ্ছে হবে, সেইখানেই বসব।
(শ্রেষ্ঠীর প্রতি) আমি এইখানে বসি—(শোধনকের
প্রতি) না না, এইখানে বসি। (বিচারপতির
মস্তকে হস্ত দিয়া) না, এইখানে বসি। (ভূমিতে
উপবেশন)

বিচা।—আপনি বিচারার্থী?

শকার।—হাঁ।

বিচা।—কি হয়েছে, বলুন।

শকার।—কানে কানে বলব। আমি তো যে-সে
লোক নই। কত বড় কুলে আমার জন্ম।

রাজার খণ্ডর মোর পিতা,

রাজা মোর পিতার জামাতা।

আমি রাজ-শ্যালক যেমতি

রাজাও আমার ভগ্নীপতি।

বিচা।—আমি সমস্তই অবগত আছি।

কি হইবে ওগো কুলের শিক্ষায়?

—স্বভাব-চরিত্র মূল কারণ হেথায়।

হোক না উর্বর ক্ষেত্র অতীব সূচার,
বাড়ে না কি তাহে হীন কণ্টকের তরু?

তা, নাশিষ্টা কি বলুন।

শকার।—আচ্ছা, এই বলি শুনুন। আর তাও বলি;—অপরাধী হলেও আমার কেউ কিছু করতে পারে না। তা, সেই আমার ভগ্নীপতি আমার উপর তুষ্ট হয়ে সকলের সেরা উত্তান যে পুষ্প-করওক জীর্ণোত্তান, সেইটি আমাকে দেন। তাই কোথাও বা জল শুকানো, জমি ভরাট করান, কাঁট দেওয়ান, ডাল-পালা ছেঁটে ফ্যালানো—এইরূপ নানা কাজের তদারক করতে প্রতিদিন আমাকে সেখানে যেতে হয়—একদিন গিয়ে দেখি কি না, একজন স্ত্রীলোকের শরীর পড়ে আছে।

বিচা।—কোন স্ত্রীলোকটি মারা গেছে, আপনি কি তা জানেন?

শকার।—তা কি আর আমি জানি নে? সেই নগর-ভূষণ—শত-কাঞ্চন-ভূষিতা রমণীকে কে না জানে? কোন কুপুত্র অর্থের লোভে শূত্র পুষ্প-করওক জীর্ণোত্তানে প্রবেশ করে' বসন্তসেনাকে গলা টিপে মেরেছে—আমার দ্বারা এ কাজ—(অন্ধোক্তি করিয়া মুখ আচ্ছাদন)

বিচা।—ওঃ! নগর-রক্ষীদের কি অনবধানতা! দেখ, শ্রেষ্ঠী, কায়স্থ! তোমরা "আমার দ্বারা এ কাজ" এই কথাটি মোকদ্দমার প্রথম পাদস্বরূপ লিখে রাখো।

কায়স্থ।—যে আজে। (তথাকরণ) মহাশয়, লেখা হয়েছে।

শকার।—(স্বগত) কি সর্বনাশ! কি বলে' ফেলেন! পায়সান্ন-লোভীর মত তাড়াতাড়ি করে' একটা কথা বলে' নিজের মরণ নিজেই ঘটালেম যে! আচ্ছা, তা হোক। (প্রকাশে) ওগো বিচারপতি-মহাশয়! তোমরা কি গোলযোগ করচ? না না—আমি বল্ছিলেম কি—"আমার দ্বারা এ কাজ দুষ্ট হয় নি"! (শব্দটি পদ দ্বারা পুঁছিয়া দেওন)।

বিচা।—তুমি কি করে' জানলে, অর্থের লোভে তাকে গলাটিপে মেরেছে?

শকার।—গলায় যেখানে অলঙ্কার থাকবার কথা, সেখানে তার অলঙ্কার নেই, আর গদাটাও ফুলে উঠেছে।—এর থেকে অনুমান করলেম।

শ্রেষ্ঠী, কায়স্থ।—এ কথাটা সন্দেহ।

শকার।—(স্বগত) যাক, এ যাত্রা কপাল-গুণে বেঁচে গেলেম।

শ্রেষ্ঠী, কায়স্থ।—দেখুন বিচারপতি-মহাশয়! কাকে অবলম্বন করে' এই মোকদ্দমার নিষ্পত্তি হবে?

বিচা।—নিষ্পত্তির দুইরূপ পদ্ধতি আছে।

শ্রেষ্ঠী, কায়স্থ।—সে দুটি কি মশায়?

বিচা।—এক, বাক্য-অনুসারী—আর এক, অর্থ-অনুসারী। যা বাক্য-অনুসারী, তা অর্থ-প্রত্যাধীদের বাক্যের দ্বারাই নিষ্পত্তি হয়—আর যা অর্থ-অনুসারী, তা বিচারপতির বুদ্ধির দ্বারা নিষ্পত্তি হয়।

শ্রেষ্ঠী, কায়স্থ।—তা হলে, বসন্তসেনার মাতাকে অবলম্বন করে' এর নিষ্পত্তি হবে।

বিচা।—তাই বটে। বাপু শোধনক! কিছু-মাত্র উদ্বিগ্ন না করে' বসন্তসেনার মাতাকে এখানে নিয়ে এসো।

শোধ।—যে আজে। (প্রস্থান করিয়া গণিকার মাতার সহিত প্রবেশ) এই দিক দিয়ে আসুন ঠাকরণ, এই দিক দিয়ে!

বুদ্ধা।—আমার কন্ঠা তো তার মিত্র-গৃহে গেছে। এখন এই ভদ্রলোকের বাছাটি আমাকে বলুচে—"আসুন, বিচারপতি ডাক্চেন"—কিন্তু এ কথা শুনে আমার যেন মুচ্ছা বাবার উপক্রম হয়েছে—বুকটা থরথর করে' কাঁপচে। আচ্ছা মহাশয়! আমাকে বিচার-মণ্ডপের পথ দেখিয়ে নিয়ে চলুন।

শোধ।—এই দিক দিয়ে ঠাকরণ, এই দিক দিয়ে। (উভয়ের পরিক্রমণ) এই বিচার-মণ্ডপ—ঠাকরণ, প্রবেশ করুন।

(উভয়ের প্রবেশ)

বুদ্ধা।—(নিকটে গিয়া) পণ্ডিত-মহাশয়! আপনার সুখ-সমৃদ্ধি হোক।

বিচা।—এসো বাছা—বোসো।

বুদ্ধা।—এই বস্চি—(উপবেশন)

শকার।—(আক্ষেপ-সহকারে) এসেছিস বৃদ্ধ কুটনী, তুই এসেছিস?

বিচা।—ওগো, তুমি কি বসন্তসেনার মা?

বুদ্ধা।—আজে হাঁ।



বিচা।—আচ্ছা, বসন্তসেনা এখন কোথায় ?

বুদ্ধা।—মিত্রের ঘরে।

বিচা।—তার মিত্রের নাম কি ?

বুদ্ধা।—(স্বগত) ছি ছি! এ যে বড় লজ্জার কথা। (প্রকাশে) এ কথা ইতর লোকেই জিজ্ঞাসা করতে পারে, এ কথা জিজ্ঞাসা করা বিচারপতির যোগ্য নয়।

বিচা।—লজ্জা কোরো না—এ বিচারের প্রশ্ন।

শ্রেষ্ঠী, কায়স্থ।—এ বিচারের প্রশ্ন, এতে কোন দোষ নেই—বল।

বুদ্ধা।—কি ? বিচারের প্রশ্ন ? তা যদি হয়, তবে বল্চি শুধু। বণিক বিনয়-দত্তের নাতি, সাগর-দত্তের পুত্র, খ্যাতনামা শ্রীবুদ্ধ চারুদত্ত, বণিক-পটিতে তাঁর নিবাস—সেইখানে আমার কল্যাণ বাতায়ত করেন।

শকার।—মহাশয় শুনলেন ? এ কথাগুলি লিখে নিন্—সেই চারু দত্তের সঙ্গে আমার বিবাদ!

শ্রেষ্ঠী কায়স্থ।—আচ্ছা, লিখে নিচ্ছি।

বিচা।—দেখ ধনদত্ত! বসন্তসেনা চারুদত্ত মহাশয়ের গৃহে গেছে, এই কথা বিচারের প্রথম পাদ বলে' লেখো। কি ?—চারুদত্ত-মহাশয়কেও কি আমাদের আহ্বান করতে হবে ?—“আমাদের” এ কথা বলাটা এ স্থলে ঠিক নয়—বিচার-বিধিই তাঁকে আহ্বান কচ্চেন। বাপু শোধনক। যাও, চারুদত্ত-মহাশয়কে উদ্ভিগ্ন না করে' সমস্তম্বে সাদরে ধীরে ধীরে তাঁকে এখানে নিয়ে এসো। এই কথা বল যে, “কোন কথার প্রসঙ্গে আবশ্যিক হওয়ায় বিচারপতি আপনার দর্শনাকাজ্জী হয়েছেন।”

শোধ।—যে আজ্ঞে। (প্রস্থান করিয়া চারু-দত্তের সহিত প্রবেশ) —এই দিক দিয়ে মহাশয়, এই দিক দিয়ে।

চারু।—(চিন্তা করিয়া)

রাজা মোর কুলশীল জানেন সকলি,

এ আহ্বানে শঙ্কা মোর দারিদ্র্যে কেবলি।

(মনে মনে বিচার করিয়া স্বগত)

বন্ধন-বিনুক্ত সেই পলাতক জনে

দিয়াছি পাঠায়ে দূরে মোর প্রবহণে

—চর-মুখে এ কথা কি শুনিলা নৃপতি ?

তাই অভিযুক্ত হয়ে ঘাই গো কি তথি ?

অথবা, এ সব ভেবে আর কি হবে ?—বিচার-মণ্ডপেই যাওয়া যাক। শোধনক! বিচার-মণ্ডপের পথ দেখিয়ে আমাকে নিয়ে চল।

শোধ।—এই দিক দিয়ে মহাশয়, এই দিক দিয়ে।

(পরিক্রমণ)

চারু।—বায়স কর্কশ রব করে অনিবার,
অমাত্যের ভৃত্যগণ ডাকে বারম্বার,
বাম-নেত্র সহসা গো করিছে স্পন্দন,
—না জানি কি ঘটাইবে এই অলক্ষণ।

শোধনক।—আম্বন মহাশয় আম্বন, ব্যস্ত হবেন না—ধীরে ধীরে আম্বন।

চারু।—(পরিক্রমণ ও সম্মুখে অবলোকন করিয়া)

সূর্য্য-অভিমুখে কাক

বসি' শুধু বৃক্ষ-ডালে

ঘোর বাম-নেত্র তার

আমার উপরে ফ্যালে।

(পুনর্বার অত্মদিকে অবলোকন করিয়া) এ কি!
একটা সর্প যে!

অঞ্জনাভ দৃষ্টি তার

নিষ্কিপ্ত যে আমার উপরে,

—ফুরিত বিস্তৃত জিহ্বা,

শুক্ল-বর্ণ চারি দস্ত ধরে।

নিঃশ্বাসে পুরিয়া কুক্ষি

আছড়ায় ভূমি রোষ-ভরে

ধরাশূণ্ড অহিপতি

এবে মোর পথ রোধ করে।

অপিচ :—

ভূমি আর্দ্র নহে, তবু

হইতেছে চরণ স্থলিত,

নাচিছে নয়ন মোর,

বাম বাহু হতেছে কম্পিত,

আবার শকুনি এই

মুহূর্হে করিয়া চীৎকার

মহাঘোর মৃত্যু-বার্তা

মোর কাছে করিছে প্রচার।

তা আর ভেবে কি হবে, দেবতার সর্বপ্রকারে
মঙ্গল করবেন।

শোধ।—এই দিক দিয়ে মহাশয়, এই দিক দিয়ে।
এই বিচার-মণ্ডপ—প্রবেশ করুন।

চারু।—(প্রবেশ ও চারিদিকে অবলোকন করিয়া)

ওঃ, বিচারমণ্ডপের কি ভয়ঙ্কর দৃশ্য!

বিচার-মণ্ডপ শোভে সমুদ্রে যেমন,
তাহে মগ্ন চিন্তাসক্ত যত মন্ত্ৰীগণ।
দূত-রূপ উদ্গিরদলে আকুল সাগর,
প্রান্তে রহে চরণ—কুস্তীর-মকর।
হিংস্র নাগ অশ্ব রহে বধ্য-জন তরে,
বহুভাষী চিত্ত-হারী খলেরা বিচরে।
লিপিকর কায়স্থ গো ভুজঙ্গ বিকট,
হিংস্র আচরণ-শ্রোতে নীতি ভগ্ন-তট।

আচ্ছা। (প্রবেশ করিতে গিয়া দ্বার-কাঠে
মাথা ঠুকিয়া যাওয়ায়) ওঃ! আবার একটা অশুভ
লক্ষণ।

ডাকিছে বায়স হোথা,
নাচিতেছে মোর নেত্র বাম,
ভুজঙ্গমে পথ রুদ্ধ
—দেবতারী করুণ কল্যাণ।

আচ্ছা, তবে প্রবেশ করি।

(প্রবেশ)

বিচা।—ইনিই চারুদত্ত?

উন্নত নাসিকা এঁর
সুবিশাল-অপাঙ্গনয়ন।

হতে কি পারেন ইনি
অহেতুক দোষের ভাজন?
নাগ, অশ্ব, গো, মনুষ্যে—যার যে আকৃতি
তারি অনুরূপ সদা হয় গো প্রকৃতি।

চারু।—বিচারপতি মহাশয়ের কল্যাণ হোক!
আপনার কুশল তো?

বিচা।—(ব্যস্তমস্ত হইয়া) আসুন মহাশয়!
বাপু শোধনক! ওঁকে বসতে আসন দাও।
শোধ।—(আসন প্রদান) এই আসন, এইখানে
মহাশয় বসুন।

চারু।—(উপবেশন)

শকার।—(সক্রোধে) আরে জী-ঘাতক!
তুই এসেছিস? বাহবা! কি ঋণ্য ব্যবহার!—

কি ধর্ম সঙ্গত ব্যবহার! এই জী-ঘাতককে কি না
বসতে আসন দেওয়া হল! (সর্গর্ষে) আচ্ছা,
দেও।

বিচা।—চারুদত্ত মহাশয়! এই ঠাকুরগটির কছার
সঙ্গে আপনার কোন প্রসক্তি, প্রণয় কিম্বা প্রীতি
আছে কি?

চারু।—কার কছা?

বিচা।—এঁর। (বসন্তসেনার মাতাকে প্রদর্শন)

চারু।—(উঠিয়া) ঠাকুরগ! প্রণাম।

বুদ্ধা।—যাহ! চিরজীবী হও। (স্বগত) ইনিই কি
সেই চারুদত্ত? উপযুক্ত পাত্রেই আমার কছা তার
যৌবন দান করেছে।

বিচা।—মহাশয়! সেই গণিকা কি আপনার
মিত্র?

চারু।—(লজ্জিত)

শকার।—লজ্জা কিম্বা ভয়বশে, মিথ্যাবাদি!
দোষ-কর্ম করিছ গোপন?
বধিয়াছ অর্থলোভে, নৃপের সমীপে গুপ্ত
না রবে কখন ॥

শ্রেষ্ঠী, কায়স্থ।—চারুদত্ত মহাশয়! বলুন, লজ্জা
করবেন না—এ হচ্ছে বিচারঘটিত প্রশ্ন।

চারু।—(সলজ্জ) দেখুন বিচারপতি মহাশয়!
কেমন করে' এ কথা বলব যে, গণিকা আমার মিত্র।
কিন্তু না, এতে আমি যৌবনেরই দোষে দোষী,
চারিত্র্য-দোষে নয়।

বিচা।—

হতেছে বিচারে বিয়
ত্যাগ লজ্জা হৃদিস্থিত।
কহ সত্য শীঘ্র করি'
ছল গ্রাহ্য নহে হেথা ॥

লজ্জা করবেন না, এ হচ্ছে মোকর্দ্দমা-ঘটিত
প্রশ্ন।

চারু।—বিচারপতি! কার সঙ্গে আমার
মোকর্দ্দমা?

শকার।—(সদর্পে) আমার সঙ্গে।

চারু।—তোমার সঙ্গে মোকর্দ্দমা?—এ কথা যে
অসহ!

শকার।—ওরে জীঘাতক! অমন রক্তভূষিতা



বসন্তসেনাকে বধ করে' এখন কপটতা করে' নিজ
দোষ চাক্তে চেষ্টা করুচিস্ ?

চারু।—কি অসম্বন্ধ কথা বলুচ ?

বিচা।—চারুদত্ত-মহাশয়! ও সব থাক্। সত্য
কথা বলুন, সেই গণিকা আপনার মিত্র
কি না ?

চারু।—হাঁ, মিত্র।

বিচা।—আচ্ছা, মহাশয়, বসন্তসেনা এখন
কোথায় ?

চারু।—গৃহে গেছেন।

শ্রেষ্ঠী, কায়স্থ।—কিরূপে গেলেন ?—কখন
গেলেন ? কার সঙ্গেই বা গেলেন ?

চারু।—(স্বগত) লুকিয়ে গেছেন, এই কথা কি
বলব ?

শ্রেষ্ঠী, কায়স্থ।—মহাশয়, উত্তর দিন।

চারু।—গৃহে গেছেন—এ ছাড়া আর কি বলতে
পারি ?

শকার।—আমার "পুষ্প-করগুক"-স্বীর্ণোদ্যানে
প্রবেশ করে' অর্থ লোভে, গলা টিপে তাকে তুই বধ
করেছিস—এখন বলচিস কি না, "গৃহে গেছেন ?"

চারু।—আঃ! কি অসম্বন্ধ প্রলাপ বলুচ ?

"বৃষ্টি-বিনা অন্তরীক্ষে, সিক্ত চাতকের পক্ষ"

মিথ্যা এ যেমন

তেমনি এ মিথ্যাবাক্যে, হেমন্ত পদ্মের মত
ও তব আনন।

বিচা।—(জনাস্তিকে)

গুরুভার অঙ্গি-রাজে পরিমাণ করা,
কায়স্থান অনিলেরে করতলে ধরা,
সাঁতারিয়া সিদ্ধপার—যথা এই সব
চারুদত্তে দোষী করা তথা অসম্ভব।

(প্রকাশে) চারুদত্ত-মহাশয় এরূপ অকার্য্য কি
করে' করবেন ? ("উন্নত নাসিকা এর" ইত্যাদি
পাঠ)

শকার—কি ? পক্ষপাত করে' বিচার করা
হচ্ছে ?

বিচা।—দূর হ মুর্থ!

নীচ হয়ে বেদ-ব্যাখ্যা

জিহ্বা তব না হয় স্থলিত ?

মধ্যাহ্নে দেখিছ সূর্য্য

দৃষ্টি নাহি হয় বিচলিত ?

অনলে দিতেছ হাত

তবু তাহা কেন নাহি হতেছে দহন ?

চারিত্র্য নাশিছ গুঁর

তব দেহ কেন পৃথি না করে হরণ ?

চারুদত্ত-মহাশয় কেমন করে' এ অকার্য্য
করবেন ?

জলের আধার মাত্র করি' রত্নাকরে

ধন-রত্ন বিতরিল যে গো অকাতরে

কল্যাণ-নিধান সেই মহাত্মা সূজন

কেমনে করিবে এই পাপ আচরণ ?

—না পারে করিতে যাহা কোন শত্রু জন ॥

শকার।—কি ? পক্ষপাত করে' বিচার করা
হচ্ছে ?

বুদ্ধা।—দৃষ্টি হতভাগা! গুঁর কাছে যে স্বর্ণ-
অলঙ্কারগুলি গচ্ছিত রাখা হয়েছিল, তা যখন চোরে
চুরি করে' নিয়ে যায়, তখন তিনি তার পরিবর্তে চতুঃ-
সমুদ্রের সার বহুমূল্য একটি রত্নমালা দেন—সেই উনি
এখন কি না অর্থের লোভে এই অকার্য্য করবেন ?—
যাহু বসন্তসেনা। বাহা আমার কোথায় গেলি ?
(রোদন)

বিচা।—চারুদত্ত মহাশয়! তিনি কি পদব্রজে
গিয়েছিলেন—না গাড়ী চড়ে' ?

চারু।—নানা—আমি স্বচক্ষে দেখি নি, তাই
আমি বলতে পারি নে, তিনি পদব্রজে গিয়েছিলেন,
কি গাড়ী চড়ে' গিয়েছিলেন।

(তাড়াতাড়ি বীরকের প্রবেশ)

পদাঘাত-অপমানে, হইয়াছি চন্দনের

এবে শত্রু ঘোর।

সেই অপমান-কথা, ভাবি' মনে কোনমতে

হল নিশি ভোর ॥

আচ্ছা, এখন তবে বিচার-মণ্ডপে যাই। (প্রবেশ
করিয়া) বিচারপতি মশায়ের কল্যাণ হোক।

বিচা।—এই যে নগর-রক্ষীদের প্রধান বীরক।
বীরক! তোমার এখানে কি প্রয়োজন ?

বীরক।—দেখুন, যে আর্ধ্যক কারাগার থেকে
পালিয়েছে, তাকেই খুঁজতে খুঁজতে দেখতে পাওয়া

গেল, একটা গাড়ী যাচ্ছে—গাড়ীটার দরজা বন্ধ। তার পর, সেই গাড়ীর তদন্ত করবার সময়, আমি আমার উপরওয়ালার সন্দার চন্দনকে বল্লম—“তুই দেখেছিস—আমারও দেখতে হবে”। এই কথায় সে আমাকে লাথি মারলে। আমি সমস্ত আপনার কাছে নিবেদন করলেম—এখন আপনি বিচার করুন।

বিচার।—বাপু, তুমি কি জানো, সে গাড়ীটা কার? বীরক।—গাড়ী চারুদত্ত-মহাশয়ের, বসন্তসেনা আরোহী, পুষ্পকরগুণক পোড়ো বাগানে আমোদ-প্রমোদের জন্তু-তীকে নিয়ে যাওয়া হচ্ছিল, গাড়োয়ান এই কথা আমাকে বলে।

শকার।—আপনি তো আবার শুন্লেন বিচার-পতি-মহাশয়?

বিচার।—

ওগো! এ যে শুভ্র-জ্যোৎস্না

শশাঙ্করে রাহু ফ্যালে গ্রাসি’,

ভাঙ্গি পড়ে তটভূমি

ঘোলাইয়া স্বচ্ছ জলরাশি।

দেখ বীরক, পরে তোমার অভিযোগের বিচার করব। আপাততঃ এই বিচারমণ্ডলের দ্বারে যে অন্ধ আছে, তাতে আরোহণ করে’ পুষ্পকরগুণক উত্থানে গিয়ে দেখে এসো দিকি, সেখানে কোন মৃত স্ত্রীলোকের শরীর পড়ে’ আছে কি না।

বীরক।—যে আঞ্জে। (প্রস্থান ও পুনঃ প্রবেশ) সেখানে গিয়েছেলাম, দেখলেম বটে, একজন স্ত্রীলোকের মৃত শরীর হিংস্র পশুরা ভক্ষণ করেছে।

শ্রেণী, কায়স্থ।—কি রূপে জানলে স্ত্রীলোকের শরীর?

বীরক।—চুল, হাত, পা প্রভৃতি অঙ্গের অবশিষ্ট অংশ যা পড়ে’ আছে, তাই দেখে।

বিচার।—ওঃ! বিচারের অহুমানের ও বাণ্ডবিক ঘটনায় কতটা বৈষম্য!

যতই নিপুণভাবে করি গো বিচার

সংশয়ের জাল হয় ততই বিস্তার।

দণ্ডনীতি এইস্থলে পরিষ্কার—সুসংলগ্ন অতি পঙ্কগত বুধ-সম অবসন্ন কিঙ্ক মোর মতি।

চারু।—(স্বগত)

যেমনি কুসুম কোন উঠে গো ফুটিয়া,

অমনি মধুপকুল আসে গো জুটিয়া।

৩য়—২০

এমনি গো মানুষের বিপদের কালে
অনর্থ পাইয়া ছিদ্র আসে পালে পালে।

বিচার।—চারুদত্ত মহাশয়!—এখন সত্য কথা বলুন।

চারু।—পর-গুণে হেব তার ছরাত্মা যে অতি,
রাগাক্ষ যে, পরের বিনাশে তার মতি।
জাতি-দোষ-বশে সে গো মিথ্যা যাহা কহে
গ্রাহ্য কি না তাহা—তা কি বিচারের নহে?

অপিচ :—

পুষ্প লাগি কুসুমিত লতাটি হইতে
যে-আমি পারি নে কভু কুসুম তুলিতে
করিব কি সেই আমি তাহারে হনন
অলি-কৃষ্ণ দীর্ঘ কেশে করি আকর্ষণ
—শুনিয়াও তার সেই আকুল ক্রন্দন?

শকার।—ওগো বিচারক মহাশয়! তোমরা কি পক্ষপাত করেই বিচার করবে? এখনো ছরাত্মা চারুদত্তকে আসনে বসতে দিয়েছ?

বিচার।—বাপু শোধনক! আচ্ছা, উনি বা বল্চেন, তাই কর। (শোধনক তথা করণ)

চারু।—বিচারক মহাশয়! সুবিচার করুন, সুবিচার করুন। (আসন হইতে নামিয়া ভূমে উপবেশন)

শকার।—(সহর্ষে নৃত্য করিয়া) হি হি!
আমার কৃত পাপ এখন অন্তের ঘাড়ে পড়েছে।
এখন যেখানে চারুদত্ত বসেছে, আমি সেইখানে গিয়ে
বসি। চারুদত্ত! আমার দিকে তাকাও দিকি।
এখন তবে বল না “আমিই বধ করেছি”।

চারু।—দেখুন, বিচারপতি-মহাশয়! (“পরের গুণেতে” ইত্যাদি পুনর্বার পাঠ করিয়া—নিখাস ফেলিয়া স্বগত)

মৈত্রের সুহৃদ ওগো! এ কি হল দায়?

দ্বিজ-বংশ প্রিয়ে ওগো! কি কলঙ্ক হায়!

রোহসেন! না দেখিস এ বিপদ মোর?

—বুথায় রে ক্রীড়ামোদে রয়েচিস ভোর ॥

যাই হোক, বসন্তসেনার সমাচার জানবার জন্ত,
আর সোনার খেলনা-গাড়ী গড়তে বসন্তসেনা যে
অলঙ্কার দিয়াছিলেন, তা ফেরত দেবার জন্ত অনেক-
ক্ষণ হল মৈত্রকে পাঠিয়েছি—এখনো কেন আসচে
না?—কেন এত বিলম্ব কচ্ছে?



(আভরণ লইয়া মৈত্রেয় বিদুষকের প্রবেশ)

বিদু।—চারুদত্ত বসন্তসেনার কাছে আমাকে যেতে বলে' এই কথা বলেন "দেখ, মৈত্রেয়! বসন্ত-সেনা বৎস রোহসেনকে আপনার অলঙ্কারে অলঙ্কৃত করে' তার মাগের কাছে পাঠিয়ে দিয়েছিলেন, এখন তুমি গিয়ে এই অলঙ্কারগুলি তাঁকে ফেরত দিয়ে এসো।" এখন তবে বসন্তসেনার ওখানে যাওয়া যাক। (পরিক্রমণ ও অবলোকন করিয়া আকাশে) কি! সন্ন্যাসীচার্য্য রেভিল?—ওগো রেভিল! তোমাকে ভারিত-ভাবিত দেখ্‌চি কেন বল দিকি? (চিন্তা করিয়া) কি বল্‌চ?—প্রিয় সখা চারুদত্ত বিচার-মণ্ডপে আহূত হয়েছেন? তবে দেখ্‌চি, অল্পে কাজ শেষ হবে না। আচ্ছা, পরে বসন্তসেনার ওখানে যাব—এখন বিচার-মণ্ডপেই যাওয়া যাক। (পরিক্রমণ ও অবলোকন করিয়া) এই তো বিচার-মণ্ডপ, এখন তবে প্রবেশ করি। (প্রবেশ) বিচার-পতি মহাশয়ের কল্যাণ হোক! আমার সখা কোথায়?

বিচা।—এই যে এইখানে আছেন।

বিদু।—সখা! কুশল তো?

চারু।—আপাতত নয়।

বিদু।—মঙ্গল তো?

চারু।—তাও আপাতত নয়।

বিদু।—দেখ সখা! তোমাকে ভারিত-ভাবিত দেখ্‌চি কেন? কেনই বা তুমি বিচার-মণ্ডপে আহূত হয়েছ?

চারু।—সখা!

আমি গো নৃশংস অতি,

পরলোক-জ্ঞান নাহি কোনো।

রতি-তুল্য ললনারে

—কি করেছি ওর মুখে শোনো ॥

বিদু।—কি?—কি?—কি করেছ?

চারু।—(কর্ণে) এইরূপ।

বিদু।—এ কথা কে বলে?

চারু।—(ইঙ্গিতে শকারকে দেখাইয়া) না না, ও বেচারী এর মূল কারণ নয়—দৈবই বিরোধী হয়ে আমার প্রতি এই দোষারোপ করেছেন।

বিদু।—(জনান্তিকে) এ কথা কেন বলে না, "তিনি গৃহে গেছেন?"

চারু।—বলেছিলেম, কিন্তু অবস্থা-দোষে তা গ্রাহ্য হল না।

বিদু।—দেখুন মহাশয়রা! যিনি পুর-গৃহ, মঠ, উদ্ভান, দেবালয়, পুষ্করিণী, কূপ, যজ্ঞস্তম্ভ দ্বারা উজ্জয়িনী-নগরীকে অলঙ্কৃত করেছেন, তিনি দরিদ্র হয়ে অর্থের লোভে কি না এখন এই অকার্য্য করবেন? ওরে কুলটা-পুত্র রাজ-শ্রালক, সংস্থানক! উচ্ছৃঙ্খল দোষ-ভাণ্ড—সুবর্ণ-মণ্ডিত মর্কট! বল্‌ বল্‌—আমার সাম্নে একবার বল্‌। যে সখা আমার ফুল তোলবার জন্ত মাধবী লতাটিকেও ধরে' টানেন না, পাছে তার পাতা ছিঁড়ে যায়, তিনি কেমন করে' উভয়-লোক-বিরুদ্ধ এই অকার্য্য করবেন? রোস্ কুটনী-পুত্র, রোস্—তোমার হৃদয়ের মত বাকা এই লাঠিটা দিয়ে তোমার মাথাটা গুঁড়ো করে' ফেলি।

শকার।—(সক্রোধে) মহাশয়রা শুনুন, চারুদত্তের সঙ্গেই আমার বিবাদ, কিম্বা তার নামেই আমার নালিশ—এই কাকপদ-মস্তক দৃষ্ট বামনা ব্যাটা আমার মাথা গুঁড়ো করবার কে বলুন দিকি?—ওরে দাসী-পুত্র দৃষ্ট বিটলে বামন—তা তুই পারবি বলে' মনেও করিস্‌ নে।

বিদু।—(লাঠি উঠাইয়া পূর্বোক্তরূপে কখন)

শকার।—(সক্রোধে উঠিয়া বিদুষকে প্রহার)

বিদু।—(প্রতি-প্রহার—পরস্পরে মারামারি—বিদুষকের বগল হইতে আভরণগুলি পতন)

শকার।—(সেইগুলি লইয়া দেখিয়া ব্যস্ত হইয়া) দেখুন মহাশয়রা, দেখুন, সেই স্ত্রীলোক বেচারীর এই অলঙ্কার। এই অর্থের লোভেই স্ত্রীলোকটিকে এ বধ করেছে।

(বিচারকেরা অধোমুখে অবস্থান)

চারু।—(জনান্তিকে)

এ হেন বিষমকালে, দেখিলা এ অলঙ্কার
বিচারকগণ।

হইয়া পতিত ভূমে পাতিত করে বা মোরে

এই আভরণ ॥

বিদু।—ওগো! প্রকৃত কথাটা কেন বল্‌চ না?

চারু।—সখা! দুর্বল নৃপতি-নেত্র

সত্যের না করে নিরীক্ষণ।

যদি বলি মারি নাই

কাতরতা হবে প্রদর্শন।

অথচ অশ্রাব্য মৃত্যু

কভু নাহি হবে নিবারণ ॥

বিচা।—হায় হায়! কি কষ্ট!

একে তো মঙ্গল বাম

তাহে পুন ক্ষীণ বৃহস্পতি,

আবার উঠিল পার্শ্বে

ধুম-কেতু ভয়ঙ্কর অতি।

শ্রেষ্ঠী, কায়স্থ।—(দেখিয়া বসন্তসেনার মাতার প্রতি) ঠাকরণ! ভাল করে' ঠাউরে দেখে বল দিকি, এই অলঙ্কারগুলি বসন্তসেনার কি না?

বুদ্ধা।—(দেখিয়া) তার মতন বটে, কিন্তু তা নয়।

শকার।—আরে বুদ্ধা কুটিনি! মুখে না বল্চিস বটে, কিন্তু তোর চোখে যে হাঁ বল্চে।

বুদ্ধা।—দূর হ অপপেয়ে!

শ্রেষ্ঠী, কায়স্থ।—খুব সাবধানে বল, এই সেই অলঙ্কার কি না।

বুদ্ধা।—মহাশয়! এর শিল্প-কারিগুরিতে চোখে কেমন ধাঁধা লাগ্চে। না—এ সে অলঙ্কার নয়।

সত্য।—এই আভরণগুলি কি চেন?

বুদ্ধা।—বলেম তো চিনতে পারচিনে। আবার, একেবারে চিনিনে, এ কথাও বলতে পারিনে।—বোধ হয়, কোন কারিগর ঠিক তার মত করে' তৈরি করেছে।

বিচা।—দেখ শ্রেষ্ঠী!

বসন্ত ভিন্ন হইলেও, সুসদৃশ হওয়া কিছু

নহে অসম্ভব,

একটির অনুরূপ, ভূষণ গঠন করে

শিল্পী যত সব।

—হস্তের নৈপুণ্য-গুণে, সাদৃশ্য প্রত্যক্ষ মোরা

করি অসম্ভব ॥

শ্রেষ্ঠী, কায়স্থ।—এগুলি কি চারুদত্ত-মহাশয়ের?

চারু।—না না—আমার নয়।

শ্রেষ্ঠী, কায়স্থ।—তবে কার?

চারু।—এই ঠাকরণটির কত্তার!

শ্রেষ্ঠী, কায়স্থ।—কি করে' এগুলি তাঁর অঙ্গচ্যুত হল?

চারু।—এইরূপে হয়েছিল—আসল কথাটা এই—

শ্রেষ্ঠী, কায়স্থ।—চারুদত্ত মহাশয়! সত্য কথা বলুন।—দেখুন:—

সত্যো হয় স্বখলাভ, পাতকী হয় না কভু

সত্যবাদী জন।

হু-অক্ষর হইলেও, সত্যেরে অসত্য দিয়া

করো না গোপন ॥

চারু।—এ আভরণগুলি কোন্ আভরণ, তা আমি জানিনে—কিন্তু আমার গৃহ হতে আনা হয়েছে, এই মাত্র জানি।

শকার।—আমার উত্তানে প্রবেশ করে' বসন্তসেনাকে হত্যা করে' অলঙ্কারগুলি তুই হস্তগত করুলি—এখন আবার ভাঁড়াচ্চিস?

বিচা।—চারুদত্ত মহাশয়! সত্য বলুন, নতুবা:—

দেখুন ভাবিয়া মনে, হইবে গো আপনার

কি দারুণ দশা

আমাদের ইচ্ছামতে, পড়িবে কোমল গায়ে

স্বকর্কশ কশা।

চারু।—নিষ্পাপ কুলেতে আমি, করিয়াছি জনম গ্রহণ

—কোন পাপ নাহি মোর মনে।

তথাপি করেন যদি অনুমান—আমি পাপী জন,

—কি হবে নিষ্পাপ জীবনে?

(স্বগত) বসন্তসেনার বিরহে আমার জীবনেই বা প্রয়োজন কি?

(প্রকাশে) দেখুন, কি আর অধিক বলব:—

আমি গো নৃশংস অতি,

পর-লোক-জ্ঞান নাহি কোনো।

রতি-তুল্য লগনারে

কি করেছি ওরি মুখে শোনো ॥

শকার।—আবার কি করুবি—হত্যা করিছিস! তুই নিজ মুখেই বল না "হাঁ, আমি হত্যা করিছি"।

চারু।—তুমিই তো তা বলেছ—আর কি প্রয়োজন?

শকার।—শুন ধর্মাবতার! ওই হত্যা করেছে।

এখন তো সমস্ত সংশয় দূর হল? এখন তবে দরিদ্র চারুদত্তের প্রতি শারীরিক দণ্ডের বিধান হোক।

বিচা।—শোধনক! রাষ্ট্রীয় যা বল্চেন, তাই কর। দেখ রাজপুরুষগণ! এই চারুদত্তকে ধৃত কর।

রাজ-পুরুষগণ।—(তথা করণ)

বৃদ্ধা।—ক্ষান্ত হোন্ ধর্মাবতার—ক্ষান্ত হোন্!
ওঁর কাছে যে স্বর্ণ-অলঙ্কারগুলি গচ্ছিত রাখা হয়েছিল,
তা যখন চোরে চুরি করে' নিয়ে যায়, উনি তার
পরিবর্তে চতুঃসাগরের সার একটি বহুমূল্য রত্নমালা
দেন;—সেই উনি এখন কি না অর্থের লোভে এই
অকার্য্য করবেন? আচ্ছা, সত্যই যদি উনি আমার
কন্ঠাকে হত্যা করে' থাকেন, তা নয় করেছেন—কিন্তু
আমার এই বাছাটি বেঁচে থাকুক। তা ছাড়া, বাদী
প্রতিবাদী নিয়েই বিচার। এ স্থলে আমিই বাদী।
আমার কোন নালিশ নেই, অতএব ওঁকে ছেড়ে
দিন।

শকার।—দূর হ গর্ভদাসী! ওর সঙ্গে তোঁর
সম্পর্ক কি? তুই যা।

বিচা।—ঠাকরণ, আপনি যান। রাজপুরুষগণ!
ওকে বাহিরে নিয়ে যাও।

বৃদ্ধা।—যাহ রে আমার!—বাছা রে আমার!
[কাঁদিত্তে কাঁদিত্তে প্রস্থান।]

শকার।—(স্বগত) এইবার আমার মনের মত
কাজ হয়েছে—এখন আমি যাই।

[প্রস্থান।]

বিচা।—চারুদত্ত-মহাশয়! দেখুন, দোষী
নির্দোষ অবধারণ করা আমাদের কার্য্য—শেষে
রাজা আছেন। তথাপি শোধনক! তুমি রাজা
পালককে এই কথা নিবেদন কর:—

ইনিই পাতকী বিপ্র, “বিপ্র কিন্তু নহে বধ্য”
—মহুর বচন।

—অক্ষত বিভব-সহ, রাজ্য হতে এঁর শুধু
দণ্ড নির্কীসন ॥

শোধ।—যে আজ্ঞে।—

(প্রস্থান করিয়া সাশ্রলোচনে পুনঃ প্রবেশ)

ধর্মাবতার! আমি সেখানে গিয়েছিলেম। রাজা
পালক বলেন, যে হেতু অর্থলোভে বসন্তসেনাকে
হত্যা করেছে, অতএব সেই আভরণাদি তার গলায়
বেঁধে, চাঁড়রা পিটিয়ে দক্ষিণ-দিকশানে নিয়ে গিয়ে
তাকে শূলে চড়ানো হোক। যে কেউ এইরূপ
অকার্য্য করবে, তারই এইরূপ অপমান-জনক দণ্ড
হবে।

চারু।—ওঃ! রাজা পালক কি অবিচারী! কি
অবিবেচক! অথবা:—

বিচারের হতাশনে, এইরূপে ফ্যালে নূপে
তাঁর মস্তিষ্কগণ।
পড়ি' সে অনল-মাঝে, শোচনীয় দশা তাঁর
ঘটে বিলক্ষণ ॥

অপিচ:—

এইরূপে নরপতি, অবিচারী খেত-কাক
মস্তীর বচনে,
বধিয়াছে বধিতেছে, সহস্র নিরপরাধী
অভিবৃক্ত জনে ॥

সখা মৈত্রেয়! যাও, আমার নাম করে' তুমি
আমার মাকে অস্তিম কালের প্রণাম দিয়ে এসো—
আর ঝাণো, আমার পুত্র রোহসেনকে তুমিই
প্রতিপালন করো।

বিদু।—মূল ছিন্ন হলে বৃক্ষের পালন আর কি
করে' হবে বল?

চারু।—ও কথা বোলো না।

লোকান্তরে যে মনুষ্য করে অপনৃতি
পুত্রই জানিবে তার দেহ-প্রতিকৃতি।
আমা সনে তোমার যে স্নেহের বন্ধন
রোহসেনে সেই স্নেহ করিও অর্পণ।

বিদু।—দেখ সখা! আমি তোমার প্রিয় বয়স্ক
হয়ে তোমার বিরহে কি করে' প্রাণ ধারণ করব?

চারু।—ভাল, একবার রোহসেনকে এনে
আমাকে দেখাও।

বিদু।—হাঁ, এ কথা সঙ্গত।

বিচা।—বাপু শোধনক! এই ব্রাহ্মণকে এখান
থেকে বিদায় করে' দেও। (শোধনকের তথাকরণ)

বিচা।—ওরে! কে আছিস এখানে? চণ্ডাল-
দের রাজ্যজ্ঞা জানিয়ে দে।

[চারুদত্তকে পরিত্যাগ করিয়া সকল
রাজপুরুষদিগের প্রস্থান।]

শোধ।—এই দিক দিয়ে আসুন মহাশয়!

চারু।—দেখ মৈত্রেয় (“মৈত্রেয় সুহৃদ ওগো”
ইত্যাদি পাঠ—আকাশে)

বিষ, জল, তুলা, অগ্নি এ সব পরীক্ষা দিতে
চাহিছ তখন,

উত্তীর্ণ না হলে তবে, আমারে উচিত ছিল
কর্কটে অর্পণ ।
রিপুর বচনে যদি, প্রাণদণ্ড দিয়া বিপ্রে
করহ নিগ্রহ
তা হ'লে পতিত হবে, ঘোর নরকের মাঝে
পুত্রপৌত্রসহ ।
চল আমি যাচ্ছি ।

[সকলের প্রশ্নান ।

ইতি বিচার নামক নবম অঙ্ক ।

দশম অঙ্ক

দৃশ্য—দক্ষিণ-শ্মশানের পথ

(ছই জন চণ্ডালের সহিত চারুদত্তের প্রবেশ)

উভয় ।—জান না তোমরা সবে, এই পথ দিয়া কেন
মোদের গমন ?
—নববধ্য জনে মোরা, বাঁধিয়া লইয়া যেতে ?
পটু বিলক্ষণ ।
অবিলম্বে কাটি মাথা, স্নকৌশলে করি বধ্য
শূলে আরোপণ ॥
মহাশয়রা সরে' যান ! সরে' যান ! ইনি চারুদত্ত
মহাশয় ।

বধ্য ধৃত করি মোরা
—সাজাই গো করবী-মালায় ।

স্বল্প-তৈল দীপ-সম
অল্পে অল্পে তারা ক্ষয় পায় ॥

চারু ।—(সবিধাদে)

নয়ন-সলিলে সিক্ত, রকত চন্দনে লিপ্ত
ধূলিজালে রুক্ষ শুষ্ক দেহটি আমার ।
ওই গো বায়স শাখে, করকণ স্বরে ডাকে,
ভাবে মোরে তাহাদের বলির আহার ।
চণ্ডালদ্বয় ।—সরে' যান মহাশয়রা, সরে' যান !
কি ঠাণ্ডো সজ্জন সবে ? এ'র শিরচ্ছেদ হবে
এই কাল-পরশুর ঘায় ।
শুন শুন সবে শুন, ইনি গো সজ্জন-ক্রম
সুজন-পাখীরা বসে যায় ॥

চল চারুদত্ত, চল !

চারু ।—হায় ! পুরুষ-ভাগ্যে কত অচিন্তনীয়
ঘটনাই উপস্থিত হয় ! আমার শেষে কি না এই
দশা হল ?

সর্কগাত্রে মাথায়েছে রকত-চন্দন,
তিল-তুলাদি পিষি' দিয়াছে লেপন,
কুকুমাদি-চূর্ণ গায়ে করি' বিকিরণ
মানুষেরে সাজায়েছে পশুর মতন ।

(সম্মুখে নিরীক্ষণ করিয়া) কত রকমের মানুষই
দেখা যায়—মানুষের মধ্যে কতই তারতম্য ! (করুণ-
ভাবে)

এই নাগরিক-গুলি, এ দারুণ দশা মোর
করি' নিরীক্ষণ
বলে, “এ কি ! দিক্ দিক্ ! নর-প্রতি পশুবৎ
করে আচরণ ?”

না পারি' রক্ষিতে মোরে, অশ্রুজলে ভাসি'
আশীর্বাদ করে—বলে' “হও স্বর্গবাসী ।”

চণ্ডালদ্বয় ।—সরে' যান মহাশয়রা, সরে' যান—
দেখছেন কি ?

ইন্দ্রধ্বজ-বিসর্জ্জন,
গৌপ্রসব, তারা সংক্রমণ,
সুজনের প্রাণবধ
—এ চারিটি নিষিদ্ধ দর্শন ।

একজন চণ্ডাল ।—ওরে আহীণ্ড ! ঠাখ্ ! ঠাখ্
নগরী-প্রধান যে গো, কৃতান্ত-আদেশে তার
যাবে প্রাণ আজ ।

আকাশ তাই কি কাঁদে ?—তাই কি গো
বিনা-মেঘে ভূমে পড়ে বাজ ?

দ্বিতীয় চণ্ডাল ।—ওরে গুহ !

কাঁদে না আকাশ কিম্বা বিনা-মেঘে বজ্র এবে
না হয় পতন ।

মেঘের অঙ্গনা যত, তারা শুধু অশ্রুধারা
করে বরিষণ ॥

অপিচ :—

বধ্য যাইতেছে লয়ে
—নিরখিয়া কাঁদিয়ে সকলি ।

নেত্রজলে সিক্ত পথ
—তাই দেখ নাহি উঠে ধূলি ॥



চারু।—(নিরীক্ষণ করিয়া করুণভাবে)
হৃদয়স্থিত ওই সব কুলনারীগণ,
মুখার্দ্ধি গবাঙ্ক হতে করিয়া বাহির,
“হায় হায় চারুদত্ত” করি’ সস্তাষণ
বিসর্জিত ছে অনর্গল নয়নের নীর।

চণ্ডালদত্ত।—চলু রে চারুদত্ত, চলু—এই ঘোষণার
স্থান। ওরে চ্যাডরা পিটিয়ে হুকুমটা সবাইকে
শুনিয়ে দে।

উভয়।—তুমু মহাশয়রা, তুমু! ইনি বাণিজ্য-
ব্যবসায়ী বিনয়-দত্তের পৌত্র, সাগর দত্তের
পুত্র—অকার্যকারী শ্রীযুক্ত চারুদত্ত অর্থলোভে
শুল্ক পুষ্পকরওক উত্তানে প্রবেশ করে’ গণিকা
বসন্তসেনাকে গলা টিপে হত্যা করেছেন, একে
বামালসহ ধৃত করা হয়েছে, নিজেও স্বীকার করেছেন,
তাই রাজা পালক এর প্রাণদণ্ড আজ্ঞা করেছেন।
যদি অপর কেহ এইরূপ উভয়-লোক-বিরুদ্ধ
অকার্য্য করে, তা হলে রাজা পালক তাকেও এইরূপ
শাস্তি দেবেন।

চারু।—(হতাশভাবে স্বগত)

পূর্বে এই কুল মোর, শত যজ্ঞে ছিল পূর্ণ
যজ্ঞের সত্যায়।
লোকাধীর্ণ পূজা-স্থান, হইত ধ্বনিত কিবা
ব্রহ্ম-ঘোষণায়।
এবে এ ঘোষণা-স্থানে, নীচ লোকে ঘোষে মোর
বংশাবলী হায়!

(উর্দ্ধদিকে দৃষ্টি করিয়া, হস্তের দ্বারা কর্ণ
আচ্ছাদন করিয়া) হা! প্রিয়ে বসন্তসেনা!

বিমল জোছনা-সম, শুভ্র দন্ত ছিল তব
গুণধর আছা কিবা, যেন গো পল্লব নব।
পিইয়া সে মুখ-মধু অমৃত সমান
কেমনে অযশ-বিষ করি এবে পান?

উভয়।—সরে’ যান্ মহাশয়রা, সরে’ যান্।

ইনি গুণরত্ন-নিধি
—অঙ্গ নহে সুবর্ণে ভূষিত।
স্বজনের হুঃখার্ণবে
সেতুরূপে ছিল অবস্থিত।
নগর হইতে আজি
হতেছেন দ্রাথো অপনীত ॥

তা ছাড়া :—সুখীজন-তরে শুধু চিন্তাকুল সবে
বিপদের উপকারী ছল্লভ এ ভবে।

চারু।—(চারিদিকে অবলোকন করিয়া)

এ সব বয়স্ক মোর, বজ্রাঙ্কলে মুখ ঢাকি’
দূরে চলি’ যায়,

উদাসীন পর যে গো, সেও তব বন্ধু হয়
স্বখের দশায়,

কিন্তু ছরবস্থা হ’লে, এই সংসার-মাবো

মিত্র পাওয়া দায়।

চণ্ডালদত্ত।—সবাইকে সরিয়ে দেওয়া হয়েছে—
এখন রাজপথ নির্জন—এইবার একে বধ্য-চিহ্ন দিয়ে
সাজিয়ে নিয়ে যাওয়া যাক।

চারু।—(নিঃশ্বাস ফেলিয়া “মৈত্রেয় সুহৃদু ওগো”
ইত্যাদি পাঠ)

নেপথ্যে।—হা তাত!—হা প্রিয়সখা!

চারু।—(শুনিয়া সক্রুণভাবে) বাপু! স্বভাতির
মধ্যে তোমরা অতি ভাল লোক, তোমাদের কাছে
আমি একটি ভিক্ষা চাই।

চণ্ডালদত্ত।—কি, ব্রাহ্মণ হয়ে আমাদের কাছে
ভিক্ষা?

চারু।—শিব শিব! তোমরা কি চণ্ডাল? যে
ছুরাচার রাজা পালক সত্য মিথ্যা কিছুই পরীক্ষা
করলে না, সেই চণ্ডাল। তার পরলোকার্থেই আমি
পুত্রমুখ দর্শনের প্রার্থনা করুচি।

চণ্ডালদত্ত।—আচ্ছা, তুমি পুত্রের মুখ দর্শন কর।
নেপথ্যে :—হা তাত! হা পিতঃ!

চারু।—(শুনিয়া করুণভাবে) শোনো বাপু!
তোমরা আমাকে এই ভিক্ষাটি দাও।

চণ্ডালদত্ত।—ওরে! তোরা সব পথ ছেড়ে
দে! চারুদত্ত পুত্রকে দেখতে চান। এই দিক দিয়ে
মহাশয়, এই দিক দিয়ে। ওরে বালক! এই দিকে
আয়।

(চারুদত্তের পুত্রকে লইয়া মৈত্রেয় বিদুষকের
প্রবেশ)

বিদু।—শীঘ্র আয় রে বাবা, শীঘ্র আয়! দ্যাখ্,
তোমার পিতাকে বধ করুতে নিয়ে যাচ্ছে।

বালক।—হা তাত! হা পিতঃ!

বিদু।—হা! প্রিয়সখা! কোথায় তুমি!

চারু।—(পুত্র ও মিত্রকে দেখিয়া) হা পুত্র! হা
মৈত্রয়ে! (করুণভাবে) ওঃ! কি কষ্ট!

পরলোকে তৃষণাতুর
আমি যে গো রব চিরক্ষণ,
ও ক্ষুদ্র হাতের জলে
না হইবে তৃষা নিবারণ।

এখন আমি পুত্রকে কি দিয়ে যাই। (আপনাকে
অবলোকন করিয়া যজ্ঞোপবীত দর্শন) হাঁ, এটিও তো
আমার আছে।

ব্রাহ্মণের যজ্ঞসূত্র
মুক্তাহীন অশ্বর্গ-ভূষণ
যার দ্বারা পিতৃগণে
পূজাভাগ করি গো অর্পণ।
(পুত্রকে যজ্ঞোপবীত দান)

প্রথম চণ্ডাল।—চারুদত্ত, এখন তবে চল।

দ্বিতীয়।—ওরে, তুই চারুদত্ত-মশায় না বলে' শুধু
চারুদত্ত বলে' ডাক্‌চিস্! ওরে দ্যাখ!

অভ্যুদয় অবসানে নিয়তি সত্তত
উদ্ধাম হস্তিনী সম চলে স্বেচ্ছামত।

তা ছাড়া :—মিথ্যা অপবাদ যার, উচিত নহে কি তাঁর
পদে নমস্কার?

রাহুগ্রস্ত শশধর, নহে কি গো বন্দনীয়
মাণ্ড সবাংকার?

বালক।—ওরে চণ্ডাল! আমার বাবাকে কোথায়
নিয়ে যাচ্চিস্?

চারু।—বৎস!
কঠেতে ধারণ করি' করবীর মালা,
স্কন্ধদেশে শূল আর হৃদে শোক-জালা,
বধ্য-স্থানে যজ্ঞ-ছাগ যায় গো যেমন
তেমনি চণ্ডাল-পিছে করি গো গমন।

চণ্ডাল।—ওগো ছেলেটি!

চণ্ডাল আমরা নই, যদিও চণ্ডাল-কুলে
মোদের জনম।
যে করে গো সাধুজনে অপমান, সেই জেনো
চণ্ডাল অধম ॥

বালক।—তবে কেন মারুচ বাবাকে?

চণ্ডাল।—বাছা, এ বিষয়ে রাজাজ্ঞাই অপরাধী,
আমরা নই।

বাগক।—আমাকে তোমরা বধ কর, বাবাকে
ছেড়ে দেও।

চণ্ডাল।—বাছা! চিরজীবী হও।

চারু।—(সাশ্রুচোচনে পুত্রের গলা জড়াইয়া
ধরিয়া)

কি দরিদ্র কিবা ধনী
সবারি এ সরবস্ব-ধন,
চন্দন উশীর বিনা
সুশীতল হৃদয়-লেপন।

(“কঠেতে ধারণ করি' করবীর মালা” ইত্যাদি
পুনর্বার পঠন; পরে অবলোকন করিয়া স্বগত)
“এ সব বয়স্ক মোর বজ্রাঙ্কলে মুখ ঢাকি” ইত্যাদি।

বিদু।—শোন বাপু! তোমরা প্রিয়সখা চারু-
দত্তকে ছেড়ে দেও—আমাকে বধ কর।

চারু।—শিব শিব! (দেখিয়া স্বগত) আজ
জান্‌লেম (“উদাসীন পর যে গো” ইত্যাদি)—
(প্রকাশে) “হর্ষ্যাস্তিত এই সব কুলনারীগণ” ইত্যাদি।

চণ্ডাল।—সরে' যান্ মহাশয়েরা, সরে' যান।

দেখ কি তোমরা?—ইনি পুরুষ সজ্জন
—অপবাদ-বশে এঁর যায় গো জীবন,
—ছিন্ন-রজ্জু স্বর্গ-কুস্ত কুপে নিমজ্জন।

চারু। “বিমল জোছনা সম” ইত্যাদি।

অপর চণ্ডাল। ওরে! পুনর্বার ঘোষণা করে'
দে।

চারু।—

ঘটিয়াছে কি হৃদশা—বিপদ মহান্
যার ফলে প্রাণ মোর হয় অবসান।
“আমি বধিয়াছি তারে”—শুনি এ ঘোষণা
আরো হয় হৃদে মোর দারুণ যাতনা।

[প্রস্থান।

দৃশ্য—প্রাসাদ

প্রাসাদের উপর শৃঙ্খলাবদ্ধ স্বাবরক আসীন।

স্বা।—(ঘোষণা শুনিয়া ব্যাকুলভাবে) কি?
নির্দোষ চারুদত্তের প্রাণদণ্ড হচ্ছে? হায়!

আমি এখন নিরুপায়—প্রভু আমাকে শৃঙ্খলাবদ্ধ করেছেন। আচ্ছা, আমি খুব চেষ্টা করে বলি—যাতে সবাই শুনতে পায় :—শুনুন মহাশয়রা, শুনুন! আমি এই পাপী ভুক্ত্রমে গাড়ী বদল করে” পুষ্পকর-গুরু উদ্গানে বসন্তসেনাকে নিয়ে গিয়েছিলেম, তার পর আমার প্রভু তাঁকে বলেন “তুই আমাকে চাসনে?”—এই বলে গলা টিপে তাঁকে মেরে ফেলেন। আমার প্রভুই মেরেছেন—উনি মারেন নি। হায়! দূর বলে আমার কথা কেউ শুনতে পেলেন না। এখন তবে কি করি? নীচে কি লাফিয়ে পড়ব? যদি নীচে একবার পড়তে পারি, তা হলে চারুদত্তের প্রাণটা বেঁচে যায়। আচ্ছা, এই ছাদের উপরকার ঘরে যে ভাঙ্গা জানুলা আছে, সেই জানুলা দিয়ে নীচে পড়ে যাই। বরং আমি মরি, সেও ভাল, তবু সাধু সজ্জনের যিনি আশ্রয়, সেই চারুদত্ত-মহাশয়ের প্রাণটা যেন না যায়। এই রকমে যদি আমার মৃত্যুও হয়, তবু আমার তাতে স্বর্গলাভ হবে। (নীচে পতন) কি আশ্চর্য্য! আমি তো মলেম না—আমার পায়ের বেড়িটা শুধু ভেঙে গেল। চণ্ডালদের ঘোষণা-শব্দ যেখান থেকে আসতে, এখন তবে সেই দিক পানে যাই। ওরে চণ্ডালেরা! সবু সবু, পথ ছেড়ে দে।

চণ্ডালদ্বয়।—ওরে, কে তুই? কেন পথ ছাড়তে বল্চিস?

দাস।—কেন, বলি, শোন।—(পূর্বোক্ত সমস্ত ঘটনা বর্ণন)

চারু।—এ কি?

কাল-পাশে বদ্ধ আমি, এ সময়ে না জানি কে হল উপনীত।

অবস্থিতে নষ্ট-প্রায় শস্ত-পরে দ্রোণ মেঘ যেন সমুদিত ॥

ওগো! তোমরা সব শুনলে?

ডরি না মরণে আমি

শুধু ডরি কলঙ্কাপমান।

নির্দোষী আমার মৃত্যু

হবে পুত্র-জনম-সমান ॥

তা ছাড়া :—

করি নাই তার প্রতি শত্রু ব্যবহার,

ক্ষুদ্র সে গো নীচাশয়, অন্ন বুদ্ধি তার।

নিজের দোষী হয়ে, তার বিষমাথা শরে

এ মোর বিমল ষণ কলুষিত করে।

চণ্ডালদ্বয়।—স্বাবরক! তুই কি সত্যি কথা বল্চিস?

দাস।—সত্য বল্চি। পাছে আমি কাউকে এ কথা বলে দি, এই ভয়ে প্রাসাদের উপরকার ঘরে পায়ের বেড়ি নিয়ে আমাকে বেঁধে রেখে দিয়েছিল।

দৃশ্য—প্রাসাদ

(শকারের প্রবেশ)

শকার।—(সহর্ষে)

মাংস, তিজ, অন্ন, শাক,

স্বপ, মৎস্ত, অন্ন গুড়োদান

বসিয়া আপন গৃহে

কিবা স্মৃখে করিহু ভোজন।

(কাণ পাতিয়া শ্রবণ) ভাঙ্গা-কাঁসার খন্থনে আওয়াজের মত চণ্ডালদের গলার স্বর শোনা যাচ্ছে না?—আবার চ্যাড্‌রা পেটার শব্দ শোনা যাচ্ছে।—তবে নিশ্চয়ই দরিদ্র চারুদত্তকে বধ্যস্থানে নিয়ে যাচ্ছে। এখন তবে দেখি। শত্রুর মরণ দেখতে আমার বড় ভাল লাগে! শুনেছি নাকি, যে শত্রুর মরণ দেখে, তার জন্মান্তরে চক্ষুরোগ হয় না। পদ্মের ডাঁটার মধ্যে কীট খেমন ঢুকে কোন রকম করে একটা পথ খুঁজে বের করে, আমিও তেমনি কোন প্রকার উপায়ে চারুদত্তের মরণ ঘটিয়েছি—এখন ছাদের উপর উঠে আমার নিজের বাহাছুরির ফল স্বচক্ষে দেখা যাক। (তথা করিয়া দর্শন) হি হি হি! এই দরিদ্র চারুদত্তকে বধ করতে নিয়ে যাবার সময় এত লোকের সমারোহ? আমার মত বড় লোককে নিয়ে যেতে হলে না জানি কি করে। (দেখিয়া) কেমন নূতন বলদের মত সাজিয়ে ওকে দক্ষিণ-মশানে নিয়ে যাচ্ছে। ভাল, কেন এরা ঘোষণা করুতে করুতে আমার প্রাসাদের কাছে এসে থামল? (দেখিয়া) এ কি! দাস স্বাবরকও যে এখানে নেই। এখান থেকে চলে গিয়ে সে ব্যাটা গুপ্ত কথা

সব প্রকাশ করে' দেয় নি তো?—এখন সন্ধান করে' দেখি, সে ব্যাটা কোথায় গেছে।

(নীচে নামিয়া নিকটে অগ্রসর)

দাস।—(দেখিয়া) ওগো কর্তারা! ঐ উনি এসেছেন।

চণ্ডালদ্বয়।—ওগো পৌরজন!

সরে' যাও—ছাড়ো পথ,
মৌন হয়ে থাকো রুধি' ঘর,
ছুষ্ঠামির শিং নিয়ে
ওই দেখ আসে ছুষ্ঠ ষাঁড়।

শকার।—ওরে! পথ ছেড়ে দে। ওরে বাছা দাস স্থাবরক! আয় রে, আমরা যাই।

দাস।—আরে নীচ ইতর কোথাকারে! বসন্ত-সেনাকে মেরে সন্তুষ্ট নোস্—আবার এই বন্ধুজনের কল্পতরু চারুদত্ত মহাশয়কে মারবার চেষ্টায় আছিস?

শকার।—আমি রত্ন-কুস্তুর মত মহাত্মা লোক, আমি কখন স্ত্রী-হত্যা করি নে।

সকলে।—কি আশ্চর্য্য! তুই-ই মেরেছিস—চারুদত্ত কখন মারে নি।

শকার।—এ কথা কে বলে?

সকলে।—(দাসকে দেখাইয়া) ঐ সাধু লোকটি।

শকার।—(মুখ ঢাকিয়া) কি সর্বনাশ! কি সর্বনাশ! কেন আমি ওকে ভাল করে' বেঁধে রাখলেম না? ঐ তো আমার অকার্য্যের সাক্ষী। (চিন্তা করিয়া) আচ্ছা, এইরূপ বলা যাক্ (প্রকাশে) দেখুন মহাশয়রা, ওর কথা সর্বৈব মিথ্যা। কি আশ্চর্য্য! এই দাস ব্যাটা আমার স্বর্ণ চুরি করায় আমি ওকে ধরে মেরেছিলেম, আর বন্ধ করে' রেখে-ছিলেম—তাই ও শক্রতা করে' যা এখন বল্চে, তা কি কখন সত্য হতে পারে? (আড়ালে দাসকে স্বর্ণ-বলয় প্রদান করিয়া চুপি চুপি) শোন বাছা স্থাবরক দাস! এই নে—এখন মিথ্যে করে' বল।

দাস।—(লইয়া) কর্তারা সব দেখুন দেখুন! কি আশ্চর্য্য! আমাকে আবার স্বর্ণের লোভ দেখাচ্ছে।

শকার।—(স্বর্ণ-বলয় ছিনিয়া লইয়া) এই সেই স্বর্ণ—যার দরুণ ওকে আমি কয়েদ করে' রেখে-ছিলেম। (সক্রোধে) ও আমার স্বর্ণভাণ্ডারের

রক্ষক ছিল; তার পর, ও চুরি করায় ওকে ধরে' আমি খুব প্রহার করি—যদি বিশ্বাস না হয়, ওর পিঠটা একবার দেখুন!

চণ্ডালদ্বয়।—(দেখিয়া) এ উত্তম কথা। রাগ হলে লোকে আবল তাবল কত কথাই না বলে।

দাস।—কি আশ্চর্য্য! এইরূপই ভূত্যের দশা, সত্য বলেও কেউ বিশ্বাস করে না। (করুণভাবে) চারুদত্ত মহাশয়! আমার যা সাধ্য আমি করলেম। (পদতলে পতন)

চারু।—(করুণভাবে)

ওঠো ওঠো, আহা তুমি বিপন্ন সাধুর প্রতি
কতই সদয়।

নিঃস্বার্থ বান্ধব ওগো! ধর্ম্মশীল! কোথা হতে
সহসা উদয়?

মম প্রাণ রক্ষা তরে, করিলে কতই যত্ন,
তবু দৈব বাম।

আর কি করিবে বল, কি না করিয়াছ তুমি
বাঁচাইতে প্রাণ ॥

চণ্ডালদ্বয়।—দেখুন মহাশয়! দাস ব্যাটাকে মেরে বার করে' দিন।

শকার।—(বাহির করিয়া দিয়া) ওরে চণ্ডাল। বিলম্ব করচিস্ কেন? বধ কর না ওকে।

চণ্ডালদ্বয়।—যদি এতই তাড়া থাকে তো তুমি নিজেই মার না।

রোহ।—ওরে চণ্ডাল! মারিস নে, ছেড়ে দে বাবাকে।

শকার।—ওরে! ওকেও :মারু—ওর সঙ্গে ছেলেটাকেও মারু।

চারু।—মুখের অসাধ্য কিছুই নেই, বাছা তোর মায়ের কাছে যা।

রোহ।—আমি গিয়ে তার পর কি করব?

চারু।—

মাতারে লইয়া সাথে, অতুই আশ্রমে তুই
কবু রে প্রস্থান।

পিতৃ-অপরাধ-তরে, কি জানি গো তোরও যদি
যায় রে পরাণ ॥

দেখ সখা, তুমি তবে একে নিয়ে যাও।

বিদু।—দেখ সখা, তুমি কি তবে মনে কর,
তোমাকে ছেড়ে আমি প্রাণ ধারণ করব?

চারু।—সখা! তোমার স্বাধীন জীবন, তোমার প্রাণ ত্যাগ করা উচিত নয়।

বিদু।—(স্বগত) উচিত নয় বটে, কিন্তু আমি প্রিয়সখাকে ছেড়ে যে বাঁচতে পারব না। আচ্ছা, তবে ব্রাহ্মণীর হাতে ছেলেটিকে সমর্পণ করে' তার পর প্রাণ ত্যাগ করে' প্রিয়সখার অনুগামী হই। (প্রকাশ্যে) আচ্ছা, ওকে তবে ওর মায়ের কাছে এগনি নিয়ে যাই। (কণ্ঠ ধরিয়া পদতলে পতন)

রোহ।—(কাঁদিতে কাঁদিতে পদতলে পতন)

শকার।—ওরে! আমি বলছি শোন, বাপ ছেলে ছজনকেই বধ কর।

চারু।—(ভয়ের অভিনয়)

চণ্ডালদ্বয়।—ছজনকেই বধ করতে হবে, একরূপ তো রাজাজ্ঞা নয়। তাই বলছি, যা রে ছেলে যা! (বালক ও মৈত্র্যেয়কে বাহির করিয়া দেওন)

চণ্ডালদ্বয়।—এই তৃতীয় ঘোষণা—আর একবার ঢাড়া পিটে দে! (পুনর্বার ঘোষণা)

শকার।—(স্বগত) লোকেরা বিশ্বাস কচ্ছে না, (প্রকাশ্যে) ওরে ব্যাটা বামনা চারুদত্ত! লোকেরা যে বিশ্বাস করছে না—তাই তুই নিজ মুখে এই কথা বল না যে “আমি বসন্তসেনাকে বধ করেছি”।

চারু (নীরব)

শকার।—ওরে চণ্ডাল! দেখ, চারুদত্ত কথা কচ্ছে না—ঢাড়া পেটাবার এই বাঁশের কাঠির বাড়ি ওকে পিটিয়ে পিটিয়ে কথা বের কর না।

চণ্ডাল।—(প্রহার করিতে উত্তত হইয়া) চারুদত্ত! দোষ স্বীকার কর, কথা কও।

চারু।—(করুণভাবে)

পড়িয়া এ ঘোরতর বিপদ-মাগরে
নাহি কোন আস কিম্বা বিবাদ অন্তরে।
নিন্দা-বহি শুধু মোরে দহে অবিরত,
বলে কিনা—করিয়াছি প্রিয়ারে নিহত।

শকার।—নিজ মুখে স্বীকার কর যে, তুই বসন্ত-সেনাকে মেরেচিস।

চারু।—পৌরজন! তোমরা সকলে শোনো। “আমি গো নৃশংস অতি” ইত্যাদি পুনর্বার পাঠ।

শকার।—নিশ্চয় তুই হত্যা করেচিস।

চারু।—আচ্ছা, তবে তাই।

প্রথম চণ্ডাল।—ওরে, আজ তোর মারবার পালা।

২ চণ্ডাল।—না রে না—তোর।

১ চণ্ডাল।—ওরে! আয়, আমরা এইবার লেখা-জোখা আরম্ভ করি। (বহুবিধ রেখা কাটিয়া) ওরে, যদি আজ আমার পালাই হয়, তবে একটু রোস।

দ্বিতীয়।—কেন বল দিকি?

প্রথম।—আমার স্বর্গীয় পিতা-ঠাকুর আমাকে বলেছিলেন যে, “দেখ বীরক, যদি কখন তোমার পালা আসে, বধ্যকে তুমি কখন সহসা বধ কোরো না।”

দ্বিতীয়।—ওরে! কেন বল দিকি?

প্রথম।—কখন কখন কোন সাধু পুরুষ অর্থ দিয়ে বধ্যকে মোচন করেন, কখন বা রাজার পুত্র হলে তার কল্যাণ-মহোৎসবে বধ্যদের ছেড়ে দেওয়া হয়। কখন বা হাতী বাঁধন ছিঁড়ে বেরিয়ে পড়ল, সেই গোলমালে বধ্যেরা ছাড়ান পায়। আবার কখন যদি রাজ-পরিবর্ত উপস্থিত হয়, তা হলেও বধ্যদের ছেড়ে দেওয়া হয়।

শকার।—কি?—কি?—রাজ-পরিবর্ত?

চণ্ডাল।—ওরে! আয়, আমাদের লেখাটা শেষ করি।

শকার।—ওরে! চারুদত্তকে শীঘ্র বধ কর। (এইরূপ বলিয়া দাসকে লইয়া একান্তে অবস্থান)

চণ্ডাল।—চারুদত্ত মহাশয়! এ রাজার আদেশ—আমাদের এতে কোন অপরাধ নেই। এইবার তবে স্মরণ করবার লোকদের স্মরণ করুন।
চারু।—

প্রবল-পুরুষবাক্যে, আর ভাগ্য-দোষে আমি

হয়েছি দুষিত

যদি থাকে ধর্ম মোর, তাহার প্রভাবে প্রিয়া

হয়ে উপস্থিত

(থাকুন স্বর্গে কিম্বা যেখানেই এবে তিনি

হোন অবস্থিত)

আপন স্বভাব-গুণে, করুন কলঙ্ক মোর

শীঘ্র অপনীত।

ওগো! এখন আমায় কোথায় যেতে হবে?

চণ্ডালদ্বয়।—(সম্মুখে দেখাইয়া) ওগো! ঐ দক্ষিণ-শ্মশান দেখা যাচ্ছে, যা দেখবামাত্র বধ্যদের ঝট করে' প্রাণ বেরিয়ে যায়। ঐ দেখে :—

শূল হ'তে গেছে পড়ি' দেহ আধখানি,
দীর্ঘকায় শৃগালেরা করে টানাটানি।
অর্ধ-দেহ আছে লগ্ন শূলের উপরে
—ব্যাদানিয়া মুখ ঘেন অট্ট হাস্য করে।

চারু।—হা! আমি কি হতভাগ্য! এইবার আমার সব শেষ হবে। (আবেগের সহিত উপবেশন)

শকার।—তবে আর যাব না—চারুদত্তকে কি রকম করে' বধ করে দেখা যাক। (পরিক্রমণ করিয়া দর্শন) কি?—বসে' আছ যে?

চণ্ডালদ্বয়।—চারুদত্ত! ভীত হয়েছ?

চারু।—(সহসা উত্থান করিয়া) মূর্খ!

“উরি না মরণে আমি” ইত্যাদি।

চণ্ডাল।—চারুদত্ত মহাশয়! আকাশে যে চন্দ্র-সূর্য্য থাকেন, তাঁদেরই যখন বিপদ উপস্থিত হয়, তখন মরণ-ভীরু মানবের তো কথাই নেই—এ সংসারে কেউ বা উঠে' আবার পড়ে, কেউ বা পড়ে' আবার উঠে'।

ওঠন পড়ন জেনো শব্দেতেও আছে,
কখন কখন তারা মরিয়াও বাঁচে।
এই সব হৃদি-মারো করিয়া স্থস্থির
আপনারে শান্ত কর—হয়ো না অধীর।

(দ্বিতীয় চণ্ডালের প্রতি) —এই চতুর্থ ঘোষণার স্থান—এসো আমরা আবার একবার ঘোষণা করে' দি। (উদ্‌ঘোষণা)

চারু।—হা প্রিয়ে বসন্তসেনা!

“বিমল জোছনা সম” ইত্যাদি।

(ব্যস্তসমস্ত হইয়া বসন্তসেনাকে লইয়া
ভিক্ষুর প্রবেশ)

ভিক্ষু।—আহা! এই পরিশ্রান্ত বসন্তসেনাকে আশ্রয় দিয়ে নিয়ে যাচ্ছি—এতে আমার সন্ন্যাস-ধর্ম্ম সার্থক হল।—উপাসিকা! তোমার কোথায় যেতে হবে?

বস।—চারুদত্ত মহাশয়ের গৃহে। ওগো! তুমি সেই শশাঙ্ককে দেখিয়ে এই কুমুদিনীকে একটু আনন্দ দেও।

ভিক্ষু।—(স্বগত) কোন্ পথ দিয়ে যাই?—(চিন্তা করিয়া) আচ্ছা, এই রাজপথ দিয়ে যাওয়া যাক। এসো—এই রাজপথ। কিন্তু এই রাজপথে একটা কি ভয়ানক কোলাহল শোনা যাচ্ছে না?

বস।—(সম্মুখে নিরীক্ষণ করিয়া) এ কি! সম্মুখে যে ভয়ানক লোকের ভীড়। মহাশয়, আপনি কি জানেন, ব্যাপারটা কি? বহুক্ষণ যেন বিষম ভারাক্রান্ত—মনে হচ্ছে, যেন সমস্ত উজ্জয়িনীর লোক এক স্থানে এসে বাস করছে।

চণ্ডাল।—এই তো শেষ ঘোষণার স্থান।—চাঁড় রাটা পিটিয়ে উচ্ছেদ্বরে ঘোষণা করে' দেও! ওগো চারুদত্ত! স্থির হয়ে থাকো—মা ভৈঃ। শীঘ্রই তোমাকে বধ করচি।

ভিক্ষু।—দেখ উপাসিকা! তোমাকে চারুদত্ত হত্যা করেছেন, এই কথা বলে' ওঁকে বধ করতে নিয়ে যাচ্ছে।

বস।—(শুনিয়া ব্যস্ত-ত্রস্তভাবে) হায় হায়! এই হতভাগিনীর জন্ত চারুদত্ত মহাশয়কে বধ করতে নিয়ে যাচ্ছে? ওগো! শীঘ্র আমাকে পথ দেখিয়ে নিয়ে চল।

ভিক্ষু।—উপাসিকা! শীঘ্র চল, শীঘ্র চল—চারুদত্ত মহাশয় বেঁচে থাকতে থাকতেই তাঁকে গিয়ে আশ্রয় কর। মহাশয়রা! পথ ছেড়ে দিন, পথ ছেড়ে দিন!

বস।—পথ ছেড়ে দিন—পথ ছেড়ে দিন।

চণ্ডাল।—রাজার আদেশ। এখন যাদের স্মরণ করবার, তাদের স্মরণ করুন।

চারু।—অধিক আর কি বলব “প্রবল-পুরুষ-বাক্যে” ইত্যাদি।

চণ্ডাল।—(খড়্গ আকর্ষণ করিয়া) চারুদত্ত মহাশয়! মুখ উঠিয়ে সিধে হয়ে দাঁড়ান, এক কোপেই আপনাকে স্বর্গস্থ করচি।

চারু।—(তথা অবস্থান)

চণ্ডাল।—(খড়্গাঘাত করিতে গিয়া খড়্গ হস্ত হইতে পতন) আরে, এ কি হল?

কোষ হতে এই খড়্গা আকর্ষণিয়া রোষে
মুঠো করে' ধরেছিলু খুব মতে কোশে।

দারুণ অশনি-সম এই মোর অসি
কি করিয়া ধরাতলে পড়িল রে খসি' ?

এরূপ যখন ঘটিল, তখন আমার মনে হয়, চারুদত্ত
মহাশয় মরুচেন না। ভগবতি সহ-শৈল-বাসিনি!
প্রসন্ন হও। যদি চারুদত্তকে বাঁচিয়ে দিতে পারেন,
তা হলে সমস্ত চণ্ডালকুল অধুগৃহীত হবে।

২ চণ্ডাল।—এখন যেরূপ আদেশ পাওয়া গেছে,
সেইরূপ কাজ করা যাক।

প্রথম।—হাঁ, তা বৈ কি।

(উভয়ে চারুদত্তকে শূলে চড়াইতে উত্তত)

চারু।—“প্রবল-পুরুষ-বাক্যে” ইত্যাদি।

ভিক্ষু ও বসন্তসেনা।—(দেখিয়া) মহাশয়রা
ক্ষান্ত হোন্—ক্ষান্ত হোন্—ও কাজ করবেন না।
শুভুন মহাশয়রা! আমিই সেই হতভাগিনী—যার
দরুণ ঔকে বধ করা হচ্ছে।

চণ্ডাল।—(দেখিয়া)

কে এ বামা ত্বরা করি' আসিছে হেথায়,
সুচারু চিকুর-ভার স্বন্ধেতে লুটায়,
উর্দ্ধ-হস্তে বলে শুধু “বোধো না উহায়” ?

বস।—চারুদত্ত মহাশয়! এ কি ব্যাপার?
(বক্ষের উপর পতন)

ভিক্ষু।—চারুদত্ত মহাশয়! ব্যাপারটা কি?
(পদতলে পতন)

চণ্ডাল।—(সভয়ে নিকটে গিয়া) কি?—বসন্ত-
সেনা? না না, এই নির্দোষ সাধু পুরুষকে এখনও
আমরা বধ করি নি।

ভিক্ষু।—(উঠিয়া) ওরে! চারুদত্ত বেঁচে আছেন?

চণ্ডাল।—আরও শত বৎসর বাচবেন।

বস।—(সহর্ষে) আ! আমার দেহে যেন
আবার প্রাণ এল।

চণ্ডাল।—এখন তবে এই ঘটনার কথা রাজা
পালককে নিবেদন করি গে—তিনি যজ্ঞ-স্থানের পথে
গেছেন।

[প্রস্থান।

শকার।—(বসন্তসেনাকে দেখিয়া সত্রাসে)
কি সর্বনাশ! গর্ভদাসীটাকে কে আবার বাঁচিয়ে
দিলে? এইবার আমার প্রাণটা গেল দেখ'চি।—
আমি তবে পালাই। (পলায়ন)

চণ্ডাল।—(নিকটে আসিয়া) ওরে! না না,
রাজা এই আজ্ঞা করেছিলেন, “বসন্তসেনাকে যে হত্যা
করেছে, তারই প্রাণদণ্ড হবে।” এখন এসো, আমরা
রাষ্ট্রীয় শ্যালককে খুঁজে বের করি।

[প্রস্থান।

চারু।—(সবিস্ময়ে)

কে গো উদ্ধারিল মোরে মৃত্যুর মুখেতে?

—দ্রোণ-মেঘ দেখা দিল অনারুষ্টি-ক্ষেতে?

(অবলোকন করিয়া)

দ্বিতীয় বসন্তসেনা এ কি গো নেহারি

স্বর্গ হতে অবতীর্ণ মূর্ত্তি কি তাঁহারি?

কি আ ভ্রাস্তিবশে দ্যাখে মোর ভ্রাস্ত চিত :—

এ সেই বসন্তসেনা—হয় নাই মৃত।

স্বর্গ হতে আইলা কি বাঁচাইতে মোরে

অথবা অপর কেহ সেই মূর্ত্তি ধরে' ?

বস।—(অশ্রু-নয়নে উঠিয়া পদতলে পতন)

চারুদত্ত মহাশয়! আমিই সেই পাপীয়সী—যার দরুণ
আপনার এই দুঃবস্থা ঘটেচে।

নেপথ্যে।—আশ্চর্য্য! আশ্চর্য্য! বসন্তসেনা
এখনও বেঁচে আছে?

চারু।—(শুনিয়া সহসা উঠিয়া স্পর্শহুখে
নিমীলিতাক্ষ হইয়া হর্ষোৎফুল্ল গদগদস্বরে) প্রিয়ে!
বসন্তসেনা তুমি?

বস।—আমিই সে হতভাগিনী।

চারু।—(নিরীক্ষণ করিয়া সহর্ষে) তাই তো,
বসন্তসেনাই যে! (সানন্দে)

মৃত্যুমুখে দেখি' মোরে, পাষাণধরে স্নাত করি'

অশ্রু ধারায়
সঞ্জীবনী বিষ্ণু-রূপে, তুমি যে গো আবিভূত
সহসা হেথায়।

প্রিয়ে বসন্তসেনা!

তোমারি কারণে এই দেহের নিধন

তোমারি দ্বারায় শেষে হল নিবারণ।

প্রিয়-সঙ্গমেরি এই আশ্চর্য্য প্রভাব,

—মৃতের কোথায় হয় পুনঃ প্রাণলাভ?

অপিচ :—দেখ প্রিয়ে!

চারু রক্ত বস্ত্র এই, আর এই মালা এইক্ষণে

শোভে যেন বিবাহের বর-বেশ প্রিয়া-সম্মিলনে,

আর এই বধ্যজন-হৃদুতির ধ্বনি
বিবাহ-উৎসব-বাণ কৰ্ণে যেন শুনি।

বস।—নাথ! আমার প্রতি অত্যন্ত সদয় হয়ে
তুমি কি করতে যাচ্ছিলে বল দিকি ?

চারু।—প্রিয়ে! ওরা বলে কি শুনবে?—বলে,
আমি তোমাকে হত্যা করিচি।

পূর্ব-বন্ধ বৈর-বশে, শকার শত্রুতা ঘোর
করে মোর সাথ।
নরকে পতিত নিজে, সে যে গো সাধিয়াছিল
আমারো নিপাত ॥

বস।—(কৰ্ণ আচ্ছাদন করিয়া) তার নাম
কবুতে নেই, সেই নরাধমই আমাকে হত্যা করবার
চেষ্টা করেছিল।

চারু।—(ভিক্ষুকে দেখিয়া) উনি কে ?
বসন্ত।—সেই পাষণ্ড আমাকে বধ করে, আর
এই মহাত্মা আমাকে বাঁচিয়ে তোলেন।

চারু।—তুমি কে গো অকারণ-বন্ধু ?
ভিক্ষু।—আমাকে মহাশয় চিন্তে পারচেন
না? আমি মহাশয়ের সেই চরণ-সেবক, নাম
সংবাহক। আমাকে একজন জুধারী ধৃত করে।
তার পর এই ঠাকরণট—আমি মহাশয়ের লোক
জানতে পেরে—নিজ অলঙ্কার পণ দিয়ে আমাকে
ছাড়িয়ে আনেন। তার পর, জুয়া খেলাতে ধিক্কার
হয়ে মনে বৈরাগ্যের উদয় হওয়ায় আমি এখন বৌদ্ধ-
শ্রমণক হয়েছি।

নেপথ্যে।—(কলরব)
জয় শিব বুঝকেতু, দক্ষ-যজ্ঞ-বিনাশন !
তার পর জয় জয় ক্রোধ-শত্রু ষড়ানন !
পরে আৰ্য্যকের জয়, “পালক” রিপুকে যিনি
করিয়া বিনাশ
লভিলা বিশাল রাজ্য ;—শেষ সীমা-চিহ্ন যার
ধবল কৈলাস।

(সহসা শর্বিলকের প্রবেশ)

শর্বিলক।—নিধন করিয়া আমি “পালক” রাজ্য
“আৰ্য্যে” রাজ্যে অভিষেক করিহু ত্বরায়।
আদেশ-প্রসাদ তাঁরি, এবে শিরে করিয়া বহন
যাইতেছি বিপন্ন সে চারুদন্তে করিতে মোচন।

বল-মন্ত্রী হীন সেই রিপুকে বধিয়া
সুপ্রভাবে পোরজনে পুনঃ আশ্বাসিয়া
নাশিয়া সে ইন্দ্র-তুল্য শত্রু আধিপত্য,
সমগ্র বসুধা-রাজ্য করিহু আয়ত্ত।

(সম্মুখে নিরীক্ষণ করিয়া) যেখানে ঐ লোকের
ভীড় জমেছে, বোধ হয়, উনি ঐখানেই আছেন।
চারুদত্ত মহাশয়কে জীবন দান করে’ আৰ্য্যক নৃপতির
এই শুভ রাজ্যারম্ভ কি সফল হবে না? (আরও
ক্রতপদে অগ্রসর হইয়া) লোকজন সব সরে’ যাও।
(দেখিয়া সহর্ষে) এই যে, চারুদত্ত এখনো জীবিত, ওঁর
সঙ্গে বসন্তসেনাও আছেন দেখ্ চি। আমাদের প্রভুর
মনোরথ এখন তবে সম্পূর্ণরূপে সিদ্ধ হবে।

ওগো! আজি কি সৌভাগ্য। পতিত বিপদার্গবে
—হস্তর অপার
সুশীলা প্রেমসী ওঁরে, গুণবতী তরী হয়ে
করিলেন পার।
জ্যোৎস্না-শুভ্র শশধর, রাহু-গ্রাস হতে আহা
হইল মোচন।
অনেক দিনের পর, চারুদত্তে আমি আজি
করিব দর্শন ॥

আমি মহাপাতকী, কি করে’ ওঁর নিকটে যাই ?
—কিন্তু না—সরলমনে সাধুভাবে কোথায় না যাওয়া
যায়?—ঋজুতা সর্বত্রই শোভা পায়। (অগ্রসর
হইয়া বন্ধাজলি) চারুদত্ত মহাশয়!
চারু।—কে তুমি ?

শর্বি।—যে তব ভবন ভেদি’
হরিল সে গচ্ছিত ভূষণ
আমি সেই মহাপাপী
তব পদে লই গো শরণ।
চারু।—সখা, তানয়। ও কাজ তুমি পরিহাস
করে’ করেছিলে (কণ্ঠ ধারণ)
শর্বি।—একটা সংবাদ আছে।

সুচরিত্র সে আৰ্য্যক, সকলের কুলমান
করিতে রক্ষণ
যজ্ঞ-শালা-স্থিত ছুঁষ্ট পালকেরে পশুবৎ
করিলা নিধন।
চারু।—কি ?

শৰ্বি।—

আরোহিয়া তব যানে, ইতি-পূর্বে তব পদে
যেলয় শরণ
ছরাচার “পালকে” সে, যজ্ঞ-স্থানে পশু সম
করিল নিধন।

চারু।—কি বল্চ শৰ্বিলক? রাজা পালক
যাকে ঘোষ-পল্লী হতে ধরে’ এনে অকারণে কারাগারে
বদ্ধ করেন, সেই আৰ্য্যক আমাকে মোচন করেছেন?
শৰ্বি।—আজ্ঞে হাঁ।

চারু।—কি সুসংবাদ! আমার কি সৌভাগ্য!

শৰ্বি।—রাজ্যে অভিশিক্ত হবামাত্রই আপনার
সুহৃদ আৰ্য্যক উজ্জয়িনীর বেণা নদীতটস্থ কুশাবতী-
রাজ্য আপনাকে দান করেছেন। অতএব সুহৃদের
এই প্রথম প্রণয়-দান আপনি গ্রহণ করুন। (অশু-
দিকে ফিরিয়া) ওরে! কে আছিষ্ রে! সেই
পাপী রাষ্ট্রীয় শ্যালককে এখানে নিয়ে আয়।

নেপথ্যে।—যে আজ্ঞে।

শৰ্বি।—মহাশয়! রাজা আৰ্য্যক আপনার
কাছে এই কথা নিবেদন করচেন যে, “আপনার
গুণেই আমি এই রাজ্যলাভ করেছি, অতএব এই
রাজ্য আপনিই ভোগ করুন।”

চারু।—আমার গুণে রাজ্যলাভ করেছেন?

নেপথ্যে।—ওরে রাষ্ট্রীয় শ্যালক! আয় আয়,
তোমার ছরাচারের ফল এখন ভোগ কর।

(পশ্চাৎ-বদ্ধ শকারকে লইয়া রক্ষিণের প্রবেশ)

শকার।—কি সৰ্কনাশ!

বাধন-ছেঁড়া গাধার মত
পলাইয়া গেছ কত দূর,
ধরে’ আনুলে আবার বেঁধে
ঠিক যেন বজ্জাং কুকুর।

(চারিদিকে অবলোকন করিয়া) এ কি! চারিদিকেই
যে পথ বদ্ধ। আমি এখন নিরুপায়—এখন কার
শরণাগত হই?—আচ্ছা, ঐ বিপদের যিনি শরণাগত-
বৎসল, ওঁরই কাছে যাই। চারুদত্ত মহাশয়! আমাকে
রক্ষা করুন—রক্ষা করুন। (পদতলে পতন)

নেপথ্যে।—চারুদত্ত মহাশয়, ওকে ছাড়ুন, ওকে
ছাড়ুন, আমরা ওকে বধ করি।

শকার।—(চারুদত্তের প্রতি) আপনি নিরাশ্রয়ের
আশ্রয়, আমাকে রক্ষা করুন।

চারু।—(অহুকম্পা সহকারে) আহা! ভয়
নাই—ভয় নাই।

শৰ্বি।—(আবেগ-সহকারে) আঃ! চারুদত্ত
মহাশয়ের কাছ থেকে ওকে সরিয়ে দে না। (চারু-
দত্তের প্রতি) এখন বলুন, এই পাপীকে কি শাস্তি
দেওয়া যাবে?

সুদৃঢ় বন্ধনে ওরে সবলে টানিয়া
খাওয়াব কি দেহ ওর কুকুরেরে দিয়া?
করিব কি এবে ওরে শূলে আরোপণ?
অথবা করাত দিয়া করিব কর্তন?

চারু।—আমি যা বল্চ, তাই কি করা হবে?

শৰ্বি।—তার সন্দেহ কি?

শকার।—চারুদত্ত মহাশয়! আমি আপনার
শরণাগত, আমাকে রক্ষা করুন, রক্ষা করুন।
আপনার যোগ্য যা, তাই করুন—আমি আর এ কাজ
কখন করব না।

নেপথ্যে হইতে পৌরণ।—বধ্ কর, বধ্ কর—
পাতকী এখনও কেন জীবিত আছে?

বস।—(বধ্যমালা চারুদত্তের কণ্ঠ হইতে উঠা-
ইয়া শকারের উপর নিক্ষেপ)

শকার।—বসন্তসেনা!—রাগ করো না—প্রসন্ন
হও—আর আমি মারব না—আমাকে রক্ষা কর।

শৰ্বি।—ওরে! ওকে নিয়ে যা। চারুদত্ত
মহাশয়! আজ্ঞা করুন, এই পাপীর কি শাস্তি হবে?

চারু।—আমি যা বল্চ, তাই কি করা হবে?

শৰ্বি।—তার সন্দেহ কি?

চারু।—সত্যি?

শৰ্বি।—সত্যি।

চারু।—তাই যদি হয়, শীঘ্র একে—

শৰ্বি।—বধ করা হোক?

চারু।—না না, ছেড়ে দেওয়া হোক।

শৰ্বি।—কেন বলুন দিকি?

চারু।—অপরাধী শত্রু শরণাগত হয়ে যদি পায়ে
পড়ে, তবে তাকে শস্ত্রের দ্বারা বধ করা উচিত নয়।

শৰ্বি।—তা হলে কুকুর দিয়ে কি খাওয়ান হবে?

চারু।—না না—উপকারের দ্বারা বধ করা
উচিত।

শৰ্বি।—অহো, কি আশ্চৰ্য্য! তবে বলুন মহাশয়,
কি করতে হবে?

চাক।—ওকে ছেড়ে দেও।

শৰ্বি।—আচ্ছা, ওকে ছেড়ে দেওয়া হল।

শকার।—আরে বাঃ! আবার যে বেঁচে উঠ-
লেম!

[রক্ষিণের সহিত প্রস্থান।

(নেপথ্যে কলরব)

পুনর্বার নেপথ্যে।—চারুদত্তের জী ধূতা-ঠাক-
রণের পুত্রট মায়ের আঁচল ধরে' আছে—তিনি যেতে
যেতে প্রতিপদে তাকে সরিয়ে সরিয়ে দিচ্ছেন, আর
প্রজ্বলিত অগ্নির মধ্যে প্রবেশ করতে যাচ্ছেন—পোর-
জনেরা অশ্রুপূর্ণ-নয়নে তাঁকে নিবারণ করতে চেষ্টা
করচে, কিন্তু তিনি কিছুতেই গুন্ডেন না।

শৰ্বি।—(গুনিয়া এবং নেপথ্যাভিমুখে অবলোকন
করিয়া) কি?—চন্দনক? চন্দনক! ব্যাপারটা কি?

(চন্দনকের প্রবেশ)

চন্দ।—মহাশয় কি দেখতে পাচ্ছেন না, মহারাজ-
প্রাসাদের দক্ষিণভাগে ভয়ানক লোকের ভীড়
হয়েচে? আমি ধূতা-দেবীকে বল্লম, "ঠাকরণ, হতাশ
হবেন না। চারুদত্ত মহাশয় বেঁচে আছেন।" কিন্তু
যে রূপ হুঃখে অভিভূত, তাতে কেই বা শোনে—কেই
বা বিশ্বাস করে?

চাক।—(সোঁদেগে) হা প্রিয়ে! আমি জীবিত
থাকতে তুমি এ কি কাজ করতে উত্তত হয়েছ?
(উর্ধ্বে অবলোকন ও নিঃশ্বাস ত্যাগ করিয়া)

ওগো প্রিয়ে সূচরিতে!

ও চরিত্র সুবিমল

যদি না সহিতে পারে

পাপ-পূর্ণ ধরাতল,

তথাপি শোনো গো বলি

তুমি যে গো পতিব্রতা

কেমনে পতিরে ছাড়ি

হবে স্বর্গ-স্থলে রতা?

(মুচ্ছ)

শৰ্বি।—ওঃ, কি প্রমাদ!

হোথা দ্রুত যেতে হবে ধূতার সমীপে,

মুচ্ছাপন্ন চারুদত্ত হেথায় এ দিকে।

করিলাম এত দিন চেষ্টা যে সকল
হা ধিক্! হা ধিক্! হল সমস্ত বিফল।

বস।—মহাশয়, ধৈর্য্য ধরুন, সেখানে গিয়ে
ঠাকরণকে বাঁচান—অধীর হলে অনর্থ বটবে।

চাক।—(সংজ্ঞা লাভ করিয়া সহসা উঠিয়া)
হা প্রিয়ে! কোথায় তুমি?—উত্তর দেও।

চন্দ।—এই দিক দিয়ে মহাশয়, এই দিক দিয়ে।

(সকলের পরিক্রমণ)

দৃশ্য—অগ্নি-কুণ্ড প্রজ্বলিত

(মৈত্রেয় ও রদনিকার সহিত ধূতার প্রবেশ এবং
মাতার বজ্রাঞ্চল ধরিয়া রোহসেনের প্রবেশ)

ধূতা।—(সাক্ষ্যলোচনে) জাহ্নু, আমাকে ছাড়
—বাধা দিও না—পাছে আৰ্য্যপুত্রের অমঙ্গলের কথা
গুন্ডতে হয়, আমার সেই ভয়।

রোহ।—মা, তুমি গেলে আমাকে কে দেখবে?
তোমাকে ছেড়ে আমি কিছুতেই বাঁচতে পারব না।

বিদু।—ঋষিরা বলেন, "স্বামীর সহিত একত্রে
চিতারোহণ না করে' ভিন্ন চিতার আরোহণ করলে
ব্রাহ্মণীর পাপ হয়"।

ধূতা।—আৰ্য্যপুত্রের অমঙ্গল শোনার চেয়ে
পাপাচরণও ভাল।

শৰ্বি।—(সন্মুখে অবলোকন করিয়া) নিকটেই
অগ্নিকুণ্ড—শীঘ্র আসুন মহাশয়, শীঘ্র আসুন।

চাক।—(দ্রুত পরিক্রমণ)

ধূতা।—রদনিকে! যতক্ষণ না আমার ইষ্টসিদ্ধি
হয়, ততক্ষণ তুমি বালককে ধরে' রাখো।

দাসী।—(করুণভাবে) ঠাকরণ যা করছেন,
আমিও তাই করি।

ধূতা।—(বিদূষককে অবলোকন করিয়া) মহা-
শয়! আপনি তবে ওকে ধরে' রাখুন।

বিদু।—(আবেগ-সহকারে) অভীষ্ট কার্যের
অনুষ্ঠানে ব্রাহ্মণের অগ্রে যাওয়া কৰ্ত্তব্য—অতএব
আপনার অগ্রগামী হয়ে আমি অগ্নি-প্রবেশ
করি।

ধূতা।—কি? হুঃনের মধ্যে তোমরা কেউই

আমার কথা শুনলে না? জাহ্ন! আমাদের পিও-
জলের জল তুই তবে থাক। কি?—আমরা গেলে
তোমার পিতা কি তোকে দেখবেন না?

চারু।—(শুনিয়া সহসা নিকটে আসিয়া) হাঁ—
বাছাকে আমিই দেখব। (বালককে বাছ দ্বারা
উঠাইয়া বক্ষে স্থাপন)

ধূতা।—(দেখিয়া) ও মা! এ যে তাঁর কণ্ঠস্বর
শুনচি। (পুনর্বার নিরীক্ষণ করিয়া সহর্ষে)—আ,
বাচলেম—তিনিই তো!—আ! আমার কি স্মৃতির
দিন!

বালক।—(দেখিয়া সহর্ষে) ও মা! দেখ, বাবা
আমাকে কোলে নিয়েছেন। শোন মা শোন—বাবা
এখন আমাকে দেখবেন। (পিতাকে প্রত্যালিঙ্গন)

চারু।—(ধূতার প্রতি)

প্রিয় বিভ্রমানে প্রিয়ে!

সুকঠোর কেন এ উত্তম?

অন্তে নাহি গেলে ভাহু

পদ্মিনী কি মুদে গো নয়ন?

ধূতা।—পদ্মিনী যে সচেতন, তাই ওর সম্বন্ধে
ও কথা খাটে।

বিদু।—(দেখিয়া সহর্ষে) হি হি হি! কি
আশ্চর্য্য! ওগো! এই চোখে প্রিয়সখাকে যে
আবার দেখচি। ওঃ! সতীর কি প্রভাব! অগ্নি-
প্রবেশের চেষ্টা করে'ও প্রিয়-সম্মিলন ঘটে গেল।

—জয় হোক, প্রিয় সখার জয় হোক!

চারু।—এসো মৈত্রের (আলিঙ্গন)

দাসী।—কি আশ্চর্য্য দৈবের ঘটনা! মশাই,
প্রণাম। (চারুদত্তের পদতলে পতন)

চারু।—(পৃষ্ঠে হাত দিয়া) রদনিকে! ওঠো!
(উত্থাপন)

ধূতা।—(বসন্তসেনাকে দেখিয়া) এসো বোন,
এসো, স্মৃতে আছ তো?

বস।—এখনই স্মৃথী হলেম।

(পরস্পরে আলিঙ্গন)

শর্বি।—মহাশয়ের স্মৃদ্ধবর্গ বেঁচে-বর্ত্তে আছেন
তো?

চারু।—হাঁ, তোমারই প্রসাদে।

শর্বি।—ঠাকরণ বসন্তসেনা! রাজা পরিতুষ্ট

হয়ে আপনার প্রতি বধু শব্দ প্রয়োগ করতে আদেশ
করেছেন।

বস।—মহাশয়! কৃতার্থ হলেম।

শর্বি।—(বসন্তসেনাকে অবগুষ্ঠিতা করিয়া
চারুদত্তের প্রতি) মহাশয়! এই ভিক্ষুর কি
করবেন?

চারু।—ভিক্ষু! তোমার এখন মনোগত ইচ্ছা
কি?

ভিক্ষু।—এই সব অনিত্যতা দেখে সন্ন্যাস-ধর্ম্মে
আমার দ্বিগুণ প্রবৃত্তি হয়েছে।

চারু।—সখা! ভিক্ষু এ বিষয়ে দেখি
দৃঢ়নিশ্চয়। অতএব রাজ্যমধ্যে যত বৌদ্ধ মঠ
আছে, ওঁকে সে সকলের কুলপতি করে' দেও।

শর্বি।—যে আজ্ঞে।

ভিক্ষু।—আ! আজ আমার কি স্মৃতির দিন!

বস।—উনিই আমাকে বাঁচিয়েছিলেন।

শর্বি।—স্বাবরকের কি করবেন?

চারু।—আজ হতে স্বাবরকের দাসত্ব ঘুচে যাক।
সেই ছজন চণ্ডাল সকল-চণ্ডালের অধিপতি হোক।
চন্দনক রাজার প্রধান চণ্ডালক হোক। আর,
সেই রাষ্ট্রীয় শ্যালকের পূর্বে যে কাজ ছিল, সেই
কাজই থাক।

শর্বি।—যে আজ্ঞে, তাই হবে। না, এই
শত্রুটাকে আপনি ত্যাগ করুন, আমি ওকে বধ
করি।

চারু।—আমি শরণাগতকে অভয় দিয়েছি। দেখ,
শত্রু অপরাধ করে' যদি শরণাগত হয়, তাকে বধ করা
উচিত নয়।

শর্বি।—এখন বল, আর তোমার কি প্রিয় কার্য্য
করতে পারি?

চারু।—এর পর আমার আর কি প্রিয় বাসনা
থাকতে পারে?

অপবাদ-মুক্ত আমি, পদানত শত্রু যে গো

তারে আমি করিহু মোচন।

আর্য্যক স্মৃৎ মোর, নির্মূলিয়া, পৃথু

রাজা হয়ে করেন শাসন।

প্রিয়ারে লভিহু পুন, সখা আর্য্যকের ননে

হল তব মিলন-ঘটনা,

কি আর অধিক আছে, যাহা আমি এইক্ষণে


তব কাছে করিব প্রার্থনা।

কাহারে করেন তুচ্ছ, কাহারে করেন বিধি
 পূর্ণ ধন-মানে ।
 করেন উন্নতি কারো, কাহারো বা অধোগতি
 বিবিধ বিধানে ।
 বিপদ ঘটান্ কারো, আকুল করিয়া তুলি'
 কাহারো পরাণ ।
 প্রতিপক্ষ পরস্পর, তাহারি সমষ্টি ভব
 —করি' এই জ্ঞান
 বিধাতা করেন ক্রীড়া, অমুসরি' কৃপ-যজ্ঞ-
 ঘটিকা বিধান ॥
 এখন আমার যদি কিছু প্রার্থনা থাকে, তবে
 সে এই :—

ভরত-বাক্য ।

গাভী হোক্ হৃৎকবতী শস্ত্র পূর্ণা বহুমতী
 মেঘ কালে করুক বর্ষণ ।
 সকল জনের চিত করিয়া গো হরষিত
 বহে যেন মধুর পবন ।
 বৈধ অহুষ্ঠানে রত হোন বিপ্র অবিরত,
 লক্ষ্মীবস্ত হোন সাধুগণ ।
 রিপু করি' প্রশমন নৃপ ধর্ম-পরায়ণ
 পৃথিবীরে করুন পালন ॥
 সংহার নামক দশম অঙ্ক

সমাপ্ত



হয়
উই
শব্দ
কে
পা
বা
এই
যথ
গের

মালবিকাগ্নিমিত্র

(কালিদাস)

জ্যোতিরিন্দ্রনাথ ঠাকুর অনুবাদিত


ভূমিকা

মালবিকাগ্নিমিত্রের প্রস্তাবনা পাঠ করিয়া মনে হয়, এইটি কালিদাসের প্রথম নাটক-রচনা। উইল্‌সান সাহেবের বিশ্বাস, এই নাটকটি অভিজ্ঞান-শকুন্তলার রচয়িতা কালিদাসের নহে—ইহা অল্প কোন কালিদাসের রচনা। কিন্তু জর্মান-দেশীয় পণ্ডিত ওএবার এ কথা স্বীকার করেন না। ওএবার সাহেবেরই মত আমার সঙ্গত বলিয়া মনে হয়। এই মতের পরিপোষক আভ্যন্তরিক প্রমাণও যথেষ্ট আছে। বর্ণনার ধরণ-ধারণে, শব্দ-প্রয়োগের বিশেষত্বে, শ্লোকের ভাবার্থে, ইহা খ্যাতনামা

কালিদাসেরই রচনা বলিয়া স্পষ্টরূপে উপলব্ধি হয়। কোন কবিরই সকল রচনা সমান উৎকৃষ্ট হয় না; কোন রচনা অপেক্ষাকৃত নিকৃষ্ট বলিয়া উহা যে সেই কবির রচনা নহে, এ কথা বলা আদৌ যুক্তি-সঙ্গত নহে।

এই নাটকের ছায়া রত্নাবলী-নাটকায় স্পষ্টরূপে লক্ষিত হয়। উভয়েরই আখ্যান-বস্তু প্রায় একরূপ।

বিক্রমোর্কশীর ছায়া ইহারও অনুবাদে আমি মুখ্যরূপে বোধাই অঞ্চলের শঙ্কর-পণ্ডিত-কর্তৃক প্রকাশিত মূল-গ্রন্থের অনুসরণ করিয়াছি।



পাত্রগণ

পুরুষবর্গ

অগ্নিমিত্র	বিদিশার রাজা ।
গোতম	রাজার বয়স্ক—বিদূষক ।
হরদত্ত	}	...	নাট্যাচার্য্যদ্বয় ।
গণদাস			
সারস	মহিষীর পরিচারক । (বামন)
মৌদ্গল্য	রাজার কঞ্চুকী ।

স্ত্রীবর্গ

দেবী ধারিণী	মহিষী ।
ইরাবতী	দ্বিতীয় রাণী ।
মালবিকা	মহিষীর পরিচারিকা ।
কৌশিকী	বৌদ্ধ-পরিব্রাজিকা ।
বকুলাবলিকা	মালবিকার সখী ও মহিষীর পরিচারিকা ।
জয়সেনা	প্রতীহারী ।
মধুকরিকা	উগ্ধান-পালিকা । (মালিনী)
নিপুণিকা	}	...	ইরাবতীর পরিচারিকা ।
চন্দ্রিকা			
জ্যোৎস্নিকা	}	...	সঙ্গীত-নিপুণা পরিচারিকা ।
রমণীয়া			

মালবিকাগ্নিমিত্র

প্রথম অঙ্ক

নান্দী

প্রণত ভকতে যিনি
বহু ফল করেন প্রদান,
একেশ্বর, তবু যার
ব্যাজ-চর্মা সদা পরিধান,
কান্তাসনে যার দেহ
থাকিলেও সতত মিশ্রিত,
তবু যিনি যতি-শ্রেষ্ঠ
বিষয়েতে অনাসক্ত-চিত,
অষ্ট মুরতিতে যিনি, সমগ্র ব্রহ্মাণ্ড একা
করেন ধারণ,
অথচ তাহাতে যার, লেশমাত্র অভিমান
নাহি কদাচন,
সেই দেব মহেশ্বর
সংসার করি' প্রদর্শন
অন্তরের অঙ্ককার
তোমাদের করুন হরণ।

(নান্দীর পর সূত্রধারের প্রবেশ)

সূত্রধার।—(নেপথ্যাভিমুখে অবলোকন করিয়া)
ওগো মারিষ ! এই দিকে একবার এসো তো।

(পারিপার্শ্বিক নটের প্রবেশ)

পারি।—মহাশয় ! আমি এসেছি। কি আজ্ঞা
হয় ?

সূত্র।—উপস্থিত সভ্যমণ্ডলী শ্রীকালিদাস-বিরচিত
“মালবিকাগ্নিমিত্র” নামক নাটক এই বসন্তোৎসবে
অভিনয় করতে আমাকে বল্চেন। অতএব, তোমরা
এখনি সঙ্গীত আরম্ভ করে' দেও।

পারি।—না, তা হতে পারে না। ভাস ও
সৌমিল্য প্রভৃতি খ্যাতনামা কবিদের রচনা-সকল

অতিক্রম করে', বর্তমান কবি কালিদাসের রচনাকে
সভ্যমণ্ডলী এত অধিক আদর করছেন কি বলে' ?

সূত্র।—এ যে তোমার নিতান্ত অববেচনার
কথা হল। দেখ :—

ওধু পুরাতন বলি', কোন কাব্য নহে মাননীয়,
অথবা নূতন বলি', নহে দৃষ্টি ইহাও জানিও।
পরীক্ষিয়া দোষগুণ সাধু সুধীগণ
তার মধ্যে একটিকে করেন বরণ।
পর-বুদ্ধি-অনুযায়ী যার মতি-গতি
বিবেচনা-শক্তিহীন সে গো মুঢ় অতি।

পারি।—তার সন্দেহ কি, এ বিষয়ে পণ্ডিতেরা
যা বলেন, তাই প্রমাণ বলে' ধর্ষব্য।

সূত্র।—তবে আর বিজ্ঞ কেন ?—শীঘ্র কার্য
আরম্ভ করে' দেও।

সভার আদেশ যাহা, সর্বাগ্রে লইব উহা
করিয়া মাথায়,

ধারিণীর দাসী-সম, সেবায় নিপুণা যে গো
ওই দেখা যায়।

[সকলের প্রস্থান।

ইতি প্রস্তাবনা।

দৃশ্য—রাজপথ

(দাসীর প্রবেশ)

দাসী।—সম্প্রতি মালবিকা শিক্ষকের নিকট
দীক্ষিত হওয়ায়, “চলিত” নামক নৃত্যের অভিনয়ে
তার কতদূর শিক্ষা হল, জান্‌বার জন্তু দেবী ধারিণী,
নাট্যাচার্য গণদাসকে জিজ্ঞাসা করতে আমাকে
আজ্ঞা করলেন। তা, এখন তবে আমি সঙ্গীত-
শালায় যাই।

(আভরণ-হস্তে দ্বিতীয় দাসীর প্রবেশ)

প্রথমা।—(দ্বিতীয়াকে দেখিয়া) ওলো কোমু-
দিকে ! এমন ধীর-গম্ভীর ভাব তোর কোথেকে
হল বল্ দিকি ? আমি কাছ দিয়ে যাচ্ছি, তবু আমার
দিকে কি একবার তাকিয়েও দেখতে নেই ?

দ্বিতীয়া।—ও মা ! এ কি ! বকুলা যে ! দেখ
সখি ! এই ছাপ্-মোহর-ওয়ালী, নাগ-মণি-বসানো,
চক্চকে, দেবীর এই আংটিট কারিগরের ওখান থেকে
আনবার সময় একদৃষ্টে দেখতে দেখতে আস্ছিলেম
—তাই তো তোর কাছে এই তিরস্কার খেতে হল ।

প্রথমা।—(দর্শন করিয়া) তা, যোগ্য বস্তুতেই
তোর দৃষ্টি পড়েছে । এই আংটি থেকে যে কিরণের
ছটা বেরুচ্ছে, মনে হচ্ছে যেন ফুল থেকে ফুলের রেণু
চারিদিকে ছড়িয়ে পড়চে—আর তোর হাতে যেন
দিব্যা একটি ফুল ফুটে আছে ।

দ্বিতীয়া।—তুই কোথায় যাচ্ছিলি ?

প্রথমা।—দেবীর কথামত নাট্যাচার্য্য গণ-
দাসকে জিজ্ঞাসা করতে যাচ্ছি, মালবিকার কত দূর
শিক্ষা হল ।

দ্বিতীয়া।—সখি, তিনি যেখানে থেকে শিক্ষা
করেন, সে তো বড় নিকটে নয়, তবে কি করে
মহারাজ তাঁকে দেখতে পেলেন ?

প্রথমা।—দেবীর চিত্রের পাশে যে চিত্রটি আছে,
সেই চিত্রেতে তিনি তাঁকে দেখেচেন ।

দ্বিতীয়া।—কেমন করে ?

প্রথমা।—শোনু তবে বলি । দেবী যে সময়ে
চিত্রশালায় গিয়ে আচার্য্যের টাটকা-রং-করা চিত্রখানি
দেখ ছিলেন, সেই সময় সেইখানে মহারাজ এসে উপ-
স্থিত হলেন ।

দ্বিতীয়া।—তার পর—তার পর ?

প্রথমা।—অভ্যর্থনাদির পর, তাঁরা একাসনে
জুজনে বসলেন । তার পর, চিত্র-লিখিত দেবী-মূর্তির
পাশে যে সকল পরিচারিকাদের চিত্র ছিল, তার মধ্যে
মালবিকাকে দেখতে পেয়ে মহারাজ দেবীকে জিজ্ঞাসা
করলেন ।

দ্বিতীয়া।—কি জিজ্ঞাসা করলেন ?

প্রথমা।—দেবীর পাশে এই যে অপূর্ব কণ্ঠাটিকে
চিত্র করা হয়েছে, এর নাম কি ?—এই কথা জিজ্ঞাসা
করলেন ।

দ্বিতীয়া।—রূপের আদর দেখিচি সর্বত্রই । তার
পর—তার পর ?

প্রথমা।—দেবী তাঁর কথায় উত্তর না দেওয়ায়,
রাজার সন্দেহ উপস্থিত হল, তখন আরও তিনি পুনঃ
পুনঃ আগ্রহের সহিত জিজ্ঞাসা করিতে লাগলেন ।
কুমারী বহুলক্ষ্মী উত্তর করলেন, “মহারাজ ! এর
নাম মালবিকা” ।

দ্বিতীয়া।—(স্মিত) কথাটা বালিকার মতই
হয়েছে—তার পর কি হল শুনি ?

প্রথমা।—আর কি হবে, সে যাতে মহারাজের
দৃষ্টি-পথে না পড়ে, এখন বিধিমেতে সেই চেঁচাই হচ্ছে ।

দ্বিতীয়া।—ওলো, এখন তবে দেবী যা বলে’ দিয়ে-
ছেন, তাই তুই কর্ গে । আমিও এই আংটিট নিয়ে
দেবীর কাছে যাই ।

[প্রস্থান ।

দৃশ্য—নাট্যশালার দ্বার-দেশ

প্রথমা।—(পরিক্রমণ ও অবলোকন করিয়া)
এই যে, নাট্যাচার্য্য গণদাস সঙ্গীত-শালা থেকে বেরু-
চ্ছেন । এই সময়েই তবে তাঁর সঙ্গে দেখা করি ।

(গণদাসের প্রবেশ)

গণ।—সকলের কাছেই আপন-আপন কুলবিদ্যা
আদরের সামগ্রী । তাই নাট্যকলার প্রকৃত গৌরব
আমরাই বুঝি । দেখ, নাটক :—

দেবের বাঞ্ছিত অতি, নেত্র-তৃপ্তিকর যজ্ঞ

বলে মুনিগণ ।

রুদ্র এরে নিজ অঙ্গে, হর-গৌরী হুইভাগে

করেন স্থাপন ।

ত্রৈগুণ্য-সমুদ্ভব, নানা-রস-সমম্বিত,

লোকের চরিত কত ইথে প্রদর্শিত ।

বহুবিধ প্রকারের ভিন্নরূচি মানবের, সবারি

সমান প্রিয়—সর্ব-আরাধিত ॥

বকুলা।—(নিকটে আসিয়া) আচার্য্য মহাশয় !

প্রণাম ।

গণদাস।—ভদ্রে ! চিরজীবী হও ।

বকুলা।—আচার্য্য মহাশয়কে দেবী এই কথা

জিজ্ঞাসা করচেন, মালবিকার শিখতে বেশি ক্রেশ
হচ্ছে না তো ?

গণ।—ভদ্রে! দেবীকে বোলো, মালবিকা
শিক্ষায় বিলক্ষণ নিপুণা ও মেধাবিনী। অধিক আর
কি বলব,—

অভিনয়ে ভাব-শিক্ষা

আমি যাহা দিই গো বালারে
তাহাতে অধিক করি'

প্রতি-শিক্ষা দেয় সে আমারে।

বকুলা।—(স্বগত) ইনি দেখি ইরাবতীকেও
ছাড়িয়ে উঠেচেন। (প্রকাশে) কৃতার্থ আপনার
শিষ্য যার প্রতি গুরুজন এরূপ তুষ্ট।

গণ।—ভদ্রে! অমন বস্তু এ সংসারে অতি
ছলভ। তাই জিজ্ঞাসা করচি, কোথা হতে দেবী
এমন যোগ্য পাত্রটিকে পেলেন ?

বকুলা।—দেবীর বীরসেন নামে বর্ণতঃ-নিকুণ্ড
এক ভ্রাতা আছেন। মহারাজ তাঁকে নন্দনা-তীরে
সীমান্ত-প্রদেশের দুর্গ-রক্ষণে নিযুক্ত করেছেন।
তিনিই এই কন্যাটিকে শিল্প-কলায় যোগ্যা মনে
করে'—নিজ ভগিনী—দেবীর নিকট উপহার-স্বরূপ
পাঠিয়েছেন।

গণ।—(স্বগত) এঁর অসাধারণ রূপ দেখে মনে
হয়, ইনি কুলশীলে আদৌ নিকুণ্ড নন। (প্রকাশে)
ভদ্রে! আমার মনে হয়, ওঁকে শিক্ষা দিয়ে আমি
যশস্বী হব। যেহেতু :—

শিক্ষকের শিল্প-শিক্ষা, সুপাত্রে হইলে ন্যস্ত

ধরে গুণ কত।

সাগর-শুক্তিতে যথা, মেঘ-জল মুক্তারূপে

হয় পরিণত ॥

বকুলা।—আচ্ছা, আপনার শিষ্য এখন কোথায় ?

গণ।—এইমাত্র আমি পঞ্চাঙ্গাদি অভিনয় সম্বন্ধে
উপদেশ দিয়ে, তাঁকে একটু বিশ্রাম করতে বলায়
তিনি এখন "দীর্ঘিকাবলোকন" গবাক্ষে গিয়ে বায়ু
সেবন করচেন।

বকুলা।—আচার্য্য মহাশয়! আমাকে অনুমতি
করুন, আপনি তাঁর উপর সন্তুষ্ট হয়েছেন, এই কথা
বলে তাঁর উৎসাহ বর্ধন করি।

গণ।—আচ্ছা যাও, তোমার সখীর সঙ্গে সাক্ষাৎ

কর গে। আমি এখন একটু অবসর পেয়েছি—এই
বেলা আমিও গৃহে যাই।

[প্রস্থান।

ইতি মিশ্র-বিদ্বম্বক।

দৃশ্য—রাজ-প্রাসাদ

রাজা আসীন—মন্ত্রী পত্র-হস্তে পশ্চাতে বসিয়া—
এবং পরিজন একান্তে অবস্থিত।

রাজা।—(মন্ত্রী পত্র পাঠ করিয়াছেন অবলোকন
করিয়া) বাহতক! বৈদর্ভের অভিপ্রায় কি ?

অমাত্য।—মহারাজ! অভিপ্রায়—আত্ম-বিনাশ।

রাজা।—এখন তিনি কি লিখছেন, বল দেখি।

অমাত্য।—প্রত্যুত্তরে তিনি এইরূপ লিখেছেন ;—

"মহারাজ! আপনি আমাকে আদেশ করিয়াছেন
যে :—"তোমার পিতৃব্যপুত্র কুমার মাধবসেন, বৈবা-
হিক সম্বন্ধ বন্ধন করিতে প্রতিশ্রুত হইয়া আমার
সমীপে আসিতেছিল। পথিমধ্যে তোমার সীমান্ত-
প্রদেশ-রক্ষক অন্তপাল তাহাকে অবরোধ-পূর্বক ধৃত
করিয়াছে। আমার অনুরোধে তাহাকে এবং তাহার
স্ত্রী ও ভগিনীকে তোমার মোচন করিতে হইবে"।
এতৎসম্বন্ধে আমার নিবেদন এই, তুল্য-কুলোৎপন্ন
রাজাদের প্রতি যেরূপ ব্যবহার করিতে হয়, আপনার
তাহা বিদিত নাই। অতএব এ স্থলে কাহারও পক্ষ
গ্রহণ না করিয়া, আপনার উদাসীনভাব অবলম্বন
করা বিধেয়। পুনশ্চ, মাধবসেনকে ধৃত করিবার
সময়, সেই গোলযোগে, তাহার ভগিনী নিকুদ্ধেশ হয়
—তাহার অন্বেষণার্থ আমি চেষ্টা করিব। যদি মহা-
রাজ আমাকে আদেশ করেন যে, মাধবসেনকে অব-
শুই তোমার মোচন করিতে হইবে, তাহা হইলে, এ
বিষয়ে আমার যা অভিপ্রায়, তাহা শ্রবণ করুন।

মৌর্য্য-মন্ত্রী শ্রীলা মোর, তাহার বন্ধন যদি

করেন মোচন,

আমিও করিব তবে, মাধবসেনের মুক্ত

শোনো গো রাজন্।"

রাজা। কি! আমার সঙ্গে সেই মূঢ়ের কার্য্য-
বিনিময়ের ব্যবহার! বাহতক! সেই বৈদর্ভ আমার

স্বভাব-শত্রু ও প্রতিকূলচারী। অতএব, আমাদের শত্রু-পক্ষ সেই বিষ্ণু-রাজের পূর্ব-সঙ্কল্প সমূলে উন্মূলন করবার জন্ত, বীরসেন-প্রমুখ সৈন্যমণ্ডলীকে এখনি আদেশ কর।

অমা।—যে আজ্ঞা মহারাজ।

রাজা।—তোমারই বা এ সম্বন্ধে অভিপ্রায় কি?

অমা।—মহারাজ শাল্ল-সম্বন্ধে কথাই বলেছেন। কেন না :—

যে আরতি স্বল্পকাল রাজ্যে অধিষ্ঠিত
—বন্ধমূল নহে প্রজাগণ,
শিথিল যেমতি বৃক্ষ—নূতন রোপিত,
সহজ তাহার উন্মূলন।

রাজা।—শাল্লকারদের কথা কখনই অশ্রুত হয় না। অতএব তুমি এই উপলক্ষে সেনাপতিকে উদ্বোধন করতে বল।

অমা।—যে আজ্ঞা মহারাজ।

[প্রস্থান।

পরিজন-বর্গ স্বয়ং কার্যে প্রবৃত্ত
হইয়া রাজার চতুর্দিকে
অবস্থান।

(বিদূষকের প্রবেশ)

বিদু।—মহারাজ আমাকে আজ্ঞা করলেন, “দেখ গৌতম! আমি শুধু মালবিকার চিত্রই যখন ইচ্ছা দেখতে পাই, এখন যাতে প্রত্যক্ষ দর্শন হয়, তার একটা উপায় চিন্তা কর”। আমিও তো তাঁর আজ্ঞামত কাজ করেছি। এখন তবে সেই কথা মহারাজকে নিবেদন করি।

(পরিক্রমণ)

রাজা।—(বিদূষককে দেখিয়া) এই যে আমাদের অস্ত্র কার্যের মন্ত্রী উপস্থিত।

বিদু।—(নিকটে গিয়া) শ্রীবুদ্ধি হোক!

রাজা।—(মাথা নাড়িয়া) এইখানে বোসো।

বিদু।—(উপবেশন)

রাজা।—কোন উপায়ে কোন বাঞ্ছিত বস্তু দর্শনে তোমার প্রজ্ঞাচক্ষু এখন ব্যাপ্ত আছে তো?

বিদু।—উপায়ের কথা কি বলছেন, কার্যসিদ্ধির কথা জিজ্ঞাসা করুন।

রাজা।—সে কি রূপ?

বিদু।—(কর্ণে) এইরূপ (প্রকৃত ঘটনা নিবেদন করিল)

রাজা।—সাধু বয়স! তুমি খুব নিপুণভাবে কার্যটা আরম্ভ করেছ যা হোক। উপস্থিত বিষয়ের সিদ্ধিলাভ হুঃসাধ্য হলেও, যেক্ষণ ভাবে আরম্ভ করেছ, তাতে কার্যসিদ্ধির আশা করা যেতে পারে। কেননা :—

প্রতিবন্ধ থাকিলেও, সাধনে সমর্থ হয়
জুটলে সহায়।
চক্ষু থাকিলেও ছাখো, দীপ-বিনা অন্ধকায়ে
দেখা নাহি যায় ॥

নেপথ্যে।—থাক থাক, ঢের হয়েছে—আত্ম-গরিমায় আর কাজ নেই। আমাদের মধ্যে কে শ্রেষ্ঠ, কে নিকৃষ্ট, রাজার কাছেই তার পরিচয় হবে।

রাজা।—(শুনিয়া) সখা! তোমার স্মৃতি-বৃক্ষের পুষ্প প্রক্ষুটিত হয়েছে দেখ্‌চি।

বিদু।—শুধু পুষ্প নয়, ফলও দেখতে পাবেন।

(কঙ্কুর প্রবেশ)

কঙ্কু।—মহারাজ! অমাত্য নিবেদন করছেন, প্রভুর আদেশমত কাজ করা হয়েছে। আর, হরদত্ত ও গণদাস এঁরা হুঃজনেই এসেছেন।

নাট্যাচার্য্য উভয়েই, পরস্পরে জিনিবারে
বিষম আগ্রহ।

দেখিবারে মহারাজে, ভাব যেন আসে করি
মূর্ত্তি পরিগ্রহ ॥

রাজা।—হৃজনকেই নিয়ে এসো।

কঙ্কু।—যে আজ্ঞে মহারাজ!

(প্রস্থান করিয়া তাহাদিগের সহিত পুনঃ প্রবেশ)

এই দিক্ দিয়ে আসুন, এই দিক্ দিয়ে আসুন।

হর।—(রাজাকে দেখিয়া) অহো! কি হরষি-গম্য রাজ-মহিমা!

নহে গো অপরিচিত—অপ্রিয়দর্শন
তবু ভীত হয়ে পার্শ্বে করি গো গমন।
সাগর-সলিল যথা হয় প্রতিক্রমে,
মহারাজ নিত্য নব আমার নয়নে ॥

গণ—পুরুষাকারে আবিভূত এই জ্যোতির
কি মাহাত্ম্য! দেখ না কেনঃ—

ধারীর নিকটে পেয়ে প্রবেশানুমতি
কঞ্চুকীর সাথে সাথে যেতেছি সম্প্রতি।
কিন্তু রাজ-দৃষ্টি-তেজে হেন হয় বোধ
—বিনা-বাক্যে যেন মোর গতি করে রোধ।

কঞ্চুকী।—ঐ মহারাজ; আপনারা উভয়ে
নিকটে অগ্রসর হোন।

উভয়ে।—(নিকটে গিয়া) মহারাজের জয়
হোক।

রাজা।—আসতে আজ্ঞা হোক। (পরিজনের
প্রতি দৃষ্টিপাত করিয়া) আচার্য্য মহাশয়দের জ্ঞ
আসন।

উভয়ে।—(পরিজন-আনীত আসনে উপবেশন)

রাজা।—শিষ্যদের এই উপদেশ দেবার সময়ে,
আপনারা উভয়ে একত্র কি জ্ঞ এখানে উপস্থিত
হলেন বলুন দিকি ?

গণ।—মহারাজ শ্রবণ করুন। আমি সদগুরু
নিকটেই অভিনয় শিক্ষা করেছি। অভিনয়ের শিক্ষাও
দিয়েচি। আর, মহারাজ ও দেবী দুজনেরই আমার
প্রতি যথেষ্ট অনুগ্রহ।

রাজা।—হাঁ, সে বেশ জানি। তার পর কি ?

গণ।—এই হরদত্ত, প্রধান পুরুষগণের সমক্ষে
এই বলে' আমাকে অবমানিত করেছে—“এ ব্যক্তি
আমার পদ-রজেরও তুল্য নয়।”

হর।—মহারাজ! এই গণদাসই প্রথমে আমার
নিন্দা করেছে। ও বলে, আমাতে ওতে সমুদ্র-পল্লভের
প্রভেদ। অতএব মহারাজ, শাস্ত্রে ও অভিনয়-
বিষয়ে আমাদের উভয়ের পরীক্ষা গ্রহণ করুন।
মহারাজই এ বিষয়ের বিশেষজ্ঞ, আপনিই প্রশ্ন করে'
আমাদের বিবাদ মীমাংসা করুন।

বিদু।—এ কথা যুক্তি-সঙ্গত।

গণ।—এ বেশ কথা। মহারাজ! তবে অব-
ধান পূর্বক শুনতে আজ্ঞা হোক।

রাজা।—আচ্ছা, একটু রোসো। দেবী এ
বিষয়ে পক্ষপাত মনে করতে পারেন। অতএব,
পণ্ডিত কৌশিকীর সহিত তাঁর সমক্ষেই এ বিষয়ের
বিচার হওয়া ভাল।

বিদু।—আপনি ঠিক বলেছেন।

আচার্য্যদ্বয়।—মহারাজের যেরূপ অভিরূচি।
রাজা।—দেখ মোকাল্য! উপস্থিত প্রস্তাব নিবে-
দন করে' পণ্ডিতা কৌশিকীর সহিত দেবীকে এইখানে
আহ্বান কর।

কঞ্চু।—যে আজ্ঞা মহারাজ।

(প্রস্থান করিয়া পরিত্রাজিকা ও দেবীর সহিত
পুনঃ প্রবেশ)

এই দিকে দেবি, এই দিকে।

ধারিণী।—(পরিত্রাজিকার প্রতি দৃষ্টি নিক্ষেপ
করিয়া) ভগবতি! হরদত্ত ও গণদাস এই দু জনের
বিবাদটা কিরূপ বুঝছেন ?

পরি।—দেবি! স্বপক্ষের পরাজয় আশঙ্কা কর-
বেন না। প্রতিবাদী হরদত্ত অপেক্ষা গণদাস কোন
অংশেই হীন নন।

ধারিণী।—তা হলেও, হরদত্ত রাজার অনুগ্রহীত,
সুতরাং এ স্থলে হরদত্তেরই প্রাধান্য হবে।

পরি।—ভেবে দেখুন, আপনিও তো রাজী-
শব্দের বাচ্য। দেখুনঃ—

ভানুর কুপায় অগ্নি, অতিমাত্র উজ্জ্বলতা
করেন ধারণ।

নিশার সঙ্গম-গুণে শশাঙ্কেরো হয় কত
মহিমা-বর্ধন ॥

বিদু।—দেখুন দেখুন! দেবী ধারিণী, মহা-
রাজেরই পৃষ্ঠ-পোষক পণ্ডিতা কৌশিকীকে নিয়ে
উপস্থিত হয়েছেন।

রাজা।—আমি দেবীকে কিরূপ ভাবে দেখছি
জান ?

যতি-বেশী কৌশিকীর সন্মিলনে, সুমঙ্গলে
অলঙ্কৃত সতী।

অধ্যাত্ম-বিচার সনে, শোভে যেন বেদ-বিদ্যা
হয়ে মূর্ত্তিমতী ॥

পরি।—(নিকটে আসিয়া) মহারাজের জয়
হোক।

রাজা।—ভগবতি! প্রণাম।

পরি।—মহাসার-সমুদ্ভবা, সম ক্ষমাবতী উভে
দেবী ও পৃথিবী।

ধারিণী ধরণী এই উভয়ের পতি হয়ে
হও দীর্ঘজীবী ॥



ধারি।—জয় হোক আর্ধ্যপুত্রের।

রাজা।—এসো দেবি, এসো। (পরিব্রাজিকাকে অবলোকন করিয়া) ভগবতি! আসন গ্রহণ করুন।

(সকলের যথোচিত উপবেশন)

রাজা।—ভগবতি! এই মাননীয় হরদত্ত ও গণ-দাস এঁরা পরস্পর প্রয়োগ-বিজ্ঞা লয়ে বিবাদে প্রবৃত্ত হয়েছেন। এই বিবাদে আপনাকে মীমাংসাকারীর পদ গ্রহণ করতে হবে।

পরি।—(সম্মিত) উপহাস করবেন না, নগর থাকতে গ্রামে রত্নপরীক্ষা?

রাজা।—তা নয়। আপনি পণ্ডিতা কৌশিকী—আমি ও দেবী আমরা উভয়েই এক এক জনের পক্ষপাতী।

আচার্য্য-দ্বয়।—মহারাজ ঠিক বলেছেন। ভগবতী অপক্ষপাতী মধ্যস্থা, ওঁরই মীমাংসা করা কর্তব্য।

রাজা।—আচ্ছা, এখন বিবাদটা কি বল দিকি।

পরি।—দেখুন মহারাজ! নাট্যশাস্ত্র অভিনয়-প্রধান—এ বিষয়ে বাক্য ব্যবহারে কি ফল? এ বিষয়ে দেবীর মত কি?

দেবী।—যদি আমরা জিজ্ঞাসা করেন, এঁদের এই বিবাদটা আমার ভাল লাগে না।

গণ।—দেখুন দেবি! অভিনয়-বিজ্ঞায় ওঁর চেয়ে কিছুমাত্র হীন বলে' আমাকে মনে করবেন না।

বিদু।—বেশ তো, ম্যাডার লড়াইটা দেখা যাক না। নৈলে এদের কথা বেতন দিয়ে ফল কি?

দেবী।—তুমি দেখি নিতাস্ত কলহ-প্রিয়।

বিদু।—দেবি! রাগ করবেন না—আমার বলবার অভিপ্রায় তা নয়। কিন্তু পরস্পর কলহ-প্রিয় হস্তি-যুথের মধ্যে একপক্ষ পরাজিত না হলে শান্তির সম্ভাবনা কোথায়?

রাজা।—ভগবতী অবশ্যই দেখেছেন, উভয়েরই অভিনয়োপযোগী অনসৌষ্ঠব অতি চমৎকার।

পরি।—দেখেচি বৈ কি।

রাজা।—তবে এখন ওঁদের কি দেখে বুঝবেন, দুয়ের মধ্যে কে শ্রেষ্ঠ?

পরি।—তবে, আমি এইটুকু বলতে ইচ্ছা করি:—

কোন শিক্ষকের ক্রিয়া বদ্ধ আপনাতে, কেহ বা বিশেষ দক্ষ অঙ্কুরে শিখাতে।
দুয়েতেই নিপুণতা থাকে গো যাহায়
গুরু-মধ্যে অগ্রগণ্য লোকে বলে তায়।

বিদু।—আপনারা উভয়েই তো ভগবতীর কথা শুনলেন। উপদেশ দেখেই মীমাংসা হতে পারে—পণ্ডিতার কথার এই তাৎপর্য্য।

হর।—এতে আমাদের খুব মত আছে।

গণ।—দেবি! এই কি স্থির হল?

দেবী।—কিন্তু যদি স্বল্পমেধা শিষ্যের দ্বারা উপদেশের কলঙ্ক হয়, তা হলে কি সে উপদেশের দোষ?

রাজা।—দেবি! সে কথা ঠিক।

গণ।—শিক্ষক যদি যোগ্যপাত্র নির্বাচন না করতে পারে, তাতে শিক্ষকের বুদ্ধিহীনতাই প্রকাশ পায়।

দেবী।—(স্বগত) এখন কি করা যায়? আর্ধ্যপুত্রের মনোরথ পূর্ণ করলে ওঁর ওঁসুক্য আরো বৃদ্ধি হবে—(প্রকাশে) আপনি এই বিফল চেষ্টায় ক্ষান্ত হোন।

বিদু।—আপনি ঠিক বলেছেন। ওহে গণদাস! তুমি সঙ্গীতসেবা করে' সরস্বতীর প্রসাদ স্বরূপ তাঁর প্রদত্ত সরল মোদক তো প্রতিদিনই আশ্বাদন করে' থাকো, তোমার এই শুক বিবাদে প্রয়োজন কি?

গণ।—দেবীর কথাই সত্য। তবে, এই অবসরে আমি একটা কথা বলে' নি।

হয়েছি প্রতিষ্ঠাপন্ন এই ভাবি মনে
যাহার বিবাদে ভয় অপরের সনে,
পর-পরিবাদ যে গো সহি' অকাতরে
শাস্ত্রচর্চা করে শুধু জীবিকার তরে,
জ্ঞানের বিক্রেতা সে যে—জ্ঞানই তার পণ্য
—বণিক বলিয়া সে গো লোক-মাঝে গণ্য।

দেবী।—আপনার শিষ্য অন্নদিন হল, শিক্ষা আরম্ভ করছেন। বা উপদেশ পেয়েছেন, তাতে এখনও পরিপক্ব হন নি—অতএব সকলের সমক্ষে তাঁর শিক্ষার পরিচয় দেওয়াটা এখন সঙ্গত বলে' মনে হয় না।

গণ।—সেই জন্মই তো আমার এত আগ্রহ।
দেবী।—আচ্ছা, তবে আপনারা উভয়েই এই ভগবতী পরিব্রাজিকার নিকট আপনাদের উপদেশের পরিচয় দিন।

পরি।—দেবি! এ কথা ত্রায়-সঙ্গত নয়। সর্বজ্ঞ হলেও, একাকী একরূপ বিষয়ের মীমাংসা করা দোষের বিষয়।

দেবী।—(স্বগত) মূর্খ! আমি জেগে আছি ঘুমোই নি। জাগ্রত লোককে ঘুমন্ত বলে মনে করো না। (অস্থয়া-বশে মুখ ফিরাইয়া)

রাজা।—(দেবীর একরূপ ভাবভঙ্গী পরিব্রাজিকাকে ইঙ্গিতে প্রদর্শন)

পরি।—(দেখিয়া)

অকারণে চন্দ্রাননে! বল দেখি কেন হও

পরাস্থখী মহারাজ প্রতি?

পতি থাকিলেও বশে, পতি-পরে অকারণে

কোপ নাহি করে কুলবতী ॥

বিদু।—ওগো! এর একটু কারণ আছে। দেখুন, আত্ম-পক্ষ রক্ষা করা সকলেরই কর্তব্য। (গণ-দামের প্রতি দৃষ্টিপাত করিয়া) ভাগ্যি দেবী কোপ করেছেন, তাই তো ছুতো করে তুমি বেঁচে গেলে। সুশিক্ষিত হলেও উপদেশ দেওয়া দেখেই সকলের গুণাগুণ নির্ণয় হয়।

গণ।—দেবি! লোকে এইরূপেই আত্মপক্ষ রক্ষা করে বটে। আমি তবে:—

এই বিবাদের স্থলে, শিষ্য আনি' করিব গো
শিক্ষা-প্রদর্শন।

আজ্ঞা যদি নাহি দেন, বুঝিলাম করিলেন
আমারে বর্জন ॥

(আসন হইতে উত্থান)

দেবী।—(স্বগত) কি করা যার—উপায় কি?
—(প্রকাশে) শিষ্যের উপর শিক্ষকের সম্পূর্ণ প্রভুত্ব আছে।

গণ।—পাছে আমি অপদস্থ হই, আমার বরাবর সেই আশঙ্কা ছিল। এখন সে আশঙ্কা দূর হল। (রাজার প্রতি দৃষ্টিপাত করিয়া) দেবীর অনুমতি হয়েছে—এখন মহারাজ আজ্ঞা করুন, কোন্ অভিনয়-বস্ত্র অবলম্বন করে উপদেশ দেওয়া যাবে।

রাজা।—ভগবতী যা আদেশ করেন।

পরি।—দেবীর মনে মনে যেন কি একটা রয়েছে।—তাই আমার শঙ্কা হচ্ছে।

দেবী।—আপনি নির্ভয়ে বলুন—আমার পরি-জ্ঞানের আমিই তো প্রভু।

রাজা।—প্রিয়ে! তুমি আমারও তো প্রভু।

দেবী।—ভগবতি! এখন বলুন, কি বিষয়ে উপদেশ দেওয়া যাবে।

পরি।—মহারাজ! চতুর্পদীযুক্ত চলিত নামক এক প্রকার নাটক আছে। সেই একই নাটকের অভিনয় দুজনেই করুন, আমি দেখি। তা হ'লেই এঁদের মধ্যে উপদেশের তারতম্য বুঝতে পারা যাবে।

আচার্য্যদ্বয়।—যে আজ্ঞে ভগবতি।

বিদু।—আচ্ছা, তবে দুজনেই এখন প্রেক্ষাগারে গিয়ে সঙ্গীতাদি রচনা করে, মহারাজের নিকট সংবাদ পাঠিয়ে দিন। অথবা মুদঙ্গ-শব্দ শুনলেই আমরা বুঝব, সব প্রস্তুত—আমরা অমনি উঠে পড়ব।

হরদত্ত।—সেই ভাল। (উত্থান)

গণদাস।—(ধারিণীকে অবলোকন)

দেবী।—বিজয়ী হোন্। আমি আপনারই জয়-প্রার্থী।

[আচার্য্যদ্বয়ের প্রস্থান।

পরি।—আপনারা দুজনে এই দিকে একবার আসুন।

আচার্য্যদ্বয়।—(কিরিয়া) কি বলুন।

পরি।—আমার উপর বিচারের ভার; তাই আপনাদের বল্টি, যাতে সর্বদ্বয়ের সৌন্দর্য্য ব্যক্ত হয়, এইরূপ ভাবে পাত্রদের নিয়ে আসবেন, বেশি বেশ-ভূষায় সাজিয়ে আনবেন না।

উভয়ে।—এ কথা আমাদের আর বলতে হবে না।

[প্রস্থান।

দেবী।—(রাজাকে দেখিয়া) মহারাজ! একরূপ নিপুণতা তোমার রাজকার্য্যে থাকলে শোভা পেত।

রাজা।—অন্ত কিছু ভাবিও না, ওগো মনস্বিনি!

বেশ জেনো, এ সমস্ত আমি ঘটাই নি।



সম-বিদ্যাশালী হয় যে সকল জন
পরস্পর-বশে দীর্ঘা করে সর্কক্ষণ।

(নেপথ্যে মৃদঙ্গ ধ্বনি)

সকলে।—(কর্ণপাত)
পরি।—এই যে, সঙ্গীত আরম্ভ হয়েছে দেখ চি।
তাই :—

মেঘ-ধ্বনি অনুমান করিয়া অন্তরে
ময়ূর উদ্‌গ্রীব হয়ে ডাকে উচ্চঃস্বরে।
মিশি' সে ময়ূর-রবে—মধ্য-স্বরোথিত—
গম্ভীর মৃদঙ্গ-ধ্বনি হইয়া বদ্ধিত
সকলের চিত্ত এবে করে আনন্দিত।

রাজা।—দেবি! চল, আমরা সবাই মিলে সেই-
খানে যাই।

দেবী।—(স্বগত) ওঃ! মহারাজের কি অধীরতা!
(সকলের গাত্রোথান)

বিদু।—(চুপি চুপি) একটু ধীরে ধীরে গমন
করুন—ওরূপ বাস্তবাবে দেখে দেবী ধারিণী না
আবার বৈকে বসেন।

রাজা।—যদিও ধৈর্য ধরি' আছে মোর চিত্ত
মৃদঙ্গের ধ্বনি তবু করে ত্বরান্বিত।
মনোরথ-শব্দ যেন শুনি গো উহাতে,
নাবে যেন পূত-গতি মোর সিদ্ধিপথে।
[সকলের প্রস্থান।

ইতি প্রথমঙ্ক।

দ্বিতীয় অঙ্ক

দৃশ্য—সঙ্গীত-শালা

অনন্তর সঙ্গীত রচনা হইলে, ধারিণী, পরিব্রাজিকা
ও পরিজনবর্গ-পরিবৃত হইয়া বয়স্কের সহিত
রাজার প্রবেশ ও উপবেশন।

রাজা।—ভগবতি! এই মাননীয় আচার্য্যবৃষের
মধ্যে প্রথমে কার অভিনয় দেখা যাবে বলুন।

পরি।—উভয়ের জ্ঞান সমান হলেও, বয়োধিকো
গণদাস অগ্রগণ্য।

রাজা।—মৌদগালা! তবে তুমি মাননীয় আচার্য্য-
বৃষকে এই কথা বলে' অভিনয় আরম্ভ করিয়ে দেও।

বধু।—যে আজ্ঞা মহারাজ।

[প্রস্থান।

(গণদাসের প্রবেশ)

গণ।—শম্ভিষ্ঠার প্রণীত মধ্যলয় ও চতুঃপদী-বিশিষ্ট
চলিত নামক নাটকটি তবে একমনে শ্রবণ করুন
মহারাজ।

রাজা।—দেখ আচার্য্য! এই নৃত্য-নাটকটি
আমার প্রিয়; আমি অবশ্য মনোযোগ দিয়ে শুনব।

গণ।— [প্রস্থান।

রাজা।—(অনাস্তিকে) দেখ সখা!
যবনিকা-অন্তরালে আছে যে সুবতী,
নয়ন দেখিতে তারে সমুৎসুক অতি।
হয়েছে আমার চিত্ত অধীর এমনি
ইচ্ছা হয় ছিন্ন করি এ তিরস্করিণী।

বিদু।—(চুপি চুপি) নয়নমধু সম্মুখে উপস্থিত,
মক্ষিকাও নিকটে। এখন তবে অপ্ৰমত্ত হয়ে দর্শন
করুন।

(আচার্য্য-কর্তৃক প্রত্যবেক্ষিত হইয়া অঙ্গমৌষ্ঠবা
মালবিকার প্রবেশ)

বিদু।—(অনাস্তিকে) মহারাজ দেখুন—অন্তর
অধীনে থাকলেও এ'র মাধুর্য্যের কিছুমাত্র হানি
হয় নি।

রাজা।—(চুপি চুপি) সখা!

চিত্তেতে হেরিয়া এ'রে

হয়েছিল শঙ্কা এই মনে

—অমন লাভণ্য-কাস্তি

মেলে কি না অ'সলের মনে।

এবে কিন্তু মনে হয়

—চিত্রকর চিত্র যে আঁকিল

পারে নি আঁকিতে ঠিক

মনোযোগে হইয়া শিথিল।

গণ।—বৎসে! ভয়-ব্যাকুলতা ত্যাগ করে'
প্রকৃতিহা হও।

রাজা।—(স্বগত) আহা! সকল অবস্থাতেই
এ'র রূপটি অনিন্দনীয়।

সুদীর্ঘ নয়ন দুটি,

শরদিন্দু-কাস্তি সম মনোহর মুখ,

নত-স্বক্ক বাহুবয়,
ঘন তুঙ্গ স্তনে ক্ষুদ্র হয়ে গেছে বুক ।
পার্শ্ব যেন চাঁচা-মাজা,
মুষ্টিমেয় মধ্যদেশ, বিশাল জঘন
কুটিল পদ-অঙ্গুলী,
মনে হয় নৃত্যচার্য্য মনের মতন
মনে মনে স্ফূর্তি আছে উহার গঠন ।
মাল।—(প্রথমে রাগের আলাপ করিয়া চতুর্পদ-
যুক্ত গানারম্ভ)

ছলিত বল্লভ মোর
ছাড়ো হৃদি! প্রত্যাশা তাঁহার ।
নাচে যে গো বাম নেত্র
—তবে আশা কর পুনর্কার ।
বহুপূর্বে দেখেছিহু
পুন যে গো সে মূর্তি নেহারি ।
পরাধীনী আমি নাথ,
তবু জেনো তৃষিতা তোমারি ॥
(যথা-রস অভিনয়ারম্ভ)

বিদু।—(চুপি চুপি) দেখুন মহারাজ! এই
চতুর্পদী অবলম্বন করেই উনি আপনার হস্তে আত্ম-
সমর্পণ করচেন ।

রাজা।—সখা! এইরূপই আমাদের হৃদয়ের
অবস্থা বটে । মালবিকা নিশ্চয় :—

“তৃষিতা তোমারি নাথ”—এই কথা গীত মাঝে
করিয়া বিশ্বাস
নিজ অঙ্গ-নিদর্শনে, করিলা মনের ভাব
বচনে প্রকাশ ।

ধারিণীর সঙ্গিকটে
না দেখিয়া প্রেম-সম্ভাবনা
এইরূপ কথাচ্ছলে
জানাইলা বলিত প্রার্থনা ।

(মালবিকা গীতান্তে প্রস্থানোত্ত)

বিদু।—ওগো, একটু দাঁড়াও । তোমার একটা
কাজে ভুল হয়ে গেছে । রোসো, ওঁকে একবার
জিজ্ঞাসা করি ।

গণ।—বৎসে! একটু দাঁড়াও, উপদেশ বিগুহ
হয়েছে কি না, জেনে তার পর যেও ।

(মালবিকার অবস্থান)

রাজা।—(স্বগত) আহা! সকল অবস্থাতেই
সুন্দরীর শোভা-সৌন্দর্য্যের বিকাশ হয় ।

ওই চারু বাম হস্ত—সুন্দর-বন্ধন—
করিয়াছে আহা কিবা নিতম্বে স্থাপন ।
দক্ষিণ হস্তটি দেখ কিবা অবস্থিত
—মুক্ত-ভাবে “শ্যামা”-শাখা যেন বিদগ্ধিত ।
পাদাদ্ভুষ্ঠ দিয়া পুষ্প আকর্ষণ করে,
দৃষ্টি নিপতিত সদা কুটিল-উপরে ।
ঋজুভাবে অবস্থিত নৃত্য-ভঙ্গিমা
দীর্ঘাকৃত অঙ্ক-বপু কিবা শোভা পায় ।

দেবী।—দেখ, গৌতম যা বলেন, তাই মহারাজের
মনে ধরে ।

গণ।—দেবি! তা নয় । মহারাজের জ্ঞান-
প্রভাবেই গৌতমের সূক্ষ্মদর্শিতা জন্মেছে ।

পণ্ডিতের সঙ্গসঙ্গে মন্দবুদ্ধি যে গো সেও
হয় তীক্ষ্ণবুদ্ধি
“কতক”-ফলের কষে আবিল জলের যথা
হয় পরিণতি ।

(বিদুষককে দেখিয়া) এ বিষয়ে আপনার বক্তব্য
কি শুনি ।

বিদু।—(গণদাসকে দেখিয়া) আগে কৌশি-
কীকে জিজ্ঞাসা করুন, তার পর আমি কার্য্যের যা
ব্যতিক্রম দেখেছি, তা বলব ।

গণ।—ভগবতি! যা দেখলেন, তাতে দোষ-
গুণ কি আছে বলুন ।

পরি।—যা দেখান হল, তা সমস্তই নির্দোষ ।
কেননা :—

না বলেও মুখে বাক্য, অঙ্গের বিক্ষেপে শুধু
গুঢ় অর্থ সম্যক সূচিত ।

পদস্থাস লয়যুক্ত, যেখানে যে রস তাহে
তন্ময়তা হয়েছে সাধিত ।

“শ্যামা”-শাখা হস্তভঙ্গি, মুহূর্ত্তে অভিনয়,
পাত্রদের ভাব-চেষ্টা যথাযথ করি’ প্রদর্শন
তাহাতে এমনি মুগ্ধ, অপর বিষয় হতে
চিত্তরে সবলে যেন করে আকর্ষণ ।

গণ।—মহারাজের অভিপ্রায় কি ?

রাজা।—স্বপক্ষে এত দিন আমাদের যে অভি-
মান ছিল, আজ তা শিথিল হয়ে গেল ।

গণ। আজ থেকে আমি প্রকৃত নাট্যাচার্য্য হলেম।

সেই গুরু-উপদেশ, বিগুণ নির্দোষ বলি'
একবাক্যে মানে সাধুগণ
অনলে কাঞ্চন-প্রায়, বিদ্বানের মাঝে যাহা
জ্ঞান নাহি হয় কদাচন ॥

দেবী।—আচার্য্য মহাশয়! পরীক্ষায় যেন
আপনার যশোরুদ্ধি হয়।

গণ।—দেবি!—আপনি যে আমাকে অনুগ্রহ
করেন, এই আমার যথেষ্ট সৌভাগ্য। (বিদুষককে
দেখিয়া) গোতম! তোমার অভিপ্রায় কি বল।

বিদু।—প্রথম উপদেশের সময় প্রথমেই তো
ব্রাহ্মণ-পূজা কর্তব্য—সেইটিই আপনার ভুল হয়ে
গেছে।

পরি।—এ প্রমাণ অভিনয়েরই অন্তর্গত বটে!
(সকলের হাত—মালবিকারও মুহু হাত)

রাজা।—(স্বগত) আমার যা দেখবার বস্তু,
তার সারটি এইবার চক্ষু দেখে নিলে।

আয়তাক্ষি-মুখে কিবা মুহুন্দ হাস,
দশনের শোভা তাহে দ্বিগুণ লক্ষিত।
সমগ্র কেশর যার না হয় প্রকাশ
—এ হেন পঙ্কজ যেন স্বল্প-বিকশিত ॥

গণ।—ওগো মহাব্রাহ্মণ! এই আমার প্রথম
অভিনয়-যজ্ঞ নয়, তা যদি হত, তা হলে অবশুই দক্ষিণা
দিয়ে সর্বপ্রথমে আপনার পূজা করুতাম।

বিদু।—আমি দেখছি, জলের পিপাসায়, শুষ্ক-
মেঘ-গর্জিত আকাশে চাতকবৃত্তি অব্যর্থন করেছি।

পরি।—তাই বটে।

বিদু।—যারা আমার ঠায় মুখ-শ্রেণীর অন্তর্গত,
পণ্ডিতদের কথাতেই তাদের প্রত্যয় জন্মে। দেখ,
ভগবতী ভাল বলেচেন, তাই আমি একে এই পারি-
তোষিকটি দিচ্ছি। (রাজার হস্ত হইতে বলয়
আকর্ষণ)

দেবী।—একটু রোসো, অন্যের গুণপনা না
জেনেই কি জন্তু তুমি ওকে আভরণ দান করচ?

বিদু।—পরের জিনিস বলেই দান করচি।

দেবী।—(আচার্য্যকে দেখিয়া) গণদাস আচার্য্য-
মহাশয়! আপনার শিষ্যের শিক্ষা তো দেখান
হয়েছে?

গণ।—বৎসে! এসো, আমরা তবে এখন যাই।

[আচার্য্যের সহিত মালবিকার প্রস্থান।

বিদু।—(জনান্তিকে) আমার বুদ্ধি-বলে আপ-
নার জন্তু এইটুকুই যা করিতে পেরেচি।

রাজা।—এ বড় “এইটুকু” নয়।

সে বাজার অন্তর্ধানে, নয়নের ভাগ্য মোর
হল অন্তমিত,

হৃদয়ের মহোৎসব, হৃদয় হইতে যেন

হল তিরোহিত,

ধৈর্যের দ্বার মোর, চিরকাল তরে হায়

হইল আবৃত।

বিদু।—(জনান্তিকে) আপনি দেখচি দরিদ্র
রোগীর মত বৈজ্ঞের কাছ থেকেই ঔষধ লাভ করতে
চান। কিন্তু সে বড় ছুঁটি।

(হরদত্তের প্রবেশ)

হর।—মহারাজ! এইবার অনুগ্রহ করে' আমার,
অভিনয় দর্শন করুন।

রাজা।—(স্বগত) যে জন্তু আমার অভিনয় দেখা,
সে কাজ তো হয়ে গেছে। (প্রকাশে) আমরা
আপনার অভিনয় দেখবার জন্তু উৎসুক হয়ে আছি।

হর।—অনুগ্রহীত হলেম।

নেপথ্যে।—জয় হোক, মহারাজের জয় হোক!
এখন মধ্যাহ্ন উপস্থিত।

দীর্ঘিকায় পদ্মিনীর পত্রচ্ছায়ে যত হংসকুল
নয়ন মুদিয়া আছে, খরতাপে হইয়া আকুল।

সৌধ-ছাদ—কপোতের পরিচিত যাহা গো বিশেষ
তাপের আধিক্য হেতু, এবে তাহে তাদের বিবেষ।

বুর্গমান বারিষত্ন, জলবিন্দু করে উজ্জ্বলিত,
চারি ধারে শিখিগণ ভ্রমিতেছে হইয়া ভূষিত।

সর্বগুণে গুণান্বিত তোমা-সম ওগো মহারাজ
কিরণে হইয়া পূর্ণ সূর্য্যদেব করেন বিরাজ!

বিদু।—আরে আরে! ব্রাহ্মণের ভোজনের বেলা
হয়ে গেছে। চিকিৎসকেরা ভোজন-বেলা অতিক্রম
করাটা অত্যন্ত দোষের বিষয় মনে করেন। এ বিষয়ে
হরদত্ত মহাশয়, আপনি কি বলেন?

হর।—এতে কি অজ্ঞের কোন কথা বলবার অব-
সর আছে?

রাজা।—(হরদত্তকে দেখিয়া) আচ্ছা, কাল

আপনার অভিনয় দেখা যাবে। এখন আপনি
বিশ্রাম করুন।

হর।—যে আজ্ঞা মহারাজ।

[প্রস্থান।

দেবী।—মহারাজ! এখন স্নানাদি কর গে।

বিদু।—আপনিও এই বেলা ভোজনের তাড়া
দিন।

পরি।—(গাত্রোথান করিয়া মহারাজের কল্যাণ
হোক।

[দেবীর সহিত প্রস্থান।

বিদু।—মহারাজ! মালবিকা শুধু রূপে নয়,
শিল্পেও অদ্বিতীয়।

রাজা।—সখা!

স্বভাব-সুন্দরী সে যে, সৌন্দর্য্যে নাহি কোন ছলা।
তাহে পুনঃ সংযোজিত সুকুমার বিজ্ঞানের কলা।
নিশ্চয় বিধাতা তারে করিলা নিৰ্ম্মাণ
সাক্ষাৎ কামের যেন বিষদিক্ত বাণ।

অধিক আর কি বলব—এখন আমার কি উপায়
করবে, তাই চিন্তা কর।

বিদু।—আপনিও আমার জ্ঞান একটু চিন্তা
করুন। দোকানে লোহার কড়া যেমন তেতে থাকে,
ক্ষুধায় আমারও তেমনি অন্তর্দাহ হচ্ছে।

রাজা।—হাঁ, তা বেশ বুঝি। কিন্তু দেখ,
তোমার সখার জ্ঞান একটু তৎপর হয়ে চেষ্টা করো।

বিদু।—সে কাজের ভারটা তো আমি নিয়েছি।
কিন্তু মেঘাবৃত জ্যোৎস্নার মত মালবিকা পরাধীনা—
সকল সময়ে তার দর্শন পাওয়া তো বড় সহজ নয়।
আর, বধ্যভূমিতে আমিষের লোভে ভীকু-স্বভাব শকু-
নিরা যেমন ছোঁ-ছোঁ করে বেড়ায়, আপনিও দেখছি
সেইরূপ হয়ে অতি কাতরভাবে কার্য্যসিদ্ধির জ্ঞান
আমার কাছে প্রার্থনা করছেন।

রাজা।—কাতর না হয়ে কি করি বল।

অস্তঃপুরে আছে ষত বনিতা আমার
চিত্ত মোর তাহাদের করি' পরিহার
একমাত্র তাহাতেই করেছে আশ্রয়
—সেই স্থলোচনা মোর কামনা-বিষয়।

[সকলের প্রস্থান।

ইতি দ্বিতীয় অঙ্ক।

তৃতীয় অঙ্ক

দৃশ্য—উদ্যান

(পরিব্রাজিকার পরিচারিকা সমাহিতার প্রবেশ)

সমা।—ভগবতী আজ্ঞা করেছেন, “দেখ সমাহি-
তিকে! মহারাজের বাগান থেকে একটা ডালিম
নিয়ে এসো।” এখন তবে, প্রমদবনের মালিনী মধু-
করিকা কোথায় আছে, একবার অব্বেষণ করে’ দেখি।
এই যে, ঐখানে মধুকরিকা স্বর্ণ-অশোকের গাছটি
দাঁড়িয়ে দাঁড়িয়ে দেখচে। আচ্ছা, তবে ওর কাছে
গিয়ে একটু আলাপ করা যাক।

(মালিনীর প্রবেশ)

সমা।—(নিকটে গিয়া) সখি! তোর বাগা-
নের কাজ বেশ চলচে তো?

মধু।—ও মা! এ কি! সমাহিতা যে! আয় লো
সখি, আয়।

সমা।—ওলো, ভগবতী আজ্ঞা করেছেন, আমার
মত লোকের শূন্য হাতে মহারাজের সঙ্গে দেখা করাটা
ভাল নয়। তাই মনে করছি, একটা ডালিম হাতে
করে’ দেখা করব।

মধু।—ডালিম তো তোর কাছেই আছে। সে
যাক, এখন জিজ্ঞাসা করি, যে ছই নাট্যাচার্য্যের মধ্যে
ঝগড়া হচ্ছিল, তাদের উপদেশ দেওয়া দেখে ভগবতী
কার প্রশংসা করলেন?

সমা।—উভয়েই শাস্ত্রবিৎ ও প্রয়োগ-নিপুণ।
কিন্তু শিষ্যের উৎকৃষ্ট শিক্ষা দেখে গণদাসের উপদেশ-
কেই ভাল বলা হল।

মধু।—আচ্ছা, মালবিকা-সংক্রান্ত একটা জনরব
কি শুনেছিস?

সমা।—শুনছি নাকি মালবিকার পরে মহা-
রাজের খুবই মন পড়েচে। কেবল, দেবী ধারিণীর
মন-রক্ষার জ্ঞান আপনার ইচ্ছামত কিছু করে’ উঠতে
পারছেন না। মালবিকাও মুচ্ছা যাবার মত হয়ে
দিন দিন মালতীমালার মত শুকিয়ে যাচ্ছে। এর
বেশি আর আমি কিছু জানিনে—এখন আমাকে
ছেড়ে দে সখি।

মধু।—এই ডালিম-সমেত ডালিম ফগটি তবে নিয়ে
যা।

সমা।—(গ্রহণ করিয়া) ওলো, সাধুজনের সেবারে
এর চেয়েও যেন তোর ভাল ফল লাভ হয়।
(প্রস্থানোচ্চতা)

মধু।—সই, একসঙ্গেই যাব। এই কনক-অশো-
কের ফুল হতে বিলম্ব হচ্ছে তাই দেবীর কাছে গিয়ে
এর ফল ধরাবার ঔষধের কথাটা জানিয়ে আসব।

সমা।—বেশ কথা।—তোরই তো এই কাজ।
[প্রস্থান।

ইতি প্রবেশক।

দৃশ্য—রাজ-প্রাসাদ

(বিদূষকের সহিত প্রেমাসক্ত রাজার প্রবেশ)

রাজা।—(আপনাকে দেখিয়া)
শরীর হতেছে কুশ, না লভিয়া প্রিয়ার সে
সুখ আলিঙ্গন।
নয়ন অশ্রুতে পূর্ণ, ক্ষণমাত্র নাহি হেরি'
সেই চন্দ্রানন।
কিস্ত সে মৃগাক্ষি-সনে, ঘটে নি মিলন—তবে
কিসের বিরহ?
নিষ্পৃহ ছিল এ হৃদি, এবে তবে পরিতাপ
কিসের তা' কহ ॥

বিদু।—অর্ধর্যা হয়ে কেন বুখা বিলাপ করচেন?
মালবিকার প্রিয়সখী বকুলমালিকার সঙ্গে আমার
দেখা হয়েছিল—তাকে আপনার বক্তব্য বিষয় শুনিয়ে
দিয়েছি।

রাজা।—তাতে সে কি বলে?

বিদু।—বলে :—“এই কথা মহারাজকে নিবেদন
কোরো—আমাকে যে এই কাজের ভার দিয়েছেন,
তাতে অহুগৃহীত হলেম। কিস্ত দেবী ধারিণী সেই
বেচারী মালবিকাকে বিশেষ করে' আগলে রেখেছেন।
আগলানো রক্ত তো সহজে পাওয়া যায় না, তবু আমি
সাধ্যমত চেষ্টা করব।”

রাজা।—ভগবন্ কামদেব! যাতে পদে পদে
বাধাবিঘ্ন, এমন একটি বিষয়ে তুমি আমার মনকে
আকৃষ্ট করে' এমনি বাণ প্রহার করচ যে, আমার
আর তিলার্কি কালবিলম্ব সহ্য হচ্ছে না। (সবিস্ময়ে)

মর্শাস্তিক হৃদয়ের পীড়া বা কোথায়
—আর সে কোথায় তব সুবিশ্বস্ত বাণ?
মুহু তীক্ষ্ণ তর লোকে বলে যে তোমায়
সত্য দেখি তোমাতে সে গুণ বিঘ্নমান।

বিদু।—আমি বল্চি শুধু, সেই কাজটা যাতে
সিদ্ধ হয়, তার উপায় আমি করেছি—আপনি এখন
বৈর্য্য অবলম্বন করুন।

রাজা।—আমার অভ্যস্ত উচিত রাজকর্মে আর
মন যাচ্ছে না—এই দিবাসরানে কোথায় গিয়ে এখন
সময় কাটাই?

বিদু।—আজই ইরাবতী, নববসন্তাগমে সুন্দর
রক্তাশোক ফুল নূতন ফুটেছে বলে' আপনাকে উপহার
দিয়েছেন, আর নিপুণিকার মুখে এই কথা বলে' পাঠি-
য়েছেন যে, “আর্য্যপুত্রের সঙ্গে দোলায় চড়তে আমার
আজ ইচ্ছা হয়েছে”—আপনিও তাতে প্রতিশ্রুত
হয়েছিলেন। অতএব চলুন, এখন প্রমদ-বনেই
যাওয়া যাক।

রাজা।—এখন তো পারচিনে।

বিদু।—কেন বলুন দিকি?

রাজা।—দেখ সখা! জীজ্ঞাতি স্বভাবতঃই
চতুরা। আমি বাহুতঃ আদর-যত্ন দেখালেও, তোমার
সখী কি জানতে পারবেন না, আমার হৃদয় অস্তুর
প্রতি আসক্ত? তাই, আমার মনে হয় :—

বরঞ্চ উচিত করা প্রণয় খণ্ডন

—খণ্ডনের থাকে সদা অনেক কারণ।

কিস্ত মনস্বিনী-প্রতি, করিলেও পূর্ক্সাপেক্ষা

যতন অধিক

হয় যদি ভাব-শূন্য, সে শুধু ভঙ্গতা মাত্র—

নহে তাহা ঠিক।

বিদু।—কিস্ত অন্তঃপুর-রমণীদের প্রতি দাক্ষিণ্য
সহসা পরিত্যাগ করা আপনার উচিত হয় না।

রাজা।—(চিন্তা করিয়া) আচ্ছা, তবে প্রমদ-
বনেই যাওয়া যাক। পথ দেখিয়ে নিয়ে চল।

বিদু।—এই দিকে মহারাজ, এই দিকে।

(উভয়ের পরিক্রমণ)

দৃশ্য—প্রমদ-বন

বিদু।—এই তো প্রমদ-বন। বায়ু-ভরে গাছের পাতাগুলি নড়চে—মনে হচ্ছে, যেন আঙ্গুল নেড়ে আপনাকে শীঘ্র আসতে বলছে।

রাজা।—(স্পর্শ অনুভব করিয়া) নিশ্চয়ই বসন্তের আবির্ভাব হয়েছে। সখা! দেখ:—

কোকিল উন্নত হয়ে, করিতেছে আশা কিবা
মধুর কুজন।
বলে যেন দয়া করি', "হতেছে তো সখ্য তব
মদন পীড়ন?"

চূত-পুষ্প-সুরভিত দক্ষিণ-পবন
সুখদ পরশে অঙ্গ জুড়ায় কেমন!
মনে হয়, মধুপাতু যতন করিয়া
সুখস্পর্শ করতল দেয় বুলাইয়া।

বিদু।—এইখানে তবে আরাম উপভোগ করুন।
(উভয়ের প্রবেশ)

বিদু।—মহারাজ, ভাল করে' একবার চেয়ে দেখুন। প্রমদ-বনলক্ষ্মী আপনাকে যেন প্রলোভিত করবার জন্তই এরূপ সুন্দর কুসুম-বেশ পরিধান করেছেন; এ বেশ দেখে যুবতীজনের বেশও লজ্জা পায়।

রাজা।—হাঁ, দেখে আমিও বিস্মিত হয়েছি।

রক্তাশোক-লতা যেন
বিষাধর-অলক্তকে করে তিরস্কার,
কুম্ব-শ্বেত-রক্তবর্ণ
কুরুবক-কাছে পত্র-লেখা মানে হার।
তিলকেরে পরাভবে', তিলক-কুসুম-লগ্ন
ভ্রমর-অঞ্জন,
বসন্তশ্রী এইরূপে, তুচ্ছ করে বামাদের
সুখ-প্রসাধন।

(উভয়ের উদ্গান-শোভা নিরীক্ষণ)

(পর্যুৎসুকা মালবিকার প্রবেশ)

মাল।—মহারাজের হৃদয় না জেনেই আমি মহারাজের অভিনয় হয়েছি, এতে আমি নিজেই লজ্জিতা। স্নেহময়ী সখীদের কাছেও এ কথা আমি বলতে পারিচিনে না জানি, এই অসহ্য মদন-বেদনা আমাকে কত কাল ভোগ করতে হবে। এর তো

কোন প্রতিকারও দেখি নে। (কিয়ৎপদ অগ্রসর হইয়া) কিন্তু আমি যাচ্ছি কোথায়? (চিন্তা করিয়া) হাঁ, দেবী আমাকে আজ্ঞা করেছিলেন:—“দেখ মালবিকে! গৌতমের নষ্টামিতে দোলা হতে পড়ে' গিয়ে আমার পায়ে বড় ব্যথা হয়েছে। তাই আমি আজ পারিচিনে, তুমি গিয়ে রক্ত-অশোকের সাধ দিয়ে এসো। যদি সে পাঁচ রাত্রির মধ্যে পুষ্প প্রসব করে, তা হলে তোমার (নিঃশ্বাস ফেলিয়া) অভিনয় পূর্ণ করে' পুরস্কার দেওয়াব।” আমি সেই অশোক-তলায় যেতে না যেতেই দেখছি, আমার পিছনে পিছনে নূপুর হাতে করে' বকুলাবলী এখনি এসে পড়বে। ততক্ষণ মুহূর্তের জন্ত মন খুলে বিলাপ করে' নি।

(পরিক্রমণ)

বিদু।—(দেখিয়া) মহারাজ! ঐ দেখুন, আপনার মত্ততা-শান্তির মিছরি এসে উপস্থিত!

রাজা।—ওহে! সে আবার কি?

বিদু।—পরিষ্কার-পরিচ্ছন্ন বেশ পরিধান করে' উৎকণ্ঠিত হ্রাস ঐ দেখুন, মালবিকা ঐখানে একা-কিনী দাঁড়িয়ে আছেন।

রাজা।—(সহর্ষে) কি?—মালবিকা?

বিদু।—হাঁ মহারাজ।

রাজা।—এখন তবে আমি জীবন ধারণ করতে সমর্থ হব।

সারসের কলনাদে, নদী অতি স্নিকটে
জানিতে পারিয়া
সলিলার্থী পথিকের অভিভূত হৃদি যথা
উঠে উচ্ছ্বাসিয়া,
সেইরূপ তব মুখে “আগত নিকটে প্রিয়া”
হইয়া বিদিত
অবসন্ন এ হৃদয় হইল আবার যেন
নূতন জীবিত।

—কোথায় তিনি?

বিদু।—ঐ দেখুন, উনি তরুরাজির মধ্য হতে বেরিয়ে এই দিকে ফিরলেন।

রাজা।—হাঁ, দেখতে পাচ্ছি বটে:—

বিপুল নিতম্বদেশ, ক্ষীণ মধ্যখান,
সমুন্নত পয়োধর, বিশাল নয়ান
—মালবিকা আবির্ভূতা হেথায় এখন
সাক্ষাৎ আমার যেন দ্বিতীয় জীবন।

সখা! পূর্বে একে যেরূপ দেখেছিলাম, তা
অপেক্ষা অনেক পরিবর্তন ঘটেচে দেখছি।

শর-পাণ্ডু গাণ্ডুল, আভরণ অতি পরিমিত,
বসন্তে সুপক পাতা, ছ' চারিটি পুষ্প অবস্থিত
—হেন কুন্দলতা সম এবে গো লক্ষিত।

বিদু।—ইনিও দেখছি আপনার শ্রায় মদন-
ব্যাধিতে অভিভূত।

রাজা।—সুহৃদের চক্ষে এইরূপই মনে হয়
বটে।

মাল।—এই সেই রক্ত-অশোকটি আমার সাধ
নেবার জন্ত অপেক্ষা করে' আছে—ফুল-বেশ ত্যাগ
করে' উৎকণ্ঠিত হয়ে আমার হৃৎখেরই যেন অনু-
করণ করচে। আমি ততক্ষণ এই অশোক-তরুর
শীতল ছায়াতলে শিলা-মঞ্চের উপর বসে' সময়
কাটাই।

বিদু।—শুনলেন?—উনি বলছেন, গুঁর হৃদয়
উৎকণ্ঠিত হয়েছে।

রাজা।—তোমার অনুমানটা ঠিক বলে' মনে
হচ্ছে না। কেন না:—

মন্দ মন্দ বহি' যবে মলয়-পবন
কুরুবক-পুষ্প-রেণু করিয়া বহন,
সলিল-শীকর আর লয়ে তার সঙ্গে
নবীন পল্লব-পুট ভেদ করে রঙ্গে,
তখন এমনি তো গো অতি অকারণ
চিত্ত-মাঝে উৎকণ্ঠা করে উৎপাদন।

মালবিকা।—(উপবিষ্টা)।

রাজা।—সখা! এসো, এখান থেকে আমরা
গিয়ে লতার আড়ালে যাই।

বিদু।—মহারাজ! ইরাবতীর মত যেন কাকে
একটু দূরে দেখতে পাচ্ছি।

রাজা।—দেখ সখা, কমলিনীকে দেখে হস্তী
কুস্তীরের প্রতি দৃকপাত করে না। (দাঁড়াইয়া
দর্শন)

মাল।—শ্রাথ! হৃদয়! যে অভিলাষের কোন
অবলম্বন নেই—যে অভিলাষ উচিত সীমা পর্য্যন্ত
লজ্বল করেছে—সে অভিলাষ হতে তুই নিবৃত্ত হ।
কেন আমাকে তুই বুঝা কেশ দিচ্চিস্ বন্ দিকি ?

বিদু।—(রাজার মুখ নিরীক্ষণ)

রাজা।—(স্বগত) দেখ, প্রেমের কি প্রভাব!

ব্যক্ত করিছ না প্রিয়ে উৎকণ্ঠা-কারণ,
বিতর্কেও নাহি হয় তত্ত্ব-নিরূপণ,
তথাপি, হৃদয়ে কেশ পাইছে নেহারি'
মনে হয় আমিই গো বিষয় তাহারি।

বিদু।—এখনি আপনার সকল সংশয় দূর হবে।
যার কাছে গোপনে আপনার প্রণয়-প্রস্তাব পাঠিয়ে
দিয়েছিলাম, সেই বকুলাবলিকা ঐ দেখুন এসে
উপস্থিত।

রাজা।—আমাদের প্রার্থনার বিষয়টা কি তার মনে
থাকবে ?

বিদু।—এমন গুরুতর প্রার্থনা দাসীবেটি কি ভুলে
যাবে ?

(নূপুর হস্তে বকুলাবলিকার প্রবেশ)

বকুলা।—সখি! ভাল আছ তো ?

মাল।—ও মা! বকুলা যে! এসো সখি, এসো।
এইখানে বোসো।

বকুলা।—ওলো! দেবী তোকে যোগ্য মনে
করেই এই কাজে নিযুক্ত করেছেন। এখন, তোর
একটি পা বাড়িয়ে দে দিকি। আয়, প্রথমে আলতা
দিয়ে, তার পর নূপুর পরিয়ে দি।

মাল।—(স্বগত) হৃদয়! আর সুখে কাজ নেই।
নূপুর নিয়ে ও তো এখানে এসে উপস্থিত—এখন
কেমন করে' ছাড়ান পাই?—আচ্ছা, এই তবে
আমার মৃত্যু-ভূষণ হোক।

বকুলা।—কি ভাবচিস্ বল দিকি? কবে এই
রক্ত-অশোকের ফুল ফুটবে, তার জন্ত দেবী যে তারি
উৎসুক হয়ে আছেন।

রাজা।—কি! অশোকের সাধ দেবার জন্ত এই
উদ্বোগ ?

বিদু।—আপনি কি জানেন না? দেবী কি
বিনা কারণেই গুঁকে অস্তঃপুর-বেশ পরিধান
করিয়েচেন ?

মাল।—(পা বাড়াইয়া) ওলো! আমাকে মাণ্ড
করিস্।

বকুলা।—তায় দোষ কি? তোতে আমাতে
তো এক-শরীর বন্ধেই হয়। (চরণ-সংস্কার আরম্ভ)

রাজা।—দেখ, সখা:—

প্রিয়া-পদ-প্রাক্ত-ভাগে, অলঙ্কর-সুরঞ্জিত
রক্তিম ও-লেখা,

হর-দণ্ড-কাম-তরু—তাহারি পল্লব নব
যেন যায় দেখা।

বিদু।—মহারাজ! ওঁর যেরূপ সুন্দর পা ছুখানি,
এ তারই উপযুক্ত অলঙ্কার।

রাজা।—তুমি ঠিক বলেছ।

কিশলয়-আরক্তিম, আর যাহে প্রস্কুরিত
নখের কিরণ

—হেন আর্দ্র পদ দিয়া ছুটিরে প্রহার করা
অতীব শোভন :—

অশোক দোহদ-কামী পুষ্প-বিরহিত,
আর, অপরাধী কান্ত মস্তক-নমিত।

বিদু।—আর কিছু দিন পরে নিশ্চয়ই আপনি
এঁর কাছে অপরাধী হতে পারবেন।

রাজা।—সিদ্ধিদর্শী ব্রাহ্মণের বাক্য শিরোধার্য
করলেম।

(দাসীর সহিত প্রমত্তা ইরাবতীর প্রবেশ)

ইরা।—ওলো নিপুণিকে! অনেকের কাছে
শুনেছি, মদটা জীজাতির বিশেষ অলঙ্কার। লোকের
এই কথাটা কি সত্য?

নিপু। প্রথমে ওটা লোকের কথামাত্র ছিল—
এখন দেখ্‌চি, সত্যি হয়ে দাঁড়িয়েছে।

ইরা।—অত ভালবাসা দেখিয়ে আমার আর
গুণকীর্তন করতে হবে না। কোথেকে জান্‌লি,
মহারাজ প্রথমে এসেই দোলা-ঘরে গেছেন?

নিপু।—ঠাকরণকে ছাড়া মহারাজ তো আর
কাউকে ভালবাসেন না—তাই মনে হল, তিনি
আগেই গেছেন।

ইরা।—আমার দাসী বলে' মন বুগিয়ে কথা
বলিস্‌ নে। একজন অপর লোকের মত ঠিক কথা
বল্‌!

নিপু।—বসন্ত-উৎসবের উপহার-লোভী গৌতম
ঠাকুর এই কথা আমাকে বলেছেন। এখন একটু
তাড়াতাড়ি চলুন।

ইরা।—(অবস্থা-সদৃশ পরিক্রমণ) ওলো!
মহারাজকে দেখ্‌বার জন্ত হৃদয় ব্যস্ত হয়েছে, কিন্তু
চরণ যে চল্‌চে না।

নিপু।—এই যে আমরা দোলা-ঘরে এসেছি।

ইরা।—নিপুণিকে! কৈ, মহারাজকে তো এখানে
দেখ্‌তে পাচ্চি নে।

নিপু।—ঠাকরণ, ভাল করে' দেখুন। বোধ হয়,
মহারাজ রক্ত করে' কোথাও লুকিয়ে আছেন।
আসুন, আমরা ঐ প্রিয়দুলতায়-ঢাকা পাথর-বাধানো
অশোক-তলায় যাই।

ইরা।—(তথা করণ)

নিপু।—(পরিক্রমণ পূর্বক দেখিয়া) দেখুন
ঠাকরণ, চুতালুর পাড়তে গিয়ে আমাদের ছজনকেই
পিপড়ে কামড়েচে।

ইরা।—ওখানে কি হচ্ছে?

নিপু।—বকুলাবলিকা অশোক গাছের ছায়ায়
মালবিকার পায়ে অলঙ্কার পরাচ্ছে।

ইরা।—(শঙ্কিত হইয়া) কি?—ঐ মালবিকার
পায়ে? এতে তোর কি মনে হয়?

নিপু।—আমার মনে হয়, দোলা থেকে পড়ে'
গিয়ে, দেবী ধারিণীর পায়ে বেদনা হয়েছে, তাই
বোধ হয়, মালবিকাকে দেবী অশোকের সাধ দিতে
বলেছেন। নৈলে যে নূপুর দেবী স্বয়ং পরেন, তা
কেমন করে' দাসীকে পরতে বলবেন?

ইরা।—ওর তো খুব মান বেড়েচে দেখ্‌চি।

নিপু।—ঠাকরণ! মহারাজকে অবেষণ করচেন
না কেন?

ইরা।—ওলো! আমার আর অণু দিকে পা
সরচে না। আমি যে আশঙ্কা কর্‌চি, তার শেষ
দেখে আমার যেতে হবে। আমি কেবল এখন তাই
ভাব্‌চি। (মালবিকাকে নিরীক্ষণ করিয়া স্বগত)
আমার হৃদয় যে কাতর হবে, তাতে আর আশ্চর্য্য
কি?—এই তার উপযুক্ত ক্ষেত্র বটে।

বকুলা।—(চরণ প্রদর্শন করিয়া) ঠাকরণ,
আলতা-পরানোটা কি তোমার মনে ধরেছে?

মাল।—নিজের পা বলে' প্রশংসা করতে আমার
লজ্জা হচ্ছে। যা হোক—কে তোমাকে সখি এ
বিচ্ছেটা শেখালে?

বকুলা।—এ বিষয়ে আমি মহারাজের শিষ্য।

বিদু।—এখন তবে একটু সহর হয়ে গুরু-
দক্ষিণাটা দিয়ে ফ্যালো।

মাল।—কি ভাগি, তোমার এতে কোন গর্ব্ব
নেই।

বকুলা।—গুরুর উপদেশে এই চরণ লাভ করেছি,
এখন আমি গর্ব্ব করতে পারি বটে। (স্বগত) এই-
বার আমার দূতিগিরি সফল হল। (পায়ে রং



দেখিয়া প্রকাশে) তোমার এক পায়ের আলতা পরানো হয়েছে— এখন কেবল মুখের ফুঁ দেওয়া বাকি, তা হলেই সব শেষ হয়। আর, তারও দরকার নেই—এখানে বেশ বাতাস আছে।

রাজা।—সখা! দেখ দেখ।

আর্দ্র অলঙ্কর এঁর, শুকাইতে পারি যদি
মুখের বাতাসে,
প্রথম সেবার কাজ নিষ্পন্ন হবে গো মোর
এই অবকাশে।

বিদু।—আর এখন আপশোসে দরকার কি?—
শীঘ্রই এ সেবার কষ্ট চিরকাল আপনার ভোগ করতে হবে।

বকুলা।—সখি! তোমার রাজা পা-তুখানি এখন রক্ত পদ্মের মত টুকটুকে হয়েছে। এইবার মহারাজের কোলে গিয়ে বোসো গে যাও।

ইরা।—(নিপুণিকার প্রতি দৃষ্টি নিষ্ক্ষেপ)

রাজা।—আমার পক্ষে এই আশীর্বাদ।

মাল।—ও কি অকথ্য কথা বলচ সখি?

বকুলা।—যা হক্ কথা, তাই বল্চি।

মাল।—তুমি আমাকে ভালবাস কি না, তাই—

বকুলা।—শুধু আমি যে ভালবাসি, তা নয়।

মাল।—আবার কে ভালবাসবে?

বকুলা।—গুণগ্রাহী মহারাজও তোমাকে ভালবাসেন।

মাল।—ও অলীক কথা কেন বলচ সখি?—
আমাতে কোন গুণ নেই।

বকুলা।—তোমাতে কোন গুণ নেই বটে,
তাই তো মহারাজের শরীর দিন দিন এরূপ পাণ্ডুবর্ণ
ও ক্লশ হয়ে যাচ্ছে।

নিপু।—আ। মোলো! পূর্বে হতেই যেন উত্তরগুল
ঠিক করে' রেখেছে।

বকুলা।—দেখ, ভালবাসা দিয়েই ভালবাসার
পরীক্ষা হয়—এই সূত্রের বাক্যটা এখন সখি তুমি
প্রমাণ করে' দেও দিকি।

মাল।—তুমি আপনার ইচ্ছামত যা-তা কি বল্চ?

বকুলা।—না সখি, না। এই ভালবাসার মূহমধুর
কথাগুলি অবিকল মহারাজেরই মুখের কথা।

মাল।—ওলো! দেবীকে মনে করে' এ কথা-
গুলি আমার হৃদয় বিশ্বাস করতে পারচে না।

বকুলা।—ওলো সরলে! ভ্রমরের বাধা আছে
বলে' কি বসন্তকালের নব চূত-মুকুলকে অঙ্গের ভূষণ
করবে না?

মাল।—তুমি তবে নষ্ট লোকের সহায়তা কর গে
যাও।

বকুলা।—দেখ, আমাকে যতই কটু কথা বল না
কেন, আমি বকুলাবলি—বিমর্দ-স্বরভি।—যতই
আমাকে রগড়াবে, ততই আমার সৌরভ বেরোবে।

রাজা।—বাঃ! বকুলাবলী বেশ বল্চে।

চিত্ত-ভাব পরীক্ষিয়া

তার পর করিল প্রস্তাব,

অগ্রাহ হইল দেখি,

দিল কি বা ঘরিত জবাব।

চতুর বচন-শ্রাসে

নিদেশ পালনে ও ঘে রতা।

কামীজন-প্রাণ সদা

দুতীর অধীন—সত্য কথা ॥

ইরা।—ওলো দেখ! বকুলাবলীকে দিয়ে মাল-
বিকা তো আপনার কাজ বেশ গুছিয়ে নিচ্ছে।

নিপু।—ঠাকরণ! যেরূপ ওর উপদেশ দেবার
রকমখানা, তাতে নির্বিকার ব্যক্তিরও মনে গুৎসুক্য
জন্মিয়ে দেয়।

ইরা।—আমার হৃদয় যা আশঙ্কা করেছিল, তা
দেখ্চি অকারণ নয়। সমস্তই বোঝা গেছে। এখন
কি কর্তব্য, ভেবে দেখি।

বকুলা।—এই তোর দুই পায়েরই আলতা
পরানো শেষ হল। (নূপুর পরাইয়া) ওলো! এই-
বার উঠে, দেবীর অশোক গাছের ফুল-ফোটাণো
কাজটা শেষ কর। (উভয়ের গাত্রোথান)

ইরা।—দেবীর কি কাজ, শুন্নি? আচ্ছা,
আপাতত কাজটা তো হয়ে যাক্।

বকুলা।—অনুরাগ-ভরে উপভোগের প্রত্যাশায়
দ্যাখ্ কে তোর সামনে উপস্থিত।

মাল।—(সহর্ষে) কি?—মহারাজ?

বকুলা।—(সম্বিত) না লো না, মহারাজ নয়—
অশোকের শাখা হতে যে পল্লব-গুচ্ছ বুলে আছে,
তার কথা বল্চি। সখি! এখন ফুল ফুটিয়ে ওকে
অলঙ্কৃত কর।

বিদু।—কথাগুলি আপনি কি শুনেছেন?

রাজা।—বা শুনেচি, কামী জনের পক্ষে তাই
যথেষ্ট।

এক পক্ষে থাকে যদি উদাসীন ভাব,
অন্য পক্ষে সোৎকর্ষ গাঢ় অনুরাগ,
এ বিরুদ্ধ স্থলে যদি

কোনরূপে ঘটে সম্মিলন,
সে সঙ্গম-স্থলে কভু
তৃপ্ত নাহি হয় মোর মন।

সম-অনুরাগী হয়ে
পরস্পরে যদিও না পায়
কায়া-নাশ হইলেও

তবু আমি ভাল বলি তায়।

মাল।—(পল্লব-ভূষণ পরিধান করিয়া লীলা-
সহকারে অশোকের প্রতি পাদ-প্রয়োগ)

রাজা।—সখা! দেখ :-

অশোকের কিশলয় করিয়া গ্রহণ
করিলেন ইনি নিজ কর্ণের ভূষণ
অশোক ও লভিল তাঁর চরণ-পল্লব
—পরস্পরে বিনিময় সদৃশ বিভব।
এই ব্যবহারে কিঙ্ক আমি গো চিন্তিত
মনে হয়, আমি বুঝি হলেম বঞ্চিত।

বকুলা।—সখি! এই অশোকটি তোমার চরণ-
সংকার লাভ করেও যদি কুমুম প্রসব না করে, তা
হলে বলতে হবে, ও নিজেই নিগুণ, তোমার কোন
দোষ নেই।

রাজা।—শোনো গো অশোক-তরু!
ক্ষীণ-মধ্য মালবিকা

—কোমল চরণ যার পঙ্কজ-নব-কলিকা—
চলিতে চলিতে করি' মুখর নুপুর-রব,
পরশিল তব অঙ্গ বাড়াইয়া গউরব।

এখন তাতেও যদি
নাহি ধর কুমুম-সম্পদ
বৃথা অন্ত-সাধারণ

আর যত কামিনী-দোহদ।

সখা! এইবার তাঁদের কথার অবসর বুঝে আমি
ত্রিখানে প্রবেশ করব মনে করচি।

বিদূ।—আম্বন, আমি গিয়ে তাঁর সঙ্গে একটু
পরিহাস করি।

(উভয়ের প্রবেশ)

নিপু।—ঠাকরণ! ঠাকরণ! মহারাজ এখানে
আসুচেন।

ইরা।—আমার হৃদয় এ কথা প্রথমেই জানতে
পেরেছিল।

বিদূ।—(নিকটে গিয়া) ওগো! প্রিয়বয়স্ক
অশোকটিকে বা পায় লাখি মারাটা তোমার কি
উচিত কাজ হয়েছে?

উভয়ে।—(সমভ্রমে) ও মা, মহারাজ যে!

বিদূ।—বকুলাবলিকে তুমি তো সব জান, তবে
কেন তাঁর এই ধুষ্টতা নিবারণ কর নি বল দিকি?

মাল।—(ভয়গ্রস্তা)

নিপু।—ঠাকরণ, গোতম-ঠাকুর কি করছেন
দেখুন।

ইরা।—এরূপ না করলে ও বিটলে বাওনের
জীবিকা নির্বাহ হবে কি করে?

বকুলা।—ঠাকুর! ইনি দেবী ধারিণীর আজ্ঞা-
মত কাজ করেচেন। তাঁর আজ্ঞা লঙ্ঘন করা তো
তাঁর সাধ্য নয়। তাই বলচি, মহারাজ যেন রাগ না
করেন।

(মালবিকার সহিত একত্রে বকুলাবলিকার প্রণিপাত)

রাজা।—তা যদি হয়, তা হলে তোমার কোন
অপরাধ নেই। ওঠো ভদ্রে! (হাত ধরিয়া উথা-
পন)

বিদূ।—ঠিক কথা, এ বিষয়ে দেবী ধারিণীর
সম্মান রক্ষা করাই কর্তব্য।

রাজা।—(হাসিয়া)

শোনো ওগো বিলাসিনি!

কিশলয়-সুকুমার ও বাম চরণ
ব্যথিত হয় নি কি গো

সুকঠোর তরুঙ্ককে করিয়া অর্পণ?

মাল।—(লজ্জিতা)

ইরা।—(অস্থয়া-সহকারে) ওঃ! মহারাজের
কি ধুষ্টতা!

মাল।—বকুলা! দেবী যে কাজের ভার দিয়ে-
ছিলেন, তা তো হয়ে গেছে—এখন তাঁকে জানিয়ে
আসি গে চল।

বকুলা।—মহারাজের কাছে এখন তবে বিদায়
নেও।

রাজা।—ভদ্রে!—যাচ্চ? এই অবসরে আমার প্রার্থনাটি তবে শেনো!

বকুলা।—(মালবিকার প্রতি) সখি! মনোযোগ দিয়ে শোনো। (রাজার প্রতি) কি আজ্ঞা হয়, বলুন।

রাজা।—বহুকাল হতে দেখ, এ জনেরো হয় নাই আশা-বৃক্ষে কুমুম-উদগম।

অনন্ত-রুচি যে আমি—স্পর্শামৃত দিয়ে তব সাধ মোর কর গো পূরণ ॥

ইরা।—(সহসা নিকটে আসিয়া) সাধ পূরণ কর গো, সাধ পূরণ কর। অশোকে ফুল ধরচে না—ওতে ফুল ফল ছই ধরবে।

সকলে।—(ইরাবতীকে দেখিয়া ভয়ে শশব্যস্ত)

রাজা।—(জনান্তিকে) এখন উপায় কি?

বিদু।—আর এখন উপায় কি—জ্ঞা-বলই এখন একমাত্র উপায়।

ইরা।—সাবাস্ বকুলাবলিকা! বেশ শুছিয়ে আরম্ভটা তো করেছ, এখন মহারাজের প্রার্থনাটা সফল কর।

উভয়ে।—ঠাকরণ! প্রসন্ন হোন্—রাগ করবেন না। মহারাজের ভালবাসা পাব, আমাদের এমন কি যোগ্যতা?

[উভয়ের প্রস্থান।

ইরা।—পুরুষেরা কি অবিখ্যাসী! আমি জানু-তেম না, ব্যাধের গানে মুগ্ধ-বিশ্বস্ত হরিণীর মত মহারাজের বাক্যে এইরূপ প্রতারণিত হব।

বিদু।—(জনান্তিকে) এখন কি উত্তর দেবেন, স্থির করুন। দেখুন, চৌধী-কার্যে ধরা পড়লে, চোরের বলুতে হয়, “আমি চুরি করতে আসি নি, সিঁধ-কাটা অভ্যাস করতে এসেছি”—

রাজা।—সুন্দরি! আমি মালবিকার জ্ঞা এখানে আসি নি। তবে, তোমার আসতে বিলম্ব দেখে, কোন প্রকারে সময় কাটানো যাচ্ছিল, এইমাত্র।

ইরা।—তুমি যত বিশ্বাসী, তা আমি জানি। আমি জানতেম না, মহারাজ, সময় কাটাবার এমন সুরেশ জিনিস পেয়েছেন। তা যদি জানতেম, তা হলে এত কষ্ট করে এখানে আসতেম না।

বিদু।—দেখুন, আপনি মহারাজের শিষ্টাচারে বাধা দেবেন না। উনি একজন পরিচারিকাকে

হঠাৎ এখানে দেখতে পেয়ে, ওর সঙ্গে একটু কথা কচ্ছিলেন, এতে যদি আপনি অপরাধ মনে করেন, তা হলে নাচার।

ইরা।—তা বেশ তো, কথাবার্তা চলুক না—আমার এখানে কষ্ট পাবার দরকার কি?

[রুগ্ন হইয়া প্রস্থান।

রাজা।—(অহুসরণ-পূর্বক) প্রিয়ে! রাগ কোরো না, রাগ কোরো না।

ইরা।—(মেথলাবন্ধ-চরণে গমন)

রাজা।—দেখ সুন্দরি! প্রণয়িজনে উদাসীন ভাব শোভা পায় না।

ইরা।—শঠ! তোমাকে আর বিশ্বাস নেই।

রাজা।—চিরপরিচিত প্রিয়ে আমি গো তোমার, শঠ বলি' যত ইচ্ছা কর তিরস্কার।

কিন্তু ও রশনা-দাম চরণে পতিত হয়ে

যাচে যে তোমায়

ওরূপ নির্দয়-ভাবে কেন তুমি পরিত্যাগ

কর গো তাহায়?

ইরা।—এই দেখ, আমার এই হতাশ রশনা তোমার পিঠের দিকেই যাচ্ছে। (রশনা গ্রহণ পূর্বক রাজাকে প্রহার করিতে উদ্যত)

রাজা।—সখা!

দেখ অলক্ষিতভাবে নিতম্ব ত্যজিয়া স্বর্ণ-কাঞ্চী গুঁর যাহা পড়েছে খসিয়া, তা দিয়া উদ্যত চণ্ডী করিতে প্রহার, নেত্র হতে পড়ে ঝরি' অশ্রুবারি-ধার। হেরি' হয় অহুমান, যেন মেঘ-রাজি বিদ্বোরে তাড়না করে বিহ্বাদ্যমে সাজি'।

ইরা।—ওসব কথা বলে' আবার কেন তুমি আমাকে অপরাধে প্রবৃত্ত করচ বল দিকি?

(রশনা সমেত উদ্যত হস্ত নামাইয়া)

রাজা।—কোপান্বিতা হইয়াও, অপরাধী দাস-প্রতি করিলে উদ্যত দণ্ড এবে সংহরণ, বিলাস-স্বথের আশা নিরাশ হৃদয়ে পুন কুটিল-কুস্তলে ওগো করিলে বন্ধন।

(স্বগত) এইবার পায়ে পড়বার ঠিক সময়।

(চরণে পতন)

ইরা।—এ মালবিকার চরণ নয় যে, অশোকের
মত তোমার সাধ পূর্ণ করবে।

[দাসীর সহিত প্রস্থান।

বিদু।—উঠুন মহারাজ, উঠুন। দেবী তো দেখে
খুবই প্রসন্ন হয়েছেন!

রাজা।—(উঠিয়া ইরাবতীকে দেখিতে না
পাইয়া) কি?—দেবী চলে' গেছেন?

বিদু।—মহারাজ! উনি যে রাগ করে' চলে'
গেছেন, সে আপনার পক্ষে ভালই হয়েছে। বিমুখী
মঙ্গলগ্রহ আবার না আমাদের অভিমুখী হন, আসুন,
আমরা এই বেলা সরে' পড়ি।

রাজা।—ওঃ! মদনের কি বিসদৃশ ব্যবহার!

মালবিকা প্রিয়া মোর
করিল এ-হৃদয় হরণ,

মার্জনা যাচিয়া তাই
ধরিলু গো দেবীর চরণ।

অগ্রাহ্য করিয়া তিনি
রোষ-ভরে করিলা গমন,

“শাপে বর” মনে হয়
দেবীর এ রুষ্ঠ আচরণ।

এখন মিটাব সাধ
হৃদে সদা আছে যাহা জেগে,

প্রণয়-কুপিতা দেবী
উপেক্ষিতে পারিবেন এবে।

[সকলের প্রস্থান।

তৃতীয় অঙ্ক সমাপ্ত।

চতুর্থ অঙ্ক

দৃশ্য—রাজপ্রাসাদ

(নিতান্ত উৎসুক রাজা ও প্রতীহারীর প্রবেশ)

রাজা —(স্বগত)

প্রেম-তরু বন্ধমূল, সুমধুর বাক্য তার
শুনিয়া শ্রবণে,

পরে দেখা দিল তাহে, বাসনা-পল্লব নব
সাক্ষাৎ দর্শনে।

হস্তের পরশে তার, কুম্ভম ফুটিল যেন
রোমোদ্গমচ্ছলে,
আস্বাদ করিব এবে সে তরুর সুমধুর
মনোহর কলে।

(প্রকাশ্যে) সখা গৌতম!

প্রতী।—মহারাজের জয়! গৌতম নিকটে
নেই।

রাজা।—(স্বগত) ও! মালবিকার বৃত্তান্ত জানুবার
জন্ত যে তাকে পাঠিয়েছি।

(বিদূষকের প্রবেশ)

বিদু।—জয় হোক মহারাজের!

রাজা।—জয়সেনা! দেবী ধারিণীর চরণে আঘাত
লাগায়, এখন তিনি কোথায় কি ভাবে সময় কাটা-
চ্ছেন, জেনে এসো তো।

প্রতী।—যে আঞ্জা মহারাজ।

[প্রস্থান।

রাজা।—সখা! তোমার সখী মালবিকার বৃত্তান্ত
কি বল দেখি।

বিদু।—বেড়ালে কোকিল ধরলে যেরূপ হয়, এখন
তার সেই দশা।

রাজা।—(সবিষাদে) সে কিরূপ?

বিদু।—মালবিকা-বেচারাকে সেই পিঙ্গলাক্ষী
দেবী রত্নভাণ্ডারের পাতাল-ঘরে বন্ধ করে'
রেখেছেন।

রাজা।—আমার সঙ্গে দেখা-সাক্ষাৎ হয়েছে,
নিশ্চয়ই এই মনে করেই।

বিদু।—তা নয় তো আর কি।

রাজা।—আমাদের প্রতি শ্রদ্ধতা করে' সেই
চণ্ডীকে কে রাগিয়ে দিলে বল দিকি?

বিদু।—শ্রবণ করুন। আমি পরিব্রাজিকার
কাছে শুনুলেম, দেবীর চরণে আঘাত লেগেছিল, তাই
কেমন আছেন জিজ্ঞাসা করবার জন্ত, রাণী ইরাবতী
সেখানে গিয়েছিলেন।

রাজা।—তার পর, তার পর?

বিদু।—তার পর দেবী, ইরাবতীকে জিজ্ঞাসা
করলেন, “বলভজনের সঙ্গে কি দেখা হয় নি?”
তাতে ইরাবতী উত্তর করলেন, “তুমি যে এ কথা
জিজ্ঞাসা করচ—অহঙ্কারে মত্ত হয়ে, না বাহ্যিক



ভদ্রতার খাতিরে? মহারাজ যে তোমার পরিচারি-
কারই প্রাণ-বল্লভ, এ কথা জেনেও আমাকে আবার
জিজ্ঞাসা করচ কেন বল দিকি?"

রাজা।—স্পষ্ট নামোল্লেখ না করলেও,—বেশ
বোঝা যাচ্ছে—মালবিকাকে মনে করেই কথাটা বলা
হয়েছে।

বিদু।—তার পর, দেবী তাঁর এই ঔদাস্তের কারণ
বারম্বার আগ্রহসহকারে জিজ্ঞাসা করায়, মহারাজের
দুর্ব্যবহারই যে তার কারণ, তিনি এইরূপ দেবীকে
শেষে বলেন।

রাজা।—ওঃ! তা হলে দেখ্‌চি, এখনও ইরাবতী
আমার পরে অত্যন্ত রুষ্ট হয়ে আছেন। তার পর কি
হল বল।

বিদু।—আবার কি হবে—মালবিকা ও বকুলা-
বলিকা দুজনেই এখন পায়ে বেড়ি পরে
আছেন—একটু সূর্য্যকিরণ দেখ্‌বার যো নেই—
এই ভাবে নাগ-কন্যার মত পাতাল-বাস ভোগ
করচেন।

রাজা—ওঃ! কি কষ্ট! কি কষ্ট!

কোকিলা-মধুরভাবী, আর সে ভ্রমরী
—বিকসিত-সহকার-তরুসহচরী—
প্রবল পূবের বায়ে, অকাল-বর্ষণে,
পশিল কোটর-মাঝে এবে দুই জনে।

আচ্ছা সখা, তাদের উদ্ধারের কি কোন উপায়
আছে?

বিদু।—তা কি করে' হবে? যেহেতু, দেবী
রত্নভাণ্ডারের রক্ষিণী মাধবিকাকে আদেশ করেছেন,
“আমার অঙ্গুলী-মুদ্রা না দেখতে পেলে তুমি হত-
ভাগিনী মালবিকা ও বকুলাবলিকাকে কিছুতেই
মোচন করবে না।”

রাজা।—(নিঃস্বাস ত্যাগ করিয়া) সখা! এ
বিষয়ে এখন তবে কর্তব্য কি?

বিদু।—(চিন্তা করিয়া) এর একটা উপায়
আছে।

রাজা।—কিরূপ উপায়?

বিদু।—(দৃষ্টিক্ষেপ করিয়া) দেখুন, কোন
ব্যক্তি আড়াল থেকে আমাদের কথা শুনে
পারে। অতএব আসুন, আপনার কানে-
কানে বলি। (কর্ণের নিকটে আসিয়া) এইরূপ—

রাজা।—(সহর্ষে) বেশ উপায় ঠাওরেছ।
কার্য্যসিদ্ধির জন্তু যা যা আবশ্যিক, এখন তা
কর।

(প্রতীহারীর প্রবেশ)

প্রতী।—মহারাজ! হাওয়া-ঘরে দেবী শুয়ে
আছেন—পরিজনেরা রক্ত-চন্দন-হস্তে তাঁর পদসেবা
করচে—আর ভগবতীর সঙ্গে বাক্যালাপ করে' দেবী
সময় কাটাচ্ছেন।

রাজা।—এই তবে ঠিক আমাদের যাবার
সময়।

বিদু। আপনি তবে যান, আমিও হাতে কিছু
নিয়ে একটু পরে দেবীকে দর্শন করতে যাব—শূন্য-হস্তে
তো যাওয়া যায় না।

রাজা।—আচ্ছা, জয়সেনাকে জানিয়ে যেও।

বিদু।—(কানে-কানে) এইরূপ করব—

[প্রস্থান।

রাজা।—জয়সেনা! আমাকে এখন হাওয়া-ঘরে
নিয়ে চল।

প্রতী।—এই দিকে মহারাজ, এই দিকে।

দৃশ্য—শয়ন-গৃহ

দেবী শয়ানা—পরিব্রাজিকা ও পরিজনবর্গ
দেবীকে বেঠন করিয়া অবস্থিত।

দেবী।—ভগবতি! তোমার এই গল্পটি বড়ই
সুন্দর। তার পর—তার পর?

পরি।—(সদৃষ্টিক্ষেপ) এর পর আবার বলব।
এখন ঐ দেখুন, মহারাজ এসেছেন।

দেবী।—ও মা!—মহারাজ? (উত্থানোচ্চত)

রাজা।—থাক্‌ থাক্‌! আর শিষ্টাচারের কষ্ট
করতে হবে না।

যে চাক্র চরণ তব, নুপুর-বিচ্ছেদ-কষ্ট

সহে নি কখন

এবে তা বেদনা-বশে স্বর্ণ-পীঠিকার পরে

করেছ স্থাপন।

তাই বলি সুভাষিণি! ব্যথিত কোরো না মোরে

ব্যথি ও চরণ।

পরিব্রা।—জয় হোক মহারাজের!

ধারিণী।—জয় হোক আর্ধ্যপুত্রের!

রাজা।—(পরিব্রাজিকাকে প্রণাম করিয়া উপবেশন) দেবি! বেদনাটা কি আরাম হয়েছে?

ধারি।—কিছু বিশেষ হয়েছে।

(যজ্ঞোপবীত অঙ্গুষ্ঠে জড়াইয়া ব্যস্ত-সমস্তভাবে বিদূষকের প্রবেশ)

বিদূ।—রক্ষা করুন—রক্ষা করুন—আমাকে সাপে কামড়েচে।

(সকলে বিষণ্ণ)

রাজা।—আহা, আহা! কোথায় তুমি বেড়াচ্ছিলে সখা?

বিদূ।—দেবীকে দর্শন করব বলে' দর্শনের প্রথামত পুষ্প সংগ্রহ করতে প্রমদ-বনে গিয়েছিলেম।

ধারি।—হায় হায়! আমার দরুণই ব্রাহ্মণের প্রাণ-সংশয় উপস্থিত?

বিদূ।—প্রমদ-বনে অশোক-ফুল তুলতে গিয়ে যেই আমি ডান হাতটা বাড়িয়েছি, অমনি সাফাৎ যমের মত একটা সাপ কোটর থেকে বেরিয়ে আমাকে দংশন করলে। দেখুন, এই দুই জায়গায় কামড়েচে।

(প্রদর্শন)

পরিব্রা।—শাস্ত্রে আছে, প্রথমেই দংশনচ্ছেদ করা কর্তব্য। অতএব এর তাই করা হোক।

দষ্ট-স্থান করিবেক ছেদন, দহন।

ক্ষত-স্থান-রক্ত সব করিবে মোক্ষণ,

তা হলেই দষ্ট ব্যক্তি পাইবে জীবন।

রাজা।—এর প্রতীকার করা এখন বিষ-বৈষ্ণোর কাজ। জয়সেনা! ঋষিসিক্তিকে শীঘ্র ডেকে আনো।

প্রতী।—যে আজ্ঞে মহারাজ!

[প্রস্থান।

বিদূ।—হায় হায়! এইবার বুঝি আমার প্রাণটা গেল।

রাজা।—কাতর হয়ো না। কখন কখন দংশন নির্বিষও হয়ে থাকে।

বিদূ।—কাতর না হয়ে কি করি বলুন। আমার সর্বাঙ্গ যেন ঝিম্ ঝিম্ করচে।

ধারি।—(নিকটে আসিয়া) ইস্! ভয়ানক কামড়েছে যে। ওলো! একে ধর।

পরিজন।—(ব্যস্তসমস্ত হইয়া উহাকে ধারণ)

বিদূ।—(রাজাকে দেখিয়া) দেখুন, আমি বাল্যকাল হতে আপনার প্রিয় বয়স্ক, এই মনে করে' আমার অপুত্র মাতার ভার আপনি গ্রহণ করুন। রাজা।—ভয় নাই। শীঘ্রই বৈষ্ণ এসে তোমার চিকিৎসা করবে, স্থির হও।

(জয়সেনার প্রবেশ)

জয়।—ঋষিসিক্তি মহারাজের আদেশ শুনে বল্লেন, "গৌতমকে এইখানে নিয়ে এসো।"

রাজা।—আচ্ছা, তবে কঞ্চুকী তাঁর হাত ধরে' তাঁর কাছে নিয়ে যাক্।

জয়।—যে আজ্ঞে।

বিদূ।—(দেবীকে দেখিয়া) দেবি! এ যাত্রা বাঁচি কি না বাঁচি। তা মহারাজের সেবা করতে গিয়ে, আপনার নিকট যে অপরাধ করেছি, তা মার্জনা করবেন।

ধারি।—দীর্ঘায়ু হও।

[বিদূষক ও প্রতীহারীর প্রস্থান।

রাজা।—গৌতম বেচারী স্বভাবতই ভীক। সার্থকনামা ঋষিসিক্তি হতে সিদ্ধিলাভ হবে বলে' আমার মনে হচ্চে।

(জয়সেনার প্রবেশ)

জয়।—মহারাজের জয় হোক! ঋষিসিক্তি বল্লেন:—"উদকুস্তের বিধান-অনুসারে একটা সর্প-অঙ্গুরী-মুদ্রা সংগ্রহ করতে হবে—তাই এখন অন্বেষণ কর।"

ধারি।—আমার এই অঙ্গুরীটিতে সর্প-মুদ্রা আছে। এইটি এখন নিয়ে যাও—তার পর, আবার আমার হাতে এনে দিও।

রাজা।—জয়সেনা! কার্যসিক্তি হয়ে গেলে, আবার দেবীকে এনে দিও।

জয়।—যে আজ্ঞে মহারাজ!

[প্রস্থান।

পরিব্রা।—আমার হৃদয় যেন বলুচে, গৌতম নির্বিষ হবেন।

রাজা।—তাই যেন হয়।

(জয়সেনার প্রবেশ)

জয়।—মহারাজের জয় হোক! গৌতমের বিষ-বেগ নিবৃত্ত হয়ে তিনি এখন প্রকৃতিস্থ হয়েছেন।

ধারি।—আ, বাঁচলেম—অপবাদ থেকে এখন মুক্ত হলেম।

প্রভী।—মহারাজ! বাহতক অমাত্য নিবেদন করচেন, “অনেক রাজ-কার্য্য-সম্বন্ধে পরামর্শ করবার আছে, তাই আমি মহারাজের দর্শন-লাভের অনুগ্রহ প্রার্থনা করি।”

ধারি।—যাও মহারাজ, এখন তোমার কাছে যাও।

রাজা।—দেবি! এ ঘরে রত্নর আস্তে। যেরূপ বেদনা, তাতে শৈত্যক্রিয়াই প্রশস্ত—অতএব তোমার শয্যা তবে অন্ত্র নিয়ে যাওয়া হোক।

ধারি।—(পরিজনের প্রতি) দেখ্ বাছা, মহারাজ যা বলছেন. তাই কর্বু। (পরিজনের তদনুরূপ অনুষ্ঠান)

[দেবী পরিব্রাজিকা ও পরিজনের প্রস্থান।

রাজা।—দেখ জয়সেনা! গুপ্ত পথ দিয়ে আমাকে প্রমদ-বনে নিয়ে চল।

জয়।—এই দিকে মহারাজ, এই দিকে।

রাজা।—জয়সেনা! গৌতমের কার্য্য সমাধা হয়েছে তো?

জয়।—আজ্ঞা, হাঁ মহারাজ।

রাজা।—অভীষ্টলাভের তরে

প্রযুক্ত উপায় যদি সুসাধ্য-ও হয়

তথাপি কান্তর চিত্ত

কার্য্যসিদ্ধি-পক্ষে সদা করে গো সংশয়।

(বিদুষকের প্রবেশ)

বিদু।—জয় হোক! আপনার মঙ্গল-কর্ম্ম সব সিদ্ধ হয়েছে।

রাজা।—জয়সেনা! তুমি এখন তোমার কাছে যেতে পার।

জয়।—যে আজ্ঞে মহারাজ!

[প্রস্থান।

রাজা।—দেখ গৌতম! ক্ষুদ্র-বুদ্ধি মাধবিকা কিছুই ভেবে-চিন্তে দেখে নি।

বিদু।—দেবীর অসুখী-মুদ্রা দেখে কি ভাবতে পারে বলুন?

রাজা।—আমি মুদ্রাও কথা বল্চিনে। তাদের হৃদয়কে কেনই বা ভেড়ে দেওয়া হল, তা ছাড়া দাসীদের ছেড়ে দেবী তোমার উপরেই এ কাজের ভার দিলেন কেন, এ সমস্ত তার জিজ্ঞাসা করা উচিত ছিল।

বিদু।—জিজ্ঞাসা করেছিল বৈ কি। কিন্তু আমি মূর্খ হলেও, সেই সময় উপস্থিতমত বেশ যুগিয়ে উত্তর দিয়েছিলেম।

রাজা।—কি বলে বল দিকি।

বিদু।—আমি বলেম, দৈবজ্ঞ রাজাকে জানিয়েছে, “আপনার নক্ষত্রে ক্রুর গ্রহের উপদ্রব হয়েছে—তাই গ্রহশাস্তির জন্ত সমস্ত বন্দীদের মোচন করা কর্তব্য।”

রাজা।—(সহর্ষে) তার পর, তার পর?

বিদু।—এই কথা শুনে দেবী ধারিণী ইরাবতীর মন রক্ষা করে’ আমাকে বলেন, “রাজাই মোচনের আদেশ দিয়েছেন।” তখন সে বলে, “এ কথা সঙ্গত।”

রাজা।—(বিদুষককে আলিঙ্গন করিয়া) সখা! আমাকে দেখচি, তুমি যথার্থই ভালবাসো।

সাকল্য না ঘটে শুধু

সুহৃদের বুদ্ধির প্রভাবে

কার্য্য-সিদ্ধি-সুক্ষ-পথ

মেলে আরো মেহ-অনুরাগে।

বিদু।—এখন শীঘ্র আসুন। সখীর সঙ্গে মাল-বিকাকে “সমুদ্র”-ভবনে রেখে আমি আপনাকে নিতে এসেছি।

রাজা।—আমি এখনি গিয়ে তাঁর অভ্যর্থনা করচি। তুমি আগে আগে চল।

বিদু।—আসুন—আসুন। (পরিক্রমণ করিয়া)—এই “সমুদ্র”-ভবন।

দৃশ্য—“সমুদ্র”-ভবন

রাজা।—(সভয়ে) সখা! তোমার সখী ইরা-বতীর দাসী চল্লিকা যে ফুল তুলতে তুলতে এই দিকে আস্চে। এসো, আমরা হৃদয়ে এইখানে দেয়ালের আড়ালে লুকিয়ে থাকি।

বিদু।—চোর ও প্রেমিক এদের উভয়েরই চন্দ্রিকা পরিহার করা কর্তব্য বটে। (তথা অবস্থান)

রাজা।—তোমার সখী কি আমার জন্ত প্রতীক্ষা করচেন? এসো, এই গবাক্ষ দিয়ে দেখা যাক।

বিদু।—সেই ভালো। (উভয়ে দাঁড়াইয়া অবলোকন)

(মালবিকা ও বকুলাবলিকার প্রবেশ)

বকুলা।—ওলো! মহারাজকে প্রণাম কর।

রাজা।—বোধ হয়, আমার চিত্রকে দেখিয়ে এই কথা বলতে।

মাল।—(সহর্ষে) প্রণাম। (দ্বার অবলোকন করিয়া সবিষাদে) ওলো! আমাকে ঠকান্টিসু?

রাজা।—ওঁর এই “হরিষে-বিষাদ” ভাবটা আমার বেশ লাগল।

ভাস্করের উদয়াস্ত বিভিন্ন সময়
পদ্মের যে দুই ভাব সদা দৃষ্ট হয়
—সুবদনী-মুখ-মাঝে সেই দুই ভাব
একসঙ্গে ক্ষণমাত্রে হল আবির্ভাব।

বকুলা।—তাই তো, এ যে মহারাজের চিত্র।

উভয়ে।—(চিত্রকে প্রণাম করিয়া) মহারাজকে ভয়ে-ভয়ে ভাল করে তখন দেখতে পারি নি। আজ মহারাজের চিত্রে মহারাজকে সাধ মিটিয়ে দেখছি।

বিদু।—শুনলেন তো? চিত্রে আপনাকে আজ উনি যেরূপ দেখছেন, সাক্ষাতে তেমনটি দেখেন নি। তা হলে, সিন্দূকে-পোরা রত্নভাণ্ডের মত বুথাই আপনার যৌবন-গর্ভ!

রাজা।—সখা! কুতূহলী হলেও স্ত্রীজাতি স্বভাবতই লজ্জাবতী। দেখ:—

প্রথম মিলন-কালে, রমণী দেখিতে চায়
সমগ্র সে প্রিয়-জন-মুখ
কিন্তু শেষে স্মলোচনা, ভাল করি নাহি দেখে
হইয়া গো লজ্জায় বিমুখ।

মাল।—আচ্ছা সখি! বল দিকি, মহারাজ মুখ ফিরিয়ে স্নিগ্ধ দৃষ্টিতে কাকে দেখছেন?

বকুলা।—ইরাবতী পাশে আছেন—তাকেই দেখছেন।

মাল।—সখি! মহারাজকে আমার বড় অশিষ্ট বলে মনে হচ্ছে। কেন না, উনি আর সব দেবীকে ছেড়ে কেবল একজনকেই একদৃষ্টে দেখছেন।

বকুলা।—(স্বগত) মালবিকা দেখছি, মহারাজকে কল্পনা করে’ সঁর্ব্বা প্রকাশ করচে। আচ্ছা, এর সঙ্গে তবে একটু রঙ্গ করা যাক। (প্রকাশে) মহারাজ ওঁকেই ভালবাসেন।

মাল।—তবে আর আমি আপনাকে বুথ কষ্ট দি কেন? (অহুয়া সহকারে মুখ ফিরাইয়া)

রাজা।—সখা! দেখ দেখ!—

ক্রান্তে বিচ্ছিন্ন কিবা তিলকের রেখা,
ওষ্ঠাধর কম্পমান এবে যায় দেখা।
অভিমান-ভরে মুখ ফিরাইয়া লয়,
এই সব ভাব দেখি’ হেন মনে হয়—
শিখেছে যে অভিনয় গুরুর সদন
তাহারি গো শিক্ষা যেন করে প্রদর্শন।
কুপিতা হইলে নারী কান্ত-আচরণে
কি ভাব করিতে হয় দেখার এক্ষণে।

বিদু।—আপনি এখন তবে মান ভাঙবার জন্ত প্রস্তুত হোন।

মাল।—গৌতম ঠাকুরও এইখানে ওঁর সেবা করচেন দেখছি। (স্থানান্তরে বাইতে ইচ্ছুক)

বকু।—(মালবিকাকে আটকাইয়া) না না সখি, যেও না। বলি, রাগ করলে না কি?

মাল।—তুমি যদি আমাকে অভিমানী বলেই মনে করে’ থাক, আচ্ছা, আমাকে ফের রাগাও দিকি দেখি।

রাজা।—(নিকটে আসিয়া)

চিত্রগত কার্য হেরি’ কেন কোপ মোর পরে
কর অকারণে?
সাক্ষাৎ আইলু এবে, আমি গো তোমারি দাস
পঙ্কজ-নয়নে!

বকুলা।—জয় হোক মহারাজের!

মাল।—(স্বগত) কি, আমি কি তবে চিত্রিত মহারাজের উপর অভিমান করেছিলেম?

রাজা।—(মদন-কাতর)

বিদু।—আপনাকে যে উদাসীনের মত দেখছি?

রাজা।—তোমার সখীকে আর বিশ্বাস করতে পারি নে—তাই।



বিদু।—এর প্রতি আপনার অবিস্থাসের কারণ
কি ?

রাজা।—কারণ কি শোনো।

নেত্র-পথে থেকে থেকে
ক্ষণে যান কোথায় চলিয়া,
বাহু-মধ্যে আসিয়াও
ক্ষণমাত্রে যান গো সরিয়া।
মদন-বেদনাতুর আমার এই মন,
কেমনে গো হাস,
বিশ্বাস করিবে এবে, প্রতারণিত হয়ে ওঁর
মিলন-মায়ায়।

বকুলা।—সখি! তুমি অনেকবার মহারাজকে
প্রতারণিত করেছ, এখন যাতে উনি তোমাকে বিশ্বাস
করতে পারেন, তাই কর।

মাল।—আমি অতি হতভাগিনী, তাই আমি
স্বপ্নেও কখন প্রিয়সমাগম লাভ করিনি।

বকুলা।—মহারাজ এর উত্তর দিন।

রাজা।—

উত্তরে কি প্রয়োজন ? এই দেখ সাক্ষী করি'
মদন-অনলে
করিতেছি আশ্রয়দান; চাহি না গো সেবা—আমি
সেবিত বিবলে।

বকুলা।—অহুগহীত হলেম।

বিদু।—(ব্যস্তসমস্তভাবে পরিক্রমণ পূর্বক)
দেখ বকুলাবলিকে! ঐ হরিণটা অশোক-পল্লবগুলি
খেতে আসচে—এসো, ওকে নিবারণ করি।

বকুলা। আচ্ছা, চলুন।

[গমন।

রাজা।—হাঁ, অশোক-পল্লবগুলিকে রক্ষা করা
আমাদের উচিত বটে।

বিদু।—গৌতমও তো তাই বল্চে।

বকুলা।—দেখ গৌতম ঠাকুর! আমি আড়ালে
লুকিয়ে থাক। তুমি ষার রক্ষা কর।

বিদু।—হাঁ, সেই ভাল।

[বকুলাবলিকার গমন।

বিদু।—এই ফটিক-স্তম্ভটিকেই আশ্রয় করা যাক।
(তথা করিয়া) আহা! কোন কোন শিলা এমন
সুথস্পর্শ! (নিজা)

মাল।—(সাধ্বস-সহকারে অবস্থিতা)

রাজা।—

মিলনের লজ্জা-ভয় ত্যজ গো সুন্দরি,
তব প্রেমাকাঙ্ক্ষী আমি বহু দিন ধরি'
আমি সহকার-রূপে হেথা অবস্থিত,
তুমি মাধবিকা হয়ে কর যা বিহিত।

মাল।—দেবীর ভয়ে আমার প্রাণের ইচ্ছা
পূর্ণ করতে পারচিনে।

রাজা।—ভয় কিসের?—কিছুমাত্র ভয় নেই।

মাল।—(তিরঙ্কার সহকারে) আপনি ভয়
করেন কি না, তাও আমি জানি—দেবীকে দেখে
মহারাজেরও তখন এই অবস্থা হয়েছিল।

রাজা।—সুন্দরি!

প্রণয়ের শিষ্টাচার, নায়ক-জনের জেনো
চির-কুল-ব্রত,
কিন্তু এ পরাণ মম, তোমারি আশায় বদ্ধ
আছে গো সতত।

তা দেখ, এখন তোমার চিরাহুরন্ত এ জনের
প্রতি একটু অহুগ্রহ কর। (আলিঙ্গন-চেষ্টা)

মাল।—(আলিঙ্গন পরিহার)

রাজা।—নবাবনাদের প্রণয়-ব্যাপারটা কি রমণীয়।

এ মোর অঙ্গুলী যবে, ব্যগ্র হয়ে খোলে ওই
রশনা-বন্ধন,
কম্পমান হস্ত ওর, আটকিয়া মোর হস্ত
করে নিবারণ।

যেমনি আমি গো তারে

বলপূর্ব—করি আলিঙ্গন
অমনি সে হুট হাতে

স্তনঘষ করে আবরণ।

পঙ্কল-নয়নযুক্ত মুখটি তুলিয়া তার

চুম্বিতে গো হইলে উন্মুখ,
অমনি ফিরায়ে লয়, এইরূপ কত ছলে
পূর্ণ করে অভিলাষ-সুখ।

দৃশ্য—উদ্যানের পথ

(ইরাবতী ও নিপুণিকার প্রবেশ)

ইরা।—ওলো নিপুণিকে! সত্যই কি তুই
চন্দ্রিকার কাছে গুনেছিস, সমুদ্র-গৃহের অলিন্দে
গৌতম ঠাকুরকে সে একা গুয়ে থাকতে দেখেচে?

নিপু।—সত্যি না হলে আমি ঠাকরণকে কেন বলব ?

ইরা।—আচ্ছা, চল তবে প্রিয়সখা গৌতমের কাছে যাই—তাকে জিজ্ঞাসা করলেই সব সন্দেহ মিটবে। তা ছাড়া—

নিপু।—ঠাকরণ, কথাটা যে শেষ করলেন না।

ইরা।—তা ছাড়া, চিত্রগত মহারাজকে প্রসন্ন করতে হবে।

নিপু।—সাক্ষাৎ মহারাজকেই প্রসন্ন করুন না কেন ?

ইরা।—সরলে! চিত্রেতে যেরূপ দেখা যায়, ঠিক সেইরূপ তাঁর হৃদয় এখন অন্তরে আসক্ত। আমি যে তখন শিষ্টাচারের সীমা লঙ্ঘন করেছিলেম, এখন কেবল সেই অপরাধের জন্তই তাঁর কাছে মার্জনা চাইতে যাচ্ছি।

নিপু।—এই দিকে ঠাকরণ।

(উভয়ের পরিক্রমণ)

(দাসীর প্রবেশ)

দাসী।—জয় হোক, রাণী ঠাকরণের জয় হোক! ঠাকরণ! দেবী আপনাকে এই কথা বলতে বলেছেন :—“তোমার যাতে মানরক্ষা হয়, আমি এখন তাই করব—তোমার উপর আমার দীর্ঘা করবার এ সময় নয়। মালবিকা ও তার সখীকে পায়ে বেড়ি দিয়ে বন্ধ করে’ রাখা গেছে। এখন তোমার কি ইচ্ছে, আমাকে বল। তা হলে তোমার হয়ে মহারাজকে আমি বলতে পারি।”

ইরা।—দেখ নাগরিকে! দেবীকে এই কথা বলিস :—“দেবীর উপর কোন কাজের ভার দি, আমার এমন কি ক্ষমতা? তিনি নিজের দাসীকে দণ্ড দিয়ে আমার উপর যথেষ্ট অনুগ্রহ প্রকাশ করেছেন। তাঁর অনুগ্রহ ভিন্ন আর কার অনুগ্রহে আমার মানরক্ষা হতে পারে?”

দাসী।—আচ্ছা, তাই বলব।

[প্রস্থান।

দৃশ্য—সমুদ্র-ভবন

নিপু।—(পরিক্রমণ ও অবলোকন করিয়া) দোকানের সামনে ঝাঁড়েরা যেমন ঘুমোয়, এই

সমুদ্রভবনের দরজায় বসে’ গৌতমঠাকুরও সেই রকম বসে-বসেই ঘুমচ্ছে দেখ্ চি।

ইরা।—প্রাণ-সংশয় না তো?—বিব-বিকারের যেন শেষ অবস্থা বলে’ মনে হচ্ছে।

নিপু।—মুখ-বর্ণ তো বেশ পরিষ্কার। তাতে ক্রবসিক্তি চিকিৎসা করেচেন। মৃত্যুর কোন আশঙ্কা নেই।

বিদু।—(স্বপ্ন দেখিয়া) ওগো মালবিকে!

নিপু।—ঠাকরণ, শুন্লেন? তা, কারই বা ও আত্মীয়? ও কৃতঘ্নের কেবল আহারের সঙ্গেই সখক। এর আগে সেই স্বস্তিবচনের মোদক এক-পেট খেয়ে এখন মালবিকাকে স্বপ্ন দেখ্চে।

বিদু। আমার ইচ্ছে, তুমি ইরাবতীকেও ছাড়িয়ে ওঠো।

নিপু।—এই বুঝি মরেছে? রোস! আমি খামের আড়ালে লুকিয়ে থেকে সর্পভীতু বিটলে বাওনটাকে এই সাপের মত আমার বাঁকা লাঠি দিয়ে ভয় দেখাই।

ইরা।—ও কৃতঘ্নটা সর্পদংশনেরই যোগ্য বটে।

নিপু।—(বিদূষকের উপর কাষ্ঠদণ্ড নিক্ষেপ)

বিদু।—(সহসা জাগিয়া) আরে আরে! কি সর্কনাশ! আমার গায়ের উপর একটা সাপ এসে পড়ল।

রাজা।—(সহসা বাহির হইয়া) ভয় নেই—ভয় নেই।

মাল।—(রাজার অহুসরণ করিয়া) মহারাজ! হঠাৎ বেরোবেন না, শুন্চি নাকি ওখানে একটা সাপ আছে।

ইরা।—এ কি! মহারাজ যে এই দিকেই দৌড়ে আস্চেন।

বিদু।—(হাসিয়া) আরে মোলো! এটা যে একটা লাঠি। আমি যে তখন গায়ে কেয়ার কাঁটা ফুটিয়ে সাপে কামড়েচে বলে’ ঠকিয়েছিলেম, আমি ভাবলেম, তারই বুঝি এই ফল।

(তাড়াতাড়ি বকুলাবলিকার প্রবেশ)

বকুলা।—(ভয়-ব্যস্ত হইয়া) মহারাজ! ওখানে যাবেন না। ওখানে আঁকা-বাঁকা সাপের মত কি একটা দেখা যাচ্ছে।

ইরা।—(সহসা রাজার নিকটে আসিয়া) দিনের



বেলা সঙ্কেতস্থানে এনে ছুজনের মনোরথ নির্কিয়ে
পূর্ণ হয়েছে ত ?

(ইরাবতীকে দেখিয়া সকলে ত্রস্ত-ব্যস্ত)

রাজা।—প্রিয়ে! এ যে তোমার অপূর্ণ
অভিবাদন দেখ্‌চি!

ইরা।—বকুলাবলিকে! তোমার দৃতিগিরি
সফল হয়েছে তো ?

বকুলা।—রাগ করবেন না রাণীঠাকরণ। আমি
কি করেচি, মহারাজকেই কেন জিজ্ঞাসা করুন না।
ভেকের ডাক শুনে কি ইন্দ্র পৃথিবীতে জলবর্ষণে
বিরত হন ?

বিদু।—তা নয়। দেখুন, আপনি যে তাঁর
প্রণতি-অনুন্নয় অগ্রাহ করেছিলেন, মহারাজ আপনার
দর্শনমাত্রে তাও বিশ্বস্ত হয়েছেন। কিন্তু দেবি,
আপনি তো এখনও প্রসন্ন হলেন না ?

ইরা।—আমি রাগ করেই বা কি করব ?

রাজা।—এই কথাই ঠিক। অস্থানে রাগ করা
তোমার উচিত নয়।

বিনা-হেতু বরতনু! কখন কি ক্ষণতরে
হয়েছ কুপিত ?

পূর্ণিমা-রজনী ভিন্ন রাহ-গ্রাসে কভু হয়
শশাঙ্ক পতিত ?

ইরা।—“অস্থানে” এ কথাটি ঠিক বলেছ।
আমাদের ভাগ্য এখন স্থানান্তরে গেছে। এখন
যদি আমি রাগ করি, আমিই হান্ত্যাস্পদ হব।

রাজা।—তুমি অক্সরূপ ভাবচ, আমি কিন্তু সত্যই
রাগের কোন হেতু দেখ্‌চি নে। কেন না :—

অপরাধী হইলেও উৎসব-পার্কণে
বন্ধ রাখা অনুচিত কোন পরিজনে।
আমি তাই করিলে গো তাদের মোচন,
প্রণাম করিতে মোরে আসিল ছুজন।

ইরা।—নিপুণিকে! তুই গিয়ে দেবীকে বল,
“আপনি যে পক্ষপাতী, আমার স্বদয়ে তা বিলক্ষণ
ধারণা হয়েছে।”

নিপু।—আচ্ছা, তাই বলব।

[প্রস্থান।

বিদু।—(স্বগত) কি বিপদ! ঘরের পোষা

পায়রা বন্ধন-যুক্ত হয়ে শেষে কি না বিড়ালের সাম্নে
এসে পড়ল ?

(নিপুণিকার প্রবেশ)

নিপু।—দেবি! হঠাৎ মাধবিকার সঙ্গে দেখা
হওয়ায় সে বলে, এই কারণে—(কর্ণে কখন)

ইরা।—(স্বগত) এখন সব বোঝা গেছে।
বামুনের ফন্দী টের পাওয়া গেছে। (বিদুষককে
দেখিয়া প্রকাশে) কামশাস্ত্র-সচিব বামুনটারই
এই নীতি-কৌশল।

বিদু।—ওগো! যদি নীতিশাস্ত্রের এক অক্ষরও
পাঠ করতে পারতেন, তা হলে আমি আর মহারাজের
আশ্রয়ে আসতেন না।

রাজা।—(চুপি চুপি) আঃ! এখন কি করে
এই বিপদ থেকে উদ্ধার পাওয়া যায় ?

(আবেগ-সহকারে জয়সেনার প্রবেশ)

জয়।—মহারাজ! কুমারী বসু লক্ষ্মী খেলতে
খেলতে গোলা ধরতে যাচ্ছিলেন, আর অমনি একটা
বানর এসে তাঁকে তাড়া করে—তাতে তিনি বড়ই
ভয় পেয়েছেন। দেবী কোলে নিয়েছেন, তবুও জ্ঞান
হচ্ছে না—নব-পল্লব যেমন বাতাসে কাঁপতে থাকে—
তেমনি থরু-থরু করে’ তিনি কাঁপছেন।

রাজা।—তা তো হতেই পারে। বালক-বালি-
কারা সহজেই কাতর হয়ে পড়ে।

ইরা।—(আবেগ-সহকারে) মহারাজ! তুমি
শীঘ্র গিয়ে তাকে সাহসনা কর গে—ভয়-ত্রাসে তার
পীড়া না বেড়ে ওঠে।

রাজা।—আমি এখন গিয়ে তাকে সাহসনা
করচি।

[সঙ্কর প্রস্থান।

বিদু।—সাবাস রে পিঙ্গল বানর, সাবাস! তোর
স্বদলের লোকটিকে তুই সময়মত বেশ বাঁচিয়ে দিলি।

[রাজা, বিদুষক, ইরাবতী, নিপুণিকা ও
প্রতীহারীর প্রস্থান।

মাল।—দেবীকে মনে করে’ আমার স্বদয়
কাঁপচে। এর পরে না জানি আমার ভাগ্যে কি
আছে।

নেপথ্যে।—আশ্চর্য্য! আশ্চর্য্য! সাধ দেবার

পর পাঁচ রাত্রি যেতে না যেতেই রক্ত-অশোকে ফুল ধরেচে—যাই, দেবীকে জানিয়ে আসি।

(শুনিয়া উভয়ের হর্ষ)

বকুল।—সখি, আশ্বস্ত হয়। দেবী সত্য-প্রতিজ্ঞ—তঁার প্রতিজ্ঞা কখনই লঙ্ঘন হবে না।

মাল।—আচ্ছা, আমিও তবে প্রমদবনের মালিনীর পিছনে পিছনে সেইখানেই যাই।

[সকলের প্রস্থান।

চতুর্থ অঙ্ক সমাপ্ত।

পঞ্চম অঙ্ক

দৃশ্য—রাজপথ

(মালিনী মধুকরিকার প্রবেশ)

মালি।—রক্ত-অশোককে সাধ দিয়ে তার গোড়ায় তো বেদী-ধর বাঁধা গেছে। দেবীর আদেশ-মত সব করা হয়েছে, এ কথা দেবীকে জানিয়ে আসি। মালবিকার উপর এখন দেখ্‌তি বিধাতার দয়া হয়েছে। মালবিকার উপর দেবীর রাগ হলেও, অশোকের এই সাধ দেবার কথা শুনে তিনি নিশ্চয়ই প্রসন্ন হবেন। না জানি এখন দেবী কোথায় আছেন। (দেখিয়া) দেবীর একজন কুজ ভৃত্য গালার-মোহর-দেওয়া পেঁটরা নিয়ে চতুঃ-শালা-ভবন থেকে বেরুচ্ছে—আচ্ছা, ওকেই জিজ্ঞাসা করা যাক্‌।

(কুজের প্রবেশ)

মালিনী।—সারস! তুমি কোথায় যাচ্‌?

সার।—মধুকরিকে! ব্রাহ্মণ-পণ্ডিতদের মাসিক নিত্যদক্ষিণা পুরোহিত মহাশয়ের হাতে দিতে যাচ্‌ি।

মালি।—কিসের জন্তু?

সার।—সেনাপতি যখন শুনলেন, মহারাজ-কুমার যজ্ঞের অধরক্ষণে নিযুক্ত হয়েছেন, তখন কুমারের দীর্ঘায়ু কামনায় আট শত সুবর্ণের পরিমাণ দক্ষিণা ব্রাহ্মণদের দেবেন বোলে প্রতিশ্রুত হন।

মালি।—দেবী এখন কোথায়—কি করছেন?

সার।—দেবী মঙ্গল-গৃহে বোসে আছেন। বিদর্ভ

দেশ হতে তাঁর ভ্রাতা বীরসেন যে পত্র পাঠিয়েছেন, সেই পত্রখানি লিপিকর পড়তে আর তিনি শুনছেন।

মালি।—বিদর্ভ-রাজের বৃত্তান্ত কি?

সার।—বীরসেন প্রভৃতি দণ্ডাধ্যক্ষেরা বিদর্ভ-রাজকে পরাজয় করে' মহারাজের অধীনে এনেছেন, আর তাঁর উত্তরাধিকারী মাধব-সেনকে মুক্ত করে', বহুমূল্য রত্ন-বাহন শিল্পি-কন্ঠা পরিজন প্রভৃতি উপহারের সহিত একজন দূতকে মহারাজের নিকট পাঠিয়েছেন। সেই দূত এখন মহারাজের সঙ্গে সাক্ষাৎ করবেন।

মধু।—যাও, তুমি এখন তোমার কাজ কর গে—আমিও দেবীর সঙ্গে সাক্ষাৎ করতে যাই।

[প্রস্থান।

ইতি প্রবেশক।

দৃশ্য—প্রাসাদ

(প্রতীহারীর প্রবেশ)

প্রতী।—দেবী এখন অশোক গাছের সাধ দিতে ব্যস্ত। তিনি বলেন, "মহারাজকে জানিয়ে এসো, আমি মহারাজের সহিত একত্রে অশোকের ফুলফোটা দেখব।" এখন মহারাজ ধর্ম্মাসনে বোসে বিচার করছেন—আমি ততক্ষণ অপেক্ষা করি।

(পরিক্রমণ)

(নেপথ্যে)

বৈতালিক।—অহো! মহারাজ এখন সৈন্তের দ্বারা অরিদের মস্তক দলন করছেন।

প্রথম।—

বিদিশা নদীর তীরে আছে যে উত্তান—আপনি অনঙ্গ যেন তথা অঙ্গবান। হৃষ্ট হয়ে বন্দি-রূপ কোকিলের গানে, আনিলে গো মহারাজ বসন্ত সেখানে। ওহে বরপ্রদ! তব জয়-হস্তিগণ বরদা-তীরের তরু করে উৎপাটন কণ্ঠ-ঘরষণে; আর, ছিল রিপু যত সেই সঙ্গে তাহাদেবো মাথা হল নত।

দ্বিতীয়।—পরিষ-বাহতে করি' সবলে ধারণ, রুক্মিণীয়ে বিষ্ণুদেব করেন হরণ।

আপনিও মৈত্র-বলে বিদর্ভ-পতিরে
পরাভবি' হরিলেন রাজশ্রী অচিরে ।
সুর সুরী উভয়েই বীর-ভক্তি-বশে
কীর্তন করিল গীতে উভয়েরি বশে ।
উভয়েরি যশোগান ছাইল চৌদিকে,
ব্যাপ্ত তাহা জনপদ "ক্রথকইশিকে" ।

প্রতী ।—জয়ধ্বনি শুনে মনে হচ্ছে, রাজা এই
দিকেই আসছেন—আমিও এখন সম্মুখ থেকে সরে'
গিয়ে এই নিকটস্থ অলিন্দের তোরণ-দেশে যাই ।
(একান্তে অবস্থান)

(বয়স্কের সহিত রাজার প্রবেশ)

রাজা ।—
প্রেমসীর সমাগম ভাবিয়া হৃৎকম্প,
আর শুনি' বিদর্ভ-রাজ্যের পরাভব,
ধারা ও আতপাক্রান্ত সরোজের সম
সুখ দুঃখ একসঙ্গে হৃদে আসে মম ।

বিদু । আমার মনে হয়, আপনি খুবই সুখী
হবেন ।

রাজা ।—কি রূপে ?

বিদু ।—দেবী ধারিণী আজ বিদ্বী কৌশিকীকে
বল্লেন, "আপনি ভাল সাজাতে পারেন বলে' সত্যই
যদি আপনার মনে মনে গর্ভ থাকে, তা হলে মাল-
বিকাকে বিবাহের সাজ পরিয়ে আমাকে দেখান
দিকি ।" তার পর, ভগবতী সেই কথা শুনে, খুব
আমোদ করে' মালবিকাকে সাজিয়ে দিলেন । তাই
বল্চি, দেবী আপনার মনস্বামনা পূর্ণ করলেও করতে
পারেন ।

রাজা ।—সখা ! দেবী ধারিণী আমার মন রক্ষা
করে' পূর্বে আমার সহিত বরাবর যেরূপ ব্যবহার
করে' এসেছেন, তাতে এ সম্ভব বলেই মনে হয় ।

প্রতী ।—(নিকটে গিয়া) মহারাজের জয় হোক ।
দেবী নিবেদন করছেন, "আমার ইচ্ছে হচ্ছে, আমি
মহারাজের সঙ্গে একত্রে রক্ত-অশোকের ফুল ফোটা
দেখি ।"

রাজা ।—দেবী কি সেইখানে আছেন ?

প্রতী ।—হাঁ মহারাজ ! আপনার অভ্যর্থনার
জন্য দেবী অন্তঃপুর ত্যাগ করে' মালবিকা প্রভৃতি
পরিজনদের সহিত সেইখানে আপনার প্রতীক্ষা
করছেন ।

রাজা ।—(সহর্ষে বিদ্বীকে দেখিয়া) জয়সেনা !
তুমি আগে আগে চল ।

প্রতী ।—এই দিকে মহারাজ, এই দিকে ।

(পরিক্রমণ)

দৃশ্য—প্রমদ-বন

বিদু ।—(দেখিয়া) দেখুন, মহারাজ, প্রমদ-বনে
বসন্তের যৌবন যেন ক্রমে ফুরিয়ে আসতে ।

রাজা ।—যা বলে সখা !

কুরুবক-ফুল যত

ইতস্তত বিকীর্ণ সম্মুখে,

ফল-ভারে নত হয়ে

সহকার পশে তার বৃকে ।

পরিণাম-অভিমুখী ঋতুর যৌবন

আকুল করিয়া তোলে আমার এ মন ।

বিদু ।—এই দেখুন, সেই রক্ত-অশোকটি কেমন
কুসুম-স্তবকের পরিচ্ছদ পরিধান করে' আছে !

রাজা ।—অশোক-তরুটিতে যে ফুল ফুটেতে বিলম্ব
হচ্ছিল, তা সে ভালই হয়েছে—কেন না, এখন দেখচি,
আবার তেমনি অপূর্ণ শোভা ধারণ করেছে । দেখ :—

বসন্তের সমাগমে সমস্ত অশোক-মাঝে

যে বিভব দিয়াছিল দেখা

—এবে সে কুসুম-রাশি, হইয়াছে সংক্রামিত

দৌহদ-অশোকটিতে একা ।

বিদু ।—আপনি এখন নিশ্চিত থাকুন । দেখবেন,
আমরা নিকটে গেলেও, ধারিণী দেবী মালবিকাকে
ডাকতেই অনুমতি করবেন ।

রাজা ।—(সহর্ষে) সখা, দেখ দেখ—

অভ্যর্থনা করিবারে

উঠি দেবী আসেন এ দিকে,

কোমল-কমল-কর

প্রেমসীও আছেন সমীপে ;

মনে হয় রাজ-লক্ষ্মী

অনুসরে দেবী ধরিজীকে ।

(মালবিকা পরিব্রাজিকা, পরিজন প্রভৃতির দ্বারা
পরিবৃত হইয়া দেবী ধারিণীর প্রবেশ)

মাল ।—(স্বগত) আমাকে দেবী আমোদ করে'

অলঙ্কার দিয়ে কেন সাজালেন, তার কারণ যদিও আমি জানি, তবু আমার হৃদয় যেন পদ্মপাতার জলের মত কাঁপচে। আর বাঁ চোখটাও ক্রমাগত নাচছে।

বিদু।—দেখুন মহারাজ, বিবাহের বেশে মালবিকাকে কেমন সুন্দর দেখাচ্ছে!

রাজা।—তাই তো দেখছি, আভরণ-অলঙ্কারে বেশ ঠুঁকে মানিয়েছে।

নাতিদীর্ঘ সুবসন, স্বল্প লঘু আভরণ
সাজিয়াছে আঁহা কিবা মরি।
হিম-মুক্ত তারাদলে মৃদু-জ্যোৎস্নানভস্তলে
শোভে যেন চৈত্র-বিভাবরী ॥

ধারি।—(নিকটে আসিয়া) জয় হোক আর্ধ্য-পুত্রের!

বিদু।—দেবীর শ্রীবুদ্ধি হোক!

পরিত্রা।—জয় হোক মহারাজের!

রাজা।—ভগবতি! প্রণাম।

পরিত্রা।—তোমার মনস্কামনা পূর্ণ হোক।

দেবী।—(সম্মিত) এসো মহারাজ! তরুণীজন-সহায় এই অশোক-তরুটিকে আমরা তোমার সঙ্কেত-স্থান ঠিক করেছি।

বিদু।—দেখুন মহারাজ, দেবী আপনার সহবাস প্রার্থনা করচেন।

রাজা।—(সলজ্জভাবে অশোকের চারিদিকে পরিক্রমণ)

এই যে অশোক-তরু বসন্ত-লক্ষ্মীর কথা
করি' হতাদর
রাখিল তোমার মান—ফুটাইয়া তব যত্নে
কুসুম-নিকর,
আদরের পাত্র তব, হবে সে যে—কি বিচিত্র
বল অতঃপর।

বিদু।—মহারাজ! বিশ্বস্ত-মনে এখন এই তরুণীকে দর্শন করুন।

ধারি।—কাকে?

বিদু।—এই রক্ত-অশোকের কুসুম-শোভাকে।

(সকলের উপবেশন)

রাজা।—(মালবিকাকে দেখিয়া স্বগত) কি কষ্ট! আজ নিকটে থেকেও ছাড়াছাড়ি?

আগি যেন চক্রবাক,
চক্রবাকী মোর প্রিয়তমা,
মিলন-নিষেধ-করী
ধারিণী সে বিভাবরী-সমা।

(কঞ্চুকীর প্রবেশ)

কঞ্চু।—জয় মহারাজের জয়! অমাত্য নিবেদন করচেন:—“বিদর্ভরাজ উপচোকন-স্বরূপ যে দুইটি শিল্পকারিকাকে পাঠিয়েছিলেন, পথশ্রমে তাদের শরীর কাতর থাকায় মহারাজের সমীপে তখন তাদের আনা হয় নাই। এখন তারা মহারাজের দর্শন-যোগ্য হয়েছে। অতএব মহারাজের কি আদেশ হয়?”

রাজা।—তাদের নিয়ে এসো।

কঞ্চু।—যে আজ্ঞা মহারাজ! (প্রস্থান করিয়া তাহাদিগের সহিত পুনঃ প্রবেশ) এই দিকে আসুন, এই দিকে।

প্রথ।—(জনাস্তিকে) দেখ, রমণীয়া! এই রাজবাড়িটি কি চমৎকার! এখানে প্রবেশ করে আমার অন্তরাগ্না প্রসন্ন হল।

দ্বিতী।—জ্যোৎস্নিকা! আমারও তাই। এইরূপ লোক-প্রবাদ আছে—“হৃদয়ের অবস্থা ভাবী সুখ-দুঃখ জানিয়ে দেয়।”

প্রথ।—এখন তাই যেন সত্যি হয়।

কঞ্চু।—ঐ দেখুন, দেবীর সহিত মহারাজ বসে আছেন। আপনারা নিকটে এগিয়ে যান।

(উভয়ের নিকটে গমন ও পরস্পরকে অবলোকন)

উভয়ে।—(প্রণিপাত করিয়া) মহারাজের জয় হোক! দেবীর জয় হোক!

রাজা।—এসো এসো—বোসো।

উভয়ে।—(উপবেশন)

রাজা।—তোমরা কোন্ কলাবিদ্যায় শিক্ষিতা?

উভয়ে।—মহারাজ!—সঙ্গীতে।

রাজা।—দেবি! এই দুইজনের মধ্যে একজনকে তুমি নেও।

ধারি।—মালবিকে! এই দুই সঙ্গীত-সহচরীর মধ্যে কাকে তোমার অধিক নিপুণ বলে মনে হয়?

উভয়ে।—(মালবিকাকে দেখিয়া) ও মা! এ যে আমাদের রাজকুমারী! রাজকুমারীই জয় হোক! (প্রণিপাত করিয়া মালবিকার সহিত উভয়ের অশ্রু-মোচন) (সবিস্ময়ে সকলের অবলোকন)

রাজা।—তোমারই বা কে?—ইনিই বা কে?

প্রথ।—ইনি আমাদের রাজকুমারী।

রাজা।—সে কেমন?

উভয়ে।—শুনুন তবে মহারাজ। মহারাজের সেই বিজয়-সৈন্তের দ্বারা বিদর্ভনাথকে পরাজয় করে' মহারাজ যে কুমার মাধবসেনকে বন্ধন হতে মোচন করেন, তাঁরই কনিষ্ঠা ভগিনী এই মালবিকা।

ধারি।—কি?—ইনি রাজ-কন্যা? তবে ত দেখি, আমি চন্দনকে পাছকা-রূপে ব্যবহার করে' দূষিত করেছি।

রাজা।—আচ্ছা, তোমার তবে একরূপ অবস্থা কি করে' হল?

মাল।—(নিঃশ্বাস ফেলিয়া স্বগত) বিধির নিয়োগে।

দ্বিতী।—শুনুন মহারাজ। আমাদের রাজকুমার মাধবসেন নিজ জাতির বশীভূত হলে পর, তাঁর অমাত্য সুমতি আমাদের মত পরিজনদের ত্যাগ করে' গুপ্তভাবে রাজকুমারীকে নিয়ে আসেন।

রাজা।—এ কথা আমি পূর্বে শুনেছিলাম। তার পর—তার পর?

দ্বিতীয়া।—মহারাজ! তার পর আমি আর কিছু জানি নে।

পরিত্রা।—তার পর কি হল, হতভাগিনী আমিই বলছি শুনুন।

উভয়ে।—রাজকুমারি! এ যে কৌশিকী-ঠাকরণের গলার স্বর শুনছি।

মাল।—হাঁ, তিনিই বটে।

উভয়ে।—সন্ন্যাসিনী-বেশে কৌশিকী-ঠাকরণকে বড়ই বিষম দেখাচ্ছে। ভগবতি! প্রণাম।

পরিত্রা।—কল্যাণ হোক।

রাজা।—এঁরা কি তবে ভগবতীর আপনার লোক?

পরিত্রা।—হাঁ মহারাজ।

বিদু।—ভগবতি, এখন আপনিই তবে এঁর অবশিষ্ট বৃত্তান্তটা বলুন।

পরি।—(বিকলতার সহিত) আচ্ছা, তবে শ্রবণ করুন। মাধবসেনের সচিব সুমতি আমার অগ্রজ।

রাজা।—বুঝলেম। তার পর?

পরিত্রা।—তার পর, এর ভ্রাতার সেইরূপ অবস্থা ঘটলে, অমাত্য সুমতি আপনার সহিত বৈবাহিক

সম্বন্ধ স্থাপনের আশায় আমাকে আর একে সেখান থেকে নিয়ে চলে' এলেন। আস্তে আস্তে পথে এক বণিক-সম্প্রদায়ের সঙ্গে সাক্ষাৎ হওয়ায়, তাদের দলে আমি ঢুকে পড়লেম।

রাজা।—তার পর—তার পর?

পরি।—তার পর, একটা অরণ্যের মধ্যে প্রবেশ করে' পথশ্রান্ত বণিকেরা বিশ্রামে প্রবৃত্ত হল।

রাজা।—তার পর—তার পর?

পরি।—তার পর,

তুণ-পট্ট দৃঢ়বন্ধ বাহুমধ্য দিয়া,

আকর্ণ শিখীর পুচ্ছ রয়েছে ঝুলিয়া,

—হৃদ্বর্ষ ধনুর্ধারী হেন সৈন্তগণ

আবিভূত হল তথা করিয়া গর্জন।

মাল।—(ভীতা)

বিদু।—আপনি ভয় পাবেন না। উনি অতীত ঘটনার কথা বলছেন।

রাজা।—তার পর, তার পর?

পরি।—তার পর, সেই বণিক-সম্প্রদায়ের লোকেরা কিছুক্ষণ যুদ্ধ করে' সেই দস্যুদের কাছে পরাজিত হয়ে শেষে পলায়ন করলে।

রাজা।—ভগবতি! এখন যা শুনতে হবে, তা বোধ হয়, অত্যন্ত কষ্টকর।

পরি।—তার পর,—

অপমান-ক্ষুধ ইনি, হুকুল হইতে এঁরে

করিতে উদ্ধার

প্রভুভক্ত ভাই মোর, প্রাণ দিয়া শুধিলেন

প্রভু-ঋণ-ধার।

প্রথ।—আহা আহা! সুমতি তা হ'লে নিহত হয়েছেন।

দ্বিতী।—তার পর, আমাদের রাজকুমারীর তো এই অবস্থা।

পরি।—(অশ্রু-মোচন)

রাজা।—ভগবতি! মরণশীল প্রাণিমাত্রেরই এইরূপ ঘটে' থাকে। আপনি তাঁর জন্ত শোক করবেন না। সেই প্রভুভক্ত মহাত্মা নিজ প্রভুর পিণ্ড-ঋণ শোধ করেছেন।

পরি।—তার পর আমি মূচ্ছিত হয়ে পড়লেম—যখন আমার জ্ঞান হল, তখন দেখি কি না—ইনি কোথায় অদৃশ্য হয়েছেন।

রাজা।—এই সময় তা হ'লে আপনার বড়ই কষ্ট হয়ে থাকবে।

পরি। তার পর, আমি ভায়ের অগ্নি-সংকার করে' পুনরায় যেন নূতন বৈধব্য-হুঃখে অভিভূত হয়ে, আপনার এই দেশে এসে কাব্য-বস্ত্র পরিধান করুলেম।

রাজা।—ঠিক কাজ করেছেন—সজ্জনেরই এই পথ। তার পর ?

পরি।—তার পর, ইনি সেই দস্যুদের হাত থেকে গিয়ে বীরসেনের হাতে আসেন—বীরসেনের হাত থেকে গিয়ে, শেষে দেবীর হস্তগত হন। পরে আমি দেবীর গৃহে প্রবেশ করে' একে সেইখানেই দেখতে পাই। এই আমার কথা শেষ হল।

মাল।—(স্বগত) না জানি এখন মহারাজ কি বলেন।

রাজা।—কি আশ্চর্য্য! বিধাতা প্রথমে এর অদৃষ্টে অপমান লিখে, আবার দেখ একে কোথায় শেষে নিয়ে এলেন।

দাসীভাবে থাকিয়াও, লইতে পারেন ইনি “দেবী” এই নাম।

মান-বস্ত্র পরিলেও, ধৌত কোশেয় এর যোগ্য পরিধান ॥

ধারি।—ভগবতি! এই মহৎকুলোৎসব মালবিকার প্রকৃত পরিচয় তখন আমার কাছে না দিয়ে আপনি অত্যন্ত অত্যাচার করেছিলেন।

পরি।—দেবি! মার্জনা করবেন। আমি কোন বিশেষ কারণ বশতই এইরূপ গোপন-ভাব অবলম্বন করেছিলেম।

ধারি।—কারণটি কি ?

রাজা।—যদি বলবার হয় তো বলুন।

পরি।—শুনুন তবে। যখন এই মালবিকার পিতা জীবিত ছিলেন, তখন একদিন দেবোৎসব-উপলক্ষে একজন সন্ন্যাসী এসেছিলেন। শুভাশুভের ভবিষ্যৎবাণী সেই সাধু সিদ্ধপুরুষটি আমাকে আদেশ করলেন—“এই কল্যাণটি এক বৎসরমাত্র দাসী-হুঃখ ভোগ করে' তার পর সুযোগ্য পতি লাভ করবে।” সাধুর সেই অবশ্যস্বাবী আদেশ, আপনার চরণ-সেবায়, কতদিনে সফল হয়, আমি তারই প্রতীক্ষা করছি।

রাজা।—প্রতীক্ষা করাই ঠিক।

(কঞ্চুকীর প্রবেশ)

কঞ্চু।—মহারাজ! তখন অন্য কথা উপস্থিত হওয়ায় একটা কথা আমি নিবেদন করতে পারি নি। অমাত্য বলেন, “বিদর্ভ-রাজ সশক্কে বা কর্তব্য, তা আমরা স্থির করেছি, এখন মহারাজের কি অভিপ্রায়, শুনতে ইচ্ছা করি।”

রাজা।—দেখ মোদগাল্য! আমার ইচ্ছা, কুমার যজ্ঞসেন ও মাধবসেন এই দুই ভ্রাতার জন্ম দুইটি পৃথক রাজ্য নির্দিষ্ট হয়।

হয়ে দৌহে প্রতিষ্ঠিত, বরদার দুই কুলে

উত্তর দক্ষিণে,

পালন করুন প্রজা, রবি-শশি করে ভাগ

যথা রাত্রি-দিনে।

কঞ্চু।—মহারাজ! আমি এখন গিয়ে অমাত্য ও সভাসদদের এই আদেশ জানিয়ে আসি।

রাজা।—(অঙ্গুলি-সঙ্কেতে অহুমতি প্রদান)

[কঞ্চুকীর প্রস্থান।]

প্রথ।—(জনান্তিকে) রাজকুমারি! কি সৌভাগ্য! আজ আমাদের রাজকুমার অর্ধ-রাজ্যে প্রতিষ্ঠিত হবেন।

মাল।—এই আমাদের চের যে, তাঁর প্রাণরক্ষা হয়েছে।

(কঞ্চুকীর পুনঃ প্রবেশ)

কঞ্চু।—মহারাজের জয়! অমাত্য মহারাজের নিকট এই নিবেদন করচেন যে, “মহারাজের এই বুদ্ধিটি অতীব কল্যাণময়ী। মন্ত্রি-পরিষদেরও এই অভিপ্রায়।”

দুই ভাগে সংবিভক্ত

রাজশ্রীকে করিয়া বহন

—রথ-ভার-বহনেচ্ছু

দুটি অশ্ব রথের যেমন—

পরস্পর-আক্রমণে

উভে হয়ে নির্বিকার-চিত

পালিয়া নৃপতি-আজ্ঞা

উভে হেথা হোন্ অবস্থিত।

রাজা।—আচ্ছা, তবে মন্ত্রি-পরিষদকে গিয়ে



বল, সেনাপতি বীরসেনকে এইরূপ পত্র লিখে যেন
এই অনুষ্ঠানের উদ্বোধন করা হয়।

কণ্ঠ।—যে আজ্ঞা মহারাজ।

(প্রস্থান করিয়া সপ্রাবরণ পত্র-হস্তে পুনঃ প্রবেশ
পূর্বক) মহারাজের আদেশ সর্বতোভাবে পালিত
হয়েছে। এখন আবার মহারাজের সেনাপতি পুষ্প-
মিত্রের কাছ থেকে সপ্রাবরণ পত্র পাওয়া গেল।
এই দেখুন মহারাজ।

রাজা।—(উঠিয়া উপচার ও সপ্রাবরণ পত্রখানি
শিরোধার্য্য করিয়া পরিজনের হস্তে অর্পণ)

পরি।—(পত্র উদঘাটন)

ধারি।—আহা! আমার হৃদয় যেন তার দিকেই
উন্মুখ হয়ে আছে। গুরুজনের কুশলাদি শুনে তার
পর বহুমিত্রের বৃত্তান্ত সব শুন্তে হবে। আমার পুত্রটি
তো এখন সেনাপতি-পদের গুরুভার বহন কচ্ছে।

রাজা।—(উপবেশন করিয়া পত্র-পাঠ শ্রবণ)

“স্বস্তি!

যজ্ঞশালা হইতে সেনাপতি পুষ্পমিত্র বিদিশা-
নগরীস্থিত আয়ুর্য়ানু পুত্র অগ্নিমিত্রকে সন্মুখে আলিঙ্গন
পূর্বক এই কথা জানাইতেছে, স্মবিদিত হউক :—
আমি রাজস্বয়ংক্রমে দীক্ষিত হইয়া একশত রাজপুত্র-
পরিবৃত্ত কুমার বহুমিত্রকে রক্ষকরূপে নির্দিষ্ট করত
—এক বৎসরের মধ্যে প্রত্যাগমন করিতে হইবে,
এই বলিয়া—যে বন্ধন-মুক্ত অশ্বটিকে ছাড়িয়া দিয়া-
ছিলাম, সেই যজ্ঞ-অশ্বটি সিঙ্কুনদের দক্ষিণ কূলে বিচরণ
করিতেছিল, এমন সময়ে যবনদিগের অশ্ব-সৈন্য
আসিয়া তাকে ধৃত করে। তাহাতে উভয় সৈন্যে
ঘোরতর সংগ্রাম উপস্থিত হয়।”

ধারিণী।—(বিষয়)

রাজা।—কি! এইরূপ ঘটনা হয়েছে? (পুন-
র্বার পত্র পাঠ করিতে বলিয়া)

পরি।—“তার পর :—

ধনুর্ধারী বহুমিত্র

বুদ্ধে করি পরাভব শত্রু-সমুদয়ে

বাহুবল প্রকাশিয়া

লজ্জিত সে অশ্বরাজে আনিল ফিরায়ে।”

ধারি।—এই কথা শুনে এখন আমার হৃদয়
আত্মাসিত হল।

রাজা।—(পত্রের অবশিষ্ট অংশ পাঠ করিতে
বলিয়া)

“সগর যেমন নিজ পৌত্র অংশুমান কর্তৃক প্রত্যা-
হৃত অশ্ব দ্বারা যজ্ঞ করিয়াছিলেন, আমিও সেইরূপ
যজ্ঞের অনুষ্ঠান করিব। অতএব আপনি বিগত-
রোষ-চিত্ত হইয়া বধুগণের সহিত অবিলম্বে যজ্ঞ দর্শ-
নার্থ আগমন করিবেন।”

রাজা।—অনুগৃহীত হলেম।

পরিত্রা।—কি সৌভাগ্য! আপনারা দম্পতি-
দ্বয় এখন পুত্রের বিজয়-সংবাদে সুখী হলেন।
(দেবীকে দেখিয়া)

মহারাজ পতি তব, শ্লাঘ্য বীর-পত্নী-মাঝে

সর্ব-অগ্রে তোমারে গো করিলা স্থাপন।

শক্রজয়ী পুত্র হতে, “বীর-প্রস্থ” এই শব্দ

তুমি দেবি এবে দেখ করিলে অর্জুন ॥

ধারি।—ভগবতি! বৎস বহুমিত্র যে সকল
বিষয়েই আপনার পিতার অনুরূপ হয়েছে, এতে আমি
পরিতুষ্ট হয়েছি।

রাজা।—দেখ মোদগল্য! হস্তি-শাবক যুথ-পতি
মাতঙ্গেরই অনুরূপ করেছে।

কণ্ঠ।—মহারাজ!

অগ্নি দহে জল-রাশি

—নহে সে তো বিশ্বয়-ব্যাপার;

মহাতেজা “ওঁর্ক” হতে

যেহেতু গো জনম তাহার।

তাই বলি, এ বীরদে

কিছুমাত্র নহি গো বিস্মিত

যে উচ্চ কুলেতে জন্ম

—এ বীরদে তারি সমুচিত।

রাজা।—মোদগল্য! যজ্ঞসেনের শালক প্রভৃতি
সমস্ত কারাবাসীদের মুক্ত করে দাও।

কণ্ঠ।—যে আজ্ঞা মহারাজ।

[প্রস্থান।

ধারি।—দেখ জয়সেনা! ইরাবতী প্রভৃতি অন্তঃ-
পুরবাসিনীদের নিকট পুত্রের এই বিজয়-সংবাদ
জানিয়ে এসো।

প্রতী।—যে আজ্ঞে।

[প্রতীহারীর প্রস্থান।

ধারি।—আর শোনো।

প্রতী।—(ফিরিয়া আসিয়া) আজ্ঞা করুন।

ধারি।—(জনাস্তিকে) আমার নাম করে' ইরা-
বতীকে বলবে, মালবিকার উচ্চকূলে জন্ম। আর আমি
তার প্রতি অশোকফুল ফোটার ভার দেবার সময়,
তার কাছে যে প্রতিজ্ঞা করেছিলেম, তার যেন কোন-
রূপ অত্যাচার না হয়।

প্রতী।—যে আজ্ঞা দেবি! (প্রস্থান করিয়া
পুনঃ প্রবেশ) দেবি! পুত্রের বিজয়-সংবাদ শোনা-
মাত্র, অন্তঃপুরের রাণীরা আমাকে পুরস্কারস্বরূপ এত
আভরণ দিলেন যে, আমার মনে হচ্ছে, যেন আমি
অলঙ্কারের একটা সিন্দুক হয়ে পড়েছি।

ধারি।—এতে আর আশ্চর্য্য কি? এ তো অন্তঃ-
পুরের সকলেরই সাধারণ সৌভাগ্য।

প্রতী।—(জনাস্তিকে) দেবি! ইরাবতী এই
কথা বলতে বলেন:—“এ কথা আপনার উপযুক্ত।
পূর্বে আপনি যে প্রতিজ্ঞা করেছিলেন, তার অত্যাচার
করা কিছুতেই কর্তব্য নয়।”

ধারি।—ভগবতি! পূর্বে আর্ষ্য স্মৃতি যে
মালবিকাকে মহারাজের হস্তে সমর্পণ করতে ইচ্ছুক
হয়েছিলেন, এখন সেই বিষয়ে আপনার স্মৃতি
প্রার্থনা করছি।

পরিব্রা।—সে বিষয়ের আপনিই তো এখন
প্রভু।

ধারি।—(মালবিকার হস্ত ধরিয়া) মহারাজ!
এই প্রিয় সংবাদের পারিতোষিক-স্বরূপ এই মাল-
বিকাকে তোমার হস্তে সমর্পণ করছি—গ্রহণ
কর।

রাজা।—(লজ্জার ভাব প্রকাশ)

ধারি।—(সম্মিত) মহারাজ! কি স্থির
করলে?

বিদু।—দেবি! সর্বত্রই এই লোক-প্রবাদ
প্রচলিত যে, নূতন বর মাত্রই লজ্জাতুর হয়ে
থাকে।

রাজা।—(বিদুষকের প্রতি অবলোকন)

বিদু।—যখন দেবী স্বয়ংই ভালবেসে মাল-
বিকাকে দেবী-পদ প্রদান করলেন, তখন আপনি
এঁকে স্বচ্ছন্দে গ্রহণ করুন।

ধারি।—এই রাজকুমারীকে পূর্বেই এঁর গুরু-
জনেরা দেবী-পদ প্রদান করেছেন। তবে আর পুন-
রুক্তির প্রয়োজন কি?

পরিব্রা।—না না—সে কথা না।

যদিও মণির ঞায়, সদা ইনি আমাদের
আনন্দ-দায়িনী
—উচ্চকূল-সমুদ্ভবা—সেই হেতু সকলের
কুল-শিরোমণি,
তবু শোনো হে কল্যাণি! মণিতে কাঞ্চন-যোগ
যোগ্য বোলে গণি।

ধারি।—ভগবতি! ক্ষমা করুন, এই আনন্দে
মত্ত হয়ে, অবগুষ্ঠনবস্ত্রের কথাটা আমার মনে হয় নি।
জয়সেনা! শীঘ্র গিয়ে ধোয়া কোষেয় বস্ত্রটি নিয়ে
এসো।

প্রতী।—যে আজ্ঞা দেবি! (প্রস্থান করিয়া
ধোয়া কোষেয় বস্ত্র লইয়া প্রবেশ) দেবি! এই নিন্।

ধারি।—(মালবিকাকে অবগুষ্ঠনবস্ত্র করিয়া)
মহারাজ! এইবার এঁকে গ্রহণ কর!

রাজা।—আমরা তো চিরদিনই তোমার শাসনে
নিরুত্তর।

পরিব্রা।—এই যে, মহারাজ মালবিকাকে গ্রহণ
করেছেন।

বিদু।—ওহো হো! দেবী ধারিণীর কি
উদারতা!

ধারি।—(পরিজনদের প্রতি অবলোকন)

পরিব্রা।—(মালবিকার নিকটে আসিয়া) জয়
হোক ঠাকুরাণি!

ধারি।—(পরিব্রাজিকাকে নিরাক্ষণ)

পরিব্রা।—দেবি! তোমাতে এটি বিচিত্র নয়।
কেন না:—

সপত্নী থাকেও যদি, তবু করে পতি-সেবা
ভর্তৃ-বৎসলা সতী সপত্নী সহিতে;
সমুদ্রগামিনী নদী, সাগরে মিলায় যথা
সঙ্গে লয়ে শত শত অপর সরিতে।

(নিপুণিকার প্রবেশ)

নিপু।—মহারাজের জয় হোক। রাণী ইরাবতী
আমাকে এই কথা বলতে বলেন:—যদিও আমি
শিষ্টাচারের সীমা লঙ্ঘন করে' মহারাজের নিকট
অপরাধিনী হয়েছি, তবু আমার সে অপরাধ স্বামীর
কাছেই। তিনি আমার প্রভু—আমার স্বামী—চির-
কাল আমি স্বামীর অভিপ্রায় অনুসারেই চলেছি।
এখন মহারাজের মনস্কামনা পূর্ণ হয়েছে। এখন তিনি

সুপ্রসন্ন হয়ে সমানভাবে আমারও যেন মানরক্ষা করেন, এই আমার প্রার্থনা।

ধারি।—নিপুণিকে! ইরাবতীকে বোলো, তিনি যা বলে' পাঠিয়েছেন, মহারাজ তাই করবেন।

নিপু।—যে আঙ্কে দেবি!

[প্রহান।

পরিব্রা।—মহারাজ! আপনার সহিত সঙ্ক-
বন্ধনে মাধবসেন এখন চরিতার্থ হয়েছেন—আমার
এখন এই ইচ্ছে, এই উপলক্ষে তাঁকে আমার সম্মান-
সম্ভাষণ দিয়ে আসি। এখন মহারাজের যদি অহুমতি
হয়—

ধারি।—ভগবতি! আমাদের ছেড়ে যাওয়া
আপনার উচিত হয় না।

রাজা।—ভগবতি! আমাদের পত্রাদিতে আপ-
নার নাম উল্লেখ করে' মাধবসেনকে আপনার সম্মান-
সম্ভাষণ প্রভৃতি আমরাই জানাব।

পরিব্রা।—এই পরাধীন ব্যক্তি আপনাদের উভ-
য়েরই স্নেহের পাত্র।

ধারি।—মহারাজ, আজ্ঞা কর, এর পর তোমার
আর কি প্রিয় কাজ করতে পারি?

রাজা।—এর চেয়ে প্রিয় আর কি হতে পারে?
এখন এইমাত্র প্রার্থনা:—

তুমি দেবি নিত্য যেন

সুপ্রসন্ন থাকো মোর পরে

—এই শুধু চাহি আমি

যেহেতু, সপত্নী আছে ঘরে।

ধাকিতে এ অধিমিত্র

প্রজাদের সুরক্ষক প্রভু,

অতি-বৃষ্টি অনাবৃষ্টি

উপদ্রব ঘটিবে না কভু।

[সকলের প্রহান।

সমাপ্ত

প্রবোধ-চন্দ্রোদয় নাটক (স্বীকৃত-সম্প্রদায়)

জ্যোতিরিন্দ্রনাথ ঠাকুর অনুবাদিত

পাত্রগণ

পুরুষবর্গ

স্বত্রধার ।
কামদেব—মনের প্রবৃত্তি-পক্ষের পুত্র এবং মহামোহের
অনুচর ।
বিবেক—মনের নিবৃত্তি-পক্ষের পুত্র ও নিবৃত্তি পক্ষের
রাজা ।
দম্ভ—লোভের পুত্র ।
অহঙ্কার—মনের প্রবৃত্তি-পক্ষের পুত্র এবং মহামোহের
অনুচর ।
বটু—দম্ভের পরিচারক ।
মহামোহ—মনের প্রবৃত্তি-পক্ষের পুত্র ও প্রবৃত্তিপক্ষের
রাজা ।
চার্কা—মহামোহের অনুচর ।
লোভ—অহঙ্কারের পুত্র ।
ক্রোধ—মনের প্রবৃত্তি-পক্ষের পুত্র এবং মহামোহের
অনুচর ।
দিগম্বর সিদ্ধাস্ত—পাষাণ-মতাবলম্বী ও মহামোহের
অনুচর ।
বৌদ্ধমতাবলম্বী ভিক্ষু ও কাপালিক সোমসিদ্ধাস্ত—
মহামোহের অনুচর ।
বস্তুবিচার ও সন্তোষ—বিবেকের অনুচর ।
বিনীত—বিবেকের দূত ।
মন—আত্মার পুত্র ।
সঙ্কল্প—মনের মন্ত্রী ।

বৈরাগ্য—মনের নিবৃত্তি-পক্ষের দ্বিতীয় পুত্র ।
আত্মা—বিবেকের পিতামহ ।
নিদিধ্যাসন—বিষ্ণুভক্তির আত্মীয় ।
প্রবোধচন্দ্র—বিবেকের পুত্র ।

স্ত্রীবর্গ

রতি—কামদেবের স্ত্রী ।
মতি—বিবেকের স্ত্রী ও উপনিষদের সপত্নী ।
উপনিষৎ—বিবেকের আর এক স্ত্রী ।
তৃষ্ণা—লোভের স্ত্রী ।
হিংসা—ক্রোধের স্ত্রী ।
বিভ্রমবতী—মিথ্যা দৃষ্টির (নাস্তিকতা) সহচরী ।
মিথ্যা দৃষ্টি—মহামোহের উপপত্নী ।
শান্তি—শঙ্কর কন্যা ।
করুণা—শান্তির সখী ।
সাবিকী শ্রদ্ধা }
ব্যাস-সরস্বতী (বেদাস্ত) } বিষ্ণুভক্তির সহচরী ।
মৈত্রী, ক্ষমা—বিষ্ণুভক্তির দাসী ।
দিগম্বর-সিদ্ধাস্তের মতাবলম্বিনী শ্রদ্ধা, }
সোম-সিদ্ধাস্তের মতাবলম্বিনী শ্রদ্ধা, } —ইহার।
বৌদ্ধ ভিক্ষুর মতাবলম্বিনী শ্রদ্ধা } তামসী শ্রদ্ধা

প্রবোধ-চন্দ্রোদয় নাটক

মধ্যাহ্নে যেমতি গো মার্গশ্রী-মরীচিকা
 জলের প্রবাহ বলি'
 মনে হয় অজ্ঞান বশতঃ,
 সেইরূপ যে তব্বরে পঞ্চভূতময় এই
 ত্রৈলোক্য বলিয়া মনে
 সহসা গো হয় প্রতিভাত,
 পরে, পুষ্প-মালিকায় সর্প-কায়-ভ্রম-সম
 জ্ঞানীদের সন্নিকটে
 যার ভ্রান্তি হয় অন্তর্ধান
 —সেই সে আনন্দ-ঘন সুবিমল তেজোময়
 আত্মজ্ঞান-প্রকাশক
 পরম আত্মায় করি ধ্যান ।

অপিচ :—
 অন্তর্নাড়ী-নিরামিত বায়ু-যোগে যাহা উঠে
 ব্রহ্মরূপ করি' অতিক্রম,
 শান্তি-প্রিয় আত্মা-মাঝে প্রগাঢ় আনন্দরূপে
 সহসা যা হয় উন্মীলন,
 অর্ধেন্দু-শেখর, সেই যোগীন্দ্র-ললাট-দেশে
 নেত্ররূপে যাহার উদয়,
 সেই সে জগৎ-ব্যাপী অন্তরস্থ জ্ঞান-জ্যোতি
 —হৃদক তাঁহার জয় জয় ।
 নান্যাস্তে হৃদধার ।

সূত্র।—অতিবাহুল্যে প্রয়োজন নাই। সমস্ত
 সামন্তগণের চূড়ামণির কিরণ-ছটায় যার চরণকমল
 উদ্ভাসিত, নরসিংহের শায় যিনি প্রবল শক্রগণের
 বক্ষ বিদীর্ণ করেছেন, প্রবলতর নরপতিকুলরূপে
 প্রবলমহার্গবে যখন মেদিনী মগ্ন ছিল, তখন যিনি
 তাকে বয়্যাহ-অবতারের শায় উদ্ধার করেন, যার
 দিগন্তব্যাপী কীর্তি-ঘোষণায় লোকের শ্রুতি-বিবর
 পরিপূরিত, যার প্রতাপানলের শিখা-সজ্ব চারিদিকে
 নৃত্য করচে, সেই শ্রীমান্ গোপাল আমাকে এইরূপ
 আদেশ করেছেন :—

“আমার স্বভাব-সুহৃদ রাজা কীর্তিবন্দ্যার দিগ্বিজয়-
 ব্যাপারে আমি নিযুক্ত থাকায়, পরম ব্রহ্মানন্দের
 পরিবর্তে, বিবিধ-বিষয়-রসের আত্মদানেই আমার বহু
 দিবস অতিবাহিত হয়েছে। এখন আমরা কৃতকার্য
 হয়েছি, এখন :—

নৃপতির বিপক্ষে
 হইয়াছে সম্পূর্ণ দমন ;
 খ্যাতনামা অমাত্যেরা
 বহুমতী করিছে রক্ষণ ;
 নৃপতি-মন্তক এবে
 অলঙ্কৃত সাম্রাজ্য-মালায়
 —সঙ্গার বসুন্ধরা
 ঘেরা যথা সিদ্ধ-মেখলায় ।

অতএব আমরা এখন শান্তি-রসাস্রিত কোন নাটকের
 অভিনয়ে আত্মবিনোদন করতে ইচ্ছা করি। ইতি-
 পূর্বে শ্রীকৃষ্ণ মিশ্র, প্রবোধ-চন্দ্রোদয় নামক যে
 নাটকখানি রচনা করে' তোমার হস্তে দিয়েছিলেন,
 সেইটি আজ শ্রীকীর্তিবন্দ্যার সম্মুখে তোমার অভিনয়
 করতে হবে। আর, পরিষদের সহিত রাজারও এই
 অভিনয় দেখবার জন্ত কোতুহল হয়েছে।” আচ্ছা,
 তবে এখন গৃহে গিয়ে, গৃহিণীকে ডেকে সঙ্গীত আরম্ভ
 করে' দেওয়া থাক ।

(পরিক্রমণ ও নেপথ্যাভিমুখে অবলোকন করিয়া)

এই দিকে একবার এসো তো ঠাকুরণ !

(নটীর প্রবেশ)

নটী।—এই আমি এসেছি; আজ্ঞা কর, কি
 করতে হবে।

সূত্র।—প্রিয়ে, তোমার তো জানাই আছে,
 যিনি প্রতিপক্ষ ভূপতিগণের বিপুল সৈন্যারণ্যে নিজ
 প্রজ্বলিত প্রতাপ-বহি বিস্তৃত করে' ত্রিভুবনবিবর
 আলোকিত করেছেন, যার কীর্তি বিশ্বব্যাপিনী, যিনি

কেবল অসিদ্ধ-সহায় হয়ে অল্প রাজাদের সবলে
জয় করে', কীর্তিবর্মা নৃপতিকে পুনর্বার রাজ্যে
অভিষিক্ত করেচেন ; আরও :—

যে সকল রণভূমে আঞ্জিও গো উন্মদ
রাক্ষস-তরুণীগণ
কর আফালিয়া দেয় নৃ-কপালে তাল,
সেই তাল-ধ্বনি-সাথে পিশাচ-অঙ্গনাগণ
একত্র মিলিয়া সবে
মত্ত হয়ে নৃত্য করে অতীব করাল,
সেই সব রণভূমে
প্রচণ্ড কুভিত বায়ু সবে
করি-কুস্তে ফুকানিয়া
যশোগান গাহে ঘোর রবে ।

তিনি এখন শাস্তি-পথে প্রস্থান করায়, আশ্ব-বিনো-
দনের অল্প প্রবোধ-চন্দ্রোদয় নামক নাটক অভিনয়
করতে আমাকে আদেশ করেছেন । অতএব তুমি
এখন নটদের বেশভূষায় সুসজ্জিত হ'তে বল ।

নটী ।—(সবিস্ময়ে) কি আশ্চর্য্য! যিনি নিজ
বাহুবলে সকল নৃপমণ্ডলকে পরাজিত ও শর-বর্ষণে
জর্জরিত করে' রণক্ষেত্রে মৃত তুরঙ্গের তরঙ্গ
উঠিয়েছিলেন, নিরস্তর-নিপতিত শরজালে বিথঙিত
শত সহস্র উত্তম মাতঙ্গ-পর্কিত স্বজন করেছিলেন ;
ভ্রমন্ত প্রচণ্ড ভূদণ্ড-মন্দারের আঘাতে, কর্ণরাজের
পদাতি-সৈন্য-সাগর মছন করে' বিজয়-লক্ষ্মী লাভ
করেছিলেন, তাঁর চিত্তে কিরূপে এমন মূনিগণপ্রাঘা
শাস্তিয়নের উদয় হ'ল বল দিকি ?

স্বত্র ।—দেখ প্রিয়ে! ব্রহ্মজ্যোতিঃ স্বভাবতঃই
শাস্ত ; কোন কারণ বশতঃ বিকার প্রাপ্ত হলেও,
পরে আবার সে স্বভাবে পুনঃপ্রতিষ্ঠিত হয় । দেখ,
সকল ভূপাল-কুলের রুদ্র প্রলয়-কালাগ্নি-স্বরূপ চেদি-
রাজ কর্ণ, চন্দ্রবংশীয় আধিপত্যের মুগ্ধদেহ করায়,
সেই আধিপত্য পুনঃপ্রতিষ্ঠিত করার জন্মই তিনি
এই বুদ্ধে প্ররত্ত হয়েছিলেন । দেখ :—

কন্যাস্তে মহা-সিদ্ধ হইয়া গো সংকোভিত
পৃথিবীর শেষ গিরি
করয়ে লজ্বন,
পরে সেই মহোদধি হইয়া প্রশান্ত স্থির
আপন সীমায় পুনঃ
করে আগমন ।

৩য়—১৭

আরও দেখ, ভগবান্ নারায়ণ জগতের হিতের
নিমিত্ত অংশরূপে ক্ষিতিলে অবতীর্ণ হয়ে, পৌরুষের
কার্য্য সকল সম্পাদন করে', পরে আবার শাস্তিলাভ
করেন । পরশুরামও আর এক দৃষ্টান্তস্থল :—

একবিংশতিবার বহুসংখ্য নৃপতির
বসামাংস মস্তিষ্ক পঙ্কের মাঝারে,
বিগলিত রুধিরের সরিৎ-সলিল-শ্রোতে
অভিষেক করিলা গো যিনি আপনারে ;
নৃপ-বাহুচ্ছেদ-পটু হুতীক্ষ পরশু দিয়া
বধিলেন যিনি বাল-বৃদ্ধ-বনিতারে
—নিজ বীর্য্যে পৃথী-ভার করিয়া লাঘব,
উচ্ছেদ করিয়া রণে নৃপকুল সব,—
প্রজলিত-কোপ সেই ধ্বি জামদগ্ন্য
তপ করি হন শেষে শাস্তিরসে মগ্ন ।

সেইরূপ, ইনিও এখন জয়লাভ করে' পরম শাস্তি-
নিষ্ঠা লাভ করেছেন । যেমন বিবেক প্রবল মোহকে
পরাসূত করে' তত্ত্বজ্ঞান উৎপাদন করে, সেইরূপ
এই গোপালও কর্ণকে পরাজিত করে' মহারাজ
কীর্তিবর্ম্মার আধিপত্য স্থাপন করেচেন ।

নেপথ্যে ।—আরে পাপিষ্ঠ নটাদম! কি ?
—আমরা জীবিত থাকতে, বিবেকের নিকট আমাদের
প্রভু মহামোহের পরাজয়ের কথা বল্চিস্ ?

স্বত্র ।—(সভয়ে দেখিয়া) এই যে !

উত্তম পীবর কুচে করিয়া পীড়ন
হুই ভুঞ্জে রতি যাঁরে করে আলিঙ্গন
—এ হেন শ্রীমান্ কাম, নয়নের অভিরাম
মদঘর্ণিত-লোচন,
মাতায়ে জগত জ্বনে ওই দেখ রতি সনে
হেথা করে আগমন ।

দেখে মনে হয়, আমার কথায় উনি ক্রুদ্ধ হয়েচেন ;
অতএব এখন থেকে আমার চলে' যাওয়াই শ্রেয়ঃ ।

[প্রস্থান ।

ইতি প্রস্তাবনা ।

প্রথম অঙ্ক

(কাম ও রতির প্রবেশ)

কাম ।—(সক্রোধে)—(আরে পাপিষ্ঠ নটাদম
ইত্যাদি) দেখ, নটাদম !

যাবৎ না স্বমলাঙ্গী সুন্দরী ললনাদের
দৃষ্টি-শর হয় গো পতন,
তাবৎ জানীর চিত্তে শাস্ত্রজ্ঞাত বিবেকের
প্রভাব থাকয়ে অক্ষুণ্ণ।

হা হা হা!

রমণীয় হর্ষ্যতল,
সুন্দরী নবীনা নায়িকা,
ভ্রমর-গুঞ্জিত লতা,
বিকচ-ফুল নবমালিকা,
—এসব অমোঘ অঙ্গ বরষি' যখন আমি
করি বিশ্ব জয়,
কোথা থাকে তখন সে বিবেক-বিভব, আর
প্রবোধ-উদয়?

রতি।—নাথ! আমার মনে হয়, বিবেকই
মহারাজ মহামোহের বিষম শত্রু।

কাম।—প্রিয়ে! বিবেকের নামমাত্রেরই কেন
তোমার মনে এই স্ত্রী-সুলভ ভয় উপস্থিত হল বল
দিকি? দেখ সুন্দরি!

থাকিতে গো মোর এই পুষ্পময় বাণ, আর
পুষ্প-শরাসন,
সুরাসুর-বিশ্বলোক মুহূর্ত করিতে নায়ে
ধৈর্য ধারণ।

তুমি তো জানো:—

অহল্যার উপপত্তি হন সুরপতি,
ব্রহ্মা হন অমুরক সঙ্ঘা-বালা প্রতি,
গুরুর পত্নীরে ইন্দু করিল ভজনা,
আমা হতে অপথে কে, না যায় বল না?
বিশ্বনাশে এ বাণের হয় কি গো শ্রম?
—অনায়াসে করিবে সে বিজয়-সাধন।

রতি।—সে কথা সত্য; তবুও এই মহাসহায়-
সম্পন্ন শত্রুকে ভয় করতে হয়; কেন না, শূন্যে
পাই, যম-নিয়মাদি এর অমাত্য।

কাম।—প্রিয়ে! এই যে সব বিবেকের প্রবল
অমাত্য দেখছ, আমরা আক্রমণ করবামাত্রই এরা
পলায়ন করবে। দেখ:—

দাঁড়াতে পারে কি গো আমার সম্মুখে কভু
তপশা, সন্ন্যাস, ব্রহ্মচর্যা?

—অহিংসা ক্রোধের কাছে?—লোভের সম্মুখে, সত্য
অপ্রতিগ্রাহিতা অচৌর্য্য?

যাদের মানসিক বিকার নেই, তারাই যম, নিয়ম,
আসন, প্রাণায়াম, প্রত্যাহার, ধ্যান, ধারণা, সমাধি
সাধন করতে পারে; তা ছাড়া স্ত্রীলোকেরাই ওদের
মারণ-দেবতা, সুতরাং তারা আমাদের আয়ত্তের
মধ্যে। কেন না:—

সুন্দরী কামিনীদের বিলাস ও পরিহাস
দর্শন, স্মরণ, ভাষণ,
কেলি-আলিঙ্গন আদি— জেনো মনো-বিকারের
এই সব যথেষ্ট কারণ।

বিশেষতঃ আমাদের প্রভুর প্রিয়পাত্র মদ, মান,
মাৎসর্যা, দম্ভ, লোভাদি, এই যম-নিয়মাদিকে যখন
আক্রমণ করবে, তখন তারা নিশ্চয়ই আমাদের
রাজ-মন্ত্রী-অধর্মের শরণাগত হবে।

রতি।—শুনেছি নাকি, তোমাদের ও শমদম
প্রভৃতির উৎপত্তি-স্থান একই।

কাম।—প্রিয়ে! কি বলে, উৎপত্তি-স্থান একই?
শুধু তা নয়, আমাদের জনকও একই।

মায়াতে, ঈশ্বর-যোগে প্রথমেই মন নামে
সুবিখ্যাত পুত্র এক
লভিল জনম;
পরে সেই মন পুন ত্রিলোক করিয়া সৃষ্টি
মোদের এ কুল-দ্বয়
করিল সৃজন।

তার প্রবৃত্তি ও নিবৃত্তি নামে দুই ধর্মপত্নী; তার
মধ্যে, প্রবৃত্তিতে যে কুল উৎপন্ন হয়, সেটি মহামোহ-
প্রধান; আর, নিবৃত্তিতে যে কুল উৎপন্ন হয়, সেটি
বিবেক-প্রধান।

রতি।—আচ্ছা নাথ! যদি তোমাদের জনক
একই হল, তবে ভ্রাতৃগণের মধ্যে পরস্পর এরূপ
শত্রুতা কেন?

কাম।—প্রিয়ে!

এক দ্রব্য-ভোগকামী ভ্রাতৃগণ-মাঝে
শত্রুতা তো এ জগতে প্রসিদ্ধই আছে।
পৃথীরাঙ্গ্য-তরে, দেখ কুরুপাণ্ডুগণ
লোক-ক্ষয়কারী যুদ্ধ করিল বিষম।

এই সমস্ত জগৎ আমাদের পিতার উপার্জিত,
আমরা পিতার প্রিয় পুত্র বলে' আমরাই সমস্ত
আক্রমণ করেছি। আর, তারা রাজ্য অধিকার করতে

পারুচে না বোলে, পিতাকে ও আমাদের বিনষ্ট করতে উদ্ধত হয়েছে।

রতি।—(কর্ণ আবরণ করিয়া) ও পাপ কথা শুনতে নেই। তারা কি কেবল বিদেহবশতই এই পাপকার্যে প্রবৃত্ত হয়েছে? সে যাই হোক, এখন এর উপায় কি?

কাম।—প্রিয়ে! এর কিঞ্চিৎ নিগূঢ় কারণ আছে।

রতি।—নাথ! সে কারণটা প্রকাশ কচ্চ না কেন?

কাম।—প্রিয়ে! তুমি জীলোক, স্বভাবতঃ ভীক, এই জন্তই পাপিষ্ঠদের সেই দারুণ কার্যের কথা তোমার কাছে বল্চিনে।

রতি।—(সভয়ে) নাথ! বল না, সে কিরূপ কাজ?

কাম।—প্রিয়ে! ভয় পেয়ো না; এইরূপ জনশ্রুতি আছে, আমাদের এই বংশে কাল-রাত্রিরূপা বিছা নামে এক রাক্ষসীর জন্ম হবে; সেই হতাশদের এই একমাত্র আশা।

রতি।—ও মা, কি হবে! তোমাদের কুলে রাক্ষসী?—শুনে যে আমার হৃৎকম্প হচ্ছে।

কাম।—প্রিয়ে! এ কেবল জনশ্রুতি!

রতি।—আচ্ছা, সেই রাক্ষসী জন্মে' ক করবে?

কাম।—প্রিয়ে! এইরূপ আকাশ-বাণী আছে:—

সেই আদি পুরুষের গৃহিণী যে মায়া
—পরশ না করিয়াও পুরুষের কায়া—
মন নামে পুত্র এক করে সে প্রসব,
তাহাতে জন্মিল ক্রমে এই লোক সব।

বিছা নামে কণ্ঠা পুন তারি কুলে করিয়া গো
জনম গ্রহণ

পিতা মাতা ভ্রাতৃগণে— সমস্ত আপন কুলে
করিবে ভক্ষণ।

রতি।—(ভয়ে কম্পমান হইয়া) নাথ! রক্ষা কর! রক্ষা কর! (ভর্তাকে আলিঙ্গন)

কাম।—(স্পর্শস্থলে স্বগত)

তরলিত আঁখি-তারা, দৃষ্টিটি আকুল-পারা,
অধীর নয়ন।

উত্তর স্তনঘর ভয়ে বিকম্পিত হয়
—স্বথ-পরশন।

শনি-বলয়-গুঞ্জে বাহ-ব্রততী-বন্ধনে
কিবা আলিঙ্গন!

তহু মোর লোমাঙ্কিত—আনন্দিত সম্মোহিত
হল যে গো মন।

(প্রকাশে—দৃঢ় আলিঙ্গন করিয়া) প্রিয়ে ভয় নাই, আমরা জীবিত থাকতে কি বিছার উৎপত্তি হতে পারে?

রতি।—আচ্ছা নাথ! সেই রাক্ষসীর উৎপত্তি কি তোমাদের বিপক্ষদের অভিপ্রেত?

কাম।—হাঁ, তাদের অভিপ্রেত বৈ কি। বিবেক নিজ পত্নী উপনিষদ দেবীতে, প্রবোধচন্দ্র ও তাঁর ভগিনী বিছার উৎপাদন করবেন; আর, সেই বিষয়ে এই শম, দম প্রভৃতি সকলেই উদ্বোধিত।

রতি।—নাথ! কেন সেই হৃদিনীত লোকেরা আত্মবিনাশকারিণী বিছার জন্মকে প্লাবার বিষয় মনে করচে বল দিকি?

কাম।—প্রিয়ে, যে পাপিষ্ঠেরা কুলক্ষয়ে প্রবৃত্ত হয়, তারা কি আপনার ইষ্টানিষ্ট গণনা করে? দেখ:—

যাহারা গো স্বভাবতঃ মলিন-হৃদয় অতি
আর কুর-মন,
তাদের উৎপত্তি হয় জনক ও আপনার
বিনাশ-কারণ।
অনলে উৎপন্ন ধূম প্রথমে গো মেঘ-রূপে
হয় পরিণত;
সেই মেঘ বরষিয়া অগ্নিরে করয়ে নাশ
—নিজেও নিহত।

নেপথ্যে।—আরে পাপিষ্ঠ ছরাত্মা! আমাদের তুই পাপিষ্ঠ বলে' নিন্দা করচিস্? দেখ:—

কার্য্যাকার্য্য-জ্ঞানহীন কলঙ্কী বিপথগামী
গুরু যদি হয়,
তাঁহারেও পরিত্যাগ অবশ্য করিতে হবে
জানিও নিশ্চয়।

—পুরাবিৎ পণ্ডিতগণ এইরূপ পৌরাণিকী কথা বলে' থাকেন। দেখ, আমাদের পিতা মন অহঙ্কারের অমুর্ষভী হয়ে, জগৎপতি পিতাকেও বন্ধন করেছেন; আবার আমাদের পিতা মনও মহামোহ প্রভৃতির দ্বারা দৃঢ়রূপে বদ্ধ হয়ে আছেন।

কাম।—(দেখিয়া)—প্রিয়ে! ঐ দেখ, আমাদের কুল-শ্রেষ্ঠ বিবেক, মতিদেবীর সহিত এই-খানে আসচেন। ঐ দেখ :—

বশীভূত রাগাদির তিরস্কারে হতকান্তি
কৃশাঙ্গ লক্ষিত গো এই মানী জন।
মান মতি দেবী-সহ বিরাজেন ইনি দেখ
শিশির-আচ্ছন্ন-কান্তি শশাঙ্ক যেমন ॥

অতএব এখানে থাকা আমাদের উচিত হয় না।
[প্রস্থান।

ইতি বিকল্পক।

(রাজা বিবেক ও মতি-দেবীর প্রবেশ)

রাজা।—প্রিয়ে! এই বটুর মদগর্ভিত বাক্য শুনলে?—আমাদের পাপাচারী বলে' কি না নিন্দা করে!

মতি।—নাথ! আপনার দোষ কেউ কি দেখতে পার?

হুঁষ্ট অহঙ্কার-আদি চিদানন্দময় সেই
নিখিল জগৎপতি নিত্যনিরঞ্জে
বন্ধন করিয়া দেখ শত দৃঢ় পাশ দিয়া
কি দশা করিল তাঁর, দেখ ভাবি মনে।

সেই তারা হল পুণ্যকারী, আর আমরা তাঁর পাশ-মোচনে প্রবৃত্ত হয়েছি—আমরা কি না হলেম পাপাচারী! অহো! এ সংসারে ছরাআদেরই জয়!

মতি।—নাথ! শুনেছি নাকি পরমেশ্বর সহজানন্দ সুন্দর-স্বভাব, নিত্য প্রকাশমান, আর সকল জুবনেই তাঁর প্রভাব দীপ্যমান; তবে কি প্রকারে এই হুঁসিনীতেরা তাঁকে বন্ধন করে' মহামোহ-সাগরে নিক্ষেপ করলে বল দিকি?

রাজা।—প্রিয়ে!

কিবা ধীর কিবা শাস্ত, মহোদয়, কি নীতিজ্ঞ,
স্বচ্ছ সুবিমল-চিত্ত, কিবা সুধীজন।
সকলেই নারী হতে হইয়া গো প্রতারিত
স্বাভাবিক ধৈর্য হারায় আপন।
স্বয়ং আত্মপুরুষের মায়া-সহবাস-বশে
হ'ল এইরূপে দেখ আত্ম-বিস্মরণ ॥

মতি।—নাথ! রেখা-মাত্র অঙ্ককারে কি সহস্র-রশ্মি স্বর্ঘ্য আচ্ছাদিত হতে পারে? তবে যে দেবতা

দীপ্যমান মহা-আলোক-সাগর—তিনি মায়াতে কি প্রকারে অভিভূত হবেন?

রাজা।—প্রিয়ে! এ তত্ত্ব বিচারের অগম্য। বেশ-বিলাসিনী যেমন নানা প্রকার ভাবভঙ্গীর দ্বারা পরপুরুষকে বঞ্চনা করে, সেইরূপ মায়াও অলীক সত্যের দ্বারা আত্মপুরুষকে বঞ্চনা করে, দেখ :—

স্বভাবত নির্বিকার —ফটিক-মণির স্থায়
যিনি প্রভাবিত,
সেই দেবে এই মায়া —অনার্য্য! যে অতিশয়—
করিল বিকৃত।

সহবাসে যদিও সে একটুও দীপ্তি তাঁর
নাশিতে অক্ষম,
তথাপি সে পুরুষের অধীরতা উৎপাদিতে
পারে বিলক্ষণ।

মতি।—আচ্ছা, মায়া যে এইরূপে সেই উদার-চরিত পুরুষকে প্রতারণা করচে—এর কারণটা কি?

রাজা।—কোন প্রয়োজন বা কারণ দেখে যে মায়া এই কার্যে প্রবৃত্ত হয়েচে, তা নয়; জ্বীপিশাচীদের স্বভাবই এই। তারা :—

কড়ু করে সম্মোহিত, আনন্দিত কখন বা
করে বিড়ম্বনা;
চিত্তের চাঞ্চল্য আনে, সুখ দেয়, কড়ু করে
বিষাদ-ঘটনা।

আরও একটি কারণ আছে।

মতি।—নাথ! সে কারণটি কি?

রাজা।—সেই হুঁস্কারিণী মায়া এইরূপ ভেবে-ছিল :—“আমার তো যৌবন গেছে, এখন আমি বৃদ্ধা হয়েছি। আর এই প্রাচীন পুরুষও স্বভাবত বিষয়-রসে বিমুগ্ধ, অতএব এখন নিজ পুত্রকেই পরমেশ্বরের কাছে প্রতিষ্ঠা করা যাক্।” সেও মাতার এই অভি-প্রায় জানতে পেরে, পরমেশ্বরের নিতান্ত নিকটে থেকে, পরমেশ্বর-পদেই প্রতিষ্ঠিত হয়েচে, এইরূপ আপনাকে মনে করলে; তার পর সে নবদ্বার পুর-সকল নির্মাণ করে' :—

এক হইয়াও সে গো ভিন্ন ভিন্ন বহু পুরে
করিয়া প্রবেশ
—মণি-প্রতিবিম্ব প্রায়— ভাবিল—যা করে সেই
করে পরমেশ।

মতি।—যেমন মাতা, পুত্রটিও দেখি সেইরূপ
জন্মেছে।

রাজা।—তার পর, সেই আত্মা-পুরুষ মনের
জ্যেষ্ঠপুত্র ও নিজের পৌত্র মহাকারের সহিত সম্মিলিত
হয়ে :—

“আমার হয়েছে জন্ম, আমার জনক ইনি
ইনি গো জননী ;
এই কুল, এই পুত্র, এই শত্রু, এই মিত্র,
এই মোর ভূমি ;
এই পত্নী, এই ধন, এই সৈন্য, এই বিজ্ঞা,
এই মোর সুহৃদ বান্ধব,”
—মায়ায় আসক্ত হয়ে —অবিজ্ঞা-নিদ্রার মগ্ন—
কল্পনায় দেখে স্বপ্ন সব।

মতি।—নাথ! পরমেশ্বর যদি একরূপ সুদীর্ঘ
নিদ্রায় অভিভূত রইলেন, তা হ'লে কিরূপে প্রবো-
ধের জন্ম হবে ?

রাজা।—(লজ্জায় অধোবদন)

মতি।—নাথ! তুমি লজ্জায় অধোবদন হয়ে
মৌন হয়ে রইলে কেন বল দিকি ?

রাজা।—প্রিয়ে, সপত্নীর প্রতি স্ত্রীলোকদের স্বভা-
বতই ঈর্ষ্যা জন্মে, তাই অপরাধীর তায় প্রকাশ করে'
বলতে আমার শক্তি হচ্ছে।

মতি।—সামান্য স্ত্রীলোকেরাই সপত্নীর প্রতি
ঈর্ষ্যা করে' থাকে ; আর, সরস-বিষয়ে প্রবৃত্ত বা ধর্ম-
ব্যবসারে নিমুক্ত যে স্বামী, তার মনে কেশ দেয়।

রাজা।—তবে শোনো বলি :—

উপনিষৎ দেবী নামে

আছে মোর অপন্ন পতিনী,

—সুচির-বিচ্ছেদে সে গো

ঈর্ষ্যা-ভরে হয়েছে মানিনী।

শান্তি আদি দূতীদের অহুকুলতার যদি

তাঁর সনে সম্মিলন হয়,

আর যদি স্বর্ণকাল তুমি থাকো মৌন হয়ে

ত্যাগ করি' ভোগের বিষয়,

তা হলে জাগ্রৎ-স্বপ্ন সুশুপ্তির অন্তর্ধানে

হইবে গো প্রবোধ উদয়।

মতি।—নাথ! যদি এইরূপে দৃঢ়গ্রন্থিবদ্ধ
আমাদের সেই কুলপ্রভু আত্মা পুরুষের বন্ধন-মোচন
হয়, তা হলে তুমি চিরকাল কেন উপনিষৎ দেবীর

সঙ্গে মিলিত হয়ে থাকো না ; তাতে আমি বরঞ্চ
স্বধীই হব।

রাজা।—প্রিয়ে! তুমি যদি প্রসন্ন থাকো, তা
হলে আমাদেরও মনোরথ সিদ্ধ হয়। দেখ :—

যিনি এক অদ্বিতীয় যিনি গো শাখত প্রভু
জগতের আদি,
তাঁরে বহু ভাগ করি' ভিন্ন ভিন্ন গৃহে যারা
রাখিয়াছে বাধি,
আর যারা এইরূপে পরম সে পুরুষেরে
মৃত্যু-বশে করে আনয়ন
—বিজ্ঞা-যোগে সেই সব ব্রহ্মভেদকারীদের
প্রাণাস্তিক প্রায়শ্চিত্ত
করিয়া সাধন

ব্রহ্মের একতা পুন করিব স্থাপন।

আচ্ছা, তবে এই কার্যসাধনের জন্ত শম-দমাদি-
দের নিযুক্ত করা যাক।

[প্রস্থান।

ইতি সংসারাবতার নামক প্রথম অঙ্ক।

দ্বিতীয় অঙ্ক

দৃশ্য—বারাণসী

(দম্ভের প্রবেশ)

দম্ভ।—মহারাজ মহামোহ আমাকে এইরূপ
আদেশ করেছেন :—“বিবেক-রাজ, অমাত্যের সহিত
মিলিত হয়ে, যাতে প্রবোধ-চন্দ্রের উদয় হয়, তাহিবে
প্রতিজ্ঞা করে', প্রসিদ্ধ-প্রসিদ্ধ সকল তীর্থস্থানেই
শম-দমাদিকে প্রেরণ করেছেন। এখন আমাদের
কুলক্ষয় হবার উপক্রম হয়েছে ; অতএব এর প্রতি-
বিধান করা তোমাদের কর্তব্য ; আর, পৃথিবীর
মধ্যে শ্রেষ্ঠ মুক্তি-ক্ষেত্র বারাণসী নামক নগরীতে
গিয়ে, চতুর্দিক আশ্রমীদের মুক্তিতে যাতে ব্যাঘাত
ঘটে, তারই তোমরা এখন চেষ্টা কর।” তাই আমি
এখন বারাণসী নগরীকে বিশেষরূপে বশীভূত করে',
মহারাজ যেরূপ আদেশ করেছেন—সমস্তই সম্পাদন
করেছি। তাই আমার অধিষ্ঠানে এখন :—

ধূর্তগণ বেষ্ঠা-গৃহে সুরা-গন্ধী মুখ-মধু
করিয়া সেবন,
মহ্মথোৎসব-রসে সমস্ত চাঁদিনী রাত
করিয়া যাপন,
বলে "মোরা সব্বজ্ঞ, মোরা চির-অগ্নিহোত্রী
ব্রহ্মজ্ঞ তাপস।"
এইরূপে জগতেরে করে তারা প্রবঞ্চনা
হইলে দিবস ॥

(দেখিয়া) কে এই পথিকটি ভাগীরথী পার
হয়ে এ দিকে আস্চে ? দেখ না, উনি আস্চেন :—

প্রজলিত অভিমানে
ত্রিলোক করিয়া যেন গ্রাস,
তিরঙ্গারি' বাক্য-জালে,
প্রজ্বারে করিয়া উপহাস।

তাই আমার মনে হয়, ইনি দক্ষিণ-রাঢ়দেশ হতে
আস্চেন। ভালই হল, এ'র নিকটে পিতামহ
অহঙ্কারের সংবাদ জান্তে পারা যাবে।

(অহঙ্কারের প্রবেশ)

অহং!—অহো! এ জগতে অধিকাংশ লোকই
মূর্খ! দেখ না কেন, অনেকেই :—

মহাগুরু "প্রভাকর" —মীমাংসাকারীর মত
করেনি শ্রবণ;
"তুতাত-ভট্টের কৃত লায়-দর্শনখানি
করেনি দর্শন;
"বাচস্পতি" দুরে থাক্, "সালিকেরো" বাক্য-তত্ত্ব
জানে না কেমন;
"মহোদধি-স্বজ্ঞ" তাও নহে অবগত;
আরো, নাহি জানে যজ্ঞ-মীমাংসার মত;
বস্ততব না করিয়া স্থল নিরূপণ
কেমনে আছে গো স্থল নর-পশুগণ ?

(দেখিয়া) এই যে লোক সকল শাস্ত্র অধ্যয়ন
কচ্ছে, এদের কেবল অধ্যয়নই সার; এরা শাস্ত্রের
অর্থ কিছুই বুঝতে পারচে না, কেবল বেদেরই বিপ্লব
ঘটাচ্ছে। (পুনর্বার অস্ত্র দিকে গিয়া) আরে! এরা
দেখচি ভিক্ষালাভের জন্তই যতি-ব্রত গ্রহণ করেছে;
আর, মুণ্ডিতমস্তক হয়ে আপনাদের জ্ঞানী মনে
করে' বেদান্তশাস্ত্রকে 'আকুল করে' তুলেছে। (হাস্য
করিয়া)

প্রমা-সিদ্ধ জ্ঞান যেই প্রত্যক্ষ-আদি,
বেদান্ত তাহার যে গো বিরুদ্ধার্থবাদী
—সেই বেদান্তকে যদি শাস্ত্র বলি' মানো,
কি করিল অপরাধ তবে বৌদ্ধগণ ?

(আবার অস্ত্র দিকে গিয়া) এই যে এইখানে
এই সব শৈব-পাশুপতাদি পশুর দল, আর ছুরভ্যস্ত
অক্ষপাদ-দর্শনের মতাবলম্বী পাষণ্ডেরা—এদের
দর্শনমাত্রেরই লোকে নরকগামী হয়; অতএব দূর
হতেই এদের দর্শন-পথ পরিহার করা কর্তব্য।
(অস্ত্র দিকে গমন করিয়া) এরা আবার কে ?
এরা যে দেখ্চি :—

জাহ্নবী-তরঙ্গাহত শিলাতলে আছে বসি'
দীপ্যমান আসন পাতিয়া;
সন্মুখে সমুজ্জল কমণ্ডলু; মহাদণ্ড
স্বশোভিত কুশমুষ্টি দিয়া;
অক্ষমালা-বীজগুলি অঙ্গুলীতে ব্যগ্রভাবে
একে একে করিছে গ্রহণ;
কি আশ্চর্য্য! এই সব দাস্তিকেরা ধনীদের
চিত্ত সদা করয়ে হরণ।

(অস্ত্র দিকে গিয়া) এরা তো নিতান্ত ভ্রান্ত;
এদের ত্রিদণ্ডমাত্র জীবনোপায়; এরা হৈত অর্থেত
উভয় মার্গ হতেই পরিভ্রষ্ট। (অস্ত্র দিকে গিয়া) ওহে!
কার এই ষারদেশে উচ্চ বংশ-দণ্ড পোতা রয়েছে?
স্থল শুভ্র ধৌত বস্ত্র সকল বুলচে; স্থানে স্থানে
মৃগচর্ম পাতা আছে; কোথাও বা শিলা-প্রস্তর
সকল রয়েছে; চমস, উদ্বল, মুষল প্রভৃতি যজ্ঞ-পাত্র
ইতস্তত বিক্ষিপ্ত; অগ্নিতে অনবরত ঘৃতাহুতি দেও-
যায় তার ধূমে গগনমণ্ডল একেবারে শ্রামবর্ণ হয়ে
গেছে। হাঁ, তাই বটে, গঙ্গার অনতিদূরে একটি
আশ্রম দেখা যাচ্ছে। এটি নিশ্চয় কোন গৃহস্থের
গৃহ হবে। আচ্ছা, তবে এই পবিত্র স্থানটিতে দুই
তিন দিন বাস করা যাক।

(গৃহে প্রবেশ করত দেখিয়া)

এই যে!

লগাট উদর কণ্ঠ বাহ বক্ষ পৃষ্ঠ,
জাহ্ন ও চিবুক আর উরু, গণ্ড ওষ্ঠ
—ভিলক-লাহিত; আর,
কটিদেশ, কেশ, হস্ত, কাণ

কুশাকুরে সুশোভিত,
ইনিই তো দস্ত যুক্তিমান।

আচ্ছা, ঠুর নিকটেই যাওয়া যাক। (নিকটে
গিয়া) কল্যাণ হোক!

দস্ত।—উহঁ (ছকারে বারণ করত)

(বটুর প্রবেশ)

বটু।—ব্রাহ্মণ! দূরে থাকুন; পাদপ্রক্ষালন
করে' এই আশ্রমে প্রবেশ করতে হয়।

অহং।—(সক্রোধে) আরে, আমরা দেখছি
তুরকদেশে এসেছি; তা নইলে অতিথি ব্রাহ্মণকেও
গৃহস্থেরা পাদপ্রক্ষালনের জল দেয় না।

দস্ত।—(হস্ত-ইঙ্গিতে আশ্বস্ত করণ)

বটু।—গুরুদেব এই আদেশ করছেন, আপনি
দূরদেশ হতে এসেছেন, আপনার কুলশীল আমাদের
জানা নেই।

অহং।—আরে পাপিষ্ঠ! আমাদেরও কুলশীল
আবার পরীক্ষা করতে হবে? আচ্ছা, তবে শোনো।

অত্যাভূতম রাজ্য এক, গোড় তার নাম
—তাহারি গো রাত দেশে ভূরিশ্রেষ্ঠী গ্রাম;
সে গ্রামে করেন বাস শ্রেষ্ঠ মোর পিতা,
তাঁর গুণী পুত্রদের কে না জানে হেথা?
তার মাঝে সর্বোত্তম জানিবে আমারে
প্রজ্ঞা-শীল-বুদ্ধি-ধৈর্য্যে বিনয় আচারে।

দস্ত।—(বটুকে দর্শন)

বটু।—(তাত্র-ঘটি লইয়া প্রবেশ) মহাশয় পদ-
প্রক্ষালন করুন।

অহং।—(বটুর হস্ত হইতে তাত্রঘটি লইয়া)
আচ্ছা, এতে আর দোষ কি? (তথা করিয়া নিকটে
আগমন)

দস্ত।—(দস্ত পীড়ন করিয়া) ব্রাহ্মণ! আপনি
একটু সরে' দাঁড়ান; কি জানি, যদি আপনার
গায়ের ঘর্ষবিন্দু বাতাসে এই দিকে উড়ে আসে।

অহং।—অহো! অপূর্ব এই ব্রাহ্মণ্য!

বটু।—এইরূপই বটে। দেখুন ব্রাহ্মণ!

যত নরপতিগণ না পারি' করিতে স্পর্শ
ও পদ-যুগল

চুড়ামণি-প্রভাজালে পাদপীঠ-ভূমি-দেশ
করেন উজ্জল।

অহং।—(স্বগত) এ দেখি দস্তের অধিকৃত
দেশ; আচ্ছা, এই আসনে বসা যাক। (বসিতে
উত্তত)

বটু।—(বারণ করিয়া) হাঁ হাঁ, করেন কি?
করেন কি? গুরুদেবের আসন অস্ত্রে অধিকার
করবে?

অহং।—আরে পাপিষ্ঠ! আমরাও দক্ষিণ-রাত্রের
শুভাচারী ব্রাহ্মণ, আমরা এ আসনে বসবার উপযুক্ত।
শোন রে মূর্খ!

মোদের জননী যিনি —তত শুদ্ধ কুলে জাত
নহেন তিনিও

যেমন আমার পত্নী —সুশ্রোত্রিয়-কুলোৎপন্ন
শীলে অধিতীয়;

তাই জানিবে গো, আমি পিতা হইতেও শ্রেষ্ঠ
অতি মাননীয়।

মম শ্রালকের যে গো বিমাতা-মাতুল-পুত্র
—মিথ্যা দোষে হয় শাস্তি তার;

সেই সম্বন্ধের বশে স্বগৃহিণী প্রিয়াকেও
করিয়াছি আমি পরিহার।

দস্ত।—তা হলেও, আমার বৃত্তান্ত তো আপনার
জানা নেই! দেখুন:—

পূর্বকালে একবার গিয়াছিল শোনো বলি
ব্রহ্মার সদনে;

অমনি গো মুনিগণ উঠিল আসন ছাড়ি'
আমার দর্শনে।

অনুমতি লয়ে ব্রহ্মা গোময়-সলিলে উরু
করিয়া মার্জিত

তত্পরি আমারে গো সমাদরে বসালেন
হয়ে ভরাধিত।

অহং।—অহো! দাস্তিক ব্রাহ্মণের কি অত্যাঙ্কি!
(চিন্তা করিয়া) অথবা ইনিই স্বয়ং যুক্তিমান
দস্ত। আচ্ছা, একে তবে খুব একটু শুনিয়ে
দি, (সক্রোধে) আঃ, কেন এত গর্ব করিস? ওরে
শোন:—

হোন্ ইন্দ্র, হোন্ ব্রহ্মা,

হউন না ঋষিদের বাবা

তাহারা তো অতি ভুচ্ছ

—তারি সবে মোর কাছে কেবা?

শত ব্রহ্মা, শত ইন্দ্র
শত শত মুনি ঋষিগণে
পাতিত করিতে পারি
তপোবলে, জেনো ইহা মনে।

দম্ভ।—(দেখিয়া মানন্দে) এ কি? আমাদের
পিতামহ অহঙ্কার এসেছেন দেখচি যে। মহাশয়!
আমি লোভের পুত্র, আমার নাম দম্ভ, আপনাকে
প্রণাম করি।

অহং।—এস এস ভাই এস, চিরজীবী হও;
ঋপরের শেষে আমি তোমাকে স্বল্প-বয়স্ক বালক
দেখেছিলেম। সম্প্রতি কালবশে তুমি বার্ক্যগ্রস্ত
হয়েছ, তাই তোমাকে ঠিক চিন্তে পারি নি।
ভাল, তোমার পুত্র অসত্যের কুশল তো?

দম্ভ।—আজ্ঞে হাঁ; সেও এইখানেই আছে;
তাকে ছেড়ে আমি এক মুহূর্ত্ত থাকতে পারি নে।

অহং।—তোমার পিতা লোভ ও মাতা তৃষ্ণাও কি
এখানেই থাকেন?

দম্ভ।—আজ্ঞে হাঁ, মহারাজ মহামোহের আজ্ঞা-
ক্রমে তাঁরাও এইখানে থাকেন। কি প্রয়োজনে
মহাশয়ের এখানে আগমন?

অহং।—ভাই, আমি শুনেছি, বিবেক নাকি
মহামোহের বড়ই অনিষ্ট করচে, তাই তার বৃত্তান্ত
জানবার জন্ত আমার এখানে আসা।

দম্ভ।—আপনার শুভাগমনে ভালই হ'ল;
মহামোহ ইন্দ্রলোক হতে এইখানে আসছেন শুনুচি;
আর এইরূপ জনশ্রুতি যে, বারাণসীকে তাঁর রাজধানী
করবেন।

অহং।—তাঁর বারাণসীতে অবস্থান করবার
কারণটা কি?

দম্ভ।—মহাশয়! বিবেকের কার্যে ব্যাঘাত করা,
আর কিছু নয়। দেখুন

বিষ্ণু ও প্রবোধদায় — উহাদের জন্মভূমি
নিরুবিয় ব্রহ্মপুরী সেই বারাণসী;
তাই তিনি তাহাদের উচ্ছেদ-ইচ্ছুক হয়ে
তথায় করিতে বাস সদা অভিলাষী।

অহং।—(সভয়ে) তা বটে; কিন্তু এর প্রতীকার
করা হুঃসাধ্য; যেহেতু, বারাণসী পুরীতে স্বয়ং
ভগবান্ মহেশ্বর অজ্ঞানী লোকদের ভব-ভয়-ভঙ্গন
তত্ত্বজ্ঞানের উপদেশ দিয়ে থাকেন।

দম্ভ।—এ কথা সত্য; কিন্তু যারা কাম-ক্রোধে
অভিভূত, তাদের জ্ঞানোদয়ের কোন সম্ভাবনা নেই।
তাই শাস্ত্রে আছে:—

যার হস্ত-পদবয়
আর মন আছে সুসংযত
তারি বিষ্ণু, তপ, কীর্তি
—তীর্থ-ফল তারি হস্তগত।

নেপথ্যে।—ওহে দূরবাসিগণ! তোমরা শোনো,
মহারাজ মহামোহ এখানে আগমন করুচেন।

চন্দনে সিদ্ধিত করি' স্ফটিক মণির বেদি
এখনি গো কর সংস্কার!
যন্ত্র-মার্গ কর মুক্ত গৃহে গৃহে চতুর্দিকে
জল-ধারা হউক বিস্তার।
উঠাও গো চারিদিকে মণি-প্রভা-উদ্ভাসিত
তোরণের শ্রেণী—
উড়াও গো সৌধ-শিরে ইন্দ্র-ধনু-চিত্রবর্ণ
পতাকা এখনি।

দম্ভ।—মহাশয়!—মহারাজ নিকটবর্তী; এগিয়ে
গিয়ে তাঁর অভ্যর্থনা করুন।

অহং।—হাঁ, চল যাওয়া যাক।

[সকলের প্রস্থান।

ইতি বিকল্পক।

(পরিজন-বেষ্টিত মহামোহের প্রবেশ)

মহা।—(উচ্চৈঃস্বরে হাসিয়া) কি আশ্চর্য্য!
এই জড়বুদ্ধিরা যা তা অবাধে বিশ্বাস করে। তারা
মনে করে—

দেহ-ছাড়া মূর্ত্তি এক আছে আত্মা-নামে
কর্ম-ফল-ভোক্তা সে গো পরলোক-ধামে।
আকাশ-কুসুম হতে স্বাহ ফল অলীক যেমনি
ইহাদেরো মনোরথ অবিকল জানিবে তেমনি।

দেখ, এই মূঢ়েরা স্বকপোল-কল্পিত আত্মার
অস্তিত্ব অবলম্বন করে' জগৎকে বঞ্চনা করচে।

যে বস্ত্র নাহি, তাহা আছে বলে' মিছামিছি
অবিরত করিয়া জল্পনা

বাচাল সে আন্তিকেরা সত্যবাদী নাস্তিকের
বৃথা নিন্দা করয়ে ঘোষণা
শোনো গো তোমরা সবে! কালবশে পরিণামে
পঞ্চভূতে মিশে যেই দেহ
সে দেহের অতিরিক্ত পৃথক বিভিন্ন জীব
তোমরা কি দেখিয়াছ কেহ?
—তাহা হলে বলিব গো তোমাদের কথা
সমস্তই সত্য—কিছু নহেক অযথা।

এইরূপে এরা শুধু জগৎকে নয়—আপনাদেরও
বঞ্চনা করেছে।

মুখ অবয়ব-আদি সর্বদেহে সমান যখন,
কেমনে থাকিতে পারে
ব্রাহ্মণাদি জাতিভেদ ক্রম?
পরের বনিতা এই—ইহা পরধন,
মোদের এ ভেদ-জ্ঞান নাহি কদাচন।
পরস্ব-গ্রহণ, হিংসা,
পরস্বী-গমন ব্যভিচার,
কাপুরুষেরাই তার
কার্য্যাকার্য্য করয়ে বিচার।

বৌদ্ধশাস্ত্রই প্রকৃত শাস্ত্র—তাতে প্রত্যক্ষই
প্রমাণ; ক্ষিত্যপ তেজ মরুচ্যামই তার তত্ত্ব; অর্থ-
কামই পুরুষার্থ; সে শাস্ত্রমতে পঞ্চভূত হতেই
চৈতন্যের উৎপত্তি; পরলোক নাই; মৃত্যুই মোক্ষ।
আমাদের এই মত অনুসারেই পণ্ডিত বৃহস্পতি একটি
গ্রন্থ প্রণয়ন করে' চার্কীকে সমর্পণ করেন। সেই
চার্কীক শিষ্যোপশিষ্যের দ্বারা এই শাস্ত্র জগতে
বহুল প্রচার করেচেন।

(শিষ্যের সহিত চার্কীকের প্রবেশ)

চার্কী।—(শিষ্যের প্রতি) বৎস! তুমি জেনো,
দণ্ডনীতিই প্রকৃত বিদ্যা; অর্থশাস্ত্রও এরই অন্তর্গত।
আর, এই তিন বেদ ধূর্তের প্রলাপ-বাক্য বই আর
কিছুই নয়।

কর্তা, ক্রিয়া, দ্রব্য নাশে তবু যদি যাজ্ঞিকের
স্বর্গলাভ হয়।
তা হলে দাবান্ন-দধু তরুতেও সুসম্ভব
বহু ফলোদয় ॥

অপিচ :—

মৃত প্রাণীদের শ্রাদ্ধ
যদি হয় তৃপ্তির কারণ,
নির্বাণ দীপের তৈল
করে তবে শিখার বর্ধন।

শিষ্য।—আচ্ছা, আচার্য্য মহাশয়! যা ইচ্ছে
খাওয়া, যা ইচ্ছে পান করা,—এই যদি পুরুষার্থ হয়,
তবে তপস্বীরা সাংসারিক সুখ পরিত্যাগ করে' তীর্থ-
বাসী হয়ে, পরাক, ষষ্ঠকাল প্রভৃতি বোরতর কঠোর
ব্রতের অনুষ্ঠান করে' নিজ শরীরকে কেন কষ্ট দেয়
বলুন দিকি ?

চার্কী।—ধূর্ত-প্রণীত আগম-শাস্ত্রে যে সকল মুখ
প্রস্তারিত হয়েছে, তারা এই আশা-মোদকেই তৃপ্ত
হয়। দেখ :—

আয়তাকী স্তনরীরে
করি যবে গাঢ় আলিঙ্গন,
বুক-ভরা স্তনদ্বয়ে
হয় কিবা মধুর পীড়ন!
আর দেখ এই সব
কুবুদ্ধি লোকের আচরণ :—
ভিক্ষা, উপবাস, ব্রত
স্বর্ঘ্য-তাপে দেহের শোষণ!

শিষ্য।—কিন্তু তপস্বীরা বলে' থাকেন, দুঃখ-
মিশ্রিত সাংসারিক সুখ পরিহার করাই কর্তব্য।

চার্কী।—(উচ্চৈঃস্বরে হাসিয়া) আঃ! এ সব
দুর্বুদ্ধি পশুদের কথা।

"দুঃখ-বিমিশ্রিত বলি' বিষয়-জনিত সুখ
কর ত্যাগ"—ইহা জেনো মুখের বিচার;
হিতাকাজী কোন্ জন তুষ-কণাচ্ছন্ন বলি'
শুভ্র-সুতপ্ত-স্বীহি করে পরিহার ?

মহা।—ওহে, বহুকালের পর এই সপ্রমাণ বাক্য-
গুলি যে আমার কাণে আস্চে। (অবলোকন করিয়া
সানন্দে) আরে! আমাদের প্রিয় চার্কীক যে!

চার্কী।—(দেখিয়া) এ কি! মহারাজ মহা-
মোহ যে! (নিকটে গিয়া) জয় মহারাজের জয়!
আমি চার্কীক—প্রণাম।

মহা।—এসো এসো, এইখানে বোসো।

চার্কী।—(বসিয়া) মহারাজ! কলি আপনাকে
শাষ্ট্রাঙ্গে প্রণাম জানিয়েছেন।

মহা।—কলির সর্কালীন কুশল তো ?

চার্কা।—মহারাজের প্রসাদেই সমস্ত কুশল।
মহারাজের আদিষ্ট কর্তব্য কাজটি শেষ করে' ফিরে
এসেই মহারাজের শ্রীচরণ তিনি দর্শন করুবেন।

অরাতি নিপাত করি', প্রভুর পাইয়া পরে
মহান্ আদেশ,
তখনি ফিরিয়া আসি' দর্শন-মানসে সুখী
হইয়া অশেষ,
ধন্য হয়ে সেই দাস, প্রণমে' গো প্রভু-পদে
আসি অবশেষ।

মহা।—সে কার্যটি কি কিছু সম্পন্ন হয়েছে ?
চার্কা।—মহারাজ !

বেদ-বহির্ভূত মার্গে হইয়া গো প্রবর্তিত
করিছে যা-ইচ্ছা-তাই
যত সাধুজন।

না কলি, না আমি এ কাজের প্রবর্তক
—প্রভুরি প্রভাবে সব
হতেছে সাধন ॥

আর, উত্তর-দেশের পথিক ও পাশ্চাত্যবাসীরা
বেদ পরিত্যাগ করেছে; কেহ আর শম-দমাদির
চিন্তাও করে না। অস্ত্রও বেদ এখন কেবল
জীবিকামাত্র হয়ে দাঁড়িয়েছে। তাই আচার্য্য বৃহ-
স্পতি বলেচেন :—

অগ্নিহোত্র তিন বেদ ত্রিদণ্ড ধারণ, আর
ভস্মের লেপন
—বুদ্ধি ও পৌরুষ-হীন লোকদের জানিবে গো
জীবিকা-সাধন।

সেই জন্ত কুরুক্ষেত্রাদি স্থানে বিষ্ণু ও প্রবোধের
যে উদয় হবে, এ কথা মহারাজ স্বপ্নেও আশঙ্কা
করুবেন না।

মহা।—তা বটে, কলি যে মহাতীর্থস্থান-গুলিকে
ব্যর্থ করে' দিয়েছে।

চার্কা।—আরও কিছু নিবেদন করবার আছে।

মহা।—বল।

চার্কা।—বিষ্ণুভক্তি নামে মহাপ্রভাবা একজন
যোগিনী আছে; যদিও কলির প্রভাবে সর্কস্থানে
তার গতিবিধি নাই, তথাপি তার অহুগৃহীত ব্যক্তি-
দের যে আমরা দেখব—সে ক্ষমতাও আমাদের

নাই। এ বিষয়ে মহারাজের একটু মনোযোগী হতে
হবে।

মহা।—(সভয়ে স্বগত) আঃ! এই প্রসিদ্ধ
মহাপ্রভাবা যোগিনী স্বভাবতঃই আমাদের বিষেষী;
তাকে উচ্ছেদ করাও কঠিন। আচ্ছা, ভাল,
(প্রকাশ্যে) কোন ভয় নাই; কাম-ক্রোধাদি প্রতিপক্ষ
থাক্তে বিষ্ণুভক্তি কোথায় আর উদয় হবে? তথাপি
ক্ষুদ্র শত্রুকে উপেক্ষা করা জিগীষু ব্যক্তির কর্তব্য
নয়!

ক্ষুদ্র যদিও হয় রাজার অরাতি
বিপাকে ফেলিয়া সেও কষ্ট দেয় অতি।
অতি স্পন্দ হইলেও কণ্টক অঙ্গুর
—বিধিয়া চরণে দেয় বেদনা প্রচুর।

ওরে! কে আছি সু এখানে?

(দৌবারিকের প্রবেশ)

দৌবা।—আজ্ঞা মহারাজ!

মহা।—কাম, ক্রোধ, মদ, মান, মাৎসর্যাদিকে
আদেশ কর, যেন তারা অবহিত হয়ে বিষ্ণুভক্তি
নামে যোগিনীর কার্যাদির প্রতিবিধান করে।

দৌবা।—যে আজ্ঞা মহারাজ!

[প্রস্থান।

(পত্র হস্তে একজন দূতের প্রবেশ)

দূত।—আমি উৎকলদেশ হতে এসেছি।
সেখানে সমুদ্র-তীর-সমীপে পুরুষোত্তম নামে এক
দেবালয় আছে—সেখানে মহারাজ তাঁর অনুচর
মদ, মান প্রভৃতির কাছে আমাকে পাঠিয়েছিলেন।
(চারিদিকে দেখিয়া) এই তো বারাণসী—এই রাজ-
বাটী—প্রবেশ করা যাক। (প্রবেশ করিয়া ও
চারিদিক দেখিয়া) এই যে চার্কাকের সঙ্গে মহারাজ
কি মন্ত্রণা করুবেন—এইবার নিকটে যাওয়া যাক।
(নিকটে গিয়া) জয় মহারাজের জয়! এই পত্রখানি
দেখতে আজ্ঞা হোক। (পত্র সমর্পণ)

মহা।—(লইয়া) তুমি কোথেকে?

দূত।—আমি পুরুষোত্তম থেকে আসছি।

মহা।—(স্বগত) সেইখানে বোধ হয় আমার
বিশেষ কিছু অনিষ্ট ঘটে থাকবে। (প্রকাশ্যে)
চার্কা! দেখ, কাজ-কর্মের এখন তোমার একটু
বিশেষ মনোযোগী হতে হবে।

চার্কা।—যে আজ্ঞা মহারাজ!

[প্রস্থান।]

মহা।—(পত্র লইয়া পাঠ)

“স্বস্তি! বারাণসীর মহারাজাধিরাজ শ্রীল শ্রীযুক্ত মহামোহ-মহারাজের শ্রীচরণ-কমল-যুগলে সাষ্টাঙ্গ প্রণিপাত পূর্বক পুরুষোত্তমবাসী মদমানের নিবেদন এই:—আমরা উভয়ে এখানে ভাল আছি। পরন্তু শ্রদ্ধা এবং তাহার কৃতা শান্তি—এই হইলেনে দূতী হইয়া, উপনিষদেবীর সহিত বিবেকের সহবাস ঘটাইবার নিমিত্ত অহর্নিশ চেষ্টা করিতেছে এবং কামের সহচর ধর্মকে কাম হইতে বিচ্ছিন্ন করিবার অভিপ্রায়ে, বৈরাগ্য প্রভৃতি তাহাদের গোপনে পরামর্শ দিয়া থাকেন, ইহাও দেখিতে পাইতেছি। আর, ঐরূপ মন্ত্রণায় ধর্মও কোন কোন সময়ে কামের সংসর্গ ছাড়িয়া গুপ্তভাবে বিচরণ করিতে আরম্ভ করিয়াছেন। এক্ষণে সমস্ত অবগত হইয়া মহারাজ যেরূপ আদেশ করেন, আমরা তদনুযায়ী হইব ইতি।”

মহা।—(সক্রোধে) আঃ! এই অতিমূর্খেরা শান্তিকেও ভয় করে? আমি জীবিত থাকতে শান্তির সম্ভাবনা কোথায়? দেখ, সাত্ত্বিক যারা, তাদেরই শান্তি—কিন্তু প্রকৃত সাত্ত্বিক কেহই হতে পারে না—এমন কি, ব্রহ্মা বিষ্ণু মহেশ্বরও সাত্ত্বিক নন।

বিশ্ব-সৃষ্টি-রত ধাতা

—তিনি তো গো রজোগুণাধিত;

গৌরি-আলিঙ্গন-সুখে

শঙ্করের নেত্র বিঘূর্ণিত

আরো, দক্ষ-যজ্ঞ-নাশী;

—তিনি তাই তমোগুণাধিত;

কমলা-কপোল-খানি

নিজ বক্ষে রাখি নারায়ণ

কামি-জন-সম তিনি

জলধিতে করেন শয়ন।

এইরূপ যদি হয় ব্রহ্মা বিষ্ণু শিবে

কোথায় বল গো শান্তি অস্ত্র ক্ষুদ্র জীবের?

(দূতের প্রতি) দেখ জাল্ম, তুমি এখনই কামের নিকটে গিয়ে আমার এই আদেশ জানাও; বল, হুরায়া ধর্মের অভিসন্ধি আমরা বুঝতে পেরেছি, তাকে এক মুহূর্তের জন্তুও আর বিশ্বাস কোর না,—তাকে দূতরূপে বন্ধ করে রাখো।

দূত।—যে আজ্ঞা মহারাজ!

[প্রস্থান।]

মহা।—এখন শান্তিকে দমন করবার কি উপায়?—আর অস্ত্র উপায়ের প্রয়োজন কি?—ক্রোধ ও লোভকে নিয়োগ করলেই কার্য সফল হবে। ওরে! কে আছিল এখানে?

(দূতের প্রবেশ)

দূত।—আজ্ঞে মহারাজ!

রাজা।—ক্রোধ ও লোভকে ডেকে নিয়ে আর।

দূত।—যে আজ্ঞে মহারাজ!

[প্রস্থান।]

(ক্রোধ ও লোভের প্রবেশ)

ক্রোধ।—দেখ সখা! আমি শুনেছি, শান্তি, শ্রদ্ধা ও বিষ্ণুভক্তি, মহামোহের প্রতিকূলতাচরণ করচে। আঃ! আমি জীবিত থাকতে তাদের এই হঃসাহসের কাজ?

অন্ধ করে' রাখি আমি এ তিন ভুবনে,
বধির করি গো আমি ধীর-চিত্ত জনে,
সচেতন যেই জন

তারে আমি করি অচেতন।

কর্তব্য দেখে না সে গো,

হিতবাক্য না করে শ্রবণ,

ধীমান পণ্ডিত—সেও

শাস্ত্র-অর্থ না করে গ্রহণ।

লোভ।—আমি যাদের ধরি, তারা আশা-নদীই পার হতে পারে না তো শান্তি-আদির চিন্তা কি করবে? দেখ সখা!

মদজল-স্রাবী হস্তী

দীর্ঘ-বেগ তুরঙ্গম

আছে মোর কত;

এখনো বাসনা মোর

—গজ অথ আরো অস্ত্র

লভি শত শত;

ইহা লভিয়াছি আমি,

অধিক লভিব আরো আরো

—এই চিন্তাতেই শুধু

মানবের চিত্ত জরজর;

ইহারি গো তরে দেখ যত আকুলতা,

দূরে রেখে দেও তুমি সে শান্তির কথা।

ক্রোধ।—সখা! আমার প্রভাব তো তোমার
জানা আছে।

তুষ্ট-পুত্র ব্রাহ্মণেরে
হৃদয়পতি করেন নিধন ;
ব্রহ্মার মস্তক শিব
নিজ হস্তে করেন ছেদন ;
বিখ্যামিত্র-হতে হত
বশিষ্ঠের শতক নন্দন।

আরো দেখ :—

বিছাবান, কীর্তিমান, সদাচার পুণ্যবান,
উচ্চকুল, পৌরুষ-ভূষণ,
—ইহাদের সবাকারে মুহুর্তের মাঝে আমি
করিতে গো পারি উন্মুলন।

লোভ।—(নেপথ্যাভিমুখে অবলোকন করিয়া)
প্রিয়ে তৃষ্ণে! এই দিকে এসো তো।

(তৃষ্ণার প্রবেশ)

তৃষ্ণা।—কি বলচ নাথ ?
লোভ।—প্রিয়ে! শোনো বলি :—

তুমি যদি তৃষ্ণা দেবি, প্রসন্ন হইয়া কর
তব তুঙ্গ অঙ্গের বিস্তার,
তাহা হলে প্রাণী যত, —আশা-স্বত্র-বন্ধ-মন—
কোথা পাবে বল শাস্তি আর ?
ক্ষেত্র, গ্রাম, বন, অঙ্গি, পত্তন, নগর, ষীপ,
সকল ধরণী
লভিলেও আরো চা'বে লক্ষ ব্রহ্মাণ্ডেও তৃষ্ণি
না হবে কখনি।

তৃষ্ণা।—নাথ! আমি তো স্বয়ং এর জন্ত নিত্য
নিযুক্ত, আবার সম্প্রতি আচার্য্য-পুত্র যেরূপ আঞ্জা
করেচেন, তাতে কোটি ব্রহ্মাণ্ডেও আমার উদর-পূর্তি
হবে না।

ক্রোধ।—হিংসে! এই দিকে এসো তো।

(হিংসার প্রবেশ)

হিংসা।—এই আমি এসেছি—আমাকে ডাক্চ
কেন নাথ ?

ক্রোধ।—প্রিয়ে! তুমি আমার সহ-ধর্ম্মিণী,
তুমি সঙ্গে থাকলে, পিতামাতাকেও আমি অনায়াসে
বধ করতে পারি। দেখ :—

জননী পিশাচী সে তো,
জনক কেই বা সেই জন ?
ভ্রাতারা তো কীট-প্রায়,
কুটিল সে জ্ঞাতি-বন্ধুগণ।

(হস্ত নিষ্পীড়ন করিয়া)

যাবৎ গো ইহাদের আগর্ভ সমস্ত কুল
করিতে না পারি নিষ্পেষিত
তাবৎ এ ক্রোধানল প্রজ্বলিত রবে সদা
—ফুলিঙ্গও না হবে শমিত।

(অবলোকন করিয়া) এই যে আমাদের প্রভু,
এইবার তবে তাঁর নিকটে যাওয়া যাক্।

সকলে।—(নিকটে গিয়া) জয় মহারাজের জয়!
মহামোহ।—(অবলোকন করিয়া) দেখ, শক্রার
কথা শাস্তি আমাদের কুল-বেঁধী, তাকে তোমরা
বিধিমতে নিগ্রহ করবে।

সকলে।—যে আজ্ঞে মহারাজ!

[সকলের প্রস্থান।

মহা।—শক্রা-তনয়ার দমনের জন্ত আর একটা
উপায় আমার মনে হয়েছে। দেখ, শাস্তি শক্রার
অধীনা; কোনও উপায়ে উপনিষদের নিকট হতে
শক্রাকে যদি আকর্ষণ করা যায়, তা হলে শাস্তি
মাতৃবিয়োগ-দুঃখে অত্যন্ত ক্ষীণ হয়ে দেহ ত্যাগ
করবে; অথবা, অবসন্ন হয়ে শীঘ্র পলায়ন করবে।
দেখ, মিথ্যা-দৃষ্টি নামে একজন প্রগল্ভা বার-
বিলাসিনী আছে, শক্রাকে আকর্ষণ করবার জন্ত
তাকেই নিযুক্ত করা যাক্। (পার্শ্বে অবলোকন
করিয়া) দেখ বিভ্রমবর্তি! শীঘ্র মিথ্যা-দৃষ্টিকে এখানে
ডেকে আনো।

বিভ্রমবর্তি।—যে আজ্ঞে মহারাজ!

[প্রস্থান।

(মিথ্যা-দৃষ্টিকে লইয়া বিভ্রমবর্তীর পুনশ্চ প্রবেশ)

মিথ্যা।—সখি! বহুকাল মহারাজের সহিত
সাক্ষাৎ হয় নি, আমি এখন কিরূপে তাঁর সম্মুখে
যাই? আমাকে দেখে মহারাজ তো তিরস্কার
করবেন না?

বিভ্র।—সখি! তোমাকে দেখে যদি তাঁর
চেতনা থাকে, তবেই তো তোমাকে তিরস্কার
করবেন?

মিথ্যা।—কেন অলীক সৌভাগ্যের কথা বলে' আমাকে বঞ্চনা কর বল দিকি ?

বিদ্র।—সখি! কেমন তোমার অলীক সৌভাগ্য, এখনি তা দেখতে পাবে। তোমার চক্ষু-জুটি দেখেচি যুচে—আচ্ছা, প্রিয়সখি, সে কি রাত্রি-জাগরণের দরুণ নিদ্রার আবেশে ?

মিথ্যা।—সখি! যে নারী একজনের প্রিয়া, তারই যখন নিদ্রা হয় না, তাতে আমি তো বহু জনের প্রিয়া, আমার কি নিদ্রা আসতে পারে ?

বিদ্র।—আচ্ছা প্রিয়সখি, তুমি কার কার প্রিয়া বল দিকি ?

মিথ্যা।—সখি! আমি মহারাজ মহামোহের, কামের, ক্রোধের, লোভের,—আর বিশেষ করে' কত বলব—এই বংশে যে যে জন্মগ্রহণ করেছে,—কি বালক, কি যুবা, কি বৃদ্ধ—তাহাদের সকলেরই আমি প্রিয়া।

বিদ্র।—সখি! কামের রতি, ক্রোধের হিংসা, লোভের তৃষ্ণা—ইত্যাদি সকলেরই তো এক একটি প্রিয়তমা পত্নী আছে শুনেছি; আচ্ছা, তারা কি তোমার ঈর্ষ্যা করে না ?

মিথ্যা।—ও কথা কি বলচ, তারাও আমাকে ছেড়ে এক মুহূর্ত থাকতে পারে না।

বিদ্র।—সখি! যখন তোমার সপত্নীরাও তোমার প্রতি ঈর্ষ্যা করে না, তখন বলতে হবে, তোমার মত সৌভাগ্যবতী নারী এ পৃথিবীতে আর দ্বিতীয় নেই। আর একটা কথা বলি শোনো, তুমি এইরূপ নিদ্রাকুল হয়ে, স্থলিত-চরণে, নুপুরের ঝঙ্কার করতে করতে, মহারাজের সঙ্গে দেখা করতে যাচ্ছ, আমার মনে হয়, তিনি এতে একটু সশঙ্কিত হতে পারেন।

মিথ্যা।—এতে ভয়ের বিষয় কি আছে ? দেখ, মহারাজের বিরহই আমার অধৈর্যের কারণ। আর যে সকল পুরুষ আমাকে দেখবামাত্রই প্রসন্ন হয়, তাদের আবার মনে ভয় কিসের ?

মহা।—(অবলোকন করিয়া) এই যে আমার প্রিয়তমা মিথ্যানৃষ্টি এসেছেন। আহা!

অলস নিতম্ব-ভারে, ঈষৎ-স্থলিত মালা
স্বস্থানে স্থাপনের ছলে
উত্তোলিয়া ভুজ-ধর দেখায় নখের চিহ্ন
উগ্ৰুজ পয়োধর-স্থলে।

নীলোৎপল-দাম তুল্য সুদীর্ঘ নেত্রের দৃষ্টি

—তাহে চিত্ত হরণ করিয়া

বাহুদয় আন্দোলনে বিলোল কঙ্কণ হতে

ঝনঝন কিবা উঠাইয়া

ওই যে গো আসে মোর প্রিয়া।

বিদ্র।—ঐ আমাদের মহারাজ, নিকটে এগিয়ে যাও।

মিথ্যা।—(নিকটে গিয়া) জয় মহারাজের জয়!

মহা।—পীন-উরু প্রেয়সি লো!

বোসো আসি' কোলের উপরে,

পড়ুক নখাঙ্ক মোর

ও তব দলিত পয়োধরে।

শঙ্করের অঙ্ক-স্থিতা

গিরিজার সে বিলাস-লক্ষ্মী

কর গো অমুকরণ

সুন্দরি লো! অয়ি হরিণাকি!

মিথ্যা।—(সন্মিত-ভাবে তথা করণ)

মহা।—(আলিঙ্গন-সুখ অমুভব করিয়া) কি আশ্চর্য্য! প্রিয়ার আলিঙ্গনে যেন আমার নবযৌবন আবার ফিরে এল।

পূর্বে সে যৌবনকালে চিত্ত-উন্মথনকারী

হ'ত যেই মন্থন-বিকার,

প্রগাঢ় আনন্দ সেই —বারুক্যে বিষয়াভাবে—

উপভোগ করি নাই আর ;

এবে তব আলিঙ্গনে মনোরুতি জড়ীভূত

—প্রেম হল বন্ধিত আবার।

মিথ্যা।—মহারাজ! আমিও যেন আবার নবযৌবনা হয়েছি; দেখুন, পূর্বপ্রেমের ভাব-সুত্র কস্মিন্-কালেও ছিন্ন হয় না। এখন আজ্ঞা করুন, কি জন্ম আমাকে স্বরণ করেচেন।

মহা।—প্রিয়ে! তোমাকে আবার স্বরণ করব কি ?

তাকেই স্বরণ করে

যে থাকে গো হৃদয়-বাহিরে

তুমি যে পুস্তলি-সম

বিরাজিছ এ হৃদি-মন্দিরে।

মিথ্যা।—সে আপনার নিতান্ত অমুগ্রহ।

মহা।—আর একটা কথা বলি শোনো ; সেই দাসী-পুত্রী শ্রদ্ধা দূতী হয়ে, যাতে বিবেকের সঙ্গে উপ-নিষদের সংঘটন হয়, তারই চেষ্টা করচে । অতএব :—

প্রতিকূলাচারিণী সে বিপক্ষ-কুল-সম্ভবা
পাপীয়সী পাপাহুর্ভক্তিনী ;
কেশ আকর্ষিয়া, সেই রঙারে পাষণ্ড-হাতে
সমর্পণ করহ এখনি ।

মিথ্যা।—এ তুচ্ছ বিষয়ের জন্ত মহারাজের এত চিন্তা কেন ? মহারাজের আজ্ঞামাত্রই সে দাসীর ছায় মহারাজের আজ্ঞা পালন করবে । ধর্ম মিথ্যা, মোক্ষ মিথ্যা, সুখের বিঘ্নকারী শাস্ত্রের প্রলাপ সব মিথ্যা—এই কথা বলে' তাকে বেদমার্গ হতে আমি বিচ্যুত করব । বেদ-মার্গই যদি সে ত্যাগ করে, তা হলে উপনিষদের তো কথাই নেই ; তা ছাড়া বিষয়-সুখ-বর্জিত মোক্ষের দোষ দেখিয়ে উপনিষদের প্রতি শ্রদ্ধার বিরাগ জন্মিয়ে দেব ।

মহা।—তা যদি করতে পার, তা হ'লে আমি বড়ই সুখী হই । (পুনর্বার আজ্ঞা দেন ও চূড়ন)

মিথ্যা।—মহারাজ ! প্রকাশভাবে এরূপ করলে আমি লজ্জা পাই ।

মহা।—আচ্ছা, এসো তবে বিশ্রাম-ভবনে যাওয়া যাক্ ।

[সকলের প্রস্থান ।

ইতি মহামোহ-প্রধান নামক তৃতীয় অঙ্ক ।

তৃতীয় অঙ্ক

(শান্তি ও করুণার প্রবেশ)

শান্তি।—(সাক্ষ-নয়নে) মা গো ! মা গো !
—কোথায় তুমি, উত্তর দেও !

কুরুত আতঙ্ক-হীন
যে কাননে সতত বিচরে,
যে সকল শৈল হতে
নির্ঝরিণী অবিরত ধরে,
পুণ্ডালয়—যেথা থাকে
তপস্বী সন্ন্যাসী সাধু যতি
সেই সব স্থান তব
ছিল যে গো সাধের বসতি ;

—হার হার সেই তুমি চণ্ডালের গৃহ-গত
কপিলা গাভীটির মত
কেমনে করিবে মা গো জীবন ধারণ বল
পাষণ্ডের হয়ে হস্তগত ?

অথবা হায় ! তাঁর জীবনের আশা করাই বুখা ।
কেন না :—

মোরে না দেখিয়া যে গো না করে আহার স্নান
না করে শয়ন,
আম'-হীন সেই শ্রদ্ধা না করিবে ক্ষণমাত্র
জীবন ধারণ ।

করুণা।—(সাক্ষ-লোচনে) সখি ! বিষম অগ্নি-শিখা-প্রদীপ্ত শলাকার মত এরূপ হুঃসহ বাক্য বলে' তুমি যে আমাকে প্রাণে বধুচ । বলি, তুমি একটু ধৈর্য্য অবলম্বন কর দিকি । এসো, আমরা ততক্ষণ যুনিগণের আশ্রমে, বহুবিধ মহাত্মা-জনে অলঙ্কৃত ভাগীরথী-তীরে, ইতস্ততঃ একবার ভাল করে' অন্বেষণ করে' দেখি । বোধ হয়, তিনি মহামোহের ভয়ে কোথাও লুকিয়ে আছেন ।

শান্তি।—সখি ! কোথায় আর অন্বেষণ করবে বল ।

সন্ন্যাসীদিগের বাস
—নদীকূল নীবার-চিহ্নিত,
যাজ্ঞিকগণের গৃহ
—সমিৎ-চমস-বিকীরিত,
অন্বেষণ করিলাম
চারি আশ্রমীর যত স্থান,
কোথাও না পাইলাম
শোনো সখি তাঁহার সন্ধান ।

করুণা।—তিনি সত্যই যদি শ্রদ্ধা হন, তা হলে তাঁর মত লোকের এরূপ হুর্গতি কখনই হতে পারে না ।

শান্তি।—সখি ! বিধাতা প্রতিকূল হলে কি না ঘটতে পারে ? দেখ :—

দশানন রাক্ষসের লঙ্কাপুর-মাঝে ছিল
লক্ষ্মী-সম সীতা ;
ভগবতী বেদত্রয়ী পাতালে দানব দ্বারা
হইলা গো নীতা ;

দৈত্যোক্ত পাতাল-কেতু মদালসা নামে সেই
গন্ধর্ব ছহিতারে করিলা হরণ ;
তাঁই বলি, বিধি যদি হয় প্রতিকূল তবে
কি কার্য্য না পারে সে গো করিতে সাধন ।

সে যাই হোক, এখন চল, পাষণ্ডদের গৃহে গিয়ে
অন্বেষণ করা যাক ।

করুণা ।—(সভয়ে) রাক্ষস !—রাক্ষস !

শাস্তি ।—রাক্ষস কোথায় ?

করুণা ।—সখি, ঐ দেখ, বিগলিত-মল-লিপ্ত,
বীভৎস-দেহ, হৃদর্শন, উড়ন্তকেশ, উলঙ্গ, ময়ূরপুচ্ছ-
পাখা হাতে এই দিকে আস্চে ।

শাস্তি ।—সখি ! ও রাক্ষস নয়, দেখ্চ না, ও
অতি নিরীর্ঘ্য হুর্ভল ।

করুণা ।—তবে ও কে ?

শাস্তি । সখি ! আমার মনে হয়, ওটা পিশাচ ।

করুণা ।—সখি ! এখন তো দিবস—এখন
প্রচণ্ড মার্ত্তণ্ড ভূমণ্ডলের উপর জলন্ত কিরণ বর্ষণ
করচেন, এ সময়ে পিশাচের আসা কি সম্ভব ?

শাস্তি ।—সখি ! তবে বোধ হয়, কোন মহা-
নারকী, নরক-কুণ্ড হতে উঠে এখানে আস্চে ।
(নিরীক্ষণ ও চিন্তা করিয়া) হাঁ, চিন্তে পেরেছি ;
—ও যে মহামোহের প্রবর্ত্তিত অম্লের দিগম্বর-
সিদ্ধান্ত ।

(পরিব্রাজক দিগম্বর-সিদ্ধান্তের প্রবেশ)

দিগ ।—অর্হংকে প্রণাম ; যিনি এই নবম্বার-
বিশিষ্ট শরীর-গৃহে জলন্ত প্রদীপ—জিনবর বলেছেন—
সেই জীবাত্মাই পরমার্থ সূখ মোক্ষ দান করেন ।

(পরিক্রমণ)

(আকাশে প্রণ) ওরে রে সাধকেরা, তোরা
শোনু :—

মলময় দেহ-পিণ্ড

—তার শুদ্ধি জলে হয় কিবা ?

(আকাশে উত্তর) দেহশুদ্ধি হয় যদি

ঋষিদের করা যায় সেবা ॥

কি বলচ ?—ঋষিদের সেবা কিরূপ—এই কথা
জিজ্ঞাসা করচ ?

দূর হতে প্রণমিবে তাঁদের চরণ,

সৎকার করিবে দিয়া মিষ্টান্ন ভোজন ;

তর পত্নী-পরে যদি

কভু পড়ে তাঁহাদের চোখ,

ঈর্ষ্যা কর্তব্য নয়,

—পাপ জেনো সে ঈরিষা-কোপ ।

(নেপথ্যাভিমুখে অবলোকন করিয়া) ওগো
শ্রদ্ধে ! এই দিকে এসো তো একবার ।

উভয় ।—(সভয়ে অবলোকন)

(দিগম্বর-সিদ্ধান্তের সদৃশ বেশ-ধারিণী শ্রদ্ধার প্রবেশ)

শ্রদ্ধা ।—কি আজ্ঞা করচেন মহাশয় ?

শাস্তি ।—(মুচ্ছিত হইয়া ভূতলে পতন)

দিগ ।—দেখ শ্রদ্ধে ! তুমি সাধকদের ছেড়ে এক
মুহূর্ত্তও কোথাও যেও না ।

শ্রদ্ধা ।—যে আজ্ঞে ।

[প্রস্থান ।

করুণা ।—প্রিয় সখি ! শাস্ত হও, শাস্ত হও,
নাম শুনেই ভয় পেয়ো না । আমি আন্তিক ও
নান্তিক এই উভয় মতাবলম্বিনী অহিংসার কাছে
শুনেছি, পাষণ্ডদের সঙ্গে তমোগুণের একটি কন্ডা
আছে, তারও নাম শ্রদ্ধা ; তাই, এ হচ্ছে তামসী শ্রদ্ধা ।

শাস্তি ।—(আশস্ত হইয়া) সখি ! তাই বটে ।

সদাচারী জন যে গো

কেমনে হইবে হরাচার ?

প্রিয়-দরশন যে গো

কিসে হবে এ হুর্গতি তার ?

তাই বলি, জননীর

অসম্ভব এ হেন আকার ।

আচ্ছা চল, একবার বৌদ্ধদের গৃহে গিয়ে অম্ল-
সন্ধান করা যাক । (পরিক্রমণ)

(পুস্তক হস্তে বৌদ্ধ ভিক্ষুকের প্রবেশ)

ভিক্ষু ।—চিন্তা করিতে করিতে)

নিরাশ্রয় এই সব

ক্ষণস্থায়ী উপস্থিত

মানসিক ভাব

বাহিরে অর্পিত হয়ে

বহির্জগৎরূপে

হয় আবির্ভাব ।

একণে সে স্থায়ী জ্ঞান

অখিল বাসনা হতে

হইয়া বিচ্যুত

—বিষয়োপরাগ-হীন—

দেখ কিবা ক্ষুতি পায়

হইয়া বিমুক্ত ।

(পরিষ্করণ পূর্বক শ্রাব্য-সহকারে) অহো! এই বৌদ্ধধর্মই শ্রেষ্ঠ, যেহেতু, এতে স্থখ মোক্ষ দুই-ই আছে। দেখ:—

মনোহর গৃহে বাস; আরামে উপবেশন
স্থখকর সুন্দর আসনে;
মনোমত বেষ্ঠা-সেবা; দ্রব্যাদ্রব্য কালাকাল
বিচারাদি নাহিক অশনে;
মৃৎ আস্তরণ-শয্যা; আনন্দে যাপন আর
জ্যোৎস্না-রাত্রি যুবতীর সনে।

করু।—দেখ সখি! তরুণ তাল-তরুর মত দীর্ঘকায়, মুণ্ডিত-মস্তক, শিখাধারী, রক্ত-বস্ত্র পরিধান কে ও লোকটি এই দিকে আসচে?

শাস্তি।—সখি! উনি বৌদ্ধ ভিক্ষু।

ভিক্ষু।—ওগো উপাসকেরা ও ভিক্ষুক সকল! তোমরা ভগবান্ বুদ্ধদেবের বাক্যামৃত শ্রবণ কর।

(পুস্তক পাঠ) আমি দিব্যচক্ষে লোকদের সুগতি ও দুর্গতি দেখতে পাচ্ছি; সকল বস্তুই ক্ষণিক, স্থায়ী আত্মা নাই; অতএব, ভিক্ষুও যদি পরদারাসক্ত হয়, তার প্রতি ঈর্ষ্যা করবে না; ঈর্ষ্যাই চিত্তের মল।

(নেপথ্যাভিমুখে অবলোকন করিয়া) শ্রদ্ধে! এই দিকে এসো তো।

(বৌদ্ধ-ভিক্ষুর বেশ-ধারিণী শ্রদ্ধার প্রবেশ)

শ্রদ্ধা।—কি আজ্ঞা করচেন মহাশয়?

ভিক্ষু।—তুমি সর্বদাই এইখানে উপাসক ও ভিক্ষুদের গাঢ় আলিঙ্গন করবে, বুঝলে?

শ্রদ্ধা।—যে আজ্ঞে মহাশয়।

[প্রস্থান।

শাস্তি।—সখি! ইনি কি তামসী শ্রদ্ধা?

করু।—হাঁ, ইনি তামসী শ্রদ্ধা।

দিগম্বর।—(ভিক্ষুককে দেখিয়া উঠে:স্বরে) ওরে রে ভিক্ষুক! এই দিকে আস, আমি তোকে কিছু জিজ্ঞাসা করব।

ভিক্ষু।—(সক্রোধে) আরে পাপিষ্ঠ পিশাচ! কেন তুই এরূপ প্রলাপ বলুচিস?

দিগম্বর।—ওরে, রাগ করিসনে। একটা শাস্ত্রীয় কথা তোকে জিজ্ঞাসা করব।

ভিক্ষু।—আরে! ক্ষণক আবার শাস্ত্রকথা

জানে?—আচ্ছা, শোনাই যাক। (নিকটে গিয়া) কি জিজ্ঞাসা করবি?

দিগ।—বল দিকি, তুই ক্ষণ-বিনাশী হয়ে কি জন্ম এরূপ ব্রত ধারণ করেচিস?

ভিক্ষু।—ওরে শোন্! আমাদের মতে চলে' লোকে যখন বাসনা ত্যাগ করে, তখন তার জ্ঞানোদয় হয়; জ্ঞানোদয় হলেই মুক্তি হয়।

দিগ।—ওরে মুর্থ! যদিও বা কোন মন্বন্তরে কস্মিন্‌কালে কোনও ব্যক্তির মুক্তি হয়, তা হলে তাতে তোর কি উপকার হবে? তুই যে অল্পকালের মধ্যেই মরুবি। আর একটা কথা জিজ্ঞাসা করি, কে তোকে এইরূপ ধর্মের উপদেশ দিয়েছে?

ভিক্ষু।—সর্বজ্ঞ ভগবান বুদ্ধই আমাকে এইরূপ উপদেশ দিয়েছেন।

দিগ।—ওরে! বুদ্ধ যে সর্বজ্ঞ, তা তুই কি করে' জানলি?

ভিক্ষু।—টার শাস্ত্রেতেই এই কথা প্রসিদ্ধ আছে যে, তিনি সর্বজ্ঞ।

দিগ।—ওরে বোকা! যদি তার কথাতেই তার সর্বজ্ঞত্ব প্রতিপন্ন হয়, তবে আমিও বলুচি, আমি সর্বজ্ঞ; তা হলে তুই পিতা-পিতামহ প্রভৃতি সাতপুরুষের সহিত আমারও তবে দাস হয়ে থাক।

ভিক্ষু।—(সক্রোধে) আরে পাপিষ্ঠ মলপঙ্ক-ধর পিশাচ! কি বলি, আমি তোর দাস?

দিগ।—ওরে দাসী-বিহারী দুষ্ট ভুজঙ্গ ভিক্ষুক! এটা কেবল একটা দৃষ্টান্ত দেখালেম মাত্র। এখন তোর হিতের কথা বলি শোন্:—তুই বৌদ্ধধর্ম পরিত্যাগ করে' অর্হৎ-এর মত অবলম্বন করে' দিগম্বর ব্রত ধারণ কর।

ভিক্ষু।—আরে পাপিষ্ঠ! তুই স্বয়ং নষ্ট হয়েচিস—আবার পরকেও নষ্ট করুতে চাস?

উৎকৃষ্ট অনিন্দিত

স্বর্গ-রাজ্য করি' পরিত্যাগ
লোকনিন্দ্য পিশাচত্বে

কার বল হয় অহুরাগ?

তা ছাড়া অর্হৎ যে সর্বজ্ঞ, এই বা কে বিশ্বাস করবে?

দিগ।—(উচ্চ হাস্য করিয়া) ওরে! গ্রহ-
নক্ষত্রের গতি ও চন্দ্র-সূর্য্য-গ্রহণের গণনা দেখেই অর্হৎ-
এর সর্ব্বজ্ঞতা জানা গেছে।

ভিক্ষু।—(হাসিয়া) ওরে, অনাদি-প্রবৃত্ত
জ্যোতিঃশাস্ত্রের অধীন অতীন্দ্রিয় জ্ঞানে প্রতারিত
হয়ে, তুই এই অতি কষ্টকর ব্রত অবলম্বন করেচিস্ ?
দেখ্ :—

শেহ-পরিচ্ছিন্ন জীব কেমনে সারিধা-বিনা
দূর হতে ত্রৈলোক্যের
জ্ঞানলাভে বল দেখি হইবে সক্ষম ?
কুন্তে যে নিহিত দীপ সুশিখা সে হইলেও
ঘরের ভিতরে থাকি
বহিব'স্ত প্রকাশিতে পারে কি কখন ?

তাই বল্চি, এই অর্হৎ-এর মত ত্রিলোকের বিরুদ্ধ ;
আর বৌদ্ধ দর্শনই শ্রেষ্ঠ—অতি সুখাবহ—অতি
রমণীয়।

শাস্তি।—সখি! এনো, আমরা অশ্রু দিকে যাই।
করু—হাঁ সেই ভাল। (পরিক্রমণ)

(কাপালিক-রূপধারী সোমসিদ্ধান্তের প্রবেশ)

সোম।—(পরিক্রমণ করিয়া)

নর-অস্থি-মালা দিয়া বিরচিত মনোহর
এ মোর ভূষণ ;
শ্মশান-নিবাসী আমি নৃকপাল-পাত্রে দেখ
করি গো ভোজন ;

যোগাঙ্গনে শুদ্ধ দৃষ্টি করিয়া ধারণ
জগতেরে করি আমি সম্যক দর্শন।
জগৎ যদিও হয় ভিন্ন পরস্পর
অভিন্ন ঈশ্বর হতে উহা নিরন্তর।

দিগ।—ওরে! এই লোকটি দেখ্চি কাপা-
লিক ব্রত ধারণ করেছে, তা একে কিছু জিজ্ঞাসা
করা যাক্। (নিকটে গিয়া) ওরে নরযুগধারী
কাপালিক! তোর ধর্ম্মে সুখ মোক্ষ কিরূপ বল
দিকি ?

কাপা।—ওরে দিগম্বর! আমাদের ধর্ম্ম কি,
তা শোন্ :—

মস্তিষ্ক বসায় সিন্ধু নর-দেহ-মাংস মোরা
অনলে আহুতি করি দান ;

৩২—১৯

ব্রাহ্মণ-মাথার খুলি তাহাতে চষক করি'
পারণেতে করি সুরাপান।
সম্মুখিঙ্গ সুরকঠোর কণ্ঠ হতে বিনিঃসৃত
সুভীষণ শোণিত-ধারায়
—মহাভৈরব-দেবে নরবলি অরপিরা—
অরচনা করি মোরা তাঁর।

ভিক্ষু।—(কণ্ঠ ঢাকিয়া) বুঝেছি, বুঝেছি,
তোমাদের ধর্ম্মানুষ্ঠান অতি ভয়ানক।

দিগ।—অর্হৎ! অর্হৎ! না জানি, কোন্ ঘোর
পাপিষ্ঠ এই বেচারাকে প্রতারণা করেছে।

সোম।—(সক্রোধে) আরে পাপিষ্ঠ, পাষণ্ডাধম,
চণ্ডালবেশী ঠাড়া কোথাকারে! যিনি চতুর্দশ
ভুবনের সৃষ্টি-স্থিতি-প্রলয়কর্তা, বেদান্তসিদ্ধান্তে
যাঁর বিভবের কথা প্রসিদ্ধ, সেই ভগবান্ ভবানীপতি
কি না প্রবঞ্চক ? আচ্ছা, আমাদের ধর্ম্মের মহিমা
তোকে তবে একবার দেখাই ;—

হরি হর ব্রহ্মা আদি সুরশ্রেষ্ঠ দেখ আমি
করি আনয়ন ;
গগনে বিচরে যেই নক্ষত্রাদি—রুধি দেখ
তার সঞ্চরণ ;
জলে মহী করি' পূর্ণ নগ ও নগর-আদি
যত আছে স্থান,
আবার মুহূর্ত্তে আমি সমস্ত সে জলরাশি
করি দেখ পান।

দিগ।—তাই তো বল্চি, কোনও ঐন্দ্রজালিক
ব্যাপার বা ভোজবাজি দেখিয়ে তোমাকে কেউ
বঞ্চনা করেছে।

সোম।—(সক্রোধে) আরে পাপিষ্ঠ! তুই
আবার পরমেশ্বরকে ঐন্দ্রজাল বলে' গাল দিচ্চিস্ ?
(চিন্তা করিয়া) এর দৌরাশ্ব্য তো আর সহ হয় না।
(খড়্গ আকর্ষণ করিয়া)

এ করাল করবালে
কণ্ঠ ওর করিয়া ছেদন,
বুদ্বুদ্ব-ফেন-যুক্ত
রক্ত-স্রোত করি নিঃসারণ,
কালিকাকে নিবেদিয়া
করি তাঁর সন্তোষ-সাধন ;
ডমরুর রবে তাঁর
ভূতগণ গুনিয়া আহ্বান,

অবশিষ্ট সে রুধির
করিবে তাহার শেষে পান ।

(খড়্গ উত্তোলন)

দিগ ।—(সভয়ে) মহাশয় ! অহিংসা পরমো
ধর্মঃ ।

(ভিক্ষুকের ক্রোড়ে প্রবেশ)

ভিক্ষু ।—(কাপালিককে নিবারণ করিয়া)
আহা, কোঁতুকছলে একটা বাগ্‌বিতণ্ডা হচ্ছিল,
এর দরুণ বেচারাকে প্রহার করা কি উচিত ?

সোম ।—(খড়্গ ফিরাইয়া লইয়া স্থিরভাবে
অবস্থান)

দিগ ।—(আশ্বস্ত হইয়া) মহাত্মন ! যদি
আপনি ক্রোধ সংবরণ করে' থাকেন, তবে পুনর্বার
কিছু জিজ্ঞাসা করতে ইচ্ছা করি ।

সোম ।—জিজ্ঞাসা কর ।

দিগ ।—আপনার পরম ধর্মের কথা তো
শুনলেম, এখন জিজ্ঞাসা করি, আপনার মতে মোক্ষ
কিরূপ ?

সোম ।—শোন তবে :—

বিষয়-আনন্দ ছাড়ি' বলা দেখি সুখ-বস্ত
দেখা গেছে কোথা ?

জীবের আত্মায় স্থিতি যে মুক্তি—কে চাহে সে
উপল-অবস্থা ?

চন্দ্র-চূড়-বপু ধরি' পার্শ্বতীর প্রতিক্রম
প্রেমসীরে মহানন্দে করি' আলিঙ্গন

যেই জন ক্রীড়ামোদে সুখে বিচরণ করে
সেই মুক্ত—বলেন গো

দেব ত্রিলোচন ।

ভিক্ষু ।—মহাশয় ! বাসনা-বিরহিত হলেই
মুক্তি হয়—এ কথা কি অশ্রদ্ধেয় ?

দিগ ।—ওরে কাপালিক ! যদি রাগ না
করিস, তবে বলি, শরীরীর মুক্তি নিতান্তই মুক্তি-
বিরুদ্ধ ।

সোম ।—(স্বগত) শত্রুর অভাবেই দেখছি,
এদের অস্ত্র-করণ বিক্ষিপ্ত হয়েছে ; অতএব শত্রুকে
একবার এদের কাছে আনা যাক্ । (প্রকাশে) শত্রু !
এখানে একবার এসো তো ।

(কাপালিকের রূপ ধরিয়া শত্রুর প্রবেশ)

করুণা ।—(শাস্তির প্রতি) সখি ! দেখ দেখ,
এ হচ্ছে রাজসী শত্রু ।

অবিকল নীলোৎপল

সুচঞ্চল ইহার নয়ন,

নয়ন-অস্থি-মালিকায়

বিরচিত ইহার ভূষণ ;

নিতম্ব ও পীন স্তনে

সুমহুরা ইহার গো গতি

পূর্ণেন্দু-বদনা এই

বিলাসিনী মনোরমা অতি ।

শত্রু ।—(পরিক্রমণ করিয়া) এই এসেছি নাথ,
কি আঞ্জা হয় বল ।

সোম ।—প্রিয়ে ! এই হুরভিমानी ভিক্ষুককে
গ্রহণ কর ।

শত্রু ।—(ভিক্ষুককে আলিঙ্গন)

ভিক্ষু ।—(সানন্দে আলিঙ্গন করিয়া রোমাঞ্চিত
হইয়া) আহা ! এই কাপালিনী কি সুস্পর্শা !

কত পীন-পয়োধরা বিধবার অনুরাগে
গাঢ়তর আলিঙ্গন

করিয়াছে এই ভূজদ্বয় ;

কিন্তু হেন পীনস্তনী ললনার আলিঙ্গনে

—বুদ্ধা-দিব্যা—কভু নাহি

হইয়াছে এত সুখোদয় ।

আহা, এই কাপালিক-দর্শন কি পুণ্যজনক !
ধন্য সোমসিদ্ধান্ত ! আশ্চর্য্য এই ধর্ম ! দেখুন
মহাশয় ! আমি এখনি বুদ্ধ-ধর্ম পরিত্যাগ করে'
আপনার তৈরবী-ধর্মে প্রবিষ্ট হলেম । আপনি
আমার গুরু, আমি আপনার শিষ্য হলেম । আপনি
আমাকে তৈরব-ধর্মে দীক্ষিত করুন ।

দিগ ।—ওরে ভিক্ষু ! তুই কাপালিনীর
আলিঙ্গনে দূষিত হয়েচিস্ ; দূর হ, আমাকে স্পর্শ
করিস্ নে ।

ভিক্ষু ।—ওরে ! তুই কাপালিনীর আলিঙ্গন-সুখে
বক্ষিত, তাই এই কথা বলচিস্ ।

সোম ।—প্রিয়ে ! এই দিগম্বরকে গ্রহণ কর ।

শত্রু ।—(দিগম্বরকে আলিঙ্গন)

দিগ ।—(রোমাঞ্চিত হইয়া) অহং ! অহং !

আহা! কাপালিনীর আলিঙ্গন কি সুখস্পর্শ!
সুন্দরি! আমাকে আর একবার আলিঙ্গন কর।
(স্বগত) আমার যে অত্যন্ত ইন্দ্রিয়-বিকার উপস্থিত
হল—এখন করি কি?

অগ্নি পীন-ঘনস্তনী মোহিনী ললনা!
চতুর্দিক-দৃষ্টিপাতী কুরঙ্গ-নয়না!
হও যদি কাপালিনি মম প্রেমাবন্ধা,
কি করিব পত্নী মোর ক্ষুদ্র সেই শ্রদ্ধা?

আহা! কাপালিক-দর্শনই একমাত্র সুখ-মোক্ষের
সাধন। ওগো আচার্য্য মহাশয়! আমি এখন থেকে
আপনাদের দাস হলেম, আমাকেও মহা-ভৈরব-ধর্মের
দীক্ষিত করুন।

সোম।—তোমরা বোসো।

উভয়ে।—(উপবেশন)

সোম।—(সুরাপাত্র আনিয়া ধ্যানে মগ্ন)

শ্রদ্ধা।—সুরায় পাত্র পূর্ণ করেচি।

সোম।—(পান করিয়া অবশিষ্ট সুরা ভিক্ষুক
ও দিগম্বরকে অর্পণ) এই পবিত্র ভব-মহৌষধ-
অমৃত পান কর।

এই ভব-মহৌষধ

পবিত্র অমৃত কর পান

পশু-পাশ-ছেদক এ

—ভৈরব-ধরম-অমৃতান।

উভয়ে। (পরামর্শ)

দিগ।—আমাদের অহং-ধর্মের সুরাপান নাই।

ভিক্ষু।—কাপালিকের উচ্ছিষ্ট সুরা কিরূপে পান
করি?

কাপা।—কি পরামর্শ হচ্ছে? (শ্রদ্ধার প্রতি)
প্রিয়ে! এখনও এদের পশুত্ব যায়নি; তাই এরা
আমার উচ্ছিষ্ট সুরা অপবিত্র মনে করচে।
অতএব, তোমার মুখস্পর্শে পবিত্র করে' তার পর
এদের অর্পণ কর; কেন না শাস্ত্রকারকেরা বলেন,
“দ্বীমুখ সদা-শুচি”।

শ্রদ্ধা।—যে আজ্ঞে। (পানপাত্র গ্রহণ করিয়া
পীতাবশিষ্ট প্রদান)

ভিক্ষু।—এ মহাপ্রসাদ। (চষক গ্রহণ করিয়া
পান) আহা! এ সুরার কি সৌরভ, কি মাধুর্য্য!

ইতিপূর্বে কতবার

সুবদনা রূপবতী

বেশাদেবের সাথে আমি

হইয়া মিলিত,

তাহাদের মুখোচ্ছিষ্ট

সুরা করিয়াছি পান

বিকচ বকুল-পুষ্প-

গন্ধে আমোদিত;

কিন্তু এবে জানিলাম

কাপালিনী-মুখ-সুরা

না লভিয়া সুরগণ

সুধা-লালায়িত।

দিগ।—ওরে ভিক্ষুক! সব পান করিসনে—
কাপালিনীর মুখোচ্ছিষ্ট সুরা আমাকে কিছু দিস।

ভিক্ষু।—(দিগম্বরকে চষক প্রদান)

দিগ।—(পান করিয়া) আহা! এ সুরার কি
মধুরত্ব!—কি স্বাদ! কি গন্ধ! কি সৌরভ!
হায়! আমি এতকাল অহং-ধর্মের থেকে এমন
সুরা-রসে বঞ্চিত ছিলাম? ওরে ভিক্ষুক! আমার
গা ঘুরুচে, আমি একটু শুই।

ভিক্ষু।—হাঁ, আমিও শুই। (উভয়ের তথা
করণ)

কাপা।—দেখ প্রিয়ে! আমি এই অমূল্য দুটি
ক্রীতদাস পেয়েছি—এসো, এখন আমরা নৃত্য করি।
(উভয়ের নৃত্য)

দিগ।—ওরে ভিক্ষুক! এই কাপালিক—না না
—আমাদের আচার্য্য মহাশয় কাপালিনীর সঙ্গে কেমন
সুন্দর নৃত্য করচেন, ওদের সঙ্গে এসো, আমরাও নৃত্য
করি। (পদস্থলিত নৃত্য)

দিগ।—(“অগ্নি পীন-ঘনস্তনী মোহিনী ললনা”
ইত্যাদি গান করণ)

ভিক্ষু।—চমৎকার এই কাপালিক ধর্ম! এতে
অক্লেশে মনোবাহা পূর্ণ হয়।

সোম।—এই ধর্ম কেমন চমৎকার! দেখ:—

এ ধরমে যাহারা গো করিয়াছে মুক্তি লাভ
—লভিয়াছে মহাসিদ্ধি না ত্যজি' বিষয়-রাগ;

আকর্ষণ, সম্মোহন প্রমথন, প্রক্ষোভণ

উচ্চাটন-আদি বলে যায়

সে সব তো ক্ষুদ্র সিদ্ধি— বিস্তাবান্ সাধকের

সে সকল যোগ-অস্তরায়।

দিগ।—(উন্মত্ত হইয়া) ওরে কাপালিক!
অথবা ওরে আচার্য্য! অথবা ওরে আচার্য্য-মশায়!

ভিক্ষু।—(উইচঃস্ববে হাসিয়া) সুরাপানে
অনভ্যাস-বশতঃ ও দেখ্‌চি মাতাল হয়ে পড়েছে—ওর
এখন নেশা ছুটিয়ে দিন।

সোম।—আচ্ছা তাই করচি। (স্বমুখেচ্ছিষ্ট
তাম্বুল দিগম্বরকে প্রদান)

দিগ।—(সুস্থ হইয়া) আচার্য্য মহাশয়! জিজ্ঞাসা
করি, সুরা আহরণে আপনার বেরূপ ক্ষমতা, স্ত্রী-
পুরুষ প্রভৃতি আকর্ষণেও কি আপনার সেইরূপ
ক্ষমতা আছে?

সোম।—তুমি অত কেন জিজ্ঞাসা করচ?
দেখঃ—

কিবা বিদ্যাধরী কিবা স্বর্গ-সুরাঙ্গনা,
নাগ-কন্যা অথবা গো যক্ষের ললনা,
এ তিন ভুবন-মাঝে যারে চাহি আমি
তাহাকেই বিজ্ঞা-বলে হেথা টেনে আনি।

দিগ।—ওহে! আমি গণনা করে' জেনেছি,
আমরা সবাই মহামোহের কিঙ্কর।

উভয়ে।—বাপু, তুমি ঠিকই জেনেছ।

দিগ।—এখন তবে রাজ-কার্য্য কি করতে হবে,
এসো, তারি মন্ত্রণা করা যাক।

সোম।—কি কাজ?—বল।

দিগ।—মহারাজের আজ্ঞা, সত্বগুণের কন্যা
সাবিত্রী শ্রদ্ধাকে আমাদের আকর্ষণ করে' আনুতে
হবে।

সোম।—বল, সেই দাসীপুত্রী এখন কোথায়
আছে, আমি বিজ্ঞাবলে এই দণ্ডেই তাকে এখানে
আনুচি।

দিগ।—(খড়ি লইয়া গণনারম্ভ)

শান্তি।—সখি! হতভাগারা আমার মা'র কথা
বলচে শুনুচি যে—মনোযোগের সহিত সমস্ত ব্যাপারটা
তবে দেখা যাক।

করু।—হাঁ সখি! (উভয়ের তথাকরণ)

দিগ।—জলে নাস্তি, স্থলে নাস্তি,
নাস্তি সে গো গগনের মাঝে;

আছে বিষ্ণুভক্তি-সনে
—মহাস্বাগণের হৃদে রাজে।

করু।—(সানন্দে) সখি! বাঁচা গেছে, শ্রদ্ধা এখন
বিষ্ণুভক্তির কাছে আছেন।

শান্তি।—(হর্ষ)

ভিক্ষু।—ওহে দিগম্বর! কামনার নিকট হতে
বিচ্ছিন্ন হয়ে নিকাম ধর্ম্ম এখন কোথায় আছেন, তাও
গণনা করে' বল।

দিগ।—(পুনর্বার গণনা করিয়া "জলে নাস্তি,
স্থলে নাস্তি" ইত্যাদি পুনর্বার পাঠ)

সোম।—(সবিষাদে) হায় হায়! মহারাজের
মহাকষ্ট উপস্থিত দেখ্‌চি।

দেবী বিষ্ণু-ভক্তি যিনি

একমাত্র সিদ্ধির কারণ,

তার সাথে হয় যদি

সত্ব-কন্যা শ্রদ্ধার মিলন;

ধর্ম্ম যদি কাম হতে

মুক্ত হয়ে করেন বিরাজ;

তা হলেই সিদ্ধ যে গো

হবে সেই বিবেকের কাজ।

এখন অর্থব্যয় করেও আমাদের প্রভু
মহামোহের কার্য্যসাধন করা কর্তব্য। অতএব
এস, এখন আমরা ধর্ম্ম ও শ্রদ্ধাকে আকর্ষণ
করবার জন্ত মহাভৈরবী-বিজ্ঞাকে সেখানে পাঠাই।

[প্রস্থান।

শান্তি।—আমরাও এস এই হতভাগাদের সমস্ত
ব্যাপার দেবী বিষ্ণুভক্তিকে জানাই গে।

[প্রস্থান।

ইতি পাবণ-বিড়ম্বন-নামক তৃতীয় অঙ্ক।

চতুর্থ অঙ্ক

(মৈত্রীর প্রবেশ)

মৈত্রী।—আমি মুদিতার নিকটে শুনুনেম,
ভগবতী বিষ্ণুভক্তি আমাদের প্রিয়সখী শ্রদ্ধাকে
মহাভৈরবীর হাত হতে উদ্ধার করেছেন। না জানি,
শ্রদ্ধা এখন কোথায়; তাকে দেখবার জন্ত আমার
হৃদয় উৎকণ্ঠিত হয়ে আছে। (পরিক্রমণ)

(ভয়ে কাঁপিতে কাঁপিতে শ্রদ্ধার প্রবেশ)

শ্রদ্ধা।—কানে দোলে নৃ-কপাল-কুণ্ডল ভীষণ;
দৃষ্টি হতে বিছাচ্ছটা ছুটে অক্ষয়ণ;

মূর্ত্তি সে ভয়ঙ্কর, অনলের শিখা-সম
কেশ তার পিঙ্গল-বরণ ;
দন্ত চন্দ্রকলাঙ্গুর, তাহার ভিতর হতে
লোল-স্খিহ্বা করে নির্গমন ;
—সেই মহাভৈরবী হেরিয়া কদলী-সম
কাঁপিছে এখনো মোর মন ।

মৈত্রী।—(দেখিয়া) ঐ যে, প্রিয়সখী শ্রদ্ধা
ভয়ে কদলী-পত্রের মত কাঁপতে কাঁপতে কি
বলচেন ; আমি তাঁর সম্মুখে আছি, তবু আমাকে
দেখতে পাচ্ছেন না ; আচ্ছা, তবে নিকটে গিয়ে
তাঁর সঙ্গে কথা কই। (নিকটে গিয়া) প্রিয়সখী
শ্রদ্ধা, আজ তোমাকে এত অশ্রুমনস্ক দেখছি কেন বল
দিকি ? আমি তোমার সম্মুখে রয়েছি, তবু তুমি
আমাকে দেখতে পাচ্ছ না ?

শ্রদ্ধা।—মৈত্রীকে দেখিয়া দীর্ঘনিঃশ্বাস ফেলিয়া)
এ কি ! প্রিয়সখী মৈত্রী যে ।

করাল যে কাঁদ-রাত্রি তাহার দন্তের মাঝে
ছিহ্ন এতক্ষণ,
তোমারে দেখিয়া সখি পাইছু আবার যেন
নূতন জীবন ।

এসো সখি, আমাকে গাঢ় আলিঙ্গন কর ।

মৈত্রী।—(তথা করিয়া) সখি ! বিষ্ণুভক্তি
তো সেই মহাভৈরবীর প্রভাব নষ্ট করেছেন, তবু
এখনও তোমার সর্বাস কাঁপতে কেন বল দিকি ?

শ্রদ্ধা।—(“কানে দোলে নৃ-কপাল” ইত্যাদি)

মৈত্রী।—(সত্রাসে) উঃ ! হতভাগিনীর কি
ভয়ঙ্কর মূর্ত্তি ! সে এসে কি করলে বল দিকি ?

শ্রদ্ধা।—সখি ! শোনো !—

শোন-পক্ষী-সম সে গো
উর্দ্ধ হতে সবেগে নামিয়া

এক হস্তে ধরমেরে
—অন্য হস্তে আমারে ধরিয়া,
সবেগে উঠিল পুন গগনে তখুনি
নখাগ্রে ধরিয়া মাংস যেমতি শুকুনি ।

মৈত্রী।—কি সর্বনাশ ! কি সর্বনাশ ! (মূচ্ছিত)

শ্রদ্ধা।—সখি ! আশস্ত হও ।

মৈত্রী।—(আশস্ত হইয়া) তার পর—তার
পর ?

শ্রদ্ধা।—তার পর আমার আর্তনাদে দেবী বিষ্ণু-
ভক্তির হৃদয় আর্দ্র হল ! তিনি তখন :—

ভূকভঙ্গ ভয়ঙ্কর স্কোপ কুটিল ঘোর
রক্তিম লোচনে
করিলেন দৃষ্টিপাত ;— অমনি সে নভ হতে
পড়িল গো ভূমে
বজ্রাহত শিলা-সম, —জর্জরিত ভগ্ন-অস্থি
হয়ে সে পতনে ।

মৈত্রী।—ব্যস্তার মুখ হতে হরিণীর তায়—কি
ভাগ্য শ্রদ্ধা ভৈরবীর হাত থেকে রক্ষা পেলেন । তার
পর প্রিয়সখি, তার পর ?

শ্রদ্ধা।—তার পর, দেবী বিষ্ণুভক্তি নিরুদ্ভিগ্ন হয়ে
আমাকে বজ্রেন ; “দেখ শ্রদ্ধে ! হুরাঙ্গা মহামোহ
আমাকে বড়ই অবজ্ঞা করে ; আমি তাকে সমূলে বিনষ্ট
করব । আর তুমি বিবেকের নিকট গিয়ে বল, তিনি
যেন কামক্রোধাদিকে জয় করবার জন্ত এখন উন্মোহ
করেন ; তা হলেই বৈরাগ্যের প্রার্থনাব হবে । আমিও
প্রসন্ন হয়ে যথাসময়ে প্রাণারামাদি দ্বারা তোমাদের
দৈহিকে অল্পপ্রাণিত করব ; আর ঋতসন্তা বা আদি
দেবীরাও, শাস্তি আদির কোশলে, বিবেকের সহিত
উপনিষদ দেবীর সশ্রিলনে যাতে প্রবোধের জন্ম হয়,
তার উপায় চিন্তা করবেন ।” তাই আমি এখন
বিবেকের নিকট যাচ্ছি । তুমি এখন কি করে’ দিন
কাটাতে বল দিকি সখি ?

মৈত্রী।—আমি এখন বিষ্ণুভক্তির আঞ্জার,
মুদিতা, দয়া ও উপেক্ষা এই তিন ভগিনীকে সঙ্গে নিয়ে
বিবেকের কার্য্য-সিদ্ধির নিমিত্ত মহাত্মা সাধুদের হৃদয়ে
বাস করব ।

স্বধীজন-প্রতি তারা
করিবেন মিত্র-ব্যবহার

জনমিবে অল্পকম্পা
হৃঃখীদের হেরি’ হৃঃখ-ভার ;
পুণ্য-কার্য্যে তাঁহাদের
হইবে গো আনন্দ অপার ;
কুমতি জনের প্রতি
করিবেন উপেক্ষা বিস্তার ।

‘আত্মা কলুণিত হলে’
রাগ লোভ ষেয আদি-জন্ত



আমাদের অধিষ্ঠানে

এইরূপে হয় গো প্রসন্ন।

তাই, আমরা এই চার ভগিনী মিলে, যাতে
প্রবোধের জন্ম হয়, এখন তারই চেষ্টায় থাকব। প্রিয়-
সখি, এখন তুমি কোথায় গিয়ে মহারাজের সহিত
সাক্ষাৎ করবে বল দিকি ?

শ্রদ্ধা।—দেবী বিষ্ণুভক্তি আরও এই কথা
বলেন :—রাত্ নামে একটি জনপদ আছে, সেইখানে
ভাগীরথী-তীরের অলঙ্কার-স্বরূপ ভূতচক্র নামে যে
তীর্থ, সেইখানে বিবেক ব্যাকুল-চিত্ত হয়ে, মীমাংসা-
অনুগত বুদ্ধির দ্বারা কোনরূপে প্রাণধারণ করে' উপ-
নিষদের সহিত মিলিত হবার জন্ত তপস্বী করচেন।

মৈত্রী।—তুমি তবে যাও প্রিয়সখি, আমিও
আমার কাজ করি গে।

শ্রদ্ধা।—আচ্ছা সখি।

[প্রস্থান।

ইতি প্রবেশক।

(রাজা বিবেক ও প্রতীহারীর প্রবেশ)

রাজা।—আগে পাপিষ্ঠ মোহ হতভাগা! তুই
এই মহাত্মা পুরুষকে নিতান্তই বধ করবি দেখছি।
এই আত্মা পুরুষ এখন :—

অনন্ত-মহিম শাস্ত চিদানন্দ নিরমল
নিস্তরঙ্গ এমন যে অমৃত-সাগর-জল
—থাকিয়াও মগ্ন তাহে নাহি করে আচমন ;
আর মৃগতৃষ্ণার্ণব —অসার সে যে এমন—
তাতেই আমোদ তার —তাতেই অবগাহন,
সে জলেই আচমন, সে জলই করয়ে পান
তাহাতেই নিমজ্জিত থাকে সে গো অবিরাম।

অথবা, সংসারচক্র-বাহক সেই মহামোহের যে
অবোধ-মূল, তা' কেবল প্রবোধচক্রোদয়ের দ্বারাই
উন্মূলিত হবে। কেন না :—

ঈশ্বরোপাসনা-বীজ —যাহা হতে তত্ত্বজ্ঞান
স্বতঃ জনমায়—
তাহা ছাড়া, ভব-তরু -মোহ-মূল নাশিবার
নাহিক উপায়।

পুরাবেতাগণ বলেন, কৃতীদের কার্যে দেবতারা
প্রায় সহায় হন। দেবী বিষ্ণুভক্তিও আমাকে
আদেশ করেছেন যে, তুমি কাম-ক্রোধদের জয় করবার

জন্ত উদ্যোগ করবে; আর, তিনিও এই বুদ্ধে
আমাদের পক্ষ অবলম্বন করবেন। কাম তো
বস্তুবিচারের অভাবেই বেঁচে আছে—অতএব, কামকে
জয় করবার জন্ত বস্তুবিচারকেই পাঠান যাক।
(পার্শ্বে অবলোকন করিয়া) বেত্রবতি! বস্তুবিচা-
রকে ডেকে নিয়ে এসো তো।

প্রতী।—যে আঞ্জ্ঞে দেবি!

(প্রস্থান করিয়া বস্তুবিচারের সহিত পুনঃ প্রবেশ)

বস্তু।—বাস্তবিক কোন সৌন্দর্য্য আছে কি না,
তা বিচার না করে' কেবল সৌন্দর্য্যের অভিমানেই
হতভাগা কাম বুদ্ধি পেয়ে, জগৎকে সর্বদাই বধনা
করচে; অথবা, ছুরাশ্বা মহামোহেরই এই কাজ!
দেখ :—

প্রত্যক্ষ গো দেখিয়াও অশুচি-পুল্লিকা নারী,
পণ্ডিতেও উনমত্ত
প্রমোদিত অত্যাশক্ত
হয় কাম-বশে ;
কতই প্রশংসা করে ;— বলে, কিবা পদ্ম-নেত্র
কিবা ভুরু, কিবা গুরু
নিতম্ব, উন্নত স্তন
কমল-বদনা সে।

আরও, যে সকল বুদ্ধিমান লোক যথার্থ বস্তু-
বিচার করে' থাকেন, রক্ত-মাংস-অস্থি-পঞ্জর-ক্লেদময়ী
নারীতে তাঁদেরও বিরাগ নেই, স্পষ্ট দেখা যায়।
বস্তুতঃ নারীতে নিজস্ব সৌন্দর্য্যগুণ কিছুই নেই,
তাতে কেবল ইতর গুণের অধ্যাস করা হয় মাত্র।
দেখ :—

চারু মুক্তাহার-লতা, রুহু-বাহু-মণিময়
কনক-নুপুর,
কুঙ্কুম-সম্ভব রাগ, বিচিত্র কুঙ্কুম-মালা,
সুগন্ধ মধুর,
বিচিত্র হুকুল-বাস, —এই সবে রমণীর
কল্পিত সৌন্দর্য্য চাখে
অন্ন-বুদ্ধি লোক ;
কিন্তু বারা দেখিয়াছে অন্তর বাহির তার,
তাহারাই জানে—নারী
দ্বিতীয় নরক।

(আকাশে) আরে পাপিষ্ঠ চণ্ডাল কাম! তুই

বিনা-অবলম্বনে আবিভূত হয়ে মহাপুরুষদের যে
ব্যাকুল করে' তুলচিস্। দেখ, কাম কোন কামি-
নীকে দেখ লেই মনে করে :-

এ ইন্দু-বদনা বালা চাহে গো আমারে ;
সানন্দে আমার পানে কটাফে নেহারে ;
এই কমলাকী নারী স্তন-আলিঙ্গনে
মিলিতে ইচ্ছুক অতি দেখে আমা সনে ।

কিস্ত ওরে মুঢ় !

কে করে গো ইচ্ছা তোরে,
ওরে পশু ! কে দেখে বল তো ?
মাংসাস্তি-নির্ধিত নারী
এর কিছু নহে অবগত ;
কেমনে সে দেখিবে গো
পুরুষেরে—যে গো অমুরত ।

প্রতী।—এই দিক্ দিয়ে আসুন, এই দিক্
দিয়ে ।

(উভয়ের পরিক্রমণ)

প্রতী।—ঐ মহারাজ বিবেক বসে' আছেন,
আপনি নিকটে গমন করুন ।

বস্ত।—(নিকটে গমন করিয়া) মহারাজের
জয় হোক ! আমি বস্তবিচার, প্রণাম করি ।

রাজা।—(সসম্মানে) এইখানে বোসো ।

বস্ত।—(বসিয়া) মহারাজ ! এই আপনার
কিঙ্কর উপস্থিত ; অনুগ্রহ করে' আজ্ঞা করুন ।

রাজা।—দেখ বাপু ! মহামোহের সহিত
আমার সংগ্রাম উপস্থিত ; এই যুদ্ধে মহামোহের
প্রধান বীর হচে কাম ; আর, তোমাকেই তার
প্রতিযোগী বোদ্ধা স্থির করা গেছে ।

বস্ত।—(সহর্ষে) মহারাজ আমাকে যেরূপ
সম্মানিত করেছেন, তাতে আমি ধন্য হলেম ।

রাজা।—আচ্ছা, কোন্ শস্ত্রবিজ্ঞার দ্বারা কামকে
তুমি জয় করবে বল দিকি ?

বস্ত।—আঃ ! যে পুষ্পধনু-কামের পঞ্চশর
মাত্র সম্বল, তাকে জয় করতে কি শস্ত্র গ্রহণের
অপেক্ষা করে ? দেখুন :-

নারীরে যথনি কেহ

করিবে গো স্বরণ দর্শন

অমনি ইন্দ্রিয়-বার

দৃঢ়রূপে করি' আচ্ছাদন,

প্রতি মুহু ধ্যান করি'

শেখের বিরস পরিণাম,

আর দেহ-বীভৎসতা

চিন্তন করিয়া অবিরাম,

—এইরূপে আমা হতে

উন্মূলিত হইবে সে কাম ।

রাজা।—সাধু ! সাধু !

বস্ত।—আরও দেখুন :-

বিপুল-পুলিন নদী, পতন্ত নিষ্পন্ন-জলে
সুমহুগ শৈল-শিলা
বেথা বিঘ্নমান ;
ঘন-তরু বনরাজি ; —ব্যাস-উক্ত শাস্তি বাণী
যেথায় গো উচ্চারিত
হয় অবিরাম ;

সদ্বশুণ-বিভূষিত পণ্ডিতগণের বেথা
হয় সমাগম ;

সেথা কি থাকিতে পারে মাংস-বসাময়ী নারী
অথবা যদন ?

তা ছাড়া :-নারীই কামের প্রধান অঙ্গ ;
অতএব তাকে জয় করলেই তার যে সব সহায়,
তারাও বিফল-চেষ্টে ও ভ্রমোচ্ছন্ন হয়ে পলায়ন করবে ।
তখন :-

চন্দ্র ও চন্দন, আর

জ্যোত্স্না-শুভ্র রাতি মনোরম

ভ্রমর-কুল-গুঞ্জন-

মুখরিত বিলাস-কানন ;

সুচারু বসস্তোদয় ;

মেঘ-মন্দ্র-গরজন

বরষা-দিবস :

কদম্ব-কুসুম-গন্ধে

স্বরভিত সমীরণ

—মুহুর-পরশ

শৃঙ্গার-প্রমুখ এই

কামের সহায় আছে যত

নারীরে করিলে জয়

ইহারাও হইবে নিহত ।

অতএব আর বিলম্বে প্রয়োজন কি, আজ্ঞা করুন,
মহারাজ, আমি যুদ্ধ-যাত্রা করি ।

কুরু-সৈন্য বিনাশিয়া যথা রণ-মাঝে

অর্জুন করিল বধ শেষে সিন্ধুরাজে,

আমিও গো সেইরূপ আচ্ছন্ন করিয়া দিক
বিচারের বাণে,
নাশিয়া অরাতি-সৈন্য বধিব গো অবশেষে
ছুই সেই কামে।

রাজা।—(প্রসন্ন হইয়া) আচ্ছা, তুমি তবে
এখন শত্রু-বিজয়ের জন্ত সজ্জিত হও।

বস্ত্র।—যে আজ্ঞে মহারাজ!

[প্রস্থান।

রাজা।—বেত্রবতি! ক্রোধ-জয়ের জন্ত ক্ষমাকে
ডেকে নিয়ে এসো।

প্রতী।—যে আজ্ঞে মহারাজ!

(প্রস্থান করিয়া ক্ষমাকে লইয়া পুনঃ প্রবেশ)

ক্ষমা।—(ধৈর্য্য-সহকারে)

বিস্তারি' ক্রোধাক্রকার

স্ববিকট ক্রকুটী-তরঙ্গ ভয়ঙ্কর

সাক্ষ্য কিরণ সম

নিঃক্ষেপিয়া আরক্তিম দৃষ্টি ঘোরতর,

শত্রুরা যে স্ককঠোর পরনিন্দা কটুবাণ্য

উচ্চারণ করে শত শত,

ধৈর্য্যশালী জনগণ —নিঃস্পন্দ নিরমল

সুগভীর সাগরের মত—

সেই সব নিন্দাবাণ্য নির্বিকার-চিত্তে দেখ

সহিয়া থাকেন অবিরত।

(শ্লাঘা-সহকারে) দেখ! আমার—

বচনে না হয় গ্লানি, শিরোবাণ্য, মনস্তাপ

দস্ত-পীড়ন আদি নাহি যায় দেখা।

হিংসাদি অনর্থ-যোগ তাহাও ঘটে না মোর,

—ক্রোধ-জয়ে আমি শ্লাঘ্য একা।

(উভয়ে পরিক্রমণ করিতে করিতে)

প্রতী।—প্রিয়সখি! ঐ মহারাজ, এইবার
নিকটে এগিয়ে যাও।

ক্ষমা।—(নিকটে গিয়া) মহারাজের জয় হোক!
আমি আপনার দাসী ক্ষমা, সাষ্টাঙ্গে প্রণাম
করি।

রাজা।—বৎসে! এইখানে বোসো।

ক্ষমা।—(বসিয়া) আজ্ঞা করুন মহারাজ, এ
দাসীকে কেন ডেকেছেন?

রাজা।—দেখ ক্ষমা! এই সংগ্রামে ছরাত্মা
ক্রোধকে তোমার জয় করতে হবে।

ক্ষমা।—মহারাজের শ্রীচরণ-প্রসাদে আমি মহা-
মোহকেই জয় করতে পারি, তা ক্রোধ;—ক্রোধ তো
তার অন্তরমাত্র; তাকে আমি অচিরে জয় করব।

যেই জন অকারণে বাধা দেয় বেদ-পাঠে,

যজ্ঞাদিতে, তপ অনুষ্ঠানে,

অগ্নির স্কুলিঙ্গ-সম ক্রোধ যার অবিরত

ছুটিতেছে ধুগল নয়ানে,

সেই পা'পঠরে আমি করিব নিধন

—মহিষেরে কাত্যায়নী বধিলা যেমন।

রাজা।—আচ্ছা, বল দেখি ক্ষমা, তুমি কি উপায়ে
ক্রোধকে জয় করবে?

ক্ষমা।—মহারাজ! নিবেদন করি:—

হ'লে কেহ ক্রোধবিষ্ট উপেক্ষিয়া হাসি-মুখে

দেখাই স্প্রসন্ন ভাব;

নিন্দা সে করে যদি কুশল পুছিব তার

কিছুমাত্র না করিয়া রাগ;

প্রহার করয়ে যদি পাপ-নাশ হল বলি'

আনন্দিত হইব অন্তরে;

"অজিতাত্মা জীবগণ —দৈববশে হুনিবার—

হঠাৎ গো এই কাজ করে

—ধিক্ তারা কুপাপাত্ত"। —ইগ ভাবি' দয়াবশে

আজ্ঞ যদি হয় গো হৃদয়,

বল দেখি মহারাজ তখন কি হইতে পারে

চিত্ত-মাত্রে ক্রোধের উদয়?

রাজা!—সাধু! সাধু!

ক্ষমা।—মহারাজ! ক্রোধকে জয় করতে
পারলেই হিংসা, কঠোরতা, মদ, মান, মাৎসর্য্যও
আপনা হতেই পরাজিত হবে।

রাজা।—আচ্ছা, তবে তুমি তাদের বিজয়ের
নিমিত্ত যাত্রা কর।

ক্ষমা।—যে আজ্ঞে মহারাজ!

[প্রস্থান।

রাজা।—(প্রতীহারীর প্রতি) আচ্ছা, এখন
লোভকে জয় করবার জন্ত সস্তোষকে ডাকো।

প্রতী!—যে আজ্ঞে মহারাজ!

[প্রস্থান।

(সন্তোষের সহিত প্রতীহারীর পুনঃ প্রবেশ)
 সন্তোষ ।—(চিন্তা করিয়া অহুকম্পা সহকারে)
 নানাবিধ বৃক্ষ ধরে
 কতশত স্বেচ্ছালভ্য ফল !
 স্থানে স্থানে পুণ্যানদী
 —তাছে মিষ্ট সুশীতল জল ;
 সুখস্পর্শ শয্যা রহে
 সুললিত লতাপত্রময় ;
 তবু কুপাপাত্রগণ
 ধনীর হুয়ারে কষ্ট সয় ।

(আকাশে) ওরে মূর্খ ! তোদের এই মোহ
 কি হুশ্ছেত্ত্ব !

এই তুচ্ছ ধন-তৃষ্ণা
 —মৃগতৃষ্ণা-সাগর সমান
 দেখিয়া তবুও কি রে
 নাহি হয় আশার বিরাম ?
 শতধা বিদীর্ণ নাহি
 হয় কি রে তোদের হৃদয় ?
 বজ্রর প্রস্তরে উহা
 দেখিতেছি গঠিত নিশ্চয় ॥

তা ছাড়া, এই লোভ চিত্ত-মাঝে ক্রমশই বৃদ্ধি
 পায় ।

পাইয়াছি এত ধন আরো ধন পাব,
 মূলধন করি এরে আরো তা বাড়াব ;
 এইরূপ ধন-চিন্তা —অহো কি আশ্চর্য্য দেখি—
 করিতেছ তুমি দিবারাত,
 ভাবো না পিশাচী আশা মোহ-রাত্রে ঘেরি তোমা
 সবলে গ্রাসিবে অচিরাৎ ।

অপিচ :—

যদিও গো কোনরূপে লব্ধ হয় ধন,
 নিশ্চয় তাহার হবে বিলয়-সাধন ।
 ধন-নাশে, তব নাশে
 হুয়েতেই ধনের বিয়োগ ;
 তোমার বিনাশে দেখ
 ধন তব না হইবে ভোগ ।
 ধনলাভ, ধননাশ
 এর মাঝে কোন্টি গো পথ্য ?

৩৩—২০

লব্ধ ধন নাশ, কিয়া
 ধনাভাব—বল দেখি সত্য ?
 আরও দেখ :—
 মদভরে করে নৃত্য
 মৃত্যু এই মাথার উপরে ;
 জ্বররূপী ঘোর সর্প
 তোমায় গো দেখ গ্রাস করে ;
 বিষয়ের লোভ-গৃধ্র
 গ্রাসে আর সর্ব-চরাচরে ।
 অতএব ধোত করি' বোধ-জলে
 অবোধ-বহল ধূলিজাল,
 সন্তোষ অমৃতার্ণব—তারি তলে
 মগ্ন হয়ে থাকো চিরকাল ।

প্রতী ।—ঐ আমাদের মহারাজ—আপনি নিকটে
 এগিয়ে যান ।

সন্তোষ !—(তথা করিয়া) মহারাজের জয়
 হোক—আমি সন্তোষ, প্রণাম করি ।

রাজা ।—এইখানে বোসো । (আপনার কাছে
 বসাইয়া :)

সন্তোষ ।—মহারাজ ! আপনার এই ভৃত্য
 উপস্থিত, এখন অহুগ্রহ করে' আজ্ঞা করুন ।

রাজা ।—তোমার প্রভাব তো জানাই আছে ;
 তুমি অবিলম্বে লোভ-জয়ের জন্ত বারাণসী যাত্রা কর ।

সন্তোষ ।—যে আজ্ঞে মহারাজ :—

জ্ঞান-মুখী লোভ সেই
 —যে করে গো ত্রিলোক বিজয়—

তারে মহারাজ আমি
 অনায়াসে জিনিব নিশ্চয়,

যথা রাম বধিল সে

হুবৃত্ত রাজা দশাননে

—যে ছিল প্রবৃত্ত সদা

দেব-ঈজ-বন্ধন-নিধনে ।

[পরিক্রমণ করিয়া প্রস্থান ।

(“বিনীত” দূতের প্রবেশ)

বিনী ।—মহারাজ ! যুদ্ধযাত্রার মাঙ্গল্য-দ্রব্য-সকল
 আহরণ করা হয়েছে ; আর গণক এসে গমনের শুভ
 সময় নিরূপণ করে' দিয়েছেন ।

রাজা ।—আচ্ছা, তা হলে সেনাপতিদের সৈন্ত
 পাঠাতে বল ।

বিনী।—যে আজ্ঞে মহারাজ!

[প্রস্থান।

নেপথ্যে।—ওহে, তোমরা শোনো।

যাহাদের কুস্ত্রুত মদে মত্ত হয় ভূঙ্গ
—এ হেন করীন্দ্রগণে করহ সজ্জিত ;
যাহাদের বেগ-বলে পরাজিত প্রভঞ্জন
হেন তুরঙ্গম রথে করহ যোজিত ;
কুস্ত্রাজে, স্বজন করি, দ্বিগন্তে নীলাঙ্গ-বন
বিচরুক পদাতি প্রথম ;
তার পর, অসিলতা করিয়া ধারণ করে
অখারোহী করুক গমন।

রাজা।—আচ্ছা, এখন তবে মঙ্গলাচরণ করে'
যাত্রা করা যাক। (পারিপার্শ্বিকের প্রতি) ওহে !
সারথিকে আমার সাংগ্রামিক রথ সজ্জিত করে'
আনতে বল।

পারি।—যে আজ্ঞে।

[প্রস্থান।

(রথ লইয়া সারথির প্রবেশ)

সারথি।—মহারাজ! এই রথ সুসজ্জিত করে'
আনা হয়েছে, এখন আরোহণ করুন।

রাজা।—(মঙ্গলাচরণ করিয়া রথে আরোহণ)

সারথি।—(রথবেগ দেখাইয়া) মহারাজ! দেখুন,
দেখুন :—

খুরাগ্রে চুষ্টিয়া ভূমি অখগণ লয়ে যায়
রথখানি গগন-সীমায় ;
এমনি প্রচণ্ড বেগ গতি শুধু অহুমিত
ধুরোথিত পথের ধলায়।

কি ঘোর রথের শব্দ ঘর্ঘর ভীষণ !
মনে হয়, হইতেছে সাগর-মহুসন।

মহারাজ! ঐ দেখুন, অনতিদূরে ত্রিলোকপাবনী
বারাণসী নগরী।

সুধাকর-কর-সম শুভবর্ণ এই সব
সউধ-শিখর ;
ধারা-যন্ত্র হতে ওই স্থলিত হইয়া জল
ঝরে বরু বরু ;

উচ্চে সুশোভিত ওই বিচিত্র পতাকাবলি
—সউধ-শিখরে যায় দেখা,

নিরমল শরতের মেঘ-প্রান্তে বিলসিত
যেন চারু তড়িতের লেখা।

(পরিক্রমণ করিয়া)

প্রত্যেক মুকুলে অলি লগ্ন হয়ে করয়ে গুঞ্জন ;
প্রফুল্লিত পুষ্প হতে বিন্দু বিন্দু ঝরি মকরন্দ
—মনে হয় বর্ষা এল ; পুষ্প-গন্ধে দিক্
আমোদিত ;
নিবিড় শ্যামায়মান তরুদের ঘন পত্র-পুঞ্জ
বিস্তারে তরল ছায়া ; সমীরণ—সেও দেখ কিবা
পাণ্ডপত-ব্রতধারী তাপসের মত অভিষিক্ত
গঙ্গাজলে ; —নাতিদূরে, নগর-পর্যন্ত-সীমায়
এ হেন অরণ্য-ভূমি মহারাজ ওই দেখা যায়।

গঙ্গাজলে হয়ে আর্জ
মাখি শুভ্র পুষ্প-রেণুকণা,
সমীরণ চ্যুত-পুষ্পে

শিবে যেন করে গো অর্চনা ;
ভ্রমর-গুঞ্জে-আর
করে দেখ কিবা স্তম্ভি-পাঠ,
লতা-ভুঞ্জ-আন্দোলনে
আরো দেখ কিবা নৃত্য-নাট।

রাজা।—(সানন্দে অবলোকন করিয়া) সারথি !
দেখ দেখ :—

চক্রচূড়-বাসভূমি এই বারাণসী পুষ্টি
আকৃষ্ট করে মোর মন ;
ব্রহ্মানন্দ-বিধায়িনী বিত্তা যেন তমো নাশি'
যুক্তিপদে করে আনয়ন।
ধরা-কণ্ঠ-বিলম্বিনী

সুকুটিল মুক্তাবলী-প্রায়
ফেন-হাস্তে গঙ্গা যেন
উপহাসে' শশাঙ্ক-কলায়।

সারথি।—(পরিক্রমণ করিয়া) মহারাজ !
দেখুন দেখুন ; এই সেই ভাগীরথীর তীরের অলঙ্কার-
স্বরূপ ভগবান্ আদি-কেশব নামক বিষ্ণুর পবিত্র
মন্দির।

রাজা।—(দেখিয়া সহর্ষে) এ কি !
এ যে সেই দেব যারে পুরাবেত্তাগণ
• এ ক্ষেত্রের আত্মরূপে করেন কীর্তন।

হেথা পুণ্যবান্ লোক ত্যজি' দেহ, শেষ
মুক্তি লভি' য়ার মধ্যে করে গো প্রবেশ।

সারথি।—মহারাজ! দেখুন, দেখুন,—এই কাম,
ক্রোধ, লোভ আদি আমাদের দর্শনমাত্রেই দূরে
পলায়ন করচে।

রাজা।—তাই বটে। এসো, এখন আমরা
ভগবান্ দেব আদি-কেশবকে নমস্কার করি।
(রথ হইতে নামিয়া, প্রবেশ ও অবলোকন করিয়া)

জয় জয় ভগবন্! দেব-সেনা-চূড়ামণি-শ্রেণী
লুপ্তিত ও-পাদপদ্মে; আর তারি নখর-প্রভায়
তব পাদপীঠ-ছাতি বিমিশ্রিত; তুমি বৈত-ভ্রান্তি-
সম্প্রস্তু ত্রিলোকের ভ্রম-নিদ্রা হরণে স্তম্ভক;
বরাহ-মুরতি ধরি জলমগ্ন পৃথিবীরে তুমি
উদ্ধারিলে; তাহে ক্ষিপ্ত হ'ল তব দংষ্ট্রাগ্রভাগ;
তবু সেই দংষ্ট্রাগ্রে বিদরিলে কত মহাগিরি।
বামনের পাদদ্বয়ে লোকদ্বয়ে হলে তুমি ব্যাপ্ত;
শ্রীকৃষ্ণের দেহ ধরি' বাহুবলে করি উত্তোলন,
মহা গোবর্দ্ধন-গিরি—ছত্ররূপে করি' তা ধারণ,
ইন্দ্রকৃত আকস্মিক সূপ্রচণ্ড অতিব্রষ্টি হতে
রক্ষিলে গোকুল-জনে, বিস্মিত করিয়া সর্বজন।
বিধবা করিয়া সব অল্প-বধুরে—প্রভু ওগো—
তাদের সীমন্ত হতে সিন্দূর করিয়া অপনৌত
লেপন করিলে তাহা সূর্য্য-দেহে;—তাই

সে গো এবে

লোহিত-বরণ; আর যবে নর-সিংহরূপ ধরি'
হিরণ্য-কশিপু-বক্ষ দশ নখে বিদারিলে তুমি
—সেই হস্ত-বিগলিত সুবিস্তীর্ণ শোণিত-ধারায়
মগ্ন হল ত্রিভুবন; আবার, সে ত্রিলোকের রিপু
কইটভ-অস্তুরের স্ককঠিন কণ্ঠ-অস্থি যবে
করিলে ছেদন তুমি,—স্বদর্শনচক্র হতে তব
বহু-জ্যোতি উদ্ধা-ছটা হইয়া গো বিনিঃসৃত
প্রচণ্ড দোদণ্ড তব প্রকটিত করিল জগতে।
চন্দ্র-অর্ধ-শেখরের প্রেমাস্পদ তুমি যে গো প্রভু;
সমুদ্র-মস্থন-কালে তব বাহুবলের প্রভাবে
ঘুরায়ে মন্দর-গিরি বিক্ষোভিলে ক্ষীরোদ-সাগর;
—তাহা হতে উঠি লক্ষ্মী আলিঙ্গিয়া

তোমা ভুজ-পাশে

—সেই আলিঙ্গন-ভরে পী মস্তন-পত্রাবলী-চিহ্ন
পড়ে ওই বক্ষঃস্থলে—এবে যাহে শোভে মুক্তামালা।

বৈকুণ্ঠদেব ওগো! করি আমি তোমায় প্রণাম,
সংশয়-বন্ধন কাটি' ভকতেরে দাও প্রভু জ্ঞান।

(মন্দির হইতে নির্গত হইয়া অবলোকন পূর্বক)
দেখ সারথি! এই উৎকৃষ্ট স্থান বারাণসীই আমাদের
বাসযোগ্য; অতএব এই স্থানেই শিবির সন্নিবেশ
করা হোক।

[উভয়ের প্রস্থান।

ইতি বিবেকোত্তোগ নামক চতুর্থ অঙ্ক।

পঞ্চম অঙ্ক

(শত্রুর প্রবেশ)

শত্রু।—(চিন্তা করিয়া) এই তো প্রসিদ্ধ পহা,
কেননা :—

এ বৈর-সম্ভব ক্রোধ কত কত জাতি কুল
করয়ে দহন

—পবন-আহত তরু-ঘরষণ-জাত যথা
বন-হতাশন।

(সাশ্রু-লোচনে) আহা! সোদর-বিনাশ-জনিত
শোকানল অতি দারুণ ছর্নিবার; শত শত বিচার-
জলধরও তা মন্দীভূত করতে পারে না।

সিন্ধু, মহী, শৈল, নদী —ইহাদেরি ধ্বংস যবে
ঘটিবে নিশ্চয়,

তখন এ তৃণ-লঘু ক্ষণধ্বংসী জীব-নাশে
কিসের সংশয়?

বন্ধুর নিধনে তবু,
এ বিষম শোক-হতাশন

বিচার-শক্তি নাশি'
করে মোর হৃদয় দহন।

কাম-ক্রোধাদি ভ্রাতৃগণ আমার অপকার করলেও
তাদের বিনাশে :—

মর্গ্যচ্ছেদ করে মোর,
দেহ মোর করয়ে শোষণ,

দহে মোর অন্তরাশ্রয়
জলন্ত এ শোক-হতাশন।

(চিন্তা করিয়া) সে যাই হোক, দেবী বিষ্ণুভক্তি
আমাকে এইরূপ আদেশ করেছেন, "দেখ বৎসে!

আমি এখানে থেকে হিংসা-ব্যাপারময় সংগ্রাম দেখতে পারব না; অতএব বারাগনী পরিত্যাগ করে' আমি এখন শালগ্রাম নামক ভাগবত-ক্ষেত্রে গিয়ে কিছুকাল বাস করব। সেখানে তুমি যুদ্ধের যথাযথ বৃত্তান্ত আমাকে জানাবে।" তাই এখন আমি দেবীর নিকটে গিয়ে যুদ্ধ বৃত্তান্ত নিবেদন করি গে। (পরি-ক্রমণ ও অবলোকন করিয়া) এই তো সেই চক্রতীর্থ, এইখানেই সংসার-সাগর-তরণীর কর্ণধার ভগবান্ হরি বাস করেন, (প্রণাম করিয়া) এই যে, ভগবতী বিষ্ণুভক্তি সাধুজন-বেষ্টিত হয়ে, আমার কণ্ঠা শাস্তির সহিত কি কথা কছেন। এইবার তবে নিকটে যাই।

(বিষ্ণুভক্তির ও শাস্তির প্রবেশ)

শাস্তি।—দেবি! আপনাকে এত চিন্তাকুল দেখচি কেন?

বিষ্ণু।—বৎসে! এই বীরক্ষয়-মহাযুদ্ধে, প্রবল মহামোহের আক্রমণে বৎস বিবেকের না জানি কি ঘটেচে—তাই আমার মন অত্যন্ত ব্যাকুল হয়েছে।

শাস্তি।—এর জ্ঞান চিন্তা কি, আপনার অহুগ্রহ থাকলে, নিশ্চয়ই মহারাজ বিবেকের জয় হবে।

বিষ্ণু।—দেখ বৎসে!

সুহৃৎজন-অভ্যুদয় হইলেও সপ্রমাণ,
তাদের অনিষ্ট-শঙ্কা হৃদে হয় অবিরাম।

বিশেষতঃ শ্রদ্ধা বহুকাল না আসায়, আমার মনে সন্দেহ উপস্থিত হয়েছে।

শ্রদ্ধা।—(সহসা নিকটে আসিয়া) দেবি, প্রণাম।

বিষ্ণু।—এস, এস শ্রদ্ধা, এস,—মঙ্গল তো?

শ্রদ্ধা।—দেবীর প্রসাদে সমস্তই মঙ্গল।

শাস্তি।—মা! প্রণাম।

শ্রদ্ধা।—এস বৎসে! আমাকে আলিঙ্গন কর।

শাস্তি।—(তথা করণ)

বিষ্ণু।—শ্রদ্ধে! এখন সেখানকার সমস্ত বৃত্তান্ত বল।

শ্রদ্ধা।—দেবীর প্রতিকূলচারীদের সমুচিত শাস্তি হয়েছে।

বিষ্ণু।—সমস্ত সবিস্তারে বর্ণনা কর।

শ্রদ্ধা।—দেবি! শ্রবণ করুন। আপনি আদি-কেশবের মন্দির হতে ফিরে আসবার পর, ভগবান্ ভাস্কর যখন কিঞ্চিং পাটলবর্ণ কিরণ বিকীর্ণ করতে আরম্ভ করলেন, সেই সময়ে বিজয়-ঘোষণায় আহুয়-মান বীরবর্গের সিংহনাদে দিগ্বিভাগ বধির হয়ে গেল, রথ-অশ্বের খুরোখিত ধূলিজালে সূর্য্যমণ্ডল আচ্ছন্ন হল; মদমত্ত করিগণের কুস্তস্থিত সিন্দূরে দশদিক সন্ধ্যার মত প্রতিভাত হতে লাগল; তাদের ও আমাদের সৈন্ত-সাগরের মধ্যে প্রলয়কালীন মেঘ-গর্জনের শ্রায় ভীষণ শব্দ হতে লাগল। সেই সময় মহারাজ বিবেক শ্রায়-দর্শনকে দূত করে' মহামোহের কাছে পাঠিয়ে দিলেন। শ্রায়-দর্শন সেখানে গিয়ে মহামোহকে এইরূপ বল্লেন :—

অহুচর সহ তুমি

তাজি' বিষ্ণুদেব-নিকেতন,

নদীকুল, পুণ্যবন,

আর পুণ্যবান্দের মন,

যাও চলি' স্লেচ্ছ-দেশে; নতুবা খড়্গাঘাতে

প্রতি অঙ্গ হবে খান-খান;

তাহা হতে বিগলিত রক্তধারা পান করি'

ফেরুগণ সব

ফেউ ফেউ রব করি' মহানন্দ প্রকাশিয়া

করিবে উৎসব।

বিষ্ণু।—তার পর—তার পর?

শ্রদ্ধা।—তার পর, দেবি! মহামোহ ললাট-তটে বিকট ভ্রুকুটি বিস্তার করে' বল্লেন :—“হতভাগা বিবেক এই ছনৌতির ফল ভোগ করুক”; আর, এই কথা বলে' অতিপাষণ্ডের সহিত পাষণ্ড-শাস্ত্র সকলকে যুদ্ধে পাঠালে। তার পর, আমাদেরও সৈন্ত-গণের সম্মুখে,—

পুরাণ বেদ-বেদান্ত

স্মৃতি-আদি ধর্মশাস্ত্র

আর ইতিহাস

—এই সবে বিভূষিতা

সরস্বতী হইলেন

সহসা প্রকাশ।

বিষ্ণু।—তার পর, তার পর?

শ্রদ্ধা।—তার পর, বৈষ্ণব-শৈবাদি সর্কশাস্ত্র দেবীর নিকটে এসে উপস্থিত হলেন।

বিষ্ণু।—তার পর?

শ্রদ্ধা।—তার পর :—
মীমাংসা ও শ্রায় সাংখ্য মহাভাষ্য-শাস্ত্রাদিতে
হয়ে পরিবৃত্ত,
শ্রায়শাস্ত্র শতবাহু বিস্তারিয়া, দিক্‌দশ
করি' উদ্ভাসিত,
ত্রিনয়না বেদত্রয়ী —ধরমেন্দুকান্তিমুখী—
হুর্গীর সমান
সমর-উৎসুক হয়ে বাগ্‌দেবী-সনমুখে
হল অধিষ্ঠান।

শাস্তি।—(সবিস্ময়ে) কি আশ্চর্য্য! স্বভাব-
প্রতিবন্দী পরস্পর-বিরুদ্ধ শাস্ত্রদের মধ্যে কিরূপে
সম্মিলন ঘটল ?

শ্রদ্ধা।—বৎসে!
সমবংশজাত জন
হলেও বিরোধী পরস্পর,
শত্রু-আক্রমণে, লভে
জয়-লক্ষ্মী হয়ে একতর।

এই হেতু, বেদ-প্রসূত এই সকল শাস্ত্রের মধ্যে
তত্ত্ববিচারে অবাস্তরবিরোধ থাকলেও, বেদ-সংরক্ষণ
ও নাস্তিকপক্ষ খণ্ডন-বিষয়ে তাদের সকলেরই মধ্যে
ঐক্য দেখা যায়।

অনন্ত, অব্যয়, শাস্ত্র,
অজ, জ্যোতি, এক পদব্রহ্ম
বহুবিধ শাস্ত্রাগমে
বহুরূপে হন প্রতিপন্ন।
রজোগুণে মুখ্য করি'
কেহ করে ব্রহ্মারে কীর্তন;
সব্বগুণে মুখ্য করি'
কেহ করে বিষ্ণু আরাধন;
তমোগুণে মুখ্য করি'
কেহ করে শিবেরে স্থাপন,
জলের প্রবাহ-সব নানা পথ দিয়া যথা
শেবে আসি' জলধিতে
হয় গো পতন;
সেইরূপ নানা শাস্ত্র ভিন্ন পথে, বেদ-মূল
জগদীশ্বরেই সবে
করে নিরূপণ।

বিষ্ণু।—তার পর ?—

শ্রদ্ধা।—তার পর দেবি! সহস্রধারায় অজস্র
শরবর্ষণ করে' উভয় পক্ষের চতুরঙ্গিনী সেনা পরস্পর
তুমুল সংগ্রামে প্রবৃত্ত হল।

বহুল শোণিত-নদী
খরবেগে হল প্রবাহিত;
মাংস-পক্ষে কঙ্ক-পক্ষী
বসে সবে হইয়া ক্ষুধিত।
শর-হত হয়ে যত উত্তম্ন মাতঙ্গ পড়ে
পর্কতের প্রায়,
তাহে স্রোতাবেগ লাগি, প্রবমান ছত্র-সম
চূর্ণ হয়ে যায়।

সেই দারুণ সংগ্রামে বৌদ্ধশাস্ত্র, পাষাণ-শাস্ত্রের
অগ্রে ছিল; ওদের মধ্যে পরস্পরের মর্দনে বৌদ্ধ-
শাস্ত্রের বিনাশ হল। এইরূপে, পাষাণ-শাস্ত্র নিম্নলি
হয়ে বেদাস্তাদি শাস্ত্র-স্রোতে ভেসে গেল। এই
দেখে বৌদ্ধেরা সিদ্ধ, গান্ধার, পারসীক, মগধ, অঙ্গ,
কলিঙ্গ প্রভৃতি দেশে প্রবেশ করুলে; পাষাণ দিগম্বর
সিদ্ধান্ত, কাপালিক সোমসিদ্ধান্ত প্রভৃতির পামর-
পূর্ণ পাঞ্চাল, মালব, আভীর দেশে গিয়ে গুপ্তভাবে
বিচরণ করুলে লাগল; আর নাস্তিকদের তুর্কশাস্ত্র-
সকলও শ্রায় ও মীমাংসার দারুণ প্রহারে জর্জরিত
হয়ে বৌদ্ধশাস্ত্রের পশ্চাদ্গামী হল।

বিষ্ণু।—তার পর, তার পর ?

শ্রদ্ধা।—তার পর, বস্তুবিচারের ষাড়া কাম হত
হল; ক্রোধ, হিংসা ও নির্হুরতাদের সংহার করুলেন
ক্ষমা; লোভ, তৃষ্ণা, দৈহ্যাদি, চৌর্য্য, মিথ্যাবাদ,
প্রতিগ্রহ—এদের দমন করলেন সন্তোষ। আর,
অনহুয়া জয় করলেন মাৎস্যর্ষ্যকে ও পরোৎকর্ষ-
কামনা জয় করলেন মদকে।

বিষ্ণু।—তা বেশ হয়েছে; এখন মহামোহের
সংবাদ কি ?

শ্রদ্ধা।—দেবি! মহামোহ যোগ-ব্যাবাতের
সহিত কোথায় বে লুকিয়ে আছে, তা কিছুই জানা
যাচ্ছে না।

বিষ্ণু।—তবে তো দেখ্‌চি মহা-অনর্থের অবশিষ্ট
এখনও কিছু রয়েছে; এখনি এর পরিহার করা
কর্তব্য। কেন না :—

পরম-সম্পদ-কামী

বিষ্ণু জন উপেক্ষা করিয়া

অগ্নি-শেষ, ঋণ-শেষ

শক্র-শেষ না দেয় রাখিয়া।

আচ্ছা, মনের সংবাদ কি বল দিকি ?

শ্রদ্ধা।—দেবি! তিনিও পুত্র-পৌত্রাদির বিনাশ-জনিত শোকে অত্যন্ত কাতর হয়ে জীবন বিসর্জন করতে উত্তম হয়েছেন।

বিষ্ণু।—(ঈশ্বর হাসিয়া) তার জীবন গেলে, আমরা তো সবাই কৃতার্থ হই, আত্মপুরুষও পরম শান্তি লাভ করেন; কিন্তু তার মৃত্যু কোথায় ?

শ্রদ্ধা।—দেবি! আপনি যে প্রবোধের জন্মদানে কৃতসংকল্প হয়েছেন, সেই প্রবোধের উদয় হলেই, মন আর শরীরের সঙ্গে থাকতে পারবে না।

বিষ্ণু।—আচ্ছা, রোসো, আমি তার বৈরাগ্য উৎপাদনের জন্তু ব্যাস-সরস্বতীকে (বেদান্তদর্শন) পাঠাচ্ছি। [প্রস্থান।

ইতি বিষ্ণুস্তক।

(মন ও সঙ্কল্পের প্রবেশ)

মন।—(সাক্ষলোচনে) হা পুত্র কাম-ক্রোধ! হা বৎস অহঙ্কার! তোমরা কোথায় গেলে?—উত্তর দেও। রাগ-দ্বेष-মদ-মান-মাৎসর্য!—তোমরা আমাকে আলিঙ্গন কর। আমার সর্কাজ অবসন্ন হয়ে পড়চে। (চারিদিকে অবলোকন করিয়া বিহ্বলভাবে) এই অনাথ বৃদ্ধের সহিত যে কেহই সস্তাবণ করচে না—আমার সেই অস্থয়া প্রভৃতি কঙ্কারা কোথায়? আর আশা-তৃষ্ণাদি পুত্রবধুগণ তারাই বা কোথায়? আমার মত হতভাগ্যের সঙ্গে থাকায়, তারাও কি দৈব-কর্তৃক অপহৃত হল? (বিহ্বল হইয়া) ওহো হো!

বিধানল-সম ইহা

সর্ক-অঙ্গে করে সঙ্করণ;

দহে মর্শ্ব-স্থল মোর;

—সর্ক-দেহে বেদনা বিষম;

বিবেক বিলুপ্ত হয়

—সদয়-চেতনা করে নাশ;

অহো! এই শোক-জ্বর

সবলে জীবন করে গ্রাস।

(মুচ্ছিত হইয়া পতন)

সঙ্কল্প।—রাজন্! আশু হোন্।

মন।—(সংজ্ঞালাভ করিয়া) কি?—আমার এই অবস্থা দেখে দেবী প্রবৃত্তিও আমাকে সাহসনা করচেন না?

সঙ্কল্প।—(সাক্ষলোচনে) মহারাজ! দেবী প্রবৃত্তি এখন আর কোথায়? তিনি যে পুত্র-শোকানলে দগ্ধ হয়ে প্রাণত্যাগ করেছেন।

মন।—(আবেগ-সহকারে) হা প্রিয়ে! কোথায় তুমি?—উত্তর দেও।

স্বপনেও দেবি তুমি না করিতে স্মৃতিভোগ
আমার বিহনে,

আমিও গো তোমা বিনা মৃতবৎ থাকিতাম
নিদ্রায় শয়নে।

দারুণ বিধাতা এবে তোমারে গো আমা হতে
করিয়াছে দূর,

তবু আমি আছি বেঁচে —তবু এ পাবাণ প্রাণ
না হইল চূর।

(পুনর্বার মুচ্ছিত হইয়া পতন)

সঙ্কল্প।—রাজন্! আশু হোন—আশু হোন।

মন।—(আশু হইয়া) আর আমার প্রাণ-ধারণের প্রয়োজন নাই। সঙ্কল্প! তুমি আমার চিতা রচনা কর; আমি চিতানলে প্রবেশ করে' শোকানল নির্কারণ করি।

(ব্যাস-সরস্বতীর প্রবেশ)

সরস্বতী।—ভগবতী বিষ্ণু ভক্তি এই কথা বলে' আমাকে পাঠিয়ে দিলেন যে, "সখি! মন সন্তান-বিয়োগ-দুঃখে অত্যন্ত কাতর হয়েছে—তুমি গিয়ে তাকে প্রবোধ দেও, যাতে তার বৈরাগ্যোৎপত্তি হয়, তার চেষ্টা কর।" তা, এইবার আমি তবে নিকটে বাই। (নিকটে গিয়া) বৎস! তুমি শোকে এরূপ অভিভূত হয়েছ কেন? তুমি তো জানো, সংসারের সকল বস্তুই অনিত্য; আর তুমি ইতিহাস-উপাখ্যানাদিও তো পাঠ করেছ।

কল্পিত দীর্ঘজীবী

শ্রদ্ধা ইন্দ্র দেবাসুরগণ,

মহু-আদি মুনি, আর

কোটি কোটি জলধি ভুবন,

সবে হয় কালে নষ্ট ;
অতএব সিদ্ধ-ফেন-প্রায়
পঞ্চাঙ্গক দেহ এই
যখন গো পঞ্চত্বরে পায়,
—কেন লোকে করে শোক ?
—এ কি ঘোর মোহ, হয় হয় !

তাই বলি, সংসারের অনিত্যতা চিন্তা কর,
নিত্যানিত্য-বস্তু-দর্শীকে শোকাবেশ স্পর্শ করতে
পারে না।

কেন না :—
এক ব্রহ্ম অদ্বিতীয়
নিত্য সত্য তিনিই কেবল ;
আর সব বিকল্পিত
যাহা কিছু দেখ এ সকল।

একত্বকে দেখে যে গো সর্ববস্তুময়
—তার কাছে কোথা মোহ, কোথা শোকোদয়।

মন।—শোক-দূষিত মনে বিবেকই স্থান পায়
না, তো সংসারের অনিত্যতা-চিন্তা স্থান পাবে কি
করে ?

সর।—দেখ বৎস! স্নেহদোষে এইরূপ হয়ে
থাকে ; তাই স্নেহই সকল অনর্থের বীজ বলে
প্রসিদ্ধ। দেখ :—

প্রিয়া নামে ক্লেশরাশি —বিষ-বহির্বীজ সেই—
করে নর প্রথমে বপন ;
শীঘ্র তাহা হতে হয় অশনি-অনল-গর্ভ
স্নেহময় অক্ষুর উদ্গম ;
তাহা হতে জনমিয়া শত দীপ্ত শাখায়ুক্ত
শোক-ক্রম যত
তুষের অনল সম মানব-শরীর করে
দগ্ধ অবিরত।

মন।—দেবি! স্নেহবশতই এরূপ হয়, তা
আমি জানি ; তবু শোকাগ্নি-দগ্ধ প্রাণ আমি ধারণ
করতে পারি নে। যাই হোক, অস্তিমকালে যে
আপনার দর্শন পেলেম, এই আমার পরম
সৌভাগ্য।

সরস্বতী।—দেখ, আত্মহত্যার চেষ্টাও অত্যন্ত
গর্হিত। তা ছাড়া, এই অপকারীদের জন্ত তোমার
কেন এত শোকাবেগ ? দেখ :—

এ অপত্য-বান্ধবাদি করে না, করেনি কভু,
কখনই করিবে না তব উপকার ;
উহারা গো মনুষ্যের স্মৃতির নিমিত্ত নহে
—বিচ্ছেদে মরমচ্ছেদ হয় মাত্র সার।
তবু হায় জীবগণ তাহাদেরি তরে দেখ
কতই আয়াস ক্লেশ সহে অনিবার।

তা ছাড়া তাদের জন্ত :—
কত ভরা-নদী তুমি না হয়েছ পার ;
কত না গো লজ্বিয়াছ পর্বত পাহাড় ;
কত হিংস্র জীবপূর্ণ স্তম্ভীষণ বনভূমে
করেছ প্রবেশ ;
ধনমদ-মসীমান ধনি-মুখ হেরি' কত
পাইয়াছ ক্লেশ ;

কতই না পাপিষ্ঠেরা তোমা দিয়া করায়েছে
হুরিত অশেষ।

মন।—সে কথা সত্য, তথাপি :—
বহু দিন হ'তে যারা যতনে লালিত হয়ে
বিচরে গো স্বদয়ের মাঝে,
সেই সব আত্মজের দারুণ বিচ্ছেদ-কষ্ট
প্রাণমর্শচ্ছেদ-সম বাজে।

সর।—বৎস! মমতা-নিবন্ধনই এই মোহ উৎপন্ন
হয়—কথায় বলে :—
গৃহ-কুকুটে "বিলি" ভক্ষণ করিলে, হুঃখ
হৃদি-মাঝে যতখানি হয়,
মমতা-বিহীন কোন চটক মূষিকে খেলে
তত হুঃখ না হয় উদয়।

অতএব, সর্বানর্থ-বীজ যে মমতা, তারই উচ্ছেদার্থ
যত্ন করা কর্তব্য। দেখ :—

দেহ হতে কত কীট হয় গো উৎপন্ন
—লোকে তাহা করে দূর করি' কত যত্ন।
জগৎ-জনের হায় এ কি মোহ-স্নেহ !
—অপত্য-কীটের তরে শোবে নিজ দেহ।

মন।—দেবি!—তা হলেও, আমার মনে হয়,
মমতা-গ্রহি হুঃশ্ছেত্ত্ব।

যে মমতা,—ওগো দেবি!—
নিরন্তর অভ্যাসের বশে
জীবদের স্নেহ-সূত্রে
গ্রথিত রয়েছে দৃঢ় পাশে

—জানেন কি ভগবতি—এ হেন বন্ধন
কি উপায়ে—কেমনে গো হয় বিমোচন ?

সর —বৎস ! সংসারের অনিত্যতা-চিন্তাই মমতা-
বন্ধন ছেদনের প্রথম উপায় । দেখ :—

কত ভব দারাসুত কত পিতা পিতামহ
আর খুল্লতাত,
বিস্তৃত আবহমান এই এ সংসারে আসি'
কোটিবার গত ;
বিদ্যাতের প্রভা-সম ঋণস্থায়ী এই সব
সুহৃদ-সঙ্গম ;
—সুধী হও, এই কথা পুনঃ পুনঃ চিত্ত-মাঝে
করিয়া স্থাপন ।

মন ।—ভগবতি ! আপনার প্রসাদে আমার মোহ
দূর হল । কিন্তু :—

তব মুখ-চন্দ্র হতে বিগলিত যে বিমল
উপদেশামৃত
—ধউত হলেও তাহে— শোক-উর্ধ্ব-জলে তবু
জ্ঞান এই চিত ।

অতএব, এই আর্দ্র স্নেহ-প্রহারের যদি আর কোন
ঔষধ থাকে তো আঞ্জা করুন ।

সর ।—এর উপদেশ তো মুনিরাই দিয়ে
গেছেন ;—

সহসা উৎপন্ন যেই মর্দভেদী গাঢ় শোকভার
—অচিন্তা ঔষধ তার
—উহাতেই হয় প্রতীকার ।

মন ।—ভগবতি ! এ কথা সত্য ; কিন্তু আমার
চিত্ত যে ছর্নিবার ।

বাতাহত মেঘ যথা ইন্দু-বিশ্বে বারম্বার
করে আচ্ছাদন,
সেইরূপ চিন্তা-রাশি অভিভূত করে চিত্ত
না মানি' বারণ ।

সর ।—বৎস, শোনো বলি, তুমি তবে শান্তি-
রসাপ্রিত কোন বিষয়ে চিত্ত নিবেশ কর ।

মন ।—সে শান্তিরসাপ্রিত বিষয়টি কি, ভগবতি,
আঞ্জা করুন ।

সর ।—বৎস ! যদিও সেটি গোপনীয়, তথাপি

শোকার্ধ ব্যক্তিকে সে বিষয়ের উপদেশ দিতে দোষ
নেই ।

স্মরণ করিবে নিত্য
জলধর-শ্রাম সে হরিরে
—কেয়ূর-কুণ্ডল-হার
মুকুটাদি ধৃত যে শরীরে ।
কিন্মা ব্রহ্মে হয়ে মগ্ন
—যিনি শুদ্ধ আনন্দ কেবল—
লভহ আত্মার শান্তি
গ্রীষ্মে যথা হৃদ স্তম্ভিতল ।

মন ।—(চিন্তা করিয়া দীর্ঘনিঃশ্বাস) ভগবতি !
আপনিই আমাকে জ্ঞান করলেন । (পদতলে পতন)
সর ।—বৎস ! এখন তোমার হৃদয় উপদেশ-
সহিষ্ণু হয়েছে—এখন তবে আরও কিছু উপদেশ দি,
শ্রবণ কর ।

পিতাপুল্ল সুহৃদেরা পড়িলে গো মৃত্যুমুখে,
জড়বুদ্ধি মুঢ়জন
শোক-বশে অধীর হইয়া
করে সবে উদর তাড়ন ।
এ বিরস-পরিণাম অসার সংসার-মাঝে,
বিয়োগ, সুধীর মনে
শান্তি-সুখ আনি' করে
বৈরাগ্যের দৃঢ়তা-সাধন ॥
(বৈরাগ্যের প্রবেশ)

নীলোৎপল-প্রাস্ত-সম স্তম্ভায়ত চর্ম দিয়া
না করিত বিধি যদি দেহ আচ্ছাদন ;
তাহা হলে তৎক্ষণাৎ কাক গৃধ্র ব্যাঘ্র আসি'
দেহ-চ্যুত রক্ত-মাংস করিত ভক্ষণ
—বল তো কে নিবারিত তাদের তখন ?

আরও দেখ :—

বিষয়-জনিত রস চঞ্চল চপলা সম
বিরস অস্তিমে ;
মৃত্যু রাজে দেহে দেহে, নাশ সদা বিচক্ষমান
সুপ্রচুর ধনে ;
প্রতি লোক করে শোক,
বহুল অনর্থ ললনায় ;
তবু ভ্রমে ঘোর পথে
—নহে রত ব্রহ্মে কেহ হয় !

সর।—বৎস! এই দেখ তোমার বৈরাগ্য উপস্থিত, একে সম্ভাষণ কর।

মন।—বাছা, তুমি কোথায়?

বৈরাগ্য।—এই যে আমি, প্রণাম করি।

মন।—বৎস! তুমি জন্মগ্রহণ করেই আমার পরিত্যাগ করে' গিয়েছিলে, এখন আমাকে আকিঞ্চন কর।

বৈরাগ্য।—(তথা করণ)

মন।—বৎস! তোমাকে দেখে আমার শোকের উপশম হল।

বৈরাগ্য।—এতে আবার শোক কিসের?

পথিমধ্যে হয় যথা

পাছ-সনে পাছের মিলন;

তরুতে তরুতে যথা

নদী-স্রোতে হয় গো সঙ্গম;

মেঘে মেঘে হয় স্পর্শ

যেমতি গো গগনের তলে;

সাগরে মিলন যথা

পরস্পর বণিকের দলে;

সেইরূপ, পিতামাতা ভ্রাতা পুত্র স্বহৃদের

জানিবে সংযোগ;

স্ববিজ্ঞ পণ্ডিত জন জানিয়া এ সার কথা

করে কি গো শোক?

মন।—(সানন্দে) দেবি! বৎসের কথাই ঠিক
—ওর কথা শুনে:—

নবীন-যৌবনা নারী, মধুপ-ঝঙ্কারী ক্রম,

প্রফুল্ল নব মল্লিকা—

সুরভিত মন্দ সমীরণ;

—উদাত্ত বিবেক-বলে দূর হয়ে তমোরাশি—

মৃগতৃষ্ণিকার প্রায়

এ সমস্ত দেখি গো এখন।

সর।—বৎস! তা হলেও, গৃহী ব্যক্তির ক্ষণ-কালও অনাশ্রমী হয়ে থাকতে নেই; অতএব, আজ থেকে নিবৃত্তিই তোমার সহধর্মিণী হোন।

মন।—(সলজ্জ) যে আজ্ঞে দেবি।

সর।—দেখ বৎস! শম, দম, সন্তোষ প্রভৃতি তোমার পুত্রগণ তোমার সেবা করুক; যম-নিয়মাদি অমাত্যবর্গ তোমার সহচর হয়ে থাকুক;

তোমার জ্যেষ্ঠ পুত্র বিবেক তোমার অহুগ্রহে উপনিষৎ দেবীর সহিত যৌবরাজ্যে অভিবিক্ত হোক; মৈত্রী, দয়া, ক্ষমা, তিতিক্ষা, এই যে চার ভগিনী—এদের ভগবতী বিষ্ণুভক্তি পরিচারিকা করে' তোমার নিকটে পাঠিয়েছেন—এদের উপর তুমি প্রসন্ন থেকে।

মন।—ভগবতি! আপনার সমস্ত আজ্ঞাই শিরোধার্য। (সহর্ষে পদতলে পতন)

সর।—বৎস! তুমি যম, নিয়ম, আসন, প্রাণা-য়াম প্রভৃতির প্রতি সাদর দৃষ্টি রেখো; আর, তোমার সঙ্গে এদের রেখে চিরকাল সাত্বাজ্য ভোগ কর। তুমি স্বস্থ থাকলে, ক্ষেত্রজ পুরুষ আত্মাও প্রকৃতিস্থ হবেন। কেন না:—

তব সঙ্গবশে আত্মা

জন্মমৃত্যুজরাযুক্ত

ভিন্ন ভিন্ন বুদ্ধিবৃত্তি লভি',

—এক, নিত্য, হইয়াও—

ধরে বহুমূর্তি, যথা

সাগর-তরঙ্গে দেব রবি।

বহির্বিষয়িণী বুদ্ধি

সংহারিয়া কোনমতে

পার' যদি করিতে গো তৃষ্ণীরে ধারণ,

তা হলে লভিবে আত্মা

প্রগাঢ় সহজানন্দ

—মুখচ্ছায়া ধরে যথা স্বচ্ছ দরপণ।

আচ্ছা, এখন তবে জ্ঞাতীদের তর্পণের নিমিত্ত ভাগীরথী-জলে অবতরণ কর।

মন।—যে আজ্ঞে দেবি!

[সকলের প্রস্থান।

ইতি বৈরাগ্যোৎপত্তি নামক পঞ্চম অঙ্ক।

ষষ্ঠ অঙ্ক

(শান্তির প্রবেশ)

শান্তি।—মহারাজ বিবেক আমাকে এইরূপ আদেশ করলেন, "দেখ শান্তি, তুমি তো জান:—

মনের তনয়গণ হইলে নিঃশেষ,

মহামোহ পলাইল হয়ে নিরুদ্দেশ।

বৈরাগ্যকে পেয়ে মন প্রশান্ত স্থহির,

পঞ্চক্লেশ আর তারে না করে অধীর।

সে আত্মা-পুরুষও এবে হয়ে মুক্তদ্বার

তত্ত্বজ্ঞান চারিদিকে করিছে বিস্তার!

অতএব তুমি উপনিষৎ দেবীকে অনুন্নয় করে'
শীঘ্র আমার নিকটে এসো।”

এ কি! আমার মা শ্রদ্ধা কি একটা কথা
বলতে বলতে এই দিকেই আসছেন যে।

(শ্রদ্ধার প্রবেশ)

শ্রদ্ধা।—আহা! আজ অনেক দিনের পর
মহারাজ্য বিবেকের রাজধানী দেখে আমার চক্ষু
অমৃত-রসে পূর্ণ হল।

অসাধুর দণ্ড যেথা,
পূজ্য যেথা যম-আদিগণ,
—আর করে বশুবর্গ
জগৎ-পতির আরাধন।

শান্তি।—(নিকটে আসিয়া) মা! তুমি কি
একটা কথা বলতে বলতে কোথায় যাচ্ছ?

শ্রদ্ধা।—বৎসে! “অসাধুর দণ্ড যেথা”
ইত্যাদি।

শান্তি।—মা! এখন মনের প্রতি সেই জগৎ-
পতি আত্মার কিরূপ ভাব বল দিকি?

শ্রদ্ধা।—বধ্য ও নিগ্রহ-যোগ্য ব্যক্তির প্রতি
যে রূপ ভাব হয়ে থাকে, সেইরূপ।

শান্তি।—তবে কি প্রভু আত্মা স্বয়ংই স্বরাজ্য
অলঙ্কৃত করবেন?

শ্রদ্ধা।—হাঁ, তাই বটে; কিন্তু মন যদি আত্মার
অনুগত হয়ে থাকে, তা হলে, স্বরাজ্যের কেন, মনও
সর্বস্বরাজ্যের অধীশ্বর হতে পারে।

শান্তি।—আচ্ছা, মায়ার প্রতি আত্মার কিরূপ
অনুগ্রহ বল দিকি?

শ্রদ্ধা।—মায়ার প্রতি নিগ্রহের কথা জিজ্ঞাসা
না করে, অনুগ্রহের কথা কেন জিজ্ঞাসা করচ? আত্মা,
মায়াকে সকল অনর্থের বীজ জেনে, তাকে
নিগ্রহেরই যোগ্য বিবেচনা করেন।

শান্তি।—আচ্ছা, তা হলে এখন রাজকুলের
অবস্থা কিরূপ?

শ্রদ্ধা।—শোনো বলি :—

“নিত্যানিত্য-বিচারণা”

“স্বমতির” সখী প্রণয়িনী;

যম-আদি “মন”-মিত্র

—শম দম-আদি সখা গণি;

মৈত্রী, দয়া, ক্ষমা-আদি, আর সে তিতিক্ষা

—ইহারাই আনিবে গো তাহার সেবিকা;

“মুক্তি-ইচ্ছা” আত্মার সে নিত্য-সহচরী;

সবলে উচ্ছেদ-যোগ্য তাঁহার যে অরি

—তার মধ্যে সঙ্কল্প, মমতা, মোহ, ধরি।

শান্তি।—আচ্ছা, এখন ধর্মের সহিত আত্মার
কিরূপ প্রণয়?

শ্রদ্ধা।—বৈরাগ্যের সংসর্গে এসে অবধি, আত্মা
ঐহিক ও পারত্রিক উভয়বিধ ভোগাভিলাষেই বিরত
হয়েছেন।

পাপ-ফল নরকেরে

যে রূপ করেন তিনি ভয়,

পুণ্য-ফল স্বর্গাদিও

এবে তাঁর ভয়ের বিষয়;

সকল কামনা-রাশি করি’ বিসর্জন

পুণ্য-করমেও তাঁর নাহি এবে মন।

আর ধর্মও এখন ভাবচেন, আত্মার অন্তর্দৃষ্টি
প্রবল হওয়ায় তাঁর কার্য-সিদ্ধি হয়েছে; তাই,
তিনিও এখন শিথিল-চেষ্টে হয়ে পড়েছেন।

শান্তি।—আচ্ছা, মহামোহ যে সকল যোগ-বিয়-
দের সঙ্গে নিয়ে লুকিয়ে ছিল, এখন তাদের সংবাদ
কি?

শ্রদ্ধা।—সেই হতভাগ্য মহামোহ হৃদ্যশাপন্ন
হয়েও, সাংসারিক সূখে আত্মাকে প্রলোভিত করবার
জন্ত, “মধুমতী” নামক সর্বভোগসিদ্ধির সহিত যোগ-
বিয়দের আত্মার নিকট পাঠিয়েছিল। তাতে মহা-
মোহের অভিপ্রায় এই যে, আত্মা এদের প্রতি
অনুরক্ত হলে, বিবেক ও উপনিষদের কথা একবার
চিন্তাও করবেন না।

শান্তি।—তার পর, তার পর?

শ্রদ্ধা।—তার পর, তারা আত্মার নিকটে উপ-
স্থিত হয়ে, কোন এক প্রকার ভেলুকি দেখিয়ে দিলে।
তখন :—

শতক যোজন হতে

পশিল আত্মার কানে

নানা দিক্ হতে নানা শব্দ আরাব;

পুরাণ, ভারত, বেদ

বাণ্ ময় গাথা-আদি

অশ্রুত হইলেও হ’ল আবির্ভাব;

ইচ্ছা-অনুসারে আত্মা সংযোজি' বিস্তৃত পদ
কত শাস্ত, কত কাব্য
করিল রচনা ;
ভ্রমিল সকল লোকে, দেখিল গো অনায়াসে
মেরুস্থিত রত্নহলী
—দীপ্তি অহুলনা।

এইরূপে আত্মা যখন “মধুমতী”-সিদ্ধি লাভ
করলেন, তখন সুরমেরু-বাসাভিমানিনী দেবতা-
রূপধারিণী অঙ্গনারা তাঁকে ছলনা করে' এইরূপ
বলতে লাগল :—“ওগো! তুমি এইখানে এসো,
এখানে জরা নাই, মৃত্যু নাই, এই স্থানটি স্বভাবতই
রমণীয়। এই দেখ, বিবিধ-বেশ-বিলাসিনী রূপ-
লাবণ্যবতী প্রণয়-মনোহারিণী বিছাধরী-সকল মঙ্গলার্থ্য
হস্তে করে' তোমার অভ্যর্থনার জন্ত উপস্থিত।
এখানে :—

কনক-সিকতাময়ী নদী বহমানা ;
নারী সব ঘন-উরু, কমল-আননা ;
মরকত-মণি-দল শোভে বন-শ্রেণী
পুণ্যার্জিত সর্ব-ভোগ ভুঞ্জহ এখনি।”

শাস্তি।—তার পর—তার পর ?
শ্রদ্ধা।—বৎসে! এই কথা শুনে মায়া বলে,
“আত্মার পক্ষে এ অতি শ্লাঘনীয়”,—মনও অনু-
মোদন করলে; সঙ্কল্পও আত্মাকে উৎসাহ দিলে;
আত্মাও তাতে সন্মত হলেন।

শাস্তি।—(খেদ সহকারে) হা ধিক্! আত্মা
আবার সেই সংসারমায়া-জ্বালে পতিত হলেন ?

শ্রদ্ধা।—না না, তা নয়।

শাস্তি।—তার পর, তার পর ?

শ্রদ্ধা।—এই সময়ে আত্মার পার্শ্ববর্তী তর্ক
“মধুমতী”-প্রভৃতিদের প্রতি ক্রোধ-কষায়িত-নেত্রে
দৃষ্টিপাত করে' আত্মাকে সন্মোদন করে' এইরূপ
বলেন :—প্রভো! সভা-তর্কের ঞায় সমাপ্তি-রহিত
এই সকল বিষয়ামিষ-লুদ্ধ ব্যক্তিদের সংসর্গ ত্যাগ
করুন। আপনি যে পুনর্বার বিষয়-রূপ অঙ্গার-
রাশির মধ্যে পতিত হয়েছেন, তা কি বুঝতে
পাচ্ছেন না? দেখুন :—

ভবসিদ্ধ তরিবারে বহুদিন হতে যেই
যোগ-তরী করিলেন
অবলম্বন

তাহারে ত্যজিয়া এবে মদ-বশে কেমনে গো
অঙ্গারের নদী-মাঝে
হলেন মগন ?

শাস্তি।—তার পর, তার পর ?

শ্রদ্ধা।—তার পর সেই কথা শুনে, “বিষয়ের
মঙ্গল হোক—তাতে আমার প্রয়োজন নাই”—এই
কথা বলে' আত্মা মধুমতীকে উপেক্ষা করলেন।

শাস্তি।—সাধু সাধু! মা! তুমি এখন কোথায়
যাচ ?

শ্রদ্ধা।—প্রভু আত্মা আমাকে এইরূপ আদেশ
করলেন, “আমি বিবেকের সহিত সাক্ষাৎ করতে
চাই, তুমি শীঘ্র তাঁর কাছে যাও”—তাই আমি এখন
মহারাজের নিকট যাচ্ছি।

শাস্তি।—মহারাজও আমাকে উপনিষৎকে
আনতে আদেশ করেছেন। তা এসো, এখন আমরা
প্রভুর আদিষ্ট কার্য সম্পাদন করি।

[প্রস্থান।

ইতি প্রবেশক।

(আত্মাপুরুষের প্রবেশ)

অনুচর।—(চিন্তা করিয়া সহর্ষে) অহো!
ভগবতী বিষ্ণুভক্তির কি মাহাত্ম্য! তাঁর প্রসাদে
আমি —

ক্লেশের তরঙ্গ ঘোর হইয়াছি পার ;

করেছি মমতা-ভ্রম সব পরিহার ;

মিত্র কলত্র-আদি মকরের গ্রাস আমি
করেছি লজ্বল ;

নিভায়েছি ক্রোধানল ; তৃষ্ণা-লতা-পাশ সব
করেছি ছেদন ;

সংসার-সাগর ঘোর পার হতে আছে বাকি
অল্পই এখন।

(উপনিষৎ ও শাস্তির প্রবেশ)

উপ।—সখি! যিনি ইতর লোকের জ্বর ঞায় বহু-
দিন হতে আমাকে একলা ফেলে চলে' গিয়েছিলেন,
এখন কি করে' আমি সেই নির্দয় স্বামীর মুখাব-
লোকন করব ?

শাস্তি।—দেবি! কেন তাঁকে ভৎসনা কর-
ছেন? তিনি অত্যন্ত বিপদে পড়েছিলেন বলেই
আপনার নিকটে আসতে পারেন নি।

উপ।—সখি! আমার কি হৃদয় হইয়াছিল, তা
তো তুমি দেখনি, তাই এইরূপ বল্চ। শোনো তবে—

হুর্ভাগ্যবশত মোর কোন কোন অরসিক
পাপাত্মা হেথায় আসি'
—বিবেক থাকিলে দূরে— কত না করেছে চেষ্টা
করিতে গো মোরে দাসী।

বাহুর কঙ্কণ-মণি
করিয়াছে ভগন দলিত
লুটিয়া চূড়ার রত্ন
কেশপাশ করেছে দূষিত।

শান্তি।—দেবি! এ সমস্ত মহামোহেরই হৃৎশেষ্ঠা;
এতে মহারাজ বিবেকের কোন অপরাধ নাই। কেননা,
ইতিপূর্বে সেই মহামোহই কামক্রোধাদির দ্বারা
মনকে বন্দি করে বিবেককে দূরীভূত করে। আর দেখ,
স্বামী কোন বিপদে পড়লে, তাঁর জন্ত প্রতীক্ষা করে'
থাকাই কুলবধুদের নৈসর্গিক ধর্ম। এখন তবে
আপনি দর্শন দিয়ে ও প্রিয় কথায় আলাপ করে'
স্বামীর তুষ্টিসাধন করুন। সম্প্রতি তাঁর সমস্ত শত্রু
বিনষ্ট হয়েছে, —সমস্ত মনোরথ পূর্ণ হয়েছে।

উপ।—সখি! আমি যখন এখানে ফিরে এলেম,
বাছা গীতা আমাকে এই কথা বলে যে, "তোমার
স্বামী বিবেকের ও তোমার শত্রুর আত্মাপুরুষের
প্রণয়ের অহরূপ উত্তর প্রদান করে' তাঁদের তুষ্টি কর,
তা হলেই প্রবোধের জন্ম হবে।" কিন্তু এখন আমি
গুরুজনদের সমক্ষে কেমন করে' বৃষ্টতা করি বল।

শান্তি।—না না, তাঁর এই বাক্য অবিচারে আপ-
নার পালন করা কর্তব্য। ভগবতী বিষ্ণুভক্তিও
প্রবোধ-চন্দ্রোদয়ের কথা মহারাজ বিবেক ও আত্মা-
পুরুষের কাছে বলেছেন। এখন তবে নিজ স্বামী ও
আত্মাপুরুষকে দর্শন দিয়ে আপনি তুষ্টি করুন।

উপ।—আচ্ছা প্রিয়সখি, তাই করব।

(পরিক্রমণ)

(রাজা বিবেক ও শ্রদ্ধার প্রবেশ)

রাজা।—শ্রদ্ধা! শান্তি কি আমার প্রিয়া
উপনিষৎকে দেখতে পাবে?

শ্রদ্ধা।—মহারাজ! শান্তি তাঁর বাসের সন্ধান
জেনেই তাঁর কাছে গেছে, কেন তাঁকে দেখতে
পাবে না?

রাজা।—কি করে' সন্ধান জানতে পারলে?

শ্রদ্ধা।—মহারাজ! দেবী বিষ্ণুভক্তি তো এ কথা
পূর্বেই বলেছেন যে, উপনিষৎ-দেবী তর্কবিদ্যার ভয়ে,
মন্দর-পর্বতে বিষ্ণুর মন্দিরে গীতার সহিত বাস
করতেন।

রাজা।—তর্কবিদ্যা হতে তাঁর আবার ভয়
কিসের?

শ্রদ্ধা।—সে কথা তিনি আপনাকে বলবেন।
তবে আহ্ন মহারাজ! ঐ দেখুন, প্রভু আত্মাপুরুষ
আপনার আগমন-প্রতীক্ষায় নির্জনে স্থানে বসে'
আছেন।

রাজা।—(নির্জনে গিয়া) প্রভো! অভিবাদন
করি।

আত্মাপুরুষ।—বৎস! তুমি যে আমাকে প্রণাম
করচ, এটা নীতি বিরুদ্ধ; কেননা, তুমি জ্ঞান-বুদ্ধ;
উপদেশদানে তুমি আবার পিতৃস্থানীয় হয়েচ।

পুরাকালে দেবগণ

ধর্মপথে হলে হতজ্ঞান,

বলিতেন পুত্রগণে

উপদেশ করিবারে দান।

ধর্ম উপদেশকালে সেই পুত্রগণ

করিত গো পিতাদের পুত্র সোধোদন।

তুমিও এখন সর্বপ্রকারে পিতার স্থায় আমাদের
প্রতি ব্যবহার কর—এইটাই ধর্ম-সঙ্গত।

শান্তি।—দেবি! ঐ দেখুন, প্রভু আত্মাপুরুষ
মহারাজ বিবেকের সহিত নির্জনে বসে' আছেন, তাঁর
নিকটে গিয়ে প্রণাম করুন।

উপ।—(আত্মার নিকটে গমন)

শান্তি।—প্রভো!—ইনি উপনিষৎ-দেবী, আপ-
নার পাদবন্দনা করতে এখানে এসেছেন।

আত্মা।—না না, উনি যেন আমাকে প্রণাম না
করেন; কেন না, আমাকে তত্ত্বজ্ঞান প্রদান করে'
উনি আমার মাতৃত্ব পূজনীয়া হয়েছেন। অথবা—

কার অহুগ্রহ বেশি

—একবার কর যদি ধ্যান

—দেবী ও মাতার মাঝে

দেখিবে গো বহু ব্যবধান;

মাতা সে মমতা-পাশ করেন বন্ধন,

আর দেবী সেই পাশ করেন ছেদন।

উপ।—(বিবেককে দেখিয়া নমস্কার করিয়া দূরে উপবেশন)

আত্মা।—মা! বল দিকি, এত দিন কোথায় কাটালে ?

উপ।—প্রভো!

মঠের চত্বর-আদি আর যেথা যত আছে
শৃঙ্গগর্ভ দেব-নিকেতন।

—সেই সব স্থানে আমি মুখর মূরখ-সনে
করিছ গো দিবস যাপন ॥

আত্মা।—আচ্ছা, তারা কি তোমার নিপুট তত্ত্ব জানে ?

উপ।—না না—কিছুমাত্র না।

মম বাক্য অর্থ তারা
না করি বিচার যথাযথ
—দ্রাবিড়-স্ত্রী-উক্তি সম—
ব্যাখ্যা করে নিজ ইচ্ছামত।

তাই আমার মনে হয়, পরের অর্থ-গ্রহণই তাদের একমাত্র উদ্দেশ্য।

আত্মা।—তার পর, তার পর ?

উপ।—পশ্চিমধ্যে একদিন দেখিলাম যজ্ঞবিজ্ঞা
আছেন বেষ্টিত

কৃষ্ণাজিন, অগ্নি, কাঠ যজ্ঞ-পশু, সোমলতা
যজ্ঞাদি সহিত ;

কর্মকাণ্ড করিতেছে
উপদেশ কার্যের পদ্ধতি,

আর তিনি শুনিছেন
হইয়া গো সমুৎসুক অতি।

আত্মা।—তার পর, তার পর ?

উপ।—তার পর আমি ভাবলেম, এই পুস্তক-
ভারবাহিনী যজ্ঞবিজ্ঞা কি আমার তত্ত্ব জানতে
পারবে ?—আচ্ছা, এঁর সঙ্গেই নয় কিছুদিন কাটান
যাক্।

আত্মা।—তার পর ?

উপ।—তার পর, আমি তাঁর কাছে উপস্থিত
হলে, তিনি আমাকে বলেন, “ভদ্রে! তুমি কি মনে
করে’ আমার কাছে এসেছ ?” আমি উত্তর করলেম,
“আমি অনাথা, আপনার সহিত বাস করতে ইচ্ছা
করি।”

আত্মা।—তার পর, তার পর ?

উপ।—তিনি বলেন, “তুমি এখানে থেকে কি
করবে ?” আমি বল্লম :—

যাহা হতে হয় এই বিশ্বের উদয়,
যাহাতে করয়ে ক্রীড়া, যাতে হয় লয় ;
যাহার প্রকাশে ভায় জগৎ-সংসার,
যিনি গো সহজানন্দ তেজের আধার,
অক্রিয় শাস্ত শাস্ত সর্বভূতেশ্বর,
পুনর্জন্ম এড়াইতে যোগী কৃতী নর
বৈত-অন্ধকার-রাশি করি’ অতিক্রম
যাঁর মধ্যে ধ্যান-যোগে হয়েন মগন
—আমি সেই পুরুষেরে করিব কীর্তন।

যজ্ঞবিজ্ঞা চিন্তা করে’ বলেন :—

অকর্তা পুরুষ যে গো
ঈশ্বর সে হইবে কেমন ?
ভব-পাশচ্ছেদী—ক্রিয়া,
—তত্ত্বজ্ঞান নহে কদাচন।
শাস্তমনা জন তাই
মুক্তিপ্রদ ক্রিয়া-কর্ম করি’,
করে সদা অভিলাষ
বাচিতে গো শতবর্ষ ধরি।

অতএব, আমার বিবেচনায় এখানে তোমার
থাকবার প্রয়োজন নাই ; তবে যদি পাপ-পুণ্যের
কর্তা ও ভোক্তা জীবাত্মার স্তবস্ততির জন্ত এখানে
কিছুকাল থাকতে ইচ্ছা কর, তাতে কোন দোষ
দেখি নে।

রাজা।—(উপহাস-সহকারে) কি আশ্চর্য্য !
যজ্ঞকুণ্ডের ধোঁয়ায় তাঁর দৃষ্টি আচ্ছন্ন হয়ে সেই সঙ্গে
তাঁর বুদ্ধিশক্তিও দেখিচি লোপ পেয়েচে ; নৈলে তিনি
এরূপ কুতর্ক করবেন কেন ?

লোহ যথা স্বভাবত

অচেতন—নিজে নাহি চলে ;

চুষকের কাছে থাকি’

সঞ্চালিত হয় তারি বলে ;

—বিশেষ-ইচ্ছাবলে হইয়া প্রেরিত
মায়াই জগৎ সবে করে প্রসারিত ;
ঈশ্বরের ঐশী শক্তি মায়াতেই স্থিত।

অতএব—

তম-অন্ধজনদের দীর্ঘরি গো দৃষ্টি,
অজ্ঞান-প্রভব আর এ সমস্ত সৃষ্টি ;
যজ্ঞবিজ্ঞা নাশিবেন অজ্ঞানান্ধকার ?
—তম দিয়া তমোনাশ ইচ্ছা দেখি তাঁর !

স্বভাবত নীলবর্ণ

তমোময় এ সপ্ত ভুবন

করেন প্রকাশ যিনি

—তাঁরে জানি' সুবিধান জন

মৃত্যু অতিক্রম করে

—মুক্তি-পস্থা নাহি অস্ত্র কোন ।

আত্মা—তার পর, তার পর ?

উপ।—তার পর যজ্ঞবিজ্ঞা একটু চিন্তা করে' এই
কথা বলেন :—“দেখ সখি ! আমার ছাত্রগণ
তোমার সংসর্গে থাকলে বাসনা পরিত্যাগ করে'
কর্মকাণ্ডে শ্রদ্ধাদর হবে। অতএব তুমি প্রসন্ন হয়ে
অস্ত্র কোন অভিলষিত প্রদেশে যাও ।

আত্মা।—তার পর ?

উপ।—তার পর, আমি তাঁকে ছেড়ে চলে'
গেলেম ।

আত্মা।—তার পর ?

উপ।—তার পর, কর্মকাণ্ডের সহচরী মীমাংসার
সঙ্গে আমার সাক্ষাৎ হল ।

শ্রুতি স্মৃতি প্রমাণাদি থাকি' তাঁর অহুগত
করিছে নির্দেশ :—

কি প্রকারে কর্ম-ভেদে হয় অধিকার-ভেদ
বিশেষ বিশেষ ।

তিনিও সে সব কর্মে

করিছেন নিজে সংযোজন,

—উপদিষ্ট অতিদিষ্ট—

নানা অঙ্গ মনের মতন ।

আত্মা।—তার পর, তার পর ?

উপ।—তার পর, তাঁকেও জিজ্ঞাসা করায় তিনি
বলেন :—“তুমি এখানে থেকে কি করতে চাও ?”
আমি বলি :—“যাহা হতে হয় এই বিশ্বের উদয়”
ইত্যাদি ।

আত্মা।—তার পর ?

উপ।—তার পর মীমাংসা পার্শ্ববর্তী শিষ্যদের

মুখের দিকে তাকিয়ে বলেন, “লোকান্তর-ফলোপ-
ভোগযোগ্য জীবাশ্মার সেবার জন্ত একজন লোকের
প্রয়োজন আছে বটে, অতএব এই উপনিষৎকেই
সেই কার্যে নিযুক্ত করা হোক ।” শিষ্যের মধ্যে
কেউ কেউ এই কথায় অহুমোদন করলে, কিন্তু
মীমাংসার হৃদয়-দেবতাস্বরূপ কুমারিলস্বামী নামে
লক্ষপ্রতিষ্ঠ অপর একজন শিষ্য এই কথা বলেন :—
“দেবি ! উপনিষৎ কর্ম-ফল-ভোক্তা জীবাশ্মার উপা-
সনা করতে ইচ্ছা করেন না, ইনি কর্মকাণ্ডের উপযুক্ত
নন ।” এই কথা শুনে, অপর একজন শিষ্য,
কুমারিলস্বামীকে জিজ্ঞাসা করলে, “এই লৌকিক
পুরুষ—জীবাশ্মা ছাড়া দীর্ঘর নামে আর কেউ আছেন
কি ?” তখন কুমারিলস্বামী হেসে বলেন, “আছেন
বৈ কি :—

জগতের চেষ্টা আদি

একজন করেন দর্শন ;

হইয়া মোহেতে অন্ধ

নাহি দেখে অস্ত্র একজন ।

একজন চাহে সদা করমের ফল,

অস্ত্রজন ফলদান করেন কেবল ।

একজন কর্মফলে হয় গো শাসিত ;

অস্ত্রজন শরীরের শান্তা গো নিশ্চিত ।

নিঃসঙ্গ পুরুষ যিনি,—কেমনে বল না—

তাঁহাতে কর্তার ভাব হয় সত্তাবনা ?

রাজা।—সাধু কুমারিলস্বামী ! সাধু কুমারিল-
স্বামী ! তুমিই যথার্থ জ্ঞানী—দীর্ঘজীবী হও ।

হই পক্ষী সহচর সখা পরস্পর

এক বৃক্ষ আলিঙ্গিয়া রহে নিরন্তর ।

তার মধ্যে একজন সুপক পিঙ্গল ফল

করেন ভক্ষণ ;

অন্তে অনর্শন থাকি' শুধু মাত্র তাহারে গো

করেন দর্শন ।

আত্মা।—তার পর, তার পর ?

উপ।—তার পর আমি মীমাংসার নিকটে বিদায়
নিয়ে প্রস্থান করলেম ।

আত্মা।—তার পর ?

উপ।—তার পর তর্কবিজ্ঞার সঙ্গে আমার সাক্ষাৎ
হল । দেখলেম, বহু শিষ্য তাঁর সেবার নিযুক্ত ।

কোন এক তর্কবিজ্ঞা,—“জীবাশ্মা ও ঈশ্বর ভিন্ন”

—এ বৈত-বিশেষ-বাদ করিছে বলনা ;

কোন এক তর্কবিজ্ঞা ছল, জাতি, আদি স্থানে
বাদ-বিতণ্ডা জল্প করিছে যোজনা ;

অল্প এক তর্কবিজ্ঞা প্রকৃতি-পুরুষ ভেদ
করিছে রটনা,

মহৎ অহঙ্কার আদি সৃষ্টি-ক্রম-তত্ত্ব সব
করিয়া গণনা ।

আত্মা :—তার পর, তার পর ?

উপ।—তার পর আমি তাঁদের নিকট উপস্থিত
হলে তাঁরা আমাকে প্রশ্ন করায় আমি বল্লম,—
“যাহা হ’তে হয় এই বিশ্বের উদয়” ইত্যাদি । তখন
তাঁরা প্রকাশ্যে উপহাস করে’ আমাকে বল্লেন :—
আরে পাপিষ্ঠ বাচাল ! “পরমাণু হতেই বিশ্ব উৎপন্ন
হয়েছে ; ঈশ্বর কেবল নিমিত্ত-কারণ মাত্র ।” অপর
তর্কবিজ্ঞাটি সক্রোধে বল্লেন,—“আরে পাপিষ্ঠ !
যেমন হৃৎকের বিকার দধি—সেইরকম ঈশ্বরকে কেন
বিকারী বলে’ তুই দাঁড় করাচ্ছিস ?—না রে না,
প্রকৃতিই জগৎ-উৎপত্তির প্রধান কারণ ।”

রাজা।—কি আশ্চর্য্য ! হর্ষুর্দ্ধি তর্কবিদ্যারা এও
জ্ঞানে না যে, ঘটাদির স্থায় সকল কার্য্যই প্রেমের
কারণ হতে উৎপন্ন ;—পরমাণু-প্রাধান্যও আর একটা
কিছুকে অপেক্ষা করে । তা ছাড়া :—

জল-প্রতিবিন্দু-চন্দ্র অন্তরীক্ষ-গত-পুরী,
স্বপ্ন, ইন্দ্রজাল-আদি যেমন অলীক,

উৎপত্তি-ধ্বংসযুক্ত সমস্ত জগৎ এই
উহাদের মত সব জানিবে গো ঠিক ।

এ আত্মা আমার বলি’
যতদিন হয় অহুমান,

না জনমে ততদিন
কাহার ঈশ্বর-তত্ত্বজ্ঞান ।

শক্তিতে রজত-বোধ
—মাণ্যে বোধ হয় ভুজঙ্গম ;

তত্ত্ববোধাদয় হলে
তবে ঘোচে এই সব ভ্রম ।

ঈশ্বরে যে বিকার শঙ্কা করা হচ্ছে, সে মুগ্ধবধুর
বিচিত্র বেশভূষার স্থায়—তাতে প্রকৃত রূপের কোন
অত্যা হই না, বেশেরই পরিবর্তন হয় মাত্র ।

অনুদিত জ্যোতি শাস্ত

আনন্দস্বরূপ যিনি

নিত্য-ব্যক্ত, নিরমল, নাহি অবয়ব,

—বিশ্ব-উৎপাদন-কার্য্যে স্বরূপে বিকৃতি তাঁর
বল দেখি কি করিয়া হইবে সম্ভব ?

নীলোৎপল-দল-বর্ণ মেঘরাজি সদা নভে
হয় যে উদিত,

তাহাতে সে নভস্তল —বল দেখি—কিছুমাত্র
হয় কি বিকৃত ?

আত্মা।—সাধু, সাধু ! বুদ্ধিমান্ বিবেকের
বাক্যে আমি প্রীত হলেম । (উপনিষদের প্রতি)
তার পর, তার পর ?

উপ।—তার পর, তর্কবিদ্যারা সকলেই জুদ্ধ হয়ে
বল্লেন :—“এ নাস্তিকপথাবলম্বিনী হয়ে বল্চে কি না,
বিশ্বের লয়েতেই মুক্তি হয়—অতএব একে শাসন
করা আবশ্যিক ” । এই বলে’ ক্রোধভরে আমার
প্রতি তাঁরা ধাবিত হলেন ।

সকলে।—(সত্রাসে)

উপ।—তার পর, আমি সত্বর পলায়ন করে’
দণ্ডকারণ্যে প্রবেশ করলেম । তার পর, মন্দর-
পর্বতের উপকণ্ঠে মধুহৃদন-মন্দিরের অনতিদূরে যখন
এলেম, তখন তারা আমার :—

বাহুর কঙ্কণ-মণি
করিল গো চূর্ণ বিদলিত ,

লুটিয়া চূড়ার রত্ন
কেশপাশ করিল দূষিত ।

ছিন্ন মুকুতার হার হল অপহৃত
অঙ্গ হতে বসনাদি হইল স্থলিত ।

রাজা।—তার পর ?

উপ। তার পর, গদা হস্তে কতকগুলি পুরুষ
দেবালয় হতে বেরিয়ে এসে অতি নির্দয়ভাবে সেই
তর্ক-বিদ্যাদের প্রহার করায় তারা দিগ্দিগন্তে
পলায়ন করলে ।

সকলে।—(সহর্ষে) সাধু, সাধু !

রাজা।—তোমার প্রতি এরূপ অত্যাচার ভগবান্
বিশ্বাস্য কখনই সহ্য করবেন না ।

আত্মা।—তার পর, তার পর ?

উপ।—তার পর, যেতে যেতে আমার পায়ের
নূপুর খসে’ পড়ল—আমি তখন ভীত হয়ে গীতার



আশ্রমে প্রবেশ করলেম। সেখানে বৎস গীতা আমাকে দেখে ব্যস্তসমস্ত হয়ে, মা মা বলে' আলিঙ্গন করে' আমাকে বসতে বলেন, পরে সমস্ত বুভাস্ত আমার নিকটে অবগত হয়ে আমাকে বলেন,—“দেখ মা! এতে ছুঃখ কোরো না। যারা তোমার অপ্রমাণ করে' অসুর-সত্তা প্রচার করচে, ঈশ্বরই তাদের শাস্তিদাতা। ভগবান্ও তাদের সম্বন্ধে এইরূপ বলেছেন :—

সেই সব ধর্মঘেবী
অমঙ্গল ক্রুর নরাধমে
দেই গো আত্মরী গতি
বারম্বার এ ভব-জনমে।

আত্মা।—এখন যে ঈশ্বরের কথা বলেন, তিনি কে, আমি জানতে ইচ্ছা করি। অনুগ্রহ করে' উত্তর দিন।

উপ।—(ঈশ্বং হাসিয়া) যে জানে না, এই আত্মা কে, তাকে কি বলে' বোঝাব?

আত্মা।—(সহর্ষে) তবে কি আত্মাই ঈশ্বর?

উপ।—হাঁ, আত্মাই ঈশ্বর। দেখ :—

সে পুরুষ সনাতন
তোমা হতে নহে কিছু অস্ত;
নরোত্তম দেব হতে
তুমিও নহ গো কিছু ভিন্ন;
ভিন্নরূপে প্রতিতাত
কেবল সে অনাদি মায়ায়,
স্বর্ঘ্য যথা হয় বিধা
পড়িয়া গো জলের ছায়ায়।

আত্মা।—(বিবেকের প্রতি) বৎস! ভগবতী উপনিষদ্ দেবী যা বলেন, তার তাৎপর্য আমি সম্যক বুঝতে পারলেম না।

দেহে দেহে আমি ভিন্ন' দেহাকারে অবচ্ছিন্ন,
জরা ও মরণ-ধরমী

—এ কি গো সম্ভব হয়— নিত্যানন্দ চিন্ময়
বলেন আমারে গো ইনি।

রাজা।—পদার্থ-জ্ঞানের অভাবে আপনি বাক্যের অর্থ বুঝতে পারছেন না।

আত্মা।—আচ্ছা, কি করে' পদার্থ-জ্ঞান হয়, তার উপায় আমাকে বল দিকি।

রাজা।—আচ্ছা, শ্রবণ করুন :—

ইনিই গো আমি—ইহা

পুনঃ পুনঃ করিয়া চিন্তন,

“বট-পট” ইনি নন

—মনে মনে করি' বিবেচন

—এইরূপে বহিব'স্ত হইলে গো লয়,

চিদাত্মার জ্ঞান চিত্তে হইলে উদয়,

তখন গো “তত্ত্বমসি”—“তিনি তুমি—তুমি তিনি”

—এই শ্রুতি-বাক্য পুন করিলে শ্রবণ

ব্যক্ত হইবেন সেই শান্ত জ্যোতি স্বপ্রকাশ

আনন্দ-স্বরূপ, ভব-তিমির-মোচন।

(নিদিধ্যাসনের প্রবেশ)

নিদি।—দেবী বিষ্ণুভক্তি আমাকে এইরূপ আদেশ করলেন :—“দেখ বৎস! তুমি আমার অভিপ্রায় বিবেক ও উপনিষদকে গোপনে বুঝিয়ে দিয়ে আত্মার নিকটে থাকবে।” (অবলোকন করিয়া) এই যে, উপনিষৎ দেবী ও বিবেক আত্মার নিকটেই আছেন; এইবার তবে তাঁদের নিকটে যাই। (নিকটে গিয়া উপনিষৎকে চুপি চুপি) দেখুন দেবি! দেবী বিষ্ণুভক্তি আপনাকে এই আদেশ করছেন :—“দেবতারী সঙ্কল্প-যোনি, মনেতেই তাঁদের সন্তান উৎপত্তি হয়। আর, ধ্যানযোগেও আমি জেনেছি, তুমি অন্তঃস্বা হয়েছ। তোমার গর্ভে বিদ্যানামে এক ক্রুর-মতি কণ্ঠা ও প্রবোধচন্দ্র নামে একটি পুত্র বর্তমান। এখন তুমি সঙ্কর্ষণী বিদ্যার দ্বারা কণ্ঠাটিকে মনেতে সংক্রামিত করে' ও পুত্রটিকে আত্মার নিকট সমর্পণ করে' আমার নিকট আসবে।”

উপ।—বে আক্ষে দেবি!

[বিবেকের সহিত প্রহান।

নিদি।—(আত্মাতে গিয়া অবস্থিতি)

নেপথ্যে।—আশ্চর্য্য! আশ্চর্য্য!

উদ্দাম জলস্ত তেজে দশ দিশি উজলিয়া

তড়িতের সম

ভেদ করি' মনো-বন্ধ এই কণ্ঠা সহসা গো

লভিয়া জনম

যোগ-বিয়োগে আর (মহামোহে করি' গ্রাস

হল অন্তর্ধান;

—তখন গো জনমিল সুন্দর পুরুষ এই

প্রবোধ শ্রীমান্।

(প্রবোধচন্দ্রের প্রবেশ)

প্রবোধ।—এ কি ব্যাপ্ত ?—এ কি গুপ্ত ?—
উদিত না উৎসারিত ?
পরস্পরে অনুস্থ্যত
কিধা কালে রহে প্রসারিত ?

এই বা কি ?—ওই বা কি ?—এ সেই—না আর
কিছু ?

—এই সব তর্ক, যার
আবির্ভাবে হয় অন্তর্হিত,
যাহার গো অভ্যুদয়ে ত্রিলোক প্রকাশ পায়
সহজ আলোকে,
—আমি সে প্রবোধচন্দ্র উদিত হয়েছি হেথা
দেখুক গো লোকে ।

(পরিক্রমণ করিয়া) এই যে আত্মা, এইবার
তবে ওঁর নিকটে যাই । (নিকটে গিয়া) ভগবন্ !
আমি প্রবোধচন্দ্র এখানে এসে উপস্থিত হয়েছি—
আপনাকে অভিবাদন করি ।

আত্মা ।—(শ্লাঘা সহকারে) এসো বৎস ! আমাকে
আলিঙ্গন কর ।

প্রবোধ ।—(তথা করণ)
আত্মা । (আলিঙ্গন করিয়া সানন্দে) কি
আশ্চর্য্য ! তোমাকে দেখে অন্ধকার দূর হয়ে যেন
আমার মোহ-নিশা প্রভাত হল । দেখ :—

মোহ-তম বিনাশিয়া
ভাঙায়ে বিকল্প-নিদ্রা ঘোর
অপূর্ব প্রবোধচন্দ্রে
উদয় হইল হেথা মোর ।
শান্তি, যম-নিয়মাদি,
আর সে বিবেক, শ্রদ্ধা, মতি,
বিষ্ণু-আত্মারূপে সবে
পাইতেছে এবে গো ক্ষুরতি ।
আমিও গো সেই বিষ্ণু
—এই জ্ঞান লভিলু সম্প্রতি ।

ভগবতী বিষ্ণুভক্তির প্রসাদে এখন আমি সর্ব-
প্রকারে কৃতার্থ হলেম, এখন আমি :—

নাহি লভি' কারো সঙ্গ,
কারো সনে না কহিয়া কথা,
ফলাফল-অবিচারে

ভ্রমণ করিয়া যথা তথা,
যুনি যথা সায়ংকালে
কোন গৃহে লয়েন আশ্রয়,
তেমনি হয়েছি আমি
তাজি ক্রোধ শোক মোহ ভয় ।

বিষ্ণু ।—(সহর্ষে নিকটে আসিয়া) তোমাকে
নিঃশব্দ দেখে, বহুকালের পর আজ আমার মনোবাঞ্ছা
পূর্ণ হল ।

আত্মা ।—দেবীর অনুগ্রহ হ'লে হ্রলভ আর কি
ধাক্কাতে পারে ?

(পদতলে পতন)



বিষ্ণু ।—(আত্মাকে উঠাইয়া) ওঠো বৎস !
বল, আর কি তোমার প্রিয় কার্য্য করতে
পারি ?

আত্মা ।—ভগবতি ! এর পর আমার কিছুই
প্রিয় নেই । কেন না :—

বিবেক কৃতার্থ আজি সমস্ত অরাতি-বুন্দে
করি' প্রশমিত ;
আমিও নিশ্চল হয়ে নিজ সদানন্দপদে
হনু অধিষ্ঠিত ।

তথাপি আমার এই প্রার্থনা :—

পর্জন্ত করে গো যেন
যথোচিত বৃষ্টি বরিষণ ;
প্রশমি' উৎপাত নানা
পালুন গো পৃথ্বী নৃপগণ ;
তব্বোধয়ে তম নাশি'
তোমারি প্রসাদে যোগিগণ
মমতা-আতঙ্ক-পঙ্ক
ভবসিন্ধু করুন তরণ ।
ইতি জীবনুক্তি নামক ষষ্ঠ অঙ্ক ।



কপূর-মঞ্জরী (প্রাকৃত নাট্য)

(বাদশেখর)

জ্যোতিরিন্দ্রনাথ ঠাকুর অনুবাদিত

ভূমিকা

কপূর-মঞ্জরী—ইহা সটুক-জাতীয় একটি উপ-
রূপক। বিদ্যশালভঞ্জিকা-নাটিকার রচয়িতা কবিবর
রাজশেখর-কর্তৃক ইহা বিরচিত। * "সটুক" আর

* "সটুকং প্রাকৃতশেষপাঠ্যং হাদপ্রবেশকং

ন চ বিদ্যশালভঞ্জিকা-নাটিকার রচয়িতা কবিবর

রাজশেখর-কর্তৃক ইহা বিরচিত। * "সটুক" আর

—সাহিত্য-দর্পণ।

সব বিষয়েই নাটিকালক্ষণাক্রান্ত, কেবল প্রভেদ এই
—ইহার গদ্য পদ্য সমস্ত অংশই প্রাকৃত ভাষায় রচিত
হইয়া থাকে; ইহাতে "প্রবেশক" ও "বিদ্যশালভঞ্জিকা" থাকে
না, এবং ইহাতে অদ্বৈতরসের প্রাচুর্য লক্ষিত হয়।
নাটিকার স্থায় ইহাও চারি অঙ্কে বিভক্ত। কিন্তু
ইহার অঙ্কগুলি "যবনিকাস্তর" নামে অভিহিত হইয়া
থাকে। অলঙ্কার-গ্রন্থাদিতে সটুকের উদাহরণ-স্বরূপ
এই কপূর-মঞ্জরীরই উল্লেখ দেখা যায়।

পাত্রগণ

পুরুষবর্গ

পুত্রধার।

পারিপার্শ্বিক।

রাজা। (চন্দ্রদাস)

বিদূষক। (কপিঞ্জল)

বৈতালিকদ্বয়।

ভৈরবানন্দ।—(কৌল-সম্প্রদায়ের যোগীশ্বর
আচার্য্য)

স্ত্রীবর্গ

রাজ্ঞী (দেবী)

বিচক্ষণা

কুরঙ্গিকা

সারঙ্গিকা (রাজ্ঞীর সখী)

কপূর-মঞ্জরী (নায়িকা)

প্রতীহারী।

(দাসী)

লেখক-চন্দ্র
রচনা

কপূর-মঞ্জরী

প্রথম যবনিকান্তর

শুভ হোক ভারতীর, ব্যাস আদি কবিরাও
হোন্ আনন্দিত ;
বিদ্বজ্জন-গণ-প্রিয় অতুদেরো শ্রেষ্ঠ বাণী
হোক প্রচলিত ;
বৈদর্ভী, মাগধী, আর প্রসিদ্ধ পাঞ্চালী রীতি
করুক মোদের প্রভা দান ;
কাব্যোতে নিপুণ যারা করুক চকোর সম
এই কাব্য-জ্যোৎস্না-সুধা পান ।

অপিচ :—

আলিঙ্গন-বিভ্রমের নাহি যাতে যোগ,
উৎপাদিত নাহি যাতে চূষন-উদ্যোগ,
নাহি যাতে ঘন ঘন অঙ্গ-সঞ্চালন,
এ হেন অনঙ্গ-রতি কর আশ্বাদন ।

অপিচ :—

শশি-কলা-বিভূষিত দেবতাগণের প্রিয়
সুরতাভিলাষী যেই
হর ও পার্শ্বতী
— তাঁহাদের সন্মিলন পরিশুদ্ধ নিরমল
হউক গো তোমাদের
সুখকর অতি ।

ঈর্ষা-কোপ-প্রশমিত প্রণত হইয়া যিনি
চন্দ্র-কলা-স্তম্ভিপূর্ণ স্বর্ণ-গন্ধাজলে
জ্যোৎস্না-মুক্তা-ফলরূপ অর্ঘ্য দেন ত্বরা করি
হুই হস্তে গিরিসুতা-চরণ-কমলে
— সে হরের জয় জয় বল গো সকলে ।

(নান্দীর পর হৃত্রধারের প্রবেশ)

হৃত্রধার ।— (পরিক্রমণ পূর্বক নেপথ্যাভিমুখে
অবলোকন করিয়া) আমাদের কুশীলবদের পরিজনবর্গ
নাট্যোদ্বোধে প্রবৃত্ত হয়েছে না কি ? কেন না, কেহ
বা দেখিছি বস্ত্র বেছে নিচ্ছে, কেহ বা ফুল দিয়ে মালা

গাঁথছে, কেহ বা পাগ্‌ড়ির কাপড় বিছিয়ে রাখছে,
কেহ বা কাষ্ঠ-ফলকে রং ফলাচ্ছে, কেহ বা বাঁশীতে ফুঁ
দিয়ে শব্দ বার কচ্ছে, কেহ বা বীণার পর্দা ঠিক করছে,
কেহ বা মৃদঙ্গগুলি বাদ্যের জন্ত সজ্জিত করছে, এই
মাজাঘসা চক্‌চকে কাংশ-করতাল হতে বন্বন্ব শব্দ
বেরছে ; আর এই ঋব-গীতের আলাপ চলছে ।
ব্যাপারটা কি, পরিজনদের ডেকে একবার জিজ্ঞাসা
করাই যাক না । (নেপথ্যের দিকে চাহিয়া ডাক
দিয়া আহ্বান)

(পারিপার্শ্বিকের প্রবেশ)

পারিপার্শ্বিক ।— কি আদেশ করুচেন গুরুদেব ?
হৃত্রধার ।— (চিন্তা করিয়া) তোমরা নাট্য-
ব্যাপারের উদ্যোগ করুচ না কি ?

পারি ।— মহাশয়, আজ “সট্রক”-নাট্যের অভি-
নয় হবে ।

হৃত্রধার ।— আচ্ছা, তার রচনাকর্তা কে বল
দেখি ?

পারি ।— আচ্ছা গুরুদেব !

রজনী-বল্লভ যেই— বল দেখি কেবা তার
মস্তক-ভূষণ ?

রঘুকুল-চূড়ামাণ মহেন্দ্র পালের গুরু
— সে বা কোন্ জন ?

হৃত্রধার ।— (চিন্তা করিয়া) এ যে তোমার
প্রশ্নোত্তর-হেঁয়ালী (প্রকাশে) রাজ-শেখর ?

পারিপার্শ্বিক ।— হাঁ, তিনিই তার রচয়িতা
কবি ।

হৃত্রধার ।— কি বল্ল ?— সট্রক ?

পারিপার্শ্বিক ।— (স্মরণ করিয়া) পণ্ডিতেরা
তাকে সট্রক বলেন ।

নাটিকার অতিমাত্র অহুকৃতি যে প্রবন্ধে
— সেই সে সট্রক ;

কেবল তাহাতে নাহি ছুটি বস্তু—বিকল্পক
আর প্রবেশক।

✓ সূত্রধার।—(চিন্তা করিয়া) আচ্ছা, কবি সংস্কৃত
পরিত্যাগ করে' প্রাকৃত ভাষায় রচনা করতে প্রবৃত্ত
হলেন কেন বল দেখি ?

পারিপার্শ্বিক।—সেই সর্ক-ভাষা-চতুর কবি
এইরূপ বলেন :—

হউক না সংস্কৃত—কিবা ফল বল দেখি তায় ?
অর্থের প্রকাশ যাতে তাহাকেই শব্দ বলা যায়।
উক্তি বিশেষ কাব্য—কহে সর্কলোক,
রচনার ভাষা তার যা হোক তা হোক।
হউক না সংস্কৃত—তবু তার কঠোর আকার ;
প্রাকৃত যদিও হয়—তবু উহা অতি সুকুমার।
নরনারী-মাঝে যেই ভেদ পরস্পর
—সেই ভেদ এই দুই ভাষারো ভিতর।

সূত্রধার।—আচ্ছা, ওতে কি তিনি আপনাকে
আপনি বর্ণনা করেছেন ?

পারিপার্শ্বিক।—সেকালের কবিদের মধ্যে এক-
জন, মৃগাক্ষলেখা-আখ্যানকারের কিরূপ বর্ণনা করুচেন,
শ্রবণ করুন :—

নব-কবি কবিরাজ— নির্ভয় নৃপতি সেই
মহেন্দ্রপালের উপাধায় ;
আপন মাহাত্ম্যে যিনি হয়েছেন অধিষ্ঠিত
পরম্পরা লোকের কথায়।
ইহার প্রসিদ্ধ কবি শ্রীরাজ-শেখর
—ত্রিভুবন আলো করে যার জ্বল কর।
মৃগাক্ষে কলঙ্ক আছে জানে গো সকলে,
কিন্তু ইহা নিষ্কলঙ্ক সুসিদ্ধির বলে ॥

সূত্রধার।—আচ্ছা, কে এই সটকটি অভিনয়
করতে আদেশ করলেন বল দেখি ?

পারিপার্শ্বিক।—

চাহবান-কুল-মাঝে মন্তক-মালিকা-স্বরূপিণী
অবস্তি-সুন্দরী নামে কবিরাজ-শেখর-গৃহিণী
নিজপতি-বিরচিত এই এ রচনা
অভিনীত হইবারে করিলা বাসনা।

আরো—

ধরণীর চন্দ্র যিনি— মহারাজা চন্দ্রপাল,
চক্রবর্ত্তি-পদ লভিবারে

রসসিদ্ধ এই নাটো করেন গো পরিণয়
কুন্তল-রাজের হুহিতারে।

আমুন তবে গুরুদেব, এখন আমাদের বা
কর্তব্য, তা করা যাক। কেন না, মহারাজ ও দেবীর
ভূমিকা গ্রহণ করে' আর্ঘ্য ও আর্ঘ্য-ভাৰ্ঘ্যা, যবনিকা-
স্তরে অপেক্ষা করচেন।

[উভয়ের প্রস্থান।

ইতি প্রস্তাবনা।

(সবিভব পরিজনসহ রাজা, দেবী
ও বিদূষকের প্রবেশ)

(সকলে পরিক্রমণ করিয়া যথাস্থানে উপবেশন)

রাজা।—দেবি ! দাক্ষিণাত্য-রাজনন্দিনি ! একটা
সুখের সংবাদ দি শোন, বসন্তের আরম্ভ হয়েছে।
দেখ না কেন :—

ষোড়শী বালারা এবে বিষ্ণু-ওষ্ঠে নাহি দেয়
বহুল মদন * ;
সুরভি তৈল দিয়া এবে দেখ নাহি করে
বেণী বিরচন ;
শীতবস্ত্র দূরে থাক্ কঞ্চুলিকাটিও অঙ্গে
না করে ধারণ ;
কুঙ্কম মাখিতে মুখে যতনের হয়েছে লাঘব ;
তাই বলি, শীতে জিনি' আবিভূত বসন্ত-উৎসব।

দেবী।—মহারাজ ! আমিও তোমাকে দুই
একটা সুখের সংবাদ দি শোন।—

শিশিরের অবসানে দস্তমণি সমধিক ভায় ;
দম্পতির অল্প-অল্প চন্দন-লেপনে মন যায় ;
পদপ্রান্তে জড় করি, গাত্র-আবরণ
নিদ্রা যাইতেছে দেখ উহার কেমন !

(নেপথ্যে)

বৈতালিক।—পূর্বেদিকপতির জয় হোক ! চম্পা-
নগরের "চম্পক"-কর্ণভূষণ যিনি, তাঁর জয় হোক !
অবলীলাক্রমে যিনি রাত্বেশ জয় করেছেন, তাঁর জয়
হোক ! ভূজ-বিক্রমে যিনি কামরূপ জয় করেছেন,

* মোমরোট বা মোম-রওগনের স্থায় বিলেপন-বিশেষ।

টার জয় হোক! হরিকেলি দেশের যারা কেলি-
কারক, তাদের জয় হোক! স্ববর্ণ-বর্ণ যার নিকট
পরাতুত, সেই সর্দারসুন্দরের জয় হোক! এই
নববসন্ত তোমাদের সকলেরই সুখজনক হোক!
এখানে এখন :—

“পাণ্ড্যদেশ-কামিনীর গণ্ডেশ-মারো করি’
পুলক বিস্তার,
কাঞ্চী-দেশ-রমণীর খণ্ডি’ মান, প্রাতঃ-সন্ধ্যা
ছই ছই বার,
লোলা চোলাঙ্গনাদের সুরত-উৎসব কেলি
করিয়া প্রবল,
কর্ণাট-অঙ্গনাদের কুঞ্চিত কুন্তল-রাশি
করায়ে চঞ্চল,
“কুন্তল”-বাসিনীদের কাস্ত-সনে স্নেহ-গ্রন্থি
করিয়া বন্ধন,
মন্দ মন্দ বহে কিবা মলয়-শিখর-বাসী
শীতল পবন।

দ্বিতীয়।—এখানেই :—

ফুটেচে চম্পক দেখ, কুঙ্কম-রসেতে লিপ্ত
মহারাত্রি-রমণীর কপোলের স্নায় ;
ফুটেচে মল্লিকাকলি স্বল্পমাত্র-আলোড়িত-
ছুঙ্ক-সম মুগ্ধ-কাস্তি রূপসীর প্রায় ;
বৃন্ত-মূলে শ্যামবর্ণ, অগ্রভাগে লগ্ন অলি
—এহেন কিংসুক শোভমান ;
মনে হয়, ছই দিকে বসি’ যেন মধুপেরা
মধু তার করিতেছে পান।

প্রিয়ে বিভ্রমলেখা! আমিই তোমার একমাত্র
আনন্দবর্ধক, আর তুমিই আমার একমাত্র আনন্দ-
বর্ধিনী—এই তো আমি জানি। কিন্তু কাঞ্চন-চণ্ড ও
রত্নচণ্ড এই ছই জন বৈতালিকও দেখ আজ আমাদের
আনন্দবর্ধন করচে। যে বসন্ত তরুণীগণের বিভ্রমগর্ভ-
প্রবর্তক, মলয়-মারুত-আন্দোলিত লতা-নর্তকদের
নর্তক, যে বসন্ত কলকণ্ঠী কোকিলাদের পঞ্চমস্বর সুন্দর
প্রকটিত করচে, কন্দর্পের কোদণ্ড-স্বরূপ নবাহুরিত
চূতমঞ্জরীর দ্বারা মানিনীর প্রচণ্ড মান দূরীকৃত করচে,
বসন্তরা-পুরঞ্জীর সেই প্রিয়বন্ধু নব বসন্ত আজ দেখ
চারিদিকে প্রসারিত। দেবি! এখন এই বসন্তোৎসব
তুমি মনের সাথে দেখে নেও।

দেবী।—বৈতালিকেরা ঠিকই বলেচে; মলয়-
বাতাস সত্যই দেখা দিয়েচে। দেখ না কেন :—

লঙ্কার তোরণ-শোভী মালিকা-সমূহে যে গো
অল্প অল্প করে বিচলিত,
অগস্ত্য-আশ্রম-দেশে চন্দন, কপূর-লতা
মুহুমন্দ করে আন্দোলিত,
কাঁপায় কঙ্কালী-লতা আর, চারু তানুলের
লতিকারে দ্বিধং নাচায়,
“তাম্রপর্ণী”-সলিলেরে আগ্রহে চুখন করে,
—বহে এবে সেই চৈত্র-বায়।

অপিচ :—

“মান কর বিসর্জন, সতৃষ্ণ-নয়নে দেখ
আপন বনভে ;
পীনস্তন-সংলগন তরুণী-যৌবন শুধু
দিন দশ রবে।”
—এইরূপে পিকগণ মঞ্জু কণ্ঠরবে
পঞ্চশর-আজ্ঞা ঘোষে মধু-মহোৎসবে।

বিদূষক।—ওগো! তোমাদের মধ্যে আমিই
একমাত্র পণ্ডিত। দেখ, আমার খণ্ডরের খণ্ডর,
পণ্ডিতের ঘরে পুস্তক বহন করতেন।

দাসী।—(হাসিয়া) তা হলে দেখচি, তোমার
পাণ্ডিত্য কুলপরম্পরাগত।

বিদূষক।—(সক্রোধে) আরে দাসীর বেটা
দাসী!—ভবিষ্যৎ কুটিনি! অলক্ষণে! অবিচক্ষণে।
আমি কি এমনি মূর্থ যে, তুই পর্যন্ত আমাকে উপ-
হাস করিস? আরে পরপুত্র-বিভ্রংসিনি রথ্যানুষ্ঠিনি!
কোষাপহারিণি! কুসঙ্গিনি! ভ্রমর-বৃত্তি চারিণি!

বিচক্ষণা।—ওগো তাই বটে। কোন্ বোড়ার
কতদূর দোড় তা যে দেখে, সেই জানে, অস্ত্রকে তা
জিজ্ঞাসা করতে হয় না। আচ্ছা ঠাকুর, তুমি বসন্ত-
বর্ণনা করে’ একটা কবিতা পাঠ কর দেখি।

বিদু।—তুই তো পিঁজরের শালিকের মত কেবল
কিচির-মিচির করিস বৈ তো নয়, তুই এসব কি
বুঝবি? আচ্ছা, আমি প্রিয়বয়স্কের কাছে আর
দেবীর কাছে পাঠ করচি। কেন না, যুগনাভি কখনো
কুগ্রামে কিছা বনে বিক্রী হয় না, কষ্টিপাথর
ছাড়া বে-সে পাথরে কখনো সোনা পরখ করা
যায় না।

রাজা।—আচ্ছা প্রিয়বয়স্, পাঠ কর দিকি
শোনা যাক।

বিদূষক।—(পঠন)

যে সিন্দূবার-তরু "কলমা"-তগুল সম
উৎপাদয়ে কুসুম-নিকর
—তাই মোর প্রিয় ;

"বিচক্ষণ"-বিটপের যে সব কুসুম-পুঞ্জ
মহিষের ছুঁক-সম মুগ্ধ মনোহর
তাই মোর প্রিয়।

বিচক্ষণ।—এ কবিতাটিতে তোমার নিজ প্রিয়ার
মনোরঞ্জন হতে পারে বটে!

বিদূষক।—ওরে আমার মধুরভাষিনি!—এইবার
তুমি একটা পাঠ কর দিকি।

দেবী।—(মুচকি হাসিয়া) ওলো মধি বিচক্ষণে!
আমাদের কাছে তো তুই খুব কবিতা ফলাস। আচ্ছা,
এইবার মহারাজের কাছে তোর একটা স্বয়ংকৃত
কবিতা পাঠ কর দিকি। কেন না, কবিতা বলি
তাকে—যা সভায় পাঠ করা যায়, স্বর্ণ বলি তাকে
—যা কষ্টপাথরে পরখ করা যায়। সেই গৃহিণী—
যে পতির মনোরঞ্জন করে, সেই পুত্র—যে কুলকে
উজ্জ্বল করে।

বিচক্ষণ।—যে আঞ্জ দেবি! (পঠন)

যে মলয়-সমীরণ লক্ষা-গিরি-মেথলায়
হইয়া স্থলিত

সুরত-সন্তোগ-রাস্তা ভুজগ-ফণার গ্রাসে
হয়ে কবলিত

হয়েছিল অতি ক্ষীণ —বিরহিণী-দীর্ঘশ্বাসে
এবে তা' সহসা,

শিশুত্ব ঘুচিয়া যেন লভিলেক পরিপূর্ণ
তারুণ্যের দশা।

রাজা।—কথার চতুরতায়, বিচক্ষণা বিচক্ষণাই
বটে! কি আর বলুব, বিচক্ষণা কবিগণেরও কবি।

দেবী।—(উচ্চৈঃস্বরে হাসিয়া) ও একজন কবি-
চূড়ামণি!

বিদূষক।—(সক্রোধে) সোজা কথায় দেবী কি
তবে এই কথা বল্চেন যে, কবিতায় বিচক্ষণা অতি
উত্তম, আর ব্রাহ্মণ কপিঞ্জল অতি অধম?

বিচক্ষণা।—ঠাকুর! রাগ কোরো না।
কবিতাতেই কবির কবিতা জানা যায়। নিজ কান্তার

মনোরঞ্জনযোগ্য হলেও, সুকুমার পদাবলী থাকলেও,
কবিতার মধ্যে নিজ উদর-পুরণের কথা থাকটা
নিন্দনীয়। সে কেমন?—না, যেমন লঙ্কিত-স্তনা
রমণীর একাবলী হার পরা, লম্বোদরীর কাঁচুলী পরা,
বুড়ার কটাক হানা, চুল-কাটা মেয়ের মালতী-ফুলের
মালা পরা, কাণার চোখে কাজল দেওয়া—এ সব
কিছুতেই মানায় না।

বিদূষক।—কিছু তোমার কবিতার ভাব সুন্দর
হলেও তোমার শব্দগুলি সুন্দর নয়। সে কেমন?—
না যেমন, সোনার কোমরবন্ধে লোহার ঘড়ী
ঝোলানো, পট্টবস্ত্রে তসর বোনা, গৌরাকীর চন্দন-
চর্চা;—এ সবও মানায় না।—তবুও তো লোকে
তোমার প্রশংসা করে।

বিচক্ষণা।—ঠাকুর, রেগো না। তোমার সঙ্গে
কি আমার টকরাটকরি চলে? নিরক্ষর হলেও, লোহ-
শলাকার মত, তুমি রত্ন-পরীক্ষায় নিয়োজিত, আর
আমি লক্ষাকর হলেও, তুলার মত আমাকে কেউ
সোনার ভাঁড়ে স্থাপন করে না।

বিদূষক।—আমাকে তুই এমন কথা বলি, রোস্,
আমি বুদ্ধিষ্ঠিরের জ্যেষ্ঠ ভ্রাতা নামক তোর ছই
অঙ্গ (অর্থাৎ কর্ণধর) এখনি উৎপাটন করি।

বিচক্ষণা।—আমিও উত্তরফাল্গুনীর পরে যে
নক্ষত্রটি, সেই নক্ষত্র নামক তোমার অঙ্গটিকে
ভেঙে দি (অর্থাৎ হস্তা, কি না হাত ভেঙে
দি)।

রাজা।—সখা! ওকে ওরূপ বোলো না। ও
কবিদের মধ্যে সর্বশ্রেষ্ঠ।

বিদূষক।—তা হলে তো পষ্ট এই কথাই বলা
হচ্ছে যে, হরিচন্দ্র, নন্দীচন্দ্র, কোটিশহাল প্রভৃতি
কবিদের চেয়েও সুকবি।

রাজা।—তাই তো।

বিচক্ষণা।—(সক্রোধে পরিক্রমণ) ওগো, তুমি
সেইখানে যাও—যেখানে আমার প্রথম সাদীট
গেছে। (অর্থাৎ আমার প্রথম সাদীর মত তুমি
ছিগ্ন হও, অর্থাৎ মর)।

বিদূষক।—(ঘাড় ঝাঁকাইয়া) তুই সেইখানে
যা—যেখানে আমার মায়ের প্রথম দাঁতগুলি
গেছে! সে রাজাবাড়ীর মঙ্গল হোক—যেখানে একজন দাসী,
ব্রাহ্মণের সমান বলে স্পর্কি করে; যেখানে মজ ও
পঞ্চগব্যকে এক ভাঁড়ে রাখা হয়; যেখানে কাচ ও



মাণিক্য উভয়কেই সমান দরের আভরণ বলে' মনে করা হয়।

দাসী।—এই রাজবাটীতে, তোমার কণ্ঠে তাই পড়ুক—যা ভগবান্ ত্রিলোচন মস্তকে ধারণ করেন। (অর্থাৎ অর্দ্ধচন্দ্র) আর তাই দিয়ে তোমার মুখ চূর্ণ করা হোক, যার দ্বারা অশোকগাছের সাধ দেওয়া হয় (অর্থাৎ পদাঘাত)।

বিদূষক।—আরে বেটী দাসী! ঠেটী কোথাকারে! অর্থপ্রবঞ্চিনি! রথ্যালুণ্ঠিনি! আমাকে তুই একরূপ কথা বলি? তুই যেন তাই পা'স্—যা ফাল্গুন মাসে শোভাঞ্জনতরু (সোজ্জনে গাছ) লোকের কাছে থেকে পেয়ে থাকে (অর্থাৎ শাখাভঙ্গ), যা বলীবর্দেঁরা (যাঁড়েরা) পামরদের কাছে পেয়ে থাকে (অর্থাৎ নাসিকাচ্ছেদন)

বিচক্ষণা।—তুমি যে আমাকে একরূপ বলে, আমি নূপুর পায়ে তোমার মুখ ভেঙে দেব, তা জানো? আরও উত্তর আঘাতের পরে যে নক্ষত্রটি (অর্থাৎ শ্রবণ নক্ষত্র কি না কর্ণযুগল) সেই নক্ষত্র নামক অক্ষটিকে ছিঁড়ে ফেলে দেব।

বিদূষক।—(সক্রোধে পরিক্রমণ করত যবনিকা-স্তরে কিঞ্চিৎ উচ্চৈঃস্বরে) এমন রাজবাড়ী ত্যাগ করা উচিত—যেখানে ব্রাহ্মণের সমান বলে' একজন দাসী স্পর্শ করে। আজ থেকে, নিজ গৃহিণী বহুধরা-ব্রাহ্মণীর চরণ-সেবায় নিযুক্ত হয়ে গৃহেই থাকব। (সকলের হাস্ত)

দেবী।—মহারাজ! কপিঞ্জল বিনা রাজ-সভাই বা কিরূপ? নয়নাঞ্জন বিনা প্রসাদনই বা কিরূপ?

আকাশে।—না না, আমি আর কখনই আসব না। তুমি আর কোন প্রিয়-বয়স্কের অন্বেষণ কর। অথবা এই লক্ষ্মণী টপ্পরকর্ণী (যায় কুলোপারা কান) ছুঁই দাসীকে পাগড়ি পরিয়ে আমার কাজে নিযুক্ত করা হোক। তোমাদের সকলের মধ্যে আমিই কেবল মৃত, তোমরা শতবর্ষ বেঁচে থাকো।

[প্রস্থান।

বিচক্ষণা।—ওকে আদর দেবেন না। কপিঞ্জল ঠাকুর নরম হলেই গরম, আর গরম হলেই নরম। দেখুন, জল দিয়ে ভিজলে, শোণের দড়ির গেরো আরো এঁটে যায়। দেবি, ওর ব্যবহারটা একবার দেখুন।

রাজা।—(চাষিদিকে অবলোকন করিয়া)

গোপ-বধূজন সবে গাইতে গাইতে গান
চরণে দোলায় যবে
মনোহর দোলা,
দেখেন দিনেশ তাহা খঞ্জ-অশ্ব-রথে চড়ি,
তাই অতি দীর্ঘ বলি'
মনে হয় বেলা।

(যবনিকা অপসারণ পূর্বক তাড়াতাড়ি
বিদূষকের প্রবেশ)

বিদূষক।—আসন দে—আসন দে।

রাজা।—আসনে কি হবে?

বিদূষক।—ভৈরবানন্দ আসুচেন।

দেবী।—কি! তিনি?—লোকের মুখে যার অলৌকিক সিদ্ধির কথা শোনা যায়?

বিদূষক।—হাঁ, তিনিই।

রাজা।—তাকে নিয়ে এসো।

(বিদূষক প্রস্থান করিয়া তাঁহার সহিত পুনঃপ্রবেশ)

ভৈরবানন্দ।—(কিঞ্চিৎ মদ্যপান করিয়া পাঠ)

কিবা মন্ত্র কিবা ধ্যান, কিবা তন্ত্র কিবা জ্ঞান,
এ সব কিছুই নহে—গুরুর প্রসাদে।
অহুসরি কোল-মার্গ লভি মোক্ষ অপবর্গ,
মদিরা প্রমদা মোরা ভুঞ্জি মনসাধে ॥
কি বিধবা কি সধবা, তন্ত্রেতে দীক্ষিতা যোবা,
ধর্মদারা মোদের সবাই,
খাই মাংস, খাই মদ্য, ভিক্ষায় সংগ্রহ খাও,
চন্দ্র-খণ্ডে শয়ন বিছাই।
এই কোলাচার ধর্ম কার কাছে নহে রম্য
বল দেখি সবারে সুধাই ॥

অপিচ:—

হরি-ব্রহ্মা-আদি-দেব কহেন গো—“হয় মুক্তিলাভ
ধ্যানে, বেদপাঠে, আর অহুষ্ঠান করি' যজ্ঞ-যাগ”,
কিন্তু এই কথা শুধু কহে উমাপতি
—“রতি-কেলি-স্বরাতেও হয় গো মুক্তি।”
রাজা।—এই আসন; বসুন ভৈরবানন্দ!
ভৈরবানন্দ।—(বসিয়া) এখন কি করতে হবে
বলুন।
রাজা।—একটা কোন কিছু আশ্চর্য্য ব্যাপার
দেখতে ইচ্ছা করি।

ভৈরবানন্দ ।—

দেখাব সে শশাঙ্করে ভূতলে নামায়ে,
নভঃ-পথে রবি-রথে দিব গো থামায়ে ।
যক্ষ-সুর-সিদ্ধাঙ্গনা আনি দিব সন্ত,
নাহি কিছু ভূমণ্ডলে যা' মোর অসাধ্য ।

তঃ এখন বলুন, কি করিতে হবে ।

রাজা ।—বয়স্ত! তুমি কি কোথাও অপূর্ব
মহিলা-রত্ন দেখেছ ?

বিদূষক ।—দেখেছি বৈ কি ।

রাজা ।—কোথায়, বল দেখি ?

বিদূষক ।—এই দক্ষিণাত্যে বৈদর্ভ নামে এক
নগর আছে, সেইখানে এক কণ্ঠারত্ন দেখেছি ।
তাকেই আনা হোক না ।

ভৈরবানন্দ ।—আচ্ছা, আনুটি ।

রাজা ।—সেই পূর্ণচন্দ্রকেই ধরাতলে নামানো
হোক না ।

(ভৈরবানন্দের ধ্যান)

(পরে, যবনিকা অপসারণ করিয়া সহসা
নায়িকার প্রবেশ ও সকলের দর্শন)

রাজা ।—ওহোহো ! আশ্চর্য্য ! আশ্চর্য্য !
অঞ্জন ধুইয়া গেছে, আঁখি দুটি রাঁগা,
আননে লাগিয়া আছে অলকের আগা,
কুস্তল-পল্লবচয় আ-পাণি লম্বিত,
বিন্দু বিন্দু বারি তাহে হয় আন্দোলিত ।
স্নান-কেলি-স্থিতা বলি' পরিধানে একটি বসন,
কি আশ্চর্য্য নারী এই যোগীশ্বর করে আনয়ন ।

অপিচ :—

ঘন-স্তনস্থল হতে, বাসাঞ্চল পড়িছে খসিয়া,
এক হস্তে তাই দেখ, কত করি, রাখে সামালিয়া ।
অন্ত হাতে আটকিছে, কটির বসন বিচলিত,
হেন চিত্র কার চিত্তে, বল দেখি না হয় চিত্রিত ?

বিদূষক ।—

স্নান-কালে হইয়াছে, পরিত্যক্ত সর্ক-আভরণ,
বিলম্ব-তরঙ্গ-ভঙ্গ, একমাত্র ইহার ভূষণ ।
আর্দ্র এ বসন লাগি, দেখ কিবা তনু লোমাক্ষিত,
সৌন্দর্য্য-সর্কস্ব-ধন, দৃষ্টি-মাঝে যেন রে সঞ্চিত ।

নায়িকা ।—(সকলকে অবলোকন করিয়া স্বগত)
এ'র গস্তীর মধুর শ্রী-সৌন্দর্য্য দেখে মনে হয়,
ইনি কোন মহারাজা হবেন । আর ইনিই বোধ

হয় এ'র মহিষী । যেন হরের অর্দ্ধাঙ্গিনী সাক্ষাৎ
গৌরী । আর ইনি কোন যোগীশ্বর হবেন । আর
এ'রা বৃষ্টি পরিজন । কিন্তু নিজ মহিলা নিকটে
থাকা সত্ত্বেও রাজা আমাকে মুগ্ধ দৃষ্টিতে দেখেচেন ।
(ব্রহ্মভাবে দর্শন)

রাজা ।—(বিদূষকের প্রতি চুপিচুপি) ইহার :— :

কণ্টকিত কেতকীর ডোঙা-পারা দল-সম
তুলা যে আঁখির
তাহা হতে স্তরল তীখণ কটাক্ষচ্ছটা
হইয়া বাহির

কপূরের রসে কি গো ধবলিত করিল আমায় ?
স্নাত কি করিল মোরে সুবিশদ জ্যোছনা-ধারায় ?
মুকুতার ঘন রেণু দিল কি গো মাথাইয়া গায় ?

বিদূষক ।—আহা ! কি চমৎকার রূপ !

ত্রিবলি-বেষ্টিত কটি— বালকে করিতে পারে
মুঠায় ধারণ ;

জঘনের পরিসর ছই বাছ দিয়া তবে
হয় গো বেঠন ।

নেত্রের উপমাস্থল যাহা কিছু বিশাল ধরায় ।
প্রত্যক্ষ করিলেও—চিত্তে এ'রে লেখা নাহি যায় ॥

যদিও স্নানে সমস্ত বিলেপন ধুয়ে গেছে, যদিও
সমস্ত ভূষণ অঙ্গ হতে নামিয়ে রেখেছেন, তবু কেমন
সুন্দর-দেখাচ্ছে* ।

অথবা :—

রূপহীনা যে রমণী তার শোভা অলঙ্কারে
হয় বিভূষিত ;
স্বভাব-সুন্দর যে গো তার শোভা তাহে শুধু
হয় বিকশিত ।

রাজা ।—এইরূপই বটে ।

বর্ণের লাবণ্য যেন নবজাত সুর্বর্ণের প্রায় ;
সুদীর্ঘ নয়ন যেন শ্রুতিযুগে গড়াইয়া যায় ;
কপোল-ফলক যেন দ্বিধাশিত-চন্দ্র-আধখান ;
পঞ্চশর কামদেব লয়ে হাতে নিজ পঞ্চবাণ
শোষণ-মোহন শর সন্ধান করিয়া আমা'পরে,
রাখিলা নিকটে এ'রে—আমারেই বিধিবার তরে ।

বিদূষক ।—(হাসিয়া) জানি এ'র শোভা-রত্ন
সকল রাস্তায় পড়ে' গড়াগড়ি যাচ্ছে !

সুন্দর কামিনী-অঙ্গ—নিজ গুণে অলঙ্কৃত—

স্বভাবতঃ কিবা শোভা পায় ;

অপর রমণীদের তনু-শ্রীট আচ্ছাদিয়া

বসন-ভূষণ শুধু ভায় ।

এইরূপ অপরূপ সৌন্দর্য্য বাহার

ধ্বতধ্ব অনঙ্গ সে নিত্য ভূত্য তাঁর ।

অপিচ :—

জঘন বিস্তৃত হেন,—কাঞ্চীলতা তিষ্ঠিতে না পারে ;

স্তনবৃগ উচ্চ হেন,—স্তনমুখ নাভি না নেহারে ।

নয়ন বিশাল হেন,—কর্ণোৎপলে নাহি প্রয়োজন ;

ষিচন্দ্র-পূর্ণিমা-প্রায় তাঁর সেই উজ্জল আনন ।

দেবী ।—ওগো কপিঞ্জল ঠাকুর ! তুমি জিজ্ঞাসা
কর দিকি উনি কে ?

বিদূষক ।—(তাহার প্রতি) এস গো সুন্দরি !
এইখানে বসো । বল দিকি তুমি কে ?

রাজা ।—এঁর জন্ম আসন ।

বিদূষক ।—আমার এই উত্তরীয়ই এঁর আসন ।
(বসিবার জন্ম নিজ উত্তরীয় দান) ওগো ! এখন বল
দিকি যা জিজ্ঞাসা করুলেম ।

নায়িকা ।—এই কুম্বলদেশে বিদর্ভ নামে এক নগর
আছে ; সেখানে সর্কজনবল্লভ নামে এক রাজা
আছেন ।

দেবী ।—(স্বগত) তিনি তো আমার মেসো
হন ।

নায়িকা ।—তাঁর গৃহিনীর নাম শশিপ্রভা ।

দেবী ।—(স্বগত) তিনি তো আমার মাসী ।

নায়িকা ।—আমি তাঁদেরই কন্যা ।

দেবী ।—(স্বগত) শশিপ্রভার গর্ভ ভিন্ন এরূপ
রূপরশি আর কোথায় সম্ভব ? বৈদূর্য্য-শলাকা আর
কোথায় জন্মে ? (প্রকাশে) তুমি তবে কর্পূর-
মঞ্জরী ?

নায়িকা ।—(সগজ্ঞ অধোমুখে অবস্থান)

কর্পূরমঞ্জরী ।—দিদি ! কর্পূরমঞ্জরীর এই প্রথম
প্রণাম গ্রহণ করুন ।

দেবী ।—ভৈরবানন্দ মহাশয় ! আপনার প্রসাদে,
কর্পূরমঞ্জরীকে দেখে অপূর্ব আনন্দ লাভ করুলেম ।
ইনি পনের দিন এইখানেই থাকুন । তার পর,
ধ্যানের ব্যোমধানে তুলে আবার ওঁকে নিয়ে
যাবেন ।

ভৈরবানন্দ ।—আচ্ছা, দেবী যা বলছেন, তাই
হবে ।

বিদূষক ।—(রাজাকে উদ্দেশ্য করিয়া) ওগো,
আমরা তো নিঃসম্পর্কীয় বাহিরের লোক । নিজ
আত্মীয়ের সঙ্গে এঁর এখন মিলন হল । এঁরা তো
সম্পর্কে ছই ভগিনী । আর পূজনীয় ভৈরবানন্দই
এ ছই জনের মধ্যে মিলন ঘটয়ে দিলেন । এই
ভূ-সরস্বতী মহিলাটি দেবীর দ্বিতীয় দেহ বলেও হয় ।

দেবী ।—ভৈরবানন্দ কর্পূরমঞ্জরীর সঙ্গে জোষ্ঠী
ভগিনীর মিলন ঘটয়ে দিলেন, ওঁকে বিশেষরূপে তুষ্ট
করা কর্তব্য ।

বিচক্ষণা ।—যে আজ্ঞে দেবি ।

দেবী ।—(রাজার প্রতি) মহারাজ, আমি তবে
এঁকে অন্তঃপুরে গিয়ে নিয়ে এঁর বেশভূষার আয়োজন
করি গে ।

রাজা ।—চম্পক-লতার আলবাল, কস্তুরী-কর্পু-
রেই পূর্ণ করা উচিত ।

(নেপথ্যে)

একজন বৈতালিক ।—মহারাজের সুখ-সন্ধ্যা হোক !

দিবসের পিণ্ডীকৃত জীবনের প্রায়
তপন-মগুপ ওই, গেল যে কোথায়
এই মুহূর্তের মাঝে—নাহি জানে কেহ ;
কিন্তু গো নলিনী ভাবি' নাথের বিরহ
অতি দীর্ঘ—সেই শোকে হইয়া মুচ্ছিত,
পঙ্কজ-নয়ন তার করে নিমৌলিত ।

লীলামণি-বিনির্মিত * বলভী যাহাতে অবস্থিত,
আর, নানা চিত্রে যার ভিতরের প্রাচীর চিত্রিত,
হেন বাসগৃহ-দ্বার কিঙ্করীরা করি উদ্বাটন,
বিছায় গো তাড়াতাড়ি ঋতু-যোগ্য বিলাস-শয়ন ;
শিল্পীনারী সৈরিকীর † পট্টনাদ হয় সমুখিত,
—রুষ্ঠ তুষ্ট নারীদের মধুর হৃদয় বিনিঃসৃত ।

রাজা ।—চল, আমরাও সন্ধ্যার বন্দনা করি
গিয়ে ।

[সকলের প্রস্থান ।

ইতি প্রথম ধ্বনিকান্তর ।

* গৃহের ছাদের উপর মন্দির-চূড়াবৎ কপোত-নিলয় ।
† প্রস্তর দ্বারা কোন ভব্য চূর্ণ করিবার শক্তি ।

দ্বিতীয় যবনিকান্তর

(রাজা ও প্রতীহারীর প্রবেশ)

প্রতীহারী।—(পরিক্রমণ করিয়া) এই দিক দিয়ে মহারাজ—এই দিক দিয়ে ।

রাজা।—(কিয়ৎ পদ গমন করিয়া, কপূর-মঞ্জরীকে মনে করিয়া)

একচিন্তে মগ্ন বালা ধ্যানেন্তে আমার,
চারি ভাব দেখা দেয় তনুতে উহার :—
সুস্থির নিতম্বদেশ—তিলমাত্র নহে বিচলিত ;
উদরের বলী-রেখা অল্প-অল্প হয় তরঙ্গিত ;
আমা পানে চাহি' দেখে, ফিরি ফিরি গ্রীবা বাঁকাইয়া ;
ফিরাইতে চন্দ্রানন, স্তনে পড়ে কুন্তল লুটিয়া ।

প্রতীহারী।—(স্বগত) এ কি ! একটা পাত-
ভাড়ির মত—কতকগুল লেখা অক্ষরের মত এখনও
যে মহারাজ শুদ্ধ হয়ে দাঁড়িয়ে আছেন । আচ্ছা,
আমি বসন্ত বর্ণনা করে' ওঁর তদগত হৃদয়ের আবে-
গটা একটু কমিয়ে দি । (প্রকাশে) অল্প-অল্প
বিকশিত এই পুষ্পোদ্ভানের প্রতি একবার দৃষ্টিপাত
করুন মহারাজ ।

কোকিলার কণ্ঠরোধ প্রথমেই করিয়া মোচন,
অলির গুঞ্জন-রবে মধুরিমা করিয়া অর্পণ,
বিরহী কোকিল-মাঝে সঞ্চারিয়া রাগ পঞ্চস্বর,
দেখা দেয় রতি-ভোগ্য রাগোন্মত্ত বসন্ত-বাসর ।

রাজা।—(সান্নিধ্যের তাহা শ্রবণ করিয়া)
যে আঁখি দর্শন করি' সভাজন-নেত্র-মাঝে
লাবণ্যের শত নদী হয় বহমান ;
সৌভাগ্যের পারস্থিত যে আঁখি-নগর-মাঝে
বিভ্রম-বিলাস-হাস করে অবস্থান ;
সেই পদ্ম-সর-আঁখি অন্তরে শৃঙ্গার-রস
করে সঞ্জীবিত ;
তাহে পুন কন্দর্প ধনুকেতে তীক্ষ্ণ শর
করে সংযোজিত ।

(সোম্মাদের স্তায়) সেই হরিণ-নয়নাকে যে
অবধি দর্শন করেছি, সেই অবধিই সে :—

চিন্তে মোর অবস্থিত :— নাহি সে সৌন্দর্য্য-মাঝে
তিলমাত্র ক্ষয় ।

লুপ্তে সে শয্যায় মোর, সঞ্চরণ করে সে যে
সর্ব্ব দিক্-ময় ।

রহে সে বচনে মোর, কাব্যের প্রবন্ধ-মাঝে
তাহারি উদয় ;
ওই তরুণীর রূপ চির-ধ্যান করিলেও
অটুট অক্ষয় ।

অপিচ :—
তার সেই তীক্ষ্ণতম সুচপল নয়নের
তৃতীয়াংশ-মাত্র দৃষ্টি
পড়ে যার পানে,
আহত হয় গো সেই —মদনে, মধুপে, চন্দ্রে,
আর বনকোকিলের
পঞ্চম-সুতানে ;
কিন্তু তার পূর্ণ দৃষ্টি যদি কারো'পরে কভু
হয় নিপতিত,
তবে আর রক্ষা নাই— তিল-জলাঞ্জলি-যোগ্য
হয় সে নিশ্চিত ।

(স্মরণের ভাবে) অপিচ :—
নয়নের অগ্রভাগে, সারি সারি রহে কত ভৃঙ্গ ;
আর তারি মধ্যদেশে—ঘনীভূত ছুঙ্কের তরঙ্গ ;
—তির্য্যক্ দৃষ্টিতে রাজে ধৃতধনু সাক্ষাৎ অনঙ্গ ।

(চিন্তা করিয়া) প্রিয় বয়স্কের এত বিলম্ব হচ্ছে
কেন ?

(বিদূষক ও বিচক্ষণার প্রবেশ ও পরিক্রমণ)

বিদূষক।—বলি ওহে বিচক্ষণা, এ সব কি সত্যি?
বিচক্ষণা।—খুবই সত্যি ।

বিদূষক।—আমার প্রত্যয় হয় না; কেন না,
তুমি বড় পরিহাসশীলা ।

বিচক্ষণা।—ঠাকুর! ও কথা বোলো না।
পরিহাসের সময়ে পরিহাস—আবার কাজের সময়ে
কাজ ।

বিদূষক।—(সন্দুখে অবলোকন করিয়া)

এই যে, আমার প্রিয় বয়স্ক মানস-হারা হংসের
মত, মদবারিষাবে ক্ষীণ করীর মত, তাপন্নান মৃগালের
মত, বিগতপ্রভ দিন-দীপের মত, প্রভাতের পূর্ণ-
চন্দ্রের মত, একেবারে পাণ্ডুবর্ণ ও ক্ষীণ হয়ে পড়েছেন ।

উভয়ে।—(পরিক্রমণ করিয়া) মহারাজের
জয় হোক !

রাজা।—ওহে! বিচক্ষণার সঙ্গে দেখি,
তোমার আবার মিল হয়ে গেছে ।



বিদূষক।—বিচক্ষণা আজ আমার সঙ্গে সন্ধি করতে এসেছিল। তার সঙ্গে আমার সন্ধি হয়ে গেছে—তাই আজ সার'-বেলটা দুজনে মিলে মন্ত্রণা করা গেছে।

রাজা।—সন্ধি করে' ফলটা কি হ'ল বল দিকি।

বিদূষক।—কোন প্রিয়জনের কাছ থেকে বিচক্ষণা পত্র নিয়ে এসেছে।

রাজা।—(গন্ধ সূচনা করিয়া) যেন কোথেকে কেতকীকুম্বের গন্ধ আস্চে।

বিচক্ষণা।—আমার হাতেই কেতকীপত্রের লিপি রয়েছে।

রাজা।—বদন্তকালে কেতকী-কুম্ব কি করে' এল ?

বিচক্ষণা।—ভৈরবানন্দ-দত্ত মন্ত্র-প্রভাবে, দেবীর গৃহোষ্ঠানে একটি কেতকীলতায় ফুল ধরেছে। যে চতুর্থীতে দোলোৎসবের শেষ হয়, সেই সময় দেবী ঐ কেতকীর পাতা দিয়ে গৌরীর অর্চনা করে-ছিলেন। তার মধ্যে ছুটি পাতা কনিষ্ঠা ভগিনী কর্পূর-মঞ্জরীকে তিনি দেন!—কর্পূর-মঞ্জরী তার একটি পাতায় গৌরীর অর্চনা করেন—অন্যটিতে :—

মৃগনাভি-মসী দিয়া ছুটি শোলোক লিখি'
পাঠাইলা সখী তব এ কেতকী-পুষ্প-লিপি।

রাজা।—(খুলিয়া পাঠ)

“কুম্বের রসে হংসী পিঙ্গল বরণে তনু
করয়ে রঞ্জিত ;

হংসী-পতি হংস তাই ভাবি' তারে চক্রবাকী
হইল বঞ্চিত।

এক স্থানে থাকিয়াও তিলান্নিও তব দৃষ্টি
নাহি আমা পানে ;

বুঝি এই কষ্ট মোর —নিজ পূর্ব-দুষ্কৃতির
ফল পরিণামে।”

(ছুই তিনবার পাঠ করিয়া) এই অক্ষরগুলিকে মদনের রসায়ন বলেও হয়।

বিচক্ষণা।—প্রিয় সখীর অবস্থা বর্ণনা করে' দ্বিতীয় কবিতাটি আমিই রচনা করেছি, মহারাজ পাঠ করুন।

রাজা।—(পাঠ)

তোমার বিরহে, ঐ'র —দীর্ঘ দিবানিশা-সহ—
নিঃখাসো দীর্ঘ অতিশয় ;

মণি-বলয়ের সাথে স্থালিত হয় গো ঐ'র
নেত্র হতে অশ্রু-বিন্দুচয় ;

উদ্বেগিনী তনুলতা শুকায় যেতেছে দিন দিন
তা-সহ জীবিত-আশা, ক্রমশঃই হইতেছে ক্ষীণ।”

বিচক্ষণা।—আমার জ্যেষ্ঠা ভগিনী সুলক্ষণা ঔর
অবস্থা বর্ণনা করে' এই পত্রে যে শ্লোকটি লিখেছেন,
মহারাজ তা' শুনুন।

হারগাছি-সমতুল্য স্নদীর্ঘ নিখাস সদা বহে ;
চন্দনে যজ্ঞা দেয় ; চন্দ্রমা তনুরে শুধু দহে ;

স্মৃতি-সম মুখেতেও হাস্য শোভা যেন গো মিলায় ;
অঙ্গুলি পাণ্ডুবর্ণ দিবসের শশিকলা-প্রায়।

তোমা-তরে হে স্নন্দর ! অশ্রুবারি হয়ে বিগলিত
সরিৎ-আকারে যেন অহর্নিশ হয় প্রবাহিত।

রাজা।—(নিঃখাস ফেলিয়া) কি আর বলুব !
সুকবিষে ইনি তোমার জ্যেষ্ঠা ভগিনীই বটেন।

বিদূষক।—এই বিচক্ষণা মহীতল-সরস্বতী ; আর
ঐ'র জ্যেষ্ঠা ভগিনী, ত্রিভুবন-সরস্বতী। ঐ'দের সঙ্গে
আমি আর টক্করা-টক্করি করুব না। তবে আমার
নিজের ধরণে মদনাবস্থা বর্ণনা করে' একটা কবিতা
লিখেছি, সেইটে শোনাই।

রাজা।—আচ্ছা, পড় দিকি, শোনা যাক্।

বিদূষক।—

জোছনা কত না উষ্ণ, চন্দন সে গরলের প্রায় ;
হার সে ক্ষতের ক্ষার, দেহ দহে রজনীর বায় ;
মুণাল করাল-বাণ, জলে শুধু তনুলতা জলে,
যদবধি হেরিয়াছি সে পঙ্কজ-বদন-মণ্ডলে।

রাজা।—বয়স ! কিঞ্চিৎ চন্দনরস তোমারও
লাভ হবে। এখন তাঁর সমস্ত বৃত্তান্তটা বল দিকি।
অস্তঃপুরে তাঁকে নিয়ে গিয়ে দেবী কি করলেন ?

বিদূষক।—তাঁকে মণ্ডিত, তিলকিত, ভূষিত ও
তোষিত করলেন।

রাজা।—বিচক্ষণা, তুমি বল, দেবী কি করলেন।

বিচক্ষণা।—

ঘরষিত হল অঙ্গে মুক্তিকা কোমল ;
কুম্বের পক্ষে তনু হইল পিঙ্গল।

রাজা।—

স্বর্ণ-কাস্তি হল যেন রসানে উজ্জ্বল ॥

বিচক্ষণা ।—

মরকত-নুপুরেতে ভূষিত চরণ
বয়স্কা সখীরা সবে করিল ধারণ ।

রাজা ।—

অধোমুখী তাঁর সেই পঙ্কজ-চরণ
নুপুর সে ভূঙ্গী সম করিল বেষ্ঠন ।

বিচক্ষণা ।—

শুক-পিচ্ছ-সম নীল পট্ট-বাস করে পরিধান ।

রাজা ।—

খর-বায়ু-সঞ্চালিত কদলীর দলাগ্র-সমান ॥

বিচক্ষণা ।—

নিতম্ব-ফলকে তার পদ্মরাগমণি-কাস্তি
হয় নিবেশিত ।

রাজা ।—

স্বর্ণ-শৈল-শিলা'পরে, ময়ূর করে গো যেন
নৃত্য প্রকটিত ॥

বিচক্ষণা ।—

কর-পদ্মযুগে তার, দেওয়া হ'ল বলয় মণির ;

রাজা ।—

অবনত-মুখে যেন, শোভা পায় মদন-তুণীর ।

বিচক্ষণা ।—

স্থাপিত হইল কর্ণে পরিপুষ্ট মুকুতার
উৎকৃষ্ট হার ;

রাজা ।—

তারকা-মণ্ডল যেন যতনে করয়ে সেবা
মুখচন্দ্র তার ।

বিচক্ষণা ।—

রতন-কুণ্ডল-যুগ দেওয়া হ'ল শ্রবণ-যুগলে ;

রাজা ।—

বদন-মদন-রথ, তাহে যেন ছই চক্রে চলে ।

বিচক্ষণা ।—

শোভন অঞ্জন দিয়া হ'ল তার নয়ন রঞ্জিত ;

রাজা ।—

নব-নীলোৎপল-শর স্মর যেন করিল সজ্জিত ।

বিচক্ষণা ।—

কুটিল অলক-মালা লুটাইয়া ললাটে বিরাজে ;

রাজা ।—

কৃষ্ণমৃগ রহে যেন পরিপূর্ণ শশাঙ্কের মাঝে ।

বিচক্ষণা ।—

কুম্ভ-গুচ্ছের রাশি কবরীতে রহে গো নিহিত ;

রাজা ।—

শশি-রাহু-মল্ল-যুক্ত তাহে যেন হয় প্রকটিত ।

বিচক্ষণা ।—

এইরূপে ইচ্ছামত তারে দেবী ভূষিলা যতনে ;

রাজা ।—

সাজান সুরভি-লক্ষ্মী যথা কেলি-কুম্ভ-কাননে ।

বিদূষক ।—মহারাজ ! আমি এখন একটা পারমার্থিক

তত্ত্ব বলি, শুনুন :—

দৃষ্টি যার মনোহর তরল ধবল,

তার উপযুক্ত কি গো এ ছার কজ্জল ?

সুবিস্তীর্ণ স্তন যার কলসের প্রায়,

এই ছার হার কি গো তাহে শোভা পায় ?

জঘন-ফলক যার শোভে চক্রাকারে,

কাঞ্চী-আড়ম্বর কেন তার চারিধারে ?

এমন সুন্দরী যে গো—ভূষণ তাহার

দূষণ নামের যোগ্য—কি কহিব আর ।

রাজা ।—(তাহাকে উদ্দেশ করিয়া)

ত্রিবলী-অঙ্কিত নাভি, তুঙ্গস্তন স্পর্শে বাহুমূল,

উজ্জ্বলিত সুনিতম্ব, সূচিকণ স্নানের ছকুল,

এসবে সূচিত হয় সৌন্দর্য্য তারুণ্য—নাহি ভুল ।

বিদূষক ।—(সক্রোধের স্বায়) ওগো ! আমি

ওঁকে সর্কালঙ্কারের সহিত বর্ণনা করলেম, আর তুমি

কি না ওঁর জল-লুপ্ত প্রসাধনের কথাটাই স্মরণ করুচ ?

তুমি কি মহারাজ শোনোনি ?—

সুন্দর যে স্বভাবতঃ অলঙ্কারে বিকসিত

হয় তার রূপ ।

সাঁচ্ছা মণি, বিভূষিত হইলে কাঞ্চনে, ধরে

শোভা অপরূপ ॥

রাজা ।—

বেশ-রচনার গুণে নিতম্বিনী সুন্দরীরা

মূঢ়-চিত্ত করয়ে হরণ ;

স্বভাব-সৌন্দর্য্য কিন্তু সুরসিক জনদের

হৃদয়েরে করে আকর্ষণ ।

শর্করা-সংযোগে কভু এই দ্রাক্ষারস

নাহি হয় আশ্বাদনে মধুর সরস ।

বিচক্ষণা ।—মহারাজ ঠিকই আজ্ঞা করেচেন ।

যে সুন্দরী পীনস্তনী আকর্ণ বিস্তৃত যার

নয়ন-অপাঙ্গ,



চন্দ্র-সম মুখচন্দ্র, লাবণ্য-প্রবাহে যার
সিক্ত সর্ক-অঙ্গ,
যতই কর না কেন বেশভূষা পরিপাটি
তাহাতে রূপ কি তার
তিলমাত্র হইবে বর্ধন ?
প্রকৃত কথাটি এই :— সকল ভূষণ দেহে
হইলেও সংযোজিত
আসলের না হয় খণ্ডন ॥

রাজা।—(বিদুষকের প্রতি) ওগো কপিঞ্জল!
বিচক্ষণার উপদেশটা শুনলে ?

কৃত্রিম সে অলঙ্কারে কি হইবে কাজ ?
প্রতারণা-তরে শুধু নটীদের সাজ ।
নিজ অঙ্গ হয় যদি জনমনোহর
তবেই সে অঙ্গনাকে দেখায় সুন্দর ।
অকৃত্রিম সুহৃৎ রূপরাশি, যে নারীর
সর্ক-অঙ্গ ছায়,
সুখের যৌবন-কালে বেশভূষা প্রসাদন
সে কি কভু চায় ?

বিচক্ষণা।—মহারাজ! আমি একটা কথা
নিবেদন করি, শুধু দেবীর নিয়োগেই আমি তাঁর
অনুগত হইনি। কপূর-মঞ্জরীর সঙ্গে আমার “তার-
মৈত্রী” বন্ধুত্ব জন্মেছে;—প্রথম দৃষ্টিতেই আমরা
পরস্পরকে ভালবেসেছি। এই জন্তই তাঁর কাজে
আমার এত অহুরাগ। আবার সেবিকার ভাবে
একটা কথা মহারাজকে নিবেদন করি, শুনুন :—

পরীক্ষিতে তাপ তাঁর সখীগণ স্তনদেশ
দেখে হাত দিয়া,
তাপদগ্ধ হয়ে কিন্তু সেই হাত পুনঃ পুনঃ
লয় সরাইয়া ।
এ হতে অধিক আছে সুখকর ত্রাসকর
কথা এক—করুন শ্রবণ :—
হস্তছত্রে নিবারিয়া চন্দ্রের কিরণ, তিনি
বিভাবরী করেন বাপন ।

শেষে যা স্থির হল, কপিঞ্জল তা মহারাজের কাছে
এখন নিবেদন করুবেন। আর সেইমত মহারাজেরও
কাজ করিতে হবে।

রাজা।—কি স্থির করুলে, বল ।
বিদুষক।—আজ দোল-চতুর্থী। আজ দেবী,

কপূর-মঞ্জরীকে গৌরী সাজিয়ে দোলায় চড়াবেন।
আর, মহারাজ মরকতকুঞ্জে থেকে তাঁর সেই দোলন
দেখবেন, এইরূপ স্থির হয়েছে। দেবী এত চতুরা
হয়েও বিলক্ষণ প্রতারণিত হয়েছেন। কথায় বলে,
“বুড় বিড়ালী ছুধ মনে করে’ বোল থায়”—এ ঠিক
তাই হয়েছে।

রাজা।—তোমার মত কাজের লোক কি আর
দুটি আছে? সমুদ্রের বৃদ্ধি চন্দ্র ছাড়া আর কে
করিতে পারে বল ?

(পরিক্রমণ করিয়া কদলী-গৃহে প্রবেশ)

বিদুষক।—এই স্ফটিকমণির উচ্চ বেদিকা।
প্রিয়সখা, এইখানে তুমি বোসো।

রাজা।—(তথা করণ)

বিদুষক।—(হাত তুলিয়া) ওগো! ঐ দেখ
পূর্ণিমার চাঁদ।

রাজা।—(দেখিয়া) এই যে! আমার প্রিয়া
দোলায় উঠেচেন—তাই ঐ চাঁদমুখটিকে পূর্ণিমার চাঁদ
বলে’ কপিঞ্জল নির্দেশ করুচে। (চারিদিকে
অবলোকন করিয়া)

সমাচ্ছন্ন করি’ যত পুরনারীগণের আনন,
লাবণ্য-জ্যোৎস্না-জলে প্রফালিয়া গগন-প্রাঙ্গণ,
দর্শক-রমণীদের হৃদয়-নিহিত দর্প
একেবারে করিয়া দলন,
দোলা-লীলাভরে, কিবা সরল তরল ভাবে
দেখা দেয় ওই চন্দ্রানন।

অপিচ :—

সুধবল-ধ্বজ-পটে শোভমান উচ্চ পুরদ্বারে
সুর-নারী-ব্যোমযান ঘণ্টারবে যেমতি সঞ্চারে,
সেইরূপ দোলাখানি জনচিত্ত করিয়া হরণ
উর্দ্ধ-অধঃ-আকর্ষণে, কভু করে প্রাকার লঙ্ঘন,
কভু বেগে ওঠে নামে, আসে যায়—অতি মনোরম।

অপিচ :—

রম্-বাম্-রম্-বাম্ বাজে কিবা রতন-নুপুর ;
বান্-বান্ বাজে হার—মেথলার কিঙ্কিণী
ঝিনি-ঝিনি বাজে সুমধুর ;
চঞ্চল বলয়াবলী—শিঞ্জাধ্বনি তাহে মনোরম ;
চন্দ্রাননা ললনার এ হেন হিন্দোল-সীলা
কার চিত্ত না করে হরণ ?

বিদূষক।—ওগো! তুমি তো স্বত্রকার—আমি
আবার বৃত্তিকার হয়ে সবিস্তারে বর্ণনা করি শোনো।

উপরিস্থ-স্তন-ভারে হইয়াছে ভারাক্রান্ত
চরণ-কমল-যুগ তার।

নূপুর-শিঞ্জিত-রবে মনমথ যেন ডাকে
কামী জনে করিয়া ফুৎকার।

দোল-লীলা-ম্পর্ষট চক্র-সম গোলাকার
সুন্দরীর জঘন-পরিসর।

কাঞ্চী-মণি-কিঙ্কিনী রব-চ্ছলে করে ব্যক্ত
হরষের অক্ষুট স্বর।

দোলনের আন্দোলনে সরি' সরি' পড়ে যেই
মুক্তাবলী-হার

—পুষ্পবাণ-নৃপতির কীর্তি-লতা যেন উহা
করে গো বিস্তার।

সম্মুখের সমীরণ সরায়ে উপরি-বস্ত্র
অন্ত অঙ্গ করে প্রদর্শন ;

—মদনে ডাকিয়া আনি আদরে যতনে যেন
পার্শ্বদেশে করয়ে স্থাপন।

শ্রবণ-ভূষণ ছুটি কুঙ্কম-লিপ্ত গণ্ড
ঘরষয়ে দোলনের বলে ;

কতবার হ'ল দোল সকোতুকে তারি যেন
সংখ্যাপাত করে রেখাচ্ছলে।

দীঘল নয়ন ছুটি ঝাটুতি হয় গো ফুল
কৌতূহল-স্বখে ;

পঞ্চবাণ মনমথ পদ-শর যোড়ে যেন
আপন ধনুকে।

দোলনের রসে ভঙ্গ কতু যাতে নাহি ঘটে,
স্মর তাই হয়ে সমুৎসুক,

থাকি থাকি বারম্বার হানে যেন পৃষ্ঠ-দেশে
বেণী-রূপ মদন-চাবুক।

এ-হেন বিলাসোজ্জ্বল দোলনের চিত্র মনোহর
কার চিত্তে নাহি লিখে স্ননিপুণ স্মর-চিত্রকর ?

রাজা।—(সবিষাদে) এ কি! কপূর-মঞ্জরী
দোলা থেকে নেমেছেন দেখচি। আহা! শূন্য ঐ
দোলা—শূন্য এ হৃদয়—শূন্য আমার এই দর্শনোৎসুক
নয়ন-ছুটি।

বিদূষক।—আহা! বিহ্বলতার মত একবার
দেখা দিয়েই অদৃশ্য হলেন।

রাজা।—ও কথা বোলো না। বরং বল, রাজা

হরিশঙ্করের পুরীর মত দেখা দিয়েই অদৃশ্য হলেন।
(স্মরণের অভিনয় সহকারে)

মাজিষ্ঠী-বরণ ওষ্ঠ অঙ্গ-বষ্টি—অভিনব
কাঞ্চন-সদৃশ সমুজ্জ্বল ;

বাল-ইন্দু-ধবলিমা, বিজয়িনী চারু দৃষ্টি,
অঞ্জনাভ সূচাকু কুস্তল ;

হরিণী-চঞ্চল আঁখি, কতরূপ রেখা এতে
করয়ে বিলাস ;

মহাদর্প কন্দর্প যুব-জন-জয়ে যেন
পূর্ণ-অভিলাষ।

বিদূষক।—এই সেই মরকত-কুঞ্জ। দেখ প্রিয়-
সখা, তুমি এইখানে বসে' তাঁর প্রতীক্ষা কর।
সন্ধ্যাও নিকটবর্তী। (উভয়ের তথাকরণ)

রাজা।—এমন শীতল যে হিমালয়, এও সস্তাপ-
দায়িনী বলে' আমার মনে হচ্ছে।

বিদূষক।—রাজলক্ষ্মী-মাত্র সহচরীকে নিয়ে এখন
তুমি এখানে একটু বসো মহারাজ ; আমি ততক্ষণ
শীতল উপচার-সামগ্রীর আয়োজন করি। (প্রহান
করিয়া সম্মুখে অবলোকন) ও কে ?—বিচক্ষণা
এই দিকে আসচে না কি ?

রাজা।—তুই মন্ত্রীর কথা-মত সঙ্কেত-কাল যেন
নিকটবর্তী।

হস্ত-পদ কিসলয় নেত্রযুগ কুবলয়,
মুখ ইন্দু-প্রায় ;

তলুটি চাঁপার কলি, তবু চিত্ত উঠে জলি
কি আশ্চর্য্য হয় !

বিদূষক।—(সম্যক অবলোকন করিয়া) এই
যে! বিচক্ষণা শীতল উপচার-সামগ্রী নিয়ে এই দিকে
আসচে।

(উপচার-সামগ্রী লইয়া বিচক্ষণার প্রবেশ)

বিচক্ষণা।—(পরিক্রমণ করত) আহা! প্রিয়-
সখীর বিষম বিরহজ্বর উপস্থিত।

বিদূষক।—(নিকটে আসিয়া) ওগো! এ সব
কি ?

বিচক্ষণা।—শীতল উপচার-সামগ্রী।
বিদূষক।—কার জন্ত ?

বিচক্ষণা।—প্রিয়সখীর জন্ত।
বিদূষক।—ওর অর্ধেক আমাকে দেও।



বিচক্ষণা।—কি জন্তু ?

বিদূষক।—মহারাজের জন্তু।

বিচক্ষণা।—কারণটা কি ?

বিদূষক।—কপূরমঞ্জরীর কারণটাই বা কি ?

বিচক্ষণা।—তা তুমি জান না ?—মহারাজের দর্শন ভিন্ন আর কি কারণ হ'তে পারে ?

বিদূষক।—তুমিও তা কি জান ? কপূর-মঞ্জরীর দর্শন ভিন্ন আর কি হ'তে পারে ?

বিচক্ষণা।—আচ্ছা, মহারাজ এখন কোথায় ?

বিদূষক।—তোমার কথা-অনুসারে তিনি এখন মরকত-কুঞ্জে আছেন।

বিচক্ষণা।—আচ্ছা, তুমিও মহারাজের সঙ্গে মরকত-কুঞ্জে একটুখানি অপেক্ষা কর। ছজনের দেখা-সাক্ষাৎ হয়ে গেলে, এই শীতল উপচার-সামগ্রী-গুলিকে জলাঞ্জলি দেওয়া যাবে।

বিদূষক।—(তাহাকে টানিয়া) জলাঞ্জলি ?—আমসো! তোরই জলাঞ্জলি হোক! (পুনর্বার তাহাকে ঠেলিয়া) আমায় কি এখন দ্বারদেশে থাকতে হবে ?

বিচক্ষণা।—দেবীর আদেশ-ক্রমে কপূর-মঞ্জরী আস্চেন।

বিদূষক।—কোথায় আস্চে আদেশ করেচেন ?

বিচক্ষণা।—দেবী বেখানে তিনটি গাছের চারা বসিয়েচেন।

বিদূষক।—কি কি গাছের চারা ?

বিচক্ষণা।—কুরুবক, তিলক, অশোক।

বিদূষক।—তাতে হবে কি ?

বিচক্ষণা।—দেবী এইরূপ বলেচেন :—

“কুল ধরে কুরুবক কামিনীর আলিঙ্গনে ;

—দরশনে, তিলকের

কুসুম-বিকাশ ;

অশোক পুষ্পিত হয় কামিনীর পদাঘাতে ;

“সাধ” দিয়া তাহাদের

পূর’ অভিলাষ।”

এখন তিনি তাই করবেন।

বিদূষক।—আচ্ছা, তবে প্রিয়সখাকে মরকতকুঞ্জ থেকে নিয়ে এসে তমালতরুর আড়ালে রেখে দি। তা হলে সেখান থেকে তিনি দেখতে পাবেন। (রাজার প্রতি) ওগো! ওগো! ঐ তোমার হৃদয়-সমুদ্রের চন্দ্রলেখা—একবার উঠে দেখ!

রাজা।—(তথাকরণ)

(বিশেষরূপে বিভূষিত হইয়া কপূরমঞ্জরীর প্রবেশ)

কপূরমঞ্জরী।—বিচক্ষণা কোথায় গেল ?

বিচক্ষণা।—(নিকটে আসিয়া) সখি! দেবীর আদেশমত কাজ কর।

রাজা।—বয়স! কাজটা কি বল দিকি ?

বিদূষক।—তমাল-গাছের আড়াল থেকে লবই জানতে পারবে।

রাজা।—(তথাকরণ)

বিচক্ষণা।—এই কুরুবক।

কপূরমঞ্জরী।—(কুরুবককে আলিঙ্গন)

রাজা।—পীনস্তনী সুন্দরীর আলিঙ্গন-ভরে

অকস্মাৎ কুরুবক পুষ্পরাশি ধরে ;

ঐরি মধ্যে মধুপেরা পাইয়া সন্ধান

ওরি দিকে দেখে সবে হয় ধাবমান।

বিদূষক।—ওগো! ইন্দ্রজালের কাজটা একবার দেখ :—

শিশু-তরু হইয়াও কুরুবক, তরুণীর
লভি’ আলিঙ্গন,

মদন-শরের মত পুষ্প কত রাশি রাশি
করে উদ্গিরণ।

রাজা।—দোহদের প্রভাবই এইরূপ।

বিচক্ষণা।—আর এই তিলক-তরু।

(কপূর-মঞ্জরী আড়-দৃষ্টিতে অনেকক্ষণ
ধরিয়া অবলোকন)

রাজা।—

তীক্ষণ তরল দৃষ্টি অঞ্জনে ভূষিত

—পঞ্চশর যার পাশে নিত্য অবস্থিত

এ হেন সে মুগাক্ষীর চারু-নেত্র-কটাক্ষের বলে

শাখা-শিরে দন্তসম ফুটে পুষ্প রোমাঞ্চের ছলে।

বিচক্ষণা।—এই অশোক-তরু।

(কপূরমঞ্জরীর চরণাঘাত)

নুপুর রণিত করি’

চন্দ্রাননা করে যবে

অশোকেরে পদাঘাত

লীলা-ভঙ্গিমায়,

অমনি গো তরুটির

সমস্ত শাখাগ্র-পরে

স্তবকে স্তবকে পুষ্প

দিব্য বাহিরায়।

গগন-অঙ্গন হ'ল দেখিবার যোগ্য বস্তু
সম্ম-বিকশিত ওই
পুষ্প-মহিমায় ।

বিদূষক ।—ওগো বয়স্তু ! দেবী যে স্বয়ং গাছদের
“সাধ” দিলেন না, তার কারণটা কি জান ?

রাজা ।—তুমি জান ?

বিদূষক ।—যদি দেবী রাগ না করেন তো বলি ।

রাজা ।—বলতে দোষ কি ?—যুক্তকণ্ঠে বল ।

বিদূষক ।—

যৌবন বিগত হলে থাকিতেও পারে অঙ্গে
অঙ্গনার রূপের বিকাশ,
কিন্তু ওগো যৌবনেই সৌন্দর্য্য-অধিষ্ঠাত্রী
দেবতার সাধের নিবাস ।

রাজা ।—তোমার অভিপ্রায়টা তো শুনলেম ।
আমি কিন্তু একটা কথা বলি ।

ষোড়শী বালারা দেখ অধীর-হৃদয় অতি
অভিনব কোতুহল-বশে ;
কিন্তু গো আনতস্তনী প্রগল্ভা নারীই শুধু
পক স্বর-রহস্যের রসে ।

বিদূষক ।—মহুস্কোর কথা দূরে থাক, তরুরাও
দেখ সৌন্দর্য্য-রহস্য-বশে বিকশিত হচ্ছে । এরা কিন্তু
রতি-রহস্য জানে না ।

(নেপথ্যে)

বৈতালিক ।—মহারাজের সুখ-সন্ধ্যা হোক !
লোক-লোচনের সাথে পদ্মবনে করি' অর্ধ-
নিদ্রায় মগন,
মানিনী-মানস-সাথে নিজ তীব্র তীক্ষ্ণ ভাব
করিয়া মোচন,
মঞ্জিষ্ঠ-রক্তিম-চ্ছবি, চক্রবাক-মিত্র, পক-
নারদ-বরণ
দিনমণি ওই দেখ দ্রুতগতি অস্তাচলে
করয়ে গমন ।

রাজা ।—দেখ বয়স্তু, সন্ধ্যা হয়ে এল ।

বিদূষক ।—রতি-সংকেত-কাল উপস্থিত, তাই
বন্দীরা বল্চে ।

কপূরমঞ্জরী ।—সখি বিচক্ষণে! আমি তবে
যাই, সন্ধ্যা হয়ে এল ।

৩য়—২৪

বিচক্ষণা ।—আচ্ছা সখি, তুমি যাও ।

[পরিক্রমণ করিয়া সকলের প্রস্থান ।

ইতি দ্বিতীয় যবনিকান্তর ।

তৃতীয় যবনিকান্তর

(রাজা ও বিদূষকের প্রবেশ)

রাজা ।—(কপূরমঞ্জরীর উদ্দেশে)

চম্পকের কলিকারে দূর করি' দেও এবে,
কিবা কাজ বল হরিদ্রায় ?
তপত-কাঞ্চন-কাস্তি সুবিশুদ্ধ হইলেও
কেবা তারে আনে গণনায় ?
বকুল-কুসুমরাশি হইলেও নবোদগত
বল দেখি কিবা ফল তায় ?
নবোদিত ইন্দু-সম সুন্দর কিরণ যার
তার লাবণ্যের কাছে
ইহারা কোথায় ?

অপিচ :—

মরকত-মণিযুক্ত প্রসারিত হারগাছি-সম,
মালতীর মালা-সম অর্ধ-ঢাকা সুনীল অলিতে,
মুক্তকণ্ঠ-বিকীর্ণিত সেই চারু নেত্র অল্পম
গড়ায় শবণে তার—আর তা' প্রবিষ্ট এই চিতে ।

বিদূষক ।—ওগো বয়স্তু ! তুমি স্নেহের মত
বিড়বিড় করে' কি বল্চ বল দিকি ?

রাজা ।—বয়স্তু ! স্বপ্নে আমি যাকে দেখেছি,
তার কথাই এখন ভাবচি ।

বিদূষক ।—ব্যাপারটা কি বল দিকি বয়স্তু !

রাজা ।—দেখ, আমি আছি শুয়ে কেলি-শয্যা'পরে ;
দেখিছ স্বপ্নে,—সেই পঙ্কজ-বদনী
হস্তান্তরে আছে বসি, প্রহারিতে মোরে
তার পদ্ম-নেত্র-বাণে ; আমিও অমনি
অঞ্চল ধরিছ তার শিথিল করিয়া,
কিন্তু হাত ছাড়াইয়া গেল সুনয়নী,
সেই সঙ্গে নিদ্রা মোর গেল গো ভাসিয়া ।

বিদূষক ।—(স্বগত) এইরূপ তা হ'লে বলা যাক ।
(প্রকাশ্যে) দেখ বয়স্তু, আজ আমিও একটা স্বপ্ন
দেখেছি ।

রাজা ।—(সপ্রত্য্যাশে.) বল দিকি কিরূপ স্বপ্ন ?



বিদূষক।—স্বপ্ন দেখলেম, আমি গঙ্গার স্রোতের উপর শুয়ে আছি। মহাদেবের মাথার উপরে যে গঙ্গার চরণ চুষ্ত, সেই গঙ্গার জলে আমার সর্কান্ন ধুয়ে গেল।

রাজা।—তার পর—তার পর ?

বিদূষক।—তার পর, শরৎকালবর্ষী জলধারায় আমাকে গ্রাস করে' ফেলে।

রাজা।—আশ্চর্য্য! আশ্চর্য্য! তার পর ?

বিদূষক।—তার পর, ভগবান্ মর্ত্তও স্বাতি নক্ষত্রে চলে' গেলে পর, যে সমুদ্রে তাত্রপর্নী মিশেছে, সেই সমুদ্রে সেই মহামেঘও চলে' গেল। আমিও সেই মেঘের মধ্যে বসে' তারি সঙ্গে সঙ্গে চলেম।

রাজা।—তার পর, তার পর ?

বিদূষক।—তার পর, সেইখানে গিয়ে সেই মেঘ হুগ জলবিন্দু বর্ষণ করতে লাগল। তার পর সমুদ্রের মধ্যে যে কিছুক থাকে, তারা তাদের আবরণ উদ্ঘাটন করে' জলবিন্দুদের পান করলে, সেই সঙ্গে আমাকেও পান করলে। আমি দশমাষা-প্রমাণ মুক্তাকল হয়ে তাদের গর্ভে রইলেম।

রাজা।—তার পর, তার পর ?

বিদূষক।—তার পর,—

চৌষটি শুক্তি-স্থিত মেঘোৎপন্ন সেই সব
জলবিন্দুগণ
ক্রমে সুবর্ত্তুল স্বচ্ছ সমুজ্জল মুক্তা-রূপ
করিল ধারণ।

রাজা।—তার পর, তার পর ?

বিদূষক।—তার পর শুক্তিদের গর্ভে থেকে আমিও মুক্তাকল হয়েছি বলে' মনে করলেম।

রাজা।—তার পর, তার পর ?

বিদূষক।—তার পর উপবৃত্তকালে, সেই শুক্তি-দের সমুদ্র হতে উঠিয়ে এনে বিদারণ করা হল। আমি চৌষটি মুক্তাকলের আকারে ছিলাম। লক্ষ সুবর্ণ দিয়ে একজন শ্রেষ্ঠী আমাকে কিনে নিলে।

রাজা। আহা! স্বপ্নের কি বিচিত্রতা! তার পর, তার পর ?

বিদূষক।—তার পর, সেই শ্রেষ্ঠী একজন বেধ-কারকে এনে মুক্তাগুলিকে বিক্র করলে। আমারও একটু বেদনা উপস্থিত হ'ল।

রাজা।—তার পর, তার পর ?

বিদূষক।—তার পর,

প্রত্যেক সে মুকুতাটি দশ মাষা ওজনেতে
যার পরিমাণ

—তাহাতে গাঁথিয়া হার এক কোটি স্বর্ণমুদ্রা
হ'ল তার দাম।

রাজা।—তার পর, তার পর ?

বিদূষক।—তার পর একজন বণিক, একটা কোটায় করে' সেই হারটি, পাঞ্চালাধিপতি শ্রীবজ্জাম্বু-দেবের কাঙ্কুজ নগরে নিয়ে গেল; আর সেইখানেই কোটি সুবর্ণ-মুদ্রায় বিক্রয় করলে।

রাজা।—তার পর, তার পর ?

বিদূ।—তার পর,

রাজা, নিজ দয়িতার পীন-তুঙ্গ-স্তন-শোভা
করি' নিরীক্ষণ

আর সেই মুক্তা-হার- ছড়াটির চিত্তহারী
শোভা অতুলন,

অরপিতা কণ্ঠে তাঁর;—যত সব রসিক সূজন
ভালবাসে দেখিবারে সমানের যোগ্য সন্মিলন।

অপিচ :—

জ্যোৎস্নাময়ী রজনীতে মদনের শরাঘাতে
ব্রহ্ম হয়ে দৌছে যবে

হইলা মিলিত,

বন আলিঙ্গন-বশে সঞ্চালিত হ'ল স্তন
তাহার পীড়নে আমি

হনু জাগরিত।

রাজা।—(একটু হাসিয়া ও চিন্তা করিয়া)

এ মোর অলীক স্বপ্ন করিতেছি মনে মনে
আমি যে স্বপ্ন,

তারি পাণ্টা স্বপ্ন বলি' তুমি চাহ করিবারে
মোরে নিবারণ ?

বিদূষক।—দ্রষ্ট রাজা, ক্ষুধাক্রান্ত ব্রাহ্মণ, অসংযত হৃদয়, বাল-বিধবা, বিরহাতুর মনুষ্য,—এরা, আশা-রূপ মোদকে আপনাকে আপনি প্রভারণা করে। তা ছাড়া, জিজ্ঞাসা করি তোমায় সখা, এ সব কার প্রভাবে ঘটচে ?

রাজা।—প্রেমের।

বিদূষক।—যে প্রেম দেবীতে এত দিন বুদ্ধি পেয়ে এসেছে, সেই প্রেমের বশে তুমি কি এখন সর্কাসময় চক্ষে কপূর-মঞ্জরীকে নিরীক্ষণ করুচ ? দেবী কি তা অপেক্ষা রূপে গুণে কিছু কম ?

রাজা।—ও কথা বোলোনা।

কোনো কালে, কারো সনে ঘটে যদি প্রেমের বন্ধন,
রূপ নহে,—ওগো সখা বেশ জেনো—তাহার কারণ।
প্রেমই তো সন্ধান করে সৌন্দর্য্যেরে,

ভাঙতেই হইয়া উৎসুক,
তাই বলি বন্ধ হোক নিন্দাকারী ছরঞ্জন খলদের মুখ।
বিদূষক।—ওগো! এই যে “প্রেম—প্রেম”
সবাই বলে, এ প্রেম জিনিসটা কি?

রাজা।—মদনের আদেশক্রমে, পরস্পর-সম্মিলিত
নর-নারীর মধ্যে যে প্রণয়-গ্রহি নিবন্ধ হয়, পণ্ডিতেরা
তাকেই প্রেম বলেন।

বিদূষক।—সে কিরূপ?

রাজা।—

যাহাতে সরল-ভাব উভয়েরি আত্মমাঝে
হয় সমুদিত,
সংশয়-ঘটনা আদি সকল কলঙ্ক যাতে
সদা বিবর্জিত,
মনোভব-দত্ত সেই সার-বস্তু, প্রেম-নামে
জগতে বিদিত।

বিদূষক।—তাকে কি করে লক্ষ্য করা যায় বল
দিকি?

রাজা।—দৌহা-মাঝে পরস্পর সেই সে চঞ্চল দৃষ্টি
হয় নিপতিত

অপাঙ্গ পর্য্যন্ত যাহে উভয়ের চিত্ত যেন
হয় বিলুপ্তিত।

পূরে মন্থমথ-রস ক্রমে ক্রমে হয়ে বিবর্জিত
উভয়ের মনোভাব অচিরাৎ করে প্রকটিত।

অপিচ :—

অন্তর্নিবিষ্ট যাহে নানাবিধ বিলাস-বিভ্রম,
মদনে ভূষিত আর,—প্রেম তারে কহে সর্বজন।
হইলেও ছবুলক্ষ্য হয় যাহা প্রকটিত ভবে,
মহা-স্বর-ইন্দ্রজাল বলি’ তায় জানি মোরা সবে।

বিদূষক।—যদি চিত্তগত প্রেমই অহুরাগ উৎপন্ন
হয়, তবে এই সব অলঙ্কার-আড়ম্বরের বিড়ম্বনা কেন?
রাজা।—বয়স্তু! এ কথা সত্য।

মেখলা, নুপুর, বালা, মস্তক-ভূষণে কিবা ফল,
কি কাজ সৌন্দর্য্য, রূপে, কিবা কাজ অলঙ্কারে বল?
অপর এমন কিছু রমণীতে আছে গো নিশ্চিত—
সৌভাগ্য-মঞ্জরা যাতে তাহাদের হয় গো আর্জিত।

অপিচ :—

নৃত্য-গীতে কিবা ফল?—কিবা ফল মদিরা-সেবনে?
কি ফল অগুরু-ধূপে? কিবা ফল কুঙ্কম-লেপনে?
শোভা-সৌন্দর্য্য-রাশি আছে বটে ধরায় প্রচুর
কিন্তু মানুষের কাছে প্রেম-সম কি আছে মধুর?

অপিচ :—

চক্রবর্তি-রাজরাণী, গৃহস্থ-গৃহিণী আর
সামান্য যে অতি
—ইহাদের দৌহা-মাঝে প্রেমলাভে বিশেষত্ব
নাহি এক রতি।
মাণিক্য-ভূষণ, আর কুঙ্কম, বসন
—এ সবে হয় কি কভু প্রেম সংঘটন?

অপিচ :—

চঞ্চল লোচন কিম্বা চন্দ্রোপম সুন্দর আনন
অথবা উত্তম স্তন—এই সবে কিবা প্রয়োজন?
বিশেষ কারণ কিছু অবশ্যই আছে ধরণীতে
যাহাতে কভু না সরে রমণীরা হৃদয় হইতে।

বিদূষক।—তাই বটে। কিন্তু আর একটা কথা
আমি জিজ্ঞাসা করি, কৌমার-দশায় রমণীদের ততটা
সৌন্দর্য্য থাকে নাই বা কেন?—আর যৌবনে তাদের
সৌন্দর্য্য এত বৃদ্ধি পায় বা কেন?

রাজা।—

আছেন বিধাতা ছই, অবশ্যই এ জগৎ-মাঝে,—
—একটি নির্মাণ-দক্ষ, অশ্রুটি যৌবন-দান কাজে।
একজন প্রথমই করেন গো কুমারীর
অঙ্গাদি গঠন;
দ্বিতীয়, তাহাই পুন কুটায় তুলেন ক্রমে
করি’ উৎকিরণ।

রণিত বলয়, কাঞ্চী, শিজিত নুপুর, আর
মরকত-মণি-মালা, কাঞ্চন-নির্ম্মিত হার,
—যতই প্রবল হোক মদনের পঞ্চণর সম,
হৃদয়-হরণ-মন্ত্র এই যে গো নারীর যৌবন
—ইহাই গো মদনের ষষ্ঠ শব গণ্য;
ও-চেয়ে প্রবলতর কিবা আছে অশ্রু?

আরো দেখ :—

লাবণ্য-পূরিত অঙ্গ চিত্তহারী তারা বৃত্ত
আকর্ণ-প্রসারিত, চারু নেত্র ছটি,
পীন-পয়োধর-বক্ষ বর্জুল নিতম্ব-দেশ
ত্রিবিধি-অঙ্কিত-রেখা মুষ্টিগ্রাহ্য কটি,

তরুণীর যউবনে

এই পঞ্চ মদনের

রাজা।—(হস্ত ধারণ করিয়া)

জয়-বৈজয়ন্তী-রূপে করয়ে বিবাহ ;

উঠিয়া, গো চলাননা ! স্তনভার-মুভঙ্গুর

—অন্ত অপর দ্রব্যে বল কিবা কাজ ?

ওই তব কণী মধ্য

ভেঙে না ভোঙা না।

(নেপথ্যে)। সখি কুরঙ্গিকে ! নীহারপাতে
নলিনীর যেমন কষ্ট হয়, এই শীতল উপচারে আমারও
তেমনি কষ্ট হচ্ছে।

অমনি থাকো গো বসি, হেরিয়া ওরুপখানি

শমিত হউক মোর

নেত্রের বাসনা ॥

মৃগাল গরল-প্রায়, হারযষ্টি ভুজঙ্গম,

অপিচ :—

তাল-বৃন্ত-অনিলেতে অনলেরি বরষণ ;

যার লাভণ্যের কাছে দলিত হরিদ্রা সেও

ওই ধারা-যজ্ঞ-জলে যজ্ঞায় তনু জলে,

তুচ্ছ অতিশয় ;

চন্দন সে বিড়ম্বন—কোন ফল নাহি ফলে।

কি কনক, কি চম্পক, যার রূপের কাছে

মান হয়ে রয় ;

বিদুষক।—শুনলে প্রিয়বয়স্ক !—অমৃত-রসে প্রাণ
যে ভরে' গেল। তাপ-ক্রিষ্ট মৃগালিকাটি যে
এখনও উপেক্ষিত হচ্ছে ! দুঃসহ তপ্ত জলে কেলি-
কুঙ্কুম-ভূমি যে সিঞ্চিত হচ্ছে। পরিপুষ্ট মূক্তার কণ্ঠহার
যে ছিন্ন হচ্ছে ! “গ্রন্থিপর্ণ”ক্ষেত্রে কপ্তুরী-মৃগ যে
লুপ্তিত হচ্ছে। তোমার স্বপ্ন দেখি সত্যই ফল
সখা। এসো, ভিতরে প্রবেশ করা যাক। এইবার
তোমার মদন-পতাকা উত্তোলন কর। কণ্ঠস্বরে,
কোকিলের পঞ্চম-হৃদয়ার প্রবর্তিত কর। অশ্রু-প্রবাহের
বেগ একটু শিথিল কর। দীর্ঘ নিশ্বাসগুলি একটু
মন্দাভূত কর। তোমার লাভণ্য পুনর্বার নবভাব
ধারণ করুক। এসো, এখন আমরা খিড়কি-দ্বার
দিয়ে প্রবেশ করি। (উভয়ের প্রবেশ)

সেই সে তোমারে আজি হেরিল যে নেত্র-ছটি

—হরিণ-নয়না !

স্ববর্ণ-কুসুমে, আমি সেই ছটি নয়নেরে

করি গো অর্চনা।

(নায়িকা ও কুরঙ্গিকার প্রবেশ)

(সকলের নিশ্চয়মণ)

নায়িকা।—(সসাধবস স্বগত) ও মা, এ কি এ !
পূর্ণিমার চন্দ্র সহসা আকাশ থেকে নেমে এল না
কি ! কিম্বা নীলকণ্ঠ তুষ্ট হয়ে মনোভবের নিজ দেহ
আবার ফিরিয়ে দিলেন না কি ? কিম্বা যিনি আমার
হৃদয়ের দুর্জন, আর নয়নের সজ্জন, তিনিই কি
আমাকে দেখা দিলেন ? (প্রকাশ্যে) সখি কুরঙ্গিকে !
আমি যে ইন্দ্রজালের মত সব দেখছি।

রাজা।—(কপ্তুর-মঞ্জরীর হস্ত ধারণ করিয়া)

ও-কর পল্লব তব, মম হস্তে করিয়া স্থাপন,

মহুর-গমনে এবে মুহমন্দ কর সঞ্চরণ।

গতি-ভঙ্গী হেরি' যাতে কল-হংস-গতি

লোকের নয়নে হয় অপ্রিয় গো অতি।

(স্পর্শ-সুখ অভিনয় করিয়া)

ও-কর-পরশ-বশে

সমুদায় অঙ্গ মোর

হর্ষভরে হয়ে রোমাঞ্চিত,

* সপুস-শলাকা সৃষ্টি,

কদম্ব-কেশর আর

—এ-দুয়েরে করে পরাজিত।

(নেপথ্যে)

বিদুষক।—(রাজার হস্ত ধারণ করিয়া) ওগো,
এ ইন্দ্রজালই বটে !

নায়িকা।—(লজ্জিত)

কুরঙ্গিকা।—সখি কপ্তুরমঞ্জরি ! ওঠো ! মহা-
রাজকে অভ্যর্থনা কর।

নায়িকা।—(উঠিতে উদ্যত)

বৈতালিক।—চন্দ্রালোক মহারাজের সুখজনক হোক !

* দস্তা, রাং, ধাতুবিশেষ।

ভূমণ্ডল-লগ্ন তম বৃক্ষের আকারে শুধু
ইতস্ততঃ এবে দেখা যায় ;
নব-ভূর্জপত্র-সম পিঙ্গলবরণ-চ্ছবি
পূর্বাঙ্গিক হ'ল জ্যোছনায় ।
মুচুকুন্দ-কুম্বমের সুস্থ কেশর-সম
বরষি' কিরণ
কলা-কলা বুদ্ধি লভি' ক্রমে চন্দ্র পূর্ণবিশ্ব
করিল ধারণ ।

অপিচ :—

কি কুম্ব, কি চন্দন, কি কুণ্ডল, কি কঙ্কণ,
—এই সব, দিগ্‌বধু
না করে ধারণ ।
অশোষণ অমোহন মদনের অঙ্গ-সম
নভে পুঞ্জীভূত হ'ল
শশাঙ্ক-কিরণ ॥

বিদূষক ।—ওগো ! কনকচণ্ড তো চন্দ্রালোকের
শোভা বর্ণনা করলেন, এইবার মাণিক্য-চণ্ডের পালা ।
দ্বিতীয় বৈতালিক ।—

পুড়ে অগুরুর বাতি, জলে কত প্রদীপ উজ্জ্বল,
ঝালরে ঝুলিছে মুক্তা, মুক্ত আর পারাবত-দল,
সুসজ্জিত কেলি-শয্যা, দূতীগণ করে জলপনা,
শয্যাপাশে দাঁড়াইয়া আছে যত মানিনী ললনা,
—এ হেন বিলাসময় কেলি-গৃহ রহে অগণনা ।

অপিচ :—

কপূরের চূর্ণ যেন দিগ্‌বধুর চারু মুখে
করিয়া অর্পণ,
চিকণ জ্যোছনা-রাশি নন্দন চন্দন-সম
করি' বিকিরণ,
জীর্ণ কন্দর্পের তরু বর্জিত করিয়া তুলি
সমস্ত ভুবন,
সজ্জল-জলদ-মুক্ত জলধারা রূপে ছায়
শশাঙ্ক-কিরণ ।

বিদূষক ।—

দিগ্‌বধুজনোত্তম * নভঃ-সরোবর-হংস
যার মনে হয়,
নিধুবন-তরু-কন্দ সেই চন্দ্র জনানন্দ
গগনে উদয় ।

* জন-উত্তম = জনোত্তম । উত্তম = কর্ণভূষণ ।

কুরঙ্গিকা ।—

যার গর্ভ-হেতু চন্দ্র যে মানিনী-মান-বস্ত্র *
—বিষম হৃৎকয় ;
চম্পক-কোদণ্ড যার, প্রচণ্ড কন্দর্প সেই
—তারি জয় জয় ।

(কপূর-মঞ্জরীর প্রতি) প্রিয়সখি ! তোমার
রচিত চন্দ্রের বর্ণনাটা মহারাজের সম্মুখে পাঠ করি ।

কপূর-মঞ্জরী ।—(লজ্জিতা)

কুরঙ্গিকা ।—(পঠন)

বিরাজে যুগাঙ্ক শশী নিজ শুভ্র মণ্ডল-অন্তরে ।
কেলি-কোকিলটি যেন করিদস্ত-গঠিত পঙ্করে ॥

রাজা ।—আশ্চর্য্য ! কপূর-মঞ্জরীর অভিনব
অর্থ আবিষ্কারে কেমন দৃষ্টি ! শব্দগুলি কি রমণীয় !
—উজ্জ্বল কি বিচিত্রতা ! কি রসধারা !

ও সুন্দর মুখ তব, চন্দ্র বলি' ভ্রাস্তি যেন
কারো চিত্ত-মাঝে নাহি ঘটে কোনক্রমে ।
কালিমা-কলঙ্ক-যুত দেখ ওই শশাঙ্করে,
আর দেখ অকলঙ্ক নিজ চন্দ্রাননে ।

অপিচ :—

ধবল † খটিকা-রসে চিত্রিত করহ যদি
বদন-মণ্ডল ;
আর যদি হে সুন্দরি, কপোলে লেপন কর
কালিম কঙ্কণ,
তা হলেই তব ওই মুখের সহিত
চন্দ্র-ভ্রাস্তি ঘটিতে গো পারে কথঞ্চিৎ ।

(চন্দ্রকে উদ্দেশ্য করিয়া)

মুক্তশঙ্ক হে শশাঙ্ক ! ভ্রমণ কর কি তুমি
পরকীয়া নারীদের সনে ?
তাই উনি দণ্ডে চূর্ণ মাখাইয়া পাণ্ডু
করিলেন ও তব আননে ।

(নেপথ্যে মহাকোলাহল—সকলের শ্রবণ)

রাজা ।—এ কোলাহল কিসের জন্ম ?

কপূরমঞ্জরী ।—প্রিয়সখি ! এর কারণটা কি
জেনে এসো দিকি ।

* ঘরট-বস্ত্র = জীতা ।

† খটিকা = খড়ি ।

(কুরঙ্গিকার প্রস্থানান্তর পুনঃপ্রবেশ)

বিদূষক।—আমার মনে হয়, মহারাজ দেবীকে
যে বঞ্চনা করেছেন, তারই জ্ঞান এই কোলাহল।

কুরঙ্গিকা।—প্রিয়সখি! দেবীকে বঞ্চনা করে'
মহারাজ যে তোমার কাছে এসেছেন, এই কথা
জানতে পেরে দেবী এইখানে আসছেন। তাই কুল,
বামন, কিরাত, বর্ষধর, কঙ্কী প্রভৃতি অন্তঃপুরচারী-
দের এই কোলাহল।

কপূরমঞ্জরী।—(সভয়ে) তবে মহারাজ আমাকে
পাঠিয়ে দিন—আমি স্তম্ভ-পথ দিয়ে রক্ষাগৃহে যাই।
তা' হলে আর দেবী আমাদের মিলনের কথা জানতে
পারবেন না।

[সকলেয় প্রস্থান।

ইতি তৃতীয় যবনিকান্তর।

চতুর্থ যবনিকান্তর

(রাজা ও বিদূষকের প্রবেশ)

রাজা।—ওঃ! কি ভয়ানক গ্রীষ্ম! কি প্রচণ্ড
পবন! এ কি কখন সহ হয়?
কেন নাঃ—

এ জগতে, মদনের দুটি মুখ্য উপাদান
মনে হয় অতীব দুঃসহ;—
তীক্ষ্ণ-রবি-কবলিত ঘোরতর গ্রীষ্মকাল,
আর, প্রিয়জনের বিরহ।

বিদূষক।—
মদনে পীড়িত কেহ, কেহ বা গো নিদায়ে শোষিত,
আমা-বিধ জন কিন্তু দুয়েতেই সমান বর্জিত।

নেপথ্যে।—তবে কি তোমার মাথা মুড়িয়ে
দেব?

রাজা।—(হাসিয়া) বয়স! লীলা-বনের
স্বচ্ছন্দচারী গুণ পক্ষীটা বলে কি?

বিদূষক।—আরে ব্যাটা দাদী-পুত্র!—তোকে
শূলে দেওয়া উচিত।

নেপথ্যে।—আমার যদি পক্ষ না থাকত, তা
হলে তোমার পক্ষে সকলই সম্ভব হত।

রাজা।—(দেখিয়া) এ কি! পাখীটা উড়ে
গেল যে।

(বিদূষকের প্রতি)—

নিশার বিস্তার কমে, দিনমান করে বুদ্ধি লাভ;
স্বল্পস্থায়ী হয় শশী, রবি-বিষ ধরে চণ্ডভাব;
যে বিধির ক্রম এই, নিদাঘ-দিবসে,
ক্ষুধারে বিখণ্ডিত কেন না হবে সে?

কিন্তু যদি প্রিয়ার সহিত শুভ-সম্মিলন ঘটে,
তবেই গ্রীষ্মকাল স্থখের হয়।

মধ্যাহ্নে চন্দন-চর্চা, আ-সন্ধ্যা পরিধান
জলার্দ বসন;
আ-প্রদোষ জলক্রৌড়া, সায়াহ্নে স্নানীতল
মদিরা সেবন;
নিধুবন রাজিশেষে —এই পঞ্চশর জেনো
প্রবল বিজয়ী;
অবশিষ্ট শর যত ইহাদের তুলনায়
দুর্বল নিশ্চয়ি।

বিদূষক।—ও কথা বোলো না।

তাম্বুলী-লতার পত্র যে সময়ে পাণ্ডু-প্রভা
করয়ে বিস্তার;
যে সময়ে দেখা দেয় তৈল-সুমহুগ পূগ*
আর সহকার;

কপূর-চন্দনে যবে সুবাসিত হয় সর্বস্থান;
সেই সে নিদাঘ-কাল—হোক সখা তাহার কল্যাণ।

রাজা।—
পঞ্চস্বর-তরঙ্গিণী বেণুবাণধ্বনি যাহা শীতল শ্রবণে;
শিশির-সলিল-সহ বারুণী-মদিরা যাহা শীতল বদনে;
সচন্দন ঘন-সুন্দরী কামিনী যাহা শীতল শয়নে;
এই সব নিদাঘের ঔষধ-সমান,
—তাহারাই করে লাভ যারা ভাগ্যবান।

অপিচঃ—

শ্রবণে ভূষণরূপে শিরীষ-ফুলের কি বাহার;
স্তন-পরিমর-মাবো সিদ্ধুবার-কুহুমের হার;
অঙ্গ'পরে আর্দ্র-বস্ত্র, কটিদেশে উৎপল-মেথলা,
ছই হস্তে শোভা পায় অভিনব কিসলয়-বালা;
তাপ-ক্রিষ্ট নারীগণ—মধু-ঋতু হইলে গো শেষ,
ধরয়ে সস্তাপহারী এই সব মনোহর বেশ।

বিদূষক।—কিন্তু আমি বলিঃ—

মধ্যাহ্নে চন্দন ঘন সর্ব-অঙ্গে করিয়া লেপন,
সায়ংকালে নিরন্তর করাইয়া সজিলে মঞ্জর,

* পূগ—সুপারী।

শযাতলে বারিসিক্ত তালপত্র করিয়া ব্যজন,
নারীর দাসত্ব করে দেখ এই দুর্জয় মদন।

রাজা।—(স্মরণ করিয়া)

প্রতি অঙ্গে নব নব রূপ-ভঙ্গী যে করে ধারণ
—হেন প্রিয়তমা-সনে হয় যার শুভ-সম্মিলন,
দীর্ঘ হইলেও দিন—তার কাছে মুহূর্তের সম;
আর যার নাহি ঘটে প্রিয়া-সনে মধুর সঙ্গম,
দিনগুলি তার কাছে বোধ হয় যেন দীর্ঘতম।

(বিদূষকের প্রতি) বয়স! তাঁর সম্বন্ধে কোন
সংবাদ-বার্তা আছে কি?

বিদূষক।—আছে সখা। তাঁর সুভাবিত কথা
বলুচি, শোনো। যে দিন দেবী কপূর-মঞ্জরীকে
রক্ষাভবন থেকে সুড়ঙ্গ-দ্বার দিয়ে বেরিয়ে
যেতে দেখলেন, সেই দিন থেকে দেবী পাথর দিয়ে
সেই সুড়ঙ্গের মুখ বন্ধ করিয়ে দিলেন। অনঙ্গ-সেনা,
কলিঙ্গ-সেনা, কাম-সেনা, বসন্ত-সেনা, বিক্রমসেনা
এই সেনানামধারী পাঁচ জন চামর-ধারিণী দাসী প্রদীপ্ত
করমালধারী সহস্র পদাতিকের সহিত কারামন্দিরের
পূর্বদিক রক্ষণের জন্ত নিযুক্ত হল। আর অনঙ্গ-
লেখা, চিত্রলেখা, চন্দ্রলেখা, মৃগাললেখা, বিক্রমলেখা
এই লেখানামধারী পাঁচ জন সৈরিক্তী, পুঞ্জিতশরযুক্ত
ধনুহস্তে সহস্র ধাতুকী দক্ষিণদিকে স্থাপিত হ'ল।
আর কুন্দমালা, চন্দনমালা, কুবলয়মালা, কাঞ্চনমালা,
বকুলমালা, মঙ্গলমালা, মাণিক্যমালা, এই মালা-
নামধারী সাত জন তাম্বুল-করকবাহিনী, নব-শাণিত-
কুস্ত অস্ত্রধারী সহস্র পদাতিকের সহিত পশ্চিমদিকে স্থাপিত
হল। তাদের উপর আবার, মাদরাবতী, কেলিবতী,
কল্লোলবতী, অনঙ্গবতী এই বতীনামধারী পাঁচ জন
কনক বেত্রধারী সুভাবিতপাঠিকা পরিচারিকা কুমারী,
বন্দোনামধারী সেনার অধ্যক্ষরূপে নিযুক্ত হ'ল।

রাজা।—অহো! দেবীর এই সমস্ত সরঞ্জাম
অস্ত্রপুত্রেরই উপযুক্ত।

বিদূষক।—বয়স! ঐ দেখ, কি একটা কথা
নিবেদন করবার জন্ত দেবী সারঙ্গিকা নামক সখীকে
পাঠিয়েছেন।

(সারঙ্গিকার প্রবেশ)

সারঙ্গিকা।—মহারাজের জয় হোক! মহারাজ!
দেবী আপনাকে জানাতে বলেন, আজ এই চতুর্থ

দিবসে ভাবি-বট-সাবিত্রী-উৎসব হবে; এই উৎসব-
ব্যাপারে “কেলিবিমান” প্রাসাদে উঠে দেখতে
হবে।

রাজা।—দেবীর আজ্ঞা শিরোধার্য।

(দাসীর প্রস্থান এবং উভয়ের প্রাসাদ-অধিরোধ)

(চর্চরীর প্রবেশ)

বিদূষক।—

নৃত্যের বিরাম হলে, মুক্তা-আভরণধারী
চলিত-বসনা এই নর্তকীগণ
যন্ত্র-বিনিঃসৃত জল মণিময় পাত্রে ভরি'
পরস্পর গাত্রে দেখ করয়ে সিঞ্চন।

এ দিকে আবার!—

নর্তকী বত্রিশ জন আবদ্ধ হইয়া কিবা
বিচিত্র বন্ধনে,
নাচিতেছে ঘুরি ঘুরি তাল-লয়-অনুগত
সংযত চরণে।

আরো দেখ দণ্ডাকারে চলিতেছে “দণ্ড-রাশ”
তোমার অঙ্গনে।

অপর নর্তকীগণ রেখামাত্র না লজিয়া
হুই সারি হয়ে,

স্বন্ধে স্বন্ধে শিরে শিরে হস্তে হস্তে হয়ে এক
আর বাহুধয়ে,

নাচিয়া নাচিয়া চলে পরস্পর-অভিমুখে
শুদ্ধ তাল-লয়ে।

অপর নর্তকী-বৃন্দ রতন-কবচগুলি
করি' উন্মোচন

যন্ত্র-যোগে ধারাজল রঙ্গভরে-চতুর্দিকে
করয়ে ক্ষেপণ;

—সেই সব জলধারা পড়ে গিয়া প্রিয়জন-গায়
মনোভব মদনের স্মৃতিধন বারুণাজ-প্রায়।

এই বিলাসিনীগণ কালিম-কঙ্কণ-বর্ণ-তনু,
শিথি-পুচ্ছ-আভরণ ধরে—আর তীক্ষ্ণ আঁধি-ধনু;

ভীষণ ব্যাঘ্রের রূপ করিয়া ধারণ
দর্শকজনের করে হাস্ত উৎপাদন।

অপর নারীর দল মহামাংস করিয়া ধারণ,
শৃগাল-চীৎকার-সম করিতেছে হৃদয় ভীষণ;

রুদ্রমূর্তি নিশাচরী রাক্ষসী সাজিয়া কতিপয়,
ওই দেখ করিতেছে শ্মশান-দৃশ্যের অভিনয়।

কটির কিঙ্কণী বাজে, শিজিনী নূপুর-মাবে,
—ওই দেখে অস্ত্র নারী নর্তনে প্রবৃত্ত;
কণ্ঠ-গীতি উচ্ছ্বসিত —তাল-লয়-নিয়ন্ত্রিত,
দেখায় উহার সবে যোগিনীর নৃত্য।
অপর রমণীদল চঞ্চল যাদের বেশ
কৌতূহল-বেশ
—বাজায় মোহনবেণু; তাদের বিচিত্র ভাব
দেখি' লোকে হাসে।
—নাচি' নাচি' যায় চলি' করয়ে শ্রণাম;
শ্রণমিয়া চলে, আর হাসে অবিরাম।

(সারঙ্গিকার প্রবেশ)

সারঙ্গিকা।—(সম্মুখে অবলোকন করিয়া)
মহারাজ দেখি আবার মরুত-কুঞ্জ গিয়ে কদলী-
গৃহে প্রবেশ করেছেন। এইবার তবে নিকটে গিয়ে
দেবী যা জানাতে বলেছেন, জানিয়ে আসি। (অগ্রসর
হইয়া) মহারাজের জয় থোক! দেবী এই কথা
বলতে বলেন, আজ সন্ধ্যার সময় তিনি আপনার বিবাহ
দিয়ে দেবেন।

বিদূষক।—ওগো! এ অকাল-কুয়াণ্ডটা কোথেকে
এসে পড়ল?

রাজা।—সারঙ্গিকে! সমস্ত খুলে বল।

সারঙ্গিকা।—সমস্ত নিবেদন করুচি:—গত
চতুর্দশীতে দেবী পদ্মরাগ-মণিময়ী গৌরী তৈরি করে'
ভৈরবানন্দকে দিয়ে তার প্রতিষ্ঠা করালেন। আর
নিজেও দীক্ষা নিলেন। তার পর যোগীশ্বরকে
গুরুদক্ষিণার কথা জিজ্ঞাসা করলেন। যোগীশ্বর
বলেন, যদি গুরুদক্ষিণা দিতেই হয়, তা হলে, আমার
গুরুদক্ষিণাস্বরূপ, এই মহারাজকেই একটি কন্যা
দান করা হোক। দেবী বলেন, “যে আজ্ঞে গুরুদেব!”
যোগীশ্বর আবার বলেন;—“এই লাটদেশে চণ্ডসেন
নামে এক রাজা আছেন। তাঁর ছহিতার নাম ধনসার-
মঞ্জরী। দৈবজ্ঞরা শুনে বলেছেন, ইনি চক্রবর্ত্তি-গৃহিণী
হবেন। তাই মহারাজের সঙ্গে তাঁর বিবাহ দেওয়া
উচিত। এই গুরুদক্ষিণা যদি দেওয়া হয়, তা হলে
রাজা চক্রবর্ত্তী হতে পারেন।” তাতে দেবী হেসে
বলেন, গুরুদেবের আজ্ঞা শিরোধার্য। গুরুর এই
গুরুদক্ষিণার কথা জানাবার জন্ত দেবী আমাকে
পাঠিয়েছেন।

বিদূষক।—কথায় বলে, “মাথার উপর সর্প,

দেশান্তরে বৈদ্য” —এ যে তাই হল। আজ এখানে
হবে বিবাহ, আর লাটদেশে রইল ধনসার-মঞ্জরী!
রাজা।—ভৈরবানন্দের কতটা ক্ষমতা, তা কি
তুমি স্বচক্ষে দেখ নি? এখন ভৈরবানন্দ কোথায়?
সারঙ্গিকা।—প্রমোদ-উত্তানের মধ্যস্থিত চামুণ্ডা-
মন্দিরে, দেবী ভৈরবানন্দকে সঙ্গে করে' নিয়ে আস-
বেন। সেইখানে আজ দক্ষিণাদানের এই কৌতূহল-
জনক বিবাহের অনুষ্ঠান হবে। সেই জন্ত মহারাজকে
এইখানে এখন থাকতে হবে।

[পরিক্রমণ করিয়া প্রস্থান।

রাজা।—বয়স! আমার মনে হয়, এই সমস্ত
ভৈরবানন্দই ঘটিয়েছেন।

বিদূষক।—তাই বটে। কেন না, মৃগলাঞ্জন চন্দ্র
ব্যতীত কে আর বল, চন্দ্রকান্তমণি-পুতলিকাকে
আর্দ্র করতে পারে? শরৎ-সমীরণ ব্যতীত শেফালিকা-
পুষ্পকে কে আর বিকসিত করতে পারে?

(ভৈরবানন্দের প্রবেশ)

ভৈরবানন্দ।—এই বটতরুমূলে, উদ্ভাটিত সূড়ঙ্গ-
ঘারের আবরণ-স্বরূপ এই চামুণ্ডা। (করঘোড়ে শ্রণাম
করিয়া পঠন)

মহাকাল কল্লাস্তের কেলি-নিকেতনে বসি'
ধাতার সে কপাল-চষকে
যিনি গো করেন পান পুরাতন রক্ত-সুরা
মহানন্দে ঝলকে ঝলকে,
সেই সে চণ্ডীর জয়
গায় সর্ব-লোকে।

(প্রবেশ ও উপবেশন করিয়া) কপূর-মঞ্জরী
এখনও কেন সূড়ঙ্গ-ঘার দিয়ে বেরুচ্ছে না?

(উদ্ভাটিত সূড়ঙ্গ-ঘার দিয়া কপূর-মঞ্জরীর প্রবেশ)

কপূরমঞ্জরী।—গুরুদেব, শ্রণাম করি।

ভৈরবানন্দ।—যোগ্য বর লাভ কর, এইখানে
বসো।

কপূরমঞ্জরী।—(উপবেশন)

ভৈরবানন্দ।—(স্বগত) দেবী যে এখনও আস-
ছেন না?

(রাজার প্রবেশ)

রাজা।—(পরিক্রমণ ও অবলোকন করিয়া)

ধনসারমঞ্জরী

এই তো ভগবতী চামুণ্ডা। (প্রণাম ও অবলোকন) এ কি! কপূর-মঞ্জরীও যে এইখানে। এখন তবে কি করি? (ভৈরবানন্দের প্রতি) সমস্ত বিবাহ-সামগ্রী আমার নিজগৃহে এনে রেখেছি। সেইগুলি নিয়ে আমি এখনি আস্টি।

ভৈরবানন্দ।—আচ্ছা বৎসে! তাই করা হোক।
রাজ্ঞী।—(বারম্বার পরিক্রমণ)

ভৈরবানন্দ।—(হাসিয়া স্বগত) বুঝেছি, ইনি কপূর-মঞ্জরীর স্থান অন্বেষণ করিতে গেলেন। (প্রকাশে) বৎসে কপূর-মঞ্জরি! সুড়ঙ্গ-দ্বার দিয়া দ্রুতপদে গিয়ে স্বস্থানে থাকো। দেবী এখানে এলে আবার এসো।

কপূর-মঞ্জরী।—(তথাকরণ)

দেবী।—এই তো রক্ষাগৃহ! এ কি! এখানেও যে কপূর-মঞ্জরী। আমি বোধ হয়, তবে কপূর-মঞ্জরীর মত আর কাউকে সেখানে দেখে থাকিব। বাছা কপূর-মঞ্জরি! তোমার শরীর কেমন আছে? (আকাশে) কি বল্চ?—আমার শরীরে বেদনা—এই কথা বল্চ?

রাজ্ঞী।—(স্বগত) আচ্ছা, আবার তবে সেইখানে যাই। ওলো সখীরা! বিবাহ-সামগ্রীগুলি শীঘ্র নিয়ে আয়। (পরিক্রমণ)

(কপূর-মঞ্জরীর পুনঃপ্রবেশ ও সেইরূপে অবস্থান)

রাজ্ঞী।—(সম্মুখে অবলোকন করিয়া) এ কি! এইখানে আবার কপূর-মঞ্জরী?

ভৈরবানন্দ।—বৎসে বিভ্রমলেখে! বিবাহ-সামগ্রীগুলি কি আনা হয়েছে?

দেবী।—আনা হয়েছে। কিন্তু ধনসারমঞ্জরীর যোগ্য আভরণগুলি আনতে ভুলে গিয়েছি। আবার তবে যাই।

ভৈরবানন্দ।—আচ্ছা।

রাজ্ঞী।— [প্রস্থান।

ভৈরবানন্দ।—বৎসে কপূর-মঞ্জরি!—সেইরূপ আবার কর।

[কপূর-মঞ্জরীর প্রস্থান।

রাজ্ঞী।—(রক্ষাগৃহে প্রবেশ করিয়া কপূর-মঞ্জরীকে দেখিয়া) এই তো এইখানে কপূর-মঞ্জরী। সেও তা হ'লে দেখতে ঠিক কপূর-মঞ্জরীর মত—তাই আমার ভুল হচ্ছে। (স্বগত) অবাধ-সঞ্চারী

ধ্যানবিমানে করে' যোগীশ্বর বোধ হয় ধনসার-মঞ্জরীকে নিয়ে এসেছেন। (প্রকাশে) ওলো সখি, তোরা আমার কথামত সামগ্রীগুলি নিয়ে আয়। (চামুণ্ডা-মন্দিরে প্রবেশ করিয়া তাহাকে দেখিয়া) কি আশ্চর্য্য সাদৃশ্য!

ভৈরবানন্দ।—দেবি! বসুন। মহারাজও এলেন বলে'।

(রাজা, বিদূষক ও কুরঙ্গিকার প্রবেশ)

(সকলের যথাস্থানে উপবেশন)

রাজ্ঞী।—(নায়িকার প্রতি) ইনি মকরধ্বজেরই যেন মূর্তিমতী সম্পত্তি। শৃঙ্গার-রস-সঙ্গী যেন দেহান্তরে অবস্থিত। ইনি যেন পূর্ণিমা-চন্দ্রের দিবস-সঞ্চারিণী জ্যোৎস্না। অথবা যেন বহুমূল্য মাণিক্য-পেটিকা। কিম্বা রত্নময়ী অঙ্কন-শলাকা। অথবা ইনি বুঝি রত্ন-কুসুমের বসন্তলক্ষ্মী।

বিদূষক।—এই রূপ মনোহর যদি কভু হয় কারো নয়নগোচর, ধনুকে জুড়িয়া শর অমনি মদন করে তার চিত্ত-মাঝে বসতি স্থাপন।

বিদূষক।—(জনাস্তিকে) সখা! বুঝি বা তোমার মনস্কামনা পূর্ণ হয়। তবে কি না, তটে পৌছিলেও নৌকাকে বিশ্বাস নেই। তাই বলি, তুমি এখন চূপুটি করে' থাক।

রাজ্ঞী।—(কুরঙ্গিকার প্রতি) তুমি মহারাজকে সাজিয়ে দেও—আর সারঙ্গিকা ধনসারমঞ্জরীকে সাজিয়ে দিক্।

উভয়ে।—(উভয়ের বিবাহ-যোগ্য বেশভূষা সম্পাদন)

ভৈরবানন্দ।—উপাধ্যায় পুরোহিতকে ডেকে আনা হোক।

রাজ্ঞী।—মহারাজ! পুরোহিত কপিঞ্জল ঠাকুর এইখানেই রয়েছেন।

বিদূষক।—আমি তো প্রস্তুতই আছি। এসো এসো সখা, তোমার চাদরে গাঁট বেঁধে দি। এখন তোমার হস্ত দিয়া কপূর-মঞ্জরীর হস্ত ধারণ কর।

রাজ্ঞী।—(চমৎকৃত হইয়া) কপূর-মঞ্জরী কোথায়?

ভৈরবানন্দ।—(তার মনের ভাব বুঝিয়া বিদূষকের প্রতি) তোমার বিষম ভ্রম হয়েছে;—কপূর-মঞ্জরীরই আর একটি নাম ধনসার-মঞ্জরী।

রাজা।—(হস্ত গ্রহণ করিয়া)

“রঙ্গ-ধাতু-ফণকের স্বপ্নাগ্র ধেমতি স্ত্রীখণ,
কেতকী-কুম্ভ-গত গর্ভদল-কণ্টক যেমন,
সুন্দরীর তনুস্পর্শে তেমতি আমার
সর্ব-অঙ্গে হ’ল কিবা পুলক-সঞ্চারণ।

বিদূষক।—ওগো বয়স্ক! এইবার সাত পাক
দেও। অগ্নিতে লাজ্জালি নিক্ষেপ কর।

রাজা।—(সাত পাক দিয়া ভ্রমণ)

নায়িকা।—(ধূম-হেতু মুখ ফিরাইয়া অবস্থান)

রাজা।—(পরিণয়-সম্পাদন)

রাজ্ঞী।— [সপরিবারে প্রস্থান।

ভৈরবানন্দ।—পুরোহিতের দক্ষিণা দেওয়া
হোক।

রাজা।—দেওয়া যাচ্ছে। বয়স্ক! তোমাকে
একশত গ্রাম দান কর্লেম।

বিদূষক।—কল্যাণ হোক! (নৃত্য)

ভৈরবানন্দ।—মহারাজ, আপনার আর কি
প্রিয়কার্য্য করুব বলুন।

রাজা।—যোগীশ্বর! আমার এখন আর কি
প্রিয়কার্য্য আছে? কেন না?—

কুস্তলেশ-ছহিতার করস্পর্শে যে সুখ আমার,
সে সুখের তুলনায় মোর কাছে স্বর্গস্থখো ছার।
লভিলাম রমণীয় চক্রবর্তী রাজ্যার পদবী,
পালন করিব এবে সঘতনে সমগ্র পৃথিবী।

তথাপি এইরূপ যেন হয়:—

সত্যোতে আনন্দ লাভ করে যেন সজ্জন সকল,
নিত্য কষ্ট পায় যেন ছুষ্ঠবুদ্ধি ছুর্জনের দল।
সত্যানিশি হয় যেন হেথাকার ব্রাহ্মণ সকলে,
বয়স্ক সঞ্চিত মেঘ শস্ত্রোচিত সলিল ভূতলে।
লোভ-পরায়ণ যেন হয় সর্বলোক,
অহুদিন তাহাদের ধর্ম্মে মতি হোক।

ইতি শ্রীরাজশেখর-বিরচিত কপূর-মঞ্জরী সমাপ্ত

চণ্ডকৌশিক

জ্যোতিরিন্দ্রনাথ ঠাকুর অনুবাদিত

পাত্রগণ

পুরুষবর্গ

পুত্রধার ।
পারিপার্শ্বিক ।
রাজা হরিশ্চন্দ্র ।
বিদূষক ।
বনচর ।
বিঘ্নরাজ ।
কৌশিক (বিশ্বামিত্র)
পাপ-পুরুষ ।
ধর্ম ।—(চণ্ডাল ও কাপালিক-বেশধারী)
উপাধ্যায় ও বটু

রোহিতাম্ব ।—হরিশ্চন্দ্রের বালক পুত্র ।
ভৃঙ্গী ।—(শিবের অহুচর)
চণ্ডালদ্বয় ।
তাপস, সারথি, বেতাল ও অহুচর প্রভৃতি ।

স্ত্রীবর্গ

শৈব্যা ।—হরিশ্চন্দ্রের মহিষী ।
চারুমতি ।—শৈব্যার দাসী ।
হেমপ্রভা ।—প্রতীহারী ।
বিঘ্নাত্ময় ।

চণ্ডকৌশিক

প্রথম অঙ্ক

নান্দীর পর সূত্রধার

নান্দী

যে দেব ত্রৈলোক্য-ভেদে করেন সমস্ত লোক
সৃজন পালন সংহার ;
যাঁর মহা-বিশ্ব-ব্যাপী অষ্টবিধ-মুরতিতে
পরিব্যাপ্ত জগৎ-সংসার ;
নাহি যাঁর পূজ্য কেহ ;— সে শম্বুর নৃত্য-কালে
বলয়-রূপিণী-ফণি-ফণার ফুৎকারে
পূজায় যে পুষ্পাঞ্জলি পদতলে বিকীরিত
—পালন করুক তাহা তোমা স্বাকারে ।

অপিচ :—

“নয়নে অরুণ-রঙ্গ ললাটে জ্রুকুটি-ভঙ্গ
অধরেতে ঈষৎ স্ফুরণ ।

সুন্দরি! ও-মুখ-শোভা স্নান করে শশি-প্রভা
—মান ভাঙি কিবা প্রয়োজন ?

মানিনি লো! তব কোপ বরঞ্চ বর্দ্ধিত হোক”
—কহে হাসি’ এইরূপ শিব ।

দেবী তাহে দৃষ্ট-মন শিবে করে আলিঙ্গন,
—এতে হোক তোমাদের শুভ ॥

যোগানন্দ মন্দীভূত, গৌরী-মুখ-দরশনে
বিলাস-উল্লাস ।

কভু ভয়ে উৎকণ্ঠিত, চিন্তের বিকারে কভু,
মুহ মন্দ হাস ॥

ধম্ম আকর্ষিলে স্বর, দগধ করিয়া তারে
করুণায় বিগলিত মন ;

রতির ক্রন্দন শুনি’, নেত্র হতে বারি-ধারা
অজস্র হয় গো বরিষণ ;

—এ হেন শম্বুর দৃষ্টি তরল সে অশ্রুজলে
তোমাদের করুক রক্ষণ ।

সূত্রধার ।—অতি বাহুল্যে প্রয়োজন নাই । যে
রাজসিংহ দৃষ্ট অমাত্যদের অসংখ্য কুট-বুদ্ধি-জাল
সবেগে অতিক্রম করেন ; যাঁর এক জ্রুকুটি-ইঙ্গিতে
ক্ষুদ্র শত্রুরূপ অসংখ্য বণ্টক সমূলে নির্মূলিত হয় ;
যাঁর ভূজ-দণ্ডরূপ মন্দরে মস্থিত হয়ে সমর-সাগর হতে
রাজলক্ষ্মী সমুথিত হয়, এবং সমুথিত হয়ে স্বয়ং যাকে
পতিত্বে বরণ করে ;—তাঁর যশোগাথা পুরাবেত্তা-
গণ এইরূপ কীর্তন করেন :—

স্বভাবত সুহৃৎকোষ গভীর চাণক্য-নীতি
করিয়া আশ্রয়,

নন্দগণে পরাভবি’ চন্দ্রগুপ্ত পুষ্পপুর
করেন বিজয় ।

কর্ণাট-প্রদেশে আঞ্জি করিতেছে আধিপত্য
সেই নন্দ-কুলোদ্ভব

কোন এক নন্দ ;
তাহার নিধন-তরে চন্দ্রগুপ্ত হয়ে পুন

আসে রাজা “মহীপাল”
নাহি কোন সন্দ ।

সেই মহারাজ মহীপাল আমাকে আজ্ঞা করেছেন—

(পারিপার্শ্বিকের প্রবেশ)

পারি ।—মহাশয়! সেই রাজা কি আজ্ঞা
করেছেন ?

সূত্র ।—এই আজ্ঞা করেছেন,—“প্রসিদ্ধ-বিজয়-
প্রকোষ্ঠের প্রপৌত্র কবিবর ক্ষেমীশ্বরের কৃত
চণ্ডকৌশিক নামক অভিনব নাটক তোমরা অভিনয়
কর ।” সেই প্রসিদ্ধ কবি, নাট্য-বেদ-বিশারদ
বিজ্ঞা-কলাবিৎ লোক-ব্যবহারজ্ঞ সভাসদদের এইরূপ
বলেছেন :—

একেবারে দোষ-শূন্য কিম্বা গুণ-বিবর্দ্ধিত
এ জগতে কিছু নাহি হয় গো দর্শন ।

অতএব বলি শুন, দোষগুলি ঢাকা দিয়া
গুণগুলি প্রকাশিয়া কর বৃধগণ ॥

আচ্ছা, পারিপার্শ্বিক, নটেরা এখনও কেন তবে
সঙ্গীতের সহিত অভিনয় আরম্ভ করুচে না ?

পারি।—(সভয়ে অধোমুখ হইয়া) সেই গ্রহ-
ণের সময় যে দ্বিজবরকে দক্ষিণা দেবেন বলে' আপনি
প্রতিশ্রুত হয়েছিলেন, তিনি তা' না পাওয়ায় এখন
সেই নিমিত্ত অত্যন্ত কুপিত হয়ে আছেন। আর
এইজন্য নটেরাও অত্যন্ত ভাবিত হয়ে পড়েচে।

স্বত্র।—(ভীত ও চিন্তিত হইয়া পরে সহর্ষে)
দেখ মারিষ!

আজি সেই ব্রাহ্মণেরে করি' প্রতিশ্রুত দান
পালন করিব সত্য আমি গো নিশ্চয়।
রাজা হরিশ্চন্দ্র যথা রাখিলা প্রতিজ্ঞা নিজ
দারা-পুত্র আপনারে করিয়া বিক্রয় ॥

নেপথ্যে।—এসো এসো প্রিয়সখা!

স্বত্র।—(নেপথ্যাভিমুখে অবলোকন করিয়া)
এই যে, উকাপাতাদির আপদ-শান্তি করবার জন্ত
পুরোহিত বিতৃতরূপে বিবিধ অমুষ্ঠান আরম্ভ করে'
গোপনে মহারাজকে যে ব্রত-নিয়ম ও জাগরণের
উপদেশ দিয়েছিলেন, সেই ব্রতাদি সমাপন করে'
মহারাজ এখন উদ্বিগ্ন হয়ে ঐ দেখ অস্তঃপুরের দিকে
যাচ্ছেন।

নিজাবশে নৃপতির
চুলু চুলু অরুণ লোচন ;

জাগরণে মুখশ্রী
শুক শীর্ণ পদোর মতন ;

যুথত্রষ্ট নাগ যথা
দিবসান্তে বিরহ-বাণিত।

নৃপতির সেই ভাব
এবে যেন হয় গো লক্ষিত।

[প্রস্থান।

ইতি প্রস্তাবনা।

(জাগরণ-ক্রিষ্ট রাজা ও বিদূষকের প্রবেশ)

বিদু।—মহারাজ! রাজি-জাগরণে চুলু চুলু নয়নে,
কঙ্কপের মত একটু মুখ বের করে, চোখটি
খুলে অন্ধ মুষিকের মত পথ-ঘাট না দেখেই যে
ইতস্ততঃ বেড়িয়ে বেড়াচ্ছেন ?

রাজা।—বন্ধু! নিদ্রাই তো প্রাণীদের শরীর-
ধারণের প্রধান কারণ। কেন না, নিদ্রা:—

চিত্তেরে প্রসন্ন করে, লঘুতা প্রত্যেক অঙ্গে
করে আনয়ন ;

প্রতিভা-বিশেষে করে সমুজ্জ্বল ; আর, দোষ
করয়ে হরণ ;

ধাতু-সাম্য করে দান, যোগ-বিশেষের স্মৃতি
করয়ে অর্পণ।

আর, আমার দেখ না এখন কি অবস্থা হয়েছে:—

নিদ্রালয়ে সদা মোর গাত্র-ভঙ্গ হয় ;

ক্লান্তি-ভারে নিশ্চেষ্টে চিত্ত অতিশয় ;

মুখে মোর উঠে সত্ত্ব হাই থাকি থাকি ;

তরুণ তপনালোক নাহি সহে আঁধি।

আজ আবার কুলপতি গুরুদেব নিশা-জাগরণের
আদেশ কেন দিলেন ?—তাঁর অভিপ্রায় কি ?

বিদু।—আমার মনে হয়, বেশভূষায় সজ্জিত
হয়ে দেবী আপনার সহবাসের জন্ত উৎসুক হয়ে
থাকবেন; আর আপনি তাঁকে সেই সহবাস-স্মৃতি
হতে বঞ্চিত করে' একটা অনর্থ বাধাবেন—এই
তাঁর অভিপ্রায়; এ ছাড়া আর তো কোন অভি-
প্রায় আমি দেখতে পাইনে।

রাজা।—বয়স্শ! এখন পরিহাস রাখো।

বিদু।—মহারাজ! আপনার কাছে এ পরিহাস,
কিন্তু আপনার এই অনাথ বন্ধুটির পক্ষে এ একটা
মহা বিপদ।

রাজা।—(সোৎকণ্ঠ আশঙ্কা) আচ্ছা সখা!

এতে দেবী কি মনে করবেন বল দিকি ?

বিদু।—আমার তো মনে হয়, দেবী রাগ
করবেন।

রাজা।—তাই বটে, কোন সন্দেহ নেই। দেবীর
কোপের কারণও যথেষ্ট আছে।

“সচিবেরা ইহায়ে কি

রাজকার্যে রাখিল ধরিয়া ?

অথবা সে সখাদের

সখ্য-রসে গেল কি মজিয়া ?

কিন্তু বৃষ্টি গিয়াছে সে

অন্ত কোন প্রিয়া-সম্বন্ধানে

—তাই বৃষ্টি ধুঁকি এবে

নাহি আসে আমার এখানে।”

—এইরূপ প্রিয়া মোর কোপ-কষায়িত-নেত্রে
গলিতাশ্রু-ধৌত-আননে
নিখসিয়া মুহুর্ভু, আমারে বঞ্চক বলি'
কত কি ভাবিছে মনে মনে।

অপিচ :—

বেশ-ভূষা করি রঙ্গে বাপিল প্রদোষ-কাল
হয়ে অতি উৎসুক-অস্তর ;
তার পর চাহি' চাহি' আমার পথের পানে
কাটাইল দ্বিতীয় প্রহর।
“সে শঠ না এল” বলি' বিহ্বল হইয়া করি'
অশ্রু বিসর্জন,
বেশ-ভূষা তেয়াগিয়া, শয্যোপান্তে করি' মুহু
পার্শ্ব-বিবর্তন,
মিলনে হতাশ হয়ে, নিশা-শেষ কোনরূপে,
করিল যাপন।

(চিন্তা করিয়া) আহা ! নিশ্চয় সে নতজ :—

কেহ আসিতেছে দেখি', মম আগমন আশে,
বুধা ব্যস্ত হয়ে, উঠে অভ্যর্থনা-তরে ;
অমনি গো সখীগণ মুখ ঢাকি' সন্মোপনে
মুচকিয়া হাসাহাসি করে পরস্পরে।
তখন সে প্রিয়া মোর তাদের সম্মুখে
লজ্জার কাতর হয়ে থাকে অধোমুখে।

বিদু।—(হাত-সহকারে) মহারাজ ! গতাহু-
শোচনা করে' কেন বুধা ক্রোশ পাচ্ছেন ? আসুন,
আমরা সেখানে গিয়ে দেবীকে প্রসন্ন করবার চেষ্টা
করি গে।

রাজা।—তুমি ঠিক বলেছ, এসো তবে সেইখানেই
যাওয়া যাক্।

(পরিক্রমণ করিতে করিতে নিঃশ্বাস ফেলিয়া)

কিন্তু এখন দেখা করবার সময় নয়—সে
সময় চলে' গেছে ; তাই এখন আমার যেতে কষ্ট
বোধ হচ্ছে।

ছিন্ন-ছিন্ন কথা মোর কহিতেছিল সে যবে
পুনঃ পুনঃ করিয়া যোজনা,
আমার পথের পানে অবিরত ছিল চাহি'
যখন সে হরিণ-নয়না,
তুণমাত্র নড়িলেও আমি আসিতেছি বলি'
করিতেছিল গো কল্পনা,

সে সময়ে অলঙ্কিতে যাইয়া পশ্চাতে তার
সাদরে গো করিতাম
যদি আলিঙ্গন,
কিন্ধা এই করত্নয়ে নব-নীলানুজ-নিভ
নেত্র ছুটি করিতাম,
যদি আবরণ,
—তা হলে হইত তাহা
সময়-মতন।

বিদু।—(পরিক্রমণ ও নেপথ্যাভিমুখে অবলোকন
করিয়া) মহারাজ ! দেখুন দেখুন, চারুমতি দেবীর
নিকট সাজসজ্জার সামগ্রী সব এনে রেখেছে,
আর দেবী ঐখানে বসে' তার সঙ্গে কি কথা
কচ্ছেন।

রাজা।—(দেখিয়া সর্ঘে) কি আশ্চর্য্য !

কৃশাসী প্রেয়সী মোর শর-গৌর গণ্ডদ্বয়ে
পত্র-লেখা করিয়াছে এবে পরিহার।
আকর্ণ-বিস্তৃত নেত্রে নাহিক অঞ্জন আজি,
আলুলিত স্বভাব-কুঞ্চিত কেশ-ভার।
ধূসর ও-বিষাধর ; আশ্চর্য্য ! তথাপি কিবা
বিমল লাবণ্য,—তবু নাহি অলঙ্কার ॥

দৃশ্য—প্রাসাদ-অন্তঃপুর

চিন্তিতা শৈব্যা ও চারুমতি আসীনা।

শৈব্যা।—(খেদ সহকারে) ওলো চারুমতি !
এ সব নিয়ে যা, এ সব সাজ-সজ্জায় আর কি হবে ?
ছুঃখ-কষ্টে আমার হৃদয় এখন জ্বলে।

বিদু।—আহা ! এ'র দেখছি অত্যন্ত কষ্ট
হয়েছে।

রাজা।—সাদু দেবি সাদু ! তোমার যেরূপ
স্বভাব-সুন্দর দেহের গঠন, তাতে সাজ-সজ্জা তোমার
অবহেলার বিষয় হতেই পারে।

যে তাবুল-রাগ, তব অধর-লোলুপ
যে অঞ্জন, নয়নচূষন-উৎসুক,
যে হার চাহে গো তব কণ্ঠ আলিঙ্গন,
তাহাদের সে সমস্ত নিজ প্রয়োজন,
তোমার তাহার নাহে অঙ্গের ভূষণ।

বিদু।—মহারাজ ! আসুন, এইবার নিকটে
যাওয়া যাক্।

রাজা।—দেখ সখা! এইখানে লুকিয়ে থেকে
ওদের কি গোপনীয় কথাবার্তা হচ্ছে, শোনা যাক।
(তথা অবস্থান)

শৈব্যা।—(নিশ্বাস ফেলিয়া সাক্ষ-নয়নে) দেখ
চারুমতি! মহারাজ প্রথমে আশ্বাস দিয়ে শেষে কি না
আমাকে বঞ্চনা করলেন? আমার অদৃষ্টের পায়ে
গড় করি—তাকে আর বিশ্বাস নেই।

রাজা।—ওগো মানিনি!

ভাস্কর যখন হয় জ্বলদে আব্রুত
তখন নলিনী যদি হয় গো বঞ্চিত,
সে তো নহে নলিনীর প্রকৃত বঞ্চনা,
ভাস্করেও তাহে কেবা দেয় গো গঞ্জনা?

চারু।—ঠাকুরাণি! হুংখ করে' আর কি হবে?
রাজারা যে বহু-বল্লভ, সে তো জানাই আছে।

বিদু।—(সরোষে) আরে বেটী দাসি! তার
চেয়ে বল না কেন, রাজারা বহু কার্যে আসক্ত। কেন
মিছে মহারাজকে ওঁর অভিমান ও তিরস্কারের পাত্র
করিস্ বল দিকি?

রাজা।—সখা! এতে রাগ কোরো না।
দেখ:—

মান-গ্রস্থি দৃঢ়রূপে বাধিবার বিধি যত
জ্ঞানে সখীগণ।
ধন্য গো পুরুষ সেই প্রিয়ার যে হয় মিথ্যা
গঞ্জনা-ভাজন।

শৈব্যা।—(রোদন)

চারু।—ঠাকুরাণি! শাস্ত হও, শাস্ত হও। তুমি
অত্যন্ত ভাল মানুষ কি না, তাই তোমার কাছ থেকে
বেশি আদর পেয়ে, মহারাজের এত বুদ্ধি হয়েছে।
আমাকে যদি জিজ্ঞাসা কর, তা হলে আমি বলি,
দেখেও কিছু দেখবে না, মিষ্টি কথায় আলাপ করবে,
অথচ সারাদিন তিরস্কার করে' কষ্ট দিতেও
ছাড়বে না।

শৈব্যা।—তুই যা বলি, আমি সব করব, কিন্তু
তাকে দেখে আমার হৃদয় যদি বশে থাকে,
তবেই তো।

রাজা।—(স্বপ্ন নিকটে আসিয়া) প্রিয়ে!

আমারি অধীন হয়ে
যে মোরে রেখেছে বশে,

আপনারে নাহি পারে
বশে কি রাখিতে সে?

বিদু।—কল্যাণ হোক!

উভয়ে।—(ভয়ে ভয়ে নিকটে আগমন)

শৈব্যা।—(স্বগত) এ কি? মহারাজ যে।
আচ্ছা, এইরূপ তবে বলি; (প্রকাশে) মহারাজের
জয় হোক।

চারু।—(আশঙ্কা-সহকারে স্বগত) এ কি!
মহারাজ? আ ছি ছি! মহারাজ তবে দেখ চি
আমার সব কথাই শুনতে পেয়েচেন। আচ্ছা, এখন
তবে এইরূপ বলা যাক, (প্রকাশে) জয় মহারাজের
জয়! (আসন আনিয়া) এই আসন, এইখানে
মহারাজ বসুন।

(সকলের উপবেশন)

রাজা।—(অনেকক্ষণ নিরীক্ষণ করিয়া) প্রিয়ে!
প্রভাত-কমলের অন্তর্গত ভ্রমরীর মত তৃষিতা
হয়ে, আড়চোখে আমার পানে এক একবার চাচ্ছ,
আবার অল্প দিকে চোখ ফিরিয়ে নিচ্ছ, এর কারণ
কি বল দিকি? আর দেখ সুন্দরি!

ভূষণের অনাদরে যদিও গো হইয়াছে
আরো তব সৌন্দর্য্য-বিকাশ,
তথাপি গো উহাতেই হৃদয়-নিহিত তব
কোপ যে গো হতেছে প্রকাশ।

শৈব্যা।—(অস্থ্যা-সহকারে অবলোকন) নিজায়
অলস অবশ অঙ্গ, রাজি-জাগরণে চোখ-ছটি তুলুতুলু
রক্তবর্ণ—এতে মহারাজকে বেশ দেখাচ্ছে।
(অভিমান-ভরে অবস্থান)

রাজা।—(অনেকক্ষণ নিরীক্ষণ করিয়া সান্নয়নে)
প্রিয়ে! প্রসন্ন হও, আমার উপর রাগ কোরো না।

কুটিল জগতা কেন
পড়িয়াছে ললাটে লুটিয়া,
মদনের বৈজয়ন্তী
রূপ-ভাস্তি মনে উৎপাদিয়া;
সহসা কেন গো চণ্ডি
বিদ্বাধর হতেছে শ্ফুরণ,
বিকচ বন্ধু-বন্ধ
মুহু-বায়ে কম্পিত যেমন।

(অঞ্জলিবদ্ধ হইয়া)

মানিনি! প্রসন্ন হও
 কেন কোপ কর অকারণে ?
 আমি নহি তাহা, যাহা
 তুমি মোরে ভাবিতেছ মনে ।
 দণ্ড মোরে দাও প্রিয়ে!
 যাহা হয় উচিত বিধান ;
 দোষাদোষ-নির্দারণে
 কুলপতি সাক্ষাৎ প্রমাণ ।

(প্রতীহারীর প্রবেশ)

প্রতী।—জয় মহারাজের জয়! কুলপতির ওখান
 থেকে একজন তাপস এসেছেন ।
 রাজা।—হেমপ্রভা! তাঁকে সাদরে অবিলম্বে
 নিয়ে এসো ।
 প্রতী।—সে আজ্ঞে মহারাজ !

[প্রস্থান ।

(শান্তিজল হস্তে তাপসের প্রবেশ)

তাপস।—(সবিষ্ময়ে) অহো! আজ এ কি
 কাণ্ড ?
 না হলেও পৌর্ণমাসী অসময়ে কেন এই
 চন্দ্রের গ্রহণ ?
 কেন এই স্ত্রীভীষণ ঘোরতর দিগ্‌দাহ
 —কেন ভূকম্পন ?
 কেন এই উৎপাত ? কেন সূর্য্য-চারিদিকে
 মণ্ডল-পরিধি ?
 এ সব উৎপাত হতে ভাবী ফল না জানি কি
 ঘটাবেন বিধি ।

কিন্তু না, গুরুদেব যখন এই বিষয়ে চিন্তা
 করছেন, তখন এর পরিণাম নিশ্চয়ই শুভজনক
 হবে ।

শান্তি, স্বস্ত্যয়ন, দান, সাধু সংকীৰ্ত্তন
 আর, সৎ-বিপ্রদের আশীর্ব্বচন
 —এই সবে উৎপাতাদি হয় প্রশমন ।

তাই, গুরুদেব কুলপতি, স্বস্ত্যয়নের অবশিষ্ট
 সর্ক-বিষ্ম-নাশী শান্তিবারি, রাজা ও শৈব্যাকে দেবার
 জন্ত আমার হাত দিয়ে পাঠিয়ে দিলেন ।

(প্রতীহারীর প্রবেশ)

প্রতী।—আহ্নন মহাশয়, আহ্নন । (নিকটে
 গমন) ।

তাপস।—(নিকটে গিয়া) রাজন্! কল্যাণ
 হোক !

রাজা।—(ব্যস্তসমস্তভাবে উঠিয়া) মহর্ষি! অভি-
 বাদন করি ।

শৈব্য।—মহর্ষি! প্রণাম ।

তাপস।—রাজন্! বিজয়ী হও । দেবি! বীর-
 প্রসবিনী হও ।

রাজা।—(ব্যস্তসমস্ত হইয়া) আসন—আসন ।

প্রতী।—(আসন আনয়ন)

রাজা।—এই আসন, এইখানে বসুন ।

সকলে।—(উপবেশন)

রাজা।—হেমপ্রভা! যাও, তুমি দ্বার রক্ষা
 কর গে ।

প্রতী।—সে আজ্ঞে মহারাজ !

[প্রস্থান ।

তাপস।—রাজন্! গুরুদেব কুলপতি, নিশি-
 জাগরণের পর, সকলত্র আপনার অভিষেচনের
 জন্ত, স্বস্ত্যয়নের অবশিষ্ট তাঁর আশীর্ব্বাদী শান্তি-
 জল আপনার নিকটে পাঠিয়েচেন, গ্রহণ করুন ।

রাজা।—(সহর্ষে অঞ্জলি-বদ্ধ হইয়া) বড়
 অনুগ্রহ ।

তাপস।—

মন্ত্রপুত, পাপহারী, ক্ষান্ত-তেজ-বুদ্ধিকারী

স্বস্ত্যয়ন-অবশিষ্ট

পুণ্য এই বারি চমৎকার,

করুক তব কল্যাণ —করুক আনন্দ দান

সকল আপদ নাশ

করুক গো তোমা-সবাকার ।

(বারি-সিঞ্চন)

রাজা।—(শান্তিজল স্পর্শ করিয়া) এ কি !

এ যে সেই শান্তি-বারি ক্ষত্রিয়-বীজের যাহা

অক্ষুর-জনক

—যাহার প্রসাদে ধরে,

সূর্য্যবংশী নৃপগণ

উন্নত মস্তক ।

তাপস।—ওগো শৈব্য! গুরুদেব কুলপতির

আদেশ, তুমিও আজ গৃহদেবতা ও ব্রাহ্মণদের বিশেষ-
রূপে পূজা-অর্চনা করিবে।

শৈব্যা।—(অঞ্জলি-বন্ধ হইয়া) যে আজ্ঞে।

তাপস।—রাজন্! তোমার কল্যাণ হোক। গুরু-
দেব এখন বহুবিধ অনুষ্ঠান আরম্ভ করেছেন—আমি
এখন যাই, তাঁর সেবা করি গে।

[প্রস্থান।

শৈব্যা।—(অপ্রতিভ হইয়া চুপি চুপি) ওলো
চারুমতি! গুরুদেব কুলপতিই মহারাজকে নিশা-
জাগরণের আদেশ করেছিলেন। আমি দুর্জন কুটিল-
হৃদয়, তাই ওরূপ কুৎসিত সন্দেহ আমার মনে
উদয় হয়েছিল। আচ্ছা, এইরূপ তবে বলি।
(প্রকাশ্যে) নাথ! আমার উপর রাগ করো না।

রাজা।—(সাহুনে)

মিথ্যা-দোষে কলুষিত দেখ এ হৃদয় ;
যদি প্রিয়ে রাখো মোর এই অহুনয়,
এস তব কণ্ঠে তার দেই পরাইয়া,
কপোলেতে পত্রাবলি দেই বিরচিয়া।

শৈব্যা।—(লজ্জিতা)

রাজা।—(তথা করিয়া) প্রিয়ে!

তব গণ্ড রোমাঙ্কিত—ঝরে স্বেদ-জল,
থরথর বিকম্পিত মোর করতল।
জুয়েতেই শ্রম ব্যর্থ—উদ্ভম নিষ্ফল।

পরহিতে কণ্ঠে ওই

স্তন-তরঙ্গিত হার

—পরশ-জ্বনিত কম্প

এখনো যায়নি তার।

শৈব্যা।—নাথ! গুরুদেব কুলপতি যেরূপ
আজ্ঞা করেছেন, সেই সব অনুষ্ঠান আমি এখন করতে
যাচ্ছি।

রাজা।—হাঁ দেবি, যাও, কর গে।

[তাপস ও শৈব্যার প্রস্থান।

সখা! আমার চিত্ত যেরূপ উৎকণ্ঠিত, তাতে
এখন কি করে' সময় কাটান যায় বল দিকি?

বিদু।—মহারাজ! আপনি দেবীর কথা ভেবে
সময় কাটান, আমিও ভোক্তাদের কথা ভেবে সময়
কাটাই।

৩য়—২৬

(বনচরের প্রবেশ)

বন।—জয় মহারাজের জয়!

বিকট মুখাগ্রে যার-মুখা-ক্ষেত্র হয়ে বিদলিত,
তৎ-লগ্ন সুরভিত পরিমল হয় গো বিকীর্ণ
নিজ নিখাস-মারুতে; দস্তে যার—ঈষৎ-চর্কিত
কসেরু-বিচূর্ণ রাশি ইতস্ততঃ হয় গো বিক্ষিপ্ত;
—যেন শত্রু করি' জয় যশে দিক হয় আচ্ছাদিত,
কিষ্কা যেন নবঘন বরিষণ করে শিলা-বৃষ্টি;
সদর্প গস্তীর ঘোর ঘরঘর যাহার শব্দে
অরণ্যের সিংহ যত ধায় রড়ে করিয়া গর্জন;
গুনি' সে গর্জন পুন ক্রোধে যার কর্ণ-শুক্লি-পুট
উর্ধ্বে হয় উত্তোলিত; দীপ্যমান রোম-শিখা-রূপে
জিহ্বা-লতা যার রহে প্রসারিত; যার জটা-ভার
সুবিকট বিছাতের ছটা-সম পিঙ্গল-বরণ;
কাস্তি যার সমুজ্জল সূশাগিত করবাল-সম,
নীলকান্ত-সম নীল; কি, তমাল কজ্জল-শ্যামল।
জলে নেত্র সুপিঙ্গল;—মসীবৎ মাংসল শরীর;
ফুলিঙ্গাবশেষ-সম দস্ত ছটি যাহার লক্ষিত;
—ঠিক যেন করাল-সে মুখ-রাহগ্রাস-ভয়-বশে
সাত্র চন্দ্র-কলা ছটি, চন্দ্র হতে হইয়া বাহির
নৈশ তিমিরের গাত্রে ভয়-ক্রাসে রহে সংকুচিত
—এ হেন বরাহ এক সমুখিত যুথ-অধিপতি
মুগয়া-কানন-মাঝে;—যেন সেই মহানু বরাহ
যার দস্তে হয় ধৃত সমগ্র এ পৃথিবী-মণ্ডল।

এখন মহারাজের যেরূপ আদেশ হয়। আদেশ
পেলেই আমি এখনি সেখানে যাই।

রাজা।—(সহর্ষে) আ, বাঁচলেম; এখন সময়
কাটাবার একটা স্থান পাওয়া গেল।

বিদু।—(সহর্ষে) যেখানে অরণ্যে অরণ্যে ঘুরে
বেড়াতে হবে, কাঁটা-বন শর-বন মাড়িয়ে যেতে হবে,
উঁচুনীচ স্থান ডিঙতে হবে, যেখানে ক্ষুধা-তৃষ্ণায়
অলতে হবে—যে স্থান এই সব দোষে ভরপুর, সেই
যদি আপনার আরামের স্থান হল, তা হলে আপনার
আয়াসের স্থান না জানি কি!

রাজা।—দেখ সখা! মুগয়া রাজাদের বড়
উপকারী;

দেখ:—

চিত্ত উদ্ভিগ্ন হ'লে

সম্ম তারে করে বিনোদন;



চল-লক্ষ্যে স্থৈর্য আনে,
দেহে করে লঘুতা অর্পণ ;
শীকারে উৎপন্ন হয়
রণ-যোগ্য উৎসাহ-উত্তম ;
মিথ্যা করি' লোকে বলে
মৃগয়ারে নৃপতি-ব্যসন ।
তবে চল, আমরা সেইখানে যাই ।
[সকলের প্রস্থান ।

দ্বিতীয় অঙ্ক

দৃশ্য—অরণ্য

নেপথ্যে ।—ওগো বরাহ-অন্বেষণকারী বনচরেরা !
ওই সে বরাহ দেখ অদূরে পক্ষের রাশি
করয়ে মর্দন ।
বিললে কমল-বন, মুথার অঙ্কুর সব
করয়ে ভক্ষণ ।
মুস্তা-ক্ষেতে তোলে মাটি, সেতু ভাঙি জলাশয়ে
করয়ে গমন ।
ধরা যায়-যায় হয়ে গহন বনের মাঝে
করয়ে প্রবেশ ।
সৈন্ত ধায় পিছে পিছে, ছুর্গম, কাস্তার-মাঝে
পশে অবশেষ ॥
এখন তবে চারিদিককার বন ঘিরে ফেল ।
অরণ্য-উপাস্ত-দেশে বন-রোধ-দক্ষ জালী
জাল-বন্ধ দিক বিছাইয়া ;
শৃঙ্খল মোচন করি' ব্যাধগণ কুকুরেরে
বন-মধ্যে দিউক ছাড়িয়া ;
পাশ-হস্ত সাদীদের শ্রমক্রান্ত অশ্বগণে
সমাকীর্ণ হোক সব বন,
লগুড় লইয়া হস্তে মহিষ-আরোহী সৈন্ত
বিকম্পিত করুক কানন ।
(ভীষণ-উজ্জ্বল বেশে ত্রস্তব্যস্ত হইয়া
বিঘ্নরাজের প্রবেশ)
বিঘ্ন ।—(আশঙ্কার সহিত)
আমি যে; গো করিয়াছি শত্রুরো সমাধি ধ্যানে
বিঘ্ন উৎপাদন ;

দক্ষযজ্ঞ অনুষ্ঠানে, শিব-শিবা-কেলি-মাঝে
ব্যাঘাত বিষম ;
ত্রিলোকেব আমি সেই হিত-সিদ্ধি-নাশ-প্রিয়
বিঘ্ন সনাতন ।
হরি হর প্রজ্ঞাপতি এঁদেরো দুঃসাধ্য যেই
সৃষ্টিস্থিতি লয়
—উগ্রতপা বিশ্বামিত্র সাধন করেন হেথা
সেই বিঘ্নাত্ময় ।
আদিম বরাহ-রূপে
উদ্ধার করিলা যথা হরি,
আমিও গো উদ্ধারিব
ত্রিলোকে বরাহ-রূপ ধরি' ।

(পশ্চাতে অবলোকন করিয়া সভয়ে) অহো !
জগতের কল্যাণে ও পরের পৌরুষে বিঘ্ন উৎপাদন
করতে আমি বিলক্ষণ পটু ; আর এ কার্যে আমার
সাহসও অপরিসীম—নিজ শরীরের প্রতি আমার
কিছুমাত্র দৃকপাত নেই । তাই, সাক্ষাৎ কৃতান্তের
দস্ত-মধ্যে থেকেও, কোন প্রকারে শরের মুখ এড়িয়ে
মহারাজ হরিশ্চন্দ্রকে এই অরণ্যপ্রদেশে তো এনে
ফেলেচি । এখন তবে এঁকে বিশ্বামিত্রের আশ্রমে
নিয়ে যাওয়া যাক ।

কেননা, সেই প্রসিদ্ধ তীব্রতপা, স্বর্গান্তরের
আদি-শ্রুতি, ত্রিশঙ্কুযাজক ক্ষত্রিয়-ব্রাহ্মণ কৌশিক
বিশ্বামিত্র সৃষ্টি-স্থিতি-প্রলয়-বিধায়িনী ত্রিগুণময়ী
বিঘ্নার সিদ্ধিলাভার্থ, কি এক ছুরের সাধনায় এখন
নিযুক্ত আছেন ।

বিধিই করেন সৃষ্টি—না হরি, না হর ;
হরি-ই পালেন বিশ্ব—না হর ঈশ্বর ;
হর-ই করেন ধ্বংস এ তিন ভুবনে ।
একজনে সর্বসিদ্ধি লভিবে কেমনে ?

(চিন্তা করিয়া) অথবা এই পরম নির্ভাবান্
তপস্বীর পক্ষে অসম্ভবই বা কি ? কিন্তু তিনি
যখন বশিষ্ঠের প্রতি ক্রোধ-পরতন্ত্র হয়ে এই মঙ্গল-
বিরোধী কার্যে প্রবৃত্ত হয়েছেন, তখন জানিনে,
এর কি ফল হবে ।

নেপথ্যে ।—ঘোর গহন বনে প্রচ্ছন্ন হয়েচিস্
মনে করে' তোর ভারি গর্ভ হয়েচে দেখ্‌চি—
আচ্ছা রোস্-বরাহাধম, রোস্ !

ক্ষণে ক্ষণে হয়ে দৃষ্ট,
হয়ে অন্তর্হিত,
মায়াবী আশ্রয় করি,' সকৌতুকে দূরে মোরে
করেচিস্ নীত ।

মোর দৃষ্টি-পথমাঝে তুই যদি পড়িস আবার,
ওরে ছুট! পদ্মবন দলিবারে না পারিবি আর ।

বিষ্ম।—(শুনিয়া সহর্ষে) এই যে, এইবার
নিকটে এসেচে দেখ্ চি । এখন তবে এখান থেকে
বেরিয়ে, মায়া-বরাহ হয়ে দেখা দি । (সত্বর পরি-
ভ্রমণ করিয়া প্রস্থান)

(রথোপবিষ্ট ধনুর্ধারী রাজা ও সারথির প্রবেশ)

রাজা।—(পূর্বোক্ত শ্লোক পাঠ করিয়া,
সম্মুখভাগে অবলোকন করিয়া সহর্ষে) সারথি !
সারথি ! বেশী দূরে যেও না ! দেখ :—

মুখের গরাস হতে ঝলিত মৃগাল দেখ
বনভূমি ছায় ।

আলোড়িত সর হতে নিঃসৃত সলিল-ধারা
তীরেরে ভিজায় ।

শ্রমোদগীর্ণ মুখ-ফেনে নব তৃণ-ভূমিগুলি
চিত্রিত-বরণ ;

মুস্তা-পরিমল-গন্ধী সুরভি-নিঃশ্বাসে হেথা
ঘন সমীরণ ।

(নিপুণভাবে অবলোকন করিয়া সহর্ষে) সারথি !
সারথি ! ওই সেই বরাহ—দেখ দেখ :—

হেলায় ফিরায়ে স্বক্ক বেগ-ভরে মূলাঙ্গুর
করি' উদ্ভুলন ।

সুচঞ্চল-নাল-লগ্ন নলিনীরে বক্ত-মধ্যে
করিয়া ধারণ

—সুপ্রসন্ন নাভি-পদ্ম পঙ্কজ-আনন সেই
বরাহাবতার

দস্ত-মধ্যে ধরি' যেন ত্রিভুবন উদ্ধারিত
আসে পুনর্বার ।

(আনন্দে) এই যে আমাকে দেখে আমার
দিকেই আস্চে ।

(শর-সন্ধান)

সারথি ।—(সকৌতুকে অবলোকন করিয়া) মহা-
রাজ ! দেখুন দেখুন :—

গর্ভভরে আসি' কাছে বাণের সন্ধান দেখি'
অমনি সে যায় গো ফিরিয়া ;

আয়ত সম্মুখ পদ ভয়ে আকুঞ্চিত করি'
শরীরাক্ষি লয় আকর্ষণ ;

শ্বাসের আধিক্য-হেতু ওষ্ঠ-প্রান্ত-গহভর
হয়েছে বিদীর্ণ ;

তা-হতে মৃগালাঙ্গুর ঝলিত হইয়া পড়ি'
হতেছে বিকীর্ণ ।

লজ্জা পরিত্যাগ করি'
হয়ে অপ্রতিভানন

নিজ দংষ্ট্র তোমারে গো
করে যেন সমর্পণ ।

রাজা।—(বাণ ছুড়িয়া নিকটে গিয়া চারিদিকে
অবলোকন করত সবিষ্ময়ে) এ কি হল ! বরাহটা
চলে' গেলে পর আমি যে অসময়ে বাণটা ছাড়লেম ।

ক্ষণে অন্তর্হিত হয়,
ক্ষণে নেত্র-সুগোচর ;

ক্ষণে যায় দূরে চলি,
ক্ষণে সে নিকটতর ;

সম্মুখ পশ্চাৎ পার্শ্বে চারিদিকে মুহুমূহ
করিছে ভ্রমণ ।

বিহ্ব্যৎ-চপল ও যে কেমনে গো লক্ষ্য ওরে
করে মোর মন ?

(নিপুণরূপে অবলোকন করিয়া দূর হইতে দেখিয়া
সানন্দে) এ কি ! এই অরণ্য অতিক্রম করে' পরিত্যক্ত
ভূমিতে যে উঠে পড়ল । সারথি ! সারথি ! অশ্ব-
দের শীত্র চালাও, দেখ, আবার কোথায় এখন
যাচ্ছে ।

সারথি।—(রথ-চালন) মহারাজ ! দেখুন
দেখুন !

রথ-বেগে, ধূলিজাল- পরিপূর্ণ বায়ু থাকে
পশ্চাতে পড়িয়া,

সনমুখে মন মোর লক্ষ্যটির অঙ্গুর
সত্বর হইয়া ।

নিশ্চল নিষ্কম্প অতি ধ্বজ-পট যার ওই
আকাশের মেঘ ছুঁয়ে যায়

—সেই তব রথ দেখ —যেথা ধায় তব বাণ—
তুল্য-বেগে চলিছে সেথায় ।



রাজা।—(সবিনয়ে) তাই তো—

ব্যোমচারী পবনেরে
জিনিয়াছে রথ-অধগণ

বেগে জলনিধিরেও
করিয়াছে দেখ অতিক্রম।

এ বড় আশ্চর্য্য কিন্তু
শ্রামল বরাহ সেই
—দলিত-অঞ্জন প্রায়—

যত যাই দূরে আমি
বরাহ সে আরো যেন
দূর হতে দূরে ধায় ;

স্বর্ষোর সম্মুখ হতে
যেন অন্ধকার-রাশি
ভয়ে পলাইয়া যায়।

(সম্মুখে অবলোকন করিয়া সখেদে) এ কি!
এই মহারণ্য অতিক্রম করে' কোথায় না জানি সে
অদৃশ্য হল? তার যে কোন পদ-চিহ্নও দেখা যাচ্ছে
না। আচ্ছা, তবে এই স্নিগ্ধচ্ছায় বনশ্রেণীট একবার
অন্বেষণ করে' দেখি। (তথা করিয়া সানন্দে)
হয়েছে! নিশ্চয় সে বরাহটা তপোবনের উপকণ্ঠে
আছে। দেখ না কেন:—

কুশভূমে তৃণগুলি
কোথায় হয়েছে ছিন্ন
কোথাও আমূল উৎপাটিত।

কুম্ভ-চয়ন-তরে
কোথাও সদয়াকৃষ্ট-
অগ্র-শাখা লতা আনমিত।

এই সব শাখীদের
পূর্বে বন্ধন ছিল
—ফতচ্ছ তাই গাত্রোপরে।

এই সব তরু হতে
ক্ষীর ঝরে—সত্ত্ব-ছিন্ন
হইয়াছে ইন্ধনের তরে ॥

সারথি।—(চারিদিকে অবলোকন করিয়া ও
সকৌতুকে শুনিয়া) মহারাজ! দেখুন, দেখুন!
বরাহটা এখন আশ্রমের নিকটে বিচরণ করচে,
ওকে এখন অন্বেষণ করা রুথা।

কদম্ব-কোটরে শুক
অভ্যাগত জনে করে
স্বাগত ভাষণ।

হব্যগন্ধী সমীরণ
—ব্রাণ-তৃপ্তিকর—করে
হৃদয় হরণ।

এই সব মুগকুল
ইহারে হেরিয়া, হয়ে
চকিত-নয়ান,

তটোপান্ত্রে কুশ যার
—হেন নিষ্মরিণী-জল,
করিতেছে পান।

রাজা।—এই বরাহটা এখন আশ্রমের নিকটে
বিচরণ করচে—ওকে অন্বেষণ করে' আর কি হবে?
এখন অন্বেষণ জলপান করে' বিশ্রাম করুক। আমি
ততক্ষণ কেবল ধনুমাত্র হাতে নিয়ে আশ্রমে প্রবেশ
করে' মুনিকে অভিবাচন করি গে। পূজনীয় ব্যক্তিদের
পূজা না করে' গেলে অমঙ্গল ঘটে, এইরূপ প্রবাদ
আছে। (রথ হইতে অবতরণ)

সারথি।—যে আজ্ঞা মহারাজ!

[প্রস্থান।

রাজা।—(চিন্তা করিয়া) আহা! তপোবন-
বাসিগণের কি অপার রমণীয় সুখ!—তাতে বন্ধন-
বাধা কিছুমাত্র নেই। কেন না:—

বাসনা-বিরত মন
সন্তোষের স্পৃহা কভু
না রাখে অন্তরে ;

মমতা-রহিত বলি'
স্নেহের বিয়োগে কভু
শোক নাহি করে ;

অহঙ্কার-পরিত্যাগে
আত্ম-পর-ভেদ-ভাব
হয় অপগত ;

লভিয়া পরম শাস্তি
তপোধন সংঘমীরা
আহা সুখী কত!

(সবিনয়ে পরিক্রমণ করিয়া, সভয়ে) ওঃ! এই
তপোবনগুলি অসংঘমী অবিনয়ী জনের পক্ষে কি
হৃদর্শনীয়! আমি তপোবন পূর্বে কখন দেখিনি,
তাই অপরাধীর মত আমার মনে যেন একটা ভয়ের
সঞ্চারণ হইছে। অথবা, তপোময় ব্রহ্ম-তেজের কি
অজ্ঞেয় প্রভাব, এর কাছে আর সমস্ত তেজই পরাভূত
হয়। কেন না:—

(ভয়ে ভয়ে পরিক্রমণ)

সৌম্য শাস্ত রমণীয়
হইলেও এই সব বন

হেথা আসি' পদে পদে
ভয়াকুল হয় মোর মন ;

সর্ব-তেজ খর্ব হেথা
ব্রহ্মতেজে—যাহা সর্ব
তেজের কারণ ;

স্বজনক জল এলে
অগ্নি যথা মুহূর্ত্তাব
করয়ে ধারণ।

(ভয়ে ভয়ে পরিক্রমণ)

নেপথ্যে।—আপনারা রক্ষা করুন, রক্ষা করুন।

দেখুন, বিনা অপরাধে এই অনাথা অসহায়
অভাগিনীদের অগ্নিমধ্যে নিঃক্ষেপ করচে। রক্ষা
করুন—রক্ষা করুন।

রাজা।—(শুনিয়া ব্যস্তসমস্তভাবে) অহহ!
অনতিদূরে ভয়াৰ্ত্তা রমণীদের বিলাপ-ক্রন্দন শোনা
যাচ্ছে না? (আশ্চর্য্য হইয়া) এ কি! এ হচ্ছে
তপোবন, এখানে একরূপ দৃষ্ট লোক থাকা কি সম্ভব?
আচ্ছা, নিকটে গিয়ে দেখি! (তথা করণ)

নেপথ্যে।—রক্ষা করুন—রক্ষা করুন, ইত্যাদি।

রাজা।—(শুনিয়া আবেগ-সহকারে) ভয়াৰ্ত্তাদের
অভয় দিচ্ছি,—ভয় নাই, ভয় নাই। (সক্রোধে)
আঃ!

কে না জানি করে এই তপোবন-বিপরীত
দারুণ অহিতকর নিষ্ঠুরাচরণ
এই বাণে স্বক্ক তার ছিন্ন করি' সর্ব-অঙ্গ
জলন্ত অনল-মাঝে করিব ক্ষেপণ।

(পরিক্রমণ করিয়া, নেপথ্যাভিমুখে অবলোকন
করিয়া) কে ও হোম-সামগ্ৰীর সন্নিধানে অগ্নি-শালায়
বসে' আছে, আর অগ্নিমধ্যে তিনটি দিব্যরূপিণী নারী
ভয়াৰ্ত্তা হয়ে বিলাপ করচে?—নিশ্চয় তাপস-বেশধারী
কোন পাষণ্ড হবে।

দৃশ্য—অগ্নিশালা।

বিশ্বামিত্র হোমে প্রবৃত্ত ও হোমাগ্নির মধ্যে
অবস্থিত বিদ্যাভয়।

বিদ্যাভয়।—(ভয়াকুল হইয়া পূৰ্ব্বোক্তরূপে)
রক্ষা করুন—রক্ষা করুন ইত্যাদি।

বিশ্বা।—(আশ্চর্য্য হইয়া) অহো! কি আশ্চর্য্য!

মন্ত্রপুত্র হবি মোর একান্তে অনল এই
করিছে বহন;

প্রদক্ষিণ-শিখা হয়ে কার্য্যসিদ্ধি তথাপি না
করিছে স্থচন।

ক্রিয়ার প্রভাবে হেথা
ত্রিবিদ্যা যদিও আবিভূত,

কিস্ত যে তবুও ওরা
না হতেছে মোর বশীভূত।

(ধ্যানমগ্ন)

বিদ্যাভয়।—(পূৰ্ব্বোক্তরূপে) রক্ষা করুন, রক্ষা
করুন ইত্যাদি।

রাজা।—(সত্বর নিকটে আসিয়া) ভয়াৰ্ত্তাদের অভয়
দিচ্ছি—ভয় নাই, ভয় নাই। রোস্ ছরাঅ্যা পাষণ্ডাধম!
রোস্ ছন্নবেশী রাক্ষস! এ কি সব তোরা মায়াজাল?

পরা বন্ধল-বাস, অক্ষুত্র-বালা হাতে,
জটাজাল দেখি যে মাথায়।
মহাতপা জিতেল্লিয় শাস্ত-আত্মা-মুনি-বেশ
—বলু দেখি—সেই বা কোথায়
আর কোথা তোরা এই জঘন্য ও অকরণ
নারী-বধ-পাপ-বুদ্ধি হয়!

যেই কার্য্য করেছিস তুই ওরে খল!

ভোগ করু এবে তার সমুচিত ফল ॥

বিশ্বা।—(ধ্যানে বিরত হইয়া সক্রোধে)

শ্রুতি-কটু ভৎসনা -ঘরষণ-জাত এই
মোর কোপানল

সমাধি-ব্যাঘাত হেতু অন্তঃক্ষোভ-বায়ু যোগে
হইয়া প্রোজ্জ্বল,

হরিশ্চন্দ্র-দাহকাষ্ঠে
জলি উঠি' প্রলয়াগ্নি-সম

ত্রৈলোক্য দহন-তৃষ্ণা
করিবে গো এবে নিবারণ।

বিদ্যাভয়।—(সহর্ষে) আ! আমাদের কি
সৌভাগ্য; জয় মহারাজ হরিশ্চন্দ্রের জয়!

[বিদ্যাভয়ের প্রস্থান।

বিশ্বা।—(দেখিয়া সক্রোধে) কি?—এই ছরাঅ্যা
হরিশ্চন্দ্র আমার সিদ্ধিপথের অন্তরায় হল? রোস্!
ক্ষলিয়াধম, রোস্!

হরি হও, চন্দ্র হও,
কিষ্ণ হও অর্দ্ধেন্দু-শেখর,

বিদ্যা-নাশে মোর যেই
কোপাগ্নি বর্দ্ধিত ঘোরতর

—তাহে তুই ওরে মূঢ়!
হবি নাকি ইন্ধন নখর?

কাস্তা-কেলি-পরায়ণ ভূত-দয়া-বশে শাস্ত
এমন যে হর

তিনিও সমাধি ভঙ্গে বিকট জ্বকট ধরি'
—মূর্ত্তি ভয়ঙ্কর—

আকৃষ্ট-শরাসন

শ্বরেরে সম্মুখে দেখি'

করিল দুর্ভিক্ষে যে গো

করিল যেমন

জীবিকা আপনি আহরণ ;

কৌশিকও তোরে মৃত

নেত্রানেলে সেইরূপ

নৃপতি-সদনে যে গো

করিবে দহন ।

দান কভু করেনি গ্রহণ ;

রাজা।—(সভয়ে স্বগত) কি সর্বনাশ ! ইনি
সেই মহর্ষি কৌশিক বিশ্বামিত্র, আর তাঁরা সেই
ভগবতী বিছাজয় ? পাপাত্মা আমি এ'র সিদ্ধিপথে
অন্তরায় হয়ে কি অবিবেচনার কাজই করেচি—এখন
নিশ্চয় আমি ওঁর প্রজ্বলিত কোপানে ভস্মীভূত হব ।

যার "আড়ীবক"-যুদ্ধে

জীবলোক হইল কম্পিত

—তপ-তজ্ঞানিধি তার

কাহার না আছে গো বিদিত ?

বিশ্বা।—(সক্রোধে)

ক্রোধ বিবর্দ্ধিত মোর

—ত্রিবিছা সাধন-কার্যে

হইয়া ব্যাঘাত ;

অভিশাপ দান-তরে

হইতেছে প্রধাবিত

দক্ষিণ এ হাত ;

আবার এ বাম হস্ত

চির-ত্যক্ত নিজ জাতি

করিয়া স্বরণ

উত্তত হয়েচে এবে

ক্ষত্রোচিত শরাসন

করিতে গ্রহণ ।

(উথান)

কিন্তু আমি ভীকু জনের কাতর-বিলাপ শুনেই
ঐরূপ করতে উত্তত হয়েছিলেম ; স্বধর্ম্মে বিক্ষিপ্ত-
চিত্ত হয়ে আপনাকে আমি জানতে পারিনি ।
আমাকে ক্ষমা করুন, এই আমার নিবেদন ।

বিশ্বা।—হুয়ান্ন! বল দেখি, তোমার সে
ধর্ম্মটা কি ?

রাজা।—মহর্ষি !

দান, ত্রাণ, সংগ্রাম—তিন ক্ষত্র-আচরণ

পুরাণ মুনিরা বলে—এই ধর্ম্ম সনাতন ।

বিশ্বা।—কি বলে ?—

"দান ত্রাণ সংগ্রাম" ইত্যাদি ।

রাজা।—হাঁ মহর্ষি ।

বিশ্বা।—আচ্ছা, তা হলে কাকেই বা দান করতে
হয়, কাকেই বা ত্রাণ করতে হয়, আর কার সঙ্গেই বা
সংগ্রাম করতে হয় ?

রাজা।—মহর্ষি ! শ্রবণ করুন ।

বিশ্বা।—বল ।

রাজা।—

গুণবান্ ত্রাক্ষণেরে করিবেক দান,

বিপন্ন ভয়াস্ত জনে করিবেক ত্রাণ,

অরাতি জনের সাথে করিবে সংগ্রাম ।

বিশ্বা।—মহাশয় ! তা যদি মনে করেন, তা
হলে আমার বিছা-তপের উপযুক্ত আমাকে দান
করুন ।

রাজা।—(সহর্ষে) তা হলে তো সূর্য্য-বংশীয়েরা
অনুগৃহীত হবে । এখন তবে মহর্ষি প্রসন্ন হোন,
প্রসন্ন হোন ।

তব দক্ষিণার তরে

পর্য্যাপ্ত নাহি হয়

সকল ভুবন ।

সরবস্ত্র দান তাই

নিবেদিতে হয় মোর

সঙ্কুচিত মন ।

রাজা।—(পদতলে পতিত হইয়া) মহর্ষি !
ক্ষমা করুন, ক্ষমা করুন । স্ত্রীজনের বিলাপে
প্রতারিত হয়ে অজ্ঞানে আমি এ কাজ করেচি—
আমাকে ক্ষমা করুন ।

বিশ্বা।—হুয়ান্ন! কি ? অজ্ঞানে এ কাজ
করেচিস্ বলে' আমি ক্ষমা করব ? ওরে রে ক্ষুদ্র !
আমি কে, তুই কি তা জানিস নে ?

হুঁসিনীত যেই বিপ্র

ত্রাক্ষণত্ব নিজ বলে

করিল গ্রহণ ;

দৃপ্ত বশিষ্ঠের সূত

—তাহার কাননে যে গো

ধুমকেতু সম ;

স্বর্গান্তর সৃষ্টিকালে

জগৎ হইয়া ভীত

দেখিয়াছিল গো বারে

যমের মতন ;

চণ্ডাল সে ত্রিশঙ্করে

যজ্ঞ করাইল যে গো

—সেই কৌশিকেরে তুমি

চেন না রাজনু ?

রাজা।—মহর্ষি ! প্রসন্ন হোন, প্রসন্ন হোন—
আমাকে একরূপ মনে করবেন না ।

সর্কধনে পরিপূর্ণ

তুমি ওগো কুশিক-নন্দন ;

সমস্ত এ বসুমতী

তোমারে গো করিহু অর্পণ ।

বিশ্বা ।—(আশ্চর্য্য হইয়া স্বগত) আচ্ছা, তবে এইরূপ বলি । (প্রকাশে) রাজন্ ! কল্যাণ হোক ! পণ্ডিতেরা বলেন, দক্ষিণা-রহিত দান দানই নয় । অতএব এক্ষণে দক্ষিণা দিতে আজ্ঞা হোক ।

রাজা ।—(লজ্জিত হইয়া স্বগত) এ স্থলে কি করা যায় ? (অনেকক্ষণ চিন্তা করিয়া সহর্ষে) তবে এইরূপ বলি । (প্রকাশে) মহর্ষি !

আহরণ করি আনি' করিব সুবর্ণ লক্ষ
দক্ষিণা অর্পণ,
অন্ত হতে এক মাস করিতে হইবে মোরে
ক্ষমা বিতরণ ।

বিশ্বা ।—আচ্ছা, এই এক মাসকাল সময় দিলেম ; কিন্তু দেখ, এই পৃথিবী ছাড়া আর কোন স্থান হতে তোমার দাতব্য সংগ্রহ করতে হবে ।

রাজা ।—(সভয়ে স্বগত) এর প্রতিবিধান কিসে হবে ? (চিন্তা করিয়া সহর্ষে) হয়েছে ! প্রতিবিধানের উপায় ঠাওরেচি । ভগবান্ শিবের আশ্রিত একটি পরম ক্ষেত্র আছে :—

ধরাতল-ফণি-ফণা —তা হতে বিচ্ছিন্ন হয়ে
আছে বারাণসী,
অন্তরীক্ষ-পুরী বলি' করেন বর্ণনা যারে
যত মুনিঋষি ।
কেশ-অগ্রভাগ যেই তা হতে সহস্র স্থম্ব
অণু-পরিমাণ
শাস্ত্রদর্শী সুধী সবে দেখেন বিশ্বাস-নেত্রে
যার ব্যবধান ।

অতএব, সেইখানেই দক্ষিণার সুবর্ণ সংগ্রহ করে' দান করা যাবে । (প্রকাশে) মহর্ষি ! আপনার আদেশ শিরোধার্য্য করলেম । (অঙ্গ হইতে আভরণ খুলিয়া) মহর্ষি !

এই সব শ্রীসম্পদ —সমস্ত বসুধা যাহা
শাসিত আমার,
এই সব অঙ্গচয়, নৃপতির চিহ্ন এই
মুকুট মাথার,

সমর্পিত্ব তব পদে কুশিক-নন্দন

অনুগ্রহ করি' এবে করহ দর্শন ।

(পদতলে পতিত হইয়া উত্থান ও সহর্ষে স্বগত)
বহু পরিশ্রমে যে রাজ্যভার এতদিন বহন করেচি,
সৌভাগ্যক্রমে আজ তা সফল হল । (সানন্দে)

মুনির যে মহ্য আমি
বজ্র বলি' ভেবেছিহু মনে
কুমুম-মাল্যের সম
পড়ে মোর মস্তকে এক্ষণে ।

ভগবতি বসুন্ধরে ! তোমাকে স্পর্শ করে' এই
কথা আমি বল্চি :—

লোক-ধাত্রী দেবি ওগো ! সূর্য্যবংশী নৃপতিরী
যশের সহিত তোমা
করিল রক্ষণ ;
হৃলভ পাত্রের লোভে নির্দয় হইয়া অতি
তোমারে যে করিহু গো
আমি বিদর্জ্জন,
হুই এক ছুরাচারে তব কাছে অপরাধী
—মোরে তুমি কর এবে
ক্ষমা বিতরণ ।

এখন তবে অযোধ্যায় গিয়ে, মহর্ষির নিকট যা
প্রতিশ্রুত হয়েচি, তা সম্পাদন করি গে । পরে
দক্ষিণা উপার্জ্জনের জন্ত বারাণসী নগরেই
যাওয়া যাবে । (প্রকাশে) মহর্ষি ! এখন এখান
থেকে অযোধ্যায় গিয়ে কার্য্য শেষ করে', পরে ফিরে
এসে দক্ষিণা উপার্জ্জনের জন্ত বারাণসীতে আমি যাব
—এখন আপনার অনুমতি লয়ে বিদায় হই ।

বিশ্বা ।—(আশ্চর্য্য হইয়া স্বগত) অহো ! ছুরাচার
কি হৈর্য্য, কি মহানুভাবতা ! রে ছুরাচার্ণ ! কিরূপ
তোর দান-বীরত্ব, শীঘ্রই তা' দেখা যাবে ।

যাবৎ না দেখি আমি, রাজ্য হতে সত্য হতে
হয়েছিহু তুই ওরে ভ্রষ্ট বিচলিত,
তাবৎ না হবে শাস্ত এই তীব্র রোষানল
—তর ছুরাচার হতে যাহা উদ্দীপিত ।

(প্রকাশে) রাজন্ ! তাই হোক ! তাতে আর
আপত্তি কি ?

[প্রস্থান ।

ইতি দ্বিতীয় অঙ্ক ।



তৃতীয় অঙ্ক

(বীভৎস-বেশে পাপ-পুরুষের প্রবেশ)

পাপ।—(বিকটরূপে পরিক্রমণ ও উচ্চ হাশ্ব করিয়া)

আরম্ভে মধুর আমি, আধি-ব্যাদি শোক-হুঃখ
আমি মাঝ-খানে ;
নরক-যন্ত্রণা বহু —নিদারুণ স্তম্ভীষণ—
আমি পরিণামে ।

(সম্মুখে অবলোকন করিয়া, সভয়ে সরিয়া গিয়া)
হা জননি! গেলেম, গেলেম! মলেম, মলেম! এই
পোড়া নগরী—যার নামও আমি মুখে উচ্চারণ করতে
পারিনে—আমাকে উচ্ছিন্ন করচে,—আমাকে বধ
করচে। রোস, এই তো প্রবেশপথ; কিন্তু এই
নগরীকে আমি তো এখান থেকে দেখতে পাচ্চিনে।
আচ্ছা, ভাল, আমি এখানে একান্তে বসে থাকি।
আমি যে জন্মান্তরসঞ্চিত মূর্ত্তিমান্ পাপ—আমাকে
পরিত্যাগ করে' যারা এই নগরীর মধ্যে প্রবেশ
করচে, তারা যখন সেখান থেকে আবার বেরিয়ে
আসবে, তখন আবার আমি তাদের শরীরে গিয়ে
সংলগ্ন হব।

নেপথ্যে।—

শিব-পদাঙ্ক-চিহ্ন এ মোর মাথায়
—এতদূর কৃপা দেব করেন আমার ;
ভবানীরো পুত্র-প্ৰীতি আমার উপরে,
বহুশাস্ত্র-জ্ঞান, আর তপো-নিষ্ঠা তরে।
তবুও তো এই দেহ

স্নায়ু-অস্থি-গ্রন্থিময়
ত্বকেতে নিবদ্ধ হয়ে
জরজর অতিশয়।

প্রাক্তনের পরিণাম—প্রকৃতি-নিয়ম
সত্যই না পারে কেহ করিতে লজ্বন।

পাপ।—(সগর্বে) আঃ! হুরাচার হরিশ্চন্দ্র
যদি এই নগরীর রাজা না হয়, তা হলে তো আমার
হয়েই আছে। কে ও কথা কছে? এ কি! ভগবান্
ত্রিলোচনের আসন্ন-পরিচারক ভূদ্বী যে এই দিকে
আসতে দেখে'চি—এই বেলা তবে এখান থেকে সরে'
পড়া যাক্।

[প্রস্থান।

(ভূদ্বীর প্রবেশ)

ভূদ্বী।—“শিব-পদাঙ্ক-চিহ্ন”—ইত্যাদি। (চিন্তা
করিয়া) তানা হলে, দেব কেন হরিশ্চন্দ্রেরও দশা-
বিপর্যয়ের কথা দেবীর কাছে বলবেন?

অদ্ভুত চরিত যার মহাদেব যখন গো
করেন বর্ণনা,
বলিতে বলিতে তাঁর পুলকে বিচ্ছিন্ন হয়
অঙ্গ-ভঙ্গ-কণা।

ভুরু ছটি তুলি' উর্ধ্বে,
ত্রিনয়ন করি' বিস্ফারিত,
নাড়েন মস্তক তাঁর
—অর্ধ-ইন্দু হয় বিচলিত।

এখন সেই হরিশ্চন্দ্র বারাণসী নগরে প্রবেশ
করবেন—তাই দেব শশাঙ্ক-শেখর ও ভবানী উভয়েই
পর্যায়সূচক হয়ে আছেন। আমিও তবে ভগবানের
পূজা শেষ করে' সজ্জিত হয়ে থাকি।

[প্রস্থান।

ইতি প্রবেশক।

(সচিন্তিতভাবে রাজার প্রবেশ)

রাজা।—

প্ৰীতি-ভরে দান করি' এই পৃথ্বী বিজোতমে
হইয়াছে সুপ্রসন্ন এবে মোর মন ;
কিন্তু উদ্বিগ্ন পুন, দৈব কৃত সেই ঋণ
—মহতী দক্ষিণা কথা করিয়া স্মরণ।

কমুতব্য নহে মোর
তাঁর রাজ্যে ধনার্জন করা ;

তাই সে শস্তুর স্থান
—যাহা নহে এই বসুন্ধরা—

সেই বারাণসীধামে করিয়া গমন
করিতে হইবে এবে দক্ষিণা অর্জন।

(সচিন্তিতভাবে দীর্ঘ নিঃশ্বাস ফেলিয়া) ওঃ!
কি কষ্ট, কি কষ্ট!

দারা, পুত্র, নিজ দেহ —ত্যাগ-মধ্যে এই তিন
অবশিষ্ট আছয়ে এখন ;

আজি হল শেষ দিন, প্রতিজ্ঞা অপরিত্যাজ্য
মুনি তাহে অতীব কোপন।

না শুধি' ব্রাহ্মণ-ঋণ

এ জীবন ত্যজি বা কেমনে,

কর্তব্য-বিমূঢ় হয়ে

সব শূন্য দেখি যে নয়নে ।

(সম্মুখে অবলোকন করিয়া সহর্ষে) এ কি ! এই
যে বারাগসী । ভগবতি বারাগসি ! তোমাকে
নমস্কার । (চিন্তা করিয়া সবিষ্ময়ে)

যাহারে কামনা করে সেই সব বেদাধ্যায়ী
ব্রহ্মনিষ্ঠ সন্ন্যাসী সঙ্জন
—শম-দম-অবিরোধী ব্রহ্মচর্য্য তপস্বাদি
যারা সবে করিয়া সাধন
নাশিয়াছে মোহ-তম ; দেহান্ত-সময়ে যেথা
মুক্তি-জ্ঞান-কথা হয় শোনান সবায় ;
প্রাণ-ত্যাগ হ'লে পরে জীবের পুনরুজ্জন্ম
আর কভু না ঘটে যেথায় ।

অপিচ :—

দৃঢ় ভব-পাশ হতে
জীব মুক্ত হয় গো হেথায় ;

হেথায় ব্রহ্মার শির
হর-হস্ত হতে পড়ি' যায় ;

নাহি ত্যজি' সেই পাপ তবু তাহা হতে মুক্ত
হৈলা ভগবান্ ;

বারাগসী-ক্ষেত্রে তাই পত্নীর সহিত তাঁর
চির-অধিষ্ঠান ।

যাই—এখন মূনির ঋণ হতে কোন উপায়ে
আমাকে মুক্ত হতে হবে । (চিন্তা করিয়া)

কুবেরে করিয়া জয়
করিব কি ধন আহরণ ?

আমা সম ত্যক্ত-শ্রীর
জয়েই বা কি ফল এখন ?

ভিক্ষা-দৈন্য—সুলভ সে দ্বিজাতির মাঝে,
ক্ষত্রিয় হইয়া ভিক্ষা নাহি মোর সাজে ।

মূল ধন না থাকিলে বাণিজ্য না হয়,
নির্ধনের কিসে হবে ধনের সঞ্চয় ?

সবেতেই কালাপেক্ষা হয় প্রয়োজন,
কিস্ত অপেক্ষিতে হেথা আমি যে অক্ষন ।

আমার মত হতভাগ্য এখন তবে কি করবে ?
(উপায় নির্ধারণ করিয়া সহর্ষে) হয়েছে ! আমি এখন
তবে :—

৩য়—২৭

পালিব শাশ্বত সত্য

আপনারে করিয়া বিক্রয়,

সত্য অরক্ষিত হলে

অরক্ষিত রহে লোক-দ্বয় ।

(মনস্থির করিয়া) দেবী দীর্ঘপথ চলে' শ্রান্ত হয়ে
বৎস রোহিতাশ্বের জন্ত অপেক্ষা করচেন ? তিনি
না আসতে আসতেই—আমি ততক্ষণ আমার কাজটা
শেষ করি । (উর্ধ্বে অবলোকন করিয়া) এ কি !
স্বর্ঘ্যদেব যে মধ্যাহ্নে আরোহণ করেচেন দেখচি ।

তপনের তীক্ষ্ণ তাপ প্রচণ্ড কৌশিক-সম
ঘোরতর করিছে দহন ।

চারিদিকে পথ সব —এ মোর মানস-সম—
সেই তাপ করিছে বহন ।

এ ছায়ারো—দৈব-বশে— দেখ এবে দীন দশা,
তাই ছায়া, দেবীর মতন

শ্রান্ত-ক্লান্ত-দেহ হয়ে তরুদের তলে আসি'
করিয়াছে আশ্রয় গ্রহণ ।

প্রতিশ্রুত দক্ষিণার সময় তো আসন্ন—অথবা
হরিশ্চন্দ্রেরই আসন্নকাল উপস্থিত । হায় হায় !
এই হতভাগ্যের সর্বনাশ হল । (ভূতলে পতন—
পরে উথিত হইয়া হতাশভাবে) হতভাগ্য হরিশ্চন্দ্র !

ওরে শঠ ! পূর্বে তুই দ্বিজোত্তমে দক্ষিণার
দিইয়া বচন,

না পূরণ করি' তা, না করিয়া পরিশোধ
ব্রাহ্মণের ধন,

সত্য হতে দ্রষ্ট হয়ে কোথায় এখন তুই
করিস্ গমন ?

এখন তবে বণিক-বীথিতে উপস্থিত হয়ে, আমার
কাজটা শেষ করি ; সেই মুনি এখনি এসে পড়বেন ।
(সত্বর পরিক্রমণ করিয়া একান্তে অবস্থান)

(কুপিত কৌশিক বিশ্বামিত্রের প্রবেশ)

কৌ ।—

হস্তগত বিঘ্না-নাশে

বুদ্ধি হয় মোর যেই ক্রোধ

হুবুদ্ধি সে রাজার

শিষ্টাচারে হয় তার রোধ ।

বৃষ্টি-ধারা-সিক্ত বনে শুক ইন্দ্রনের মাঝে

অগ্নি যথা জলে বেগ-ভরে



—সেইরূপ আমারেও দহিতেছে কোপানল
গৃহভাবে থাকিয়া অন্তরে ।

(সক্রোধে) রে ছরাস্মা হরিশ্চন্দ্র !

যাবৎ না দেখি তোরে রাজ্য-সম সত্য হতে
হলি বিচলিত

তাবৎ শোন রে বলি— কিছতেই মোর ক্রোধ
হবে না শমিত ।

(দেখিয়া সবিস্ময়ে) এই যে, সেই ছরাস্মা—অথবা
মহাস্মা—এইখানেই উপস্থিত । আচ্ছা, এইবার
নিকটে যাই । (তথা করিয়া সক্রোধে) এখনও
আমার স্তবর্ণ-দক্ষিণাটা পেলেম না ?

রাজা।—(সভয়ে) এ কি ! মহর্ষি ! অভিবাদন
করি ।

কৌ।—(সক্রোধে) ধিক্ অনার্য্য ! কি ?—
এখনও অলীক মিষ্ট কথায় আমাকে বঞ্চনা করতে
চাস্ ?

রাজা।—(হাতে কান ঢাকিয়া) মহর্ষি ! মার্জ্জনা
করুন ! মার্জ্জনা করুন !

কৌ।—(সক্রোধে) রে ছরাস্মন ! তুই কেবল
অলীক দান করে' আপনার পৌরুষ প্রকাশ
করেচিস্ ?—রোস্—রোস্ ।

পূর্ণ হইলেও মাস দক্ষিণা আমারে তুই
না করিলি দান ।

শুদ্ধ মিষ্ট বাক্য লয়ে হইয়াছিস তুই এবে
হেথা অধিষ্ঠান ?

প্রতিশ্রুত ধন তুই না করিলি দান মোরে,
হ'ল তাই ক্রোধ মোর

পুনঃ প্রজ্বলিত ;

ঘোর শাপানল মোর হইয়া বিমুক্ত এবে
এখনি রে তোর পরে
হবে নিপতিত ।

(শাপ-জল গ্রহণ)

রাজা।—(সভয়ে পদতলে পতিত হইয়া) মহর্ষি !
প্রসন্ন হোন, মার্জ্জনা করুন, মার্জ্জনা করুন !

স্বর্ঘ্যাস্ত-কাল-পূর্বে যদি না শুধি গো আমি
দক্ষিণার ঋণ,

দিও শাপ, কোরো বধ— যাহা ইচ্ছা তব, আমি
তোমারি অধীন ।

মহর্ষি ! প্রসন্ন হোন—আমি এখনি বণিক্-বীথিতে
যাচ্ছি ।

কৌ।—(শাপ-জল পরিহার করিয়া) আচ্ছা, তুমি
সেইখানে গিয়েই দিও ।—আমি দ্বিতীয় স্নান সমাপন
করে' এখনি আস্চি ।

[প্রস্থান।

রাজা।—(হতাশভাবে স্বগত) অহো !

ইহলোকে পরলোকে একমাত্র যাহা অতি
ভয়ের কারণ

—ধিক্ ধিক্ সেই ঋণে —পরিণামে ফল যার
অতীব ভীষণ ;

যে না দেখিয়াছে কভু “মহাজন”-ক্রুদ্ধ মুখ
—সেই মহাজন ।

(পরিক্রমণ করিয়া সহর্ষে দেখিয়া) এই যে
বণিক্-বীথি । (মন্তকে তৃণ দিয়া ধৈর্য্য-সহকারে)
ওগো সাধুগণ !

কোন কার্য্য-অনুরোধে

অন্ত কোন না দেখি' উপায়,

লক্ষ স্তবর্ণের পণে

বিকাইব আমি আপনায় ।

অতএব আপনারা আমাকে গ্রহণ করুন ।
(প্রকাশে) কি বল্চেন ?—কেন আমি এই দারুণ
কর্ম্মে প্রবৃত্ত হয়েছি, এই কথা জিজ্ঞাসা করচেন ?—এ
কথা কেন পুনঃপুনঃ জিজ্ঞাসা করচেন ?—এর উত্তরে
এইমাত্র বল্তে পারি—বিচিত্র এ সংসার । (অন্তত্ৰ
গিয়া পুনর্বার “কোন কার্য্য অনুরোধে” ইত্যাদি)
(আকাশে) কি বল্চেন ?—আমার কিরূপ শক্তি,
আমার কি কর্ম্ম, কি বিষয় আমি জানি—এই
জিজ্ঞাসা করচেন ? (স্মরণ করিয়া)

যে আদেশ করিবেন প্রভু গো আমারে

পালন করিব তাই আমি অবিচারে ।

প্রভুর আদেশ-বাক্য না করা লজ্বন

—ইহাই ভূত্যের পক্ষে পরম ধর্ম্ম ।

(শুনিয়া) কি বল্চেন ?—“বড় বেশী মূল্য হয়েছে,
আর কিছু বল” —এই কথা বল্চেন ? (খেদ-
সহকারে) ওগো সাধুগণ, আমরা এক কথার

লোক—পুনঃপুনঃ বলতে জানি না—আচ্ছা, আপনি তবে যান।

(পুনর্বার অস্ত্র যাইয়া “কোন কার্য্য অমুরোধে” ইত্যাদি)

নেপথ্যে।—নাথ! অত স্বার্থপর হয়ে না। এই মন্দভাগিনীকে প্রথমে স্ত্রের ভাগিনী করে’ এখন কেন তাকে সে ভাগ দিতে পরাভ্রু হচ্চ বল দিকি ?

রাজা।—(অপ্রতিভ হইয়া) এ কি! দেবী এসেচেন যে! তবে, আর অভিলাষ পূর্ণ হুল না।

(বালক পুত্রের সহিত শৈব্যার প্রবেশ)

শৈ।—(পূর্বোক্ত কথা বলিয়া মন্দমন্দ পরি-ক্রমণ করত) আপনারা আমাকে ক্রয় করুন। যা বলা হয়েছে, তার অর্দ্ধমূল্য পণে এই দাসীকে ক্রয় করুন।

বালক।—আপনারা আমাকেও ক্রয় করুন।

রাজা।—(দীর্ঘ উষা নিঃশ্বাস ত্যাগ করিয়া স্বগত) ওঃ! কি কষ্ট! কি কষ্ট!

বৃষ্টি-ধারা-বিন্দু যথা তৃণাগ্রে তরল

—তাজিয়াছে লক্ষ্মী মোরে হইয়া চপল।

সখারাও তাজিয়াছে

অশ্রুসিক্ত করুণ আননে,

পাই নাই সাধুনা তো

প্রজাদেরও আশ্বাস-বচনে।

দারা-পুত্র এবে দেখ

করিতেছে নিজেরে বিক্রয়

—ইহা দেখি’ তবু তো গো

না ফাটিগ এ কুর হৃদয়;

তাই মনে ভাবি, ইহা

বজ্র-সারে গঠিত নিশ্চয়।

শৈ।—(আকাশে কর্ণপাত করিয়া) আপনারা কি বলচেন? কি নিয়মে আমি কাজ করব—এই জিজ্ঞাসা করচেন? পর-পুরুষের ভজনা, আর পরোচ্ছিষ্ট ভোজন—এই দুইটি করতে পারব না, এ ছাড়া আর সব কাজই করব;—এই আমার নিয়ম। কি বলচেন? কে আমাকে এই নিয়মে ক্রয় করবে—এই কথা বলচেন? তবে যান, আপনাদের তা হলে আমাকে নিয়ে কোন কাজ হবে না। আচ্ছা, কোন দ্বিজবর দীন-বৎসল সাধু সজ্জন আমাকে বোধ হয় ক্রয় করবেন।

(উপাধ্যায় ও বটুর প্রবেশ)

উপা।—বৎস কৌণ্ডিল! সত্যই কি বাজারে দাসী বিক্রয় হচ্ছে?

বটু।—আমি কি উপাধ্যায় মহাশয়কে মিথ্যা কথা বলচি?

উপা।—আচ্ছা, তবে সেইখানেই যাওয়া বাক।

বটু।—যে আজ্ঞে! আসুন উপাধ্যায় মহাশয়, আসুন।

উপা।—(পরিক্রমণ পূর্বক দেখিয়া সবিস্ময়ে) আহা! কি সুন্দর এই পণ্য-বীথিকা!

স্বর্ণের রাশি দেখি’

মনে হয় স্মেরুর খনি;

হেরিয়া ও-রত্ন-রাশি

মনে হয় সিদ্ধ-বেলা-ভূমি;

নব ঘন-সম সব

মত্ত হস্তী হেরিয়া নয়নে,

দেখিতেছি বিদ্যাচল

—এইরূপ যেন হয় মনে।

এ বিপণি-কল্পলতা

—ধরিয়াছে পল্লব-অংশুক

দেখিয়া কার না মন

লোভ-বশে হয় গো উৎসুক?

বটু।—উপাধ্যায়-মহাশয়! ঐ যেখানে খুব লোকের ভীড় হয়েছে, ঐ বোধ হয় বাজার; ঐখানে আপনাকে যেতে হবে। (নিকটে গিয়া) মহাশয়রা, সরে’ যান, সরে’ যান।

শৈ।—(বিহ্বল হইয়া) আপনারা আমাকে ক্রয় করুন। (ইত্যাদি)

বাল।—আমাকেও।

উপা।—(দেখিয়া সবিস্ময়ে) এই কি সেই দাসী? ওগো! তুমি কি নিয়মে কাজ করবে বল দিকি?

শৈব্য।—পরপুরুষ ভজনা ও পরোচ্ছিষ্ট ভোজন—এ ছাড়া আর সব কাজই করব।

বাল।—আমিও।

উপা।—(সহর্ষে)—তোমার কাজের নিয়ম বড়ই উত্তম। আচ্ছা, এই নিয়মেই আমার গৃহে থাকো। দেখ, আমার পত্নী অগ্নি-সেবায় সর্বদা

নিযুক্ত থাকায় গৃহের কাজ ভাল করে' তত্ত্বাবধান করতে পারেন না। আচ্ছা, এই সুবর্ণ নেও।

শৈব্যা।—(সহর্ষে) যে আজ্ঞে, অনুগৃহীত হলেম।

উপা।—(অনেকক্ষণ দেখিয়া সবিষ্ময়ে স্বগত)

মাথায় ঘোমটা দেওয়া, সহজ লজ্জার বশে
আনত শরীর ;

গমন মন্ত্র অতি চরণের অগ্রভাগে
দৃষ্টি রহে স্থির ;

মুহমন্দ সুমধুর অল্প কথা কয়,
অঙ্গনার উচ্চকুল ইথে ব্যক্ত হয়।

(সচিস্তভাবে) যার এরূপ আকার-প্রকার,
তার অবস্থাস্তর হওয়াটা ঠিক নয়। আচ্ছা, জিজ্ঞাসা করা যাক্। (প্রকাশ্যে) ওগো, তোমার স্বামী কি জীবিত ?

রাজা।—(নিশ্বাস ফেলিয়া স্বগত) জীবিত পত্নীর এই অবস্থাস্তর চক্ষে দেখে সে কি আর জীবিত থাকতে পারে ?

উপা।—তিনি কি নিকটে আছেন ?

শৈব্যা।—(শাশ্ব-নয়নে রাজাকে অবলোকন)

উপা।—(দেখিয়া সবিষ্ময়ে) কি!—ইনিই এর স্বামী! (অনেকক্ষণ দেখিয়া সখেদে)

বুয়-সম স্বন্দ যার, মতহস্তি-শুণ্ড-সম
যার স্থূল দীর্ঘ ভুজ্জয়,

বিশাল যাহার বক্ষ, ভুবন-রক্ষণ-কার্য্যে
সে তো হবে সক্ষম নিশ্চয়।

যে মস্তকে চূড়ামণি উচিত ভূষণ গণি
—তাহে কি না দেখি তৃণচয়!

কিরূপে ঘাটল ইহা ? —অহো! প্রতিকূল বিধি
কার পরে না হয় নির্দয় ?

(নিকটে গিয়া শাশ্বলোচনে) মহাত্মনু !
আমাকে আপনার ছুঃখের ভাগী করুন। বলুন,
কি জন্তু আপনি এরূপ কার্য্যে প্রবৃত্ত হয়েছেন ?

রাজা।—(চিন্তা করিয়া বিহ্বল-ভাবে স্বগত)
এই সাধু লোকটির বাক্য অশ্রুতা করা উচিত হয়
না। (প্রকাশ্যে) দেখুন সাধু! সবিস্তারে বলবার
এ দেশকাল নয়। তাই, সংক্ষেপে বলছি, শুভুন।
ব্রাহ্মণের ঋণে পীড়িত হয়ে আমি এই কাজে প্রবৃত্ত

হয়েছি। এর পর, আর অধিক বলতে আমাকে
অনুরোধ করবেন না।

উপা।—সেই জন্তু এই ধন দিচ্ছি, গ্রহণ করুন।

রাজা।—(কর্ণে হাত দিয়া ঢাকিয়া) আমাদের
মত লোকের এই ব্রাহ্মণ-বৃত্তি নিষিদ্ধ। আমার
প্রতি যদি আপনার অনুকম্পাই হয়ে থাকে,
তা হলে আমাকে মূল্যের হিসাবে ধন দান করুন।

শৈব্যা।—(ভয়-ব্যস্তভাবে নিকটে আসিয়া
সবিনয়ে অঞ্জলিবদ্ধ হইয়া) মহাশয়, আমি আপনার
কাছে প্রথমে এসেছিলেম, আমাকে ছেড়ে আর
কাউকে গ্রহণ করবেন না। আমাকে অনুগৃহীত
করুন, আমি আপনার শরণাগত হয়েছি।

উপা।—(শাশ্বলোচনে) ওগো !

এ লক্ষ্মী স্বর্ণমুদ্রা তোমাদের উভয়ের
করিতেছি দান,
পরস্পরে যুক্তি করি' যাহা ভাল বুঝ তাই
করহ বিধান।

(ধন অর্পণ)

শৈব্যা।—(গ্রহণ করিয়া সহর্ষে) আ, কি
সৌভাগ্য! নাথের প্রতিজ্ঞাভার এখন অর্দ্ধমাত্র
অবশিষ্ট রইল, আমিও কৃতার্থ হলেম।

উপা।—(স্বগত) এঁদের এই বিহ্বলাবস্থা
অবলোকন করাটা আমার উচিত হয় না।

(প্রস্থানোত্ত)

শৈব্যা।—মহাশয় একটু অপেক্ষা করুন—আমি
আমার স্বামীকে ভাল করে' একবার দেখে নি।

উপা।—এই কোণ্ডিন্য এইখানে রইলেন।

[প্রস্থান।

শৈব্যা।—(রাজার বজ্রাঙ্কলে সুবর্ণ বাঁধিয়া দিয়া)
নাথ! এই দ্বিজবরের দাসী হতে আমাকে অল্পমতি
দেও।

রাজা।—(বিহ্বল হইয়া) আমি আর কি
অল্পমতি দেব—প্রবল বিধিই অল্পমতি দিচ্চেন।
(তিরস্কার-সহকারে স্বগত) হতবিধে!

দেবী-পদ দিয়া এঁরে পরগৃহদাসী পুন
করিলে এখন ;

চূড়ার রতন যে গো —তাহারে করিলে তুমি
চরণাভরণ ?

(অতীব করুণভাবে) ওঃ, কি কষ্ট!

বিধি-হত মন্দবুদ্ধি এ জনের দারাসুত
হইয়া বিক্রীত
সবিতারো শুভমুখ এই কলঙ্কেতে মান
হইল নিশ্চিত।

(মনস্থির করিয়া প্রকাশে) প্রিয়ে!

সশিষ্য ব্রাহ্মণ এই
তব সেব্য জানিবে গো মনে;
তঁার পত্নীরেও তুমি
পরিচর্যা করিবে যতনে।
প্রাণেরে করিবে রক্ষা,
শিশুটির করিবে পালন;
যে আজ্ঞা করিবে দৈব
হবে তাই করিতে সাধন।

শৈব্যা।—তাই করব।

(প্রস্থানোদ্যত হইয়া রাজাকে দেখিয়া বিহ্বল-চিত্ত)

বটু।—(সক্রোধে) এসো গো এসো, উপাধ্যায়
অনেক দূরে চলে' গেছেন।

শৈব্যা।—(অনুন্নয়-সহকারে) একটু অপেক্ষা
করুন—আমি নাথের মুখখানি ভাল করে' একবার
দেখে নি।

রাজা।—(বিহ্বল হইয়া) প্রিয়ে! ক্ষান্ত হও,
ব্রাহ্মণের কষ্ট হচ্ছে।

শৈব্যা।—(রাজাকে দেখিতে দেখিতে ধীরে
ধীরে পরিক্রমণ)

বালক।—বাবা! মা কোথায় যাচ্ছে?

রাজা।—(সখেদে) যেখানে তোর পিতার কলত্র
দাসী হয়ে যাচ্ছে, সেইখানে।

বালক।—ওরে বটু!—মাকে তুই কোথায় নিয়ে
যাবি?

বটু।—(সক্রোধে) দূর হ, গর্ভদাস! (ঠেলিয়া
ফেলিয়া দেওন)

বালক।—অধর-ভঙ্গী-সহকারে পিতা-মাতাকে
দর্শন)

উভয়ে।—(সাক্ষ-লোচনে অবলোকন)

রাজা।—ওগো ব্রাহ্মণ! শিশুর অপরাধ ধরতে নেই

—আপনার একপ করাটা ভাল হয় নি। (বালককে
উঠাইয়া শির আভ্রাণ ও আলিঙ্গন এবং বিহ্বলভাবে)

ওরে বাছা! কোপ-ভরে

অধরোষ্ঠ করি' বিস্ফুরণ
দেখিছ কি এ পাপীর
মায়াহীন নিষ্ঠুর আনন?
মাংসাশী নিকৃষ্ট জীব
—নিজ বৎস প্রিয় নহে যার—
তারো তবু পত্নী প্রিয়,
আমি দেখে উভয়ের বার।

তবে এই চণ্ডালের পিছনে পিছনে কেন আস্ছি
বলু—তোর মায়ের সঙ্গে যা। (বিহ্বল হইয়া)
শৈব্যা।—নাথ! এই হতভাগিনীর উপর দয়া
করে' মহর্ষি কি একটু কাজের শৈথিল্য করবেন না?
(বালককে লইয়া পরিক্রমণ)

(কৌশিক বিশ্বামিত্রের প্রবেশ)

কৌ।—আঃ! এখনও আমার দক্ষিণাটা দিলে
না?

রাজা।—(শুনিয়া সভয়ে উঠিয়া) মহর্ষি! এখন
এই অর্ধেক গ্রহণ করুন।

কৌ।—আঃ! অর্ধেক কি হবে? যদি আপনি
প্রতিশ্রুত দক্ষিণা আপনার দেয় মনে করেন, তা হলে
সমস্তই দিন।

নেপথ্যে।—

ধিক তপে, ধিক ব্রতে ধিক জ্ঞানে, ধিক তব
পাণ্ডিত্যে শুনো গো ব্রাহ্মণ!

হরিশ্চন্দ্রের যবে এই শোচনীয় দশা
করিলে গো তুমি সংঘটন ॥

কৌ।—(শুনিয়া সক্রোধে) আঃ! কে আবার
ধিক শব্দে আমাকে তিরস্কার করচে? (উর্ধ্বে
অবলোকন করিয়া) এই যে বিমানচারী বিশ্ব-দেবতার
এখানে উপস্থিত। (সক্রোধে কমণ্ডলু জল স্পর্শ
করিয়া শাপ-জল গ্রহণ করিয়া) ওরে আত্মজ্ঞান-বর্জিত
ক্ষত্রিয়-পক্ষ-পাতী ক্ষুদ্রেরা—তোদের ধিক!

তোমরা যে পঞ্চজন —ক্ষত্রকুলে তোমাদের
হইবে জনম।

তবু দ্রোণাচার্য্য-সুত তোমাদের কুমারেরে
করিবে হনন ॥

(পুনর্বার উর্ধ্বে অবলোকন করিয়া সহর্ষে) এই যে।

মম দৃষ্টিপাতে ওরা
ভয়ক্রমে হইয়া কম্পিত
ঘণ্টানাদী রথ হতে
ব্যোমগর্ভে হতেছে স্থলিত ;
কিরীটের কোণগুলি
ধ্বজ-পটে আছে লগ্ন হয়ে,
কুণ্ডল পড়েছে খসি',
অধোমুখে এইরূপে ভয়ে
নভঃ-পথে ইতস্ততঃ
কে কোথায় পলাইছে ধয়ে ।

রাজা।—(উর্ধ্বে অবলোকন করিয়া সত্যে)
অহো! এঁর কি তপঃ-প্রভাব! এই তপ-প্রভাব-
বশতই হরিশ্চন্দ্র যে কষ্ট পাবে, তাতে আর আশ্চর্য্য
কি! দেখুন মহর্ষি! আমার কথার আর অর্থতা
হবে না।

লহ এই অর্থ বাহা উপার্জ্জিহু বিকাইয়া
বনিতা তনয় ;
বাকি অর্ধ দিব আমি চণ্ডালেরে নিজ দেহ
করিয়া বিক্রয়।

কৌ।—(সক্রোধে) অর্ধে কি হবে, প্রতিশ্রুত
সমস্ত অর্থ একেবারেই দিতে হবে।

রাজা।—ওগো সাধুগণ! “কোন কার্য্য-
অনুরোধে” ইত্যাদি।

(চণ্ডাল-বেশে অনুচরের সহিত ধর্মের প্রবেশ)

ধর্ম।—(স্বগত)

আমা হতে ত্রিভুবন হতেছে রক্ষিত,
সত্য করে মোরে রক্ষা ত্রিলোক-সহিত।
এ রাজার সত্য তাই পরীক্ষা করিতে
চণ্ডালের দেহ ধরি' এহুঃ অবনীতে।

(অনেকক্ষণ ধ্যান করিয়া সবিষ্ময়ে) ধ্যান করে'
দেখি, রাজর্ষি হরিশ্চন্দ্রের সমতুল্য আর কেহই
নাই। আচ্ছা, তাঁর কাছেই তবে যাওয়া যাক।
(পরিক্রমণ করিয়া প্রকাশ্যে) ওরে সারমেয়! অর্থের
প্যাটরাটা সঙ্গে নিয়েচিস্ তো?

অনুচর।—মহত্তর! আপনি কি স্তবর্ণাগার
করবেন—না সুরাপান করবেন?

ধর্ম।—ওরে! এ সব জিজ্ঞাসায় তোর কি
প্রয়োজন? (পরিক্রমণ)

রাজা।—(“কোন কার্য্য-অনুরোধে” ইত্যাদি।
চতুর্দিকে অবলোকন করিয়া সখেদে) হায়, আমি
কি হতভাগ্য! আমাকে কেহই কিনতে চায় না?—
হায়! আমার দশা কি হবে? (মুর্ছিত হইয়া পতন)
ধর্ম।—(শুনিয়া দেখিয়া স্বগত) কি! এই
মহাত্মা ব্যক্তি মুর্ছিত হয়ে পড়ে' আছেন?
আচ্ছা, এইরূপ করা যাক (ব্যস্তসমস্তভাবে নিকটে
আসিয়া প্রকাশ্যে) ওরে ওঠ! আমিই তোকে
কিনুব—যে স্তবর্ণ-মুগ্ধা চাচ্চিস্, এই নে।

রাজা।—(সহর্ষে উঠিয়া) ওগো! সাধু! আচ্ছা,
নিয়ে এসো; (দেখিয়া সবিষাদে) বাপু! তুমি
আমাকে কিনতে চাচ্চ?

ধর্ম।—হাঁ, আমিই তোমাকে কিনতে চাচ্ছি।

রাজা।—আচ্ছা, আপনি কে বলুন দিকি?

ধর্ম।—

সর্ব-ঋণানের ওগো আমি অধিপতি,
দণ্ডাধ্যক্ষ পুরুষের সুবিশ্বস্ত অতি।

বধ্যস্থানে নিয়োজিত করে গোঁ যাহায়

—জানিবে গো আমি সেই চণ্ডাল-মশায়।

রাজা।—(আবেগ-ভরে নিকটে গিয়া কৌশিকের
পদতলে পড়িয়া) মহর্ষি! প্রসন্ন হোন্—প্রসন্ন হোন্।

অঞ্চলী হইব, বিপ্র! বরঞ্চ দাসত্ব তব
করিয়া স্বীকার;

চণ্ডালের দাসত্ব করা দেখি নাই শুনি নাই
জীবনে আমার।

কৌশি।—ধিক্ মূর্খ; তপস্বীরা নিজেই যে
দাস; তোমার দাসত্বে আমার কি কাজ হবে?

রাজা।—(সাহুনিয়) সহর্ষি যা আজ্ঞা করবেন,
তাই করব।

কৌ।—শোনো বিশ্ব-দেবতারা, শোনো। যা
আমি আদেশ করব, তাই তুমি করবে?

রাজা।—হাঁ, আমি করব।

কৌশি।—আচ্ছা, তা হলে এই ক্রেতার নিকটেই
আত্ম-বিক্রয় করে' আমাকে স্তবর্ণ দান কর।

রাজা।—(বিহ্বল হইয়া: স্বগত) ওহো হো!
এখন উপায় কি? (প্রকাশ্যে) যে আজ্ঞে মহর্ষি!

(চণ্ডালের নিকটে গিয়া) ওগো! স্বজাতি-শ্রেষ্ঠ!
এই নিয়মে আমাকে ক্রয় কর।

চণ্ডাল।—কি তোমার নিয়ম ?
রাজা।—শোনো :—
ভিক্ষারঞ্জীবী হয়ে তব স্পর্শ হতে দূরে
অবস্থিতি করিব গো আমি।
যাহা যাহা আদেশিবে অবিচারে করিব তা
রথ্যাশ্বর-ধারী ওগো স্বামি!

উভয়ে।—(সপরিতোষে) ওরে! আচ্ছা, এই
নিয়মই ভাল; এই নে সূবর্ণ। (দূর হইতে অর্পণ)
রাজা।—(গ্রহণ করিয়া সহর্ষে)
অখণী হইয়া এবে ব্রাহ্মণের শাপ হতে
পেছু অব্যাহতি;
না হইয়া সত্যদ্রষ্ট চণ্ডালের দাসত্বও
প্লাবনীয় অতি।

(কৌশিকের প্রতি সান্ন্যয়ে) মহর্ষি! এই সমস্ত
ধন গ্রহণ করুন।
কৌশি।—(অপ্রভিত হইয়া) সমস্ত ধনই দেবে ?
রাজা।—(সান্ন্যয়ে) মহর্ষি!—এই গ্রহণ করুন।
কৌশি।—(গ্রহণ করিয়া স্বগত) এর পর
আমার আর কি বলবার আছে?—এখন তবে যাই।
(অপ্রভিতভাবে গ্রহণ)
রাজা।—(সবিনয়ে অঞ্জলিবদ্ধ হইয়া) মহর্ষি!
আমার কাল-বিলম্বের অপরাধ মার্জনা করুন।
কৌ। আচ্ছা, মার্জনা করলেম।

[প্রস্থান।

রাজা।—(চণ্ডালের নিকট গিয়া) ওগো স্বজাতি-
শ্রেষ্ঠ!—(এই অর্দোক্তি করিয়া মুখ আবরণ) প্রভো!
আজ্ঞা করুন, এখন কি করতে হবে ?

ধর্ম।—(সপরিতোষে স্বগত) এমন কাজ করতে
হবে, যা' তুমি পূর্বে কখন দেখনি, কিম্বা শোনো নি।
(প্রকাশে) ওরে! দক্ষিণ-শ্মশানে গিয়ে শবের
বস্ত্রাদি আহরণের জন্ত রাত-দিন জেগে থাকতে
হবে। আমি এখন স্বগৃহে চল্লম।

রাজা।—যে আজ্ঞে প্রভু!

[সকলের প্রস্থান।

ইতি তৃতীয় অঙ্ক।

চতুর্থ অঙ্ক

দৃশ্য—রাজপথ

(সচিন্ত রাজা ও তাঁহার পশ্চাৎ পশ্চাৎ
চণ্ডালদ্বয়ের প্রবেশ)

চণ্ডালদ্বয়।—আপনারা সরে' যান মহাশয়রা,
সরে' যান; ইনি বধ্য নন। তবে আর এখানে কি
দেখছেন? কি বলছেন?—কে ইনি, কোথায় বা
এঁকে নিয়ে যাওয়া হচ্ছে—এই কথা জিজ্ঞাসা কর-
ছেন? ইনি একজন তপস্বী, আমার প্রভু-মহাশয়ের
কাছ থেকে বহু সূবর্ণ গ্রহণ করে' তাঁর দাসত্ব স্বীকার
করেছেন, তাই রক্ষণ-কার্যের জন্ত এঁকে দক্ষিণ-
শ্মশানে নিয়ে যাওয়া যাচ্ছে।

রাজা।—(নিঃশ্বাস ফেলিয়া স্বগত) কি কষ্ট!
আমার বিপদ-পরম্পরায় আর শেষ নেই—উত্তরোত্তর
আরও যেন দারুণ হয়ে উঠে।

হইল এখন আমি চণ্ডালের দাস,
করিতে হইবে বোর শ্মশানেতে বাস;
শব-গাত্র হতে বস্ত্র

হরিতে হইবে অবিশ্রান্ত
ঘটায় বিপদ এত
তবু দৈব না হইল শাস্ত।

(শোক-সহকারে) কথায় যে বলে, হুঃখের দ্বারাই
হুঃখ অন্তর্হিত হয়, সে ঠিক কথা। পূর্বে দক্ষিণার
শ্মশানের জন্ত আমার মহা হুঃখ উপস্থিত হয়েছিল—এখন
আবার এই হুঃখে সেই হুঃখ তিরোহিত হল। (বিহ্বল
হইয়া)

কি নিমিত্ত করি শোক? —প্রজারা বজ্রহারী
অনাথা বলিয়া?
—হইয়াছে ভৃত্যগণ অসহায়, সূবৎসল
প্রভু হারাইয়া?
প্রিয়া বিজ-গৃহে দাসী তাই কি গো?—কিম্বা শিশু
বৎসের লাগিয়া?

কিম্বা চণ্ডালের গৃহে এ পাপ-জীবন
দাসত্বে নিযুক্ত—তাই শোকের কারণ?

(স্মরণ করিয়া সখেদে)

হরারাদ্য তপোনিধি বিশ্বামিত্রে কোনরূপে
প্রসন্ন করিছ যবে
শুধি' তাঁর ধার

অমনি বটুটা আসি' শিশুরে ফেলিল ঠেলি'
—দেখিলু সে অশ্রুময়
মুখানি তাহার ;
তদবধি সেই দৃশ্য অন্তঃশল্য ব্রণসম
অন্তরে অন্তরে দহে
মোরে অনিবার ।

চণ্ডালদ্বয় ।—আপনারা সরে' যান ইত্যাদি ।
রাজা ।—(চিন্তা করিয়া সখেদে স্বগত) ওহো হো !
কি কষ্ট ! যখন দেখ্লেম :—

গুরু-ভক্তি-বশে যবে হয়ে স্বরাশিত অতি
রোষে রক্তবর্ণ-আঁধি সেই সে ব্রাহ্মণ
ভূমে নিষ্ফপিল বৎসে ;— মাতার অঞ্চল ধরি'
কাঁদিতে লাগিল শিশু ; দেবী গো তখন
অশ্রু-ছলছল-আঁধি কোনরূপে অশ্রু ধরি'
রহিল এ কুর-পরে চাহি বহুক্ষণ ।

(বিহ্বল হইয়া) হা দেবি !

যদি তুমি হও ওগো সূর্য্য-কুলোচিত বধু
—সুন্দর চন্দ্রকূলে যদি তোমার জনম,
সুন্দরি ! কেমনে বল আমা হেন ভ্রম-সুপে
স্বতাহতি সম তুমি হইলে পতন ?
তা ছাড়া, রাজপুত্রি !
যে তুমি গো উপবনে নবমালিকার পুষ্পে
মালা গাঁথি হইতে গো শ্রাস্ত,
সেই তুমি দাস্তবৃত্তি কেমনে করিবে বল
—অনভ্যস্ত তাহে যে নিতাস্ত ।

চণ্ডালদ্বয় ।—ওরে ! দক্ষিণ-শ্মশান কাছাকাছি
হয়েছে, এইবার একটু তাড়াতাড়ি চল ।
রাজা ।—(দেখিয়া ধৈর্য্য-সহকারে) এই যে
দক্ষিণ-শ্মশান !

এই শকুনির দল সুদূর গগন-তলে
অভ্যস্ত মণ্ডল-গতি করি' শতবার
পুচ্ছাগ্র তুলি উর্দ্ধে, নিশ্চল যুগল পক্ষ
স্থিরভাবে নভস্তলে করিয়া বিস্তার,
শব-মাংস-লোভবশে মুখ-গহভর হতে
বিগলিত লালা-রসে চক্ষুপুট করিয়া পূরিত,
শব-দেহপরে আসি' বেগ-ভরে হতেছে পতিত ।

(নেপথ্যে কলরব)

রাজা ।—(কর্ণপাত ও অবলোকন করিয়া)
অহো ! শ্মশানের কি বীভৎস রুদ্রভাব !
এই শৃগালের দল কর্ণ-কটু প্রতিধ্বনি
উঠাইয়া করিছে চীৎকার ।
যেন বধ্য-ছন্দুভির অশিব নিষ্ঠুর বাণ
ঘোর-রবে ছায় চারিধার ।
মড়ার মাথার খুলি তাপেতে ফুটিয়া উঠি'
তাহাতে মস্তিষ্ক সব হয় বিগলিত ;
তাহে অভিবিক্ত হয়ে স্তিমিত জটিল-অগ্র
এই সব হতাশন হয় প্রজলিত ।

(সম্মুখে অবলোকন করিয়া) এই শবও স্পৃহণীয়
বলে' আমার এখন মনে হচ্ছে । বাপু শব !
সর্বস্বাপহারী এই লোলুপ স্বাপদকুল তোমার
মাংস মনের সাধে উপভোগ করচে, তুমিই ধন ।

মস্তকে বসিয়া কাক ঠোট দিয়া করে ভেদ
মুদিত নয়ন ।
ওষ্ঠ-প্রান্তে বিনির্গত রসনাগ্র—শৃগাল তা'
করয়ে ভক্ষণ ।

কুকুর করয়ে ছিন্ন উদরের অন্ত্রচয়,
গৃধ্রগণ তাহে ছিন্ন করে ।

এই হিংস্র জীবগণ যা ইচ্ছা করে গো তাই
—শব ওগো ! তোমার উপরে ।

অহো ! এই শরীর কি অসার !
সেই কটি, সেই বক্ষ, সেই মুখ, সেই নেত্র
সেই ভুরুদ্বয়

—সবই অপবিত্র এবে — রক্ত, বসা, মাংস, অস্থি
রস-লালাময় ;

—ভীরুদের ভয়প্রদ বিনীতাত্মা পণ্ডিতের
লজ্জার বিষয় ।

তাই বলি, মূঢ় চিত্ত বিষয়ী অজ্ঞান !
কেন বৃথা এই দেহে ক্ষুদ্র অভিমান ?

চণ্ডালদ্বয় ।—(সম্মুখে অবলোকন করিয়া)
এই তুঙ্গ-তরু-কুহর-বাসিনী ভগবতী চণ্ডী কাত্যা-
য়নীকে প্রণাম করি । (তথা করণ)

চণ্ড-মুণ্ড-খণ্ডিনী মহিষাসুর-মর্দিনী
দেবি ওগো ! নমস্তে নমস্তে !
ভগবতী কাত্যায়নি গজ-চর্ম্ম-আচ্ছাদনি !
রক্ষ মোরে চণ্ড শূল হস্তে ॥

রাজা।—(চারিদিকে অবলোকন করিয়া
সবিস্ময়ে) অহো ! কাত্যায়নৌ দেখ্চি বীভৎস-
উপচার-প্রিয় ।

নির্মুখ্য পচাধসা, মৃত-গো-মহিষ-কণ্ঠ
বিলম্বিত ঘণ্টা কণ্ঠে ধরে ;
ঠনঠন ঠনঠন ঠন ষোরতর শ্রুতিকটু
শব্দে তার শ্রবণ বিদরে ।

পঞ্চাঙ্গুলি-রক্ত-রেখা- -আলপনা বিরচিত
তলদেশে যার
হেন তরু-স্তম্ভে বসি' বলি-লুক্ক বায়সেরা
করিছে চীৎকার ।

(অঞ্জলিবদ্ধ হইয়া প্রণাম-সহকারে)
প্রেত-গতি-বিধায়িনি ! প্রেত-কায়-বিলাসিনি !
—প্রিয় যার প্রেতের বিমান ;
প্রেতাস্থিতে আছ মাজি, ভইরবী প্রেত-ভোজী
—তোমা আমি করি গো প্রণাম ।

(নেপথ্যে কলরব)

রাজা।—(শুনিয়া) অহো ! দিবাবসান হওয়ায়
বিহঙ্গেরা স্বনৌড়ের জন্ত উৎসুক হয়ে, কলরব করতে
করতে ঐ দেখ নানা দিক্ হতে উড়ে আস্চে ।
(পশ্চিমদিকে দৃষ্টিপাত করিয়া) কি আশ্চর্য্য ! দৈব-
গতি কেহই অতিক্রম করতে পারে না ।

গগনাদ্রনের দীপ এই সেই রবি
—কালরূপ ভুজঙ্গের শিখা-মণি-চ্ছবি—
কণেক বাড়বানল-মুরতি ধরিয়া
দীনভাবে জলধিতে পড়িছে চলিয়া ।

(চারিদিকে অবলোকন করিয়া সবিস্ময়ে)

সন্ধ্যা সে বধ্যার সম
—অস্বাঘাত-শোণিত-রঞ্জিত ;
স্নান সূর্য্যকর যেন
—স্বল্প অগ্নি চিতাঙ্গার-স্থিত ;

নর-অস্থি, তারা-রূপে
বিকীরিত রহে নভস্থলে ;

বিশদ নর-কপাল
সমুজ্জল—যেন ইন্দু জলে ;
ঘন তমোধুমজাল —নিশাচররূপে যেন
ইতস্তত ঘুরিয়া বেড়ায় ;

অখিল জগৎ হ'ল কাল-কাপালিকের এ
লীলা-ভূমি শ্মশানের প্রায় ।

৩৯—২৮

চণ্ডালঘয়।—(দেখিয়া) এই যে !
বধ্য-স্থানে বধ্য যথা করয়ে গমন,
তথা অন্ত যায় এবে জলন্ত তপন ;
চণ্ডালের দল যথা আসে বধ্য-স্থানে
—সেইরূপ তমোজ্বাল হেথা 'আসি' নামে ।

রাজা।—(চারিদিকে অবলোকন করিয়া
আশ্চর্য্যের সহিত) এই শ্মশান-বৃক্ষগুলি এখন অতি
গস্তীর ভীষণ ভাব ধারণ করেছে ।

উড়ি' আসি' তরুন্ধে বিশাল কোটর-বারে
পেচকেরা করিছে কুঞ্জন ;
পাখা-নাড়া দিয়া গুণ করিয়া অশ্রুট রব
তরু-শিরে করে আগমন ;

শাখা-অগ্রে লক্ষমান গলদঙ্গ শবদের
ঘন ঘোর বসা-গন্ধ করিয়া আত্মাণ,
খসিয়া অনল-শিখা শৃগাল ক্রন্দন-রবে
ছাইতেছে সমস্ত এ ভীষণ শ্মশান ।

একজন।—(জনান্তিকে) ওরে ! এই দক্ষিণ-
শ্মশানে নানা প্রকার বেতাল আছে, আয়, শীত্র
এখান থেকে যাওয়া যাক ।

অন্য।—চল, আমরা যাই ।

উভয়ে।—(প্রকাশে) ওরে, প্রভুর আজ্ঞা, তুই
এই শ্মশানে ঘুরে ঘুরে বেড়াবি, আর এখানে থেকে
সাবধানে কাজকর্ম করবি ।

রাজা।—(সহর্ষে) প্রভুর যা আদেশ, তাই করা
যাবে ।

(নেপথ্যে কলরব)

চণ্ডালঘয়।—(সভয়ে) মা গো ! কি ঘোর নৈশ
কলরব ; এইবার আমরা পালাই ।

[প্রস্থান ।

রাজা।—(স্তম্ভিতভাবে পরিক্রমণ করিয়া দেখিয়া)
অহো ! এই শব-স্থান কি বীভৎস-দর্শন !

পুরানো কুপের সম
গোলাকার কোটর-নয়ন ;

ক্ষুদ্র মাথা, উচ্চ নাসা,
বক্র দস্ত, বিকট বদন ;

শিরাময় জজ্বাঘয়, বৃক্ষের কোটর-সম
নিম্ন উদর ।

শিরাচ্ছন্ন সন্ধি-স্থান —হেন প্রেতগণ-বপু
অতি ভয়ঙ্কর।

(সকৌতুকে; অবলোকন করিয়া) অহো!
এই পিশাচেরা ক্রীড়াকলহেও খুব পটু দেখি।

প্রেত-মাঝে কোন জন পিইতেছে ঘন রক্ত
অন্ত হতে চমক কাড়িয়া;

জলজ্জ্বল অন্ত প্রেত পর-বক্ত-বিগলিত
রক্ত পিয়ে চাটিয়া চাটিয়া।

শোণিতের কণা যাহা ঝরিয়া ঝরিয়া পড়ি'
ভূতলে গড়ায়

দীর্ঘগ্রীব প্রেত এক করে তাহা আশ্বাদন
দীর্ঘ রসনায়।

(সকৌতুকে অবলোকন করিয়া বিস্মিত)

মূর্খদের পরিহাসের ছায় এই পিশাচদেরও
কেলি-কৌতুক দেখে চিত্ত-মাঝে বিরুদ্ধ রসের সঞ্চার
হয়।

কিবা সে মধুর মুহু অঙ্গ-ভঙ্গী কামিনীর
—কটাক্ষ সুন্দর।

আর কিবা এই রুদ্ধ প্রলয়ের উদ্ভা-ছাতি
দৃষ্টি পরস্পর;

কিবা এই সুবিকট দস্তে দস্তে সংঘট
অলিত অনল সম চূষন-নিয়ম;

কিবা গাঢ় আলিঙ্গন —ঠকাঠক ঠকাঠক
পঞ্জরে পঞ্জরে ঠেকি' শব্দ বিষম।

(সদয়ভাবে অবলোকন করিয়া) ষিক! এ দৃশ্য
বড়ই বীভৎস!

চিতানল হতে মুণ্ড আকর্ষিয়া, সাধ করি'
তার মাঝে বাহু-অস্থিখানা,

ঠাণ্ডা করিবার তরে ফুৎকারি' প্রলয় বায়ে
গ্রাসয়ে সে মুণ্ড এক দানা।

আনন দগধ হয় থাইতে গিয়া তা' লোভ-বশে;

সহিতে না পারি তাপ উগরিয়া ফ্যালে অবশেষে।

(স্মরণ করিয়া) এদের জন্ত কুতূহলী হয়ে আর
কি হবে, প্রভুর আদেশমত শ্মশানের চারিদিকে
ভ্রমণ করা যাক। (পরিভ্রমণ করিয়া দেখিয়া) অহো!
নিশীথিনীর কি গভীর গাভীর্ষ্য!

মুষ্টি-গ্রাহ অন্ধকার চারিদিকে দিগ্ধিভাগ
করেছে বিলোপ;

চরণ-স্বলন হয় বিষম ভূমির পরে,
দৃষ্টি-হারা চোখ।

নাহি অস্ত্র কোন বর্ণ, অঞ্জনের গিরি হতে
অঞ্জন গলিত যেন বৃষ্টির ধারায়;

চারিদিকে একতানে একটি নিলীমা ঘোর
বিরাজ করয়ে যেন নিজ মহিমায়।

আচ্ছা, উঠেঃস্বরে একবার আমি ডাক দিয়ে
দেখি। কে আছ গো এখানে? শ্মশানাধিপতি আমার
প্রভুর এই আদেশ, তোমরা সবাই শোনো:—

আমারে না জানাইয়া,
মৃতের কঙ্কাল নাহি দিয়া,
কেহ না করিতে যাবে
শ্মশান-উচিত কোন ক্রিয়া।

তাই আজ হতে:—

যাহা বলিলাম আমি অবস্থিত হয়ে হেথা
তোমরা গো করিবে পালন;

না পারি সহিতে আমি প্রভুর আদেশ যদি
একটুকু হয় ব্যতিক্রম।

চতুমুখ দেবরাজ, বক্রণ পবন-সম
থাকুক না যে কেন হেথায়,

তথাপি হইয়া তার ঘোরতর প্রতিদ্বন্দ্বী
এই বাহু যুঝিবে তাহায়।

এ কি! কেহই যে উত্তর দেয় না। আচ্ছা,
অস্ত্র গিয়ে বলি। (পরিভ্রমণ করিয়া) কে আছ গো
এখানে?

নেপথ্যে।—আমি আছি গো।

রাজা।—(স্বৈর্ঘ্য-সহকারে) এই যে উত্তর দিচ্ছে।
আচ্ছা, এই শব্দের অনুসরণ করে' জানা যাক, লোকটা
কে। (পরিভ্রমণ করিয়া নেপথ্যাভিমুখে অবলোকন
করিয়া সবিস্ময়ে) এ কে?

খট্টাপ ধারণ করে,

ভস্মে অঙ্গ হয়েচে রঞ্জিত;

নর-অস্থি-অলঙ্কারে

রমণীয় কান্তি উদ্ভাসিত;

করে শোভে নৃ-কপাল

নৃ-করক শোভে শিরোদেশে;

সাক্ষাৎ কি ভূতনাথ
আইলেন হেথা নিজ বেষে ?

(কাপালিকবেশে ধর্মের প্রবেশ)

ধর্ম।—আমি গো আমি ।

অযাচিত-ভাবে আসি’

লোক-দ্বারে করি ভিক্ষাবৃত্তি,

নিস্তরঙ্গ পঞ্চেন্দ্রিয়

এবে মোর হয়েছে নিবৃত্তি ।

সংসার মহাশ্মশান

—তাহারে গো করি’ বিসর্জন,

বীভৎস শ্মশানে এই

এবে দেখ করি বিচরণ ।

(চিন্তা করিয়া) সেই ভগবান্ রুদ্র মহাব্রত
সাধন করে’ উচিত কাজই করেছিলেন । সংসার-
বন্ধন-হীন স্বেচ্ছাচারীদের এই একমাত্র পবিত্র উৎকৃষ্ট
পস্থা । কিন্তু :—

দিনে একবার ভিক্ষা, এক তপ, এক ক্রিয়া
—সহজ সে সব ;

কিন্তু গো আত্মার মাঝে অদ্বৈত আত্মারে দেখা
সেই তো হুল’ভ ।

(চারিদিক অবলোকন করিয়া আশঙ্কার সহিত স্বগত)

আমা হতে হয় রক্ষা এ সব ভুবন ;
ভুবনে, ও মোরে সত্য করয়ে রক্ষণ ।
পরীক্ষিতে এ রাজার সত্য সবিশেষ
আইলু হেথায় আমি ধরি’ এই বেষ ।

(চিন্তা করিয়া সবিস্ময়ে স্বগত) আশ্চর্য্য !
শোকগ্রস্ত রাজা হরিশ্চন্দ্রের চরিত্র হুঃখ-পরম্পরা
ছাড়া আর কিছুই নয় । অথবা, মহাত্মাদের প্রকৃ-
তিই এইরূপ । কেন না :—

সুখ কিবা হুঃখ, কিবা সেই মত কোন বস্তু
নিয়ত কি আছে এ জগতে ?

বিবেকের ধ্বংস-হেতু সুখ-দুঃখে বিজড়িত
হয় লোকে জীবনের পথে ।

মহাত্মা লোকের হেথা আছে কোন মনোবৃত্তি
সর্ব-বিগ্নয়িনী

—যাতে সুখে সুখ বোধ কিবা দুঃখে দুঃখ বোধ
না হয় কখন ।

আচ্ছা, তাঁরই নিকটে যাওয়া যাক । (পরি-
ক্রমণ করিয়া ও দেখিয়া শ্লাঘা-সহকারে) এই যে
সেই মহাত্মা—এইবার নিকটে যাই । (তথা করিয়া)
রাজন্ ! সফল-মনোরথ হোন্ !

রাজা ।—আপনি দেখচি একজন কঠোর-ব্রতী
নিষ্ঠাচারী সাধু—আপনাকে স্বাগত-সম্ভাষণ করি ।

কাপালিক ।—আপনার নিকটে আমি ভিক্ষার্থী
হয়ে এসেছি ।

রাজা ।—(লজ্জিত)

কাপা ।—লজ্জিত হয়ো না ; যোগ-দৃষ্টিতে
আমি তোমার সমস্ত বৃত্তান্ত অবগত আছি । তথাপি
এরূপ অবস্থাতেও তোমার অভীষ্ট-দানে দারিদ্র্য নাই
জান্বে । দেখ :—

সাধুগণ সাধ্যমত যে-কোন-প্রকারে করে
পর-উপকার, পর-হিত ;
অমাবস্থাতেও ইন্দু বনস্পতিরে কভু
রসদানে না করে বঞ্চিত ।

তাই বল্চি, মনোযোগ দিয়ে শোনো ।

রাজা ।—বলুন, আমি মন দিয়ে শুন্চি ।

কাপা ।—

গুটিকা, অঞ্জন, বজ্র, দৈত্যাক্রমণ, রসায়ন
ধাতু-বাদ আছে বিধি যত
—সে সব বেতাল-সিদ্ধি শোনো ওগো মহারাজ,
আছে মোর করতলগত ।
তাই বলি, দেখ ভাবি’ বিদ্ব-আচ্ছাদনে যেন
এ সমস্ত না হয় আবৃত ॥

অতএব, যাতে বিদ্ব-সকল দূর হয়, তাই আপনি
আদেশ করুন ।

রাজা ।—দেখুন সাধক ! যোগবলে আপনি
তো জানেনই, আমার এই শরীর আমার অধীন
নয় ; তাই, যে কাজ আমার প্রভুর স্বার্থ-বিরোধী
নয়, সেই কাজই আমি করতে পারি ।

কাপা ।—রাজন্ ! এ কাজে এমন কি আছে,
যা আপনার প্রভুর স্বার্থবিরোধী ? দেখুন, আপ-
নার আঞ্জামাত্রেই আমার অভীষ্টসাধন হতে
পারে । এই স্থানের অনতিদূরে সিদ্ধরসের একটি
মহানিধি আছে, সেইটি হস্তগত করবার জন্তই
আমার এই উদ্ভোগ । আপনি এখানে সতর্ক

হয়ে থাকবেন, দেখবেন, যেন বিয়-গুলি এসে আমার কাজের অন্তরায় না হয়।

(সিদ্ধি-রসনিধি ঝঞ্জে লইয়া, বেতালগণ কর্তৃক অনুসৃত হইয়া কাপালিকের প্রবেশ)

[প্রস্থান।

রাজা।—(সগর্বে চারিদিকে পরিক্রমণ করিয়া)
দূর হ বিয়েরা, আমাদের এই পরিসরের মধ্যে
তোরা কখনই আসতে পাবিনে।

নেপথ্যে।—যে আজ্ঞা রাজন্!

স্বয়ম্বর শ্রেয় বিষ্ণাগণ
হইয়াছে আজি মুক্তদ্বার,
সিদ্ধিগণ দিবে যাহা চাও;
কে লজ্জাবে আদেশ তোমার ?

রাজা। (সহর্ষে) কি আশ্চর্য্য! বিয়েরা
আমার কথা শুন্লে যে দেখ্ চি; কি সৌভাগ্য!
কি সৌভাগ্য!

(বিমানচারী বিষ্ণাগণের প্রবেশ)

বিষ্ণাগণ।—সহসা নিকটে আসিয়া) রাজন্!
হরিশ্চন্দ্র! তোমার কি সৌভাগ্য!

কৌশিক দারুণ মুনি যাহাদের তরে তিনি
করিলেন তব প্রতি জুর আচরণ
সেই বিষ্ণাগণ মোরা —তব বিপদের মূল—
হইয়াছি উপস্থিত হেথায় এখন।

রাজা।—(দেখিয়া সবিষ্ময়ে স্বগত) কি ?—
বিশ্বামিত্রের মত উগ্রতপা ঋষিও যাদের বশ করতে
পারেন নি, সেই ভগবতী ত্রিবিজ্ঞা কি এঁরা ?
(প্রকাশ্যে অঞ্জলিবদ্ধ হইয়া) নমস্কার, ত্রিলোক-বিজ-
য়িনী বিষ্ণাদের নমস্কার।

বিষ্ণাগণ।—রাজন্। আমরা আপনার অধীন,
যা ইচ্ছা আমাদের আজ্ঞা করুন।

রাজা।—ভগবতীগণ! যদি আমাকে আপ-
নাদের অহুগ্রহ-পাত্র বলে' মনে করে' থাকেন, তা
হলে আমার প্রার্থনা, আপনারা কৌশিকের নিকটে
গিয়ে উপস্থিত হোন্; তা হলে মুনির নিকটে
আমি নিজেই নিরপরাধ বলে' সমর্থন করতে
পারব।

বিষ্ণাগণ।—(সবিষ্ময়ে পরস্পরের প্রতি অব-
লোকন করিয়া) রাজন্। তাই হোক।

কাপালিক।—(সহসা নিকটে আসিয়া) রাজন্!
এই সিদ্ধিরস-মহানিধি আপনি সৌভাগ্যক্রমে লাভ
করেছেন। অতএব, ভগবান্ রসেন্দ্রকে এখন আপ-
নার কাজে লাগান।

যাহার প্রয়োগমাত্র

এড়াইয়া মরণের হাত

অমর-লোকের মার্গ

অনাসে পাইয়া অচিরাৎ

সিদ্ধিগণ বিচরণ

করে সেই মরু-শিরোপরি

যেথা প্রফুটিত হয়

ইষ্ট-কল্প-দ্রুমের মঞ্জরী।

রাজা।—না না, এ দাসত্বের বিরুদ্ধ; এতে
প্রভু বঞ্চিত হতে পারেন।

কাপা।—(সবিষ্ময়ে স্বগত) অহো আশ্চর্য্য!
আচ্ছা, তবে এইরূপ বলা যাক। (প্রকাশ্যে) তা
যদি হয়, তা হলে সকলত্র দাসত্ব-মোচনের মূল্য-স্বরূপ
এই মহানিধিটি আপনি গ্রহণ করুন।

রাজা।—তা কিরূপে হবে? কেন না, শাস্ত্র-
কারেরা দাস-ভাবকে ধন-সম্পর্কহীন বলে' মনে
করেন। তবে, এ ধন প্রভুর নিমিত্ত গ্রহণ করা যেতে
পারে—সেই জন্তই পরিত্যাগ করা উচিত নয়।
আপনার যদি মত হয়, তা হলে প্রভুর জন্ত এই গুপ্ত
ধন আমি গ্রহণ করি।

কাপা।—(সবিষ্ময়ে স্বগত) অহো! কি ধৈর্য্য,
কি জ্ঞান, কি মহাহুভাবকতা! অথবা :—

বিচলিত হয় গিরি

যুগান্ত-প্রলয়-বায়ু

হইয়া তাড়িত;

ধীরের অটল মন

কষ্টে পড়িয়াও তবু

নহে বিচলিত।

অতএব, আমার পুনঃ পুনঃ বলাতেও কোন ফল
হবে না। (প্রকাশ্যে বেতালের প্রতি) বাপু! যাও,
এই রাজ্যের অভীষ্টসাধন কর।

বেতাল।—(প্রণাম করিয়া) যে আজ্ঞে সাধক।

[প্রস্থান।

কাপা।—(চারিদিকে অবলোকন করিয়া) রাত্রি
প্রায় প্রভাত হ'ল। এইবার তবে সাধন করা
যাক।

রাজা।—দেখুন সাধক, এই দীন জনের প্রস্তাবটা
যেন স্মরণ থাকে।

কাপা।—স্বাধীন! দেবতার! তোমার প্রস্তাব
স্মরণে রাখবেন।

[প্রস্থান।

রাজা।—(পূর্বদিক অবলোকন করিয়া প্রসন্ন-
ভাবে) এই যে!

ঘন তম ভেদ করি', প্রাতঃসন্ধ্যা অরুণে
পুরোভাগে করিয়া স্থাপন,
ঐ দেখ সূর্য্যদেব জগৎ-হিতের তরে
পূর্বদিকে উদিত হইছে এখন।

আমিও তবে ভগবতী ভাগীরথীর তীরে উপস্থিত
হয়ে প্রভুর আদেশ অনুযায়ী কাজ করি।

[প্রস্থান।

ইতি শশান-চরিত নামক চতুর্থ অঙ্ক।

পঞ্চম অঙ্ক

(বিকৃত-মলিন-বেশে রাজার প্রবেশ)

রাজা।—(হতাশভাবে নিঃশ্বাস ছাড়িয়া) ওঃ!
কি কষ্ট, কি কষ্ট!

শক্রতা মুনিবরের সুহৃৎগণের ত্যাগ,
দারাপুত্রের বিক্রয়,
দাসত্ব এ চণ্ডালের —হুঁসার পাপের ফল
এ সকল নিশ্চয়।

মৃত-আত্মা ক্রুর আমি এই সব ফল ভুগি
যে পাপের লাগি,
না জানি গো সেই পাপ কি ঘোর দারুণ, আহা!
তাই আমি ভাবি।

(বিহ্বলভাবে) অহো! ভবিতব্যতা কি বলবতী!
কেন না:—

ক্রুদ্ধ মুনি বিশ্বামিত্র
—তার সেই কোপের প্রভাবে

নতগ্রীব হয়ে আমি
হারাইল রাজ্য-লক্ষ্মী আগে;
পরে মুনি দয়া করি'
না লইলা যেই তিন নিধি
—সেই দারা, পুত্র, আত্মা
হরিল গো এ নির্ভূর বিধি।

(চিন্তা করিয়া দীর্ঘনিঃশ্বাস ত্যাগ করিয়া বিহ্বল-
ভাবে) আহা!

কুশাস্ত্রী প্রেমসী মোর বিধুরা হইয়া
প্রতি নিশি করে শোক আমার লাগিয়া;
কি দিয়া দাসত্ব মোর করিবে মোচন
অনুদিন করে সে গো তাহারি চিন্তন;
মিলনের আশে শুধু বেঁচে আছে প্রাণে,
এ মোর চণ্ডাল-দশা সে তো নাহি জানে।
শত-ধাত্রী কোলে লয়ে পারিত না করিতে গো
প্রশান্ত বাহায়
—সেই তুই কেমনে রে অকাতরে নিদ্রা যাস
লুটায়ৈ ধরায়?
শত নৃপ যার আঞ্জা আনন্দিত-মনে সদা
করিত পালন
—সেই তোরে আঞ্জা করে এবে কি না শাস্ত্রবিৎ
যত বটুগণ।

(অনেকক্ষণ চিন্তা করিয়া করুণভাবে)

এ মোর মন্তকোপরি সমস্ত বিপদ কেন
হোক না পতন;
আমি তো গো করিয়াছি সাদরে তাদের সবে
স্বাগত-ভাষণ।

কার্য্য কার' সুস্থ-মনে বাহারি গো আছে,
বিপদ সম্পদ তুল্য তাহাদের কাছে।
তোর লাগি ওরে বৎস এই হুঃখ আজ
অকশায়ী শিশু তুই, না করিলি কাজ,
অথচ নির্ভূর দৈব সর্পের মতন
অহেতু সহসা তোরে করিল দংশন।

(আশঙ্কার সহিত)

হউক পাপের শাস্তি —বাছাটির অমঙ্গল
হোক প্রতিহত;
কিছু না করিল তবু ঘটলে এ দশা তার
নির্ভূর বিধাত!

(বামাক্ষি ও দক্ষিণ বাহু স্পন্দনে হরষিত হইয়া)
নাচে মোর বাম চক্ষু দক্ষিণ এ বাহু মোর
হতেছে স্পন্দন ।

বিপদ সম্পদ মোর উভয়ি হইতে যে গো
হতেছে সূচন ।

(চিন্তা করিয়া) অথবা, বিপদ-সম্পদের চিন্তা
করে' আর কি হবে ? ছরাত্মা হরিশ্চন্দ্র হই পর্যাণ্ট-
রূপে ভোগ করেছে ।

অতঃপর যে বিপদ
সেই তো গো সম্পদ আমার ;
মরণই তো এবে মোর
পাপ-মুক্তি-সম্পদ-হয়ার ।

(তাড়াতাড়ি চণ্ডালের প্রবেশ)

চণ্ডাল।—ওরে! পুত্রের—

রাজা।—(আশঙ্কার সহিত) বাপু! পুত্রের
কি হয়েছে ?

চণ্ডাল।—ওরে! যেখানে প্রিয় পুত্রের পাশে
শুয়ে একজন স্ত্রীলোক পার্শ্ব-পরিবর্তন করতে করতে
করণশ্বরে রোদন করচে, সেইখানে শীঘ্র গিয়ে তার
শুদ্ধ কণ্ঠস্বর হস্তগত করু গে । আমি এখন প্রভুর
কাছে যাবি ।

[প্রস্থান ।

রাজা।—(পরিক্রমণ)

নেপথ্যে।—যাহ রে! বাছা রে! তুই কোথায়
গেলি রে?—উত্তর দে ।

রাজা।—(শুনিয়া সক্রোধভাবে) ওহো হো!
কি দারুণ বিলাপ !

(বিহ্বলভাবে শৈব্যার প্রবেশ)

শৈব্যা।—যাহ রে! বাছা রে! তুই কোথায়
গেলি রে?—উত্তর দে । পিতার মত তুইও কি এই
হতভাগিনীকে ত্যাগ করে' গেলি ? এই কি তোমার
উচিত ? (মূর্ছা)

রাজা।—(শুনিয়া দেখিয়া বিহ্বলভাবে) কি ?—
এ হতভাগিনীও স্বামি-পরিত্যক্তা ? অহো! সর্বত্র
সর্ব-প্রকারেই হতবিধির নির্দয়তা !

শৈব্যা।—(ব্যস্তসমস্ত হইয়া উঠিয়া) সে কি
এইখানে আছে?—কোথায় গেল আমার বাছা ?
(দেখিয়া পরিক্রমণ করিয়া) কেন রে বাছা, আমার

সঙ্গে কথা কচ্চিস নে? আমি এখানে একাকিনী,
আমার বড় ভয় কচ্ছে । দেখ্‌চিস নে, এ একটা
মহাশ্মশান ? (উন্মাদ সহকারে) কি বল্‌চিস ?
উপাধ্যায়ের জন্ত ফুল তুলতে গিয়ে কোটের থেকে
বেরিয়ে একটা কাল-সাপে কামড়েচে ? (সভয়ে)
কোথায় সেই কাল-সাপ ?—আমাকে কেন কামড়ায়
না ? (চারিদিকে অবলোকন করিয়া) মিথ্যে
কথা, মিথ্যে কথা ।—কোথায় এখানে কাল-সাপ ?
(উপবেশন করিয়া করুণভাবে) ওঠ্ রে যাছ, ওঠ্ !
উপাধ্যায়ের অচ্ছিন্ন বিবপত্রগুলি নিয়ে আয় । তাঁর
হোমের সময় পেরিয়ে যাচ্ছে—সকল ব্রহ্মচারীদেরই
ফিরে আস্‌বার এই সময় । কি ?—(উঠাইতে
উত্তত হইয়া আবেগ-সহকারে), তবে কি তুই
আমাকে ফেলে দূরে চলে' গেচিস ? হায়, আমার
কি হবে! আমার সর্বনাশ হল রে! (মূর্ছা)

রাজা।—(বিহ্বল হইয়া) কি কষ্ট! কি
কষ্ট! এই কথাগুলি নির্জুর বিধাতারও ছঃশ্রাব্য ।

শৈব্যা।—(সংজ্ঞা লাভ করিয়া তিরস্কার সহকারে)
হা নাথ! দেখ, এই কোলের বাছার কি দশা
হয়েছে । তোমার দেখ্‌চি মায়া-মমতা কিছুই
নেই; নিশ্চিত হয়ে তুমি এখন কোথায় আছ
বল দিকি ? তুমি আমাকে এই আদেশ করেছিলে
যে, "দেখো, বালকটিকে সযত্নে পালন করো"—
আমি পাপীয়সী সে কথা কৈ আর রক্ষা করতে
পাল্লেম ?

রাজা।—(সবিশেষ করুণভাবে) অহো! এই
বিলাপ কি মর্মান্বস্ক !

শৈব্যা।—(পুত্রের প্রতি অঙ্গ স্পর্শ করিয়া ও
দেখিয়া) বাছা রে! এই তোমার চাঁদপারা উজ্জল
কপালটি, এই তোমার সেই ধারে-ধারে লাল স্নিগ্ধ
পদ্মল ধবল চোখ দুটি, এই তোমার সেই সুগঠিত
অস্থি-বদ্ধ কঠিন প্রশস্ত বক্ষ; তবে এই শরীরে
পোড়া বিধি কিসের অলক্ষণ দেখ্‌লেন ? আর আমার
সেই সত্যব্রত নাথের চরিত্র ও আমার চরিত্রেই
বা কি দোষ দেখ্‌লেন ? তবে দেখ্‌চি, ধর্ম সর্ব-
প্রকারেই অমূলক, লক্ষণাদি অপ্রামাণ্য, বিজ্ঞান-
বেত্তারা মিথ্যাবাদী । কেন না, গণৎকারেরা—
সামুদ্রিক-বেত্তারা আমাকে কতবার বলেছে, তোমার
এই পুত্র বংশধর হবে, দীর্ঘায়ু চক্রবর্তী রাজা হবে; তা,
এই হতভাগিনীর কপাল-দোষে সবই যে মিথ্যা হল ।

রাজা।—(আশঙ্কার সহিত) কি? আমার
সম্বন্ধে কি কিছু বল্বে? (ভাল করিয়া দেখিয়া সাশ্র-
লোচনে) এ কি এ!

মস্তকটি ছত্রাকার প্রশস্ত ললাট-দেশ
নয়ন বিস্তৃত;
চক্রাকৃতি পদদ্বয়, করে পদ্ম-চিহ্ন, বাহু
আজামুলম্বিত;
দেহ-মধ্য ক্ষীণ অতি সুবিশাল বক্ষঃস্থল,
স্থূল কটি, সঙ্কীর্ণ উদর;
নিশ্চয় গো এই শিশু নৃপ-কুলাঙ্গুর হবে,
—রাজ-চিহ্ন দেখি যে বিস্তর।

(স্মরণ করিয়া বিহ্বলভাবে) আমার রোহি-
তাখেরও তো এইরূপ বয়স, তাই আমার হৃদয়ে শঙ্কা
হচ্ছে।—না না, তা কখনই নয়।

শৈব্যা।—(তিরস্কার-সহকারে আকাশে) মহর্ষি
কৌশিক! তোমার মনস্কামনা এখন পূর্ণ হ'ল।

রাজা।—(আবেগ সহকারে) কি?—মহর্ষি
কৌশিককে তিরস্কার করচে? কেন তবে পরজ্ঞী
বলে' সন্দেহ করচি? এ নিশ্চয়ই শৈব্যা। (অনেকক্ষণ
দেখিয়া করুণভাবে) না, আর কোন সন্দেহই নেই।
কেন না;—

সেই করুণার্জ-বাণী বিশ্বর হলেও যাহা
ঈশং গস্তীর;
সেই সে ভ্রমর-নীল কুটিল লুলিত কেশ
শোভে ওই শির;
সেই ক্রুশ অঙ্গগুলি সহসা দেখিলে যাহা
অতি কষ্টে হয় অভিজ্ঞান;
সেই কান্তি, যথা কোন পুরাণে মলিন চিত্র
রেখামাত্রে হয় অসুমান।

হা বৎস রোহিতাখ! কোথায় তুমি? উত্তর দেও।
(মুচ্ছিত হইয়া পতন, সংজ্ঞালাভ করিয়া রোহিতাখের
মুখ অবলোকন করিয়া) হায়, আমি কি হতভাগ্য!
এর শৈশবের দস্তোদগমের সময়টা আমার মনে পড়চে।

মঙ্গল-গুণ্ণল দিয়া রচিত হইত এর
আলুলায়িত স্তম্ভ জটাবলি;
মুখটি শোভিত যেন মধুপ-দলিত পদ্ম
—এবে সেই ছাতি গেছে চলি।

হা বৎস রোহিতাখ! সূর্য্যকুল-নবপল্লব! হা

হরিশ্চন্দ্র-হৃদয়নন্দন! কুপিত কৌশিকের দক্ষিণা-ঋণ
পরিশোধের তুই তো রে প্রধান পণ্য।

যজ্ঞ-কার্যো না করিলে দেবের তর্পণ,
ধন আদি না করিলে অর্থীরে অর্পণ,
কুলোচিত স্থখ ভোগ না হল তোমার,
যশের সৌরভ তব না হল বিস্তার;
ক্ষার-ভূমি-স্থিত বট-বীজের সমান
নিষ্ফল হইয়া চলি' গেলে স্বর্গধাম।
মস্তক না হ'ল তব

সুপবিত্র অভিষেক-নীরে
—দানে হস্ত,—পদদ্বয়

অরপিয়া শত্রুজন-শিরে
বাহু তব না হইল কিণাক-লাঙ্ঘিত ওরে
টানি' ধহুগুণে,
প্রতিপদ-চন্দ্রসম হইয়া উদয় হ'লি
বিলুপ্ত গগনে।

(চিন্তা করিয়া) এখন দেবী বিলাপ কছেন,
এখন কি ঔর নিকটে গিয়ে আত্ম-পরিচয়
দেব? না, হতভাগিনী এখন পুত্র-শোকে দগ্ধ
হছেন, এখন আমার দশা-বিপর্যায়ের কথা ঔর কাছে
প্রকাশ করে' ঔকে কষ্ট দেওয়া উচিত নয়। (আপ-
নাকে অবলোকন করিয়া) হুরাত্মা হতভাগ্য হরিশ্চন্দ্র!
—এখনও কেন তোর মরণ হচ্ছে না? এর পর
আরও না জানি কি দেখতে হবে! (মুচ্ছিত হইয়া
পরে ধীরে ধীরে চক্ষু উন্মীলন করিয়া) হুরাত্মা,
হতভাগ্য হরিশ্চন্দ্র! এখনও যখন এই দগ্ধ প্রাণ
বিসর্জন করচিস নে, তবে কি আত্মঘাতীর নরক হতে
আপনাকে রক্ষা করতে ইচ্ছা করচিস?—ধিক্ মূর্খ!

বরঞ্চ গো "অন্ধ-তম"
নরকেতে হইব মগন,
পুত্র-মুখ-ইন্দু যদি
নাহি পুন হয় গো দর্শন।

অপিচ:—

অন্ধ-তম, আর সেই ভইরব পুয়-বীচি,
ভয়ঙ্কর অসিপত্র-বন;
রউরব, শালমলী— এই সব নরকেও
নাহি হয় যজ্ঞা তেমন
—তনয়-বিয়োগ-শোকে স্তম্ভীত যজ্ঞা হৃদে
অবিরত হয় গো যেমন।

আর বিলম্ব করে' কি হবে? আচ্ছা, তবে ভাগীরথীর ধারে গিয়ে এই পুত্র-শোকানল নির্কারণ করি। (ধীরে ধীরে পরিক্রমণ, পরে স্মরণ হওয়ার সত্যে) ওহো! আমি যে নিতান্ত পরাধীন, সে কথা ভুলে গিয়েছিলেম। (চিন্তা করিয়া বিহ্বলভাবে) ওঃ! কি কষ্ট! কি কষ্ট!

ধন্য গো স্বাধীন জন, মরণে পায় সে শাস্তি
—হৃৎখের নির্কারণ;
আত্মবিক্রমী যে পাপী স্বাধীন নাহিক হয়
তাজিয়াও প্রাণ।

(বিহ্বলভাবে) হায়! আমি কি হতভাগ্য,
আমার সে আশাও নাই।

ধইর্ষাই এ হৃৎখের

একমাত্র ঔষধ উত্তম;

অধোগতি হবে, যদি

প্রভু-আজ্ঞা করি অতিক্রম।

(আত্ম-সংযম পূর্বক) এখন তবে এই হৃৎখের
অসহ শোকান্নি বিবেক-বারিতে নির্কারণ করে' প্রভু-
আজ্ঞা পালন করি।

কেন না:—

অনাদি সে ব্যক্ত মধ্যে —অব্যক্ত আদি অস্তে
জানিবে গো বিলম্বের বশে:

এই যে জগৎ দেখ— পঞ্চত্ব প্রকৃতি তার
—পঞ্চরূপে গঠিত হয় সে।

সংসার-অর্ণবের বীচি-ভঙ্গ-প্রবাহের
উর্ষিদল সম

জানিবে গো এই সব পুত্র-কলত্রাদির
বিয়োগ-মিলন।

জানী জন, মোহ-ছাড়া না জানেন অত্র কোন
শোকের কারণ।

শৈব্যা।—(সংজ্ঞা লাভ করিয়া) এই পোড়া
প্রাণ কেন এখনও আমাকে ত্যাগ কর্চে না?
(অশ্রু মৌচন করিয়া) আচ্ছা, তবে এই শ্মশান-তরুতে
আপনাকে বন্ধন করে' আত্মহত্যা করি।

রাজা।—(দেখিয়া ভয়-ব্যস্ত হইয়া) ওহো হো!
আবার যে একটা ঘোর বিপদ উপস্থিত। আমি কি
হতভাগ্য! এখন তবে আমি কি করি? (চিন্তা
করিয়া) আচ্ছা, তবে এইরূপ বলি—(অত্র দিকে
গিয়া)—“ধন্য গো স্বাধীন জন” ইত্যাদি।

স্বকর্ম-বিচিত্র-ফলে পরলোকে ভিন্ন পথে
হেথা হতে লোক সবে করয়ে প্রয়াণ!
পরলোক-তত্ত্বজ্ঞেরা তাই তাজি' ভব-মায়া
মোহ-ক্ষেত্র এ ধরায় করে তুচ্ছজ্ঞান।

শৈব্যা।—(ভুনিয়া সভয়ে পাশ-রজ্জু ত্যাগ
করিয়া) হা ধিক্, হা ধিক্! মরণের মহোৎসবে মুগ্ধ
হয়ে আমি আমার দাসত্বও বিস্মৃত হয়েছি। তা হলে
জন্মান্তরেও যে আর আমি এই দাসত্ব হতে মুক্ত
হব না; ভগবন্! দেব! স্বামীকেও যে তা হলে আর
পাব না; ভগবান্ তা হলে যে আমার সর্বনাশ
করবেন। এখন তবে কিছু কালের জন্ত এই ঘোর
দশাবিপর্ষায় সহ্য করি; এখন তবে দ্বিজবরের সমুচিত
সেবা-শুশ্রূষা করে' ব্রত উপবাস নিয়মে আপনার
শরীরকে শোধন করি—যাতে এই মহুঘা-লোকে এই
হতভাগিনীর আর জন্ম না হয়। (চিত্তা-রচনা)।

রাজা।—(দেখিয়া সক্রোধভাবে) এই যে!
কালোচিত অহুষ্ঠানে এখন উনি প্রবৃত্ত হয়েছেন।
(স্বগত) সাধু দেবি! সাধু! এই অবস্থাতেও
উনি কুল-মর্যাদা অতিক্রম করেন নি। আচ্ছা,
এখন তবে আমি নিকটে গিয়ে প্রভুর আজ্ঞা পালন
করি। (তথা করিয়া বিহ্বলভাবে) দেবি! (এই
বলিয়া মুখ ঢাকিয়া) মহাভাগে!

আমারে না জানাইয়া

মৃতের কঙ্কল নাহি দিয়া

কেহ না করিতে পাবে

শ্মশান-উচিত কোন ক্রিয়া।

এখন তবে মৃতের কঙ্কলখানা আমাকে দেও।
(বাষ্পাচ্ছন্ন-নেত্রে কর প্রসারণ)।

শৈব্যা।—(ভীত হইয়া) ওরে বাপু! একটু
দূরে দাঁড়া—আমিই তোমার কাছে নিয়ে যাচ্ছি।

রাজা।—(লজ্জিত হইয়া দণ্ডায়মান)।

শৈব্যা।—(রোহিতাখের শরীর হইতে বস্ত্র
খুলিয়া অর্পণ করিতে গিয়া হস্ত দেখিয়া সবিষ্ময়ে
স্বগত) কি! যে হস্তে চক্রবর্তীর লক্ষণ দেখা যাচ্ছে,
সেই হস্ত কি না এইরূপ কার্যে প্রবৃত্ত? (সরিয়া
গিয়া প্রতি অঙ্গ ধীরে ধীরে অবলোকন করত
চিনিতে পারিয়া) কি?—নাথ? (সভয়ে) হা
নাথ! রক্ষা কর, রক্ষা কর। (ভূতলে পতন)।

রাজা।—(সরিয়া গিয়া) দেবি! আমি

চণ্ডালস্পর্শে দূষিত, আমাকে স্পর্শ কোরো না।—
শাস্ত হও, শাস্ত হও।

শৈব্যা।—(সংজ্ঞালাভ করিয়া) হা ধিক্! হা
ধিক্! এ কি এ!

রাজা।—আর কি—স্বকর্মের পরিণাম। ছুঃখ
করে' আর কি হবে?—ওটা নিয়ে এসো।

শৈব্যা।—(বিহ্বল হইয়া অর্পণ) (আকাশ
হইতে পুষ্পবৃষ্টি) (উভয়ে পরস্পরের প্রতি
অবলোকন)

রাজা।—কি!—আকাশ হতে পুষ্পবৃষ্টি?
(নেপথ্যে)।—

আহা! এ হর্ষিচন্দ্র নৃপতি ধীমান্
—কিবা তার ক্ষমা, ধৈর্য্য, কিবা তার দান!
কিবা তার শীল, সত্য, কিবা তার জ্ঞান!

শৈব্যা।—(শুনিয়া শ্লাঘা সহকারে) নাথের
গুণ-কীর্তন করে' কে আমার হৃদয়কে এখন আশস্ত
করচে? নাথের যদি এইরূপ অবস্থাস্তর হয়ে থাকে,
তা হলে সমস্ত ধর্মই অমূলক, সকলই অরণ্যে রোদন,
সকল বিজ্ঞানই অন্ধকারে নৃত্য।

(ধর্মের প্রবেশ)

ধর্ম।—মহাপতিব্রতে! মহারাজ হর্ষিচন্দ্র!
কি?—আমি অমূলক?—আমি অকারণ? দেখ;—

সত্য, দান, যজ্ঞ-কর্ম, অস্ত্র রাজাদের যাহা
দুলভ নিশ্চিত,
পবিত্র শাস্ত সেই ব্রহ্ম-লোক দিতে আমি
হেথা উপস্থিত।

আর বিষয় হয়ো না। বৎস রোহিতাশ্ব! ওঠো!
ওঠো!

রাজা।—(দেখিয়া সর্হর্ষে) কি?—সেই ভগবান্
ধর্ম? ভগবন্! অভিবাদন করি।

শৈব্যা।—ভগবন্! প্রণাম করি।

রোহিতাশ্ব।—(ধীরে ধীরে চক্ষু উন্মীলন)

ধর্ম।—

হও বৎস সমাশ্রিত
—পিতা তব ধর্মে সুরক্ষিত;
পাল প্রজা দীর্ঘকাল
তুমি পুন হইয়া জীবিত।

৩য়—২৯

রোহিতাশ্ব।—(উঠিয়া) কি?—মা? কে
তোমাকে এখানে নিয়ে এল?

শৈব্যা।—জাহ্! আমার অদৃষ্ট।

ধর্ম।—বৎস! এই ব্রহ্ম-লোকের অতিথি
তোমার পিতা দেখ তোমার সম্মুখে।

রোহিতাশ্ব।—তাত! রক্ষা কর, রক্ষা কর।
(ভূতলে পতন)

রাজা।—(নিকটে গিয়া) বৎস! আমি
চণ্ডাল-স্পর্শে দূষিত, আমাকে স্পর্শ কোরো না।

ধর্ম।—রাজন্!

তোমারে পত্নীরে যিনি করিলেন ক্রম
সঙ্গীক ব্রাহ্মণ তিনি জানিবে নিশ্চয়।
চণ্ডাল বলিয়া যারে ভাবিতেছ মনে
তোমার রাজ্যও আছে তাঁহারি সদনে।
জানিতে এ গুহৃতত্ত্ব শোনো গো রাজন্!
দিব্য চক্ষু তোমা এবে করিহু অর্পণ।
কে আছে এখানে?

(একজন অনুচরের প্রবেশ)

অনুচর।—আজ্ঞা করুন, ভগবন্!

ধর্ম।—এই দিকে এসো।

অনুচর।—আজ্ঞে, এসেছি।


ধর্ম।—মহারাজ! আপনি বিমানে আরোহণ
করে' দিব্য চক্ষু দিয়ে এই সমস্ত অবলোকন করুন।

রাজা।—যে আজ্ঞে ভগবন্! (দিব্য-বিমানে
আরুঢ় হইয়া ধ্যান করত) ধিক্! কি ভ্রম! কি
ভ্রম! বিজ্ঞাদের পেয়ে পরিতুষ্ট হয়ে মহর্ষি কৌশিক,
সচিবদের হস্তে আমার রাজ্য যে ফিরিয়ে দিয়ছেন
দেখ্চি।

ধর্ম।—রাজন্! আপনার সত্য পরীক্ষা কর-
বার জন্তই যুনি ঐরূপ করেছিলেন, রাজ্যার্থী হয়ে
নয়। আর কোন ভয় নাই, এই সমস্ত এখন বিগুহ-
রূপে অবলোকন করুন।

রাজা।—(পুনর্বার ধ্যান করিয়া আনন্দে)
দেবি! কি সৌভাগ্য!

তোমার গো ক্রেতা যিনি স্বভাব-দয়ালু সেই
জি-জনমা দম্পতি শিব-পারবতী;
মোরো ক্রেতা ধর্ম নিজে সেই হেতু মন মোর
শল্য-বিমুক্ত হয়ে শাস্ত সম্প্রতি।



ধর্ম।—এখন তবে পৃথিবী-রাজ্যে বৎস রোহি-
তাথকে অভিব্যেক করা হোক।

রাজা।—যে আজ্ঞে ভগবন্।

ধর্ম।—আসন আসন, ছত্র ছত্র, ভূপার ভূপার।

অনুচর।—

এনেছি এ সিংহাসন

দীপ্যমান মাণিক্য-খচিত ;

এই ছত্র, শরচ্ছত্র-

প্রভা যেন করে বিকীরিত ;

হেম-দণ্ড এ চামর

—প্রসারিত জোছনা-ধবল ;

সপ্ত-সিন্ধু হতে এই

ভূপারেতে আনিয়াছি জল।

ধর্ম ও হরিশ্চন্দ্র :—(রোহিতাশ্বের অভিব্যেক)

ধর্ম।—(উর্কে অবলোকন করিয়া) কি সৌভাগ্য,
কি সৌভাগ্য ! ঐ দেখ বিমানচারী দেবতারাও রোহি-
তাশ্বের অভিব্যেক-মহোৎসবে অভিনন্দন করচেন।

এই সব নদীগণ তীর্থ-জলে পূর্ণ করি'
আছে ধরি' সহস্র কলস ;

সুস্নিগ্ধ অতি ঘোর গস্তীর ছন্দুভি-নাদে
আচ্ছন্ন হল দিক্ দশ ;

বরষি' মন্দার-রাশি নৃত্য করে ওই দেখ
সুরাসনাগণ ;

নিজ নিজ অংশ দিয়া লোকপালগণ করে
নৃপ আরাধন।

“তর্জন-তৎপর ক্রুদ্ধ কৌশিকের সাথে এবে
হইবে সাক্ষাৎ ;

এ অনাথগণে ছাড়ি' কোথা যাও এ সময়ে
—লহ সঙ্গে নাথ।”

এ কথা বলে যারা সাক্ষনেত্রে ম্লানমুখে
—তাদের ফেলিয়া

কেমনে গো ব্রহ্মলোকে আশ্রয়িতা সম আমি
যাইব চলিয়া ?

ধর্ম।—রাজন্ ! স্বকর্মফলে যাদের বিচিত্র বিভিন্ন
স্বভাব হয়েছে, সেই সমস্ত প্রজাদের ভাগ্যে ব্রহ্মলোক
কি করে' ঘটবে বল ?

রাজা।—

ক্ষণেক, ক্ষণাক্ষিকাল প্রজাদের সঙ্গে থাকি'

তাহাদের লোকে আমি করিব বিহার ;

মোর যে সঞ্চিত পুণ্য —কণামাত্র লভি' তার

লভুক গো সেই লোক যাহা গো আমার।

ধর্ম।—(সবিস্ময়ে) অহো ! এই রাজর্ষির
অলৌকিক চরিত্র ! রাজন্ ! তোমার এই পুণ্য-
দানে, তোমার আরও পুণ্য-সঞ্চয় হল ; তাই,
এই পুণ্যের বলে, তোমার সহিত তোমার
প্রজাদেরও শাশ্বত ব্রহ্মলোকলাভ হল। এখন বল,
আর কি প্রিয়কার্য্য তোমার করতে পারি ?

রাজা।—ভগবন্ !

বিদ্যা-লাভে মহর্ষির আমা-পরে মিথ্যা ষেষ
হ'ল অন্তর্হিত ;

শিশুটিও লভি' প্রাণ চক্রবর্তী নৃপ-পদে
হল প্রতিষ্ঠিত ;

তোমারেও দেব আমি করিহু প্রত্যক্ষ,
আরো গো লভিহু আমি ব্রহ্মের সালোক্য,
আর কি এখন বল করিব প্রার্থনা,
এ-চেয়ে প্রিয় তো আর কিছুই দেখি না।

তথাপি আমার এই প্রার্থনা :—

মহী হোক আনন্দিত সাধু-সমাগমে ;

লভুক সমৃদ্ধি বহু শস্ত্রের উদগমে।

ভূপাল বিজয়ী হোন্ ; কবির প্রবন্ধে যাহা

গুণ-কথা থাকে গো প্রচ্ছন্ন

গুণগ্রাহিগণ তাহা গ্রহণ করেন যেন

তার প্রতি হইয়া প্রসন্ন।

যিনি এই নাটকের প্রয়োগ আদেশ করি'

বঙ্গ অলঙ্কার হেম

রাশি রাশি করিলেন দান,

—সেই “কার্ত্তিকেশ্বর” নৃপ —জগতে তাঁহার কীর্ত্তি

কবি-যশ-সাথে-সাথে

হইয়া গো যেন আশ্রয়ান

ক্ষীর-সমুদ্রে পাবে

বিচরণ করে অবিরাম।

[সকলের প্রশ্ৰয়।

বিদ্ব-শালভঞ্জিকা

(বোধ শেখর)

(নাটিকা)

(10th cent
A. D.)

জ্যোতিরিন্দ্রনাথ ঠাকুর কর্তৃক অনুবাদিত

ভূমিকা

“রত্নাবলী” ও “মালবিকাগ্নিমিত্রে”র স্থায় বিদ্ব-শালভঞ্জিকা” (কাঠে-ফোদা পুতুল) একটি নাটিকা। ইহা চারি অঙ্কে বিভক্ত। ত্রিলিঙ্গাধিপতি বিদ্যাধর মল্লের গুপ্ত প্রেম-লোলাই ইহার আখ্যান-বস্তু। চিত্র-শালায়, রাজা মুগাঙ্কাবলীর বিবিধ চিত্র ও একটি দারু-ময়ী প্রতিমা দেখিয়া মুগ্ধ হইলেন। ইহা হইতেই এই নাটিকার নাম “বিদ্ব-শালভঞ্জিকা” হইয়াছে। রচনার ভাব-ভঙ্গী দেখিয়া মনে হয়, এই নাটিকাখানি তেমন প্রাচীন নহে। কোন্ সময়ে ইহা রচিত হইয়াছিল, নিশ্চয় করিয়া বলা যায় না। তবে “শাঙ্গধর-পদ্ধতি” নামক চতুর্দশ শতাব্দীর একটি গ্রন্থে ইহার উল্লেখ আছে। ইহাতে প্রতিপন্ন হয়, নাটিকাখানি চতুর্দশ শতাব্দীর পূর্বে রচিত। সম্ভবতঃ ইহা ভোজ রাজার রাজত্বকালের পরবর্তী নহে। কেননা, সুবন্ধু-প্রণীত “বাসবদত্তা” গ্রন্থে এই নাটিকার সুস্পষ্ট উল্লেখ আছে।

“বাসবদত্তা”র একস্থলে লিখিত হইয়াছে যে, “কুম্ভ-পুরের প্রত্যেক গৃহে ‘শালভঞ্জিকা’ ও ‘বৃহৎ-কথা’ বিদ্যমান।” ভোজ-রাজ-প্রণীত “সরস্বতী-কণ্ঠভরণ” নামক অলঙ্কার গ্রন্থেও এই নাটিকার উল্লেখ আছে। গ্রন্থকারের নাম রাজশেখর। ইনি একজন “মহামন্ত্রি”-পুত্র। রঘুবংশীয় রাজা মহেন্দ্রপাল ইহার শিষ্য ছিলেন। [মহেন্দ্রপাল কিম্বা মহীপাল দেব আর্ধ্যাবর্তের রাজা। তিনি “কুম্ভল,” “কুলুখ,” “কেরল” (মালাবার), “কলিঙ্গ,” “মুরুল,” “মেকল” প্রভৃতি নর্মদা-কূলবর্তী প্রদেশের জাতিদিগকে জয় করেন।] সম্ভবতঃ একাদশ কিম্বা দ্বাদশ শতাব্দীতে কবি-রাজশেখর আবির্ভূত হইলেন। “বিদ্ব-শালভঞ্জিকা” ছাড়া, “প্রচণ্ড-পাণ্ডব,” “কপূর-মঞ্জরী” ও “বাল-রামায়ণ” এই নাটকগুলিও তাঁহার রচনা বলিয়া প্রসিদ্ধ।

পাত্রগণ

পুরুষবর্গ

বিজ্ঞাধর মল্ল	ত্রিলিঙ্গ ও কলিঙ্গের অধিপতি ।
চারায়ণ	বিদূষক, রাজার বয়স্ক ।
ভাণ্ডারায়ণ	প্রধান অমাত্য ।
কালিদাস	অমাত্যের ভৃত্য ।
লাটাধিপতির দূত ।			
কুরঙ্গক	বিজ্ঞাধর মল্লের একজন কর্মচারী ।

স্ত্রীবর্গ

মৃগাঙ্কাবলী	লাটাধিপতি চন্দ্রবর্মার ছুহিতা ।
কুবলয়মালা	কুম্ভল-দেশের রাজকুমারী ।
মেখলা	মহিবীর সহচরী ।
সুলক্ষণা	}
বিলক্ষণা			
কুরঙ্গিকা			
ভরঙ্গিকা			

প্রতীহারী প্রভৃতি ।

বিদ্ব-শালভঞ্জিকা

প্রথম অঙ্ক

নারীর যে কুলগুরু যে করে গো তাহাদের
 প্রেম-দীক্ষা দান,
 রোহিণী-বল্লভ শশী —তাহারি গো প্রিয়সখা
 যে অনঙ্গ কাম,
 কুসুমের শর দিয়া যে করিল জয় সেই
 দেব মহাদেবে,
 প্রেম-লীলা-নাটকের সে সূত্রধারের জয়
 বল সবে এবে ।

অপিচ :—

নেত্র-দণ্ড সে অনঙ্গ, যাহাদের নেত্রেতেই
 পায় পুন প্রাণ,
 বিরূপাক্ষ-বিজয়িনী সেই সুলোচনাদের
 করি স্তুতিগান ।

(সভাসদদিগকে অবহিত করিয়া)

শিবাক্ষ-ভুজঙ্গ-ভয় প্রশমন তরে
 ঔষধির চূর্ণ যে গো নিজ অঙ্গে ধরে ;
 শিব-কর্প-বিষ লাগি মহাবীর্য মণি যে গো
 নিজ করে করয়ে ধারণ ।
 ভূত-ভয় নিবারিতে কুল-বৃদ্ধ-বিনির্দিষ্ট
 মন্ত্র যে গো করে উচ্চারণ
 —বিবাহের কালে সেই ভীতা প্রীতা অদ্রিস্ততা
 তোমাদের করুন রক্ষণ ।

(নাম্ভীর পর সূত্রধারের প্রবেশ)

সূত্র ।—(নেপথ্যাভিমুখে অবলোকন করিয়া) না
 জানি শ্রীযুবরাজ দেবের পরিষদের আজ কি আজ্ঞা
 হয় !

(নেপথ্যে গান)

যদিও সে কুন্দলতা বিরতা হয়েছে এবে
 মকরন্দ-দানে,

তবু অহুরাগে অলি, প্রণয়-ভঙ্গের ভয়ে
 কাতর পরাগে,
 চারুপুষ্প-সুলোচনা প্রগল্ভা তরুণী সেই
 সহকার লতাটিকে
 নিজ প্রিয়া সম
 সংরক্ষণ পরশন আলিঙ্গন, আর কত
 আদর করিয়া করে
 বদন চুষন ।

সূত্রধার ।—(শুনিয়া) এ কি ! পরিত্রাজক
 সন্ন্যাসী ছহিক-সন্তান কবিরাজ-শেখর-বিরচিত “বিদ্ব-
 শালভঞ্জিকা” নামক নাটিকার বর্ণনীয় বিষয়-সূচক
 গানটিকে কেন গাচ্ছে । (চিন্তা করিয়া) তাই বোধ
 হচ্ছে, যুবরাজের পরিষদ ঐ নাটকটাই অভিনয় করতে
 আজ্ঞা করেছেন । তা আমিও তবে শিষ্যোচিত ভঙ্গ-
 বিভূতি-আদি ধারণ করে’ সেই মন্ত্রী ভাণ্ডারায়ণের
 সূন্দর নামবিশিষ্ট শিষ্য হরদাসের ভূমিকা গ্রহণ
 করি ।


(আকাশে) :—সখা সোমদত্ত ! কি বল্চ ?
 সেই অকাল-জলদের প্রপৌত্রের গুণবর্ণনা হচ্ছে না কি ?

ঐ শোনো :—

পরম আশ্রয় যিনি সকল কলার,
 জীবনের ব্রত যার পর-উপকার,
 রথুকুল-তিলক সে নৃপতি মহেন্দ্রপাল
 শিষ্য গো যাহার,
 তাঁর গুণ-রাশি ছাড়া এই গুণ বরণনা
 আর হবে কার ?

(এবং সভাশ্রেষ্ঠ কৃষ্ণ-শঙ্কর শর্ম্মার বচন শুনিয়া)
 (কৃষ্ণশর্ম্মার বচন)

শ্রোত্র-রসায়ন বাণী
 চাহ যদি করিতে গো পান ;
 সাধু-অভিমত বাক্য
 রচিবারে চাহ যদি জ্ঞান ;



রস-সিদ্ধ-পর-পারে তোমার গো অভিলাষ
থাকে যদি করিতে গমন ;
জীবন-তরুর ফল আশ্বাদন করিবারে
কুতূহলী হয় যদি মন ;
কবিরাজ-শেখরের সুধা-নিশ্চন্দ্রিনী কথা
—ওহে ভাই করহ শ্রবণ ।

[প্রস্থান ।

ইতি প্রস্তাবনা ।

(হরদাসের প্রবেশ)

হরদাস ।—(শিরঃকম্পন সহকারে) ওহো হো !
বুদ্ধিই সকলের সেরা । তাই শাজে উক্ত হয়েছে :—

শ্রীসৌভাগ্য পূর্ণ হলে নাহি থাকে বিপদের ভয় ;
যশঃকীর্তি লাভ হলে মলিনতা কিছু নাহি রয় ;
সঙ্কসার শৌচে করে পবিত্রতা দান
বিশুদ্ধ বুদ্ধিই কাম-ধেমুর সমান ।

তা, আমাদের গুরুর চরিত্রে বুদ্ধির এইরূপই
পরাকাষ্ঠা দেখা যায় বটে ।

লাটেশ্বর চন্দ্রবর্মা

—নৃপকুলে যিনি গো তিলক—

তনয়ারে পুত্র বলি'

চালাইলা হয়ে অপুত্রক ।

তঁার মন্ত্রি-চরেরাও সেইরূপ করিল প্রচার ।

নীতি-চক্ষু মন্ত্রী আজি কেরল-রাজার,

নিজ ভূপে দেখাইতে আনিল হেথায়

তনয়-প্রতিভুহলে সেই হুহিতায় ।

(আকাশে) ।—আর্য্য চারায়ণ ! কি বল্চ ?
মহারাজ তো সহস্র অন্তঃপুরচারিণী নাট্যিকায় পরি-
বেষ্টিত । তবু এখন সেই লাটেশ্বর-হুহিতাকে না
পেলেই কি তাঁর নয় ? না, না, তা নয় । এর
মধ্যে কিছু নিগূঢ় কথা আছে—কার্য্য সিদ্ধ হলেই তা
প্রকাশ পাবে ।

নেপথ্যে ।—মহারাজ প্রত্যুষেই আজ জেগেছেন
—আজ তাঁর সুপ্রভাত ।

সম্প্রতি :—

যাদের দারুণ মান

জ্যোৎস্নাতেও হয়নি ভঞ্জন,

পিকেরো পঞ্চম-তান

ভাঙিবারে হয় নি সক্ষম,

সেই সব ললনারা— যেমতি উষার বায়ু
হইল কম্পিত—
অমনি বরভ-পদে আপন মস্তক সবে
করিল নমিত ।

ওগো বন্দীগণ ! মহারাজের মন্ত্রি-নির্শিত বাস-
গৃহের প্রান্তে যে সব অন্তঃপুর-লোক বাস করে, তারা
তোমাদের জিজ্ঞাসা করুচে, মহারাজ বিজ্ঞাধর-মন্ত্র
কোন সময় জাগেন ? আচ্ছা, এখনও কেন প্রভাতী
স্বতি গাওয়া হচ্ছে না ?

উজ্জয়িনী নগরীর বাসুকির জয় ! আপনার
সুপ্রভাত ! এখন :—

পুরাতন মুক্তামণি- সম-আভা দু-তিনটি
তারা মাত্র ব্যোমে অবস্থিত ;

জ্যোৎস্নাপানালস-বপু চকোর-অঙ্গনা সবে
মাতোয়ারা হয় গো লক্ষিত ;

গত-মধু স্নানচ্ছবি শশধর অন্তাচলে
করিছে গমন ;

যেন বাল-বিড়ালের নেত্র-ছাতি, পূর্ষদিক
করেছে ধারণ ।

অপিচ :—

নিজ-নিজ পতি-পরে সুন্দরীদিগের মান
করিয়া ভঞ্জন,

হর্ম্যা-পারাবতদের কলনাদী বাচালতা
করিয়া অর্পণ,

সুভাবুক কবিদের
উজ্জল প্রতিভা করি' দান,

দীর্ঘ ধূলি-শয্যা হতে
রাজ-হস্তী করিয়া উত্থান

করে যে শৃঙ্গাল-ধ্বনি
তাহে আরো হইয়া বদ্ধিত

প্রাভাতিক তুর্ঘ্যানাদ
গগন করিল আচ্ছাদিত ।

হরদাস ।—প্রত্যুষেই যে আজ মহারাজ জেগে-
ছেন, সে কেবল মন্ত্রীরই মন্ত্রণা-প্রভাবে । কেননা :—

সুখ-শয়নের তরে কারিগর দিয়া মন্ত্রী
করিল নির্শিত

নৃপের কৃত্রিম গৃহ সচ্ছিদ্র স্তম্ভের দ্বারা
করি' সুশোভিত ।

তাই, আমিও এখন মন্ত্রীর আদেশে সচ্ছিদ্র স্তম্ভ-
যুক্ত রত্নময় সেই চতুঃশালা বাস-গৃহের শিল্পীদের
পারিতোষিক দেওয়াবার জ্ঞান মহাভাগাগারে যাচ্ছি।

[প্রস্থান।

ইতি বিদ্বস্তক।

বাসগৃহে উৎকণ্ঠিত রাজা শয়ান—বিদ্বক
ঘরে অবস্থিত।

রাজা।—(গা-মোড়া দিয়া শয্যা হইতে উঠিয়া)

সে মুখ থাকিতে বল

কে করিবে শশীর সূখ্যাতি ?

সে কান্তি থাকিতে আহা

কি করিবে কাঞ্চনের ভাতি ?

সে নেত্র থাকিতে বল

কে আর গো নীলোৎপলে চাবে ?

সে মুহু হাসির কাছে

স্বরগের সূধা কোথা লাগে ?

ধিক কন্দর্পের ধনু

সেই ভুরু যুগলের পাশে,

সত্য, সৃষ্টিক্রমে বিধি

পুনরুক্তি নাহি ভালবাসে।

বিদ্বক।—(নিকটে আসিয়া) কল্যাণ হোক !

রাজা।—“সে মুখ থাকিতে বল” ইত্যাদি।

বিদ্বক।—হি হি হি হি ! প্রভাতে প্রিয় বয়-
শের এ কি অপূর্ব শ্লোক পাঠ হচ্ছে ?

রাজা।—“সে মুখ থাকিতে বল”—ইত্যাদি।

বিদ্ব।—কি আশ্চর্য্য, এরূপ চিত্তবিক্ষেপ এর
কোথেকে উপস্থিত হল ? (চিন্তা করিয়া) আচ্ছা,
জিজ্ঞাসা করেই দেখি পীড়ন না করলে সহকার
তরুণ (সঙ্গুখে দাঁড়াইয়া) তার রস-সর্ব্ব্বষ মোচন
করে না। দাড়িম-ফল পাকলে যেমন ফাটো-ফাটো
হয়, কৌতুহলে আমার হৃদয়টাও যেন সেই রকম
হয়ে উঠেছে। তা, প্রিয়সখা, আসল ব্যাপারটা কি
হয়েছে, আমাকে বলে' সূখী কর।

রাজা।—(বিদ্বকের পানে তাকাইয়া) এ কি !
চারায়ণ যে ! সখা, তোমাকে বলব না কেন ;
সুহৃদের কাছে কোন গোপনীয় কথা প্রকাশ করলে
চিন্তা-ভার বিভক্ত হয়ে লঘু হয়ে পড়ে।

বিদ্ব।—বল তবে, আমি শোনবার জ্ঞান ব্যগ্র
হয়ে আছি।

রাজা।—দেখিছ প্রত্যাষে আজি স্বপন-দশায়,
জ্যোৎস্না-পরিধি-মাঝে কোন ললনায় ;
নখে ম্লান শরচ্ছন্দ্র,

সর্ব্ব-অঙ্গ এমনি মোহন,

অনঙ্গ-তরঙ্গ-জল

উথলিয়া তিতিল শয়ন।

বিদ্বক।—মহারাজ, তুমি দেখ্চি নিতান্তই
মহিলা-লম্পট ; কুবলয়মালা নামে যে স্ত্রীলোকটি
নন্দনা নদী পার হয়ে এসেছিল, তাকে কি উপায়ে
হস্তগত করা যায়, আমি যে তারই অনুসন্ধান কর্চি,
আর এই সময়েই কি না আবার একটা “গোদের
উপর বিষ-ফোড়া” উপস্থিত। হুঁ, তার পর, তার
পর ?

রাজা।—তার পর :—

কল্পনা-তুলিকা দিয়া

কন্দর্প করিল চিত্র

চিত্রপটে যে চাকু বাংলায়

সে চিত্র নিরখি' আমি

হইছ গো বন্দী তার

সম্পূর্ণ হয়ে নিরুপায়।

“সে মুখ থাকিতে বল” ইত্যাদি।

বিদ্বক।—তার পর, তার পর ?

রাজা।—তার পর অমৃত-কথা শ্রবণ কর, মধুর-
গণ্ডুষ কর, নয়নামৃত পান কর :—

এই দেখ হার-গাছি

কেরল-রমণীদের

সুবিমল শুভ হাসি-প্রায় ;

—চন্দ্রপ্রভ মুক্তাবলী

যার মধ্যরত্নে, দিক্

উদ্ভাসিত কুঙ্কম-প্রভায় ;

এই হারগাছি লয়ে

নিজ কুচ-তট হতে

সুন্দরী সে মদির-নয়নী

সোৎকণ্ঠে মম কণ্ঠে

—“নমে । মনমথ” বলি'

অর্পিল অমনি।

বিদ্ব।—(যজ্ঞোপবীত ধারণ করিয়া) উপবীতধারী
এই ব্রাহ্মণের আশীর্ব্বাদে তোমার স্বপ্নটি যেন সত্য
হয়। (স্বগত) আরে ব্যাটা ইন্দ্রজালিক স্বপ্ন !
তুই দেখ্চি মহামতিদেরও মতিভ্রম জন্মে দিতে
পারিস। (প্রকাশ্যে) তার পর—তার পর ?

রাজা।—তার পর :—

“কে তুমি গো ?—কেন বাল।

এলে হেথা বল মোরে বল”

—এই কথা বলি, তার
ধরিলু গো বসন-অঞ্চল ।
নব-নীলোৎপল-নেত্রে ঘন ঘন দৃষ্টিপাত
করিয়া আমার,
বাস-গৃহ হতে বালা গেল চলি' প্রাণে বধি'
কে জানে কোথায় ।

বিদু।—আচ্ছা, দেবী তো এক শয্যায় তোমার
সঙ্গে শুয়েছিলেন, তিনি তখন কি করলেন ?

রাজা।—চঞ্চল হইল হার নিতম্বে দেবীর
অনঙ্গ-তরঙ্গ-বেগে কাঁপিল শরীর ।
অমনি শয়ন ত্যজি'
মান-সুত্র ধরিয়া গো হাতে
অস্তঃপুর হতে দেবী
চলি গেলা কঙ্কীর সাথে ।

বিদু।—নাগরালি করে' তুমি তখনই কেন তাঁর
সাধিসাধনা করলে না ? চক্রকর প্রসারিত হলে,
নীলোৎপলিনীর কমল বিকসিত না হয়ে আর কতক্ষণ
থাকতে পারে ?

রাজা।—(খেদে ঈষৎ হাসিয়া) সেই স্বপ্নদৃষ্টার
ধ্যানে আমার চিত্ত এমনি বিকল হয়েছিল যে,
সাধিসাধনা করা দূরে থাকে, আমি দেবীকে ধরে'
রাখতেও পারলেম না ।

বিদু।—সত্য, "নটকে মাথা মুড়তে দেখে, উপ-
বিষ্ট পতিও মাথা মুড়োলো" এ যে তুমি তাই করলে
মহারাজ ।

রাজা।—(সখেদে ঈষৎ হাসিয়া) ভগবতি
আশা! তুমি সত্যই অপ্রতিহত । আচ্ছা, তুমি
একটু ভাল করে' বিচার করেই দেখ না ।

কে পারে করিতে পান —থাকিলেও চারিদিকে—
অমৃত-জ্যোছনা ?
মুণালের তন্তু দিয়া করিতে কে পারে বল
বস্ত্রের রচনা ?

কে করে গো পরিমাণ অশেষ সে পরিমল
বকুল-মালার ?
স্বপ্নের সে কমলাক্ষী কেমনে প্রত্যক্ষ বল
হইবে আমার ?

(স্মরণ করিয়া হৃদয়-দেশ অবলোকন পূর্বক)
ইহা কি প্রত্যক্ষ জ্ঞান ?—ইহা কি গো স্বপ্ন ?
অথবা এ ছুই হতে একেবারে ভিন্ন ?

কেন না, সে সুন্দরীকে
প্রত্যক্ষ তো নাহি দেখা যায়
অথচ এই হার-গাছি
আসিয়াছে এ মোর গলায় ।

বিদু।—এই স্বল্পলব্ধ মৌদকটি পেয়ে সখা তুমি যে
সমস্ত গ্রামের লোককে নিমন্ত্রণ করিতে যাচ্চ! তা
এখন চল, দেবীকে গিয়ে প্রসন্ন করা যাক । দেখ,
বরং উপস্থিত তিত্তিরীয়ও ভাল, তবু পরদিনের ময়ূরী
কিছু নয় ।

রাজা।—সখা, যা তোমার অভিরুচি ।

বিদু।—প্রণয়-প্রণত সহস্র সহস্র সামস্ত রাজাদের
বাস-মণ্ডপ ত্যাগ করে' এসো, এই গুপ্তঘার দিয়ে
মকরন্দ-উদ্গানে প্রবেশ করা যাক । (তথা করণ)

নেপথ্যে।—মহারাজ! দেখুন, আপনার সুখ-
সন্তোগের জন্ত বসন্ত অবতরণ করছেন, তাই
এখন :—

লতাদের গ্রস্থি-গর্ভে বিনিহিত পুষ্পচয়
মধ্যে তার অক্ষুর পল্লব ;
পিক-বধু-কণ্ঠমাঝে বাজামাত্র রূপ ধরি'
আছে এবে সে পঞ্চম-রব ;
মনসিদ্ধ-দেবের সে অভ্যাস আয়ত্ত ধনু
পরিত্যক্ত যদিও গো
বহুদিন হতে,
ছুই তিন দিন মাঝে দেখো গো আবার তাহা
জিনিবে অভ্যাস-বশে
এ তিন জগতে ।

যত সব সখীজন রক্ষা করিবার তরে
প্রবাস-বিগত-ভর্তা বিরহিণী জনে,
সহকার-মঞ্জরীর প্রথম-উদগত-শিখা
তাড়তাড়ি উপাড়িয়া যাইছে গোপনে ।

বিদু।—বন্দীদের কথায় মনে হচ্ছে, উপবনে
বসন্তের সবে আরম্ভ হয়েছে মাত্র । কিন্তু এই
কেলি-বনভূমিতে সেচনার দ্বারা অবিরত জলসেক
হওয়ার বসন্তের পূর্ণ আবির্ভাব হয়েছে বলে' মনে
হয় ।

রাজা।—তাই তো, দেখ না :—

"বিচকিল"-পুষ্প এবে পরিপুষ্ট মুকুতার
সৌন্দর্য্য করেছে ধারণ ;

বাহুলীকী-দশন-চ্ছটা অরুণ-বরণ পত্রে
ছাইয়াছে অশোক এখন ;
পলাশ-কুসুম-অগ্রে
বসিয়াছে কৃষ্ণ অলিচয়,
পলাশের কৃষ্ণ বস্ত
দীর্ঘ বলি' তাহে মনে হয় ;
রক্তবর্ণ পুষ্পগুচ্ছ
পাটলী-তরুতে যায় দেখা
যেন কি অপূর্ণ লিপি
তাহাতে গো রহিয়াছে লেখা ।

বিদু।—(চিন্তা করিয়া) রক্তবর্ণ অশোক-পুষ্প,
লাল-লাল ঈষৎ-ধূসর সুন্দর মাধবী-পুষ্প প্রভৃতি
অসংখ্য অসংখ্য কুসুম-সম্পদ ছেড়ে আমার
দৃষ্টি শুধু কুম্ভাণ্ডের মত সাদা সিদ্ধুবার-পুষ্প, দধির
মত সাদা নবমালিকার ফুলের উপরেই প'ড়ে
আছে ।

রাজা।—(পবনস্পর্শে)

কেলি-চ্ছলে দোলাইয়া যেন গো দোলায়,
মৃগাকীর মান-তন্তু ছেদিয়া হেলায়,
রাগরাজ পঞ্চমেরে পরভূত বিহঙ্গের
কণ্ঠমাবে করি' সংক্রামিত
অর-জয় মহাসাকী দক্ষিণ-সমীর কিবা
ধীরে ধীরে হয় প্রবাহিত ।
আরো দেখ :—
সুরতের শ্রমে শ্রান্ত ভুজঙ্গ-রমণীদের
পানোৎসবে হয়ে কিছু হাস,
বিরহি-নিঃখাসে পুন পরিপুষ্ট হয়ে কিবা
বহে এই মলয়-বাতাস ।

বিদু।—তাই বটে ।

লঙ্কার তোরণ-মাল্য যে করে বস্পন ;
সিংহলী নারীর মান যে করে ভঞ্জন ;
দ্রাবিড় অঙ্গনাদের- দেয় যে গো অতিশয়
মদন-উল্লাস ;
দোলাইয়া দেয় যে গো করণাটী ললনার
মুক্ত কেশপাশ ;
যা হ'তে বিলাস-লীলা
পায় শিক্ষা লাট-দেশ-নারী ;
মহারাজী প্রমদার
যে গো চিত্ত উনমাদকারী ;

৩৩—৩০

সেই যে বসন্ত-বায়ু হইয়া উন্নত
দেখ কিবা চারিদিকে করিতেছে নৃত্য ।
* এই এ নববসন্তে, কুসুম-পরাগ-পুঞ্জ
ধবলিত করি শরীর, গুণ্ণুণ্ণ অলি গুঞ্জ ;
“সিন্দূর” “সিন্দুবার” ঐ, পরিমল কিবা ছাড়ে,
কম্পিত-কুসুম-অঙ্গে ভ্রমরদল বিহারে ।

রাজা।—(একটু হাসিয়া) সংস্কৃততেও তোমার
দেখ'চি খুব মুখ ছোটে ।

বিদু।—আমাদের মত লোকের যোগ্য যে প্রাকৃত
পস্থা—তুমি যে মহারাজ এখন সেই পস্থা ধরেছ । মহা-
মন্ত্রী যে ফটিক-শিলার মন্দির তৈরি করিয়েছেন,
সেই “কেলি-কৈলাসে” এখন যাওয়া যাক । (পরি-
ক্রমণ করত) ক্রোধীর ক্রোধের মত মনোহর শব্দ
কোথা হতে শোনা যাচ্ছে ?

রাজা।—(শুনিয়া সেই শব্দ অনুসরণ করিয়া
উর্ধ্বে অবলোকন)

প্রাকার-শিখর-দেশে দেখ গো চাহিয়া সবে
মেলি' নেত্রদ্বয়,
ভাবি' দেখ, অন্তরীক্ষে অকলঙ্ক শশাঙ্ক কে
হইল উদয় ?
কে করে গো বরিষণ পক্ষ লবণীর সম
স্বচ্ছ জ্যোৎস্না-রাশি
উপবন-চকোরেরা যার পানে ধায়, হয়ে
স্বধার পিয়াসী ।

বিদু।—মহারাজ ! কোথায় নে ?

রাজা।—ঐ দেখ না । (সবিম্বরে অবলোকন
করিয়া) কি ? তুমি কি দেখতে পাচ্ছ না ?

রশনার মণি হতে
মঞ্জুল শিঞ্জিত শোনা যায় ;
নিঃখাস-সৌরভে মুগ্ধ
অলিগণ ওই দিকে ধায় ;
অলঙ্কার ঝঙ্কারিয়া
গীত-ধারা করিছে বর্ষণ,
লীলা-দোলা-ক্রীড়ারত
ওই দেখ সেই চন্দ্রানন ।

বিদু।—মহারাজ ! তুমি ঠিক ঠাউরেছ ; দোলনার
কাষ্ঠদণ্ড-গুলোর মাথা এখন থেকে দেখা যাচ্ছে বটে ।

* কতকটা হুব দীর্ঘ রক্ষা করিয়া সংস্কৃত ছন্দানুসারে পঠিতব্য ।



রাজা।—(পুনর্বার দেখিয়া) সখা, এই সেই
আশ্চর্য্য চন্দ্রমা।

বিদু।—তাই তো, আমাদের দেখা না দিয়ে
চাঁদটি তো বেশ দোলা-খেলা কচ্চেন।

রাজা।—সখা! আর একটা স্নেহের কথা বলি
শোনো, ওর লাবণ্যশ্রী সেই স্বপ্নদৃষ্ট ললনার মত মনে
হচ্ছে।

বিদু।—কিরূপ বল দেখি?

রাজা।—শর-গাছ বড় হয়ে উঠলে যেমন সাদা
হয়, ঠিক সেই রকম রং।

বিদু।—করি-শাবকের দাঁতের মত সাদা?—
মহারাজ! দোলনার শব্দ থেমে গেছে—তাই বোধ
হচ্ছে, উনি দোলনা থেকে নেমেছেন; এইবার তবে
নিকটে যাওয়া যাক। (পরিক্রমণ করত) এই তো
সেই “কেলি-কৈলাস”—এইবার প্রবেশ করা যাক।
(তথা করণ)

রাজা।—ফেনরাশির মত শুভ্র তেজোময় এই
তো সেই কৈলাস।

বিদু।—এই সুন্দর ফাটিক-ভবনের ভিত্তিতে যে
চিত্রকর্ম আছে, সেইগুলির প্রতি একবার দৃষ্টিনিবেশ
করুন; এই দেখুন মহারাজ, দেবীর সঙ্গে পাশা
খেলছেন—এই তাড়ুল-করক-বাহিনী “নাগবল্লী”।
এই চামর-গ্রাহিনী “প্রভঞ্জিকা”; এই “টপ্পবর্গণ”
নামে অশ্বশালার মর্কট।

রাজা।—সখা, এই যে তোমার চিত্র রয়েছে।

বিদু।—(সক্রোধে) আমাকে ঠিক আঁকতে
পারে নি—ব্রাহ্মণীই জানেন, আমি কিরূপ—তিনি
আমাকে বলেন, “তুমি প্রত্যক্ষ দেবতা”।

রাজা।—উপবনে শুক কি বলতে শোনো।

বিদু।—কি বলতে?

রাজা।—“তুমি দেবতা না ভূত?”

বিদু।—হৃজ্জনেব কথায় কে কর্ণপাত করে? (অঙ্গুলী
নির্দেশ করিয়া) এ কোন্ অপূর্ব সুন্দরীর পূর্ণ সৌন্দর্য্য-
ছটায় যেন আর সকল সুন্দরীকে উপহাস করতে?

রাজা।—আমাদের কাছেই শুধু অপূর্ব নয়,
অনঙ্গদেবের কাছেও এ অপূর্ব। (সম্যক অবলোকন
করিয়া) এই তো আমার সেই মনঃসাগরের
শশি-লেখা। অহো! কি রূপ-সম্পদ!

সুনীল নয়নষয়

নীলোৎপলে করয়ে গঞ্জন;

শশি-সম মুখ-শশী,

ভুরু-লেখা কাম-শরাসন;

তনুর লাবণ্য কিবা

—কোথা আর নাহি যায় দেখা;

দশন-পল্লবে, গাত্রে

কি অপূর্ব মনোহর রেখা;

হেন সুন্দরীর রূপ বর্ণনা করিতে কাম

করিয়া প্রয়াস;

বর্ণনা-নৈপুণ্য শুধু এই স্নযোগেতে তিনি

করেন অভয়াস।

বিদু।—(স্বগত) দেবীর এই পরিষ্কারের মাঝে
ইনি আবার কে? (চিন্তা করিয়া) বোধ হয়,
কৌতূহলবশে দেবী নবাগত নিজ মাতুলপুত্র মৃগাক-
বন্দ্যাকে বারম্বার মহিলা-বেশ পরিয়ে থাকেন।
চিত্রকরেরা তো প্রকৃত বৃত্তান্ত জানেন না, আমার
মনে হয়, তাকে দেখেই এ চিত্র এঁকেচে। তা,
আমি আর কিছু কঁাস করুব না, প্রিয় সখা দেখে
খুব আশ্চর্য্য হোন। তাঁর বিষয়টা আরও বাড়িয়ে
দেওয়া যাক। (প্রকাশে) এঁর সাজসজ্জা দেখে
মনে হয়, ইনি কুমারী।

রাজা।—ঠিক বলেছ সখা।

এ বেশ-বিশেষে বালা

কত্কা বলি' হয় গো স্মৃতিত,

কেননা “চোলক” নীল

এঁর চিত্রে হয়েছে চিত্রিত।

পরিণয়-কাল হতে

নারীদের পরিধান-রীতি

নীবীর-বন্ধন-গ্রহি

—দেখিতে যা মনোহর অতি।

যে করেছে এই চিত্র

কি আশ্চর্য্য তাহার গো রূপ;

নিশ্চয় করেছে চিত্র

চিত্রকর দেহ-অনুরূপ।

এই চিত্রকর্মে দেখি

একধারা রেখা-সন্নিবেশ

তাই মোর মনে হয়

—চিত্রকারী রমণী-বিশেষ।

(সম্যক অবলোকন করিয়া) মদনের পতাকা

মত এই যে সুন্দরী—এ নিশ্চয় আপনাকেই আপনি
চিত্র করেছে।

বিদু।—তাই বটে ; বড় লোকদের ঘরে এইরূপ
হয়ে থাকে শোনা যায়। যে রকমের চিত্রকর,
তারি অল্পরূপ চিত্রকর্ম ; যে রকমের কবি, তারি
অল্পরূপ কাব্য-রচনা।

রাজা।—ঠিক বলেছ ; যেমন আকৃতি, গুণও
তার সেইরূপ হয়ে থাকে। তা ছাড়া, দেখ সখা
চারণ !

লঘুতনু হইলেও পরিপুষ্ট অঙ্গভঙ্গে
ক্রম-পরিণত-রেখা
পূর্ণমূর্তি হয় গো লক্ষিত।
শ্বেদ-রোমাঞ্চাদি যত সাস্বিক গুণ বিস্তাসে
তরল চিকণ চারু
ভাব কিবা হয় প্রকটিত ॥

বিদু।—এই দিকে পরিজন-বেষ্টিতা দেবী
মদনবতী কি চিত্রিত হয়েছেন ?

রাজা।—এই রূপসী-রত্নটি কে, দেখা যাক।

বিদু।—হাঁ, এ তিনিই বটে।

রাজা।—(স্বগত) চক্ষু এক, কিন্তু তিনি যে
বহুধা। (বিদুষকের প্রতি) কোথায় তিনি ?

বিদু।—এই যে—এই যে !

রাজা।—(দেখিয়া সোৎকর্থে)

যে বিধাতা নীলোৎপল শশাঙ্ক ও মৃগালিকা
রস্তা-লতা কমলাদি
করিলা গঠন,
সেই বিধি সৃষ্টি এ মৃগশিশু-নয়নীরে
—সৃষ্টিক্রম একাধারে
করি' আনয়ন।

বিদু।—(স্বস্তে পুস্তলিকাকে দেখিয়া) এও কি
সেই ?

রাজা।—এও যে আমার সেই লোচন-চকোর-
চক্রিকা।

(অবলোকন করিয়া সোৎকর্থে)

সেই সে ছগধ সম মৃগধ-মধুরচ্ছবি
অঙ্গ যষ্টি তার ;
ভরণ কেতকী-পত্র সম দীর্ঘ নেত্রধর
কম্বু-কণ্ঠ আর ;

সেই সে গো চন্দ্রাননা দেখি যে হেথায়,
মদনের অঙ্গরূপে যেন শোভা পায় !

(বিতর্ক-সহকারে)

স্বপনে দেখিছু যারে আর তো দেখেনি কেহ
আমার সহিত ;
কে গো তবে এই বালা ? এ কি গো রচনা কারো
মানস-কল্পিত ?
তাই ভাবি, পদ্মনেত্রী সেই বালা কোথাও গো
আছে ধরা-মাঝে ;
নতুবা গো সেইরূপ দীর্ঘ নেত্র এই চিত্রে
কেমনে বিরাজে।

(অবলোকন করিয়া) আচ্ছা ভাল, সেই স্বপ্নলব্ধ
হার আবার তার যোগ্য স্থান লাভ করুক, এই
পুস্তলিকার কণ্ঠমূলে সংরক্ষণ করুক, নব-বিচকি-
লতার কলিকাগুলি আবার একেই অলঙ্কৃত করুক।
(তথাকরণ)

বিদু।—এখানেও তো আবার সেই একই চিত্র
চিত্রিত দেখ্‌চি। (উল্লাস সহকারে) মৃগাঙ্কের
প্রতিবিম্বমালায় তুমি প্রতারিত হচ্ছ সখা। এই আবার
সেই সাক্ষাৎ পূর্ণিমার চাঁদ।

রাজা।—আবার কোথায় আমার সেই নয়নের
অমৃত-বৃষ্টি ?

বিদু।—এই যে, এই যে। দেখ না, ইনিই তো
চন্দ্রকলা সদৃশ বক্রদৃষ্টিচ্ছটা-কটাক্ষে দিগ্‌মুখ উদ্ভাসিত
করুচেন, করসঞ্চালনে অশোক-পল্লব বিস্তার করুচেন,
পদক্ষেপে পঙ্কজ-আকুল ভ্রমরকুল রচনা করুচেন।

রাজা।—তুমি যার প্রশংসা করুচ, এই তো
আমার সেই সত্য স্বপ্ন। (অবলোকন করিয়া) সেই
তো এই কামের সঞ্জীবন—আমার হৃদয়ের বিশল্যকরণ
ঔষধি। (চিন্তা করিয়া)

ভুরু-নৃত্যে সুপণ্ডিত, ঈষৎ তরল দৃষ্টি,
স্তন বক্ষে অলপ প্রকাশ ;
কটদেশ কুশ অতি, জ্বলন ঘন বিশাল,
প্রতি অঙ্গে খেলিছে বিলাস ;
স্মর-সখা যউবন বা' চাই সকলি দেছে
পুরাইতে নিজ অভিলাষ।

অপিচ :—

তরলিত ভুরুলতা, উদগত কন্ন হতে
অঙ্গুলি-নিচয় ;



সম্মুখে পড়িয়া আছে দৃষ্টি এঁর, নাহি কোন
লক্ষ্যের বিষয় ;

আননে অধর-দল
একটুকু আছে উন্মীলিত ;
তাই মনে হয়, রত
কাব্য-রচনায় এঁর চিত ।

বিদু।—তাই বটে ; ওঁর সম্মুখেই অঙ্কলিখিত
অক্ষরগুলি রয়েছে ।

রাজা।—(পাঠ)

“ধরয়ে প্রত্যঙ্গে কত ঘরষ রেখা স্মতরুণী”
(চিন্তা করিয়া) অহো ! এ যে শিখরিণী ছন্দ !
অহো ! কি সুন্দর বাক্য ! অহো ! কি উপাদেয়
বৈদর্ভী রীতি ! অহো ! অপৰ্যাপ্ত মাধুর্য ! অহো !
কি নির্দোষ প্রসাদ-গুণ !

বিদু।—তা, যথাসময়ে সুন্দরীর নিকট গমন
কর ; নয়নাঞ্জলিপুটে পূর্ণিমা-চন্দ্র পান কর ;
সুভাষিত-সাগরে কর্ণকুহর পূর্ণ কর ; রতস-
উত্তমিত-হস্ত নৃত্যকারক মদন তোমাকে নৃত্য করাক ।

রাজা।—(পদান্তরে দাঁড়াইয়া চারি দিক অবলোকন
করিয়া) অহো ! এ যে আমার সেই একই প্রিয়া ।

সেই সে সুন্দর তনু
ইতস্তত রহে চিত্রমাঝে,
আবার দেখি যে উহা

এই পুতলিকায় বিরাজে ।

স্মর-শরাস্ত হয়ে
লাঘবিত্তে ব্যথা আপনার,
যেন বিভাগিয়া তনু
ধরে রূপ চতুর্থ প্রকার ।

এসো তবে, আমরা নিকটে গিয়ে ওঁর মধুর বাক্য
শ্রবণ চরিতার্থ করি । স্তম্ভিত ব্যাপারান্তরে গৃহীত
হলেও সে কখন আপনার মুক্তা ত্যাগ করে না ।
(পরিক্রমণ করত)

বিদু।—(সম্মুখে সরিয়া ভয়সূচক স্ফোটন)
সর সর, এ নিশ্চয় একটা ভূত ; রোম, কুপিতা
দেবীর বাকা ভুরুর মত আমার এই লাঠি দিয়ে
ওকে পেড়ে ফেল্চি, আমার পুরুষস্বটা একবার দেখ ।

রাজা।—তা হলে মালতী-কুম্মকে তোমার হুকুল
বলে কল্পনা করা হবে ।

বিদু।—তবে এটা কি ?

রাজা।—সখা ! বোধ হয়, উনি স্ফটিক-ভিত্তির
ও ধারে আছেন, স্বচ্ছ স্ফটিক-ভিত্তির ভিতর দিয়ে
ওঁকে স্পষ্ট দেখা যাবে । এসো তবে কেলি-
কৈলাসের পিছনে গিয়ে ওঁকে দেখি । (তথাকরণ)

বিদু।—উনি তাড়াতাড়ি প্রস্থান করেছেন,
কেমনা, তাড়াতাড়ি যাওয়ার দরুণ দেবীর ভবন-
অভিমুখে যে পদচিহ্নগুলি পড়েছে, সেগুলি অসমান
দেখাচ্ছে ।

রাজা।—হৃদয় ! তোমার মঙ্গল হোক ! তুমি
ওঁকে অনুসরণ করতে গিয়ে আমাদের কথাও একটু
স্মরণ করো ।

(নেপথ্যে)

ত্রিলিঙ্গাধিপতির জয় হোক ! এই মধ্যাহ্নকাল
মহারাজের সুখ-জনক হোক ! এখন এই
মধ্যাহ্নে :—

নিজ শিরোপরি করী ধরিয়াছে কর্ণতাল
পদ্মলতা-দল-লালসায় ;

নবতৃণপুঞ্জ ভাবি’ নিজ-পিচ্ছ-মাঝে শিখী
আপনার মস্তক লুকায় ;

শুকর মৃগাল ভাবি’ নিজ দংষ্ট্রাকুরটিকে
বুখা দেখ করিছে লেহন ;

নিজ দেহচ্ছায়াকেই কর্দ্দমের রাশি ভাবি’
তাহে ধায় মহিষের মন ।

আরো দেখুন :—

হরিণাক্ষী সুন্দরীর প্রমদ-কানন-সরে
স্নানতরে করিছে প্রবেশ ;

জঘন-মণ্ডলে জল হইয়া গো বিচঞ্চল
আঘাতিছে সর-তটদেশ ;

নাভির কুহর-মাঝে উলসিত হয়ে জল
বিস্তারয়ে কল্লোল অশেষ,
আর নামি’ পড়ে অবশেষ ।

বিদু।—ওগো ! এই মধ্যাহ্নকালে দেবী কি
করুচেন, তাঁর ভবনে গিয়ে সে সংবাদটা জানা যাক ।
[প্রস্থান ।

ইতি শ্রীকবি-রাজশেখর-বিরচিত
বিদ্য-শালভঞ্জিকা নাটকার
প্রথম অঙ্ক ।

দ্বিতীয় অঙ্ক

(মুখামুখী হইয়া ছইজন দাসীর প্রবেশ)

প্রথম।—(পরিক্রমণ করিয়া পরে দ্বিতীয় দাসীর অঞ্চল ধরিয়া) ওলো তরঙ্গিকা! রাজার কোন কথা বুঝি তোর মনে এখন ক্রমাগত জাগচে, তাই তুই আমাকে না দেখেই চলে' যাচ্চিস্।

দ্বিতীয়।—সখি কুরঙ্গিকা! রাগ করিস্ নে। অশ্রু বিষয় ভাবচি বলে' তোকে যে আমি দেখতে পাই নি,—গৌরীর দিবি—তা নয়।

কুরং।—অশ্রু বিষয় কি ভাব্চিস্ বল্ দিকি ?

তরং।—সে কথা তোর কাছে বলতেও যেন আমার বুক কেঁপে উঠছে।

কুরং।—অভিন্নহৃদয় সখীর কাছেও বলতে আশঙ্কা ? তাতেই তো আমার জানতে আরও ইচ্ছা হচ্ছে।

তরং।—যা হবার, তা হবে, তোর কাছে আমি ঢাকব না। তায় হোক, অতায় হোক, সখীর কাছে বলতে বাধা কি ?

কুরং।—আমিও তো তাই বলি—সহকারের কাছে কোকিল কি তার প্রণয়ের কথা বলতে কুণ্ঠিত হয় ?

তরং।—তা বটে; তবু একটা কথা আছে সখি, "মস্তের রক্ষণ,—সিদ্ধির লক্ষণ।"

কুরং।—ও কথা বোলো না। কুকলাসের মাথায় সোনা ঘে'রকম কেউ পেতে পারে না, প্রাণ থাকতে আমারও পেটের কথা কেউ জানতে পারবে না।

তরং।—তবে শোনো প্রিয় সখি! কুস্তলাধিপতি চণ্ড-মহাসেন নামে একজন রাজা রাজ্যচ্যুত হয়ে এখানে এসেছেন; তাঁরি কুবলয়মালা নামে একটি কন্যা আছে; সে যে সময়ে নন্দনা-নদীতে অবগাহন করে' তাঁরে উঠ'ছিল, সেই সময়ে আমাদের রাজা তাকে দেখতে পেয়ে, তার রূপে মুগ্ধ হন; তাই মহিষা এ কথা জামতে পেয়ে নিজ মাতুল চন্দ্র-বর্মার পুত্র যুগাঙ্ক-বর্মার সহিত তার বিবাহ দেবার জন্ত, উত্তোগ করুতে আমাকে পাঠিয়েচেন—আমি সেই কথা ভাব্ছিলেম, এমন সময়ে তুমি সখি, আমাকে দেখতে পেলে।

কুরং।—কি আশ্চর্য! দেবী তো খুব বিচক্ষণ দেখচি। একরূপ করায় সপল্লীকোভ-নিবৃত্তি হবে,

আবার মাতুল চন্দ্র-বর্মার উপরেও মনের টান দেখান হবে।

তরং।—সখি! তুমি এখন কোথায় যাচ্চ বল দিকি ?

কুরং।—আজ দেবী চারায়ণ ঠাকুরের মিথ্যা বিবাহের উত্তোগ করে' তাকে ঠকাবেন—তাই বিবাহ-সামগ্রীর আয়োজন করুতে আমাকে পাঠিয়েচেন। এখন তবে চল, ছুজনেই আমরা নিজের নিজের কার্যসিদ্ধি করি গিয়ে।

[প্রস্থান।

ইতি প্রবেশক।

(সোৎকর্ষ রাজা ও বিশেষরূপে বিভূষিত বিদূষকের প্রবেশ)

রাজা।—(মদন-লক্ষণ ব্যক্ত করিয়া)

পঞ্চশর-কামে যবে করিলেন ভ্রমীভূত দেব মহেশ্বর,

প্রজাপতি সৃজিলেন নিরুন্মম অশ্রু এই অভিনব স্মর;

ইতস্ততঃ বিনিক্ষিপ্ত তারি এই শত শত বাণ আশুজ্ঞ সর্বাঙ্গে পশি' দেহ হল কদম্ব সমান।

(সস্তাপিত হইয়া)

চন্দ্রমা গলিত হয়ে হয় যদি কখন গো অমৃতের বাপী;

তাহার কলঙ্ক যদি উৎপল-বনের রূপ ধরে গো কদাপি;

সেই হুদে স্নান করি' সর্বাঙ্গ হয় যদি একেবারে জড়ের মতন,

তবু না শমিত হবে মোর এই ছুনিবার মনসিঙ্গ-অনল-দহন।

তা ছাড়া, দেখ সখা চারায়ণ!

আজি দেখ কামদেব ধরিয়াছে পবনাজ পুষ্পবাণে হইয়া গো শিথিল-যতন,

হার-সুত্র সম-দীর্ঘ আকুল নিঃশ্বাসে মোর ছুকুল-অঞ্চল দেখ হতেছে কম্পন।

এখন তবে সেই প্রস্ফুটিত-মালতী-লতাবৃত "ত্বারপুঞ্জ" নামে কদলীগৃহের পথ দেখিয়ে নিয়ে চল।

বিদু।—(ইঙ্গিত পূর্বক পথ দেখাইয়া)

রাজা।—তোমার এ মৌনভাব কেন বল দেখি ?

বিদু।—(ভূমিতে অক্ষর লিখন)



রাজা।—আমরা অষ্টাদশ প্রকারের লিপি জানি, কিন্তু তোমার এ অক্ষর আমার বুদ্ধির অতীত।

বিদু।—(দস্তে জিত কাটিয়া) ওহো! আমি আজ দীক্ষিত হয়েছি—তাই মোন হয়ে আছি।

রাজা।—সে কিরূপ?

বিদু।—দেবী সম্প্রতি আমার বিবাহ দিয়ে দেবেন।

রাজা।—সেই পুরাণে ব্রাহ্মণীর সঙ্গে?

বিদু।—না গো না, তার সঙ্গে নয়।

রাজা।—আবার তবে কার সঙ্গে?

বিদু।—ওন্নাদেশ হতে মুগাঙ্গ-বর্ষ্মার যে পুরো-হিত এসেছেন, তাঁরই কন্যার সঙ্গে।

রাজা।—পুরোহিতের নামটা কি?

বিদু।—পুরোহিতের নাম শশশৃঙ্গ। আমার হবু-গৃহিণীর নাম “অম্বরমালা”—আর তার জননীর নাম “মুগতৃষ্ণা”।

রাজা।—(স্বগত) আমার বোধ হয়, দেবী ওকে নিয়ে একটু মজা করতে চান। তা, আমি আর কিছু ফাঁস করব না। তামাসাটা কতদূর গড়ায়, দেখা যাক।

(দাসীর প্রবেশ)

দাসী।—(পরিক্রমণ করিয়া সম্মুখে অবলোকন) এ কি! মহারাজ যে চারায়ণ ঠাকুরের সঙ্গে আমোদ-প্রমোদ করতে করতে “তুষারপুঞ্জের” নিকটে রয়েছেন; এখন তবে দেবীর আদেশটা ওঁকে জানাই। (নিকটে গিয়া) মহারাজের জয় হোক! দেবী মহারাজকে জানাতে বলেন, চারায়ণের দ্বিতীয়বার বিবাহ হবে। আপনাকে তার বরযাত্রী হতে হবে। তাঁরই দ্বিতীয় গৃহিণীর জন্ত এই কদলী-গৃহ, তা মহারাজ প্রবেশ করুন। দেবী পরিজনদের নিয়ে সেইখানে আছেন।

(দেবী ও পরিজনাদির সহিত বধূবেশে একজন দাসের প্রবেশ)

দেবী।—ওলো মেথলা! জামাতার মুখ দেখিয়ে দে।

মেথলা।—(তথাকরণ ও শির আভ্রাণ করিয়া) চারায়ণ ঠাকুর! রক্তবস্ত্র সরিয়ে ফেলে পরস্পর শুভদৃষ্টি কর।

বিদু।—(তথাকরণ)

দেবী।—মেথলা! শীঘ্র সাত পাক দেওয়াও, তার পরেই প্রজ্বলিত অগ্নিতে লাজ্জাঞ্জলি দিতে হবে।

বিদু।—ওগো দ্বিতীয় ব্রাহ্মণি! ঐব ও সপ্তর্ষি-মণ্ডল দেখ।

দাস।—(দেখিয়া) ঐব ও সপ্তর্ষিমণ্ডল আমার দেখা হয়েছে।

বিদু।—ওগো সুন্দরি! বল, ঐব দেখেছি, সপ্তর্ষিমণ্ডলও দেখেছি।

দাস ও বিদু উভয়ে।—(পুনঃ পুনঃ ঐরূপ কথন)

দাস।—চারায়ণ ঠাকুর! আমি দেবীর দাস বন্ধুল, তোমাকে আমি বিবাহ করুচি। এ কথা স্বীকারেরেও শোনা যায় না যে, পুরুষ পুরুষকে আর স্ত্রী স্ত্রীকে বিবাহ করে। আর এই অম্বরমালা অম্বরমালাই বটে; অর্থাৎ আকাশ-কুম্ভম-মালিকার মতই অলৌকিক।

বিদু।—আরে দাসীর বেটি কোথাকারে! কুটিনি! ঠেঁটি নছার! তুই আমাকে ঠকিয়ে-ছিস?—এখন তুই আপনাকে রক্ষা কর।

সকলে।—(হাস্ত)

বিদু।—(পরিক্রমণ)

রাজা।—দেবি! চারায়ণ ভারি রেগে গেছে—এখন কুবলয়বতীর কাছে গেল। আমাদেরও এখন যেতে হবে। কপূর-দ্বীপ হতে একজন বিষ-বৈদ্য এসেছেন, তিনি প্রসিদ্ধ ওষধিপূর্ণ মাধবীলতা-মণ্ডপটি মাজিষ্ঠ-পুষ্পগুচ্ছে অলঙ্কৃত করেছেন—এরূপ ব্যাপার ত পূর্বে কখন দেখিনি—তাই তাঁকে দেখতে যাচ্ছি—আর প্রিয়বয়সকেও সান্ত্বনা করতে যাচ্ছি। তুমিও সন্ধ্যা হলে সেই অদ্ভুত ব্যাপার দেখতে যেও।

দেবী।—ওলো কুরঙ্গিকা! মহারাজের সঙ্গে সঙ্গে তুই যাচ্ছিস?

[পরিজনসহ প্রস্থান।

কুরং।—(পরিক্রমণ করিয়া) এই যে চারায়ণ ঠাকুর নবমালিকা-ঝোপের মধ্যে ময়ূরের মত শুধু মুখটি লুকিয়ে আছে।

রাজা।—ওকে তবে এখানে নিয়ে এসো।

কুরং।—(কিঞ্চিৎ নিকটে আসিয়া) ওগো অম্বরমালা-বল্লভ! তোমাকে মহারাজ ডাকছেন (অঞ্চল ধরিয়া আকর্ষণ)

বিদ্ব।—আরে ছষ্ট দাসী! ভবিষ্য-কুটিনি!
তুইও আমার সঙ্গে পরিহাস করুচিস্? রোস্, তোর
কুটিল হৃদয়ের মত আমার বাঁকা লাঠি দিয়ে এখনি
তোকে পিটিয়ে দিচ্ছি।

রাজা।—কুরঙ্গিকা! দেবীর পরিজনদের মধ্যে
গিয়ে দেবীর আশ্রয় গ্রহণ কর। চারায়ণ রেগেছে।
কুরং।— [পরিক্রমণ করিয়া প্রস্থান।

বিদ্ব।—প্রিয় সখার চিত্ত-বিনোদনের জ্ঞান মহা-
মন্ত্রী যে চতুঃশালা-গৃহ নির্মাণ করিয়েছেন, তাতে
কোন দেবতা-বিশেষ অধিষ্ঠিতা হয়েছেন না কি?

রাজা।—(দেখিয়া স্বগত) হৃদয়! তোর আজ
অদৃষ্ট সুপ্রসন্ন; সেই স্বপ্নদৃষ্ট জনের তুই প্রত্যক্ষ দর্শন
পেলি। (প্রকাশে) দেখ সখা চারায়ণ! আমার মন-
ময়ুরের নৃত্যকারিণী বুঝি সেই বর্ষালক্ষ্মী। তোমাকে
বলুচি শোন—সেই সুদক্ষ প্রজাপতির একটি নিপুণ
রচনা।

যে বিধাতা গড়িয়াছে জড় চন্দ্র ও কদলী
—অকাল-শীতল;

আর যে গো রচিয়াছে বিভ্রম-বিলাস-হীন
সেই নীলোৎপল;

সেই সে বিধাতা হতে
হবে কি এ সুন্দরীর জন্ম?

নবতর উষ্ণরশ্মি
চন্দ্রিকা কি হইল উৎপন্ন?

তা ছাড়া এঁর এখন সেই বয়স দেখুচি, যে বয়সে
রাতদিন নব নব ভূষণে ভূষিত হতে ইচ্ছা হয়।

ওঠানো কুঞ্চিত কেশ; কতই বিচিত্র চণ্ডে
কবরী-বন্ধন;

দস্ত-প্রসাধন-কর্ষণ, বসনে নীবীর গ্রন্থি,
ভুরু'নর্ভন;

নয়নের আড়-দৃষ্টি; —এ সব বিলাস-চেষ্টা
রমণীরা করে অহুঙ্কণ;

কিন্তু দেখ তাহাদের শইশবে এই সব
নাহি পায় ক্ষুরিত তেমন।

বিদ্ব।—(আকার অবলোকন করিয়া উপহাস-
সহকারে) সম্মুখে এগিয়ে এসো; চল, দেবীর কাছে
যাওয়া যাক।

রাজা।—সখা! দেখা যাক তো।

বিদ্ব।—মহারাজ, তুমি ভারবাহী বলীবর্দের মত
যেতে যেতে শাস্ত হয়ে পড়চ কেন? তুমি তবে
শুল্ক-লতার মত এইখানেই গজাতে থাকো, আমি
দেবীর কাছে যাই।

রাজা।—তোমাতে সকলি সম্ভব—তোমাতে
সকল মধুই আছে।

বিদ্ব।—(হাসিয়া সম্মুখে দেখিয়া) ওগো, ও যে
ভারি হাত-পা ছুড়চে দেখচি।

রাজা।—(হাসিয়া) আরে, ও গোলা নিয়ে
খেলুচে। দেখ না:—

চারু পদচারে কিবা মণিময় নুপুরের
হয় বনংকার;
ঝঙ্কনি' মেখলা বাজে, ঝলকিয়া ওঠে কর্ণে
কর্ণ-রত্ন-হার;

চঞ্চল কঙ্কণ হতে
ওঠে কিবা-মধুর নিকণ;

সুন্দরীর গোলা-খেলা
করে মোর হৃদয় হরণ।

বিদ্ব।—তাই বটে।
চরণের সঞ্চালনে

বিচলিত বসন-অঞ্চল;
আন্দোলিত বেণী-লতা,

তাহে কাঁপে মলিকার দল।
চমকে মেখলা-দাম, কঙ্কণ-কিঙ্কিণী-রাজি

ঝলকিয়া উঠে ঝণে ঝণে;
কন্দুক-কেলি-তাণ্ডবে চন্দ্রাননী শোভা পায়

আহা যেন স্বর-রঙ্গাজনে।
রাজা।—এই যে সখীর নৃত্য থেমেচে—শুধু থামা

নয়, বন্ধে কর-পদ্ম রেখে, যেন চিন্তে পেরেছেন—
এইরূপ ভাবে দেখেচেন। দেখ:—

সুন্দরীর মুখশ্রীতে অভিবৃত্ত হয়ে ইন্দু
মলিন যেমন

তেমতি কন্দুক এক আছে হস্তে, মুখ ধরে
রঞ্জিম বরণ।

কেতকীর অগ্রভাগে ভ্রমর বসিলে যথা
কিষ্ট ক্লাস্ত কেতকীর দল,

সেইরূপ নেত্র ছুটি; অপাঙ্গ-তরঙ্গে তারি
আমারেই দেখিছে কেবল।

বিদ্ব।—এসো মহারাজ, সুন্দরীটিকে এইবার



অনুসরণ করা যাক। এইবার মহারাজ দৃষ্টি দিয়ে
অমৃত-গণ্ড পান কর।

(পরিক্রমণ করিয়া সোপান অবতরণ)

বিদু :—এ কি ! দেবকুলের অনঙ্কর লেখার মত
যে আর তাকে দেখা যাচ্ছে না।

রাজা।—ঐন্দ্রজালিক গন্ধর্বপুরীর মত দেখা
দিয়েই যে অদৃশ্য হল।

বিদু।—এসো মহারাজ, ভাল করে' দেখা
যাক। বোধ হয়, সে দেয়ালের আড়ালে রয়েছে।
(চতুর্দিক অবলোকন)

রাজা।—(সবিষাদে ভূমির দিকে তাকাইয়া)

এই ভূমিতল দেখ মুগাঙ্কীর চরণের
অলঙ্ককে হয়েছে রঞ্জিত ;
ইহাই সে কন্দুকের ক্রীড়া-বিচরণ-ভূমি
—স্পষ্টরূপে হতেছে সূচিত।

এ কি অদভুত কাণ্ড !

কুশোদরী তবু অদর্শন !

বুঝিয়াছি স্বর, এই

মোহ-মায়া করিলা সৃজন।

(সন্তোষের সহিত চারিদিকে অবলোকন করিয়া)

চূড়ার অরুণ মণি করে যেন এই স্থান
তিলক-ভূষিত ;

সুন্দর গ্রথিত মালা তরল কুন্তল হতে
হেথায় পতিত ;

হেথা দেখ মুক্তাগুলি হার হতে চ্যুত হয়ে

ভূমিতল করে আচ্ছাদন ;

কর্ণপাশ হতে দেখ ঝলিত হয়েছে হেথা

“তালপত্র”—কর্ণ-আভরণ।

বিদু।—মহারাজ, দেখ দেখ, এখানে একটি
তালপত্রও রয়েছে—এই যে এতে কি অঙ্করও
লেখা আছে—কালি দিয়ে লেখা অঙ্কর যদি পড়া
অভ্যাস থাকে তো এই নেও পড়।

রাজা।—(পাঠকরণ)

তারুণ্য স্বহস্তে যেন

ফুদিয়া তুলেছে প্রতি অঙ্গ,

মুখর হয়েছে আরো

সুচতুর নয়ন-অপাঙ্গ।

(চিন্তা করিয়া) এ কি ! এ কবিতাটির যে
শুধু ছটি পদ—চার পদ এখনও পূর্ণ হয় নি।

বিদু।—বিকলাঙ্গের ছায় উর্জ্জ্বাল হয়ে কিছুকাল
থাকা যাক। তা মহারাজ এসো, এই ঘেরা বারান্দায়
বসা যাক। (কথা করণ)

(নেপথ্যে)

পক তালপত্র সম বদন পাণ্ডুর ;
নেত্র হতে অশ্রু তব ঝরে বুকবুর ;
কেলি-পদ্ম-বনে যথা বহে সমীরণ
নিঃশ্বাস তেমনি তব বহে অহঙ্কণ ;
গৌরীর শপথ করি' বলিতেছি শোনো,
নিশ্চয় তোমার চিত্তে আছে যুবা কোন ;
ছি ছি সখি এ কি তব

ব্যবহার অতি অশোভন,

ধূলা-খেলা-সঙ্গিনী যে

তারো কাছে করিছ গোপন ?

বিদু।—(চমকাইয়া) মহারাজ, শিখা-বন্ধন
করুন—শিখা-বন্ধন করুন, একটা অমামুখী বাণী
শোনা যাচ্ছে।

রাজা।—দেয়ালের আড়াল থেকে কে যেন
কথা কছে।

বিদু।—মহারাজ, কথাটা ব্যাখ্যা ক'রে আমাকে
বল।

রাজা।—সখা ! বোধ হয়, কোন অনুরক্তা
লজ্জাবতী রমণী নিজ মনের গোপনীয় কথা ব্যক্ত
করুচে।

নেপথ্যে।—(বাক্তস্ত-সহকারে) সখি ! এ স্থলে
কি কোন সংশয়ের সম্ভাবনা আছে ?

রাজা।—সখা ! শুনলে ?

বিদু—হি হি হি হি ! ওগো, বলি শোনো,
পণ্ডিতেরা মর্কটের মত মূল না পেলেও পল্লব গ্রহণ
করে ; আবার মূর্খেরা কাঁটাল-বনের মালীর মত,
মূল ধরতে গিয়ে, ফল পেয়ে যায়। তবে শোনো,
আমি এর কিছু না জেনেও ব্যাখ্যা করুচি। এ
কথাটা কোন সামান্য যে-সে লোকের সম্বন্ধে বলা
হয় নি—চন্দ্রকে ছেড়ে চন্দ্রকান্ত-মণি কখনই বিগলিত
হয় না।

রাজা।—খনি বিনাও পদ্মরাগ-মণি জন্মাতে
পারে—এ যে তোমার সেই রকম তর্ক হল।

(পুনর্বার নেপথ্যে)

শুভ্র হতে সদ্য-মুক্ত
স্বচ্ছ-প্রভ মুকুতার প্রায়
অশ্রু-কণা ঝরি, তব
নয়ন-অঞ্জন ধুয়ে যায় ।

ফাস্ত হও সখী ওগো
কাঁদিও না, পড়ি তব পায় ॥

পারদের রসে সিক্ত কাঞ্চন যেমনি,
তমু তব পাণ্ডুবর্ণ হয়েছে তেমনি ।
লীলা-কমলের অগ্র হতেছে স্থলিত,
হার-লতা বক্ষোমাবে হয় বিচলিত,
ঘন ঘন দীর্ঘশ্বাস হয় যে নিঃশ্বত ;

নীবিবন্ধ থাকিতেও
খাসি পড়ে কঙ্ক-বসন

—সুচিত করিছে ইথে
অতি দুর্বলতার লক্ষণ ।

মুখবর্ণ তাহে ম্লান
যেন দিবা-শশীর মতন

সেই বিজ্ঞান-মন্ডলে
যে অবধি কবেছ দর্শন

সে অবধি দেখা দেছে
এই সব বিলাস-বিভ্রম

তাই বলি চন্দ্র বিনা
শেফালিকা ফোটে কি কখন ?

বিদু।—সেই স্বপ্নদৃষ্টাকেই তুমি দোলায় ছলতে
দেখেছ, তাকেই স্তম্ভনিবন্ধ পুতলিকারূপে দেখেছ,
অতঃপর তাকেই গোলা-খেলা করিতে দেখেছ, এখন
আবার তাকে দেখেই মহারাজ তোমার চিত্তোন্মেষ
হচ্ছে ।

নেপথ্যে।—সখি মৃগাঙ্কাবলি ! তোমার মুখপাত্র
হয়ে আমাকেই দেখি দূতীর কাজ করিতে হবে ।

রাজা।—তাকেই উদ্দেশ্য করে মদনদেব দেখি
মৃগাঙ্কাবলি এই পঞ্চাঙ্গরী নামটি আমার মনে অঙ্কিত
করে দিলেন ।

নেপথ্যে।—মহারাজের সম্মুখে তোমার অবস্থা
নিবেদন করবার জন্ত আমি ছুটি শ্লোক রচনা করেছি
—সেই শ্লোক দুটি শোনো দিকি সখি !

চন্দ্রের কিরণজাল চন্দনের রস ভাবি'
সুন্দরী করিতে যায় সর্বাঙ্গে লেপন ।

৩য়—৩২

কাম তো সে পুষ্পশর —এই ভাবি' ফুল ছেঁড়ে
মনের আবেগে করি' অধর দংশন ।
সর্কারাধ্য মনমথে নিন্দা করে অহর্নিশি
চুষি চুষি হাতের আংগুল ;
তোমা তরে হে সুন্দর হইয়াছে সে বরাঙ্গী
একেবারে যেন গো বাতুল ।

আরো দেখ :—

অস্তস্তাপে হস্তজল যায় শুকাইয়া ;
অশ্রু জমি' ঝরে যেন প্রণালী বাহিয়া ;
শ্বাস বহে, প্রণীপের
বিকম্পিত কলিকার মত ;

পাণ্ডুবর্ণে দেহ মগ্ন ;
বর্ণনা করিব আর কত ?

হস্ত-ছত্রে চন্দ্রকর
আচ্ছাদন করি' সুন্দরী,
তব পথ চাহি' থাকে
বাতায়নে সমস্ত যামিনী ।

বিদু।—আমার বোধ হয়, এই সোনার চতুঃশালা-
গৃহে কতকগুলি ব্রহ্মদত্তি আছে—তারাই এইরূপ
গুঞ্জগুঞ্জ করে' কথা কইচে । সন্ধ্যা-কালটা ভূতদের
বড়ই প্রিয় ; এখন প্রায় সন্ধ্যা হয়ে এল, এসো
মহারাজ, নীচে নামা যাক ।

রাজা।—ঠিক বলেছ সখা—(উভয়ে অবতরণ)
নেপথ্যে।—সায়ন্তন সন্ধ্যা মহারাজের সুখদায়িনী
হোক !—এখন :—

দিবসের অবসন্ন
গতপ্রায় জীবন-উপরি

করণা করিয়া রবি
ঈশ্বর্য কিরণ বিতরি,

অধর হইতে নামি'
যান চলি রক্ত অস্তাচলে ;

জগৎ হইল শ্রাম
স্বল্প ব্যাপ্ত তিমির-পটলে,

পুরাতন চিত্র যথা
ধূমশ্রাম হয় কাল-বলে ।

পর-গৃহ-নিবাসিনী শিল্পকরী নারীদের
করের কঙ্কণ হতে
ধীর-ধ্বনি হয় সমুথিত ,

স-উল্লাস-লীলা ভরে
কলহ-মিলন-কাজে
এবে দেখ হয়েছে ব্যাপ্ত ;
চন্দনের রসে ধোত
সৌধতলে বেশাগণ
রাখিয়াছে শয়ন সজ্জিত
তাহে যেন পুষ্পায়ুধ
উত্তত করিয়া বাণ
নিরন্তর আছে অবস্থিত,
এ হেন সুরম্য সন্ধ্যা
'দেখ ওগো মহারাজ
হইয়াছে এবে উপস্থিত ।
রাজা ।—এসো, দেবীর ভবনে গিয়ে সন্ধ্যা-উপাসনা
করা যাক ।

ইতি দ্বিতীয় অঙ্ক

তৃতীয় অঙ্ক

(দাসীর প্রবেশ)

দাসী ।—(পরিক্রমণ করিয়া) প্রিয়সখী বিচক্ষণাকে কিছু দিন থেকে ভারি উৎকণ্ঠিতা দেখেছিলাম—এখন জ্যোছনাও সম্মুখে—যেন করিদস্ত-মুসলের মত আমার হৃদয় বিদীর্ণ করছে। এখন কোথায় তার দেখা পাই (সম্মুখে দেখিয়া) এই যে প্রিয়সখী কি বলতে বলতে এই দিকেই আসছেন।

(দ্বিতীয়া দাসীর প্রবেশ)

দ্বিতীয়া দাসী ।—(স্বগত) আহা ! প্রভু-কার্যে মহামন্ত্রীর কি অসীম ভক্তি !

প্রথম ।—কোন বড় লোকের কার্যসিদ্ধির চিন্তাতেই সখী দেখেছি মন্ত্র—আচ্ছা, পিছন দিক দিয়ে গিয়ে ওর চোখ টিপে ধরি। (তথাকরণ)

দ্বিতীয়া ।—(স্বগত) এ যে প্রিয়সখী সুলক্ষণার মত করস্পর্শ। (প্রকাশ্যে) সখী সুলক্ষণা ! বুঝেছি—চোখ ছেড়ে দেও।

সুলক্ষণা ।—(চোখ ছাড়িয়া অভিমান-ভরে)
—ওলো বিচক্ষণে ! তোকে আমি এত ভালবাসি, তবু তুই আমাকে দেখা দিসনে—এ তোর কিরূপ ধারা ?—তাই আমি তোর পরে রাগ করেছি।

বিচক্ষণা ।—(সবিনয়ে) প্রিয়সখি সুলক্ষণে ! রাগ করিসনে। মহামন্ত্রী ভাণ্ডারায়ণ, আমার উপর

যে কাজের ভার দিয়েছেন, তারই দরুণ এরূপ হয়েছে—আমার অপরাধ নেই।

সুল ।—(উপহাস সহকারে) প্রিয়সখি বিচক্ষণে ! তোর চেয়ে মন্ত্রণায় বিচক্ষণ আর কে আছে ? বিচ ।—তা বটে। এই মহিলা-নীতি-নৈপুণ্য আমাদের মত লোকেরই উপযুক্ত।

সুল ।—মহিলা-নীতি-নৈপুণ্যে যদি মহিলাজনের অদর্শন হয়, তা হলে আমাদের মত লোকের চোখে তো তোমাকে দেখতে পাওয়া যাবেই না।

বিচ ।—আচ্ছা বল দেখি, তোমার মহিলা-নীতি-নৈপুণ্যটা কিরূপ ?

সুল ।—তুমি বল—তার পর আমি বলব। প্রথমে সহকার-মঞ্জরী দেখা দেয়, আর তাই চুষন করে' পরে কোকিলের গলা ছাড়ে।

বিচ ।—আচ্ছা, তবে শোনো। ভগবান্ ভাণ্ডারায়ণ আমাকে এক দিন খুব আদর-যত্ন করে' এই কথা বলেন, "দেখ বিচক্ষণা ! আমাদের এই রাজ-রহস্যে তোমাকে একটু সাহায্য করতে হবে।"

সুল ।—তোমার সখি কি বুদ্ধি ! তাই তো মহামন্ত্রী তোমাকেই এই কথা বলেন—তা বিচক্ষণা আর বিচক্ষণা হবে না ?—বকুল-মালা সুরভি-গন্ধ বিস্তার করে, এও কি কাকেও বলতে হয় ?

বিচ ।—আমি সবিনয়ে বল্লম, "আচ্ছা, আমি যথাসাধ্য করব"—তিনি আমাকে বল্লেন, "দেখ এই মুগাঙ্ক-বর্ষাই মুগাঙ্কাবলী।"

সুল ।—তার পর, তার পর ?

বিচ ।—তার পর, তাকে বিবাহ করে' মহারাজ শ্রীবিদ্যাধর মন্ত্রদেব পৃথিবীর চক্রবর্তী রাজা হবেন ; তাই তার বাস-গৃহের ভিত্তিতে প্রবেশের যে গর্ভ-পথ তৈরি করে' রাখা হয়েছে, সে পথ দিয়ে নিশ্চয় গিয়ে তাকে কোন প্রকারে মহারাজের দৃষ্টিগোচর করাতে হবে ; আর কি কি কাজ করতে হবে, তা হরদাস তোমাকে বলবে। তুমি তার প্রিয়-সখী, তাই এই গোপনীয় রাজকার্যে তোমার সাহায্য প্রার্থনা করা যাচ্ছে—সোপান-পঙ্কি অবলম্বন করেই উপরে আরোহণ করতে হয় তার পর হরদাস আমাকে যা করতে বল্লেন, সেই কথামত আমি তাকে সখী-ভাবে এইরূপ বল্লম, "দেখ সখি মুগাঙ্কাবলি ! এই বাস-গৃহে কামদেব আসছেন, তাঁকে দেখে, তোমার নিজ কণ্ঠ হতে কুমুমমালা খুলে

তার কণ্ঠে ফেলে দেবে, তা হলে তিনি তোমার অনুরক্ত হবেন ;" আমার কথামত মৃগাক্ষাবলীও সেইরূপ সমস্ত করে; তার পর আবার দোলায় ছলে মহারাজকে দেখা দেয় ; কেলি-কৈলাস-গৃহের স্ফটিক-ভিত্তির মধ্যে থেকে নিজের ছবি আঁকে ; আর শূন্যগর্ভ খাত্তের ভিতর থেকে কথা কয় ও শ্লোক পাঠ করে ।

স্বল ।—আচ্ছা, মৃগাক্ষাবলীর বিবিধ বিলাস-ভঙ্গী দেখে মহারাজ কি করলেন ?

বিচ ।—পোষা হাতীর প্রিয় ব্যবহারে বুনো হাতী প্রতারিত হয়ে যা করে, তিনিও তাই করলেন । কাঁচা সুপারির ছালে মাজা-ঘষা, ড্রাবিড় দেশের শামা-রমণীর দাঁতের পাটি যে রকম সাদা হয়, সেইরূপ সুন্দর চাঁদনী রাতে আকুল হয়ে তিনি এইরূপ বিলাপ করেন :—

জ্যোত্স্নাময়ী রজনীরে	গাঢ়তম মসীপুঞ্জ
করে' দেও শ্রামল বরণ ;	
মন্ত্রতন্ত্র প্রয়োগিয়া	শ্বেতোৎপল-মুখ হ'তে
মুছ হাসি করহ হরণ ;	
চন্দ্রমারে শিলাপটে	অতি সুন্দর কণারূপে
চূর্ণ চূর্ণ করে' ফ্যাল পিষি,	
যাহাতে দেখিতে পারি	স্বপ্ন-দৃষ্টা সে বালায়
অনল অঙ্কিত দশ দিশি ।	

স্বল ।—আচ্ছা, তার এখন কিরূপ অবস্থা ?

বিচ ।—বিরক্ত সে সোধ-গৃহে ;
উপবন করি পরিহার ;
জ্যোৎস্না নাহি লাগে ভাল ;
ত্রস্ত দেখি' চিত্তগৃহ-দ্বার ;
ভাল মনে হয় বিষ ;
শোয় পদ্মপত্র-শয্যাতেলে,
কল্পনায় সে রূপটি
আস্বাদন করি' কুতূহলে ।

এখন তুমি বল দিকি, সেই মহিলা-নীতি-নৈপুণ্যটা কিরূপ ?

স্বল ।—কিরূপ শুনেবে ? একদিন মহারাজ কানে কানে আমাকে এইরূপ বলেন ; দেখ, তুমি দেবীর এ গোপনীয় কথাটা প্রকাশ করো না ।

বিচ ।—সে কথাটা কি বল দিকি ?

স্বল ।—কথাটা হচ্ছে এই :—চারায়ণ মিথ্যা বিবাহে প্রতারিত হয়ে লজ্জিত হয়—সে এখন তার

পাণ্টা নেবার জন্ত ধাত্রীকে ও ঠাকাবার মংলব করচে । তাই, সন্ধ্যাবেলায় যখন খুব ঘোর অন্ধকার, সেই সময়ে যখন মেথলা প্রমোদ-উজ্জানে যাবে, সেই সময়ে তুমি বকুল-গাছে উঠে নাকিসুরে তাকে এই কথা বলবে—“ওলো মেথলা, বৈশাখ-পূর্ণিমার সন্ধ্যাকালে এইখানে তোমার মরণ হবে,” আমিও তাকে সেইরূপ বল্লেম ।

বিচ ।—তার পর, তার পর ?

স্বল ।—তার পর সে ভয়ে কাঁপতে কাঁপতে কোন প্রকারে তার সম্মুখে গিয়ে কৃতাজলি হয়ে এই কথা বলে, “ভগবতি অশরীরী দৈববাণি ! আমার মরণের কথা যেমন তুমি জান, কেমন করে' আমি বাঁচতে পারি, দয়া করে' সেটা আমাকে বলে' দেও ।

বিচ ।—তার পর, তার পর ?

স্বল ।—তার পর এইরূপ তাকে বলা হ'ল ; যদি গাঙ্কর্কবিদ্যা-নিপুণ কোন ব্রাহ্মণকে বিলক্ষণ দক্ষিণা দিয়ে তুষ্ট করে', তার পদতলে পতিত হয়ে, তার দুই জজ্বার ফাঁকের ভিতর দিয়ে বেরিয়ে যেতে পারিস, তা হলে তুমি রক্ষা পাবি ।

বিচ ।—বাঃ ! তোমার চতুরতাকে বলিহারি ! কেননা, ব্রাহ্মণের চরণ পবিত্র বলে' মূনিরাও তা স্মরণ করে' থাকেন ।

স্বল ।—(চিন্তা করিয়া) ওঃ ! ব্রাহ্মণের কি কপট নাটক-কবিত্ব !

বিচ ।—তার পর—তার পর ?

স্বল ।—তার পর, সেই কথা শুনে, মেথলা চোখের জল পুঁচতে পুঁচতে আমার সম্মুখেই মহারাজের নিকটবর্তী দেবীকে সেই কথা নিবেদন করলে ; রাজা বলেন, দেখ সুন্দরি ! বিষয় হলো না ; কেননা, গাঙ্কর্কবিদ্যা-বিশারদ ব্রাহ্মণ আমারি অধীন ; তবে কেন বিশ্বাসের এখনও অশ্রুজলে সিক্ত করুচ ? এইরূপে দেবীকে আশ্বস্ত করলেন ; আর দেবীও আজ পূর্ণিমা বলে' পূজা-সংকারের আয়োজনের জন্ত আমাকে পাঠিয়েছেন ।

বিচ ।—তা এসো, এখন সেই সব অহুষ্ঠান করা যাক । [প্রস্থান ।

ইতি প্রবেশক ।

(উৎকণ্ঠিতচিত্ত রাজা ও স্বানশুচি বিদূষকের প্রবেশ)

রাজা ।—(অহুষ্ঠান করত)

মনে পড়িতেছে এবে সে কামিনী—তরঙ্গিত-
বলি-রেখা আঁকা যার
বক্ষের উপরে—
ক্রমে সোজা করি' কণ্ঠ, চরণাগ্র-অঙ্গুলীতে
ভর দিয়া, উচ্চ হয়ে
উল্লাসের ভরে,
ধরিয়া সখীর হস্ত একদৃষ্টে বহুকর্ণ
দাঁড়ায়েছিলেন, মোরে
দেখিবার তরে।

বিদু।—মেথলার প্রাণ বাঁচাবার জন্ত যে “সমা-
ধান” যোগ করা যাচ্ছে, তা ভঙ্গ কোরো না—
দেবীর সম্মুখে মেথলাকে বাঁচাতে হবে। (স্বগত)
ওরে ছুঁ দাসী! ক্রুদ্ধ চারায়ণের ছুঁ পায়ের মধ্য
দিয়ে তুই যখন গলে' যাবি, তখন তোর বিশেষ
লাঞ্ছনা হবে।

রাজা।—(বিদুষকের বাক্য না শুনিয়া) “মনে
পড়িতেছে এবে”—ইত্যাদি।

বিদু।—মহারাজ, তাকে আর স্মরণ কোরো
না—সে সস্তাপ-দায়িনী ডাকিনী।

রাজা।—কি বল্লে?—সস্তাপদায়িনী?—তবে বল
না কেন, কোকিলের কাকলী গীতস্বর তোমার
কানে ভাল লাগে না; সুধাসুন্দিনী চন্দ্রমূর্তি তোমার
চোখে কষ্টকর বোধ হয়; চন্দন-রস তোমার শরীরকে
দহন করে?

বিদু।—আমি কথাটা একটু বেকিয়ে ঘুরিয়ে
বলুম—তুমি ওর থেকে সার উদ্ধার কর।—হংসই
নীর হতে ক্ষীর উদ্ধার করে। আর কি বলব
বল! অলসের বিষ্ণুর মত তুমি দেবীকে বাঁ করে'
ভুলে গেলে।

রাজা।—আশৈশব যার উপর প্রেম ক্রমশঃ বৃদ্ধি
হয়েছে, সেই দেবীকে কি কখন তোলা যায়? কিন্তু—

বিশ্ব-সুন্দরীর মাথে

বামপদ করিয়া স্থাপন

ভোগ করেছেন দেবী

সবলে যে মনোরূপ ধন

স্বরের শাসনে তাহা

দ্বিধা ভাগ করিহু এখন

বিদু।—সেই দোলনার দোলার মত এখন
তোমার মনের দোলা ষ্ঠে থামে নি দেখিচি।

রাজা।—তাই বটে।

মালতীর মালা কি গো দলিবার যোগ্য?
সহিতে পারে কি বাধা অনুরাগ নব্য?
মান বকুলের মালা কে করে বর্জন?
দেবীর প্রণয় কভু হয় কি খণ্ডন?

বিদু।—ওগো! এ সব দাক্ষিণ্য-বচন-বিত্বাসে
কি প্রয়োজন? পুরাণ পত্র দূর করে' না দিলে নব
পল্লবের তেজ হয় না। যে কস্তুরীমূগ তরুণ গ্রহি-
পর্ণের অঙ্কুর-লুঙ্গ, তার কি “দমনকে”র মাঠে চরতে
ভাল লাগে?

রাজা।—সখা! তোমার যা মুখে আস্চে, তাই
বল্চি। যাতে কোন আশঙ্কার কারণ নেই—তাতেও
তুমি আশঙ্কা কর্চি।

বিদু।—পরের ভাবনা ভেবে আমার কি হবে
বল।—তাই বল্চি, আমার সমাধি ভঙ্গ কোরো
না—দেবীর সম্মুখে মেথলাকে আমার বাঁচিয়ে দিতে
হবে।

(সপরিজনে দেবী-ও মেথলার প্রবেশ)

দেবী।—ওলো সুলক্ষণে! মহারাজ ও চারায়ণ
ঠাকুর কি অন্তঃপুর-দ্বারের উপাস্ত-প্রদেশে এসেছেন?
সুল।—হাঁ, এসেছেন।

বিদু।—এই দ্বারের উপাস্ত-প্রদেশ—এইখানে বসা
যাক্ মহারাজ! (তথা' করণ)

দেবী।—জয় হোক মহারাজের! এসো, চারায়ণ
ঠাকুর এসো। আমার খাত্তা-কণ্ঠার জীবন ভিক্ষা
দেও—মেথলাকে বাঁচাও।

বিদু।—এই আমি প্রস্তুত আছি।

মেথলা।—(বন্ধাজলি হইয়া) চারায়ণ ঠাকুর!
তুমি মহাত্মাঙ্গণ, আমি তোমার শরণাপন্ন হলেম।
(বিদুষকের পদধর নিজ মস্তকে আরোপণ)

নেপথ্যে :—কোথায়?—কোথায় সে ছুঁ দাসী?
আমরা সব কালপুরুষ, গলায় শিকলি বেঁধে মেথলাকে
আমরা নিতে এসেছি।

বিদু।—(বহুবিধ লাঠি উঠাইয়া) আমি যখন
পিঙ্গলিকার প্রণয়ী গন্ধর্ববেদ-বিচক্ষণ রক্ষক রয়েছি,
তখন কালই বা কে?—কালপুরুষেরাই বা কে—
কালের শৃঙ্খলই বা কি? (বহুবিধ প্রকারে লক্ষ-
বাম্প পূর্বক পরিক্রমণ)

মেথলা।—(পদব্দের মধ্য দিয়া প্রবেশ) ওগো !
আমাকে রক্ষা কর—রক্ষা কর।

বিদু।—(উচ্চঃস্বরে গান করিয়া চুপি চুপি)
দেখ দেখ মহারাজ—বিলাসিনীরূপ মন্থরথে আমি
আরোহণ করেছি।

মেথলা।—মা গো, এইবার প্রাণ রক্ষা হল।

বিদু।—(বাহুতে তাল ঠুকিয়া হস্ত-সহকারে)
আরে বেটী দাসী ! অলোক বিবাহে আমাকে ঠকিয়ে-
ছিলি বলে' আমি অত্যন্ত ক্রুদ্ধ হয়েছিলেম—এখন
এই প্রার্থনা করি, তুই প্রশস্ত কক্ষণালঙ্কৃত আমার
ব্রাহ্মণী হ'।

মেথলা।—(অপ্রতিভ হইয়া রোদন)

দেবী।—মহারাজ ! আমার প্রিয়সখী মেথলাকে
ঠকানো হয়েছে—ঠিক হয়েছে, ভালই হয়েছে। যেমন
কর্ম, তেমনি ফল।

বিদু।—মহারাজের প্রিয় বয়সকে যে আপনি
ঠকিয়েছেন, সেও ঠিক হয়েছে—ভালই হয়েছে !

দেবী।—মহারাজের সখা বলেই তোমার সঙ্গে
একটু পরিহাস করেছিলেম।

মেথলা।—দেবী এইরূপ উত্তর দিতে পারেন।
মহারাজ ওর গুরু ; কেতকী-কুম্ভমবাসিত খদির-সার
হতেও অল্প প্রকার গন্ধ বেরোয়।

দেবী।— [কুপিত হইয়া পরিজন-সহ প্রস্থান।

বিদু।—(পার্শ্বে অবলোকন করিয়া) এখন প্রিয়-
সখা একলা হয়েছেন।

রাজা।—দেবী কাঁদতে কাঁদতে গেলেন—তাই
বোধ হচ্ছে, ভারি অপ্রতিভ হয়েছেন।

বিদু।—কাঁছন কাঁছন—তাতে কি ওঁর মুক্তাগুল
ঝরে যাবে ? এসো মহারাজ, এখান থেকে উত্তানের
দিকে যাওয়া যাক্। (পরিক্রমণ)

বিদু।—ওগো ! আমার হাতে সে হাত রেখে-
ছিল—কি তার মৃহমসৃণ চরণক্ষেপ ! যেন বহু
ভ্রমরবৃন্দের দ্বারা উৎপন্ন—যেন বহু কোকিলকুলে
জন্ম, যেন তৈলমার্জিত কজ্জলপুঞ্জ হতে সংজাত,
যেন ইন্দ্রনীল চূর্ণ হতে সন্তৃত, যেন শিতিকণ্ঠের কণ্ঠে
গঠিত, যেন নাগায়ণের শরীর হতে নির্গত, যেন
চন্দ্রের কলঙ্ক হতে বহির্গত, যেন নীলোৎপল-দলে
বিরচিত, যেন হস্তীর মদজল হতে উৎপন্ন, যেন
তিমিরপুঞ্জ ভুবনের গর্ভাঙ্গন,—যার সম ও বিবম

জানা নেই, শ্রাম-ধবল যাতে নির্গম হয় না, লবু-
দীর্ঘের যাতে ভেদ নাই, দূর-নৈকট্য যার বোঝা যার
না, একরূপ ভাবে সে সঞ্চরণ করে' আমার হাতে হাত
রেখেছিল।

রাজা।—তাই বটে। (আমার মনে হয়)

এবে মৃগাকীরী করে তিমিরানুরূপ বেশ
কান্তজন-অভিসার-তরে ;
কর্ণে ধরে কেকিপিচ্ছ, শ্রাম মরকত-বালা,
পরে ছুটি স্নুকোমল করে ;
কণ্ঠে নীলকান্ত-হার মুখে পত্রলেখা শোভে
মৃগমদ-কস্তুরী-রচিত
সুনীল কমলরাজি শিখর-ভূষণ তার
—সুনীল বসন পরিহিত।

(নেপথ্যে)

হৃদ্ববৎ মুগ্ধ যার কিরণ তরল
উদ্বেলিত করিতেছে জলনিধি-জল,
সুধা-লেপে ধবলিত করিতে ভূবন
লেপন-বর্তিকা যে গো করয়ে ধারণ,
মদন-বল্লীর সম জ্যোছনা যাহার
মহৌষধি-পত্ররাশি করয়ে বিস্তার,
অনন্দের কেলি-গৃহ জগৎ-ভবনে
বিভূষিত করে যে গো চন্দন-লেপনে,
জনানন্দ সেই চন্দ্র ঢালে হস্তধারা ;
নলিনী মলিনী হল বিকশিত তারা।
রথাস্ত্র দগ্ধাস্ত্র হল বিচ্ছেদ-দহনে
ব্যথিত বিরহি-প্রাণ শশীর কিরণে।

(পুনর্বার নেপথ্যে)

প্রথমে দেখিতে যে গো যবাগ্র স্ত্রের মত
কিধা কেতকীর স্তম্ভ অগ্রপত্র প্রায়,
ধরে কান্তি মৃগালের, তারা-হারা শোভা কভু
কভু বৃষ্টিধারা-ভ্রাস্তি চিত্তে জনমায়,
সে সুধাংশু-কর এবে স্ফাটিক দণ্ডের শোভা
করিয়া ধারণ যেন ক্রমে বৃদ্ধি পায়।

অপিচ :—

সত্ত্ব চন্দনের পক্ষে
পিচ্ছিল করিয়া ব্যোমাজন,
ঐরাবত দস্তখণ্ড-
সম শোভা করিয়া ধারণ,

সমুদিত শশধর ; —করে প্রলম্বিত যেন
মুক্তাহার-লতা
অথবা সুন্দরীদের অরলিপি পঠনের
কেলি-দীপ যথা ।

বিদু।—এই কলকলী নগরবাসিনী দেবীর উদ্দেশে
পূর্ণিমা চন্দ্রোদয়ে, কর্পূর-চন্দন নামধেয় কোন মাগধ,
মৃগাঙ্গত্রী চন্দ্রমার অভ্যুদয়কে অভিনন্দন করুচে ।
এই সময়ে কিছু বলবার জন্ম আমারও যেন মুখ চুলু-
কিয়ে উঠে, আমি তবে এইরূপ বর্ণনা করি :—
শশিরূপ মসিপাত্র হতে খাঁড়গুড়ের রস চুঁয়ে পড়ে
তিমির-কজ্জলিত নভঃফলকের নক্ষত্রমালাকে মলিন
করুচে ।

রাজা।—সখে! এখনও তুমি শিশুর মত কি
কথা বলচ ?

বিদু।—আচ্ছা, এইবার তবে যুবজনের উক্তি
বর্ণনা করি :—

অকঙ্কণ অকুণ্ডল দশদিগ্‌বধু যেই
তাহারি ভূষণ ;
অকুকুম অচন্দন ধরণীমণ্ডল যেই
তাহারি মণ্ডন ;
অশোষণ অমোহন মকরকেতন যেই
তারি অঙ্গ যেন
মৃগাঙ্গ-কিরণাবলী পুঞ্জীকৃত হয়ে শোভে
গগন-অঙ্গন ।

রাজা।—(চারিদিকে অবলোকন করিয়া মদনা-
কৃতি অতিনয় করত) ভগবন্‌ যামিনীনাথ! এ কি
তোমার বিপরীত আচরণ ।

হর-শিরোমণি ওহে!— যার ক্ষীর-সিন্ধু হতে
লক্ষ্মী ও কোমল-মণি লভেছে জনম ;
চির-সউহার্দ যার কুমুদ-সরের সাথে ;
অমৃত পীযুষবর্ষা যাহার কিরণ ;
স্পর্ধা যার মৃগাঙ্গীর বদন-কমল সনে ;
সেই চন্দ্র তুমি কেন বল তো এখন
অগ্নিশিখা আমা-পরে করিছ সিঞ্চন ?

অপিচ :—

যে জ্যোছনা-ধারা আগে যন্ত্র-দিয়া জবীভূত
কেতকী-উদর-দল-শ্রোত-শোভা
করিত ধারণ

যার শোভা হেরি পূর্বে হইত গো অনুভব
যেন চারু মুক্তাহার স্ত্রবিধানে
হতেছে গ্রন্থন,
সেই সে চন্দ্রিকা এবে বর্দ্ধিত হয়েছে এত
—কলস ভরিয়া যেন হতে পারে
তার উৎসেচন ;
অথবা অঞ্জলিপুটে ধরিবারে পারা যায় ;
মৃগাল-অঙ্কুর কিষা পারে পি'তে
হয়েছে এমন ।

(চিন্তা করিয়া) বিপরীত আচরণই বটে!
অথবা শশধর মাদৃশ জনের পক্ষে প্রাণ-সংশয়-হেতু
বিষমরূপ ; বিষ যত স্বচ্ছ, ততই আরো বিষম হয় ।
চন্দ্র যত বিশদ হচ্ছে, ততই যেন তার দাহকতা-
শক্তিও বাড়ছে । (চতুর্দিক অবলোকন করিয়া
প্রার্থনা-সহকারে)

তোমরা চকোর সবে! উন্নত করিয়া কর্ত
চক্ষু দিয়া ক্রমে ক্রমে
সমস্ত এ চন্দ্রিকার জল করি'পান
মৃগাঙ্কের তেজোরশি খর্ব করি বিধিমতে
বিরহ-বিধুরদের বাঁচাও গো প্রাণ ।

(সম্মুখে অবলোকন করিয়া) এই যে সেই
মৃগাঙ্কাবলী ।

বিদু।—ওগো, এ মৃগাঙ্কাবলীই বটে : কেননা,
এক চন্দ্রের কখনই এতটা কাস্তি-বিস্তার হতে পারে
না ।

রাজা।—এসো, আমরা এই কদলী-লতার অন্তরাল
হতে ওঁর বিশ্রান্তালাপ শুনি । কর্ণধ্বজল ওঁর সরস
বচন সাধ মিটিয়ে শুনুক । (তথাকরণ)

(বিচক্ষণার সহিত মৃগাঙ্কাবলীর প্রবেশ)

মৃগা।—(অনুধ্যানের অভিনয় সহকারে, পঠন)
রাজা।—(খেদ সহকারে) অহো! এর মদন-
মন্ত্রাঙ্করগুলি—এই স্ত্রভাষিত বচনগুলি কি চমৎকার!
বিদু।—আমি বলি, এগুলি পোড়া-মদনের হাতের
ধারালো বল্লম বই আর কিছুই নয় ।

কণ্ঠে মুক্তামালা শোভে
স্তনে কর্পূরের চূর—স্বচ্ছ অতিশয়
সর্বদা চন্দন ঘন
পাণিধরে স্ত্রবেষ্টিত মৃগাল-বলয় ;

পরিধান করে তবী
কিবা চারু পরিষ্কৃত চীনাংগক বাস,
সুধাংগুর দেবী যেন
নিশাকালে আরোহণ করিতে আকাশ
সহসা স্থলিত হয়ে
ধরাপৃষ্ঠ আলো করি সহসা প্রকাশ।

বিদু।—ওগো, সে কথা সত্য, চন্দ্রের অধিদেবতাই
আকাশ থেকে স্থলিত হয়েছেন বটে। উনি লাঞ্জন-
চ্ছলে, মুগলাঞ্জনের মণ্ডলমধ্য এই অলক্ষণ হ'ল ত্যাগ
করে' যে এসেছেন, এখন তারই বিষয় ভাবচেন।

রাজা।—দেখ সখা, পরিপুষ্টতা লাভ করেও
চন্দ্রিকা তবু কেমন দীপ্তি পাচ্ছে, ওর স্মরণাত পাণ্ডুতা
দেখ কেমন ফুটে বেরিয়েছে, শঙ্খ শুক্ল-যুক্ত হলেও
তবু তার মধ্যে মুক্তাবলী অনুমান করা যায়।
তাই :—

দলিত হরিদ্রা প্রায় গৌরকান্তি যে শরীরে
হয় প্রতিভাত
তাহে প্রকাশিত এবে অপূর্ণ পাণ্ডুতা এই
বিরহ-সঞ্জাত।

কাঞ্চন রজত মিলি সুন্দরীর সর্বদা নির্মিত
পাণ্ডুতার বল তাহে আরো যেন হয়েছে বর্ধিত।

বিদু।—পারদ-রস-চূষিত সুবর্ণের স্মরণ ওঁর
লাবণ্য; এখন পাণ্ডুতা এসে এই গৌরবর্ণকে ক্রমশঃ
যেন ঘিরে ফেলেছে।

মুগা।—তাকে দেখে অবধি, হৃদয়, তুই যে একে-
বারে ম্লান হয়ে পড়েচিস—আশ্চর্য্য! অথবা, বকুলের
মূলে সুরা-গণ্ডূষ-সেক, আর বকুলের ফুলে মদিরা-
গন্ধোদগার।

বিদু।—এই পাণ্ডুতার কারণ কি?

রাজা।—কারণ আর কিছুই নহে - ওর প্রেমা-
সজ্জহৃদয়ই আপনার সঙ্গে আপনি কলহ করুচে।

মুগা।—ওগো কপূর-শলাকা-শীতল বিজ্ঞাধরমল্ল!
তুমিও যখন ক্লিষ্ট হচ্ছ, তখন আর আমার নিবৃত্তি
কোথায়? চন্দ্রমণির অগ্নি নিশ্চন্দিত হচ্ছে—এখন
এর প্রতীকারই বা কি?

রাজা।—আমি এখন মুগাঙ্কাবলীর প্রতারণার
পাত্র—আমাকে ধিক!

মুগা।—সখি! মদন সামান্য কুসুমবাণ হয়ে,
মাহুঘের এইরূপ দশা কি করে' করে বল দিকি?

রাজা।—সলিলময়ী হয়েও দেখ হিমালী দহন
করে। কুসুমময় হয়েও স্বভাব-প্রচণ্ড মদনও তাই
পঞ্চমশরী।

বিদু।—দেখ বয়স্ক, বর্ষাঋতুর চিনির পুতুলের
মত ক্ষণে ক্ষণে ক্ষয় হয়েও ইনি কাকে না তাপিত
করেন?—ম্লান হয়েও মরুবক কদলী সুগন্ধা—বিরহ-
ক্ষীণ হয়েও ইনি অতি রমণীয়া। তা ছাড়া, কুরটক-
কুসুম-মালার স্মরণ স্মরণমান হয়েও বেশ রক্তিম প্রদ-
র্শন কচেন।

মুগা।—সখি, কি করা যায়, হৃদয়ে এই প্রেমের
ডোঙা। সখি, সে বড় নির্দয়, অথবা পরদুঃখে দুঃখিত
জন অতি বিরল। নব বসন্তের পাখী যে কোকিল,
তার ঝংকার স্বল্পমাত্র হলেও, বিমুক্ত কুসুমগুচ্ছের মত
অসহ্য। ওগো ত্রিভুবনের অধিতীয় ধাতুকী মন্থথ!
চন্দ্রশেখরকে ছেড়ে তোমার তীক্ষ্ণ শরে মহিলাজনকে
নির্গৃহীত করুতে কি লজ্জাবোধ হচ্ছে না?

বিদু।—যার অঙ্গ নেই, সেই অনঙ্গের আবার
রণোছোগ—তাই আমার ভারি হাসি পাচ্ছে।

রাজা।—এ সময়ে এত উচ্চহাস্য করে' কেন
আমাকে কষ্ট দেও?

মুগা।—সখি বিচক্ষণা, বুঝি লোকজন আসচে।
বিচ।—কদলীবনের আড়াল থেকে দেখা যাক,
ব্যাপারটা কি। (তথাকরণ)

বিদু।—এসো প্রবেশ করা যাক (পরিক্রমণ)।
রাজা।—(শীতল উপচারসামগ্রী অবলোকন
করিয়া, এবং অভিনয়-পূর্বক গ্রহণ করিয়া)

মুগাল বলয়রূপে করেছে ধারণ,
বসন্ত-পল্লব যত ইহারই কারণ।
কদলী-দল-অংগুক ইহারই নিশ্চিত,
স্মরণ্যর তাহে যেন দেখি সংক্রামিত।

এই পরিত্যক্ত শীতল সামগ্রীর দ্বারা আমার
হৃদয়ানল নির্কীর্ণ করি। (তথা করিতে উপবেশন)

রাজা।—অথবা বিবেচনা না করেই এ সকল বস্তু
ব্যবহৃত হয়েছে, কেন না :—

শীতাংগ ও কালকূট সহোদর সম,
ফণীদের শীলাস্পদ তরু সে চন্দন।
সিন্ধু হতে মুক্তাহার হয় সমুৎপন্ন,
পঙ্কজ সে ভাস্করের সখা বলি' গণ্য।

এই সব যত কিছু স্বরতাপহারী বলি'
জগতে প্রথিত,
আমলে নহেক তাহা —ব্যবহারে ভুলাইয়া
করে প্রবক্ষিত।

বিচ।—সখি মৃগাকাবলি! আমার দূতীগিরি
সফল হয়েছে—মহারাজেরও এইরূপ অবস্থান্তর
ঘটেচে।

রাজা।—(সস্তাপ অভিনয় করিয়া)
ব্যজন-সমীরে শুধু
নিঃশ্বাসেরে করিছে বর্ধন;
চন্দনের রস শুধু
বাপ্পধারা বিস্তারে সক্ষম;
কুসুম-শয়ন শুধু
কামাস্তের হয়েছে সহায়;

দ্বিগুণ মদনাগুন
—বিরামের হবে কি উপায়?

বিদু।—ওহো! একটা মুদ্রাক্ষিত লিপির মত
কি যেন দেখা যাচ্ছে।

রাজা।—শুধু লিপি নয়, এ যে স্বরসম্বন্ধীয় সন্ধি-
বিগ্রহের কথা। দেখ না কেন:—

সুকোমল তালপত্রে মুদ্রিত রয়েছে দেখ
স্তনাক-চন্দন;
মৃগালের মত স্বন্দর তন্তু দিয়া পত্রখানি
করেছে বন্ধন;
কোন নায়িকার এই স্বরলিপি স্ননিশ্চয়
হয়েছে পতন।

বিদু।—কেন আমাদের কাছ থেকে চলে'
গিয়েছিলেন, তাই বোধ হয়, এতে বলা হয়েছে।

রাজা।—(বিদূষকের কান ধরিয়া) রত্নশলাকার
উৎপত্তিস্থান বিদূর-পর্বত-ভূমির মত তোমার কথায়
কোন রস নেই। উপরে নাম কি লেখা আছে
দেখাও।

বিদু।—(তথাকরণ)

রাজা।—(পঠন) নির্দয়! হতভাগিনীর—

বিদু।—মুদ্রা উদঘাটন করে' দেখাচ্ছি (তথা
করিয়া) ওগো! এই রত্নকোষ লিপিখানি যে
অক্ষরশূন্য!

রাজা।—করুণ-গস্তীর এই লেখাটি আমার পক্ষে
হৃর্কোষ হয়ে পড়েচে—আমার মন অত্যন্ত ব্যাকুল

হয়েচে বলেই বুঝতে পারুচিনে। (চিন্তা করিয়া)
এটা তালপত্রের ঠোঙ্গা না? (চিন্তা করিয়া)
যে রূপ সন্ধি-বন্ধন-বেশযুক্ত পত্রখানি দেখছি, তাতে
গুপ্ত-প্রেমের কথাই বোধ হয় সূচিত হচ্ছে।

বিদু।—(অবলোকন করিয়া সহর্ষে) ওগো!
তোমার বুদ্ধিকে বলিহারি যাই। রোহিণীবল্লভ মৃগ-
লাঙ্ঘনের বর্ণনাও তো হতে পারে।

রাজা।—(ব্যাকুলভাবে পঠন)

“সারা অঙ্গে যউবন করুক না যত কেন
অক্ষর বিকাশ
তথাপি লোচনযুগে কি চতুর প্রগল্ভতা
হয় গো প্রকাশ!
দৃশ্যবস্ত হতে আঁখি অখিলের ভাবরাশি
করয়ে গ্রহণ—”

(মনে মনে বিতর্ক করিয়া)

তাই বটে, তাই বটে অক্ষরের মাত্রা গুলি
গেছে ভাঙি করের কম্পনে;—

—স্বৈদজলে লুপ্তশ্রী; পদ অসম্পূর্ণ বলি'
অর্থবোধ নাহি হয় মনে।

পুনরুক্তি করে ব্যক্ত হৃদয়-চাঞ্চল্য,
খণ্ডবাক্যে ব্যক্ত হয় চিত্তের বৈকল্য।

বিদু।—দেখুন মহারাজ, কেলিকদলী-সমূহ করি-
শুগুদণ্ডের বেষ্ঠন বলে' মনে হচ্ছে; এমন সুন্দর
স্থানকে কি উপেক্ষা করা যায়?—আমুন তবে এই
পথটি অনুসরণ করা যাক।

রাজা।—রত্নাকরই মৃগাক্ষের অনুসরণ করে—আর
আমি তোমারই হৃদয় অনুসরণ করি। অতএব তোমার
যেখানে অভিরুচি, চল।

বিদু।—(অঙ্গুলী দ্বারা নির্দর্শন) এখান থেকে
তিনি নিশ্চয় মাধবী-লতামণ্ডপে গিয়েছেন; কেননা,
মদনের পদচিহ্নের মত পদপংক্তি যেন দেখা যাচ্ছে।
অতএব সাবধান হয়ে পথ নির্দারণ করা যাক।
(উভয়ের তথাকরণ)

মৃগা।—(লতাস্তরে চম্বিকাস্পর্শ অভিনয়
করিয়া)

হৃর্ভু হিমাংগু ওরে প্রিয়-বিরহের লাগি
পুড়িতেছি ঘোর তুযানলে।

অঙ্গের রেখাটি মাত্র করিস না স্পর্শ তুই,
এমন কি—পরিহাসচ্ছলে।

ও তোর কিরণরাজি মনোজ্ঞ মৃগাল-সম
পড়ি' গাত্রে দহিছে সবলে ।

(এইরূপ ছই তিনবার কহিয়া রোদন)

রাজা।—(বিদুষকের প্রতি) নেত্রমুগলকে সার্থক
কর ।

নয়নের তারকারে
ঈষৎ করিয়া উৎপীড়ন,
পদ্মাগ্রে গাঁথিয়া ফোঁটা

ক্রমে ধারা করি বিকিরণ,
মনস্তাপ বাড়াইয়া

আপনার গরিমার ভরে
পদ্মনেত্র হতে গুর
অশ্রুর প্রবাহ দেখে বারে ।

অপিচ :—

তীক্ষ্ণাগ্র কুম্ববাণ প্রথমে মোচন করি'
—হেন মনে লয়—

সহসা বারুণবাণ হানে সুন্দরীর প্রতি
মদন দুর্জয় ।

নচেৎ কেমনে এই বারিধারা, বিস্ফারিত
নয়নের প্রণালী বাহিয়া,

ভাসাইয়া মুখপদ্ম ত্রিবলী-বিপিন-মাঝে
নদীসম আসিল নামিয়া ।

(বিদুষকের হস্তধারণ করিয়া সাহুরাগে অগ্রসর হইয়া)

যে জন যাহার জন্ম দলিত মৃগালোপম
ক্রিষ্ট অঙ্গ করয়ে ধারণ

আর তরে সেও যদি সহ করে অবিরত
অথগু সে মদন-শাসন ।

অতএব এই সমুদ্রঃসুখী জন তোমার নিকট
বন্ধাঞ্জলি প্রসারণ করুচে ।

মৃগা।—(সম্পূহ ও সসাদ্বস অবলোকন করিয়া
স্বগত) এ কি বিনা মেঘে বর্ষণ ? অথবা অশুল্লিসম্পূট
হতে মুক্তার উৎপত্তি ? কাঞ্চন-তরু কি সহকারে পরি-
ণত হল ? পিত্তল ধাতু কি কনকত্ব প্রাপ্ত হল ? যার
দর্শনে আমার তনু মহামূল্য বলে' আমার নিকট
প্রতিভাত হচ্ছে—(চুপি চুপি সখীর প্রতি) সখি, ইনি
কি সেই রাজা বিদ্যাধর মল্ল,—যিনি শ্রীসরস্বতীর
বল্লভ, এবং শ্রী, সরস্বতী ও মদনসুন্দরী যার
বল্লভ ।

বিচ।—হ্যা, ইনিই সেই রাজা ।

৩২—৩২

রাজা।—একটু পরে কিম্ব এইরূপ বলতে হবে
যে,—ইনিই মৃগাঙ্কাবলীর বল্লভ, আর এঁরই বল্লভ
মৃগাঙ্কাবলী । (অঞ্জলিবদ্ধ হইয়া তাঁহার প্রতি)

দৃষ্টি তব, হে সুন্দরি কর তরঙ্গিত,
ইন্দীবর ওর কাছে হউক লজ্জিত ।

বিকাশো অধর-বিষ, প্রবালের ঘৃচুক রক্তমা ;
অনারুত কর বপু, কাঞ্চনেতে পড়ুক কালিমা ;
মু'খানি একটু খোলো, নভে হোক বিচন্দ্র-মহিমা ।

মৃগা।—(স্বগত) ভগবতি শশিশোভনা বামিনি !
তুমি শতযামা হও । আজ সপ্তর্ষিমণ্ডল চিত্রশিখণ্ডীহারে
বিভূষিত । (চিত্রশিখণ্ডী=অঙ্গিরা নক্ষত্র)

রাজা।—সখা, গুর গলায় হার না থাকটা উচিত
হয় না । অঙ্গিপদি নক্ষত্র-হার বিনা উত্তর দিকের
শোভা হয় না । (নিজ কর্ণ হইতে অবতারিত করিয়া
নায়িকাকর্ণে অর্পণ)

বিদু।—যোগ্য মিলনে কে না প্রীত হয় ? কেননা,
সুন্দরী এখন নিটোল মুক্তার হারে অলঙ্কৃত হয়ে
বক্রোক্তি-অলঙ্কার-ভূষিত সু-কবিজনের রচনার শ্রায়
শোভা পাচ্ছেন ।

(নেপথ্যে)

লতামণ্ডপ প্রভৃতি বিলাস-স্থানগুলি ত্যাগ করা
হোক, খিড়কির দ্বারগুলি বন্ধ করা হোক ; দ্বারে
অর্গল পড়ুক ; প্রহরী ও কঞ্চকীরা নিজ নিজ স্থানে
অবস্থান করুক ; বারবিলাসিনী-গৃহীত মশালের দীপ্ত
আলোকের মত দীপ্তিমতী মহারাণী, সিদ্ধ-বিষবৈষ্ণ-
দত্ত ঔষধ-সংস্থিত সহস্র মাঞ্জিষ্ঠস্তবকে অলঙ্কৃত হয়ে,
মাধবীলতামণ্ডপ দেখতে এসেছেন ।

বিচ।—(সত্রাসে) প্রিয়সখি, মহারাজকে পরি-
ত্যাগ কর ।

রাজা।—যদি প্রার্থনা-ভঙ্গ না কর, তা হলে
আমি তোমার দয়ার প্রার্থী ।

বিদু।—বয়স, শীঘ্র ত্যাগ কর । নচেৎ, পায়রার
মত আমাদের পিঞ্জরবন্ধ হয়ে থাকতে হবে । (বথাবথ
পরিক্রমণ করিয়া সকলে নিষ্ক্রান্ত)

তৃতীয় অঙ্ক সমাপ্ত ।

চতুর্থ অঙ্ক

(নেপথ্যে)

মহারাজ কপূরবর্ষের সুপ্রভাত। সম্প্রতি :—
রজত-পিণ্ডের মত শশধর পাণ্ডুবর্ণ ধরে'
ধীরে ধীরে যাইতেছে ওই দেখ পশ্চিম সাগরে।
সলিল-বুদ্বুদ-প্রায় আকাশের তারকামণ্ডলী
একে একে সবে দেখ নত হয়ে পড়ে নীচে ঢলি'।
কুরূটক-পুষ্পসম পাণ্ডুবর্ণ যত ক্ষুদ্র দীপ,
চকোর-নয়ন-সম অরুণ-বরণ পূর্বাধিক।

(জাগরিত বিদূষক ও স্ত্রী ব্রাহ্মণীর প্রবেশ)

বিদু।—ওগো ছেলের মা, ওঠো, ওঠো, উঠে
সন্ধ্যাবন্দনাদি কর। এসো গো, এসো, রাত্রি প্রভাত
হল। কপূর-রাজ্যের রাজ-বন্দীদের প্রভাতগীতি
শ্রবণ কর। দেবীর দরবারে সারারাত জেগে ক্লাস্ত,
তাই ব্রাহ্মণীর বুঝি এখনও ঘুম ভাঙচে না? আচ্ছা,
আমি ততক্ষণ অপেক্ষা করে' থাকি—কেননা,
ব্রাহ্মণেরা বলেন, সুখসুপ্ত ব্যক্তিকে জাগাতে নেই।

ব্রাহ্মণী।—(স্বপ্নে কথন) দেবী বিচক্ষণাকে দিয়ে
রাজাকে এইরূপ বলে' পাঠালেন :—ওরাদেশ হতে
আগত মুগাঙ্ক-বন্দীর প্রিয় ভগিনী মুগাঙ্কাবলী স্নেহ-
বশে ভ্রাতাকে দেখবার জন্ত এসেছেন। আর মাতুল
চন্দ্রবর্ষের লক্ষ্মীস্বরূপা আমার মাতুলানী "হারলতা"
এই কথা বলে' পাঠিয়েছেন :—“এই তোমার ভগিনী
মুগাঙ্কাবলী দৈবজ্ঞদের কথামত চক্রবর্তী-গৃহিণী
হবেন, অতএব এ'র যোগ্য বর মিলিয়ে দেও। তার
পর দেবী মহারাজকে এইরূপ নিবেদন করলেন :—
তোমা ছাড়া অল্প বর কে এ'র যোগ্য হতে পারে?
কেননা, পদ্মরাগমণি পূর্ণিমার চাঁদকেই অলঙ্কৃত করে।
তাই বল্চি, আর্ধ্যপুত্র, ওঁকেই তুমি বিবাহ কর,
নিজের লক্ষ্মী অস্ত্রের হস্তগত হওয়া উচিত নয়। তা
ছাড়া এটা আশঙ্কারও বিষয় নয়। দেখ, দেবী
আপনা হতেই এই বিবাহটা সযত্নে প্রবর্তিত করুন।
কেননা, মহাকুল-প্রস্থতাদের নিকট ভর্তার প্রিয়ই
প্রিয়, আপনার প্রিয় প্রিয় নয়। আরো, আমিই
পুনর্বার তাঁয় বিবাহ দিচ্ছি। মগধাধিপতির কন্যা
অনঙ্গলেখা, মালবরাজের কন্যা রত্নাবলী ও প্রিয়দর্শনা,
পাঞ্চালরাজের কন্যা বিলাসবতী, অবন্তীরাজের
কন্যা কেলিমতী, জালন্ধররাজের কন্যা লীলাবতী,

কেরল-রাজের কন্যা পত্রলেখা—এঁদেরই মত এই
বিবাহ আমিই আবার দিয়ে দিচ্ছি। তাই আজ দ্বিতীয়
প্রহরে বিবাহ-লগ্ন স্থির হয়েছে। পুনঃ পুনঃ অনুরোধ
করায় মহারাজ “আচ্ছা বিবাহ করব” বলে' শেষে
প্রতিশ্রুত হলেন। এখন তবে সেই মেখলা-ব্যাপারের
প্রতিশোধ-স্বরূপ মহারাজ এই বিবাহে প্রতারণিত
হোন। আমার কুপিত ভ্রাতার জন্ত বিবাহ-উৎসব
পরে হবে।

বিদু।—(হাসিয়া) মহারাজই জানেন আর
ধর্মই জানেন, এতে কে প্রতারণিত হচ্ছে। বৃদ্ধ
বিড়ালীকে ছুঁক বলে' আমানী খাওয়াতে হবে! যেমন
বুদ্ধ মার্জ্জারী আমানীর দ্বারা প্রতারণিত হয়, সেইরূপ
কুবলয়মালাকে প্রতারণিত করবার জন্ত আবার এক-
জন মহিলার সহিত বিবাহ হচ্ছে। (উর্দ্ধে অবলোকন
করিয়া) অনেক বেলা হয়েছে, ব্রাহ্মণীকে এইবার
জাগিয়ে দি। ব্রাহ্মণি, ওঠো ওঠো, দেবী তোমাকে
ডাকছেন।

ব্রাহ্মণী।—(জাগরণ অভিনয় পূর্বক উত্থান
করিয়া) এ কি! ভোর হয়েছে যে! ওগো মুগতৃষ্ণি-
কার জামাই! তুমি মহারাজের কাছে যাও, আমিও
দেবীর কাছে চল্লম।

(রাজা ও বিদূষকের প্রবেশ)

রাজা।—(মদন-পীড়া অভিনয় করিয়া) সখা,
এখন গ্রীষ্মকালের শৈশবাবস্থা উত্তীর্ণ হয়েছে :—

নিশাচর-প্রহরীর কার্যকাল না হইতে শেষ
যে করে গো অসময়ে প্রহরীকে বিরাম আদেশ,
নারিকেল-জলেরে যে কি এক কাঠিও করে দান,
রাজরস্টা-ফলদের যে করে গো পকতা-বিধান,
সেই সে নিদাঘ-লক্ষ্মী দিবা-অবসানে
উপভোগ্যা হয়ে রাজে' বিশ্বজন-প্রাণে।

অপিচ:—

গ্রীষ্মকালে মুগাঙ্কীর মুগাল-রচিত আর্জ
বিলাস-বলয়,
শিরীষের কর্ণভূষা, মল্লিকা-কুম্ভমে গাঁথা
কর্ণহার-চয়,
চন্দন-রসার্জ-তনু —এই সব যত কিছু
প্রসাধন-ক্রিয়া
—বিনা তন্ত্র-মন্ত্র-বলে রতিপতি মদনেরে
রাখে জিয়াইয়া।

বিদু।—তাই বটে। আমাদের মত টেকে
লোকের মাথায় এই গ্রীষ্ম যেন ফুলিঙ্গ বর্ষণ করুচে
বলে' মনে হয়।

রাজা—(হোহো করিয়া হাসিয়া) হাঁ, তপন কর্তৃক
যেমন মস্তক, তেমনি নথ, তেমনি পথের ধূলিও পরি-
তপ্ত হয়ে থাকে। তাই তো রাজপত্নীরা অহর্যাপ্পা
হয়ে অবস্থিতি করেন।

যে মধুর বেণুরব কাড়ি' লয় হৃদয় পরাণ
শীতল-বায়ু-মিশ্রিত যে বারুণী লোকে করে পান,
মৃগাক্ষীর যেই স্তন হিমোপম স্নশীতল অতি
—এই সবে আরো যেন উত্তেজিত হয় রতিপতি।

তাই বটে সখা, শোনা যায়,—

উশীর-লতার মূল, সুবভিত জাতিতরুগণের বকল,
চন্দন-গাছের সার, অশোকের আর্দ্র নব পল্লব সকল,
শিরীষ-কুমুম-চয়, কদলীর বিকশিত কুমুম-সস্তার,
পুরাকালে এই সব পঞ্চশরে গ্রীষ্মঋতু দিত উপহার।
শীতলোপচার-যোগ্য খর-স্বর্ষ্যকরবর্ষা
নিদাঘ-সময়,
প্রিয়ার বিরহ আর, —এই ছই যুগপৎ
সহ নাহি হয়।

নেপথ্যে।—দোলায় অবস্থিত সখীরা সরল দীর্ঘ
চরণ কুঞ্চিত করে' বলয়-ভূষিত কর-যুগলে ওঁর
নুপুরাভরণ আকর্ষণ করুচে, তাদের করযুগে নিপীড়িত
হওয়ায় ওঁর পর্যাস্ত-বিলম্বিত কেশকলাপ সূচিত হচে ;
দোলাভরে উদর কুঞ্জ হওয়ায় প্রযুক্ত কঙ্কাবৃত
স্তনভার ঈষৎ শিথিল হওয়ায় তাহা হতে যে কনক-
কিকিণীগুলি ছিন্ন হয়ে পড়ুচে, সখীগণ কর্তৃক তা
অপনীত হচে ; আর উর্দ্ধ-করাণের আকর্ষণে ওঁর
বসন চঞ্চল হয়ে উঠুচে।

রাজা।—(সখীগণের সহিত প্রিয়ার দোলা-বিহার
দেখিয়া বিদুষকের প্রতি) সখা!

আমারে হৃদয়ে রাখি স্মরতপ্তা প্রিয়া মোর
করিছেন দোলা-খেলা সখীজন সাথে,
এই অবসরে যেন আসেন অনঙ্গদেব
আপনার বিশ্বজয়ী ধনু লয়ে হাতে।

বিদু।—বিচক্ষণার কাছ থেকে জানা গেছে, দেবী
এ'র সঙ্গে তোমার বিবাহ দেবেন।

রাজা।—দেখ, সেই অসমাপ্ত চতুপদী শ্লোকটি
পরিসমাপ্ত করে' প্রিয়া আমাকে উপহার
দিয়েছেন।

বিদু।—তবে অনুগ্রহ করে' প্রিয় বয়স্ক, সেই
শ্লোকটি পাঠ কর দিকি।

রাজা।—(পঠন)

“যউবন সারা অঙ্গে করুক না যত কেন
লেখার বিকাশ
তথাপি লোচনদ্বয় কি চতুর প্রগল্ভতা
করে গো প্রকাশ।
দৃশ্যবস্ত হতে আঁখি অখিলের ভাবরাশি
করয়ে গ্রহণ,
দেখিতে সে দৃশ্যবস্ত মনোবৃত্তি সমুৎসুক
হয় গো তখন।”

দেখ :—

নিজকণ্ঠ হতে খুলি মম কণ্ঠে দিল প্রিয়া
স্বপ্নযোগে যেই কণ্ঠহার
সেই হার পুন আমি প্রেমদীর স্তনতটে
নিষ্কপিয়া দিহু উপহার।

বিদু।—(স্মরণ অভিনয় করিয়া) ওগো প্রিয়
সখা, একটা গোপনীয় কথা জিজ্ঞাসা করুব ?

রাজা।—কর না।

বিদু।—মৃগাক্ষাবলী ও কুবলয়মালার মধ্যে কতটা
অন্তর ?

রাজা।—সে পরস্ত্রীভাবেই রয়েছে।

বিদু।—আমি তো রাজ-ব্যবহারে অনভিজ্ঞ।
আমাদের পল্লীগ্রামে তো শালকভার্যাকে অর্দ্ধভার্যা
বলে। তা, মৃগাক্ষাবলী ও কুবলয়মালার মধ্যে
তফাৎটা কি ?

রাজা।—মৃগাক্ষাবলী ও কুবলয়মালার মধ্যে যে
তফাৎ, তাই।

বিদু।—একই কথা হবার বুলেই কি কথাটা বলা
হয় ?

রাজা।—আচ্ছা, তবে আর একটা দৃষ্টান্ত দিবে
বলুচি। চন্দন-সার ও অগুরু-সারের মধ্যে যে
প্রভেদ, তাই।

বিদু। ঠিক বোঝা গেল না।

রাজা।—বুঝিয়ে বলুচি।

প্রথমার অবয়ব লাটদেশী চম্পক-উপমা,
কুন্তল শ্রামল অতি, রত্নময়ী রূপের রচনা।
অন্ত মুক্তাময়ী সৃষ্টি; উভয়েই মদনের
বিলাস-আলয়।

কিন্তু প্রথমার বপু জগৎ-লাবণ্য-পণ্যে
হয় বিনিময় ॥

সখা, দেবী এঁর সঙ্গে আমার বিবাহ দিয়ে দেবেন,
এ কি কখন সম্ভব ?

বিদু।—অসম্ভব কিসে দেখলে ? (সম্মুখে
দেখাইয়া) এই যে, সম্বন্ধিনীর দাসীরা এই দিকে
আসচে।

রাজা।—তোমার আবার সম্বন্ধিনী কে ?

বিদু।—দেবী।

রাজা।—(উচ্চ হাস্য করিয়া) আচ্ছা এসো,
আমরা চিত্রশালায় গিয়ে থাকি। (সেইরূপ অবস্থান)
(নেপথ্যে)

(পেটিকাহস্তে দাসীদের প্রবেশ—সকলের পরিক্রমণ)

একা।—ওগো তরঙ্গিকে, মহারাজকে কোথায়
দেখতে পাওয়া যাবে বল দিকি ?

দ্বিতীয়া।—সই কুরঙ্গিকে! ঐ যে ঐখানে
দাঁড়িয়ে আসন্ন বিবাহের কোতূহলে টগবগ করে
ফুটছেন!

অন্তা।—দেখ্ বিচক্ষণা, তরঙ্গিকা বলে কি; যে
ব্যক্তি সহস্র মহিষীকে বিবাহ করেছে, তার আবার
কোতূহল কি লা ?

অপর।—প্রিয়সখি বিচক্ষণা! তুই দেখছি
কিছুই বুঝিনে, নিতান্ত আনাড়ী। কন্দর্প-চরিতে
কামীজনের যে নিত্য নুতনে মন যায়।

তরঙ্গিনী।—(সম্মুখে অবলোকন করিয়া) এই
যে মহারাজ; মুখখানি কঁয়াকাশে হয়ে গেছে, শরীর
ক্ষীণ হয়ে পড়েচে; ঐ যে, প্রভাতের পূর্ণিমার চন্দ্রের
মত মহারাজ শনিগ্রহ চারায়ণ ঠাকুরকে সঙ্গে করে
চিত্রশালায় দরজার কাছে দাঁড়িয়ে আছেন দেখ্ চি!

সকলে।—(অগ্রসর হইয়া) মহারাজের জয়
হোক! দেবী বলে পাঠালেন, লগ্ন আসন্ন, তা এই
পরিচ্ছদ পরে চোকোতে গিয়ে অধিষ্ঠান করুন।

রাজা।—দেবীর আদেশ শিরোধার্য্য।

বিদু।—(আপনাকে নিরীক্ষণ করিয়া) ওগো!
তোমাদের এই সম্বন্ধীর অশন-বসনের কি ব্যবস্থা হল
বল দিকি ?

দাসীরা।—এই নেও দিচ্ছি।

বিদু।—জিনিসটা কি ?

দাসীরা।—অশোকের দোহদে যা ব্যবহার হয়,
তাই (অর্থাৎ প্রমদার পদাব্যত) আর ভগবান
ত্রিলোচন যা মাথায় ধারণ করেন (অর্থাৎ অর্ধ-চন্দ্র)
তাই।

বিদু।—(লাঠি উচাইয়া) আরে বেটি, আমি
মহারাজার প্রিয় বয়স্ক, পিঙ্গলী নারী ব্রাহ্মণীর প্রিয়-
পতি মহাব্রাহ্মণ—আমাকে অপমান ? তোরা দাসীর
জাত, তোদের মন বড় কুটিল, তাই এই লাঠি দিয়ে
তোদের মুখ থেঁৎলে দিচ্ছি রোস্।

তর।—মাপ কর ঠাকুর, মাপ কর; তুমি কি
না দেবীর সম্বন্ধী, তাই দেবীর সহচরীরা তোমার
সঙ্গে একটু ঠাট্টা-মস্করা করচে।

অন্তা।—ওলো, হুর্কাসা-চারায়ণের সঙ্গে ঠাট্টা-
মস্করা করে কাজ নেই।

তর।—হুর্কাসা এখনি সুবাসা হবেন। আয়
আমরা এখন বিবাহের কাজকর্ম করি। ওলো
সুলাক্ষণা! হারষটি! বালকটি! বসন্তলতা! মাদ্র-
লিকা! কামকেলি! মৃগাক্ষলেখা! বকুলাবলি!
পরভূতিকা! বিচক্ষণা! কল্পলতা! রসিক-রাজ
মহারাজের হাতে কঙ্কণ বন্ধন করে বিবাহের অলুষ্ঠান
আরম্ভ করে দে।

(সকলে অগ্রসর হইয়া রক্তবস্ত্র, কুম্ভ, কঙ্কণ,
কুম্ভাদি আনয়ন)

রাজা।—(পরিধান অভিনয়)

বিদু।—(রাজ-গৃহীতাবশিষ্ট অধিবাসন-দ্রব্যাদির
দ্বারা আপনাকে বিভূষিতকরণ)

বিচ।—ওগো, তোমরা বিলম্ব করুচ কেন?
বিবাহের গোড়ায় কাজগুল হোক না, সাজসজ্জা
কর, গান গাও, নাচো।

বিদু।—ওগো, এঁদের মধ্যে আমিও গান গাব,
নাচব।

রাজা।—তোমার যা অভিরুচি। (বিদুষকের
সহিত সকলের নৃত্য-গীত)

নেপথ্যে।—ওলো বিচক্ষণা আর সব সহচরীরা,
তোমরা বিলম্ব করুচ কেন?—মহারাজকে নিরে
এসো। সপরিবারে দেবী বিবাহের চোকোয় এসে
পৌঁছেছেন।

তর।—এই দিক দিয়ে মহারাজ, এই দিক দিয়ে।

(সকলের পরিক্রমণ)

(তৎপরে দেবী ও বধুবেশা মুগাঙ্কাবলী ও কুবলয়-
মালার প্রবেশ)

দেবী।—(চুপি চুপি) বৎসে-কুবলয়মালে!
তোমার মনোরথ সিদ্ধ হয়েছে।

রাজা।—(স্বগত)

অন্তস্তাপে সস্তাপিত আমি যেন দিবা মূর্তিমান,
প্রিয়া মোর চন্দ্রমুখী— তাই তিনি রজনী-সমান;
রক্তাংশুক-রূপ সন্ধ্যা আমাদের মধ্যে বিদ্যমান।

দেবী।—আর্য্যপুত্র! ওঁর মুখ উদঘাটন কর—
গৃহের মধ্যে চন্দ্রের উদয় হোক।

রাজা।—(উপবেশনপূর্ব্বক ঐরূপ করিয়া
স্বগত)

নিজ কুলপতি শশি সুবদনী-মুখচন্দ্রে
হ'লে পরাজিত
নাসা-নাল-সন্নিবদ্ধ ইন্দীবর নেত্রচ্ছলে
হল দ্বিধাকৃত।

দেবী।—বৎসে মুগাঙ্কাবলি! তারা দর্শন কর,
পদ্ম-শয্যা বিছিয়ে দেও।

মুগা।—(লজ্জাবশে চক্ষু ইতস্ততঃ স্থাপন করিয়া
অনেকক্ষণ ধরিয়া উর্দ্ধদিকে অবলোকন)

রাজা।—(স্বগত)

অবতারি' ভূমিতলে তারকার হার,
দিশিদিশি বিকীরিয়া কেতকী-সস্তার,
ছন্দগুণ চন্দ্রিকারে বিরচি' গগনে,
সুন্দরীর চারু-দৃষ্টি চারি দিকে ভ্রমে'।

বিদু।—(জনাস্তিকে) এই কুবলয়মালা আড়ি-
চোখের কটাক্ষে কার মাধুরী যেন প্রাণ-ভরে' পান
করুচে।

রাজা। তাই বটে।

জলের প্রণালী-সম সুন্দরীর আয়ত অপাঙ্গে
কটাক্ষ-শফরীগুলি প্রতিক্ষণে লক্ষ দেয় রঙ্গে।
কামের সর্বস্ব-ধন বিধিমতে করিয়া রচনা
আমাপানে মুহুমূর্ত্ত একদৃষ্টি চাহে সুলোচনা।

ইনিই কি তবে পর-স্ত্রী?

বিদু।—প্রেমের খাতিরে ইনি তোমারি।

দেবী।—(জনাস্তিকে কুবলয়মালার প্রতি)
দেখ, তোমার স্বামীকে দেখ, আর্য্যপুত্র তোমাকে
বিবাহ করুচেন। এইবারে সাত পাক দেও; আর
অগ্নিকুণ্ডে লাজের (খই) আহুতি দেও।

রাজা।—(বিবাহ করিয়া উপবেশন)

(প্রতীহারীর প্রবেশ)

প্রতীহারী।—মহারাজ! দেবীর মাতুল চন্দ্র-
বর্ম্মার প্রধান দূতের সহিত আর্য্য ভাগুরায়ণ ষারদেশে
উপস্থিত।

রাজা।—(দেবীর মুখ অবলোকন)

দেবী।—অবিলম্বে নিয়ে এসো।

প্রতী।—যে আজ্ঞা।

[প্রস্থান।

(দূত ও ভাগুরায়ণের প্রবেশ)

উভয়ে।—ত্রিলিঙ্গাধিপতি মহারাজের জয়
হোক!

ভাগু।—লাটাধিপতির দূত মহাশয়! এই দিক
দিয়ে আসুন—এই দিক দিয়ে আসুন।

রাজা।—(উপবেশন করিয়া) চন্দ্রবর্ম্মার কুশল
তো?

দূত।—মহারাজের অমুগ্রহে।

দেবী।—আমার মাতুলানী হারলতা ভাল
আছেন?

দূত।—আজ্ঞা হাঁ।

দেবী।—গুরুজনেরা আমাকে বিশ্বৃত হন নি
তো?

দূত।—বরং তাঁরা আপনার অন্তরাঙ্গাকে বিশ্বৃত
হতে পারেন। (দেবীর প্রতি) একটা সুসংবাদ
দি—আপনার মাতুলের একটি পুত্রসন্তান হয়েছে।
(সকলের হর্ষ) আর আশ্চর্য্য প্রভু আপনাকে এই
কথা বলতে আমাকে আদেশ করেছেন:—

অপুত্র ছিলাম পূর্ব্বে মুগাঙ্কাবলীরে তাই
পুত্ররূপে করিহু প্রচার।

প্রধান সচিব তব আনাইলা এইখানে
পুত্রচ্ছলে তনয়া আমার।

বংশের তিলক মোর সুলক্ষণ পুত্র এক
জন্মেছে সম্প্রতি।

তনয়া মুগাঙ্কাবলী রূপে গুণে অতুলনা
সুচরিত্রা অতি।

বলিলা দৈবজ্ঞ এক— চক্রবর্তি-গৃহিণী এ
হইবে নিশ্চয়;

যশঃপুত্র উচ্চকুল কোন নৃপ সনে যেন
হয় পরিণয়।

ভাণ্ড।—(স্বগত) আমাদের নীতি-পাদপ-
লতাবলম্বিনী বুদ্ধি এইবার ফলবতী হল দেখ্‌চি।

বিদু।—(হস্ত উঠাইয়া) ওগো, ওরো যে বিবাহ
হয়ে গেল—দেখ্‌চ না, প্রিয় বয়স্কের হাতে রক্তসূত্র
কঙ্কণ—আর মৃগাঙ্কাবলীও বর-স্ত্রীর ভূষণে ভূষিতা!
(সকলের বিস্ময়)

দেবী।—(জনাস্তিকে) দৈবের কি লীলা দেখ,
আমি ক্রীড়াচ্ছলে আমোদ করে' যে অলৌকিক বিবাহ
ঘটালেম, তা কি না সত্য হয়ে দাঁড়াল। আচ্ছা,
তাই হোক। মাতুল মহাশয়ের কথামত আমি তো
অন্তরের সহিতই এই বিবাহ দিয়ে দিয়েছি।

দূত।—দেবি! ভবাদৃশ জনের কর্তব্যানুসারিণী
বুদ্ধি যদৃচ্ছাক্রমে কার্যো পরিণত হয়।

বিদু।—(জনাস্তিকে) দেবীর এখন অনুতাপ
হচ্ছে।

রাজা।—তাই বটে। অনুকূল দৈব সকলেরই
মঙ্গল করেন।

দেবী।—(জনাস্তিকে) ওলো! কার্যগতিকে
আমাদের ভুল হয়ে গেছে। এই ছই জনের মিলন
বিধির নির্বন্ধ।

মেথলা।—দেবী গোড়ায় যেরূপ উদারতা দেখিয়ে-
ছেন, সেইরূপ উদারভাবেই সমস্ত কার্য নির্বাহ
হোক। জল সরে' গেলে সেতুবন্ধের আর প্রয়োজন
কি? বিবাহ হয়ে গেলে নক্ষত্রগণনায় কি ফল?

বিদু।—ওগো অমাত্য চূড়ামণি! আপনি দ্বিতীয়
চাণক্য! ভাণ্ডারায়ণ! এই কুবলয়মালা এখন প্রিয়
বয়স্কেরই সম্পত্তি। কেননা, মহামুনিরা এইরূপ
বলেছেন—

ভার্য্যা পুত্র আর দাস—ধনহীন এই তিন জন।
লভয়ে আশ্রয় যার তাহারি ইহারা হয় ধন ॥

দূত।—অহো! মহারাজের নন্দনসচিবের কি
অপূর্ব স্মরণ-শক্তি।

ভাণ্ড।—চারায়ণ যা বলেছেন। এই কঙ্কণে আর
কি হবে? দেবি! কুবলয়মালারও বিবাহ দিয়ে দিন।

দেবী।—মহামন্ত্রী যেরূপ স্থির করেছেন, তাই
হবে।

বিদু।—(কুবলয়মালার হস্ত ধরিয়া রাজহস্তে
স্থাপন) পল্লীগামের লোকেরা বলে :—“শালক-ভার্য্যা
অর্ধ-ভার্য্যা”। উনি তো এখন মহারাজের পূর্ণ
ভার্য্যাই হলেন। (সকলের হাস্য)

দেবী।—(অপ্রতিভভাবাপন্ন)।

বিদু।—(দাসীর প্রতি) ওগো! বিবাহটা হয়ে
গেল, এখন তোমরা একটু নাচ-গান কর—আমিও
তোমাদের সঙ্গে যোগ দি। (তথাকরণ)।

মৃগা।—(চুপি চুপি সহর্ষে) এসো কুবলয়মালা!
আমাকে আলিঙ্গন কর। তুমি এখন আমার সপত্নী।

ভাণ্ড।—(দক্ষিণ চক্ষুর স্পন্দন সূচনা করিয়া
জনাস্তিকে) না জানি আর কি হর্ষের কারণ উপস্থিত।

(প্রতীহারীর প্রবেশ)

প্রতী।—মহারাজ! শ্রীবৎস নামে সেনাপতি
এসেছেন—কুরঙ্গক পত্র হস্তে দ্বারে দণ্ডায়মান।

ভাণ্ড।—তাকে নিয়ে এসো।

[প্রতীহারীর প্রস্থান।

(কুরঙ্গকের প্রবেশ)

কুরঙ্গক।—(প্রণাম করিয়া) মহারাজের জয়!
(পত্র প্রদান)

ভাণ্ড।—(পত্র গ্রহণ করিয়া পঠন)

স্বস্তি তব মহারাজ!

নবুমদা-বীচি-মুখরিত

নুপুরাখ্য রাজধানী;

তাহে স্থিত “কপূর-বরষ”

—সে রাজ্যের রাজা যিনি,

তঁার পূজ্য চরণ-কমলে

সেনাপতি “শ্রীবৎসল”

ভক্তিভরে অবনত-শিরে,

অঞ্জলি রচিয়া মুর্ছে

করিতেছে এই নিবেদন।

অত্র শুভ-ঘটনা লিখিত হইতেছে। করচুলি-
দেশতিলক নৃপতি, আপনার প্রতাপে, মহামন্ত্রী ভাণ্ড-
রায়ণের বিশদ বুদ্ধিপ্রভাবে, এবং মাদৃশ ক্ষুদ্র পদাতি-
কের আদেশ-অনুসারে কার্য নির্বাহ হওয়ায়, পূর্ব
পশ্চিম উত্তর বিভাগের সকল প্রচণ্ডবৃত্তি রাজ্যরাই
দণ্ডের দ্বারা বশীভূত হয়েছে—কেবল দক্ষিণের নৃপতির
এখনও বশীভূত হয় নাই। তথাপি আমার এই
নিবেদন—স্ববংশীয়ের দ্বারা অপহৃত-রাজ্য যে
কুন্তলাধিপতি বীরপাল, তিনি মহারাজের শরণাগত
হয়েছেন এবং মহারাজের আদেশক্রমে তাঁকে পুরো-
ভাগে রাখিয়া আমরা পয়োক্ষী নদীতীরে বাস-সম্মি-
বেশ করিয়াছি।

সংগ্রামে নিপুণ বড়
“সিংহল” নামেতে নৃপ
সুপ্রচণ্ড অসিধারী,
অশ্ব যার সমুন্নত
অন্ধদেশ-অধিপতি
“কুন্তল”—কুন্তল-রাজ
অধিক কহিব কিবা,
এ সংগ্রামে তাহারাও

কর্ণাটের অধিবাসিগণ ;
সিংহসম যার পরাক্রম ।
ধনুকেতে সুনিপুণ অতি,
সেই “পাণ্ড্য” সুরমাধিপতি ।
রক্তহীন যার পরাক্রম ;
রণভূমে যে গো দেবোপম ।
কোঙ্কণাদি অস্ত্র নৃপ যত
হইয়াছে বুদ্ধিতে উত্তত ॥

ইতিমধ্যে তাহাদের সহিত আমাদের সৈন্তের যুদ্ধ
হয়ে গেছে ।

রাজা—সমর-কর্মে কার্ণাটেরা স্বভাবতঃই উদ্ধত ।
ভাণ্ড ।—(পাঠ করণ) সেখানে :—

“করিনস্তাঘাতে যার বাহিরিছে প্রাণ-বায়ু
—ওই বীর বল্লভ আমার ।”

“কুন্তলে হইয়া বিদ্ধ তবু যে গো অগ্রসর
—ওই বীর বল্লভ আমার !”

“যে কবন্ধ করিতেছে সুন্দর তাণ্ডব-নৃত্য
ওই বীর বল্লভ আমার ।”

“ছিগ্ন হইলেও কণ্ঠ মুখে যার প্রকটিত
প্রেমবন্ধ ক্রকুটি-রচনা

বল্লভ আমার ওই’ —এই বলি’ বাছি লয়
নিজ কাস্ত্র যত দেবাননা ।

রণভূমি-মারুথানে তাঁদের এই কথাগুলি
বল দেখি শুনিয়াছে কে না ?

আর অধিক লিখবার প্রয়োজন কি, তাহাদিগকে
জয় করিয়া আমরা বীরপালকে স্বরাজ্যে অভিষিক্ত
করিয়াছি ; অবশিষ্ট ব্যাপার মহারাজ কুরঙ্গক-প্রমুখাৎ
অবগত হইবেন ।”

কুরঙ্গ ।—মহারাজ, আমি আর কি বলুব, আমার
মুখের কথা জয়টাকের মুখেই ব্যক্ত হছে ।

রাজা ।—যে কথা পত্রে লেখা থাকে, তা পত্রবাহ-
কের মুখেও শোনা যায় ।

ভাণ্ড ।—
পূর্বদিকে গঙ্গাপ্লাত তটভূমি যার সীমা-শেব ;
দক্ষিণেতে তাম্রপর্ণী নদীপূত দাক্ষিণাত্য দেশ ;
পশ্চিমে নন্দাদা নদী ; উত্তরেতে ক্ষীরসিন্ধু সীমা ;
সর্বত্র এবে ব্যাপ্ত রাজচক্রবর্তীর মহিমা ।

(কুতাঞ্জলি হইয়া রাজার প্রতি) এখন আপনার
আর কি প্রিয় কার্য্য করিতে পারি, বলুন ।

রাজা ।—এ অপেক্ষা আমার আর কি প্রিয় হতে
পারে অমাত্যবর ?

কোপ-কষায়িতা দেবী হইলেন অহুকূল
এবে মোর প্রতি ;

গুপ্তভাবে লভিলেও সে মৃগাঙ্কাবলী, মোর
কলত্র সম্প্রতি ;

তব নীতিবশে আর সেনাপতির বিক্রমে
লভিলাম চক্রবর্তী পদ ।

কি আর চাহিব আমি ইহা হতে আর কিবা
আছে বল অধিক সম্পদ ?

তথাপি এই প্রার্থনা করি ;—
হরের বামাজখানি যত দিন করিবে গো


অলঙ্কৃত কুসুমস্তবক-পীনস্তন ;
হরির যুগল বাহ যত দিন লক্ষ্মীকণ্ঠ


দৃঢ়রূপে আলিঙ্গিয়া রবে অহুকণ ;
ব্রহ্মার যুগল হস্ত যত দিন রবে ব্যগ্র

ব্রহ্মাণ্ডের সৃষ্টি-প্রসারণে ;
তাবৎ সাধুর উক্তি শ্রুতি-শুক্লি-লেখ-মধু,

স্থায়ী হয় যেন এ ভুবনে ।

ইতি শ্রীমান্ বাল-কবিরাজ-রাজশেখর-বিরচিত
বিদ্য-শালভঞ্জিকা নাটিকার চতুর্থ অঙ্ক ।





মহাবীর-চরিত

(৫২৫৩)

জ্যোতিরিন্দ্রনাথ ঠাকুর অনুবাদিত

পাত্রগণ

পুরুষবর্গ

দশরথ, জনক, রাম, লক্ষ্মণ, ভরত, শত্রুঘ্ন, পরশু-
রাম, বিশ্বামিত্র, শতানন্দ (জনকের পুরোহিত),
বশিষ্ঠ (দশরথের পুরোহিত) রাবণ, বিভীষণ, কুম্ভকর্ণ,
মেঘনাদ, সুগ্রীব, অঙ্গদ, হনুমান, ইন্দ্র ।

যুধাজিৎ—দশরথের সারথি ।

মাল্যবান—রাবণের মাতামহ ও প্রধান মন্ত্রী ।

সম্পাতি }
জটায়ু } গৃধ্ররাজ (ভ্রাতৃদ্বয়)

চিত্ররথ—গন্ধর্বরাজ ।

কুশধ্বজ—জনকের কনিষ্ঠ ভ্রাতা । ইত্যাদি ।

স্ত্রীবর্গ

সীতা, উম্মীলা, মন্দোদরী, সূর্পনখা, তাড়কা-
রাক্ষসী, কোশল্যা, কৈকেয়ী, সুমিত্রা ।

মাণ্ডবী }
শ্রুতকীর্তি } —কুশধ্বজের কন্যাদ্বয় ।—ইত্যাদি

মহাবীর-চরিত

প্রথম অঙ্ক

আপনাতে স্থিত যিনি,
হত-পাপ, নিত্য সনাতন,
ক্রম-ভাগ-হীন সেই,
জ্যোতির্শ্রয় চৈতন্যে নমঃ ।

নান্দ্যন্তে সূত্রধার

সূত্র।—আজ ভগবান্ কালপ্রিয়নাথের উৎসবে
সমাগত মহামায়া পণ্ডিত-মণ্ডলী এই আদেশ
করেচেন :—

মহাপুরুষের কোপ
যে নাটকে গম্ভীর-ভীষণ,
প্রসন্ন কর্ণশ যার
বিপুলার্থ ভারতী-বচন,
অলৌকিক পাত্র-মাঝে
বীর-রস যথা অবস্থিত,
প্রতিযোগী পাশ্বেতেও
স্বপ্নভেদে যাহা প্রকটিত,
সেইরূপ নাট্য আজি
এই-স্থলে হোক অভিনীত ।

(সহর্ষে) এই কথার ভাবে বোধ হচ্ছে, মহাবীর-
চরিতই আজ আমাদের অভিনয় করতে হবে ।
বাক্য-পটু কবিবর বশীভূত বাণী যার
কাব্য-কথা তাঁর রামাশ্রিত ।
নিঃসৃত যে বাক্য-রস তাহারি নিকষ যার
তাঁহারিও হেথা উপস্থিত ॥

এখন আমি আপনাদের নিকট এই নিবেদন
করচি :—দক্ষিণাপথে পদ্মপুর নামে একটি নগর
আছে । সেখানে তিত্তিরি-শাখী কাশ্যপগোত্রীয় চরণ
গুরুর শিষ্য পঞ্জিপাবন পঞ্চাঙ্গি-ব্রতধারী সোমরস-
পায়ী উচ্চবংশ-প্রসূত কতকগুলি ব্রাহ্মণ বাস করেন ।

তৎকুলসম্ভূত, বাজপেয়-যজ্ঞকারী মহাকবি স্মৃগ্হীত-নামা
ভট্টগোপালের পঞ্চম পৌত্র, পবিত্র-কীর্তি নীলকণ্ঠের ও
জাতুকর্ণী দেবীর পুত্র শ্রীকণ্ঠ উপাধি-ধারী ভবভূতি
নামক কবি আমাদের পরম মিত্র ।

পরম-হংসের শ্রেষ্ঠ, মহর্ষিগণের মাঝে
অঙ্গিরা যেমনি
সার্থক-গৃহীত-নামা “জ্ঞান-নিধি” নামে গুরু
তাঁহার তেমনি ।
এই সেই ভবভূতি, প্রিয় ঐর বীর, আর
অদভূত রস ।
বর্ণনা করিয়া তাই অলৌকিক পরাক্রম
অতুল সাহস
রচিলেন এই নাট্য— রাবণ-দমন সেই
শ্রীরাম-চরিত,
ত্রিলোকের ছাংখ-মূল যাহা হতে একেবারে
হয় উন্মূলিত ।

অতএব এই রাম-চরিত আপনাদের সর্বতোভাবে
পবিত্র করুক । আর, সেই শ্রোত্রিয়-পুত্র ভবভূতিও
এইরূপ বলেচেন :—

আদিকবি বাম্বীকি

মুনিবর প্রচেত-নন্দন

—তাঁহারি রচনা যেই

রঘুপতি-চরিত পাবন ;

সেই চরিতের মাঝে,—আমি যে গো ভক্ত তাঁর—

স্বখে চরে আমারো বচন

তোমরাও কৃতী সবে, স্প্রসন্ন-মনে ইহা

সযতনে কর গো সেবন ।

(নটের প্রবেশ)

নট।—সভ্যগণ আমাদের প্রতি স্প্রসন্ন । কিন্তু
নাটকটি সম্পূর্ণ নূতন বলে কথার আরম্ভটা কি, তাই
তাঁরা জানতে ইচ্ছে করচেন ।

মূত্র :- যজ্ঞাঙ্কুরানের অভিপ্রায়ে ভগবান্ কৌশিক
মুনি বিশ্বামিত্র, বশিষ্ঠ ষাঁর কুল-পুরোহিত, সেই ইক্ষাকু-
বংশীয় রাজর্ষি দশরথের গৃহে গমন করে' নিজ
তপোবনে আবার ফিরে এসেছেন। এবং :-

বিজয়-সহজ বীৰ্য্য
অঙ্গ-যোগে করিয়া বর্দ্ধন,
বিশ্ব-হিত-বীজ সেই
—সীতা-সনে ঘটায়ে মিলন,
দশানন-কুল-নাশী শ্লাঘ্য কল্যাণের পাত্র,
অমুজ-সহায়,
সেই শ্রীরামেরে মুনি শিক্ষা দিলা বিধিমতে
ধনুর বিদ্যায়।
বিশ্বামিত্র মুনি হ'তে পেয়ে নিমন্ত্রণ
জনক গৃহীত-ব্রত, যজ্ঞের কারণ
পাঠাইলা যজ্ঞস্থলে "কুশধ্বজ" নামে তাঁর
আপন ভ্রাতায় ;
সীতা উদ্ভিলারে লয়ে, তাই দেখে কুশধ্বজ
আইলা হেথায়।

[প্রস্থান।

ইতি প্রস্তাবনা।

দৃশ্য—সিদ্ধাশ্রমের পথ

(কণ্ঠাঘরকে লইয়া সারথি ও রাজার প্রবেশ)
রাজা।—আয়ুয়তী সীতা উদ্ভিলা! আজ
ভগবান্ বিশ্বামিত্রকে তোমাদের শ্রদ্ধাধান-চিত্তে প্রণাম
করিতে হবে।

কণ্ঠাঘর।—যে আজ্ঞা কাকা।

রাজা।—

পবিত্র ত্রেতাগ্নি খ্যাত,
ইনি অগ্নি চতুর্থ যেমন।
চারি বেদ খ্যাত ভবে,
ইনি বেদ অধিক পঞ্চম।
কিন্ম্ব ইনি গতিশীল তীর্থের সমান,
অথবা যেন গো ইনি ধর্ম মুর্তিমান।

সারথি।—সাক্ষাৎ-নাথ! তাই বটে। মহাশ্বে
বিশ্বামিত্র-ঋষিকে কেহই অতিক্রম করিতে পারে
নি। তাঁর সম্বন্ধে আখ্যান-বেত্তারা, ত্রিশঙ্কুর

কথা, শোনঃশেফের কথা, রস্তার শৈলত্বপ্রাপ্তির
কথা—এইরূপ কত আশ্চর্য্য কথাই বলে' থাকেন।
অতএব :-

ব্রহ্মা আদি দেবর্ষির যে শাস্তি বাঞ্ছিত
সেই শাস্তি যে মুনির হয়েছে অর্জিত,
তপস্তেজোধার যিনি, স্বয়ং ব্রহ্ম উপনীত
নিকটে যাহার
সর্ব্ববিদ্যার গুরু— প্রদত্ত তাঁহারি পরে
গৃহ-কর্ম্ম-ভার,
আপনিও লোক-শ্লাঘ্য গৃহিজন-মাঝে শ্রেষ্ঠ
গৃহস্থ উদার।

রাজা।—সাধু সাধু! সারথি! তুমি যথার্থ
কথাই বলেছ। মহর্ষি ভগবান্ বিশ্বামিত্র, যিনি
ব্রহ্মাকে সাক্ষাৎ লাভ করেছেন, তিনিই শুভ-
পরিণামের প্রকৃষ্ট সেতু।

তাঁহার সংসর্গ-লাভ
যদি কেহ করে একবার
ধ্বংস হয় তমোরাশি
চিত্তে আসে প্রশান্তি অপার,
ইহলোকে পরলোকে
শুভ ফল হয় গো বিস্তার।
পুনঃ পুনঃ করে যে গো তাঁর সহবাস
কি এক মহিমা যেন হয় পরকাশ।
প্রসন্ন হইলে তিনি
যে আশিস্ হয় উচ্চারিত
নিশ্চয় তাহাতে হয়
অশেষ সুফল প্রসবিত।

সারথি।—হরিৎ পরিসর-যুক্ত কৌশিকী-নদী-
পরিবেষ্টিত ঐ সিদ্ধাশ্রমের রমণীয় অরণ্য দেখা যাচ্ছে।
আরো ঐ দেখুন, কুশিকনন্দন বিশ্বামিত্র বালক-গ্রুটির
সঙ্গে আপনাকে অভিনন্দন করবার জন্ত উঠে
দাঁড়িয়েছেন।

রাজা।—তা যদি হয়, এসো, আমরা এইখানে রথ
থেকে নামি, (কণ্ঠাঘরের সহিত অবতরণ করিয়া)
সারথি! সৈনিকদের বল, যেন তারা আশ্রম-ভূমির
নিকটে না আসে।

সারথি।—যে আজ্ঞে মহারাজ?

[প্রস্থান।

দৃশ্য—সিদ্ধাশ্রম ।

(রাম-লক্ষণের সহিত বিশ্বামিত্রের প্রবেশ)

বিশ্বা ।—(স্বগত)

শুভদিনে রাক্ষসের বিনাশ-কারণ
রক্ষোনাশী শুভক্রিয়া করিব সাধন ।
রাম-সনে বৈদেহীর

বিবাহের হবে অনুষ্ঠান,
করিতে হইবে আরো

শুভ যজ্ঞ-নীক্ষার বিধান ।

জগত-কল্যাণ-তরে দৈত্য-অরি বিষ্ণুদেব
রামরূপে হেথা আবিভূত ;
তাঁরে দিয়া করাইব যত তাঁর অলৌকিক
ব্যাপার অদ্ভুত ।
ইহাতেই ব্যগ্র মোরা, এতেই হতেচে চিত্তে
সুখ অদ্ভুত ॥

আর এ সম্বন্ধে যে আচার-ব্যবহার নির্দিষ্ট আছে,
তৎসমস্তই আমরা মিথিলার রাজর্ষিকে বলে' পাঠিয়ে-
ছিলেম । তাঁকে বলেছিলেম :—“তুমি এই যজ্ঞে
যজ্ঞমানরূপে নিমন্ত্রিত হয়েছ জানবে—এবং সীতা ও
উর্শ্বিলার সহিত কুশধ্বজকে এখানে পাঠিয়ে দেবে”—
এখন দেখচি, আমার প্রিয় সূহর দে সমস্তই করেচেন ।
কুমারদ্বয় ।—গুরুদেব ! না জানি এ মহাত্মা কে
—যাঁর অভিনন্দনের জন্ত আপনি পর্য্যন্ত উঠে
দাঁড়িয়েছেন ।

বিশ্বা ।—শোনো তবে, ইনি নিমিকুল-বংশধর
বিদেহ-রাজ্যের রাজর্ষি ।

বৃদ্ধ নৃপ সীরধ্বজ এবে সেই রাজকুলে
উত্তরাধিকারী
যাজ্ঞবল্ক্য মুনি যারে করালেন অধ্যয়ন
বেদগ্রন্থ চারি ।

কুমারদ্বয় ।—যাঁর গৃহে সেই মাহেশ্বর ধনুর পূজা
হয় ?

বিশ্বা ।—হাঁ, তিনিই ।

কুমারদ্বয় ।—(কৌতূহল সহকারে) আরও একটা
আশ্চর্য্য কথা শোনা যায়, সেখানে নাকি একটি
অযোনি-সম্ভবা কথা আছে ?

বিশ্বা ।—(হাসিয়া) হাঁ, তাও আছে বটে ।

সেই নৃপ যজ্ঞমান

এই মম যজ্ঞের ব্যাপারে

স্নেহ-বশে পাঠাইলা

“কুশধ্বজ” কনিষ্ঠ ভ্রাতারে ।

অতএব তোমরা এই রাজর্ষির সহিত বিনীত
ব্যবহার করবে ।

কুমারদ্বয় ।—যে আজ্ঞে ।

রাজা ।—(কুমারদ্বয়কে নিরীক্ষণ করিয়া)

স্বাভাবিক পুণ্যশ্রীতে, স্মশোভিত না জানি গো
কাহার সন্তান,
কৃতোপনয়ন দুটি ক্ষত্রিয়-বালক বলি'
হয় অহুমান ।

জাতিতে ক্ষত্রিয় এরা ব্রহ্মচর্য্যধারী,
নবীন বয়স, কিবা মূর্ত্তি মনোহারী ।

তাই বটে :—

পৃষ্ঠের উভয় পার্শ্বে

তুণীর রয়েছে বিলম্বিত,

কঙ্ক-পত্র-বাণ-পুঞ্জ

উর্দ্ধদিকে চুড়ায় চুম্বিত ।

ভস্মলিপ্ত বক্ষঃস্থল

রুক্ষ-চর্ম্মে করে আচ্ছাদন,

করিয়াছে পরিধান

মঞ্জিষ্ঠায় রঞ্জিত বসন ।

মূর্খালতা-তস্ত দিয়া

কটি-বস্ত্র দৃঢ়-নিয়ন্ত্রিত,

হস্ততে ধনুক, আর

দণ্ড এক পিপ্পল-নির্ম্মিত ।

দুই হাতে আছে দুটি

অক্ষমালা বলয়-আকারে,

এই সব চিহ্ন দেখি,

ক্ষত্র বলি বুঝিছ ইহারে ।

কঙ্কাবয় ।—আহা ! এরা কি সৌম্য-দর্শন !

রাজা ।—(নিকটে আসিয়া) মহর্ষি ! প্রণাম

করি ।

বিশ্বা :—রাজর্ষি জনকের গৃহ হতে কুশলে-কুশলে
এখানে এসে পৌঁছেচ দেখে বড় সুখী হলেম । তুমি
আমার পুত্র-স্বরূপ—এসো, আলিঙ্গন কর । (আলি-
ঙ্গন করিয়া)

স্থখে আছেন তো সেই যজ্ঞকর্ষ-অহুষ্ঠাতা
বিদেহাধিপতি ?
আর সেই জনকের পুরোহিত "শতানন্দ"
গৌতম স্মৃতি ?

রাজা।—আপনি যখন আমার জ্যেষ্ঠের গৃহকৃত্য-
সম্পাদনে ত্রুটি হয়েছেন, তখন আর তিনি স্থখী হবেন
না ?—সেই সঙ্গে তাঁর পুরোহিত গৌতমও স্থখী।
কন্ঠাঘয়।—প্রণাম করি।

রাজা।—
খুঁড়িতে খুঁড়িতে মাটি
লাঙলেতে—যজ্ঞভূমিস্থিতা
—সহসা সেখান হতে—
বিনির্গত হন এই সীতা,
আর ইনি উরমিলা
জনকের দ্বিতীয় হুহিতা।

বিশ্বা।—কল্যাণ হোক।
লক্ষ্ম।—(জনাস্তকে) এঁর এই জন্মবৃত্তান্ত বড়ই
অদ্ভুত।

রাম।—
যজ্ঞভূমি হতে জন্ম,
ব্রহ্মবাদী নৃপ এঁর পিতা।
কি সৌম্য উজ্জল মূর্তি
স্নেহ হয় হেরি' এই সীতা ॥

রাজা।—ভগবন্!
কে এ ছটি ব্রহ্মচারী, কল্পকুল-সমুদ্ভব
তব অনুগত ?
প্রতাপ বিক্রম যেন, ধর্মকে সন্মুখে রাখি
হইলা উদগত।

বিশ্বা।—দশরথের পুত্র রাম-লক্ষ্মণ।
কুমারদ্বয়।—(বিনীতভাবে নিকটে আসিয়া)
গুরুদেব ! অভিবাদন করি।

রাজা।—কি সৌভাগ্য, আজ মহারাজ দশরথের
পুত্রদ্বয়কে দেখতে পেলাম। (আলিঙ্গন করিয়া)
রাঘবের বংশ ছাড়া এহেন পুত্রের জন্ম
কোথায় সম্ভব ?
হৃৎকের সাগর বিনা চন্দ্র-কৌস্তভ হয়
কোথায় প্রসব ?
পূর্বে এই কর্ণামৃত কথাটি শুনেছিলাম :—

কোশলেন্দ্র দশরথ
ঋতুশৃঙ্গে সেবা করি'
অতি কষ্টে লভিলেন
পুণ্যশ্রীক পুত্র চারি !
পার-কামী হয়ে তাঁরা দীপ্ত শ্রেয়ঃ-পথে
সেবিছেন ব্রহ্মচর্য্য এবে বিধিমতে।

আপনি যখন সেই রঘুকুল-পুত্রদের আশীর্বাদ
করে' তাদের সকল অশুভ ধ্বংস করেছেন, তখন
তাদের উৎকর্ষ নিশ্চয়ই সিদ্ধ হয়েছে।

যাদের বশিষ্ঠ ঋষি, শিক্ষা দেন সুপবিত্র
বেদের বিধান,
নর-পালনাধিকার, একমাত্র যাঁহাদের
মাঝে অধিষ্ঠান,
স্বমহান্ সূর্য্যবংশে যাঁদের প্রসব
সেই নরপতিদের মহিমা-গোরব
কেমনে জানিব বল আমরা অধম
—কি বাক্যে, কি মনে, মোরা
বুঝিতে অক্ষম।

বিশ্বা।—সে কি কথা ?
সদা যঁরা অবিশ্রান্ত পুণ্যকর্মে রত,
পুণ্যকল্প কীর্ত্তি-রাশি যাঁদের প্রখ্যাত,
মহাভাগ্য তাঁহাদের তোমরাই জানো,
তোমরাই তাঁহাদের স্তুতিতে সক্ষম।

সখা ! লোকাচারজ্ঞ ব্যক্তির একটু বিশ্রাম
করে' তার পর বাক্যালাপে প্রবৃত্ত হয়। তা
এসো। আমরা এই বিকল্পত-বৃক্ষচ্ছায়ায় একটু বিশ্রাম
করি।

(সকলে পরিক্রমণ করিয়া উপবেশন)

নেপথ্যে।—জয় জয় জগৎপতি রামচন্দ্রের
জয় !

(সকলে বিস্মিত হইয়া অবলোকন)

রাজা।—ভগবন্ ! ইনি আবার কোন্ দেবতা ?
বিশ্বা।—ইনি উতথ্য-কুল-সমুদ্ভূত মহর্ষি গৌতমের
ধর্মপত্নী অহল্যা। এঁরই গর্ভে আঙ্গিরস শতানন্দের
জন্ম। কোন সময়ে এঁর সহিত ইন্দ্রের সহবাস হয়।
সেই হেতু ইন্দ্রকে এই গৌতম-পত্নী অহল্যার উপপতি
বলে' সকলে নির্দেশ করে। তাতে মহর্ষির বিষম ক্রোধ
উপস্থিত হয়। তিনি নিজ ধর্ম-পত্নীকে "অন্ধতমিস্র



নরকে পাষণময়ী হয়ে অবস্থান করু' এইরূপ
ধ্যান-যোগে অভিশাপ প্রদান করেন। ইনি এখন
রামভদ্রের তেজঃ-প্রভাবে সেই পাপ হতে মুক্ত
হয়েছেন।

রাজা।—এই বৎস সূর্য্যবংশ-কুমারের কি অপরি-
সীম স্বাভাবিক অল্পম শক্তি-সামর্থ্য!

সীতা।—(সম্মেহ-অমুরাগ-ভরে নিরীক্ষণ কবিতা
চুপি চুপি) এ'র যেরূপ শয়ীরের গঠন, এ'র প্রভাবও
তারই অমুরূপ।

রাজা।—(নিঃশ্বাস ফেলিয়া)

যদি না জনক রাজা, করিতেন অনিবার্ধ্য
হরধনু-উত্তোলন-পণ,
তাহা হলে করিতেন, সমতুল্য জানকীরে
মহাপুণ্য শ্রীরামে অর্পণ।

(একজন তাপসের প্রবেশ)

তাপস।—রাবণ-পুরোহিত "সর্বময়" নামে এক-
জন বৃদ্ধ রাক্ষস এসেছেন। কোন রাজকার্য্য-উপলক্ষে
সাক্ষাৎ করিতে চান।

কন্যারয়।—কি?—রাক্ষস?

কুমাররয়।—দেখতে বড় কোতূহল হচ্ছে।

রাজা ও বিশ্বামিত্র।—(পরামর্শ করিয়া) আচ্ছা,
আসুক।

[তাপসের প্রস্থান।

(রাক্ষসের প্রবেশ)

রাক্ষস।—

মাতামহ মাল্যবান নিবেদন করিলা, বলে
করিতে হরণ
—তাই মোরে পাঠাইলা রাজধানী মিথিলায়
রাজা দশানন।
অযোনিজা রাজবালা তাহারে ইচ্ছুক তিনি
করিতে বরণ॥

সেই যজমান জনক রাজারও সহিত আমার
সাক্ষাৎ হয়েছে। তাঁরই কথামত আমি এক্ষণে
কৌশিক কুশধ্বজের নিকটে এসেছি। (পরিক্রমণ)
রাম-লক্ষণ।—(সীতা ও উর্শ্বিলা সম্বন্ধে স্বগত)
আহা! অমৃত-অঞ্জনের মত ঐ চক্ষুর দৃষ্টিতে প্রাণ
যেন জুড়িয়ে যাচ্ছে।

সীতা ও উর্শ্বিলা।—(রাম-লক্ষণের স্ববন্ধে স্বগত)

চোখ আর ফিরাতে পারচিনে—দেখে চোখ জুড়িয়ে
যাচ্ছে।

রাক্ষ।—(নিকটে আসিয়া দর্শন) এই সেই
অসাধারণ রূপসী সীতা? ইনি দেব-পত্নী হবার
উপযুক্ত। ঋষি! নমস্কার। রাজার কুশল তো?

উভয়ে।—এসো এসো—এইখানে বোস।

মাথার মুকুট তাজি', বাহার শাসন

দেব-রাজ ইন্দ্র করে মাথায় বহন

—ভাল তো আছেন তব সে প্রভু এখন?

রাক্ষ।—(নিকটে আসিয়া) হাঁ, আমার প্রভু
ভাল আছেন। আর মহারাজ এই কথা আমাকে
বলতে বলেছেন:—

অযোনিজ কন্যারয় আছয়ে তোমার
পাণিগ্রহণের প্রার্থী আমি গো তাহার।
রতন কোথাও যদি থাকে এ ভুবনে
ইন্দ্রকেও ছাড়ি আসে আমার সদনে।
জানী জনে বলে, কন্যা পরকীয় ধন,
যদি সেই কন্যা মোরে করহ অর্পণ,
পুলস্ত্য-কুলজ-শ্রেষ্ঠ হবে বন্ধু তব,
বাড়িবে তোমার তাহে সখন্ধ-গৌরব।

সীতা।—ধিক্ ধিক্! রাক্ষস আমাকে প্রার্থনা
করচে?

উর্শ্বি।—সত্যি কি তাই?

রাজা ও বিশ্বামিত্র।—(চিস্তিত)

লক্ষ।—(জনাস্তিকে) দাদা! আপনি দেখ-
চেন না, রাক্ষস-রাজ এই দেবীকে প্রার্থনা করচে?
রাম।—দেখ ভাই!

এ কন্যার অধিকারী সর্বসাধারণ,
নির্ভয়ে প্রার্থনা তাই করে অশ্রু জন।
ব্রহ্মার প্রপৌত্র যে গো ভুবন-বিভেতা
তার পক্ষে এ কি বড় অসঙ্গত কথা?

লক্ষ।—দাদা, আপনার অতিসৌজন্তে সেই
স্বভাব-শত্রু রাক্ষসের প্রতিও আপনি সম্মান প্রদর্শন
করচেন—সেই রাক্ষস-রাজ:—

বেদত্রয় উন্মুলিয়া

করিতেছে ক্ষাত্র-তেজ হ্রাস,

"অনরণ্য"-ঐক্ষাকুরে

পুরাকালে করিয়াছে নাশ।

রাম।—শত্রু সর্বতোভাবে বধা বটে, কিন্তু তাই বলে' অপরিমেয় কঠোরতপা একজন অলৌকিক মহাবীরকে সামান্য লোক বলে' নির্দেশ করাও উচিত হয় না।

লক্ষ্ম।—যে ব্যক্তি বীরপুরুষের আচার-ব্যবহার পরিত্যাগ করেচে, তার আবার বীরত্ব কিসের ?

রাম।—ভাই, ও কথা বোলো না।

কৃতবিদ্য হইয়াও,

উচ্চ কুলে জনমি সুক্ষণে

ধর্মপথ হতে ভ্রষ্ট

—হেন কথা বলিব কেমনে ?

তা ছাড়া, সকল গুণ

নাহি থাকে কভু একজনে।

হেলায় জিনিল যে গো দেব ষড়াননে

সেই ভগবান্ ঋষি জ্ঞানদগ্ধ্য বিনে—

নিরবিঘ্নে যে করিল ত্রিভুবন জয়

তাহার মতন বীর কেবা আর হয় ?

রাক্ষ।—ওগো! এতে চিন্তার বিষয় কি আছে ?

ইন্দ্রবজ্র হয়ে পাত যার বক্ষে তৎক্ষণাৎ

চূর্ণ হয়ে হয় নিষ্পেষিত,

—খণ্ডগুলি প্রবেশিয়া, ক্ষতগ্রস্থি উৎপাদিয়া

কিণ-অঙ্করূপে উদ্ভাসিত।

ঐরাবত-দন্তোত্তম যার পরে পশুশ্রম

—ভুবন-বীরের সেই বৃকে।

নৃপবালা এই সীতা হউন গো বিরাজিতা

সুরনারী-গাঁথা মাল্যরূপে ॥

(নেপথ্যে কলরব)

রাজা।—ভগবন্! যারা এই যজ্ঞে নিমন্ত্রিত হয়েছেন, সেই সব ঋষিরা নানাদিক হতে স্ত্রী-পুত্রের সহিত এখানে আসছেন, তাই উচ্চনাদে এই কলরব হচ্ছে।

(সকলের উত্থান)

লক্ষ্ম।—এ আবার কে ?

বৃহৎ নর-কপাল

গাঁথা দিয়া অস্ত্রজাল

করকশ নলতুণ-প্রায়।

যেন কত কক্ষণ

শব্দ করি' ঝড়ন

সমস্ত অধরতল ছায়।

পীতবর্ণ-উদ্ভাসিত

উদ্ভাসিত রক্ত-ছটা,

ধাইয়া আসিছে রড়ে

বিধা।—

স্বকেতুর কণা এই

রাক্ষসী তাড়কা নাম

কণ্ডাঘয়।—কাকা! কাকা! এ কি ভয়ঙ্কর মূর্তি!

রাজা।—ভয় নাই বৎসে!

বিধা।—(রামের চিবুক স্পর্শ করিয়া) বৎস! ওকে বধ কর।

সীতা।—হা ধিক! উনিও যে বধ করতে যাচ্ছেন ?

রাম।—ভগবন্! ও যে স্ত্রীলোক!

উর্ধ্বি।—দিদির কাছে শুনেছি বটে।

সীতা।—(বিস্ময় ও অহুরাগ-সহকারে) দেখ, স্ত্রীলোক বলে' ওঁর মনের ভাবটা কেমন বদলে গেল।

রাজা।—সাধু রামভদ্র! সত্যই তুমি ইক্ষাকু-কুল-প্রসূত।

রাক্ষ।—ইনি সেই দশরথ-পুত্র রাম ?

উত্তাল তালের মত যে তাড়কা অতিশয়

ভীষণ-দর্শন

—অকম্পিত হয়ে উনি হইলা উত্তত তারে

করিতে নিধন।

বিধা।—বৎস! শীঘ্র বধ কর। দেখচ না, সম্মুখে ব্রাহ্মণগণের জনতা হয়েছে।

রাম।—এর ভাল মন্দ আপনিই জানেন।

সর্ব-দোষ হতে মুক্ত তুমি ভগবান্,

তাই তুমি হইয়াছ বেদের সমান,

তোমারি আদেশ পুণ্য-পাপের প্রমাণ।

[পরিক্রমণ করিয়া প্রস্থান।

সীতা।—ও মা! চলে' গেলেন যে। কি সর্ব-নাশ! প্রলয়-ঝড়ের মত রাক্ষসীটা ওঁকে তাড়া করেছে দেখ।

রাজা।—(ধহু আফালন করিয়া) রোস্ পাপিষ্ঠ! রোস্!



জ্যোতিরিন্দ্র গ্রন্থাবলী

উদ্ভি।—এ কি! স্বয়ং কাকাও যে যাচ্ছেন। বৈজ্ঞানিক মূলতঃ এখন আমি রামভদ্রের নিকট
লক্ষ।—(হাসিয়া) ঐ দেখুন, তাড়কার কি দশা প্রকাশ করচি।

হয়েচে।

হৃদয়ের মর্শ-ভেদী উৎকট কঙ্কপত্র-বাণ
সবেগে বিধিয়া অঙ্গ ক্ষণমাত্র করে খান্ খান্।
ছই নাসা-পুট হতে বৃদবৃদ হইয়া নিঃসৃত
শোণিতের ধারা বহে, ওই দেখ রাক্ষসীটা মৃত।

কণ্ঠায়।—আশ্চর্য্য! আশ্চর্য্য! আ! বাচা
গেল।

রাজা।—ওঃ! রাজপুত্র খুব প্রহার করেচেন।
রাক্ষ।—হা আর্ষ্যা তাড়কা! এ কি হ'ল? লাউ
কি কখন জলে ডোবে?—শিলা কি কখন জলে
ভাসে?

খলিত হইল আহা রাক্ষসপতির আজি
প্রতাপ-গৌরব।
নর-শিশু হতে আজি হইল গো আমাদের
নব পরিভব।

দেখিহু দাঁড়ায়ে আমি স্বজন-হত্যায়,
দৈন্ত জরা রোধে' মোরে কি করিব হয়!

বিশ্বা।—এই তো রাক্ষস-পরিভবের প্রথম
ওঙ্কার।

রাক্ষ।—ওগো! আমার কথার কি উত্তর দিলে?
বিশ্বা।—এ বিষয়ে:—

রাজা জনকের পরে উত্তরের ভার,
ইনি তো গো কুশধ্বজ অনুজ তাঁহার।
তিনিই কণ্ঠার পিতা, কুলজ্যোষ্ঠ, স্বামী
তাঁহারেই প্রভু বলি আমরাও মানি।

রাক্ষ।—কুশধ্বজও বলেন, এর উত্তর কি, তা
বিশ্বামিত্রই জানেন।

বিশ্বা।—(স্বগত) সূমঙ্গল দিব্য অস্ত্রগুলি রামকে
দান করবার এই তো অবসর ও শুভ মুহূর্ত্ত। (প্রকাশ্যে)
সখা কুশধ্বজ! আমি গুরুসেবা-ব্রত পালন করে'
কুশাখের প্রসাদে জ্বন্তক নামে রহস্যময় যে দিব্য অস্ত্র
লাভ করেছিলেম, তার প্রয়োগ ও সংহার এবং তার

ত্রক্ষা আদি পূর্বগুরু বেদমন্ত্র রক্ষার উদ্দেশে
সহস্র বৎসর ধরি' তপস্বী করিয়া, অবশেষে
দেখিলেন, অস্ত্রগুলি সন্মুখে আসিয়া অধিষ্ঠান
—সাক্ষাৎ তপস্বী-ফল —তপ-তেজ যেন মুক্তিমান ॥

রাজা।—আপনার এই দানে রঘুবংশ অনুগৃহীত
হল।

লক্ষ।—আজ কি সৌভাগ্য! দেখ, দেব-তুন্দুভি-
ধ্বনি ও পুষ্পবৃষ্টি হচ্ছে।

রাক্ষ।—আঃ! দেবতারাও রাজ-বিরুদ্ধ কার্যে
অনুমোদন করচেন?

লক্ষ।—এ কি ব্যাপার?

তাপে দ্রুত-বিগলিত কনকে সহসা সিন্ধু
যেন দিক দশ।

পিঙ্গল-বরণ হেতু সন্ধ্যায় আচ্ছন্ন যেন
মধ্যাহ্ন দিবস।

দিব্য-অস্ত্র-সমাগমে ধূম-কেতু-প্রভা-জ্বালে
আচ্ছাদিত নভ।

সুচঞ্চল তড়িতের সঞ্চরণ হেতু যেন
পীতময় সব।

ও দিব্য-অস্ত্রের তেজ সৌর ছাতি ধিকারিয়া
দিশি দিশি হয় বিস্ফুরিত।

ক্রমে সৌর-রশ্মি তাহে আক্রান্ত মিশ্রিত হয়ে
একেবারে যেন গো স্থগিত ॥

কণ্ঠায়।—বিদ্যাতের আলোয় চারি দিক যেন
পীতবর্ণ হয়ে গেছে। কিন্তু এর আলো বিদ্যাতের মত
ক্ষণিক নয়—ওঃ! চোখ যেন ঝলসে যাচ্ছে।

রাক্ষ।—অহো! এই তেজোময় দিব্য-অস্ত্র অতি
ভুলভ! এর তেজোব্যাপ্তি দেখে রাবণ-পুরন্দরের
হৃদয় আমার মনে পড়চে।

প্রকটি সমস্ত বল বজ্র হানিলেন যবে
রাবণের বক্ষে পুরন্দর,
বক্ষে ঠেকি' চূর্ণ হয়ে খণ্ড খণ্ড হয়ে গেল
সুভীষণ সেই সে বজ্রর।

সেই প্রহারের বেগে সহস্র বিদ্যুৎ যথা
আচ্ছন্ন করিয়াছিল সমস্ত আকাশ,
আর যথা রাবণের রোষ দীপ্ত-পিঙ্গ-যুখে
সহস্র বিদ্যুৎ সম ঘোর অট্টহাস
—সেইরূপ দেখি এই অস্ত্রের প্রকাশ।

বিশ্বা।—দেখ রামভদ্র! এই দিব্যাস্ত্রগুলিকে
প্রণাম করে' তার পর মোচন কর।

ব্রহ্মা ইন্দ্র ধনপতি “বর্হি” নামে ভূপ,
রুদ্রারূপ-আদি বেদ-মন্ত্রের স্বরূপ
—ভিন্ন ভিন্ন এই সব দেব শক্তিমান
—ইহাদেরি তপস্তার সার পরিণাম
এই অস্ত্রগুলি; এরা প্রত্যেকে সক্ষম
করিতে ত্রিলোক ধ্বংস অথবা রক্ষণ।

(নেপথ্যে)

মহর্ষি প্রণাম করি,
এই সব দিব্য অস্ত্রচয়
আমার ও লক্ষণের
নিজস্ব যেন গো এবে হয়।

বিশ্বা।—রামভদ্র! তথাস্ত।
লক্ষ্ম।—কি আশ্চর্য্য গুরুদেবের প্রসাদ!

দিব্য-অস্ত্র-জ্ঞানোদয়ে, অভিনব শাস্তি যোগে
প্রতিভা সহসা উন্মীলিত।
এবে যেন মনে হয়, হইয়াছে আত্মা মোর
জ্যোতির্ময় তেজে উদ্ভাসিত ॥

(নেপথ্যে)

শোনো মহাবাহু রাম! তোমার আয়তাদীন
আমরা গো সবে।
বিশ্বামিত্রে জিজ্ঞাসিয়া তুমি ও লক্ষণ বল
কি করিতে হবে?

কন্তাঘয়।—দেবতারা কথা কছেন?—কি
আশ্চর্য্য! কি আশ্চর্য্য!
নেপথ্যে।—ভগবান্ দিব্যাস্ত্রগণ! তোমরা শ্রবণ
কর।

বিশ্বজন-মিত্র যিনি
বিশ্বামিত্র যে ঋষির নাম,

৩য়—৩৪

পুণ্যবলে তাঁহা হতে
পাইয়া গো তোমাদের, রাম
হইল কৃতার্থ আজি;
যাও এবে নিজ নিজ স্থান।
ধ্যানমাত্র এসো কাছে,
এবে লহ মোদের প্রণাম ॥

লক্ষ্ম।—দাদার কথায় দিব্যাস্ত্রগুলি যে অন্তর্হিত
হলেন।

রাজা।—ভগবন্! অলৌকিক শক্তির আধার!
কুশিকনন্দন! আপনাকে প্রণাম।

প্রজলিত তপোদীপ্ত, ভুবনে অতুল শক্তি,
অনন্ত ঐশ্বর্য্য তব, বাথানিতে কে সাহস ধরে?
বাক্য-মন-অবিষয়, তাই প্রতিহত হয়
হতাশ সে স্তবকারী, লোকে তারে কৃপা-দৃষ্টি করে ॥

যে দশরথ-রাজা রামভদ্রের পিতা, তাঁর সহিত
কুটুম্বিতা স্থাপন করতে আমার অত্যন্ত আগ্রহ। কিন্তু
এরূপ জামাতা লাভের আমাদের আশা নাই—কেননা,
দাদা ধর্মুর্ভঙ্গ-পণ প্রচার করে' আমাদের সে আশায়
বঞ্চিত করেছেন।

বিশ্বা।—সে কাজ আমাদের দ্বারা অসম্ভব বলে'
এখনও কি আপনার মনে হয়?

রাজা।—সেই অসম্ভাবনা দূর হোক, এই আমার
প্রার্থনা।

বিশ্বা।—আচ্ছা, তবে:—

শত্ৰু-বরে ধ্যান-মাত্রে
যাহা আসি' হয় উপস্থিত
—রামের সম্মুখে এবে—
সেই ধর্মু হোক অধিষ্ঠিত।

রাজা।—তথাস্ত। (ধ্যান করিয়া প্রণাম)

রাক্ষ।—(স্বগত) ইনি আবার অস্ত্ররূপ প্রস্তাব
করচেন কেন? (প্রকাশে) ওগো কুশধ্বজ! আর
কত কাল ধরে' এ বিষয় বিবেচনা করবে?

রাজা।—বলেচি তো, এ বিষয়ে কি বর্তব্য, দাদাই
জানেন।

রাক্ষ।—তিনি আবার আমাকে বলচেন, এ
বিষয়ের যা কর্তব্য, তা কুশধ্বজই জানেন।

রাজা।—তাই বটে।



(নেপথ্যে কলরব)

ত্রিপুর-অম্বর-যাত্রী, দেব-তেজোদীপ্ত
জলন্ত সহস্র বজ্রে যে ধনু নির্মিত—
রামের:সম্মুখে আসি' হোক অধিষ্ঠিত।

সীতা।—(চুপি চুপি) আমার এখনও সন্দেহ
হচ্ছে।

বিশ্বা।—(রাজার প্রতি)

রাজা।—করি-শাবক যেমন তার ক্ষুদ্র শুণ্ডটি
পর্কতের উপর স্থাপন করে, তেমনি দেখ, বৎস রাম
ধনুকটির উপর নিজ ভুজ-দণ্ড স্থাপন করেছেন।

উর্নি।—উনি কি পারবেন?

রাজা।—ঐ! ধনুগুণের টঙ্কার-ধ্বনি শোনা
গেছে, ধনুও তবে আকৃষ্ট হয়েছে।

উর্নি।—(ছট্টা লজ্জিতা সীতাকে আলিঙ্গন করিয়া)
আমাদের কি সৌভাগ্য!

রাজা।—(সবিস্ময়ে) কি আশ্চর্য্য! ভগ্নও যে
হয়েছে।

রাক্ষ।—(স্বগত) কি আশ্চর্য্য! ছুরাছা হত-
ভাগা রামের শক্তি-সামর্থ্য দেখিচি সকলকেই ছাড়িয়ে
উঠেছে।

লক্ষ্ম।—

দোরদণ্ডে ধনুর্ভঙ্গ, তাহা হতে সমুৎপন্ন
হর-ধনু-টঙ্কার এমনি,
রাম-বাল্য-সুচরিত হয়ে যেন উদ্‌ঘোষিত
সমুখিত ডিঙিমের ধ্বনি।

সে টঙ্কার বেগে দেখি, যেন হয়ে ঠেকাঠেকি
অধ-উর্কে স্বর্গ মর্ত্য যায় উলটিয়া,
ব্রহ্মাণ্ডের ভাঙোদরে, প্রচণ্ড শব্দ কোরে
পিণ্ডিত চণ্ডিমা যেন বেড়ায় ঘুরিয়া।

—কি আশ্চর্য্য! এখনো গো যায়নি থামিয়া?

রাজা।—(সহর্ষে উদ্‌গাদ-বৎ)

এসো বৎস রামচন্দ্রে রঘুর নন্দন!
শির চুর্ষি' করি তোমা গাঢ় আলিঙ্গন।
দিবানিশি হৃদে রাখি ও-পদ-যুগল,
অথবা প্রণমি ওই চরণ-কমল।

(রামের প্রবেশ)

রাম।—এ কি! অতি-বাৎসল্যে আপনি যে
সম্বন্ধের সীমাও লঙ্ঘন কচ্ছেন।

বিশ্বা।—আপনি গুরুজন, বৎস রামচন্দ্র আপ-
নার পুত্রের সমান।

রাজা।—(প্রণাম করিয়া) ভগবন্!

সীতায় লভিলা রাম,
পূর্ণ হইল তব আশীর্ষ বচন।

এই উৎসবে আজি
লক্ষ্মণেরে উরমিলা করিছ অর্পণ ॥

কন্যাদয়।—(সাক্ষ-নয়নে) ও মা! আমাদের যে
সম্প্রদান হয়ে গেল।

রাক্ষ।—(স্বগত) যা দ্রষ্টব্য, তা দেখলেম।

বিশ্বা।—আপনার এই শোভন দান আমরা
শিরোধার্য্য করলেম। এখন আপনার শেষ বক্তব্য
কি বলুন।

রাজা।—না না, আপনিই আজ্ঞা করুন।

বিশ্বা।—আপনার দুই দুহিতা মাণ্ডবী ও শ্রুত-
কীর্তিকে ভরত-শক্রের জন্ত প্রার্থনা করি।

রাক্ষ।—(স্বগত) ভাল, অরণ্যবাসী সাধু ব্রাহ্ম-
ণের সহিত ক্ষত্রিয়ের এ কি বিজাতীয় বন্ধুত্ব!

রাজা।—ভগবন্! এতে কি কিছুমাত্র বিচার
করবার আছে? তবে কথা হচ্ছে, এ বিষয়ে আমি
পরাদীন।

বিশ্বা।—আপনি কার অধীন, বলুন দিকি?

রাজা।—প্রথমে তো আপনার অধীন।

বিশ্বা।—আর কার অধীন?

রাজা।—আর্য্য সীরধ্বজ ও গৌতম শতানন্দের
অধীন।

বিশ্বা।—(হাসিয়া) সীরধ্বজ ও শতানন্দ এ
দুজনের আমিই তো কার্য্যাধ্যক্ষ ও পরামর্শ-দাতা।

রাজা।—তবে এ বিষয়ে যা কর্তব্য, মহর্ষি তা
আপনিই জানেন।

জনক ও রঘুর কুলে

এ সম্বন্ধ কার নহে প্রিয়?

দাতা ও গ্রহীতা যেথা

স্বয়ং আপনি পূজনীয় ॥

বিশ্বা।—বৎস শুন:শেফ! অযোধ্যায় গিয়ে
মহর্ষি বশিষ্ঠকে আমার নাম করে' এই কথা বল:—

এই চারি রঘুপুত্র, নিমিকুল-সমুদ্ভবা
চারি রাজহুতা আমি করিছ অর্পণ।

আদান-প্রদান-কার্য্য উভয় করেছি আমি
একাবারে হয়ে যেন বশিষ্ঠ গৌতম ॥

তার পর, সমস্ত দিন মহর্ষিদের নিমন্ত্রণ করে'
তুমি মহারাজ দশরথের সঙ্গে বৈদেহ-নগরে আসবে।
পরে, মৈথিল-রাজের এই যজ্ঞ সমাপ্ত হ'লে এবং কেশ-
কর্ত্তন প্রভৃতি মাদলিক ক্রিয়া সমারোহের সহিত
অহুষ্ঠিত হ'লে, তার পর কুমারদের পরিণয় হবে।

কুমা।—(স্বগত) এ অপেক্ষা স্থূথের বিষয় আর
কি হতে পারে ?

কঙ্কাদয়।—কি সৌভাগ্য! এখন আর ভগিনী-
দের মধ্যে কখন ছাড়াছাড়ি হবে না।

রাক্ষ।—ওগো, এখনও ধর্ম্ম-কথা শোনো।
তোমরা অল্পকে কঙ্কা যে দান করচ—দেখো, এতে
অনর্থ উপস্থিত হবে।

সবিনয়ে যাচিছেন
জানকীরে পৌণ্ডর্য্য-রাবণ,
প্লাঘ্য এই প্রার্থনায়
না করিছ আদর-যতন ?

ত্রিলোক-পতির সনে সম্বন্ধ বন্ধুতা হবে
ইথে তব নাহি কি আকাঙ্ক্ষা ?

নতুবা গো অল্পভাবে সীতারে যাইতে হবে
রাবণের পুরী সেই লক্ষা।

পুরন্দর-পুরী-মাঝে পুরাকালে ঘটিল যে
দারুণ ব্যাপার

—দেখো যেন তোমাদেরো সেইরূপ বন্দিতা
না হয় আবার।

(নেপথ্যে কলরব)

রাজা।—অকাল-মেঘের মত বহুসৈন্য নিয়ে কে
ছজন ছুটে আস'চে ?

বিন্দা।—

সুবাহ, মারীচী রক্ষ
—তাহাদেরি ইহারে নন্দন,

সুন্দ উপসুন্দ নাম
—ঘোরতর যজ্ঞ-বিনাশন।

তা, দেখ বৎস রামলক্ষণ! এই যজ্ঞ-বিঘ্নকারী
রাক্ষসদের বধ কর।

কুমারদয়।—যে আঞ্জেরে। (বিকটভাবে
পরিক্রমণ)

কঙ্কাদয়।—এখন না জানি আবার কি হবে।

রাক্ষ।—

বেশ হল! ভাল হল! অতীষ্ট হইল সিদ্ধ
—এবে হবে যজ্ঞ বিপর্য্যস্ত।

এ কার্য্যের শেষ দেখি' মাল্যবান অমাত্যেরে
নিবেদিব যা হল সমস্ত ॥

রাজা।—(ধনু আফালন করিয়া) বৎস রাম-
ভদ্র! বৎস লক্ষণ! অপ্রমত্ত হয়ে প্রমত্ত রাক্ষস-
দের উপর জয়লাভ কর।

বিন্দা।—(হস্ত-সহকারে হস্ত ধারণ পূর্ব্বক)

এই দিকে একবার এসো গো রাজন্!

দেখ রাম-লক্ষণের অতুল বিক্রম।

অথর্ব্ব-বেদ-উক্ত

মারণাদি অভিচার-সম

সকল রাক্ষসে এরা

অনায়াসে করিবে নিধন।

[সকলের প্রস্থান।

ইতি কোমার নামক প্রথম অঙ্ক।

দ্বিতীয় অঙ্ক

দৃশ্য—লক্ষায় রাবণ-অমাত্য

মাল্যবানের প্রাসাদ

(মাল্যবান সচিস্তভাবে উপবিষ্ট)

মাল্য।—দেখ, যে অবধি মায়ী-বিজ্ঞা-প্রভাবে,

সিদ্ধাশ্রমের বৃত্তান্ত অবগত হয়েছি, সেই অবধিই :—

ছুড়িয়া ফেলিল দূরে গিরি-নিভ মারীচেরে
তৃণবৎ যে রাজ-তনয়,

সুবাহরো হস্তা যে গো —তাড়কারি সেই রাম
ব্যথিতেছে এ মোর হৃদয়।

আর সেই একজনের দ্বারা তার অসংখ্য অনু-
চরেরাও নিহত হল—এও তারি আশ্চর্য্য!

বধিতে ত্রিপুরাসুরে, দেব-বীর্ঘ্য-সার দিয়া
ব্রহ্মযোনি করিলা নির্মাণ

প্রসিদ্ধ যে হর-ধনু, ছই খণ্ড করি' ভাঙে
সেই ধনু মহাবীর রাম।

আরো, দিব্য-অঙ্গ-বিদ্যা— বিজয়-জননী যাহা—
কুশাখের শিষ্য বিশ্বামিত্র-

ঋষি হতে লভিলেন অমিত-শকতিশালী
সেই রাম—এও যে বিচিত্র।

বিজ্ঞ মুনি বিশ্বামিত্র হেরি' চক্ষে মায়াবিৎ
মোদের সে দূত

তবু করিলেন দান রাবণ-বিরোধী দিব্য
অঙ্গ অদভূত ?

এ কি!—বৎসা শূর্ণনখা যে!

(শূর্ণনখার প্রবেশ)

শূর্ণ।—মাতামহের জয়!

মাল্য।—বৎসে! বোসো! রাজ-সন্নিধানে
কোন সংবাদ দেবার আছে নাকি ?

শূর্ণ।—শুনতে পাই নাকি সেখানে বিবাহ-
ব্যাপার সমস্ত সম্পন্ন হয়ে গেছে। আরো শুনতে
পাই, মহর্ষি অগস্ত্য না কি রামের নিকট মঙ্গল-উপ-
হার-স্বরূপ মাহেন্দ্র-ধনু পাঠিয়ে দিয়েছেন।

মাল্য।—যে সকল অস্ত্র জগতের মধ্যে অচিন্ত্য-
শক্তি, রাম সেই সকল অস্ত্র ব্রহ্মর্ষিদের নিকট হতে
লাভ করেছেন। (সচিন্ত)

কত্রের অমোঘ অস্ত্র

ব্রাহ্মণের অমুগ্রহ-ফল।

বিপ্র-আশীর্বাদযুক্ত

ক্ষাত্রতেজ হুর্জয় প্রবল ॥

শূর্ণ।—সে তো মাছুষ বৈ তো নয়—তবে এত
চিন্তা কিসের ?

মাল্য।—বৎসে! তা নয়—তা নয়।

জন্ম-মাত্র যে রাঘব কি যে অলৌকিক রূপ
করিলে ধারণ,

—মর্ত্যে কি আসে যায়— দেবাসুরে গুণ তার
করিছে কীর্তন।

আর, ঋষি দেবগণ চিন্তার অতীত-শক্তি
বস্ত্র আনি' করিছে যোজন।

বরদান-কালে ব্রহ্মা “মর্ত্যে শুধু তব ভয়”
—রাবণেরে বলেন তখন ॥

তা ছাড়া :—

স্বভাবতঃ সেই রাম ধর্ম-রক্ষাকারী
আমরাও ধর্ম-দ্রোহী বিরুদ্ধ-আচারী।

শক্ত প্রতিযোগী তাই রামে হয় বোধ,
তার সনে আমাদের অর্থতঃ বিরোধ ॥

শূর্ণ।—তাতে আর সন্দেহ কি? কিন্তু যখন
দশানন বিংশতি নেত্র ঈষৎ নিমীলিত করে' অধো-
বদনে আছেন, তখন এ বেশ জানি, তাঁর দারুণ হৃদয়-
বেদনার বেগ সহজে নিবৃত্ত হবে না।

মাল্য।—কি আশ্চর্য্য!

বিশ্বের স্বজন-কারী যুগান্তের আদি গুরু
পুলস্ত্য প্রভৃতি সপ্ত ব্রহ্মার নন্দন

জনকের পূজ্য যদি, নহে কি গো প্রিয় তবে
আমাদেরো সনে তাঁর সম্বন্ধ স্থাপন ?

আচ্ছা যেন তাই হ'ল; কিন্তু সেই সুহৃৎ
তপোদীপ্ত দীপ্তশ্রী পৌলস্ত্য রাবণ

—জগতের পতি যিনি —তাঁহার ন্যূনতা কিসে
জনকের হৃদি-মাকে হইল ধারণ ?

অথবা :—

প্রার্থনা প্রকাশি তবু না হইলা তব দ্বারে
আমাদের প্রভু ফলবান।

বরঞ্চ বিষেষ-বশে বিরুদ্ধ-চরিত রামে
করিলে গো তুমি কথাদান।

পরের উৎকর্ষ আর .আয়বশোমান-ভঙ্গ
—স্বীরত্বে না লভি—

কেমনে সহিবে বল ত্রিভুবন-পতি সেই
রাবণ গরবী ?

(নেপথ্য হইতে প্রতীহারীর অর্ধ-প্রবেশ)

প্রতী।—পরশুরামের কাছে যে দূতকে পাঠান
হয়েছিল, সে তমাল-রসে-লেখা এই তালপত্রলিপি নিয়ে
এসেছে। [পত্র দিয়া প্রস্থান।

মাল্য।—(গ্রহণ করিয়া পাঠ)

“স্বস্তি। মাহেন্দ্র দ্বীপ হইতে পরশুরাম লঙ্কার
অমাত্য মাল্যবান্কে অভিবাদন করিতেছেন।”

শূর্ণ।—এ কি রকম? প্রভুর মত অবজ্ঞার ভাবে
পত্রটা লিখেছেন যে!

মাল্য।—“এবং অত্রস্থলে পরম শৈব লঙ্কেশ্বরকে
অভিনন্দন করিয়া বলিতেছেন, তোমার তো বিদিত
আছে, আমরা দণ্ডকারণ্যের তীর্থোপাসক তপোধন-
দিগের প্রতিজ্ঞাপূর্বক অভয় দান করিয়াছি। শূনি-
লাম, সেখানে নাকি বিরাধ, দনু, কবন্ধ প্রভৃতি

বিরুদ্ধাচরণ করিতেছে। অতএব আপনি তাহাদের
নিষেধ করিয়া—সদাচার, আমাদের হিত, ও শৈব-
প্রীতির অনুসরণ করুন।

আপন কল্যাণ-তরে, বিপ্রগণের প্রতি
অত্যাচার করহ বর্জন,
নতুবা সে তব মিত্র, জামদগ্ন্য পশু রাম
দুঃখিত হবেন বিলক্ষণ ॥ ইতি”

শূর্প।—এই কথাগুলি বিলক্ষণ গুরু-গস্তীর অথচ
দৈবং মূঢ়ভাবে বিচলিত।

মাল্য।—কি আশ্চর্য্য! তুমি বলচ কি?—ইনি
আর কেউ নন—ইনি স্বয়ং জামদগ্ন্য।

বংশ, তপ, বিদ্যা, বীর্য্য এ সবে অতিশয়
করিয়া সাধনা
উপচিত শাস্তি যার, সর্কৃত্যাগ করি' যিনি
বিমুক্ত-কামনা,
শৈব-ভক্তি হ্রাস হ'লে প্রভুবৎ আমাদের
দেন উপদেশ,
কভু কোন কার্য্য দেখি' হন আমাদের প্রতি
কঠোর বিশেষ।

(চিন্তা করিয়া)

বৎস!

রামের এ ধর্ম্মভঙ্গ, শঙ্কু-শিষ্য ভার্গবের
হৃদয়ে বাজিবে,
কেমনে পরশুরাম, এই ঘোর অপমান
সহজে সহিবে?
পরস্পর-ক্রোধ-বশে, রণে দৌহা-প্রাণ যদি
হয় গো সংকার
তাহা হ'লে এর চেয়ে, সুসংবাদ আমাদের
কিবা আছে আর?

এর মধ্যে যারই জয় হোক না, আমাদের
পক্ষেই ভাল। ক্ষত্রিয়স্তুক পরশুরাম রাজপুত্র
রামের উপর যদি জয়লাভ করেন, তা হলে তাকে
বধ না ক'রে তাঁর ক্রোধ-শাস্তি হবে না। এইরূপে
রাম-নিধনরূপ অভীষ্ট আমাদের সিদ্ধ হবে। আর
যদি রাম বিজয়ী হন, তা হলে ব্রাহ্মণপ্রিয় রাম
ব্রহ্মর্ষিকে কখনই বধ করিবেন না। তখন পরশু-
রাম জীবমুক্ত হলেও পরিত্যক্ত অস্ত্র আবার গ্রহণ কর-
বেন—এরূপ হলে আরও তুমুল কাণ্ড উপস্থিত হবে।

শূর্প।—এ দুয়ের মধ্যে প্রভেদ কি?

মাল্য।—যদি জামদগ্ন্য অরণ্যব্রত রাখাকে সধ
করতে গিয়েও তার প্রাণবধ করতে না পারেন,
আর সেই রাজপুত্র রাম যদি পুনর্বার জয়াভি-
লাষে বদ্ধপরিকর হয়ে প্রকৃষ্ট-উৎসাহ-শক্তি-সম্পদ-
যুক্ত ধর্ম্ম-বিজয়ী ভার্গবকে পরাভূত করেন, তা হলে
সকলেই তখন বিজয়ীরই পক্ষাবলম্বী হবে। আমরা
যে দেবতাদের বলপূর্ব্বক পরাভূত করেচি—অস্ত্র-
নিহিত-কোপ সেই দেবতারারও তখন সহসা বিজয়ীর
আশ্রয় গ্রহণ করবেন। আর অসুরদের কর্তৃক
দেবতারার অপমানিত হওয়ায়, ত্রিভুবনের প্রজাবৃন্দও
যে অসুরদের উপর নিত্যরুষ্টি, সে কে না জানে?

কার্ত্তবীর্য্যে বধ করি', করিলেন ঘেই মুনি
সর্কৃত্ত-নিধনের মঙ্গলাচরণ
—সেই দুষ্ট ভার্গবের উচিত দমন হ'লে
পরে যদি পরাভূত হয়েন রাবণ,
ধর্ম্মিষ্ঠ অথচ বলী সৌম্যাচারী রাম
একমাত্র বিশ্বপতি হবেন তখন।

শূর্প।—এখন তবে কি কর্তব্য? এ বিষয়ে চিন্তা
করে' আপনি কি স্থির করলেন?

মাল্য।—এখন পরশুরামকে উত্তেজিত করাই
কর্তব্য।

শূর্প।—রাম যদি তাকে পরাভব করে, সেওতো
বড় দোষের কথা হবে।

মাল্য।—তা হলেও বলের দ্বারা তার প্রতীকার
হতে পারে, কিন্তু—

সেই পঞ্চভূত যদি থাকে এই ভবে,
আর যদি শক্তিচয় থাকে সেই সবে,
কার সাধ্য পরাভব করে গো ভার্গবে?

এখন তবে ওঠো—মিথিলায় যাওয়া যাক।
প্রথমে চল মহেন্দ্র-দ্বীপে গিয়ে ভগবান্ ভার্গবের
সহিত সাক্ষাৎ করি গে।

মাহাত্ম্যে গভীর যিনি শুচিগণ-অগ্রগণ্য
সুজন সরল।
প্রশান্ত প্রসন্ন-চিত পুণ্যের সমষ্টি যিনি
বিখের মঙ্গল।
প্রভূষে উৎকর্ষ যার আর যার তপস্কার
বিগুহ বিকাশ

—হেরি সে পরশুরামে বল হয় উত্তেজিত,
পাপ হয় নাশ।

[উঠিয়া পরিক্রমণ ও প্রস্থান।

ইতি বিষ্ণুস্তক।

নেপথ্যে।—ওগো বিদেহ-নগরস্থ রাজাস্তঃপুর-
চারিগণ! কল্যাস্তঃপুত্রগত রামভদ্রকে এই কথা
বলঃ—

কৈলাসের উত্তোলনে, আর, ত্রিভুবন জয়ে
ভুজ-বল যাহার প্রথিত

সেই রাবণের যিনি ছবুদম রণ-মদ
করেন গো হেলায় শমিত

—হুর্জয় সে কার্ত্তবীৰ্য্য; তার স্বরূপ ছেদি যিনি'
ক্রোধবশে কুঠারের ঘায়

করিল নিশুও-শাখা তরুসম পুরাকালে
—উপনীত তিনি গো হেথায়।

একবিংশবার যিনি করেন ক্ষত্রিয়কুলে
সম্যক্ সংহার,

ক্রৌঞ্চ-গিরি ভেদি যিনি করেন এ ধরাতলে
নব হংস-দ্বার,

হেরস্ব-ভিরঙ্গি-আদি ভূত-সৈন্তবল যার
—সেই তাড়কারি,

তাহারে জিনিলা যিনি —সেই বীর জামদগ্ন্য
মহা-ধনুর্ধারী।

নিজ গুরু শঙ্করের
ধনু ভগ্ন হইয়াছে শুনি'

তোমারে গো জিজ্ঞাসিতে
রোষ-ভরে আইলেন যুনি।

(ধৈর্য্য-সহকারে রাম ও অস্তঃপুরে হইয়া সীতা
ও সখ্যের প্রবেশ)

রাম।—

মহাভাগ্য-মহানিধি, মহাদেব-শিষ্য যিনি,
বিষ্ণু চরিত যার বেদ অধ্যয়নে,

—ভৃগুকুল-পতি সেই পরশুরামেরে আমি
—কি সৌভাগ্য মোর আজি—দেখিব নয়নে।

আমারেও দেখিবারে তিনিও উৎসুক অতি;
কিন্তু এ সরলা সীতা পেয়ে মনে ত্রাস

লজ্জা ত্যজি' আসি' হেথা নিবারণ করে মোরে
কুলদ্বী-উচিত স্নেহ করিয়া প্রকাশ।

সীতা।—দেখ সখ্য! উনি আবার এখানে কি
জন্মে?

সখ্য।—কুমার! এত তাড়াতাড়ি করবার কি
দরকার?

রাম।—এ সময়ে উৎসাহ-উত্তম সংযম করে'
নিশ্চেষ্টভাবে থাকা উচিত হয় না।

সখ্য।—শুনেছি নাকি সেই পরশুরাম বারম্বার
সমস্ত জীবলোককে নিঃক্ষত্রিয় করে' ভয়ানক কাণ্ড
করেছিলেন।

রাম।—সেই মহাজ্ঞান-নিধির মাহাত্ম্যের কি
ঐখানেই শেষ মনে কর?

কার্ত্তিক-বিজয়ে শ্লাঘ্য বিখ্যাত সে বাহু-বল
করিয়া প্রকাশ,

একবিংশতি বার বিপুল ক্ষত্রিয়কুলে
করিয়া বিনাশ,

কাশ্যপ গুরুরে তিনি সধীপা সমগ্র পৃথ্বী
অশ্বমেধে করিলেন দান,

বাণ-প্রয়োগের ভয়ে সমুদ্র সরিয়া দূরে
তাজ্জভূমে করিল প্রস্থান।

এ সমস্ত করি' তিনি বিষম কঠোর তপ
করিছেন এবে অহুষ্ঠান ॥

(নেপথ্যে)

অব্যাহত-পরাক্রম ভার্গব এক্ষণে
পশে রোষে অস্তঃপুরে রাম-অন্বেষণে।

বেত্র-পাণি রক্ষিগণ
ভগ্ন-বল বিষয় অন্তরে

কষ্টে হেরে সে মুরতি
দৃষ্টি-ঘাতী—ত্রস্ত দৃষ্টি-ভরে,

আর, যত পরিজন
মুক্তকণ্ঠে হাহাকার করে!

রাম।—ইনিই তো শিষ্টাচার-পদ্ধতির প্রণেতা।
তবে, এমন বিদ্বান্ হলে, একরূপ ভুল করচেন কেন?
আচ্ছা, আমি গুর কাছ যাকি। (ধীর ও উদ্ধত-
ভাবে পরিক্রমণ)

সখ্য।—ওঃ! চারিদিকেই “হা হা! মহারাজ!
চন্দ্রমুখ! হা রামচন্দ্র! হা জামাতা!”—এইরূপে
সমস্ত অস্তঃপুরের পরিজনেরা কাতরভাবে বিলাপ

করচে।—ঠাকরণ! আপনি স্বয়ং প্রভুকে এই কথা জানান।

সীতা।—তিনি ভাড়াতাড়ি চলে' গেলেন—আচ্ছা, আমি এখন তাঁর কাছে যাচ্ছি। (পরিক্রমণ)

সখ্য।—কুমার! কুমার! দেখুন, ঠাকরণ বিহ্বল-চিত্ত হয়ে, বিপথে কোথায় যে চলে' যচ্ছেন, তার ঠিক নেই।

রাম।—(সপ্রেম অমুকম্পা-বশতঃ ফিরিয়া আসিয়া) দেখ, সীতা অত্যন্ত কাতর হয়ে পড়েছেন—তুমি ওঁকে সাহায্য কর।

সখ্য।—সখি! স্বরাসুর-মর্দন-সমর্থ ত্রৈলোক্য-মঙ্গল, মহতী 'জয়শ্রী-লাঞ্ছিত বিক্রম-বিলসিত-নেত্রোৎপল-শোভিত স্নেহ-বিকশিত কুমারের মুখ-পদ্ম তো সর্বদাই তোমার সম্মুখে দেখতে পাও—এখন কুমার বিজয়-অভিমুখে যাত্রা করছেন—এখন কেন উদ্ভ্রান্ত হচ্ছ বল দিকি?

সীতা।—ওয়ে নিঃকলিয়কারী পরশুরাম—তাই আমি এত উদ্ভিগ্ন হয়েছি।

রাম।—প্রিয়ে! নিরুদ্ভিগ্নমনে ফিরে যাও।

মধুক-কুমুম-কান্তি
অঙ্গ তব লাবণ্যের সার,
তাহে হইতেছে এবে
আতঙ্ক উৎকম্প অনিবার।

মুহূর্ত্ত করহ সহ
—এখনি গো আসিব আবার।

গুরু শ্বাসে নিপীড়িত
আধ-ফুটো পয়োধর-ছটি
ত্রিবলী-তরঙ্গ-রাজি
পরে যেন পড়িতেছে লুটি'
এবে শুধু ভয় হয়
—ক্ষীণ-মধ্য পাছে যায় টুটি'।

(নেপথ্যে)

ওগো! অন্তঃপুরচারী রক্ষিণ! কোথায় দাশরথি রাম?

ত্রীলোকগণ।—কি সর্বনাশ! কি সর্বনাশ! উনি যে আবার কুমারকে ডাকছেন।

রাম।—যিনি অকুটিল সরল সাহসের প্রভাবে অতি দারুণ কাণ্ড সম্পাদন করেছিলেন—পুঙ্করাবর্ত্তক

মেঘ-গর্জনের শ্রায় তাঁর সেই পরিপূর্ণ গম্ভীর কণ্ঠস্বর আমার কানে কি ভালই লাগে! (পরিক্রমণ)

সীতা।—এখন উপায় কি? (রামের ধনু আটকাইয়া) আর্ধ্যপুত্র! যতক্ষণ না পিতা আসেন, ততক্ষণ তুমি ওখানে যেও না।

সখ্য।—ভয়ে দেখিচি প্রিয়সখীর লাজুকতা চলে গেছে।

রাম।—(স্বর্গত) অনুরাগে আমি পরাস্ত হলেম। (প্রকাশ্যে) আচ্ছা, আমি তবে ধনু ত্যাগ করে' এখনি শূন্য-হস্তে যাই।

(নেপথ্যে)

ওগো! অন্তঃপুরচারী রক্ষিণ! দাশরথি রাম কোথায়?

সীতা।—আমি তবে ওঁকে আটকে রাখি।

রাম।—কি আশ্চর্য!

তপোবল-নিধি সেই ভার্গবের আগমনে
একদিকে করে আকর্ষণ
সংসঙ্গ-অনুরাগ আর বীর-রসোন্মাদ;
অত্র দিকে দেখ গো এখন
বৈদেহীর আলিঙ্গন চন্দন-শশাঙ্ক সম
—সুশীতল অতি—

উৎপাদি আনন্দ মনে চৈতন্য বিলোপ করি'
রোধে মোর গতি।

সখ্য।—দীপ্যমান দিবাকর-উদ্ভাসিত বপু
—তাহার সংযোগে আরো অধিক ভাস্বর
সুতীক্ষ্ণ পরশু হস্তে করিয়া ধারণ,
সর্বক্ষত্র-নাশী সেই ভার্গব আগত;—
সহস্র অনল-শিখা সম বিশৃঙ্খল
জটাভার; দীর্ঘ দৃঢ় পাদক্বেপ-ভরে
আকুল বিহ্বল হয়ে কাঁপে বসুন্ধরা।

রাম।—

এই সে ভার্গব মুনি
ত্রিভুবনে বীরের প্রধান
তেজোরশি, তপোবল
হৃয়ের মিলন মূর্ত্তিমান,
প্রচণ্ড সে বীররস
পিণ্ডভাবে যেন অধিষ্ঠান।
পুণ্যবান্ হইলেও ভীম-কর্ম্মা অতি
ব্রতের পরম নিধি, অমিত-শক্তি,

—সৌম্য দারুণ মূর্ত্তি করিয়া ধারণ
বিরাজ করেন (সবিস্ময়ে) যেন অথর্ক-নিগম।
মহারাজ কাল-অগ্নি প্রণয়-প্রণয়ী যিনি,
দেব-দেব ত্রিপুর-নাশন।
উপজিলে ক্রোধ, যার অতি তীক্ষ্ণ শক্তি-সার
বিনাশিতে পারে ত্রিভুবন
—তঁার সেই শক্তি-রাশি পৃথক্ হইয়া আসি
বিপ্ররূপে উদয় এখন।

অহো! ইনি আপনার ইচ্ছামত কি অদ্ভুত
সাজেই সজ্জিত হয়েছেন।

দীপ্ত শিখা-উদ্ভাসিত ভাস্বর কুঠার-অস্ত্র
রহে সন্নিধান।
স্বক্কে তুণ, শিরে জটা, পৃষ্ঠে ধনু, মুগ-চর্ম্ম
চীর পরিধান।

বিরাজিছে হস্তে শর, অমমালা-অক্ষ-সূত্র
বলয়-আকারে,
অহো! এই পরিচ্ছদ উগ্র শাস্ত্র ছই শোভা
ধরে একাধারে।

প্রিয়ে! দেখ, ইনি পূজনীয় ব্যক্তি, তুমি এখান
থেকে গিয়ে অবস্ৰ্গন পরে' এসো।

সীতা।—কি সর্ব্বনাশ! সেই পরশুরাম আবার
এসেছে? (অঞ্জলিবদ্ধ হইয়া) আমাকে রক্ষা কর—
রক্ষা কর—জানি নাথ তুমি বীরজনপ্রিয়—কিন্তু
আমাকে ক্ষমা কর—ওর কাছে তুমি যেও না।

রাম।—দেখ প্রিয়ে!

ওই যে গো মহামুনি অদ্বিতীয় বীর উনি
—তাই মোর সমধিক প্রিয়।

ক্ষত্রিয়া তুমি গো সীতা কেঁপো না গো হয়ে ভীতা
—ক্ষত্র হয়ে ছিছিছি ও কি ও?

এ অগতে কীর্ত্তি যার হয়ে আছে সুবিস্তার,
দর্পে হয় বাহু কণ্ডুয়ন

—সেই সে সমর-কামী ক্ষত্রিয় রাঘব আমি
—আমি ওঁরে ভেটিতে অক্ষম?

(ত্রুঙ্ক জামদগ্ন্যের প্রবেশ)

জাম।—কি আশ্চর্য্য! ছরাস্মা ক্ষত্রিয়-বটু একে-
বারে আশ্চর্যান-রহিত দেখ্ চি।

শঙ্কর ভবানীপতি— সর্ব্বভূতে দয়া যার,
শাস্ত্র-আত্মা অতি

—ধনু তাঁর করি' ভগ্ন না যদি করয়ে শঙ্কা
তাঁরে এক রতি,
শোনে নিকি ক্ষত্র-বটু মহাদেব-পুত্র সেই
কার্ত্তিকের নাম?

—মদাক্ত তাঁরকে বধি' বিধেরে আনন্দ যিনি
করেন প্রদান?

অথবা শোনেনি সে কি আছে শত্রু-প্রিয় শিষ্য
স্বন্দেরি সমান?

আমার ক্রোধ-শাস্ত্রিই দেখ্ চি এই দারুণ পরিণাম।
উন্মাদন ভুজবলে, যে সব ক্ষত্রিয়-পরে
কষ্টে আধিপত্য আমি করিছ স্থাপন
—সেই সব ক্ষত্রগণ পুনঃ দেখি ধনু ধরে,
তাদের ঔক্রত্য পুন করি যে শ্রবণ।

রাম।—তপ-তেজ বীর্য্য যার

করে নাহি কেহ অতিক্রম,

যশোনিধি সেই মুনি

সত্য গর্বে পূর্ণ যার মন,

আমার এই হস্ত আজি

তাঁর প্রতি ধায় রোষ-ভরে

নব-ধনু-শিক্ষা-বলে

দর্প চূর্ণ করিবার তরে;

তা ছাড়া, বন্দিতে ব্যগ্র

পূজ্য ও চরণ ছটি ধরে'।

কিন্তু তাও বলি, শিষ্টাচারের উনি উপযুক্ত পাত্র নন।
জাম।—ওগো অস্তঃপুর-রক্ষীগণ! কোথায় সে
দাশরথি রাম?

রাম।—এই যে আমি। এই দিকে আসুন—এই
দিক দিয়ে।

জাম।—সাধু রাজপুত্র সাধু! তুমি যথার্থই
ইক্ষাকু-বংশীয়।

ক্ষত্র জাতি-পরিশুদ্ধ

দেখি তব সাহস-বিক্রম।

করি-কুস্ত-বিদারণ

সিংহ করে যেই অঘেষণ

আর অগ্নি দর্প-ভরে

আপনারে করিলে অর্পণ?

জীলোকগণ।—স্বস্তি! স্বস্তি! রামের যেন
কোন অমঙ্গল না হয়।

জাম।—(নিরীক্ষণ করিয়া স্বগত) ক্ষত্রিয়-
কুমারটি বড়ই সুন্দর—ওকে বধ করব ?

শিরে শোভে কাক-পক্ষ, আনন হয় গো লক্ষ্য
স্বভাবতঃ গম্ভীর সুন্দর ।
দেখে মনে হয় হেন প্রউঢ় ও বাল্য যেন
ধরে শোভা হয়ে একতর ।
সহসা দেখিয়া ওরে সৌন্দর্য্যে মন যে হরে
—তবু হবে বধিতে উহারে ।
কি আশ্চর্য্য হয় হয় ! কি আর আছে উপায়,
ধিক্ এ নিষ্ঠুর বীরাচারে !

(প্রকাশ্যে)

অক্ষুণ্ণ যে হর-ধনু
পূর্বে কভু পায়নি আঘাত
হইল ষিখণ্ড এবে
—এই কথা শুনি অকস্মাৎ
ক্রোধানলে প্রজ্জ্বলিত ভার্গব পরশুরাম
ভয়ঙ্কর অতি ।
জলন্ত-পরশু তাঁর এখনি গো তব কণ্ঠে
হইবে অতিথি
—বারতরে শঙ্করের “খণ্ডপরশু” নাম
ত্রিলোকে বিস্তৃতি ।

স্রীলোকগণ।—কি সর্কনাশ ! কি সর্কনাশ !
উনি যে একবারে রেগে আশুন ।

রাম।—(দৈর্ঘ্য, বহুমান ও কোতুকের সহিত
নিরীক্ষণ করিয়া) আপনি তো সেই মহাত্মা—যিনি
পুরাকালে সটৈসন্ধ্য কার্তিকেয়কে পরাজিত করায়,
মহাদেব আপনার গুণে বশীভূত হয়ে, সহস্র বৎসর
পর্যন্ত আপনাকে শিষ্য করে’ রাখেন, আর শেষে
প্রীত হয়ে এই পরশুটি প্রসাদ-স্বরূপ দান করেন ?

সখ্য।—ঠাকরণ ! দেখ দেখ, রাজকুমারের মনে
যথেষ্ট ভক্তিতাব আছে, অথচ নিষ্কম্প ধীর-গম্ভীরভাবে
ভগবান ভার্গবের ঐ অস্ত্রকে যেন উপহাস করচেন ।

সীতা।—(সবিস্ময়ে অস্ত্র-দর্শন)

জাম।—(স্বগত) আশ্চর্য্য ! আশ্চর্য্য ! মহা-
বীরমাত্রেয়ই এইরূপ ভাব । সে যে কি অচিন্ত্যনীয়
মহাত্ম্য ও সৌজন্ম, তা কোন লক্ষণের দ্বারা নিরূপণ
করা যায় না—ক্রোধে গম্ভীর, পৌরুষে ধীর ।
(প্রকাশ্যে) রাম ! দাশরথি ! হাঁ, এই সেই পূজ্যপাদ
গুরুদেবের প্রিয় পরশু ।

৩৪—৩৫

সখ্য।—যা হোক, এই আলাপে মনে হয়, ক্ষণ-
কালের জন্মও যেন কোপের শাস্তি হয়েছে ।

জাম।—

অস্ত্রের প্রয়োগে শিক্ষা কার শ্রেষ্ঠতর
—কার্তিকে আমাতে ইথে বাধিল সমর ।
ভূত-সৈন্যে হইলেও কুমার বেষ্টিত
করিলাম আমি তাঁরে যুদ্ধে পরাজিত ।
গুণপক্ষপাতী গুরু দেব ত্রিলোচন
অল্পতেই হয়ে তুষ্ট, করি’ আলিঙ্গন
করিলেন এই অস্ত্র মোরে অরপণ ।

রাম।—(স্বগত) কি ?—“অল্পতেই” এই কথা
বলেন না ? অহো ! গর্ক-গৌরবের এ যে পরাকাষ্ঠা ।
(প্রকাশ্যে) সেই জন্মই তো ভগবান ! আপনার
বীর-মশ ভুলোক-দ্যালোকে বিস্তৃত ।

সুপ্রচণ্ড চণ্ডীপতি ত্রিভুবন-গুরু সেই
দেব-দেব শত্রু ভগবান ।
যে পরশু-সংস্রবে ত্রিলোকে প্রথিত তাঁর
“খণ্ডন-পরশু” এই নাম,
—তারকারি স্কন্দে জিনি’— সে পরশু লাভ করি
খ্যাত তুমি গো পরশুরাম ।
জমদগ্নি-পুল্ল তুমি, তব গুরুদেব সেই
পিনাকী মহেশ ভগবান ।
তব মহাবলবীৰ্য্য— বাক্য-অগোচর যাহা—
কার্য্যে তার ব্যক্ত পরিণাম ॥

সপ্ত সিদ্ধ-মহী তব
অকপট বদাশ্রুতা-সীমা ।

ক্ষত্রব্রহ্মতপোনিধি !
অলৌকিক তোমার মহিমা ॥

সখ্য।—রাজকুমার জানেন, গুরুজনদের কিরূপ
প্রিয় কথা বলতে হয় ।

জামদগ্ন্য।—

ওগো রাম ! হৃদি তব যেমন মহান্
তেমনি গো তুমি সর্ক-নয়নাভিরাম ।
না জানি কি গুণে তুমি এত রমণীয়
সর্ক্যাংশেই তুমি মম হৃদয়ের প্রিয় ।
হেরঘের এক দস্তে বিদ্ধ যেই বক্ষ,
কার্তিকের বাণ-চিহ্ন যাহে হয় লক্ষ্য,



সেই বক্ষ পাতি দিয়া —লভিয়া গো তোমা হেন
অলৌকিক বীর—
ইচ্ছা হয় আলিঙ্গিতে ; সত্য কহি, দেখ মোর
রোমাঞ্চ শরীর ।

সখ্য।—ঠাকুরাণি! দেখ, আমাদের রাজকুমার
লোকের কত প্রিয়। তুমিই কেবল লজ্জায় পরা-
শুখী হয়ে তাঁর সংসর্গ-স্থ হতে আপনাকে বঞ্চিত
করুচ।

সীতা।—(অশ্রুপূর্ণ-নয়নে নিঃশ্বাস ত্যাগ)

রাম।—ভগবন্! আপনি আলিঙ্গনের কথা
বলুচেন—কিন্তু এ ব্যাপার যে তার বিপরীত।

সখ্য।—(স্বগত) এঁর ধীর-স্নিগ্ধ বিনয়ও কেমন
আত্ম-গৌরবে ভূষিত!

জাম।—(স্বগত) এই রাজকুমারের অন্তঃকরণটি
দেখি চি সৌজ্ঞপরিপূর্ণ, আর ইনি আত্ম-পর উভ-
য়েরই সমান গুণগ্রাহী। এই প্রকৃত বিনয়ের সঙ্গে
সঙ্গে মহান্ অহঙ্কারও যে বিদ্যমান, তা নিপুণবুদ্ধি
ব্যক্তি ভিন্ন সহসা কেউ বুঝতে পারে না।

অপূর্ব চরিত্র এঁর
অলৌকিক অদভুত অতি
আকৃষ্ট আমি গো তাহে
—তবুও অনাস্থা আমা প্রতি ?
না জানি কি পদার্থ এ
দেখি বীর-শিশুর আকারে
বিধাতা গড়িল যেন
অপ্রমেয় মাহাত্ম্যের সারে।

আশ্চর্য্য!—

সবার বাঞ্ছিত পুণ্য
—ত্রিভুবনে অভয়-প্রদান ;

—সেই পুণ্যরাশি দিয়া
যেন ওই দেহের নির্মাণ।

বিস্মুরিত তাহে লক্ষ্মী, মান, পরাক্রম।
সাত্বিক-গুণ-উজ্জ্বল তেজ ও ধরম ॥

লোক-ত্রাণতরে যেন তিন বেদ করিল গো
মুরতি গ্রহণ।

বেদ-রত্ন-রক্ষা-তরে ফাল্গু ধর্ম করে যেন
শরীর ধারণ ॥

শক্তির সমষ্টি, আর
বিশ্বের সমস্ত গুণ-রাশি,

নিখিল সঞ্চিত পুণ্য

আবিভূত যেন দেহে আসি' ॥

(প্রকাশে) ওগো! এই বধুটিকে ভিতরে নিয়ে
যাও।

রাম।—(স্বগত) বটে বটে।

(নেপথ্যে)

ধনুর্ধারী সীরধ্বজ

করিছেন হেথা আগমন।

আর তাঁর পুরোহিত

শতানন্দ ঋষি গউতম ॥

সখ্য।—ঠাকুরাণ! তোমার পিতা এসেছেন।
এসো, আমরা ভিতরে যাই।

সীতা।—(স্বগত) ভগবতি সংগ্রাম-লক্ষ্মি!—
আর্য্যপুত্র যেন বিজয়ী হন—কৃতাজলি হয়ে এই
প্রার্থনা করি।

[নারীগণের প্রস্থান।

জাম —

মনীষী জনক ইনি— শতানন্দ পুরোহিত
যাঁহার রক্ষণে নিয়োজিত,
আদিত্যের শিষ্য সেই যাজ্ঞবল্ক্য মুনি যারে
ব্রহ্মজ্ঞান করিলা বিবৃত।

যদিও ইনি সদাচারী, তবু ক্ষত্রিয়। তাই এঁকে
দেখে যেন আমার শিরঃশূল উপস্থিত হচ্ছে।

(ব্যস্তসমস্ত হইয়া জনক ও শতানন্দের প্রবেশ)

শতা।—রাজন্! এ স্থলে এখন কি কর্তব্য ?

জন।—ভগবন্!

মহর্ষি পরশুরাম অতিথি যদি গো হন
এই গৃহে এসে,

পাণ্ড-অর্ঘ্য কুশাসন বিপ্রবরে দেওয়া হোক
—মধুপর্ক শেষে।

কিন্তু পুত্র-রত্ন পরে করেন যদি গো ইনি
শক্রতাচরণ,

তা হ'লে করিতে হবে ইহার বিরুদ্ধে যুদ্ধ
ধনুক ধারণ।

(পরিক্রমণ)

রাম।—ভাল, আপনি এত অশ্রু মোচন করুচেন
কেন ?

জাম।—না না—ও কিছু না।
 যারে হেরি' সুখরাশি একত্র মিলিয়া যেন
 চিত্ত মাঝে হয় গো বিস্তার,
 যারে হেরি' হৃদি-মাঝে জনমে প্রগাঢ় স্নেহ
 —নয়নের আনন্দ অপার,
 সেই গো শ্রীমান্ তুমি মঙ্গল-কঙ্কণ, হস্তে
 করিয়াছ নব পরিধান।
 হৃদয়ের প্রিয় তুমি তুমিই করেছ মোর
 গুরুদেব শিবে অপমান।
 তাই তুমি বধ্য এবে, তথাপি হতেছে ইথে
 ব্যথিত গো এ মোর পরাণ ॥

রাম।—ভার্গব! জানি, আমার প্রতি আপনার
 দয়া আছে।

জাম।—ওরে! মনে করচিস্ কি তুই রক্ষা
 পাবি?

অমৃত-পুরিত স্নিগ্ধ জলদ-সমান
 সুন্দর শরীর তোর কিবা শোভমান
 —সেই দেহে অবস্থিত কঙ্কণ-কণ্ঠ তোর,
 তাহাতে পড়িবে হায় এ কুঠার মোর।

রাম।—সত্যই দেখচি, আমার পরে আপনার
 করুণার উদ্রেক হয়েছে।

জাম।—ওরে ক্ষত্রিয়-ভিষ! শুনতে পাই নাকি
 একটি ক্ষুদ্র নববধূকে তুই সম্প্রতি বিবাহ করেচিস্,
 তাই আমার বড় কষ্ট হচ্ছে। একরূপ কষ্ট আমার
 পূর্বে কখন হয়নি, আমার পক্ষে এ এক নূতন
 ব্যাপার।

প্রসিদ্ধ প্রবাদ আছে— লোকেও তা অবিরত
 করে গো কীর্তন
 —জামদগ্ন্য-রাম পূর্বে আপন মাতার মুণ্ড
 করিলা ছেদন।

তা ছাড়া, ওরে মূঢ়!—
 ক্ষত্র-পরে রোষ করি' ক্ষত্র-নারী-গর্ভ হতে
 ক্ষত্র-পুত্র বাহির করিয়া
 ধণ্ড খণ্ড করি' কাটি,' একবিংশতিবার
 রাজকূলে সমস্ত বধিয়া,
 সেই রক্ত-পূর্ণ হ্রদে মহানন্দে স্নান করি'
 পিতৃবধ-রোযানল যে করে শমিত,
 সেই সে পরশুরাম;— উদ্ধাম স্বভাব তার
 সর্বভূত-মাঝে কার নহে গো বিদিত?

রাম।—এ স্থলে তো নৃশংসতা দোষ দেখা
 যাচ্ছে—এতে আবার শ্লাঘা কিসের?

জাম।—আরে ক্ষত্রিয় বটু!—তোর তো ভারি
 ধৃষ্টতা দেখচি।

প্রহার করহ মোরে
 নোয়াইয়া ধনুক তোমার,
 আমি চাই—শত্রুজন
 আগে করে আমারে প্রহার।
 আঘাত করিলে আমি
 অগ্ন্যুদ্গারী প্রদীপ্ত কুঠারে,
 কঙ্কণ-বন্ধ ছিন্ন তব

এখনি যে হবে সে প্রহারে,
 কবন্ধ হইলে পরে
 পারিবে কি পুন মুঝিবারে?

জনক, শতানন্দ।—বৎস রামভদ্র! নিজ শক্তি-
 সামর্থ্যে সম্পূর্ণ বিশ্বাস করে' নির্ভয়ে অবস্থান কর।
 এখন কিছু কাল সহসা কোন কাজে প্রবৃত্ত হয়ো না।
 রাম।—হায়! এখন আবার অনুমতির
 অপেক্ষায় থাকতে হল।

জামদগ্ন্য।—আঙ্গিরস! মঙ্গল তো?

শতানন্দ।—হাঁ, সমস্ত মঙ্গল—বিশেষতঃ আপনার
 দর্শনে। তা ছাড়া;—আপনি যদি অতিথি হয়ে
 এসে থাকেন, আপনি আমাদের পূজ্যতম অতিথি—
 আমরাও আপনার অভ্যর্থনার জন্ত প্রস্তুত।

জাম।—তুমি পুরোহিত, সদাচারী, গৃহাশ্রমী,
 যাজ্ঞবল্ক্যের শিষ্য। সর্বাংশেই যোগ্য—কিন্তু আমি
 অতিথ্য-প্রার্থী নই।

শতানন্দ।—দেখুন, কচ্ছাপুরে সহসা প্রবেশ
 করে' আপনি অস্তঃপুরের মর্যাদা লঙ্ঘন করেচেন।

জাম।—দেখ, আমি অরণ্যবাসী ব্রাহ্মণ।
 রাজগৃহ-ব্যবহারে নিতান্ত অনভিজ্ঞ।

রাম।—(স্বগত) যিনি সমস্ত পৃথিবী দক্ষিণা-
 স্বরূপ কাশ্যপকে দান করেন, অল্প সাধারণ রাজাদের
 প্রতি তাঁর এই গর্কোপহাস শোভা পায়।

জনক।—আমাদের রক্ষিত রাবণ-শিশুর অনিষ্ট
 আপনি কেন ইচ্ছা করছেন?

(কঙ্কণীর প্রবেশ)

কঙ্কণ।—দেবীরা কঙ্কণ-মোচনের জন্ত সমবেত
 হয়েচেন, মহারাজ! বরকে পাঠিয়ে দিন।



জনক-শতানন্দ।—বৎস রামভদ্র! স্বশ্রবণ
তোমাকে ডাকচেন, তুমি যাও।

রাম।—জামদগ্ন্য! দেখুন, গুরুজনেরা আমাকে
এইরূপ আদেশ করুচেন।

জাম।—আপত্তি কি? তুমি যাও, লোক-ধর্ম
পালন কর গে। জ্ঞাতিরা তোমাকে এখন দেখুন।
কিন্তু দেখ, অরণ্যবাসীরা জনপদে অধিক কাল
থাকতে পারে না। তাই শীঘ্র আমি যেতে ইচ্ছা করি।
অতএব অনর্থক যেন কালক্ষেপ করা না হয়।

রাম।—আচ্ছা।

(সুমন্ত্রের প্রবেশ)

সুমন্ত্র।—মহর্ষি বশিষ্ঠ ও বিশ্বামিত্র আপনাকে
আর ভার্গবকে আহ্বান করুচেন।

অন্য লোক।—মহর্ষিরা কোথায়?

সুম।—মহারাজ দশরথের নিকটে।

রাম।—গুরুজনের আদেশ—যাওয়া যাক।

অন্য লোক।—এসো, আমরাও সেইখানে যাই।

[সকলের প্রস্থান।

ইতি পরশুরাম-সংবাদ নামক দ্বিতীয় অঙ্ক।

তৃতীয় অঙ্ক

দৃশ্য—যজ্ঞ-সভা

(বশিষ্ঠ, বিশ্বামিত্র, জনক ও শতানন্দের প্রবেশ)

বশিষ্ঠ-বিশ্বামিত্র।—শোনো জামদগ্ন্য!

যজ্ঞ-পূর্ত-কর্মাদির বিঘ্নকারী মহাশত্রু
যে রাক্ষসগণ

তাদের দমন করি' হলেন ইন্দের যিনি
মিত্র প্রিয়তম,

বজ্রীয় হ্যলোক সম ভুলোকে সৌরাজ্য যিনি
করিল স্থাপন,

যাহার সম্মুখে থাকি' মোরা দৌহে করি সদা
মঙ্গল চিন্তন,

অধিক বলিব কিবা— সূর্য্যবংশোদ্ভব যিনি
—অধিপতি এই বিশ্ব-মাঝে

সেই পুত্র-প্রিয় রাজা বয়োবৃদ্ধ দশরথ
অভয়-যাচেন তোমা-কাছে।

অতএব আপনি এই নিষ্ফল কলহ হতে বিরত
হোন। দেখুন:—

বৃৎ বাছুর এক, হইয়াছে আনা তব তরে,

অন্ন হইতেছে পাক দিয়া তাহে ঘৃত।

শ্রোত্রিয় ব্রাহ্মণ তুমি, আসিয়াছ শ্রোত্রিয়ের ঘরে,
আতিথ্য গ্রহণ করি' কর অপ্যায়িত ॥

জাম।—এ স্থলে আমার নিবেদন এই, যদি রাম
একজন মহাবীর না হতেন, তা হলে আমি তাঁর
আতিথ্য গ্রহণ করতে পারতাম।

শিশু হইলেও দেখ অলৌকিক কার্য্যতরে
সুবিখ্যাত রাম।

“অসহন হইলেও ভার্গব রহিল সহি’

ঘোর অপমান

গুরুজন-বাক্যে শুধু”—এ কথা উঠিলে কে গো
করিবে বিশ্বাস?

বিশ্বাস করেও যদি প্রকৃত কথাটি কে গো
করিবে প্রকাশ?

বীরব্রত যাহাদের প্রায়ই তাহাদের হয়
শত্রু রাশ-রাশ ॥

তা ছাড়া:—

মহৎ জনের যশ শূন্য পরিপূর্ণ করি’
বিশ্বময় হইলে বর্ধন,

একটুও ছিদ্র তাহে পায় যদি অতিকষ্টে
নীচ-চেতা জন-সাধারণ,

বাড়াইয়া তোলে তাহা;—সে কলঙ্ক-কিষ্কদন্তী
কভু নাহি হয় উপশম।

বশিষ্ঠ।—শোনো বৎস! যাবজ্জীবন এই অস্ত্র-
পিশাচকে অবলম্বন করে’ আর কি হবে? জাম-
দগ্ন্য, তুমি বেদ-বিৎ, শ্রোত্রিয় ব্রাহ্মণ ও বনবাসী
—তুমি পবিত্র পন্থার অনুসরণ কর। “মৈত্র, করুণা,
যুদিত, উপেক্ষা” এই চারিটি চিত্ত-প্রসাদনীর বৃত্তির
অনুশীলন কর। তোমার শোক-বিরহিতা জ্যোতি-
গ্নতী সাত্বিকা বৃত্তি বিমলা হোক, আর তুমি পর-
শুকেও পরিত্যাগ কর। এই প্রসন্নতা হতে উৎপন্ন
অন্তঃসাধন-সাধ্য, সর্কার্থ সামর্থ্য-বিশিষ্ট, বলায়িত ঋত-
সুত্র নামক দর্শন-বিজ্ঞান অন্তর্জ্যোতি-বিশিষ্ট ব্যক্তি-
দের নিকট আবির্ভূত হয়, এবং বিপর্য্যাস জ্ঞানরূপ
মলাবরণও দূর হয়। অতএব ব্রাহ্মণের সেইরূপ
আচরণ করা কর্তব্য—যদ্বারা মৃত্যুরূপ পাপকে

অতিক্রম করা যায়। আর তপস্বীতেও তো তোমার
বিলক্ষণ অভিনিবেশ আছে। দেখ :—

ঋষি-পরিষৎ এই, ভরত-মাতুল হেথা
বৃদ্ধ যুধাজিৎ,
অমাত্যগণের সহ আর বৃদ্ধ লোমপাদ
নৃপ উপস্থিত।

অবিরত-যজ্ঞ এই ব্রহ্মবাদী বৃদ্ধ রাজা
জনক-কুলের পতি
—ইনিও তোমার কাছে অভয় দানের তরে
দেখ করেন মিনতি।

জাম।—সে কথা সত্য। কিন্তু—
রামচন্দ্রে বধ করি, শত্রু-মূল যতক্ষণ
করিতে না পারি উৎপাটন
তাবৎ আচার্য্য হরে, আচার্য্যগণী পার্কর্তীয়ে
নারিব যে করিতে দর্শন।

বিশ্বা।—যদি গুরুর নাম-রক্ষার অনুরোধে এই
কার্য্যে প্রবৃত্ত হয়ে থাকো, তা হলে আমিও তো
তোমার গুরুজন—আমার কথাটাও মনে কোরো।

ব্রহ্মা হতে তিন ঋষি হন উৎপন্ন
বশিষ্ঠ ও ভৃগু—দুই, অঙ্গিরাস গো অল্প।
এই সে বশিষ্ঠ আমি, তুমি সেই ভৃগুঋষি-পুত্র
আর এই শতানন্দ—অঙ্গিরাস ইনি গো প্রপউত্র।

জাম।—প্রায়শ্চিত্ত করিব গো
অতিক্রমি' গুরুজন-বাণী,
তবু না করিব ত্যাগ
শত্রুগ্রহব্রত কভু আমি।
মোক্ষাপেক্ষা মান-রক্ষা

স্বভাবতঃ আমার যে প্রিয়,
তার সাক্ষী নেখ না গো—
তোমরা তো আমারি আত্মীয়
—তোমরা মোক্ষের প্রার্থী,
করুণার্দ তোমাদের চিত,
আমার কর্কশ বাহু
ধনুর্গণ-কিণাকে লাঞ্ছিত।

বিশ্বা।—(স্বগত)
প্রশস্ত মাহাত্ম্য-গুণ
পদে পদে করি' উদ্‌গিরণ
মর্শ-ভেদী বাক্যে, মোর
বিস্ময় করিল উৎপাদন।

জাম।—তা ছাড়া, ভগবন্ কুশিক-নন্দন!

ব্রহ্মে মন যাহাদের
দিবা-নিশি রহে একতান
—সেই বশিষ্ঠাদি ঋষি

তোমরা তো অতি মাণ্ডমান।
বীরাচারে তোমরাই গুরু পুরাতন
তোমাদেরি জিজ্ঞাসি গো, বল তো এখন ;—
ভৃগু-কুলে জন্ম লভি, বহু পুণ্যফলে
যে হয়েছে শত্রু-ধারী এই ভূমণ্ডলে
কি তার উচিত করা এইরূপ স্থলে ?

বশি।—(স্বগত)
গুণের প্রভাবে ইনি অতীব মহান,
স্বভাবে আবার ইনি অমুর সমান।
চরিত্রে উৎকর্ষ-লাভ
করিলেন সরব-প্রকারে,
দর্প ফুটি ওঠে তাই

ইহার গো সমস্ত আকারে।

বিশ্বা।—বৎস! আমি এই কথা বলি ;—

ব্যক্তিগত অপরাধে—গর্ভজাত ক্ষত্রকেও
কোপবশে করিয়া সংহার—
সমস্ত ক্ষত্রিয়-কুল নির্মূল করিলে তুমি
—দেখ ওগো—একবিংশবার।
তার পর ব্রাহ্মণের ক্ষেত্রজ ক্ষত্রিয় যারা
তাহাদেরো বধিলে আবার।
স্বপ্ন চ্যবন-আদি নিবারিলে, তব ক্রোধ
হইল নিবৃত্ত।
তখন বিরত হয়ে আবার এ কার্য্যে কেন
সহসা প্রবৃত্ত ?

জাম।—পিতৃবধ প্রযুক্ত ক্ষত্র-বধ-মহাব্যাপারে
নিযুক্ত হয়ে আবার যে আমি তাহা হতে বিরত
হয়েছিলেম, এ কথা আমি অস্বীকার করি নে।

—প্রিয় হইলেও মোর - বিসর্জিয়া ক্ষত্রিয়ের
নিধন-উজোগ

বহু-সম পরশুরে সমিৎ-ছেদনে কি গো
করি নি প্রয়োগ ?

যথা আশীর্ষিত হয়
বিষ-বহ্নি হইলে বিগত

—সেইরূপ বাণ-দস্ত
হয় নিকি স্বার্থার্থো বিরত ?

সত্য বটে করেছিহু, কোপ ও কুঠার তাগ
চ্যবনাদি-আত্মীয় বচনে,
কিন্তু কালে পুন যে গো, ফলকুলে ছায় ধরা
—দিক যথা দণ্ডোখিত বনে।

অন্ত কারণেও রাম আমার বধ্য।

রাঘবের শিশু এই
করেছে গুরুরে অপমান
তার শিরশ্ছেদ করি'
বনে যবে করিব প্রস্থান।

—রাঘব-জনক-কুল চির-শাস্তি লাভ যেন
করেন তখন,
ঔদ্ধত্য-অত্যাচার আর যেন কেহ পুন
না করে কখন।

শতা।—কার এমন শক্তি আছে যে, আমার
প্রিয় যজমান রাজর্ষি বিদেহ-রাজের কিছা তাঁর
জামাতার ছায়াকেও আক্রমণ করতে পারে?

এই গৃহ-পতি-গৃহে
আমরা গো চির-অবস্থিত

—গুরু স্তম্ভাধারে যথা
গৃহ-বহি সতত রক্ষিত।

করে যদি আমাদের ঘোরতর অপমান
সেই গৃহে প্রবেশিয়া অছে

ধিক্ তবে আমাদের!— ধিক্ আঙ্গিরস-কুলে!
ধিক্ বলি এ মোর ব্রাহ্মণ্যে।

বিষ্ণা।—সাধু বৎস গৌতম! সাধু এই রাজা
সৌরধ্বজ জনক যিনি—তোমার মত পুরোহিত লাভ
করে' কৃতার্থ হয়েচেন।

যে রাষ্ট্রের সুরক্ষক
পুরোহিত বিদ্বান্ ব্রাহ্মণ
সে রাজ্যের হৃৎকণ্ঠ
ক্ষয় ধ্বংস না ঘটে কখন।

জাম।—দেখ গৌতম! তোমার মত অনেক
পুরোহিতের ব্রহ্মতেজে ফলিয়গণ তখন সুরক্ষিত
ছিল। কিন্তু সে তেজ এখন আর কোথায় রইল? এ
তুমি জেন, সামান্য তেজোরশি অলৌকিক জ্যোতিতে
নির্কাণ প্রাপ্ত হয়।

শতা।—(সক্রোধে) ওরে পশু! নিরপরাধ-
রাজকুল-হস্তা—মহাপাতকি! অশিষ্ট বিকৃত-চেষ্টাখিত

বীভৎসকর্মা! অপূর্ব পায়ও। স্বধর্ম-ত্যাগী ধামুকী!
কি?—তুই এখানেও ধৃষ্টতা করচিস?—আরে!
তুই কি ব্রাহ্মণ? অহো! তোর আচার মহা-
ব্রাহ্মণেরই অনুরূপ বটে!

জননীর শিরশ্ছেদ,

গর্ভগত শিশুর ছেদন

যজ্ঞ-রত নৃপে বধ

—এ কি নম্র ব্রহ্মহত্যা সম?

জাম।—আরে স্বস্তিবাচনিক প্রতিগ্রহোপজীবী
সামন্ত-পুরোহিত! তুই আমাকে স্বধর্মত্যাগী ধামুকী
বলিস?

শতা।—আরে ছুষ্ট হুমুখ ভৃগুবংশ-কলঙ্ক!

রাজগণ, গুরুগণ আপন মহিমাগুণে
অতি ক্ষমাশালী

—তাই তো সহেন এঁরা, কিন্তু শতানন্দ কভু
না সহিবে গালি।

(শাপ-প্রদানার্থ কমণ্ডলু-জলে আচমন)

বশি।—কে আছ গো ওখানে? ওঁকে শাস্ত
কর! শাস্ত কর! ওঁর ব্রহ্মতেজ, ব্যজন-প্রজলিত
মন্ত্রপুত দধিসিক্ত ঘৃতাছতি-প্রাপ্ত অগ্নির ত্রায় অতি
ভয়ঙ্কর।

শতা।—(ক্রোধে শাপোদক গ্রহণ করিয়া) ভো
ভো সভাসদগণ! আপনারা দেখুন:—

শত্রুকৃত অপমানে ক্রোধ মোর প্রজলিত
হয়েছে এমনি

—প্রলয়-স্তুভিত বায়ু— তাহা হতে ছোট্টে যেন
প্রচণ্ড অশনি—

এই আততায়ী জনে, ক্রম-সম ভস্মসাৎ
করিব এখনি।

(নেপথ্যে)

ভগবন্! শাস্ত হোন্। ইনি আপনার গৃহাগত
অতিথি। অতএব আপনার হৃৎকণ্ঠ তপস্বেজ শমিত
হোক।

নানা-গুণে শ্লাঘ্য ইনি

দ্বিজোত্তম তাতে গো আবার,

তা ছাড়া আত্মীয় জন

—এ কি তব উচিত বাভার?

সুবিধান্ হইলেও
বিচলিত ইনি মার্গ হতে
—করুন ক্ষত্রিয় জয়,
তুমি শাস্তি ভঙ্গ বিধিমতে ।

বশিষ্ঠ ।—('শাপোদক শতানন্দের হস্ত হইতে
সরাইয়া) বৎস শতানন্দ ! বৈবাহিক মহারাজ দশ-
রথ যা বলেন, তাই ঠিক—তা ছাড়া :—

যা কিছু কল্যাণকর এই শুভ কার্যে আজি
এসো মোরা করি গো চিন্তন ।
জাবালি-প্রভৃতি-সহ অগ্নি সাক্ষী করি' তুমি
শাস্তি-কার্য্য কর সম্পাদন ।
তার পর বামদেব অমঙ্গল জিনিবারে
মন্ত্র করি' জপ
জয়-অনুকুল স্তব্ধ আর,সাম-অনুবাক,
—পড়ুন সে-সব ।

(আলিঙ্গন করিয়া প্রস্থানোত্ত)

জাম ।—এই ক্ষত্রিয়শ্রিত বটুর আফালনটা এক-
বার দেখ—কিছু ওতে কি হবে ? ওগো দশরথ-জন-
কের প্রসাদোপজীবী ব্রাহ্মণেরা ! আর, সপ্ত-ঋষি ও
কুল-পর্ষত-প্রদেশ-নিবাসী ক্ষত্রিয়গণ !—তোমাদের
আমি বল্চি শোন :—

তোমাদের মধ্যে হেথা— কিবা তপে কিবা শস্ত্রে
আছে যার দর্প বিলক্ষণ
—প্রচণ্ড আমি যে শত্রু না পারি সহিতে মোরে—
যত ইচ্ছা করুন গর্জন ।

আমি গো পরশুরাম অরাম ও অজনক
করি' ধরণীরে
তবু তৃপ্তি না লভি' তাদের সমস্ত বংশ
নাশিব অচিরে ।

(নেপথ্যে)

ভার্গব ! ভার্গব ! তোমার যে ভারি অহঙ্কার
দেখচি ।

জাম ।—আমার এই গর্কোক্তি সহ করতে না
পেরে জনক দেখচি ক্রুদ্ধ হয়েছেন ।

(জনকের প্রবেশ)

জনক ।—বিনষ্ট সমস্ত শত্রু,
বার্দ্ধক্য তাহে উপস্থিত ।

গৃহ-কর্ম্মে সদা রত,
পরব্রহ্ম-তবে মগ্ন চিত ।
তাই মোর স্বাভাবিক
ক্ষত্র-তেজ ছিল প্রশমিত,
আবার যে দেখি উহা
মহারোষে হয়ে প্রজ্বলিত
ধনুরে বিজয়-কার্য্যে
এখনি করিছে নিয়োজিত ।

জাম ।—ওগো জনক !
শুনি তুমি ব্রহ্মনিষ্ঠ
—আর বৃদ্ধ, ধর্ম্মপরায়ণ ।
যাজ্ঞবল্ক্য-ঋষি-কাছে
বেদান্ত করেছ অধ্যয়ন ।

শিষ্টতা-বশত দেখে করি নম্র ব্যবহার
তোমা প্রতি আমি ।
আর, তুমি রোষ-বশে নির্ভয়ে বলিছ মোরে
করকশ বাণী ?

জন ।—এ যে বিনীত অথচ মর্ম্ম-ভেদী কথা বলচে
দেখচি । ওগো সভাসদ, তোমরা শ্রবণ কর ।

জনম ভৃগুর কুলে— আরো নাকি শুনি বিপ্র
তপশ্চায় রত,
তাই শত্রু হইলেও এতক্ষণ সহিয়াছি
—আর সব কত ?
ও হৃষ্ট চপলমতি পুনঃ পুনঃ হেয় জ্ঞান
করে তৃণ প্রায় ।
বিপ্র হইলেও ধনু প্রয়োগ করিতে হবে
—কি আছে উপায় ॥

জাম ।—(ক্রোধ ও দর্পের হাস্য হাসিয়া) কি
বলে গো—কি বলে ?—ধনু ?—আশ্চর্য্য !

যাজ্ঞবল্ক্য শিষ্য বলি' আমিই করিছ
এর অতিমাত্র গর্ক উত্তেজন ।
বুধা গর্কে স্ফীত হয়ে— জরায়ু জর্জর অতি—
কহে কি এ প্রলাপ-বচন ?
দেখেনি কি ক্ষত্র-পুত্র রিপু-শিরে-শাণ-দেওয়া
সুতীক্ষ্ণ আমার এই ভীষণ কুঠার
—যাহা ক্ষত্র-দরশনে প্রজ্বলিত হয়ে উঠি
অট্টহাস-অগ্নিকণা করয়ে উদগার ।



জন।—(আবেগ সহকারে) অধিক কথার
প্রয়োজন নাই—

জ্যা-জিউভা করি' বার, কোটি দংষ্ট্রী তীক্ষ্ণধার
করুক ধনুক ঘোর ঘর্ঘর গর্জন।

জগতের গ্রাস-তরে যম যথা হস্ত-ভরে
ব্যাদান করে গো তার প্রকাণ্ড বদন,

যেন তারি অনুরূপ হয় মোর এ ধনুক
উদর করিয়া তার বিপ্লায়তন।

(ধনুতে জ্যা আরোপণ)

(নেপথ্যে)

কাস্ত হও নরপতি— :ওহে ক্ষত্র ধনুর্দারী
বীর পুরাতন!

ও-দ্বিজ উদ্দেশে কেন তব হস্ত, শর আজি
করে গো গ্রহণ?

—যেই হস্ত গো-সহস্র
করে সদা যজ্ঞে বিতরণ

—যেই হস্ত জরা-বশে
হইয়াছে পলিত অক্ষম।

জন।—সখা! মহারাজ দশরথ!
বলুক না মোর প্রতি
কটু উক্তি যত ইচ্ছা তার।

দ্বিজ যদি কটু বলে
মর্দ্দভেদ তাহে হয় কার?

কিন্তু এই পাপ-বটু সে বৎসের অমঙ্গল
করিছে ঘোষণা,

বটুর সে কটু কথা কোন্ প্রাণে সখা ওগো—
সহিব বল না।

জাম।—আরে হ্রাস্তা কলিত্রাধম! আমাকে বটু
বলে' গাল দিচ্চিস্?

ওঠ রে ওঠ রে তবে,
যে ভীষণ কুঠার আঘাতে

স্তনায়, যক্রুৎ, ক্রোম
স্নায়ু-গ্রস্থি-অস্থি-শুক্ৰ-সাথে

ছেদন করেছি কত
আর, গ্রীবা দস্ত কণ্ঠ মুণ্ড,

এবে সে কুঠার তোরে
কাটুক করিয়া খণ্ড খণ্ড,

রক্ত-ফেন-পিণ্ড তার
শিরা হতে ছুটুক প্রচণ্ড।

দশ।—(উভয়ের মধ্যে আদিয়া) ওগো ভার্গব!
ওগো ভার্গব!

নৃপ জনকেরি মত দেহের অবস্থা মম
নহে কি সমান?

বলেছ যে কটু বাক্য তাহাতে ব্যথিত অতি
আমার পবাণ।

জাম।—তাতেই বা কি?

দশ।—তাই বল্চি, তোমার এ কটুক্তি আমাদের
হৃৎনেরই অসহ।

জাম।—আর এক প্রভু হয়ে আমাকে শাসন করতে
এলে না কি? এ বেশ জেনো, পরশুরাম স্বভাবতই
হৃদাস্ত—এ পর্য্যন্ত সে কখনই কারও শাসন মানে নি।
আর তুমিও তো কলিত্রিয়।

দশ।—সেই জন্তই তো তোমাকে আমাদের দমন
করা উচিত।

হৃদাস্ত জনগণে কেমনে শাসিতে হয়
ক্ষত্রই জানে তা'

তুমি অতি হৃদাস্ত আমরা কলিত্রিয় হেথা
তব শাসয়িতা।

সদ্য শাস্ত হও এবে
নতুবা গো করিব শাসন।

ব্রাহ্মণ কথায় হবে
শাস্তিপ্রিয় শাস্তিপরায়ণ

—তা না হয়ে ক্ষত্র-সম
অস্ত্র কিনা করেছ ধারণ?

জামদগ্ন্য।—(হাস্ত করিয়া) তোমরা কলিত্রিয়
রাজারার যার রক্ষক ও নেতা, সেই জামদগ্ন্য বহুকালের
পর আজ তোমাদের পেয়ে সনাথ হল।

দশ।—সে বিষয়ে কি কোন ভুল আছে?
অস্ত্র বা বিপথগামী

অথবা যে হইয়া সন্দিক্
হেন আচরণ করে

—তুই লোকে যাহা গো নিষিদ্ধ
—ওরুই রক্ষক তার; কিন্তু যে করয়ে পাপ

জানিয়া নিশ্চিত,
—না শাসিলে রাজা তারে প্রজার বিপ্লব ঘোর

হয় উপস্থিত।
বিখ্য।—মহারাজ! তুমি ঠিক বলেছ।

না যদি হইয়া থাকে জ্ঞানের উদয়,
কিছা যদি হয় ভ্রান্তি, অথবা সংশয়,
তা হলে কর গো সেবা বিশিষ্ট-চরণ,
হবে সদ্য জ্ঞানোদয়—ভ্রান্তি-বিমোচন।
কিন্তু জেনে-শুনে যদি কর পাপাচার
সহিবে না নৃপগণ সে দোষ তোমার।

জাম।—ব্রহ্ম-ধর্ম, ধর্মুর্বিদ্যা উভয়েরি গুরু মোর
শিব ভগবান্।
সর্বক্ষত্র-নাশী যে গো কেমনে করিবে ক্ষত্র
তারে শিক্ষা দান ?
শ্রেষ্ঠ সে বিশিষ্ট তাঁরে
বুদ্ধ বলি' করি গো সম্মান।
জ্ঞান, তপে, মোর চেয়ে
কে অধিক—কেই বা সমান ?

বশি।—ভৃগুপুত্র তো আমাদের স্নেহের পাত্র—
তার কাছে পরাজিত হওয়াও সুখের বিষয় ; কিন্তু ;—
যে সকল শিষ্টাচার আমাদের পালনীয়
—প্রিয় অতি সরব প্রকারে,
—আমাদের কুলমাঝে কি বিপ্লব উপস্থিত—
দেখ সেই প্রাচীন আচারে।
জনক-দশরথ-বিশ্বামিত্র।—অশিষ্টাচারী অনার্য্য !
জগতের সনাতন গুরু বিশিষ্ট তাঁরেও তুমি
অসঙ্কোচে বলিতেছ পুরুষ বচন ?
অশিষ্ট তুমি তো অতি তোমারে করিব মোরা
হুরদাস্ত গজ-সম এখনি দমন ॥

জাম।—আমার এইরূপ অবমাননা ?
অস্তুরের ধৈর্য্য-ভরে বুদ্ধদের অহুরোধে
যে কোপ করিহু সঙ্কুচিত,
মর্শ-বিদ্ধ-শেল-সম হৃদয় দহন করি'
এত দিন যাহা অবস্থিত
—যুগান্ত-পবন-ক্ষুব্ধ সিদ্ধ-জল হতে যথা
বাড়বাগ্নি হয় সমুথিত—
আমার এ রোষানল তিরস্কার-অপমানে
পুনঃ প্রক্ষুরিত।

ভাগ্যক্রমে আবার—
অপমান-নিবন্ধন পরশুর রূপে মোর
রোষ প্রজ্বলিত,

৩য়—৩৬

পৃথিবীরো সব রাজা দশরথ-সৈন্য-দলে
এবে উপস্থিত।
বহুকাল পরে পুনঃ কুপিত সে কৃতান্তের
আনন্দ বিপুল।
ষাণ্শতিবার-তরে প্রলয়ে বিধ্বংস হবে
ক্ষত্রিয়ের কুল ॥

বশি।—হায় হায় ! কি কষ্ট !
যদিও আত্মীয়, তবু
করিতেছে ঘোর আচরণ,
অবধ্য কেমনে তবে
ভারুগব হইবে এখন ?
যুহু আমি করি যদি
একটুকু কোপ-দৃষ্টিপাত
তাঁহে বৎস ভার্গবের
অমঙ্গল হবে অচিরাৎ।

বিশ্বা।—ওরে জামদগ্ন্য ! জলে শত্রু-সামর্থ্য
যেমন নিষ্ফল হয়, তেমনি ব্রহ্ম-তেজও কি নিষ্ফল হবে
মনে করচ ?
ব্রহ্ম-ক্ষত্র-সমাজেরে করিতেছ তিরস্কার,
হইয়াছ নিদারুণ বৎস-রাম-প্রতি।
সম্বন্ধ-বন্ধনে তুমি রক্ষণীয় মোর, তাই
তব অত্যাচারে আমি কষ্ট পাই অতি।
তব প্রতি কোপ-হেতু দক্ষিণ এ পাণি মোর
ব্যগ্র হয়ে শাপোদক করে অন্বেষণ,
পূর্ব-অভ্যাসের বশে অপর হস্তটি পুন
তৎপর হইয়া খোঁজে ক্ষত্র-শরাসন।

জাম।—শোনো কৌশিক !
ব্রহ্মণ্য-লভিয়া যদি
ব্রহ্ম-তেজ কর গো ধারণ
মোর উগ্র তপোবলে
আমি তোমা করিব দহন।
পক্ষান্তরে যদি ওগো ! স্বজাতি নিয়মে শত্রু
করহ গ্রহণ
তা হ'লে জানিবে, মোর পরশুও নিজকার্য্য
করিবে সাধন।

(নেপথ্যে)

সকলে শ্রবণ কর !—আমি কৌশিক-শিষ্য রাম
প্রণতি-পুরঃসর এই কথা নিবেদন করচি ;—



পৌলস্ত্য-বিজয়োদ্ধত কার্তবীর্য্য মহারথ
—তার ঘোরতর শত্রু, যিনি সেই কার্তিক কুমার,
সেই কার্তিকের জয়ী যিনি গো ভার্গব ওই,
জিনিব তাঁহারে রণে—তোমাদের করি নমস্কার।

দশ।—এ কি! রামচন্দ্র এখানে কেন? এ কি
ব্যাপার?

জন।—তা, বেশ হয়েছে, এতে আপনি সম্পূর্ণরূপে
অনুমোদন করুন। রামভদ্র! বিজয়ী হও।

জগতের পতি ইনি
অদ্বিতীয় বীর ধনুর্দারী,
উদ্ধত গর্বিত যত
—তাহাদের দর্প-খর্ককারী।
যাদের সমস্ত ভার
বশিষ্ঠের হস্তে সমর্পিত
—সেই মোরা আছি হেথা
প্রতিভুর রূপে অবস্থিত।

দশ।—

জ্ঞান-জ্যোতি-প্রভাবেতে ভূত-ভাবী-বর্তমান
যারা অবগত
—সেই ব্রাহ্মণেরা, শিশু রামের মহিমা ব্যাখ্যা
করিলেন কত।
খ্যাতনামা রক্ষা-ব্রতী আমরা যে শুদ্ধাচারী,
করি যজ্ঞ ষাগ
—জনমি' এ শুদ্ধ কুলে রাম যেন করিল গো
পুনর্জন্ম লাভ।

জাম।—এসো গো রাজপুত্র! তুমি কি মনে
করচ জামদগ্ন্যকে জয় করবে? (সম্মিত) তা কখনই
পারবে না। তোমার সংহারক রেণুকা-নন্দন
হৃদমনীয়। দেখ;—

ব্রহ্মাণ্ড-নিকুঞ্জবন তাহে রহে অনুক্ষণ
কোদণ্ড-টঙ্কার মোর হয়ে পুঞ্জীকৃত।
ক্ষত্র-কণ্ঠ-বিনিঃসৃত রক্ত স্রোতে নিকীর্ণিত
ছিল যে শরাগ্নি, পুন হোক প্রজলিত।
রুদ্র-কাল-সর্কগ্রাস করুক ধনু অভ্যাস
—করাল সে শরজাল করি' বিকীরিত ॥

[সকলের প্রশ্নস্থান।

ইতি সংস্ঠ নামক তৃতীয় অঙ্ক।

চতুর্থ অঙ্ক

(নেপথ্যে)

ওহে বিমানচারিগণ! তোমরা এখন মঙ্গল-অনু-
ষ্ঠানের উদ্যোগ কর।

কুশাশ্ব মুনির শিষ্য
ভগবান্ কৌশিকের জয়!
জয় ক্ষত্র-সন্ততির
—সূর্য্যবংশে যাদের উদয়।
ক্ষত্র-শত্রু-শাসয়িতা
—ব্রত যার অভয়-প্রদান
—সর্ক-জগতের যিনি
একমাত্র শরণ্য মহান্
—বিজয়ী হউন সেই
দিনকয় কুলচন্দ্র রাম।

(ব্যস্তসমস্ত হইয়া শূর্ণগথা ও মাল্যবানের প্রবেশ)

মাল্যবান।—বৎসে! দেখেছ?—এখন ইন্দ্রাদি
দেবতারা সকলে একত্র মিলে আপনা হতেই রামের
স্তুতিপাঠকের কাজ করছেন।

শূর্ণ। আপনি যা লক্ষ্য করেছেন, তা ঠিক।
ভয়ে আমার হৃদয় কাঁপচে। এখন কি করা যায়?

মাল্য।—পূর্বে রাজা দশরথ ভরত-মাতা কৈকেয়ী
রাণীকে ছই বর দেবেন বলে' প্রতিশ্রুত হয়েছিলেন,
তাঁরই মন্তরা নামে দাসী অযোধ্যা হতে মিথিলায়
দূতরূপে প্রেরিত হয়েছে। সে এখন মিথিলার উপকণ্ঠে
অবস্থিতি করচে, গুপ্তচরের মুখে অবগত হওয়া গেল।
দেখ, তার শরীরে প্রবেশ করে' তোমার এখন এই-
রূপ করা উচিত। (কানেকানে কখন)

শূর্ণ।—হতভাগ্য রাম কি এইরূপ করবে?

মাল্য।—ইক্ষাকু-বংশে—বিশেষতঃ ওরূপ বিজ-
য়েচ্ছ রামের—সদাচারের কখনই ব্যতিক্রম হবে না।

শূর্ণ।—তার পর?

মাল্য।—তার পর, রাম যখন যোগাচারের রীতি-
অনুসারে লোকালয় হতে বহুদূরে গিয়ে রাক্ষসদের
নিকটে উপনীত হবেন, এবং সেই সব অপরিচিত
স্থানে বিচরণ করবেন, তখন তাঁকে আক্রমণ করবার
বেশ সুযোগ হবে। সেখানে বিরোধ, দনু প্রভৃতি
দণ্ডকারণ্যবাসী মুনিগণের যজ্ঞবিঘ্নকারী কবন্ধেরা

বিচরণ করে। যখন রামের প্রভু-শক্তি সাহস-বিক্রম সমস্ত বিলুপ্ত হবে, তখন তারা অনায়াসেই তাকে ছেলের দ্বারা প্রতারিত করতে সমর্থ হবে। যে সীতা-হরণে রাবণের অনিবার্য আগ্রহ, তাও তখন অনায়াসে যিক হবে। আর, শত্রু-নিপাতের সহিত স্ত্রীর হরণ করাটাও প্রয়োজনীয়।

শূৰ্প।—আচ্ছা, লক্ষণ সঙ্গে থাকলে তার সম্বন্ধে কিছু করা কি আবশ্যিক ?

মাল্য।—অস্ত্র-পারদর্শী বীর

যথা রাম তেমনি লক্ষণ।

উভয়েরে একসঙ্গে

ছদ্মভাবে করিবে দমন ॥

শূৰ্প।—এখন রাম দূরে আছেন—রাবণের সহিত তাঁর কোন শত্রুতা নেই—তাকে লক্ষার সন্নিহিত দণ্ডকারণে ছলক্রমে এনে, সীতাহরণ-উপলক্ষে শত্রুতা উত্তেজন করাটা আমার ঠিক বলে মনে হচ্ছে না। আর, স্ত্রীঘটিত শত্রুতায়, প্রকারান্তরে প্রতিশোধ লওয়াই কর্তব্য।

মাল্য।—বৎসে! অযোধ্যা তো দূর নয়—সে তো নিকটেই। রাবণের অমুচর স্ত্রন্দ-উপস্থানের পুত্র সেই মারীচ ও সুবাহুর বিজেতা ও তাড়কা-নিধন-কারী সেই যে রাম, সে কি রাবণের বন্ধবৈর নয়? আর, সীতা-হরণ না হলেও রাম-রাবণের শত্রুতা অনিবার্য। দেখ :—

এ জগৎ পাল্য তার, মোরা নিত্য জগত্তরে
করি উৎপীড়ন।

এ স্থলে কেমনে রাম চির-বৈরী-সনে করে
সন্ধি সংস্থাপন ?

দেবগণ পতিরূপে

যাহারে গো করিল বরণ

—কোন ধন-তরে প্রার্থী

হইবে সে রঘুর নন্দন ?

অতএব দান-নীতি

তাহে দেখ নাহি প্রয়োজন।

ভেদ-নীতি তাও ব্যর্থ,

—একমাত্র অস্ত্রই সাধন ॥

প্রবল শত্রুর প্রতি দণ্ডের বিধিও কভু

করিবে না প্রকাশে প্রয়োগ।

গোপনে নীরব-ভাবে প্রয়োগ করিবে উহা
—তারি এই স্ত্রন্দর স্ত্রয়োগ।

তা যদি হয়, তবে সীতা-হরণ ছাড়া আর এখন কি
করা যেতে পারে বল ?

অপিচ :—

নিজ জায়া জানকীরে করিলে হরণ,

হয় সেই রাম লবে মৃত্যুর শরণ,

নয় অপমানে হয়ে প্রতাপ-বিহীন

থাকিবে গো মৃতবৎ সারা নিশি-দিন।

কিন্মা অমুতাপ করি স্বকার্ষ্যে তরে

আমাদের সনে সন্ধি করিবে সম্বরে।

অপমানোদ্দীপ্ত রোষে আমাদের বধিবারে

উত্থান করেন তিনি যদি

—বীর্ষ্যে যিনি সূর্য্য সম—না পারিবে নিরোধিতে

বেগ তাঁর প্রচণ্ড জলধি।

কিন্তু রাবণের সেই

পূর্ব-সখা, ইন্দ্রের নন্দন

ভীমবল কপিরাজ

“বালী” তাঁরে করিবে নিধন।

এই প্রসঙ্গে আরও অনেক চিন্তা করবার আছে।

শূৰ্প।—কিরূপ ?

মাল্য।—বৎসে! তুমি রাবণের অত্যন্ত প্রিয়।

তা ছাড়া তুমি কার্যাজ্ঞ, অতএব তোমার কাছে মনের
খেদ নিঃশঙ্কে বলা যেতে পারে।

রাজ্যের নৈকট্য-হেতু অপকারী অপকৃত

—উভয়ের মাঝে বৈর সতত সম্ভবে।

তা ছাড়া ক্ষত্রিয় রাম প্রজার পালনে রত

—কাজেই মোদের তিনি শত্রু হই ভাবে।

আর সেই বিভীষণ তৃতীয় দৌহিত্র মোর

—রাক্ষস রাজার যে গো শত্রু স্বাভাবিক,

নিকটে হেরিয়া তারে কাল-ভুজঙ্গের মত

চিত্তে আবিভূত হয় ভয় সমধিক।

কুন্তকর্ণ থেকেও না থাকার মধ্যে—কারণ, সে


নিদ্রাসক্ত ও অত্যাচারী। আর বিভীষণ নীতি

ও সুশীলতাদি আশ্রয়-সম্পন্ন, তাই প্রজারা তার

প্রতি অমুরক্ত। আর খর, দুষণ, ত্রিশিরা, তাদের

রাজসেবাই কৌলিক ব্যবসায়। বৎস যেমন

ধেহুর হৃৎ দোহন করে, তারা তেমনি রাজার



অর্থ শোষণ করে। অমাত্যাদি প্রজাবর্গও ভেদ-নীতির দ্বারা বশীভূত, স্তত্রাং তারাও প্রতিকূল-চারী হবে। অতএব এই অন্তর্ভেদ-জর্জর রাজকুল, রামের আক্রমণমাত্রই আপনা হতেই সমস্ত চূর্ণ-বিচূর্ণ হয়ে যাবে। শাস্ত্রে আছে;—শত্রুর আক্রমণ-কালে “স্বল্পমাত্র ছিদ্র থাকিলেও তার প্রতিবিধান করা দুঃসাধ্য।” এরূপ স্থলে বিভীষণরূপ মহাবিপদের প্রতিবিধান কিরূপে করা যেতে পারে, তারই এখন উপায় চিন্তা করা কর্তব্য। সে উপায়—প্রকাশ-দণ্ড, গুপ্ত-দণ্ড, কারাবন্ধন কিম্বা নির্বাসন। এ স্থলে সমসম্পর্কীয় রাক্ষসেরা কি করে’ প্রকাশ-দণ্ড সহ্য করবে বল? গুপ্ত-দণ্ডও প্রাজ্ঞ ব্যক্তির পূর্ক হতেই অনুমানে জানতে পারেন। আর, প্রজাগণ কুপিত হ’লে, সেই সময়ে যদি আবার রাম আমাদের আক্রমণ করে, তা হলে তার পরিণামও অত্যন্ত ভয়ানক হয়ে উঠবে।

জোর করি’ যদি তারে
কারাগারে করহ বন্ধন
খর-আদি মিত্র তার
করিবে বিরুদ্ধ আচরণ।
নির্বাসিত হইলেও
সঙ্গে যাবে তারা সমুদয়
খর-প্রভৃতির কথা
তাই অগ্রে চিন্তার বিষয়।

দেখ, বিভীষণ যদি সহায় হয়, তা হলে রামের বিশেষ সুবিধা হবে।

শূর্প।—কি আশ্চর্য্য! অহুজীবি বৃত্তি ভোগীদের নিজের কোন গৌরব নাই। কুল-সম্বন্ধে খর প্রভৃতির তো রাবণের তুল্য, তবু মাতামহ তাদের সম্বন্ধে এইরূপ মনে করুচেন?

মাল্য।—সৎকুলোদ্ভব ব্যক্তিমাত্রেরই এইরূপ আচার।

শূর্প।—আচ্ছা, খর প্রভৃতিকে না পেলে বিভীষণ কি করবেন?

মাল্য।—তিনি অতি বুদ্ধিমান, কার্য্য-নাশের সম্ভাবনা দেখলে আপনা হতেই তিনি সরে’ পড়বেন। কিন্তু তিনি কিছুতেই আমাদের উপেক্ষণীয় নন—তাকে অন্তরের মূর্ত্তিমান বিভীষিকা বলে’ আমাদের সর্বদাই মনে করতে হবে। কেন না:—

বাল্য হতে বরাবর
দৃঢ় সখ্য যাহার সহিত

—সেই সুগ্রীবের তিনি
লইবেন আশ্রয় নিশ্চিত।

প্রসন্ন হইয়া বালী
অনুজ্ঞে যেখায় ভূমি
করেছিল দান

—সেই গিরি “ঋষ্যমুক”
সুগ্রীব সুহৃদ তাঁর
করে অধিষ্ঠান।

তার পর বিভীষণ, রামের আশ্রয় গ্রহণ না করে’ প্রথমে বালীর সাহায্যে আক্রমণের চেষ্টা করবে—আর যদি রামের আশ্রয় পায়, তা হলে আর বালীর অপেক্ষা করবে না।

শূর্প।—পরশুরাম-বিজয়ী রামের সহিত বালীর যদি বিরোধ উপস্থিত হয়, তা হলে রাম তাকে নিশ্চয়ই বধ করবেন। তার পরেই বিভীষণের সহিত রামের মিলন হয়ে মহা অনর্থ উপস্থিত হবে, এইরূপ আমার তো আশঙ্কা হয়।

মাল্য।—হাঁ বৎসে!

যে করিবে বালী-বধ
তার হস্তে আমাদেরো
নিশ্চয় মরণ।

সমস্ত হইলে নাশ
একমাত্র বংশধর
র’বে বিভীষণ।

ধর্ম্মপরায়ণ রাম
তাহারাই করিবেন
রাজ্য সমর্পণ।

শূর্প —(সংশয়-নয়নে) এইরূপ হবে নাকি?

মাল্য।—বৎসে! এখন তবে তুমি সেইখানে যাও। আর যদি ছনক, বশিষ্ঠ ও বিশ্বামিত্র দশরথের নিকট না থাকেন, তা হলে কাজটা আরও সহজে হতে পারবে। আমি এখন লঙ্কায় চল্লম।

শূর্প।—হা মাতঃ কৈকসি! তোমাকেও এই দুঃখ দেখতে হল?

মাল্য।—

হা বৎস খর দূষণ
মোর দোষে তোমাদের
ঘটিবে মরণ।

হা হা বৎস বিভীষণ
নিজ কর্ম্মে তুমি হেয়
আমারি কারণ।

মোর প্রতি সুবৎসল
হা বৎস রাবণ তুমি
—দেখি তব সঙ্কট অপার।

বৎসে কৈকসি ওরে ! সর্বনাশ হল তোর,
তিন পুত্রে না দেখিবি আর ॥

[উভয়ের প্রস্থান ।

ইতি মিশ্র বিষ্ণুস্তক ।

(বশিষ্ঠ ও বিশ্বামিত্রের সহিত দশরথ ও
জনকের প্রবেশ)

(ছই রাজার পরস্পর আলিঙ্গন)

জন ।—রাজন্ ! তোমার সৌভাগ্য যে, তুমি বৎস
রামভদ্রের মত পুত্রলাভ করেছ ।

মহাবীর রাম—তঁার অপ্রাকৃত অলৌকিক
চেষ্টা আচরণ

নানা-গুণ-সম্বিত মহাফল-উৎপাদক
অতি অমুপম ।

—শুধু আমাদের নহে— বিশ্বজগতের উহা
মঙ্গল-কারণ ॥

বশিষ্ঠ ।—(বিশ্বামিত্রকে আলিঙ্গন) সখা কুশিক-
নন্দন !

রামের মহাত্মা—সে যে আমাদেরো আশিষের
অতীত বিষয় ।

তঁা-হতে কৃতার্থ মোরা কৃতার্থ গো আর যত
লোক সমুদয় ॥

বিশ্বা ।—

তঁার এই মহাত্মা—স্বোপার্জিত প্রকৃষ্ট পুণ্যেরই
চরম ফল । এ উৎকর্ষের আমরা কে ?—এতে
আমাদের কোন হাত নেই ।

দশ ।—ভগবান্ কুশিক-নন্দন ! তা কখনই না ।

পূর্বকালে দিলীপাদি আদিত্য-কুল-সম্ভব
মহাবল-পরাক্রান্ত নৃপ সমুদয়,

মূর্ত্তিমান তেজোরশি যে বশিষ্ঠ মহর্ষিরে
কুল-দেবতার সম করিলা আশ্রয়

—সেই অরুন্ধতী-পতি আপনি মোদের প্রতি
যখন আছেন সদা প্রসন্ন সদয়,

তখন তো এ সমস্ত মহাতপা তাপসের
অব্যর্থ আশিষের সফল নিশ্চয় ।

বশি ।—বিশ্বামিত্রের তপ এইরূপই বটে :—

অপ্রমেয় মহাতপ হুবৃধ বিশ্বামিত্রে
মহাতেজে জলে নিরস্তর ।

অতি-উৎকর্ষ-হেতু ব্রহ্মর্ষির তপ-ভেজ
বাক্য ও মনের অগোচর ॥

বিশ্বামিত্র ।—ভগবন্ বশিষ্ঠ !

সনৎকুমার, আর আঙ্গিরস শতানন্দ
এই ছই জন

মহাবিছা-তপোময় ;— এঁদের মহাত্মা যদি
করহ কীর্তন

—সত্য-বাক্ তুমি অতি— অবশ্য হইবে সত্য
তোমার বচন ।

কিন্তু রামভদ্রে এ সমস্ত কিছুই বিচিত্র নয়—
যেহেতু দশরথ তঁার জনক ।

বৈবস্বত মনুবংশে পুণ্যবাশি মূর্ত্তিমান্
ছিলেন যে সব রাজা পবিত্র-চরিত ।

বিনা-উপদেশে যাঁরা, না করি অপেক্ষা কারো
রক্ষা করিতেন প্রজা যেমন উচিত,

—সেই নৃপগণ-মাঝে ধুরন্ধর অতিশয়
ক্লিয়-পুঙ্গব বীর—গুণের আকর

—এই সেই পৃথীপতি শ্লাঘা নৃপবর ।
বৃত্র-অরি জন্তুজয়ী বিশ্বের ঈশ্বর যিনি

মরুদগণ-পতি
—সেই দেবরাজ ইন্দ্র অনেক সংগ্রাম-স্থলে
হয়ে ভীত অতি

অমুর-জয়ী এ বীরে করেছেন কতবার
প্রার্থনা-মিনতি ।

এমন যে ইনি—এঁর পুত্র কি এঁর সদৃশ হবে
না ?—এতে আর আশ্চর্য্য কি ?

ভগবান্ ইন্দ্রদেবে করিল যে জয়, সেই
রাজা দশানন ।

তারে যে হৈহয়-পতি —কার্ত্তবীৰ্য্য রণস্থলে
করিল দমন

—তার হস্তা সুবিখ্যাত মহাবীর জামদগ্ন্যে
বৎস মোর করে পরাভব ।

তঁাহারে জিনিয়া রাম কি না করিল গো জয় ?
—তঁার জয়ে জিত আর সব ॥

দশ ।—এ কি ! সহসা লোকেরা যে ছই ভাগে
বিভক্ত হয়ে ছই পাশে দাঁড়িয়ে গেল ।

বিশ্বা ।—এ কি ! বৎস রামভদ্রে যে জামদগ্ন্যের
সহিত এই দিকে আস্চেন ।



বীর-শ্রী বিজয় আর— হয়ে তাহে শোভমান
রাম সমাগত ।
—জামদগ্ন্য-মুনি প্রতি নতশির— যদিও গো
গুণেতে উন্নত ।
ভৃগুপতি ভার্গবেরে হৃত-বীর্য-দর্প হেরি'
সংগ্রাম-বিবাদে
লজ্জায় কাতর রাম— গুরু-কাছে শিষ্য যথা
প্রথমাপরোধে ।
(রাম ও জামদগ্ন্যের প্রবেশ)

রাম ।—
বন্দ্য পদ-বুগ য়ার সতত করয়ে সেবা
ত্রক্ষবাদিগণ,
বিজ্ঞা-তপোব্রত-নিধি তপস্বিগণের মাঝে
যিনি সর্বোত্তম
—সেই তুমি তব কাছে অবিনয়-দোষে দোষী
হয়েছি দৈবাৎ,
ক্ষমা কর ভগবন্ ! কৃতাজলি হয়ে যাচি
তোমার প্রসাদ ।

জাম ।—বৎস ! তুমি তো জামদগ্ন্যের নিকট
অপরাধী নও—তুমি বরং তাঁর উপকারই করেছ ।
পুণ্য বিপ্র-জাতি-মাঝে যে গুণ সতত রাজে
—সেই শাস্ত্র চরিত্র যে করিল হরণ
বিনাশিয়া তার পূর্বে সমস্ত চেতন ;
এক হইয়াও যাগ, বহু দোষ-কর, আহা
সেই দর্প-ব্যাধি মোর করেছ শমিত
ত্রাক্ষণ-বৎসল !—তাহে আমি উপকৃত ।

রাম ।—যখন আপনার সহিত কলহ করে' শত্রু
ধারণ করেছি, তখন আপনার নিকটে অপরাধী নই
তো আর কি ?

জাম ।—অপরাধ কিসের ?—এই তো তোমাদের
শ্রায্য কাজ ।

শারীরীদিগের দোষ ঔষধে অসাধ্য বলি'
হয় যবে ধার্য্য
—যথা বৈষ্ণু তথা রাজা— শত্রুপানি হয়ে তবে
সাধেন স্বকার্য্য ।

রাম ।—আমি আপনার সঙ্গে উত্তর-প্রত্যুত্তর
করি, আমার কি এমন যোগ্যতা ?—এখন আসুন
মহর্ষি—এই দিকে আসুন ।

জাম ।—বৎস !—আবার কোথায় যেতে হবে ?

রাম ।—যেখানে পিতা ও তাত জনক আছেন—
না না, যেখানে মহর্ষি বশিষ্ঠ ও বিশ্বামিত্র আছেন,
সেইখানে ।

জাম ।—তা তো আমি এখন পারচিনে । কিন্তু
আবার রাজাজ্ঞাও অনতিক্রমণীয় ।—আচ্ছা, চল ।
(পরিক্রমণ করিয়া) ভগবন্ বশিষ্ঠ বিশ্বামিত্র !

এই সেই সৌম্য রাম হইয়াও শাস্ত যে গো
ধরে অতি প্রচণ্ড বিক্রম
—আমি যে পরশুরাম —আমাতোও প্রতিষ্ঠিত
দেখ এঁর বিজয়-শাসন ।

রাজহুয় ।—কি গন্তীর সৌজহ !

রাম ।—আমি আপনাদের সকলকেই একে একে
নতশিরে প্রণাম করি ।

সকলে ।—এসো বৎস, এসো ! (আলিঙ্গন)

জাম ।—ভগবন্ বশিষ্ঠ ! এই আমি জামদগ্নি-
পুত্র—আপনাকে ও বিশ্বামিত্রকে প্রণাম করে' এই
নিবেদন করচি :—

আপনারা গুরু, আমি দোষী বিলক্ষণ,
করেছেন রাম তাই আমারে শাসন ।
বুদ্ধের বচন লজ্জি' আমার যে মহাপাপ
হয়েছে বিশেষ
সেই পাপ-শুদ্ধি-তরে কোনরূপ প্রায়শ্চিত্ত
করুন আদেশ ।
পূর্বে তো আপনারাই ছিলেন ধর্ম-দ্রষ্টা ;
গুরু হতে বহু জ্ঞান করি' আহরণ
মহাদির প্রবচন একত্র সংগ্রহ করি'
করিয়াছিলেন ধর্ম-শাস্ত্র প্রণয়ন ।

বশি ।—নিষ্পাপ শ্রোত্রিয়-বংশে তোমার জন্ম ।
তুমি হুর্বিনীত হলেই আমরা হুঃখিত, আর তা না
হলেই আমরা সুখী হই । যা শ্রেয়, তাই যেন অমু-
ষ্টিত হয়—এই হচ্চে বুদ্ধদের মনোগত স্বাভাবিক
ইচ্ছা । এখন তুমি সম্পূর্ণরূপে পাপমুক্ত ও পরিশুদ্ধ
হয়েছ ।

বিশ্বা ।—তোমার পাপরাশি রামভদ্রের দ্বারা
বিনষ্ট হয়েছে, আমরা জানি । কেন না, ধর্ম্মাচার্য্যেরা
বলেন, রাজদণ্ডও প্রায়শ্চিত্তের শ্রায্য পাপশোধক ।
অতএব প্রজাপালক স্বয়ং নিকটে থাকতে ভগবান্
বশিষ্ঠ আর কি আদেশ করবেন বল ?

রাম।—ধর্মের প্রত্যক্ষ-দর্শী ঋষিদেরই এই সমস্ত
প্রসন্ন-গন্তীর পবিত্র বচন।

দশ।—ভগবন্ জামদগ্ন্য!

স্বভাবতঃ পবিত্র যে, তার কাছে অস্ত্র আর
কি আছে পাবন?

তীর্থোদক আর বহি —এদের বল কে আর
করয়ে শোধন?

রাম।—ভগবন্তি বসুন্ধরে! প্রসন্ন হয়ে তোমার
রক্ত-মধ্যে আমাকে স্থান দেও!

অন।—ভগবন্! যদি আপনি প্রসন্ন হয়ে থাকেন,
তা হলে বিশ্বস্ত-মনে উপবেশন করে আমাদের গৃহকে
পবিত্র করুন। আপনার এই পবিত্র আসন।

জাম।—যাজ্ঞবল্ক্য-শিষ্য রাজর্ষির যা অভিরুচি।

(সকলের উপবেশন)

দশ।—

জনপদ-বহির্দেশে

তোমরা তো চির-অবস্থিত,

আমরাও গৃহে থাকি'

নিজ কার্যে সদাই ব্যাপৃত।

আমাদের মাঝে বাহা সূহৃৎ—সেই চির-

বাঞ্ছিত মিলন

বহুপুণ্য-পরিণামে আজি দেখ এই গৃহে

হল সংঘটন।

তা ছাড়া:—

কি করিব স্তুতি তার— তেজোরশি যার স্তুতি-
পথের অতীত।

কি দিব তাহারে আমি সমগ্র পৃথিবী যার
দানে বিতরিত।

সর্বত্যাগী যেই মুনি

—পরিজনে তার হবে কিবা?

পুত্রসহ তবু আমি

করিব গো আজি তব সেবা।

জাম।—তোমরা যে এইরূপ হবে, তাতে আর
আশ্চর্য্য কি!

দীপ্ততম তেজ বলি'

কহে যারে সূধীগণ সব,

জ্যোতির নিধান সেই

সূর্য্যদেব যে কুল-প্রভব

সেই তুমি তব ভাগ্যে এ হতে অধিক আর
আছে কিবা গোরব-বিষয়?

তাহে পুনঃ যজ্ঞরত পরমার্থ-রাজ-ঋষি,
—তোমরা সে ইচ্ছাকু-তনয়।

বশিষ্ঠ গো তব গুরু অমেয়-মহিম যিনি
—বেদসম পূজ্য অতিশয়।

অপিচ।—

ধনুর শিকায় তব, বাসবের বৃদ্ধ-সাধ
হয়েছে সমাপ্ত।

জয়-স্তম্ভ-বিচিহ্নিত সপ্তদ্বীপ-বসুন্ধরা
তোমারি আয়ত্ত।

তব কুল-চিরকীর্তি ভগবতী ভাগীরথী,
সাগর অপার।

এ সব প্রসিদ্ধ কাজে অসীম মাহাত্ম্য তব
হয়েছে বিস্তার ॥

বশিষ্ঠ ও বিশ্বামিত্র।—(চুপি চুপি) এই বিনয়-
শিক্ষাও দেখছি বৎস রামের কাছে থেকেই হয়েছে।

জাম।—রামভদ্র! এখন অহুমতি দেও, আমি
অরণ্যে যাই।

বিশ্বা।—আমাকেও আপনারা এখন অহুমতি
দিন, আমি বিদায় হই।

রঘু ও জনক-গৃহে পুত্র-কন্যাদের-শুভ
পরিণয় করিহু দর্শন।

ভার্গব-বিজয়ী-রামে—(অর্দ্ধোক্তি)

ভার্গব-বিদিত-শক্তি রামেরে অভিনন্দিয়া
সুখে গৃহে করিব গমন ॥

দশ।—বৎস রামভদ্র! তোমার গুরুদেব কৌশিক
তো চলেন।

বিশ্বা।—(সাক্ষাৎ-আলিঙ্গন করিয়া) সৌম্য!
তোমাকে ছেড়ে যেতে আমার প্রাণ চাচ্ছে না।

কিন্তু দেখ, অহুষ্ঠান মোদের করিতে হয়
নিত্য নিয়মিত।

এই নিত্যতার হেতু স্বাধীনতা আমাদের
হয় অপহৃত।

অগ্নি-হোত্রী গৃহস্থের গৃহস্থতা সর্বদাই
বিলম্ব-সম্বিত ॥

বশিষ্ঠ।—স্বগৃহ হতে স্বগৃহে যাওয়া-আসা সেও
আপনার স্বৈচ্ছাধীন।



বিধা।—ভগবন্! যদি ইচ্ছা হয় তো আসুন—
সিদ্ধাশ্রম প্রদেশে আমরা উভয়েই বাই। আপনি
সঙ্গে গেলে মধুচ্ছন্দার পুত্র বড়ই সুখী হবে।

বশি।—সে কি?—আপনার এই সামান্য
অনুরোধটুকুও আমি রাখব না?

রাজহয়।—আহা! ব্রহ্মিদের সম্মিলন কি রমণীয়,
কি পবিত্র!

মাহাত্ম্য জানেন যারা পরসপরের,
অন্তে কিন্তু নাহি জানে স্বরূপ যাদের,
তাদের বিরোধ যদি এত মধুময়
কত না সুন্দর আহা তাদের প্রণয়।

(নেপথ্যে)

আমি রাম-বধু—গুরুজনদের অভিবাদন করি।
ঋষিগণ।—বৎসে জানকি!

বিনয়-মঙ্গল-শোভা মহাবীর পতি তব
বৃত্তারির মহাভয় করেন শমিত,
ক্ষত্রিয়-প্রধান রাম তাঁহার গৃহিণী তুমি
তোমারেও পূজে শচী মনের সহিত।

রাম।—(স্বগত) এইরূপ রাক্ষসেরাও যেন
অচিরেই সমূলে নির্মূল হয়।

ঋষিগণ।—তোমার কল্যাণ যেন স্থায়ী হয়।

(উত্থান)

অন্ত লোক।—(উষ্টিয়া) প্রণাম—প্রণাম।—
জাম।—আমি আপনাদের অভিবাদন করি।
বশিষ্ঠ বিশ্বামিত্র।—

চির-শান্তি হোক তব পরম জ্ঞানের জ্যোতি
তোমা-কাছে হউক প্রকাশ।
ও-অন্তঃকরণে তব শুভ সংকল্প যেন
অবিচ্ছেদে সদা করে বাস।

[বশিষ্ঠ-বিশ্বামিত্রের প্রস্থান।

জাম।—(কিষ্কিৎ পরিক্রমণ করত দাঁড়াইয়া)
বৎস রামভদ্র! এইদিকে একবার এসো তো।

রাম।—(নিকটে আসিয়া) আজ্ঞা করুন।

জাম।—

ক্ষত্রিয়ে উচ্ছেদ করি'

করিসু গো বিশাম যখন

তখনো যে ধনু আমি

ভাল বুঝি' করিসু ধারণ

—হইল সে ধনু এবে

দেখ, মোর নিশ্চয়োজন।

কিন্তু না, কাষ্ঠাদি ছেদনের জন্ত এই পরশুর
এখনও কিছু প্রয়োজন আছে।

পুণ্য-নদ-নদী-তটে দণ্ডক নামক বনে

বাস করে বহু ঋষিগণ,

তাদের নিধন-তরে লক্ষার রাক্ষস কত

সেথা করে সদা বিচরণ।

উৎকৃষ্ট এই ধনু হবে অতি উপযোগী

রাক্ষস-নিধনে

তাই বলি বৎস ওগো! কর তুমি অধিকার

ইহারে এক্ষণে।

(ধনু অর্পণ)

রাম।—(প্রণাম করিয়া) আপনার আজ্ঞা
শিরোধার্য।

জাম।—(সাক্ষ্যলোচনে পরিক্রমণ করিয়া)
আয়ুস্! এখন তবে ফিরে যাও।

[প্রস্থান।

রাম।—(সাক্ষ্যলোচনে) ভগবান্! ভার্গব চলে'
গেলেন? (চিন্তা করিয়া) আমিও কি তবে অস্ত
কোন উপায়ে দণ্ডকারণ্যে যাবার চেষ্টা দেখব?
গুরুজনেরা আমাকে বড় ভালবাসেন—তারা কি
আমাকে সেখানে পাঠাবেন? না, কখনই
পাঠাবেন না।

শত্ৰুত্যাগী ভৃগুপুত্র,

পরতন্ত্র আমি এইক্ষণে,

নিষ্ঠুর রাক্ষস হায়

বিনাশিবে যত তপোধনে।

দৃশ্য—অযোধ্যার রাজপ্রাসাদ

(নেপথ্যে)

দাদা! দাদা!

মেঘোমাতা কৈকেয়ীর

মন্থরা প্রিয় সহচরী

তব দরশন-তরে

আসিয়াছে অযোধ্যানগরী।

রাম।—আমরা ছুজন শিশু প্রবাসে যাওয়ার তাঁর অত্যন্ত কষ্ট হইবে থাকবে। এখন তাঁর সেই কষ্ট কোন প্রকারে দূর হলেই ভাল। দেখ ভাই লক্ষণ—তাঁকে এইখানে নিয়ে এসো।

(লক্ষণ ও মহুরা-শরীর-প্রবিষ্ট শূৰ্পনখার প্রবেশ)

শূৰ্প।—(স্বগত) আমি শূৰ্পনখা মহুরার শরীরে তো প্রবেশ করেছি। বশিষ্ঠ ও বিশ্বামিত্র চলে' যাওয়ায় আমার কাজও সুসম্পন্ন হয়েছে। অহো! ইনিই পরশুরাম-বিজয়ী কল্লিষ্-কুমার রাম? (নিরীক্ষণ করিয়া) অহা! এঁর দেহের গঠনটি কি সুন্দর!—কি নয়নরঞ্জন!—সমগ্র শ্রীসৌন্দর্য যেন মুর্তিমান হয়ে ঐ দেহে বিরাজ করচে। চির-বৈধব্য-হুখে যে জনের সংসার-সুখ একেবারে ধ্বংস হয়ে গেছে, তার সেই সতীত্ব-রস-পূর্ণ হৃদয়কেও পুনর্বার যেন বিচলিত করচে।

রাম।—(প্রণাম করিয়া) মহুরে! মায়ের কুশল তো?

শূৰ্প।—সুখ ও কুশল উভয়ই। তোমার স্নেহময়ী মধ্যমা মাতা তোমাকে আক্লিঙ্ন করে' এই আঞ্জা করচেন :—“দেখ বৎস! পূর্বে মহারাজ আমাকে দুটি বর দেবেন বলে' প্রতিশ্রুত হয়েছিলেন—তোমার পিতার এই পত্রখানিই এই বিষয়ের বাস্তবাহক-স্বরূপ” (পত্র প্রদান)

লক্ষণ।—(গ্রহণ করিয়া পাঠ)

“একটি বরের দ্বারা বৎস ভারত রাজ্য-শ্রী সম্ভোগ করুক।” (স্বগত) এ কিরূপ? দাদা থাকতে ভাই ভারতের রাজ্য-প্রার্থনা? (প্রকাশে) “অল্প বরের দ্বারা রাম কালহরণ না করিয়া দণ্ডকারণ্যে গমন করুক।” (স্বগত) হা! মাতঃ! দাদার বনগমন প্রার্থনা করে' তুমি এ কি কাজ করলে? (প্রকাশে)

“চতুর্দশ বর্ষ রাম থাকুন আশ্রয় করি' দণ্ডক-অরণ্য, জানকী লক্ষণ ছাড়া সঙ্গে কেহ নাহি যাবে পরিজন অল্প” ॥

(স্বগত) হা! পাপীয়সী ধূর্ত মাতৃ-অধম।

ভরত আর শক্রয়
আমি এ লক্ষণ, আর রাম,
মা বলিয়া এতদিন
যারে সদা করিছ আহ্বান

৩য়—৩৭

সেই মাতৃ-সন্তাষণ

পরিত্যাগ করি' তুই আজ
ওরে ছুটা পাপীয়সী
বল দেখি কি করিলি কাজ?

রাম।—অহো! এ তো আমার পরে যার-পর-নাই অনুগ্রহ।

গমনাজ্ঞা হল সেথা যেথায় যাবার তরে
উৎসুক এ মন,
বিচ্ছেদও হবে না ইথে তুমি ভাই সঙ্গে মোর
করিবে গমন।

লক্ষণ।—দাদা, আপনি আমাকে সঙ্গে যেতে অনুমতি দিলেন, এ আমার পরম সৌভাগ্য।

রাম।—আর্ঘ্যে মহুরে! এই আমি চল্লম।

শূৰ্প।—এখন সেই ভগবান্ সংসারকে আমি প্রণাম করি, যেখানে এক্ষণ কল্পতরু জন্মায়।

[শূৰ্পনখার প্রস্থান।

লক্ষণ।—এই যে! মাতুল যুধাজিৎ দাদা ভরতের সঙ্গে এই দিকে আসছেন।

রাম।—এতে আমার হর্ষ বিষাদ দুই হুচে।

ভরতে না আলিঙ্গিয়া অরণ্যে যাইতে মোর
মন নাহি সরে।

আবার প্রবাসে মোর, হুঃখাৰ্ত্ত দেখিতে তারে
হৃদয় বিদরে ॥

দৃশ্য—অন্তঃপুরের কক্ষ

(দশরথ আসীন)

(যুধাজিৎ ও ভরতের প্রবেশ)

যুধাজিৎ ও ভরত।—(দশরথের নিকটে গিয়া)
মহারাজ! সমস্ত প্রজাবর্গ একমত হয়ে আপনার নিকটে যা নিবেদন করচে, শ্রবণ করুন :—

(নেপথ্যে)

“এই যে তোমার পুত্র ত্রিবেদের পরিজাতা
—তোমারি প্রসাদে প্রভো—পেয়ে সেই রাম
সনাথ হয়েছি আজি কল্যাণ হয়েছে লাভ,
করি বিচরণ এবে হয়ে পূর্ণকাম” ॥

দশ।—সখা জনক !
 শুভাকাজ্ঞী প্রজাগণ তাহাদের মন-সাধ
 —অভিষেক করা হয় যুবরাজ রামে ।
 কিন্তু দেখ প্রিয়সখা ! রামের যাহারা প্রিয়
 সে বশিষ্ঠ বিশ্বামিত্র নাহিক এখানে ॥
 জন।—
 যদিও এ শুভকর্ম
 তাঁহাদের অসাক্ষাতে হয়,
 তবুও তাঁহারা দেখো
 আনন্দিত হবেন নিশ্চয়,
 তাহা ছাড়া মন্ত্রাভিজ্ঞ
 বামদেব থাকিতে কি ভয় ?
 দশ।—তা যদি হয়, অভিষেক-মহোৎসবের সঙ্গে
 জামদগ্ন্য-বিজয় মহোৎসবও যোগ করে' দেওয়া
 হোক ।
 রাম।—সে উৎসব এখন কেন ?
 দশ।—দেখ সুমন্ত্র, অভিষেক-সামগ্রী সমস্ত সংগ্রহ
 করে' নিয়ে এসো । যে যা প্রার্থনা করবে, তাই যেন
 তাকে পর্যাপ্ত পরিমাণে দান করা হয় ।
 রাম।—(নিকটে আসিয়া এবং প্রণাম করিয়া)
 আমি একজন প্রার্থী উপস্থিত আছি ।
 দশ।—বৎস ! তুমি আবার কিসের প্রার্থী ?
 রাম।—
 যে দুইটি বর পূর্বে তব প্রতিজ্ঞাত
 —মেঝ-মাতা তাহা আজি চাহিচেন তাত ।
 সে বিষয়ে মোরা তাই করি এ প্রার্থনা
 —অনুগ্রহ করি তাঁর পুরাও বাসনা ।
 দশ।—
 সত্যসন্ধ রঘুবংশ, কেন বৎস করিতেছ
 সন্দেহ তাহায় ?
 তাহে তুমি দূত এবে প্রাণ দিয়া পালিব সে
 মোর প্রতিজ্ঞায় ॥
 রান।—ভাই ! পত্র-খানি পড় দিকি ।
 লক্ষণ।—(পাঠ) “একটি বরের দ্বারা বৎস ভরত
 রাজ্যশ্রী ভোগ করুক—অন্যটির দ্বারা রাম বিনা-
 কালহরণে দণ্ডকারণ্যে গমন করুক” ।
 অথ লোকেরা।—এ আবার কিরূপ কথা ? হায়
 হায়, কি সর্বনাশ !
 রাজা।—(মুচ্ছিত)

রাম ও লক্ষণ।—তাত ! শাস্ত হোন্ ! শাস্ত হোন্ !
 জন।—
 ইক্ষাকু-তিলক নৃপ তাঁরি ইনি পত্নী, শুদ্ধ
 রাজ-কুলে জনম ইঁহার ।
 হেন সাধ্বী সতী হয়ে কি করিয়া করিলেন
 এই ঘোর রাক্ষস-ব্যভার ।
 —মোদের নিকটে ইহা অশ্রুত-পূরব, অতি
 অদভূত বিশ্বয়-ব্যাপার ॥
 রাম।—তাত ! তাত !
 হও যদি সত্যসন্ধ,
 প্রিয় তব হয় যদি রাম,
 প্রসন্ন হইয়া তাত
 মেঝমারে কর পূর্ণকাম ॥
 দশ।—তাই হোক, আর উপায় কি ?
 জন।—হা বৎস রামভদ্র ! হা বৎস লক্ষণ !
 পুত্রে দিয়া রাজ্য-লক্ষ্মী
 যা করিলা রাজা দশরথ
 ছদ্ম-পোষ্য হয়ে তুমি
 লইলে সে আরণ্যক ব্রত ?
 বৎসে জানকি !—
 ধন্য বলি তোরে আমি শ্বশুরের আজ্ঞাক্রমে
 যাইতে পারিলি তুই নিজ পতি সাথে ।
 দশ।—হা বৎস জানকি !
 মঙ্গল-কঙ্কণ-গাছি করিয়া ধারণ আজি
 উপহাররূপে যাবি রাক্ষসের হাতে ?
 (উভয়ে মুচ্ছিত)
 রাম।—এ কি ! গুরুজনেরা যে অত্যন্ত ব্যাকুল
 হয়ে পড়লেন ।
 লক্ষণ।—দাদা !
 কেন হেন সক্রম স্নেহের আবেগ গুণে
 —কেন এত খেদ ?
 ভরত-জননী দেখ কয়েছেন আমাদের
 বিলম্ব নিষেধ ॥
 দেখ দাদা, স্নেহ-বশে অতিমাত্র কাতর হয়ে না ।
 রাম।—ধন্য তোমার আচার-নিষ্ঠা ! ধন্য তোমার
 অমানুষিক মনের বল ! এখন ভাই তবে বৈদেহীকে
 নিয়ে এসো ।

[লক্ষণের প্রস্থান ।

ভরত।—মাতুল ! মাতুল ! এ কি আমাদের গৃহের উপযুক্ত ?

যুধা।—দেখ বৎস ! আমি উদ্ভ্রান্ত হয়ে পড়েছি।

মহারাজ মৃত্যু-মুখে, পুত্র দুটি বন-মাঝে
করিছে গমন।

রাক্ষসের বলিরূপে অভাগিনী বধুটিও
হইল অর্পণ।

লোক হল নিরাশ্রয় কলঙ্কে বিনষ্ট হল
মোদের এ কুল

ভগিনীর দউরাশ্রয় সমস্ত জগৎ হল
বিহ্বল আকুল।

(লক্ষ্মণ ও সীতার প্রবেশ)

লক্ষ্মণ।—দাদা ! এই বধূঁকুরাণী।

রাম।—এই দিক্ দিয়ে, এই দিক্ দিয়ে। (সীতা
ও লক্ষ্মণের সহিত গুরুজনকে প্রদক্ষিণ করিয়া)
মাতুল !

এই পিতা, এই তাত, অপত্য-বৎসলা আর
এই মাতৃগণ।

আপনি-ই করিবেন এঁদের সান্ত্বনা, মোরা
চলিছ এখন ॥

(পরিক্রমণ)

যুধা।—(আবেগ-সহকারে) কি ?—তোমাদের
আমি অরণ্যে বিসর্জন করব ? (উঠিয়া অমুগমন)

ভরত।—(অমুগমন করত) মাতুল ! বল, আমি
এখন কি করি ?

দৃশ্য—রাজপথ

যুধা।—রামভদ্র ! রামভদ্র ! দেখ, তোমার
চরণ-সেবক ভরতও অরণ্য-সহচর হয়ে তোমার সঙ্গে
সঙ্গে যাচ্ছে।

রাম।—না না—ওঁকেই পিতা বর্ণাশ্রমরক্ষার্থে
নিয়োগ করেছেন।

ভরত।—লক্ষ্মণ কিছা শত্রুয় সেই কাজে কেন
নিযুক্ত হোন না।

রাম।—এ স্থলে স্বরুচি-অমুসারে কি কেউ কাজ
করতে পারে ?

ভরত।—আমার একান্ত ইচ্ছা, আমি আপনার
সঙ্গে যাই।

রাম।—দেখ ভাই, আমি জীবিত থাকতে, তুমি
কিছা আর কেউ পিতৃ-নিয়োগ কখনই লঙ্ঘন করতে
পারবে না।

ভরত।—হায় হায় ! এই হতভাগ্যকে তবে কি
পরিত্যাগ করলেন ?

যুধা।—বৎস ! শাস্ত হও—শাস্ত হও।

ভরত।—(সংজ্ঞালাভ করিয়া) মাতুল, তুমি
আমাকে উদ্ধার কর।

যুধা।—আচ্ছা, তবে এইরূপ হোক। (ভরতের
কানে-কানে কখন) দেখ রামভদ্র ! ভরত এই
নিবেদন করচে :—“ভগবান্ শরভঙ্গ আপনাকে যে
স্বর্ণ-পাছকা পাঠিয়েছেন—সেই পাছকা-যুগল প্রসাদ-
স্বরূপ আমাকে দান করুন।”

রাম।—(পাছকা উন্মোচন করিয়া) এই নেও
ভাই।

ভরত।—(মস্তকে স্থাপন করিয়া) হা ! দাদা—
রাম।—(আলিঙ্গন করিয়া) ভাই ! আমার
এই পাছকা নিয়ে তুমি ফিরে যাও। তাতদ্বয় অনেক-
ক্ষণ ধরে' মুচ্ছিত হয়ে আছেন, তুমি তাঁদের শীঘ্র গিয়ে
বাঁচাও।

ভরত।—

যাবৎ না দাদা হেথা
করিবেন পুনরাগমন

—নন্দীগ্রামে পাছকার
অভিষেক করি' সম্পাদন

পৃথিবী পালিব আমি,
জটা শিরে করিয়া ধারণ।

(সীতা ও রামকে প্রদক্ষিণকরণ)

লক্ষ্মণ।—দাদা ! লক্ষ্মণের প্রণাম গ্রহণ করুন।
ভরত।—(আলিঙ্গন করিয়া বাস্পস্তম্বিত-নেত্র)

রাম।—ভাই ! তুমি গিয়ে এখন তাতদ্বয়ের প্রাণ
বাঁচাও।

দৃশ্য—প্রাসাদ

ভরত।—কি কষ্ট ! এখনও পর্যাস্ত নিঃশ্বাসের
দেখা নেই। (বীজন)

জনক।—(চারিদিকে চাহিয়া) হা! আমার
বেঁচে কি ফল?

দশ।—(নিঃশ্বাস ফেলিয়া) বৎস রামভদ্র! যেও
না—যেও না।

যায় চলি' প্রাণ-বায়ু অন্ধকারে চারিদিক
হইল আবৃত
মর্শ-চ্ছেদী নব-ব্যাধি সর্বাপ শরীরে মোর
হয় প্রসারিত।

তব চন্দ্রানন বৎস মম নেত্র-সন্নিধানে
কর আনয়ন।

কথা দেও মোরে পুত্র— সহসা নির্দয় কভু
হয় না এমন ॥

(উন্মাদের ভায়ে) ওগো! এই হতভাগ্য এখন
কোথায় প্রবেশ করচে? (জনক কর্তৃক নীত হইয়া
বিহ্বলভাবে প্রস্থান)

যুধা।—দেখ দেখ বৎস রামভদ্র!

ভিন্নরুচি নরনারী এক ভাবে এক কার্যে
হইয়া মিলিত

উদ্ভাস্ত ইতস্ততঃ মুক্তকণ্ঠে হাহারব
করে উচ্চারিত।

মিথিলা নগরী তব সহসা গো ভিন্ন রূপ
করিল ধারণ,

অশ্রু-কর্দমিত মার্গ দুর্দিন-বরষা যেন
করয়ে স্থচন।

রাম।—মাতুল! মাতুল! আপনি ফিরে যান।
এই ভরতকে আপনার হাতে দিয়ে গেলেন।

যুধা।—বৎস! আমাকেও তোমার অমুগামী
হতে বল।

রাম।—ছি ছি, সে কি কথা? আপনারা গুরুজন
—আমরাই আপনাদের অমুগত, আপনারা আমা-
দের অমুগামী হতে পারেন না। মা'র আদেশ,
আমরা তিন জন মাত্র যাব, আমাদের সঙ্গে আর
কেউ যেতে পারবে না।

যুধা।—আমিই কি একলা সঙ্গে যাব?—আবাল-
বৃদ্ধ সমস্ত প্রজারাই যাবে। তুমি কি দেখ্চ না?—

বৃদ্ধ হইলেও এই

অযোধ্যার মহা-বিপ্রগণ

যজ্ঞ-পাত্রগুলি সব

স্বকোপরি করিয়া বহন,

স্বীয় বাজপেয় যজ্ঞে, উপার্জিত আতপত্র
লয়ে নিজ হাতে

ধাইতেছে উর্জ্বাসে আতপের তাপ পাছে
লাগে তব মাথে;

অগ্রে যায় হোম-ধেনু— গৃহীতান্নি পত্নীগণ
চলিছে পশ্চাতে।

রাম।—মাতুল! মাতুল! গুরুজনেরাই অধর্ম
হতে শিশুদের রক্ষা করবেন—অতএব আপনি প্রসন্ন
হয়ে ফিরে যান—এঁদেরও ফিরিয়ে নিয়ে যান।
(প্রণামকরণ)

যুধা।—ওঠো বৎস, ওঠো। তোমার এই প্রজা-
দের বক্ষণ করে' আমিই বা এখন কোথায় যাই?

হে লক্ষণ মহাবাহ! বৈদেহ-নন্দিনি ওগো!
রাম-সনে করহ প্রস্থান।

পাপাত্মা ফিরিলু আমি— কি আর বলিব বল—
তোমাদের হউক কল্যাণ ॥

(প্রতিনিবৃত্ত হইয়া রোদন করিতে করিতে) আহা,
আহা! ওগো তোমরা সকলে শ্রবণ কর:—

যুগে যুগে এই কথা সর্বভূতগণ-মাঝে
গাথা-গানে হইয়া কীর্তিত

প্রাতঃ-পবিত্রকর চরিত্র-পঞ্জিকারূপে
লোক-মাঝে হবে অধিষ্ঠিত।

লক্ষণ।—দেখুন দাদা! শৃঙ্গবেব-পুরবাসী নিষাদ-
পতি গুহ আপনাকে বলেছিলেন, ছবৃত্ত বিরাধ-রাক্ষস
সেই প্রদেশের প্রান্তদেশ আক্রমণ করে' নানা প্রকার
উৎপাত করচে।

রাম।—আচ্ছা, তবে সেই ছবৃত্ত বিরাধ রাক্ষসের
নিধনার্থ প্রথমে প্রয়াগ সন্নিহিত পবিত্র ভাগীরথী-
বেষ্টিত "চিত্রকূট"-পর্বতে যাওয়া যাক। পরে, মুনি-
গণ-সেবিত সেই দণ্ডকারণ্যে উপনীত হয়ে, সেখানে
রাক্ষসদের বধ করে', তার পর গুণ্ডরাজ জটায়ুর নিকট-
বর্তী সেই জনস্থানে যাওয়া যাবে।

[সকলের প্রস্থান।

ইতি চরিত্র নামক চতুর্থ অঙ্ক।

পঞ্চম অঙ্ক

দৃশ্য—মলয়-পর্বত-গুহা।

(জটায়ুর জ্যেষ্ঠ ভ্রাতা সম্প্রতি প্রবেশ)

সম্প্র।—নিশ্চয়ই আজ জটায়ু ভায়া আমাকে
অভিবাদন করতে মলয়-কন্দর-কুলায়ে আস্চে।
কেন না :—

বিশাল জটায়ু-পক্ষ করিছে পর্যায়ক্রমে
সঙ্কোচ বিস্তার ;
তাহে দিক ক্ষণে দৃষ্ট ক্ষণে দৃষ্টি-অন্তর্হিত
হয় বারম্বার।

পক্ষবেগে মেঘ-রাশি নীহারেতে পরিণত
—তাহাতে বিদ্যাজ্জ্যোতি-হতেছে স্ফূরণ।

সুদূরে পাষণ-স্তূপ ভাঙি পড়ে ঝন্ঝনিয়া
—নিশ্চয় জটায়ু হেথা করে আগমন ॥

দূর-উল্ললিত যার বাডব-অনল
উত্তাল তরঙ্গে যার উচ্ছলিত জল
হেন সিদ্ধ-রক্ষ-মাঝে

মহাবেগে করিয়া প্রবেশ

জটায়ুর পক্ষ-বায়ু

পূর্ণ করে পাতাল-প্রদেশ।

তাহা হতে সমুখিত— বিষুমূর্ত্তি-বরাহের
ক্ষীত কণ্ঠ হতে ধেন—

করাল সে অকালের মহা কাল-রজনীর
ভইরব গরজন।

(জটায়ুর প্রবেশ)

জটায়ু—

কাবেরী মেথলারূপে আছে যারে ঘিরি

এই সেই সুবিখ্যাত মলয়ের গিরি।

এরি এক সান্ন-দেশে অন্তরীক্ষ হতে আমি
হতেছি পতন

—যেথায় নিবসে' মোর অগ্রজ বিহঙ্গ-রাজ
কণ্ঠপ-নন্দন।

—মলয়-পর্বত-পরে অত্র এক ছিন্ন-পক্ষ
শৈলেন্দ্রে যেমন ॥

ধারণ করিয়া পক্ষ তবু ক্রান্ত অঙ্গ মোর
অন্তরীক্ষে উঠিবার শ্রমে,

সর্বশক্তিমান কাল জরা নামে ধরে শক্তি
—রোধে উহা অত্র শক্তিগণে।

এই তো আমার অগ্রজ মনস্কর-স্থায়ী পুরাতন
গুহরাজ সম্প্রতি। অহো! এঁর কি ভ্রাতৃ-স্নেহ!

পুরাকালে খেলাচ্ছিলে উড়িয়া অভ্যাস-বশে
হইতাম সূর্য্য-সন্নিহিত।

—অত্যন্ত নৈকট্য হেতু— প্রথর তপন যবে
গাত্র মোর উত্তাপে দগ্ধিত,

তখন আমার পরে পক্ষ বিস্তারিয়া উনি
যতনে ধরিয়া

শিশু বলি' আমারে গো রক্ষিতেন তাপ হতে
করুণা করিয়া।

(নিকটে অগ্রসর হইয়া) দাদা! কাশ্যপ!
জটায়ুর প্রণাম গ্রহণ করুন।

সম্প্র।—এসো ভাই গুহরাজ এসো।

মহাবীর গরুড়ের গুহসে, ও মম

জননী "শ্বেনীর" গর্ভে, তোমার জনম।

"বিনতা" মোদের পিতামহী সাধারণ ॥

(আলিঙ্গন করিয়া) ভাই জটায়ু! এতদিনে
রামভদ্রের পিতৃ-শোক কি কিছু কমে নি?

বিরোধ-রাগস-মাংসে গুহেরা হইয়া তৃপ্ত

মোরে করে এই নিবেদন :—

চিত্রকূট হতে রাম কার্য্য সমাপন করি'

গিয়াছেন শারঙ্গ-আশ্রম।

সে সময়ে শরভঙ্গ

প্রবেশ করেন হতাশনে।

দেখিলেন তথা রাম

সুতীক্ষ-আদি মুনিগণে ॥

জটায়ু।—হাঁ, তাই বটে। এখন আবার অগস্ত্যের
মুখে শুন্লেম, তিনি পঞ্চবটীতে গিয়ে বাস করছেন।

সম্প্র।—(অনেকক্ষণ পরে স্মরণ হওয়ায়) হাঁ!
গোদাবরী-তট-প্রদেশের জনস্থানে পঞ্চবটী বলে'
একটা স্থান আছে বটে। দেখ বৎস জটায়ু! বিষয়-
বাহ্য ও কালের দূরত্ব-হেতু আমার স্মৃতি-লোপ
হয়েচে।

কল্পের প্রারম্ভ-কালে জানি আমি, যে সময়ে
দিব্য-গঙ্গা-পতাকা-সমান

বিষ্ণুর চরণ-যুগ আকাশের উর্দ্ধদেশে
অতি উচ্চে করে গো উত্থান,
আর প্রান্তভাগে সেথা সপ্তসিন্ধু বিভাগিয়া
অঙ্গি অবস্থিত
—এপার-টি দৃশ্য যায় ও-পার অদৃশ্য—তাও
মোর পরিচিত।

জটা।—একদা সেইখানে কামুকী শূর্ণনখা রঘু-
নন্দনকে দেখতে পেয়ে তাঁর সংসর্গ কামনা করে।
সম্পা।—অহো! একেবারে মর্যাদা-জ্ঞানশূন্য!

বহু যুগ-জীবী যে গো ত্রয়োদশ পূর্ণ যার
এই যুগ ত্রেতা
সে কি না লজ্জিত করি' ছন্দপোষ্য সেই বৎসে
হ'ল না লজ্জিত।

জটা।—
কর্ণ নাসা ওষ্ঠ তার ছেদন করিয়া পরে
অনুভ্র লক্ষণ
দশানন-তিরস্কার -ঘোষণা-স্বরূপ তারে
করিল প্রেরণ।

সম্পা।—সেই হেতু, তার পরেই শক্রগণ এসে
তাঁকে আক্রমণ করে।

জটা।—হাঁ। রামভদ্র একাই
চউদ্দ-হাজার-চৌদ্দ
রাক্ষসেরে বধিলেন রণে।
আর সে দুষণ, খর,
ত্রিমূরধা—এই তিন জনে।

সম্পা।—আশ্চর্য্য! অথবা, দাশরথীর পক্ষে
এ আর আশ্চর্য্য কি! কিন্তু দেখ, বৃহৎ একটা
বৈর-স্বার এখন হতে উদ্ঘাটিত হল। তাই আমি
অত্যন্ত চিন্তিত হয়েছি। তা দেখ তাই জটায়ু, এই
সময়ে রাম-লক্ষণকে এক মুহূর্ত্তও ছেড়ে থাকে না।

নিকটে রাবণ শক্র,
মদাক্ষ মায়াবী সে যে অতি,
অপ্রমেয় বীর্য্য তার,
ধরে সে যে অতুল শক্তি।

কেমনে সহিবে বল ভগিনীর অপমান
সেই দশানন ?
কেমনে সহিবে আর পুনঃ পুনঃ রাম হতে
স্বজন-নিধন ?

তাই বলি, অকস্মাৎ
কি বিপদ উপস্থিত অহো !
এখন রক্ষিতে হবে
শিশুদের দক্ষতার সহ।

আমিও সমুদ্রে দিন-কুতা সমাপন করে' কিসে
আমাদের চেষ্ঠা শুভফলে পরিণত হয়, তারই চিন্তা
করি গে।

[প্রস্থান।

জটা।—(আকাশে উঠিয়া)

এই দেখ আমি এবে উড়িয়া প্রচণ্ড বেগে
মহাকাল প্রসয়ের পবন সমান
—অস্তরীক্ষ স্ফুটত —করি' তারে সংকুচিত,
এক-ই চুমুকে যেন করিয়াছি পান।
মলয়-পর্বত হতে ক্ষিপ্রগতি নভ-পথে
নিবাস-গিরিতে এবে আমি' উপনীত
—বৃক্ষলতা-জালে যাহা সতত আবৃত।

জন-স্থান-মধ্যস্থিত এই গিরি, প্রস্রবণ নাম
—উপান্তে অরণ্য শোভে ;—
সুনিবিড় তরুরাজিসমাকীর্ণ
নিরস্তর-স্নিগ্ধচ্ছায় নিরমল যায় পরিসর-ভূমি।
গিরিরে বেঠন করি' প্রবাহিত নদী গোদাবরা
—কলনাদে মুখরিত গহবর ; স্নিগ্ধ ভাব ধরে
গিরির নৌলমা ঘোর, নিরস্তর মেঘ বরিষণে।
আর, এই পঞ্চবট। (ধ্যান করিয়া) এ কি !—

চিত্র-মুগ রামে দেখ
বহু দূরে করে আকর্ষণ।
যে দিকে গেলেন রাম
সেই দিকে গেল গো লক্ষণ।
কুটীরে পশিল দেখ
ভিক্ষুরূপে দশানন ভূপ,
হায় হায় ! এইবার
ব্যক্ত করিল নিজরূপ।

কি প্রমাদ !—

সংখ্যায় সহস্রাধিক পিশাচ-বদন-ধারী
গর্দভ জুড়িয়া নিজরথে,
দেখ পাপাচারী ওই লয়ে যায় বধুটির
না জানি কোথায় কোন্ পথে।

পৌলস্ত্য! পৌলস্ত্য!
 ব্রহ্মা-আদি বিশ্বেশ্বর প্রলয়ে করিলা যারা
 বেদের উদ্ধার
 —সেই কুলে জন্ম তব, সমাপ্ত করেছ সর্ব
 বেদ-ব্রতচার।
 বরুণ-বিজয়ী তুমি তপোদগ্ধ সাধু অতি,
 রক্ষ-অধিপতি,
 কেমনে গো বিগর্হিত কুল-কলঙ্কিত কাছে
 হ'ল এ ছমতি?
 কি? অবজ্ঞা করে' আমার কথায় কর্ণপাতও
 করলে না?—আরে ছরাত্মা রাক্ষসাদম! রোস্
 রোস্—
 তুণ্ডে করি' ছিদ্রীকৃত অস্থি তব শিরস্থিত
 আকর্ষণী করিব বাহির।
 ক্রোম পীঠা যকৃতের স্নায়ু অস্ত্র সকলের
 ছুটাব গো তপত রুধির।
 স্মৃতীক্ক করাতি-সম প্রচণ্ড নথরে মম
 ছেদিব গো ধমনী ও গ্রীবা
 তাহা হতে ঝনৎকার উঠিবে গো চমৎকার
 —তাহে তৃপ্তি হবে মোর কিবা!

[প্রস্থান।

ইতি—বিষ্ণুস্তক।

দৃশ্য—পঞ্চবটী

(লক্ষ্মণের প্রবেশ)

লক্ষ্মণ।—হা! দাদা, তুমি কোথায়? হায়
 হায়। দাদা মারীচের হাতে বিপাকে পড়ে' না জানি
 কি কষ্টই পাচ্ছেন।

মূর্ত্তিমান ক্রোধ ইনি

চলন্ত গো শোক-ছতশন

মর্শ্বতাপে তপ্ততনু

অতি কষ্টে করেন ধারণ।

কুটিল বিটক-সম

বন্ধিম জ্রভঙ্গে শুধু

করিছে সূচনা

—রামের হেথায় যাহা

বিপত্তি-জনক ঘোর

হয়েচে ঘটনা।

অস্ত্র-ক্ষুর প্রচণ্ড সে

সর্বগ্রাসী ঘোর কোপানল

রেখেছেন চাপি আর্ঘ্য
 প্রকটিত শুধু ধৈর্য্যবল।
 বাহিরে উদগত ধুম,
 বাডবাগ্নি জলিছে অস্তরে;
 সিদ্ধ যথা, বিভ্রাময়
 বজ্রগর্ভ মেঘ-ছায়া ধরে।

(রামের প্রবেশ)

রাম।—

বজ্র-কীল হৃদি মম স্মৃতীত্র দিকার বোধে
 হতেছে স্পন্দিত।
 লজ্জা-সঙ্কুচিত মন মহা ঘোর অন্ধকারে
 হয়েচে মজ্জিত।
 জটায়ু-নিধন-হেতু দগধ হতেছি শোকে
 —নাহি প্রতীকার।
 তাহে পুন সীতা-পরে অমুকম্পা, মর্শ্বভেদ
 করে গো আমার ॥

লক্ষ্মণ।—দাদা! দাদা! তোমার মত অলৌকিক-
 কর্ম্মা পুরুষেরা বিপদে কখনই এরূপ মুহমান হয় না।
 রাম।—ভাই! রামের অলৌকিক কর্ম্মই বটে।

যে সকল নরপতি

মহাতেজা সূর্য্যকুল-কেতু,

সমস্ত এ ত্রিলোকের

সুরক্ষক—বিপদের সেতু,

—আমা হতে হল এবে

র্ত্তাহাদের ঘোর অপমান।

জটায়ু কল্লাস্ত-জীবী

আমা লাগি' গেলা স্বর্গধাম।

পত্নীরে হারিয়ে বনে

লোকের অকৃত যেই কাজ

তাহাই দেখ না কেন

কৃত হল আমা হতে আজ।


হা! তাত, কাশ্যপ, শকুন্তরাজ! তাদৃশ তীর্থরূপ
 সাধু পুরুষ আর কোথায় পাওয়া যাবে?

লক্ষ্মণ।—তাত জটায়ুব চরম অবস্থা এখনও যেন
 প্রত্যক্ষ দেখি;—তিনি এই কথাটি বলে' বীরলোকে
 প্রস্থান করলেন :—দেখ বৎস!

ওষধির মত যারে

বনে বনে করিতেছ

সদা অঘেষণ



—সেই সীতা আর মোর প্রাণ—হুই হরিল সে
হুই দশানন ।

রাম।—ভাই! ভাই! কি দারুণ মর্শ্ভেদী
তোমার এই কথা!

লক্ষ্মণ।—এসো দাদা, এখন তবে সর্ব প্রকারে তার
বৈর-সাধনে প্রবৃত্ত হওয়া যাক ।

রাম।—হাঁ ভাই । কিন্তু যেকোন ঘোরতর অপমান,
তার তুল্য প্রতিশোধ কি হতে পারে বল দিকি ?

পূর্বেই রাক্ষস-বধে ছিল মোর মতি
বহু কারণেতে তারা বধ-যোগ্য অতি ।

তাহাদের বধিলেও

কোথা শাস্তি বল তো লক্ষ্মণ ?

কুলধ্বংস করা ছাড়া

অন্য কাজ কি আর এখন ?

তবু ভাই দেখ :—

সুপ্রচণ্ড ঘন-পিণ্ড

অস্তমুখী স্তব্ধ ক্রোধ মোর

সহসা প্রসারি' শিখা

মুহমূর্ছ জলি' উঠে ঘোর ।

না পাইয়া অন্য দাছ,

দেহ-ধাতু করে মোর পান ।

সিক্কর বাড়র-সম

দহে মোরে, কর এবে ত্রাণ ॥

লক্ষ্মণ।—এই সব অরণ্যে বিবিধ মৃগযুথেরা ভ্রমণ
করচে, বিরাট গিরিগহ্বরে উন্নত খাপন-কুল বিচরণ
করচে । আর দেখুন, এই অরণ্যে দক্ষিণ অভিমুখে
প্রসারিত । আমুন দাদা, এই পথ দিয়েই যাওয়া
যাক ।

রাম।—এই জনস্থান-প্রদেশ আমি কখন পূর্বে
দেখিনি ।

লক্ষ্মণ।—আমরা তখন পিতৃদেহা গুপ্তরাজ জটায়ুকে
অগ্নিসাৎ করে' পঞ্চবটী-আশ্রম হতে কতকাল হল
বহির্গত হয়েছি । তাই মনে হয়, এখন আমরা জন-
স্থানের সীমা ছাড়িয়ে অনেক দূর এসে পড়েছি ।
সম্মুখে যখন এই সকল ভীষণ অরণ্য দেখা যাচ্ছে, তখন
নিশ্চয় এইটিই জনস্থানের পশ্চিমস্থ কুঞ্জবান নামক দহ-
কবন্ধ-অধিষ্ঠিত দণ্ডকারণ্য-বিভাগ ।

রাম।—সেই ছুরায়া কাস্তার-মণ্ডুক দহ-কবন্ধকে
একবার দেখতে হবে ।

নেপথ্যে।—কে আছ গো ওখানে ? রক্ষা কর,
রক্ষা কর । এই ছুরায়া কবন্ধ রাক্ষস একটি
স্ত্রীলোককে ধরে' টানাটানি করচে ।

শ্রমণা নামেতে আমি

তপঃসিদ্ধা শবর-তাপসী

এসেছি খুঁজিতে রামে

—মতঙ্গের আশ্রম-নিবাসী ।

রাম।—ভাই লক্ষ্মণ ! যাও যাও ।

লক্ষ্মণ।—এই আমি চল্লম ।

[প্রস্থান ।

রাম।—কোথা হায় তুমি প্রিয়ে !

কহ মোরে মধুর বচন ।

পরভূত যে গো, তার

ছুরলভ শোক-বিনোদন ।

পৌলস্ত্য অনিন্দ্য হয়ে করে বিচরণ,

কলঙ্কের অপমান আমাতেই রহিল এখন ।

তাড়কা-বধের লাগি

রাবণের বাড়িয়াছে ক্রোধ ।

সেই শক্রতার বশে

বহু গুণে নিল তার শোধ ॥

(লক্ষ্মণ ও শ্রমণার প্রবেশ)

লক্ষ্মণ।—

রাক্ষসেরে দেখিবারে

কৌতূহল ছিল গো দাদার,

দেখা হ'ল না গো তাঁর

সেই সে কিস্তুত-কিমাচার ॥

কর-পত্র-সম তার

সুতীখন দস্তধার

চর্কিত তাহে প্রাণী কত ।

তাহা হতে বিনিঃসৃত

রক্ত করে বিপ্লাবিত

শ্মশ্রুত তার অবিরত ।

অতি দীর্ঘ বাহ তার

শরীর বিকৃতাকার,

মুখ তার অতি অদভূত ॥

দেখুন ঠাকরাণি । এই আমার দাদা ।

শ্রমণা । মহারাজের জয় গোক !

রাম।—ভাল, আপনি আমাদের কেন অন্বেষণ
করচেন বলুন দিকি ?—প্রয়োজনটা কি ?

শ্রমণা।—রাবণাশ্রম বিভাষণের নাম কি শুনেচেন ?

রাম।—তাঁর নাম কে না শুনেচে ?

শ্রম।—যে সময়ে দৈব-বশে ধরদূষণ প্রভৃতি নিহত হয়, সেই সময়ে তিনি কোন কারণবশতঃ আত্মীয়-স্বজনদের নিরুৎসাহ হতে প্রস্থান করে, সুগ্রীবের সখাতার অনুবোধে, ঋষামুক-পর্কিতে এসেছিলেন এবং এখন সেইখানেই বাস করছেন—তিনিই এই পত্র-খানি আমার হাতে দিয়েছেন। (পত্র প্রদান)

লক্ষ্মণ।—(গ্রহণ করিয়া পাঠ)

স্বস্তি!

মহারাজ রামচন্দ্রকে প্রণাম পূরঃসর-বিভীষণের নিবেদনঃ—

বিপর্যাস্ত ভাগা যাব ছই গতি আছে তার
মনে আমি গণিঃ—
ধর্মের সাধনা এক, আর এক ধর্মের
রক্ষক আপনি।

রাম।—ভাই লক্ষ্মণ! প্রিয় সুহৃৎ লক্ষ্মণের বিভী-
ষণ যা বল্চন, তার প্রত্যুত্তরে তাঁকে কি বলা যায়
বল দিকি?

লক্ষ্মণ।—যখন আপনি লক্ষ্মণকে প্রিয় সুহৃৎ
বলেন, তখন আর বলতে বাকি রইল কি?

রাম।—যা বলল লক্ষ্মণ।

শ্রম।—আমরা অসুগৃহীত হলেম।

লক্ষ্মণ।—আর্য্য! শ্রমণা! বিভীষণ-সম্পর্কে যদি
কোন কথা বলবার থাকে তো বলুন।

শ্রম।—আপাতত কিছু বলবার নেই। যখন সেই
হুরায়া রাক্ষসাদম একটি স্ত্রীলোককে হরণ করে' নিয়ে
যাচ্ছিল, সেই সময় "অনসুয়া"—নামাঙ্কিত একটি
উত্তরীয় নৌচে পতিত হয়, সেই উত্তরীয়টি তারা নিয়ে
রেখে দিয়েছে।

রাম।—হা প্রিয়ে! মহারণ্য-বাস-প্রিয়সখি!—
বিদেহ-রাজনন্দিনি! (মনের আবেগ সস্বরণ)

লক্ষ্মণ।—আর্য্য! সেটি কারা নিয়ে রেখেছে?

আর, কার জন্তই বা রেখেছে?

শ্রম।—ঋষামুকে যারা রাম-গুণ-পক্ষপাতী, সেই
সুগ্রীব, বিভীষণ, হনুমান প্রভৃতি।

রাম।—সেই নিস্বার্থ পরমোপকারী মহামহিম
মহাত্মাদের আমি একবার দেখব। আর সেটি
নিশ্চয় সীতারই বাস-চুাত অভিজ্ঞান। এখন তবে
ঋষামুক-অভিমুখেই যাওয়া যাক।

শ্রম।—তবে এই দিক দিয়ে আসুন মহারাজ,
এই দিক দিয়ে। (পরিক্রমণ)

লক্ষ্মণ।—হনুমানের বীরত্বের তো খুব খ্যাতি
আছে। তিনি গম্বাবামাত্রই নাকি দেবাসুরেরা তাঁর
অদ্ভুত কার্য্যের কথা শুনে একবারে ত্রস্তব্যস্ত হয়ে
উঠেছিলেন। আরো নাকি শোনা যায়ঃ—

বজ্রীর যে মহাবীর্ষা, উত্তুঙ্গ পবন ধরে
যে বীর্ষা মহান,
—আর বালী মগবাহুঃ—সমস্তই হনুমান
একা বিস্ময়ান।

শ্রম।—হাঁ, তিনি এইরূপই বটেন। আর স্তম্ভ-
নিবাসী বানব-সৈন্যের প্রবীণ সেনাপতি-কেশরীর পত্নী
অঞ্জনার ক্ষেত্রজাত ও সূর্য্যদেবের ঔরসজাত পুত্র এই
হনুমান। কিন্তু একাকী হনুমানের দ্বারা কি হবে?

নারিকেল-রস সম জলধির জল যারা
এক-ই চুমুকে করে পান,
উৎসিষ্ট করে যারা বড় বড় গিরি-চূড়া
নিকুচ-উৎস সমান,
নিবাস-ক্রমের ছায় ব্রহ্মাণ্ড সবলে যারা
নাশিতে সক্ষম
—এ হেন অসংখ্য কপি বালীরাজের করে
চরণ বন্দন।

রাম।—আর্য্য! দেখ দেখ—দক্ষিণদিকে বিপুল
অগ্নিরাশি সঞ্চিত হয়েছে। এ কি ব্যাপার?

শ্রম।—কুমার লক্ষ্মণ সেই "যোজন বাহু" কবন্ধের
চিত্তা নিশ্চারণ করেছেন।

রাম।—বড় ভাল কাজ হয়েছে।

লক্ষ্মণ।—দাদা! দেখুন। কি আশ্চর্য্য! কি
আশ্চর্য্য!

যেথায় হতেছে পাক ঘন-পিণ্ড রক্তরাশি,
—দৃশ্য চমৎকার—

বিযুক্ত হইয়া মাংস উর্দ্ধে ছুটে নলকাস্থি
করিয়া টঙ্কার,

মেদ বিগলিত হয়ে বুদ্ধবুদ্ধ উর্দ্ধি যেন
হয় প্রবাহিত

—সেই চিত্তানল হতে সূদিব্য পুরুষ এক
হয় সমুখিত।



(দিব্য-পুরুষের প্রবেশ)

দিব্য।—মহারাজ রামচন্দ্রের জয় !
 শ্রীর পুত্র দনু আমি
 শাপ-বশে হয়েছিল রক্ষ,
 ইন্দ্রাঙ্গে কবন্ধ হই,
 তবশ্রয়ে লভিলাম মোক্ষ ।

রাম।—শুনে সুখী হলেম ।

দনু।—আমি মালাবানু কর্তৃক প্রেরিত হয়ে,
 আপনাকে আক্রমণ করবার অভিপ্রায়ে, সেই হিংসা-
 দূষিত অরণ্যে এসেছিলেম । না না, সেই শাপ-কথা
 আর স্মরণ করে' কাজ নেই । সম্প্রতি আপনার
 মাহাত্ম্যে আমার অন্তরে যে সহজ জ্ঞান-জ্যোতির
 আবির্ভাব হয়েছে, তাতে কোন বস্তু আমার নিকট
 এখন প্রত্যক্ষবৎ প্রতিভাত হচ্ছে । আপনি আমার
 মহৎ উপকার-সাধন করেছেন, তাই আপনাকে সেই
 কথা জানাচ্ছি ।

তোমার বধের তরে যাচিতে গো বালী রাজে
 মালাবানু হয়েন প্রেরিত
 রাবণের সখ্য-বশে রাখিতে সে অনুরোধ
 হয়েছেন তিনিও স্বীকৃত ।

রাম।—চরিত্রবানু বীরমাত্রেরই তো এই রীতি ।
 তাঁর ঠায় মহাবীর না করেন মিত্র-কার্যে
 ঔদাস্য ধারণ ।

যুক্তিতে তাঁহার সনে আমরা গো হইয়াছে
 সমুৎসুক মন ॥

অন্ত সকলে।—মহারাজ রাম ভিন্ন একপ কথা
 আর কে বলতে পারে ?

রাম।—ভদ্র ! তোমার সৌজ্ঞেয় কাজ তো
 হয়ে গেল । এখন মহাভাগ তুমি স্বলোকে গিয়ে
 আনন্দ কর গে ।

দনু।—যে আজ্ঞে ।

[প্রস্থান ।

লক্ষ্মণ।—আচ্ছা, আর্ঘ্যে ! বালী-রাবণের মধ্যে
 মৈত্রী-বন্ধন কিরূপে হল ?

শ্রম।—

ভূকৈলাসেরে উর্দ্ধে তুলি' জিনিয়া তাহার পরে
 তিনটি বন,

দর্প-মদে মত্ত হয়ে

বাহু-যুদ্ধে সমুদ্যত

হইল রাবণ ।

সেই যুদ্ধে বালী তারে
 বাহু-কক্ষে করিয়া গ্রহণ,
 সপ্ত-সমুদ্রের মাঝে
 সান্ধ্য-পূজা করি' সমাপন,
 পরে করিলেন মুক্ত ;

তখন সে হইয়া প্রণত

যাচিল তাঁহার সখ্য,
 বালী তাহে হলেন সন্মত ।

লক্ষ্মণ।—ছুরাছুরা পোলস্ত্য-কুল-কলঙ্ক ! এই তোর
 ক্ষত্রিয়-সম্ভাপকারা বীর্যোৎকর্ষ ?

রাম।—উত্তরোত্তর রাবণের এই ভাব-পরিবর্ত
 দেখে সমস্ত জীবলোক বিস্মিত ।

লক্ষ্মণ।—আর্ঘ্যে ! আপনার সম্মুখে যে খেত-
 পর্বত দেখা-যাচ্ছে—ওটির নাম কি ?

শ্রম।—

এ নহে গো খেত-গিরি, বালীরাজ-বশোরূপে
 হয়েছে উদয় ।

—“হৃন্দুভি” মহিষাসুর দৈত্যরাজ—তারি এই
 অস্থি সমুদয় ॥

লক্ষ্মণ।—ঐ অস্থিরাশিতে পথ-সকল রুদ্ধ হয়ে
 আছে—এখন তবে অগ্নিদিক দিয়ে যাওয়া যাক ।

রাম।—না না, এসো । (পদ-দ্বারা অস্থি
 নিঃক্ষেপ)

শ্রম।—আশ্চর্য্য !

বানর-পুঞ্জব বালী, প্রচণ্ড দৌর্দ্ভিগু বলে
 নিক্ষেপিয়া গিরি হতে “হৃন্দুভি” মহিষাসুরে ;
 অকাল-জলদ-শুভ্র বস্ম-রোধী অস্থি তার,
 অদ্ভুতের বলে শুধু, রাম নিক্ষেপিয়া দূরে ।

লক্ষ্মণ।—প্রশান্ত-গস্তীর নীল অতি রমণীয় অরণ্য-
 গিরিভূমি ঐ সম্মুখে বিস্তৃত দেখা যাচ্ছে ।

শ্রম।—এ হচ্ছে ঋষামুক ও পম্পাসরোবরের
 প্রান্তদেশ । আর সম্মুখেই মতঙ্গমুনির আশ্রম । ও
 স্থানটি বহুকাল জনশূন্য হলেও সমিধ-যুক্ত ঘৃতগন্ধী
 অগ্নিদেব এখনও এখানে প্রজ্বলিত, আর সন্নিকটেই
 সোমপানের চষক-পত্রাদি উপকরণ ও কুশরাশি
 সর্বদাই সজ্জিত ।

রাম।—তপস্বী জনের প্রয়োজন আমাদের চিন্তার
অতীত।

শ্রম।—মহারাজ! দেখুন। এখানে :—
হরষে বিহগ-কুল, বেতসে আসিয়া বসে,
তাহা হতে পুষ্প কত বরে সদা সে পরশে।
হয়ে তাগা সুরভিত, স্বচ্ছতোয় স্মশীতল
নির্ঝরী বহি' যায়; কুঞ্জ-পক-ভঙ্গু-ফল
স্থলিত হইয়া পড়ে, হয়ে তাহে মুখরিত
শত-শ্রোতে মহাবেগে তটিনীটি প্রবাহিত।

অপিচ :—

ফুৎকার-শব্দ করে
গুহাবাসী ভল্লুক তরুণ
প্রতিধ্বনি উঠি' তাহে
সে শব্দ বাড়ায় বিগুণ।
গজ-ভগ্ন শল্কীর— শাখা-গ্রস্থি আছে পড়ি'
হেথায় হোথায়,
শীতল-কষায়-কটু নির্ঘাস-সোরভ তার
চারিদিকে ছায়।

লক্ষ্মণ।—আচ্ছা, দাদা মহা অশ্রু-বিগলিত-দৃষ্টিতে
পূর্ববায়ু-তাড়িত ঐ কদম্ব-কাননের চতুর্দিকে দৃষ্টি-
নিষ্কোপ করে' ধনু হাতে নিয়ে স্থিরভাবে দাঁড়ালেন
কেন বলুন দিকি ?

শ্রম।—বৎস! দেখছ না কি ?

বিকাশ-উল্লুখ যত কুসুম কদম্ব,
কলকণ্ঠ-নীলকণ্ঠ করে নৃত্যারম্ভ।
উর্দ্ধ-বিকশিত নীল
তমাল-কুসুম-সম
পর্কত-শিখরোপরি
সমুদিত নবঘন।

লক্ষ্মণ।—(স্বগত) অত কোন রসের আবির্ভাবে
দাদার মন কি এখন বিক্ষিপ্ত ?

নেপথ্যে। মাতামহ! তুমি ফিরে যাও।

অনুচিত হইলেও তোমার আদেশে আমি
রামচন্দ্রে করিব নিধন।

তুমি পূজনীয় মোর, মিত্রের যে গুরুজন
তিনি গো আমারো গুরুজন ॥

লক্ষ্মণ।—আর্য্যে! এ কে ?

শ্রম।—মহারাজ! দেখ দেখ।

দেবরাজ-দত্ত চারু কনক-কমল-মালা
“বালী” কণ্ঠে করে পরিধান।

পিঙ্গ অঙ্গে হয় বোধ— সন্ধ্যারাগ-বিচ্ছুরিত
যেন মহা-মেঘ তড়িদ্বান্।

গিরিশিখরের পাশে উড়ি' চলে নভস্তলে;
বেগ-হেতু যেন যায় দেখা

—গৌরিকাঙ্ক-গিরি-শায়ী লক্ষ্মীর কেশের মাঝে
পরিহৃত সীমস্তের রেখা।

লক্ষ্মণ।—দাদা, দাদা! বীর-সমাজ-বিনোদন সেই
ইন্দ্রের প্রিয় স্বহৃৎকে এইবার দেখতে পেয়েচি।

রাম।—(স্বগত) উনি একজন মহাবীর।

(বালীর প্রবেশ)

বালী।—সপ্তদ্বীপ-পরপারে গিরি-“চক্রবাল”

—তাহারে বেঠন করি' আছে আলবাল।

সেই আল করি' ভগ্ন সপ্ত-সিন্দু-মহাশ্রোত
মহাবেগে করি' নিঃসারিত,

পুরাতন ত্রিলোকের শিখিলিয়া গ্রস্থিচয়,
আপাতাল করি উল্লুখিত,

চন্দ্র-সূর্য্য-সুবকেরে বিপর্যাস্ত করি,'

নিঃক্ষিপ্ত করিয়া তারা-পুষ্প ভূরি ভূরি,

সমস্ত ব্রহ্মাণ্ড পারি করিতে উচ্ছেদ,

কিন্তু এই কার্য্যে মোর হয় বড় খেদ।

এইরূপ অহুচিত কাজ করতে অনুরুদ্ধ হয়ে,
লোকে বিপুল অত্যাগ-গহ্বরে পতিত হয়। রাবণের
সহিত যে দিন আমার মৈত্রীবন্ধন হয়, সেই দিনের
কথা মাল্যবান আমাকে স্মরণ করিয়ে দেওয়ায়,
আমি সেই রঘুকুল-ধ্বংসের নিধনে নিযুক্ত হয়েচি।
অহো! কি কুগ্রহ! প্রাতঃকাল থেকে আমার
অনুসরণ করে,' আমাকে কিঙ্কিঙ্কায় পাঠিয়ে, তবে
সে প্রস্থান করেছে। হায় হায়! কি কষ্ট!

স্বকীয় সারল্য-গুণে

যে রাম অতীব শুদ্ধ-চিত

মায়াবী হুরাত্মা রিপু

তাঁহারে করিল প্রগরিত।

ধর্ম্মাত্মা জগৎ-পূজ্য আইলেন গৃহে মোর

না করিলু আমি তাঁর উচিত আতিথ্য।

না কহিলু প্রিয় কথা, দিক্ মোরে! পাপী আমি

রিপুসম এবে কিনা বধিতে প্রবৃত্ত ?

সম্প্রতি গুপ্তচরের মুখে অবগত হলেম, স্ত্রীকেও না বলে' বিভীষণ শ্রমণকে রামের নিকট পাঠিয়ে-ছেন। লঙ্কার আধিপত্য বিভীষণকেই দেবেন বলে' অঙ্গীকার করে', রাম এখন মতঙ্গাশ্রম-উপকণ্ঠে অবস্থিতি করছেন। আচ্ছা, তবে আমি এইখানেই অবতরণ করি। (তথা করণ) ওগো! কে আছ ওখানে?

বিজিত-পরশুরাম, সত্যধর্মী, অভিরাম
—গুণনিধি সেই রামে দেখিতে আগত।
করি' তোমা দরশন, সার্থক এ ছনয়ন,
দর্পকণ্ডু রণমাধ বাড়ে মোর কত।

রাম।—ভাই লক্ষণ! ওঁকে বল, আমি এইখানেই আছি।

লক্ষণ।—(নিকটে আসিয়া) দাদা এইখানে আছেন, আপনি আসুন।

বালী।—তুমি কি সেই লক্ষণ?

লক্ষণ।—আজ্ঞে হাঁ।

(উভয়ে নিকটে গমন)

বালী।—(স্বগত)

এই তো সে রাম, চরিতাভিরাম,
প্রশান্ত মহান পুরুষামুপম
—স্বীয় আচরিত উত্তম চরিত,
পূর্বে চরিতেরে করে অতিক্রম।

(প্রকাশ্যে) রাম!

তোমাতে হেরিয়া মোর, আনন্দ বিষয় হুঃখ
একত্র উদয়।

দৃষ্টিতে বিতৃষ্ণা নাহি, যত দেখি তব যেন
তৃপ্তি নাহি হয়।

তবে কি না, নহি আমি তব সঙ্গ-সুখ-কামী
বুঝা বাক্যে কিবা প্রয়োজন?

পরশুরামেরে জিনি' প্রখ্যাত হয়েছ তুমি,
এবে ধনু করহ গ্রহণ ॥

রাম।—

দেখা হল, কি সৌভাগ্য! মানিলাম সব সত্য
তোমার বচন।

কিন্তু তুমি শত্রু-হীন কেমনে গো শত্রু রাম
করিবে গ্রহণ?

বালী।—(হাসিয়া) ওগো মহাক্ষত্রিয়! আমি

যে তোমার অনুকম্পার অযোগ্য; আমার প্রতি
কেন তুমি অনুকম্পা প্রকাশ করচ?

মোদের চরিত কে না জানে ত্রিভুবনে
—কি হইবে করি' ব্যাখ্যা পুন তা বচনে?
সাজো রণে, সত্য-প্রিয় তুমি সত্যসন্ধ,
শত্রু-যুদ্ধে যদি হয় তোমার নির্বন্ধ,
আছে মোর এই সব ভূধর-প্রস্তর
—বানরদিগের যাহা সংগ্রাম-অস্তর।

এসো তবে, এই দিকে এসে দাঁড়ান যাক্।
লক্ষণ।—দাদা! উনি যা বলেন, তা ঠিক—যে
জাতির যে যুদ্ধ-পদ্ধতি।

বালী ও রাম।—(পরস্পরের প্রতি)

তব সনে রণোৎসব

অতিশয় শ্লাঘ্য বলে' গণি;

কিন্তু তুমি হ'লে গন্ত

বীরশূন্য হবে যে ধরণী।

[পরিক্রমণ করিয়া প্রস্থান।

লক্ষণ।—ধনু টঙ্কারে বালী যে অত্যন্ত কুপিত
হয়েছেন দেখ'চি।

মেঘের গজ্জন-সম স্ত্রীত্র গস্তীর-স্বন
অবিরত ছাড়িয়া লঙ্কার
গুঞ্জীফল-বর্ণ-প্রায় মুখ ব্যাদানিয়া ধায়
দিক্-চক্রবালের মাঝার।

উত্তোলিত—ক্রোধ-হেতু পিঙ্গল লাজুল-কেতু,
ছুটে যেন বিদ্রোহ সমান,

সর্ব-অঙ্গপ্রসারিত, নত তাহে আচ্ছাদিত
—ক্রোধভরে ঘোর কম্পমান।

(নেপথ্যে)—বিভীষণ! বিভীষণ!

বালী রাজেরি তো এই কণ্ঠের নিঃস্বন

ভীরি তো এ নবঘন-প্রচণ্ড গজ্জন।

কোথা হতে আসে এই টঙ্কার ভীষণ?

পিনাকী করেন কি গো পিনাকাক্ষাণন?

লক্ষণ।—আর্য্যো! উনি আবার কে?

শ্রম।—বিভীষণের সখা স্ত্রীত্র এই যুদ্ধে যোগ
দিতে আসছেন। আর, সমস্ত বানর-সেনাপতিরাই
গিরি-গহ্বর হতে লাফ দিয়ে পড়চে।

লক্ষণ।—এইবার তবে ধনুতে আমারও জ্যা
আরোপণ করতে হবে দেখ'চি।

শ্রব।—ঐ দেখ, রাম-তুণীর-শায়ী শর—বালীর
শরীর, “হৃদয়-দৈত্যের খর্পর, সপ্তহাল, গিরি, মহী-
তল—একেবারে এক-সঙ্গে সমস্ত ভেদ করেছে।
(নেপথ্যে)—

শোনো বলি তোমাদের
পৌলস্ত্য, সুগ্রীব, অগ্রগণ্য!
আমার শপথ, যদি

চিত্ত তব না হয় প্রসন্ন।
ওগো কপি-বীর সবে! যদি গো এখনো মোরে
রাজা বলি করহ গ্রহণ,
হোক শাস্তি বলি আমি; লভিয়াছি রাম হতে
বহুমূল্য বীরের মরণ।

এবে করি উপদেশ:— তব রাজা আমি যথা
—সুগ্রীবো তেমনি।
যেমন সুগ্রীব এই —মোর পুত্র অঙ্গদেও
জানিবে এমনি ॥

লক্ষ্মণ।—বালীর আদেশে অনুচরেরা এখন যুদ্ধ
বিরত। বানর-যুগ-পতিরাও বীবাচার তাগ করতে
হল বলে’ অসহ্য দুঃখে অভিতৃষ্ণ হয়ে, নীরবে দণ্ডায়-
মান। আর দেখ, দাদাও অশ্রুপূর্ণ-নয়নে স্নেহে
বালীর দিকে চেয়ে আছেন। বিভীষণও বালীর
শপথে আবদ্ধ হয়ে, তাঁর স্বাস্থ্য-সম্বন্ধে জিজ্ঞাসাবাদ
করছেন। ঠিষ্ঠুর প্রহারের মর্শ্চক্কনী বেদনা-বেগ
সম্বন্ধে গোপন করে, বালী নিজকণ্ঠস্থ কনক-কমল-
মালাগাছি আলিঙ্গনচ্ছলে সুগ্রীবের কণ্ঠে পরিষে
দিলেন। আহা! এই আসন্ন অবস্থাতেও ঐর বীরশ্রী
কেমন দীপ্যমান!

দৃশ্য—যুদ্ধ-ক্ষেত্রে

(বালী মৃত্যুশয্যায় শয়ান। সুগ্রীব, বিভীষণ ও
রামের প্রবেশ)

মহাকুল-সমুদ্ভূত— যশ, কীর্তি, বীর্ষা যার
অপ্রাকৃত—নহে সাধারণ,
মহা-মহীধর-সম অতি সারবান্ যিনি
—পুণ্য-শ্রী করেন ধারণ।
এবম্বিধ জনে বধি’ ঘোর দৈব হুর্কিপাক
সর্বজননে করে নিপীড়ন ॥

বালী।—বৎস বিভীষণ! দেখ দেখ, ভায়া সুগ্রীবের
বুকে সহস্র পদ্যের মালাগাছি কেমন সুন্দর দেখাচ্ছে।
সুগ্রীব ও বিভীষণ।—(চুপি চুপি)


বিনা-মেঘে সহসা গো
এ কি এ দারুণ বজ্রপাত!
নৃশংস বিধির এ কি
বিপরীত বিষম আঘাত।
আর্যের শপথে বদ্ধ
—লজ্জিব গো কেমনে আদেশ
থাকি বা কেমনে বল
সহি’ এই মর্শ্চক্কনী কেশ?

বালী। রামভদ্র! রামভদ্র!
রাম।—আর্য্য! এই যে আমি।
বালী।—

হ’লেও অপ্রিয় অতি যার সনে সখ্য ডোরে
হয়েছিল যুক্ত
—প্রাণ দিয়া এবে সে সখ্য-ঋণ হতে আমি
হইলাম মুক্ত।
তব সম সাধুজন- গুণ-রাশি-সমুচিত
সখ্য অভিরাম
তাহাও এ মৃত্যুকালে যথাশক্তি দেখ তোমা
করিসু গো দান।

রাম।—(বিনয়-বজ্র-সহকারে অবস্থান)
সুগ্রীব, বিভীষণ।—(জনাস্তিকে) আর্য্যে শ্রমণে!
অমৃতের হৃদয়রূপ এই মহারাজ রাম হতে আমাদের
এই-দৈব-হুর্কিপাক কিরূপে ঘটল বল দিকি?
শ্রম।—শোনা যায়, মালাবান্ কর্তৃক এইরূপ
(উভয়ের কর্ণে কথন)

বালী।—ভাই সুগ্রীব!
সুগ্রীব।—(অশ্রু-স্তম্বিত)
বালী।—ছি সুগ্রীব! তুমি আমার কথায় উত্তর
দিচ্ছ না?—তুমি কি আমার প্রতিকূল পক্ষ?
সুগ্রীব।—(সকরণভাবে) আর্য্য! আর্য্য!
আমার প্রতি প্রসন্ন হয়ে আঞ্জা করুন!
বালী।—বৎস, বল দিকি আমি তোমার কে?
সুগ্রীব।—গুরু ও প্রভু।
বালী।—আর, তুমিই বা আমার কে?
সুগ্রীব।—শিষ্য ও দাস।



বালী।—ভাই! আমাদের উভয়ের মধ্যে পরস্পর
কিরূপ সম্বন্ধ বল দেখি ?

সুগ্রী।—বশিষ্ঠ আপনার, আর বশুতা আমার—
এই সেবা-সেবক সম্বন্ধ।

বালী।—(হস্ত ধারণ করিয়া) আচ্ছা, তবে এই
রামকে তোমার হস্তে আমি সমর্পণ করলেম। রাম-
ভদ্র! হস্ত গ্রহণ কর।

রাম, সুগ্রীব।—পূজনীয় গুরুজনের বাক্য কে না
শিরোধার্য্য করে ?

বিভী।—(স্বগত) অহো! উনি এ স্থলে বিস্তর
কথা বলতে পারতেন—কিন্তু বিস্তর মৈত্রী-ধর্ম্ম স্বীকার
করে' কেমন সংক্ষেপে নিম্ন অভিপ্রায় ব্যক্ত করলেন।

বালী।—ভাই সুগ্রীব! আচ্ছা বল দিকি, ব্রহ্ম-
পুত্র আচার্য্য জাঘবানের কাছ থেকে মৈত্রী-ধর্ম্ম সম্বন্ধে
পারমার্থিক বচন তুমি কিরূপ সংগ্রহ করেছ ?

সুগ্রী।—

প্রাণপণে উপকার, না কর অনিষ্ট কোন,
কাপটা বর্জন, এই মৈত্রী মহাব্রত
আত্মবৎ প্রীতিদান এই মৈত্রী মহাব্রত
—মিত্রের ধর্ম্ম।

বালী।—রামভদ্র! সূর্য্যবংশপুরোহিত মহর্ষি
বশিষ্ঠের নিকটে তোমারও এইরূপ শিক্ষা না ?

রাম।—হাঁ আর্ঘ্য, আমারও এইরূপ শিক্ষা।

বালী।—আচ্ছা, তবে এই মৈত্রী-ধর্ম্ম-অনুসারে
তোমরা পরস্পরের সহিত ব্যবহার করবে। আমার
অনুরোধে অগ্নি সাক্ষী করে তোমাদের মধ্যে এইবার
সখ্য বন্ধন কর। আর অধিক সময় নেই। মতঙ্গ
মুনির এই অগ্নিও নিকটে আছে।

রাম, সুগ্রীব।—(পরস্পরের হস্ত ধারণ)

মতঙ্গ-পুত্রাগ্নি-কাছে
এই সখ্য হউক বন্ধন,

মম হৃদি হোক তব,
তব হৃদি হউক গো মম।

বালী।—আর দেখ রামভদ্র! এই বিভীষণকে
তুমি লঙ্কাধিপত্য প্রদান করবে বলে' শ্রমণার সম্মুখে
প্রতিশ্রুত হয়েছ, এ কথা যেন স্মরণ থাকে।

বিভী।—(লজ্জা ও আশঙ্কার সহিত) কি!
—আমার কথা তবে জানতে পেরেচেন ?

শ্রমণা, লক্ষণ।—ওঃ! উনি দেখে চি চরের চক্ষু
দিয়ে সমস্ত দেখতে পান।

রাম।—হাঁ, আমি প্রতিশ্রুত হয়েছি বটে।

বিভী।—তবে দেখে চি মহারাজ রামচন্দ্রও আমার
প্রতি শ্রমণ। (প্রণাম)

সুগ্রী।—শ্রমণা-বৃত্তান্ত আমি অবিদিত হলেও,
এর ফলিতার্থ আমি অনুমান করতে পারছি।

রাম।—দেখ প্রিয়সখা, মহারাজ সুগ্রীব বিভীষণ!
এই সৌমিত্রি লক্ষণ এখন তোমাদেরি।

লক্ষণ।—আর্ঘ্য! আমি লক্ষণ, আপনাদের অভি-
বাদন করি।

উভয়ে।—এসো বৎস এসো। (আলিঙ্গন)

শ্রম।—কি গস্তীর ও সরস এই মিত্রতার অঙ্গী-
কার।

বালী।—বৎস বিভীষণ! তুমি স্বার্থ-সাধন করচ—
এই মনে করে' লজ্জিত হয়ে না; এই ব্যাপারের
এইরূপই পরিণাম। রাবণেরো যে মরণ সন্নিকট,
তা আমার এই আসন্ন-মৃত্যুতেই জানা যাচ্ছে। অপত্য-
স্নেহ সকল স্নেহাস্পদের প্রতি সমান হলেও, রাবণের
হিতসাধন করাই, রাবণ-অন্যে প্রতিপালিত মাতামহ
মালাবানের বিশেষ ধর্ম্ম। কিন্তু মাতামহ নিজেই বলেন,
প্রিয় রামচন্দ্রের সহিত যোগ দেওয়া বিভীষণের খুবই
উচিত। তাঁর ঋণ গস্তীর-বুদ্ধি মহাপুরুষ রাবণের
কুপ্রবৃত্তি ও হৃদয়ের কথা বিলক্ষণ অবগত আছেন।
ওগো! এইবার আমার প্রাণ বহির্গত হচ্ছে। আমার
মৃত্যু হলে, তোমরা আমাকে জল-প্রপাতের শ্মশানে
নিয়ে যেও।

সকলে।—

হা বীর বাসব-পুত্র অকম্পিত-প্রাণ যথা
“মন্দার”-অচল।

জগতে অপ্রতিরথি! উদ্ধত “হনুভি”-নাশী
মহাবাহু-বল!

আহা! তুমি হলে গত হায় হায়! আমাদের
বাঁচিয়া কি ফল ?

বালী।—ওগো মহাত্মা প্রবঙ্গ-পুঙ্গব সকল ?
তোমরা শ্রবণ কর :—

সুগ্রীব আর অঙ্গদের প্রভূত আছে যে হেথা
—সে কেবল তোমাদেরি সৌজন্য-প্রভাবে।

মম প্রীতি-অনুরোধে, তাহাদের করিবে গো
আনুকূল্য—না দেখিবে তাচ্ছল্যার ভাবে।

রাম-রাবণের যুদ্ধ
হইয়াছে এবে সমাগত,
স্নেহ-কৃতাজলি হয়ে
বলিতেছি—কোরো সাধ্যমত ।
অসাধ্য কি তোমাদের
তব বীর্য কে না অবগত ?

অপিচ :—

আনমিত-কর্ণ-যুগ দিঙ-মাতঙ্গের সনে
ঘন্দ-যুদ্ধে কর যে গো দারুণ প্রহার,
পুচ্ছ-আফালন করি' সিদ্ধ গর্ভ বিদারিয়া
রসাতলে কিবা তব লক্ষ চমৎকার !
রিপু-বিদলন-কারী তোমাদেরি অনুরূপ
এ সব কপিত্র আর পৌরুষ বিক্রম
গাঢ় অনুরাগ-ভরে প্রকটিত কোরো রণে,
দেখো যেন হয়ো না গো কভু বিস্মরণ ।

[সকলের প্রস্থান ।

ইতি আরণ্যক-নামক পঞ্চম অঙ্ক ।

ষষ্ঠ অঙ্ক

(বিষম মাল্যবানের প্রবেশ)

মাল্য ।—(সচিস্ত) ওঃ ! রক্ষপতি রাবণের
ছনৌতি-বৃক্ষের পুষ্প-কলিকা চারি দিকেই বিকীর্ণ ।

সেই বিটপীর বীজ —জনক রাজার কণ্ঠা
সীতারে প্রার্থনা ।

অঙ্কুর জানিবে তার :— রামলক্ষণেরে সুপ-
নথার বঞ্চনা ।

পল্লব—মরাচ-মায়া, আর তার শাখা জাল :—
অঘোনিজা জানকীরে সবলে হরণ ।

সুব্যক্ত কলিকা তার :— বালীর নিধন, আর
রাম-বিভীষণ-মাঝে মৈত্রী সংস্থাপন ॥

আর শীঘ্র এই বৃক্ষে ফলও ধরবে বলে' মনে হয় ।
দেখ, আমার মত পরিণত-বুদ্ধ ব্যক্তির ভাবী ঘটনা
পূর্ক হইতেই জানতে পায় ।

(নিঃশ্বাস ফেলিয়া) অহো ! ভাগ্যের কি
প্রতিকূলতা !

এ বিপদ প্রতীকারে মন্ত্রশক্তি প্রয়োগিয়া
করিলাম যে সব উপায়
—অলসের কার্য সম আপনা আপনি লুপ্ত
সে সমস্ত হইল গো হার !

(অনুতাপ সহকারে) ওঃ ! মন্ত্রি-পদের কি কষ্ট !

প্রমত্ত পুরুষগণ কোন বাধা নাহি মানি'
যে যে কার্য্যে স্বেচ্ছামত করে সম্পাদন,
দৈব হইলেও বক্র— তবু সেই কাজে জেদ
প্রতীকার-চিন্তা সদা করে মন্ত্রিগণ ।

অহো ! সেই দুরাশ্রয় ক্ষত্রিয়-বটু, বীরত্বে সকল-
কেই অতিক্রম করেছে । অমন যে সৌর্য্যতেজঃ-সম্পন্ন
কপি-চক্রবর্তী বালী, তাকেই যখন শরের দ্বারা বিদ্ধ
করলে, তখন তার অসাধ্য কি আছে ? (স্মরণ পূর্বক)
আর, গুপ্তচরও কি ক্ৰিয়্যা থেকে ফিরে এসে এই কথা
বল্চে, সীতার অন্বেষণে কপি পুঙ্গবেরা দিকে দিকে
ধাবমান ।

নেপথ্যে ।—

সপ্তাধিক শিখা যার

প্রজলিত—হেন হতাশন

দিগন্তে অরুণ-ভ্রাস্তি

সহসা গো করে উৎপাদন ।

বিহঙ্গেরো লক্ষ্যাতীত

প্রকাণ্ড যাদের আয়তন

—হেন তপ্ত হৈম গৃহে

অর্দ্ধদণ্ড রক্ষোবীরগণ

ছুটিয়া পলায় সবে

প্রলয়ের করিয়া আশঙ্কা

—সেই মহা হতাশন

গ্রাস করে সমস্ত এ লক্ষা ;

চিত্রকূট গিরি হতে করিয়া আরম্ভ ।

আর যেথা আছে ঘিরি সাগর-তরঙ্গ ॥

(তাড়াতাড়ি ত্রস্তব্যস্ত হইয়া ত্রিঙ্গটার প্রবেশ)

ত্রিঙ্গ ।—কনিষ্ঠ মাতামহ ! রক্ষা কর, রক্ষা কর ।

(যুদ্ধ চাপড়াইতে চাপড়াইতে আসিয়া পতন)

মাল্য ।—বৎসে ! কাতর হয়ো না । কেন এত
চৈচাচ্ছ ? বল, কি অনিষ্ট ঘটেচে ।

ত্রিঙ্গ ।—(উঠিয়া) কনিষ্ঠ মাতামহ ! আমি
হতভাগিনী, কি আর বলব । কোথেকে একটা ছুট



বানর এসে সমস্ত নগর দখল করে' রাক্ষসদের উপর
গাছ-পাথর ছুড়ে উৎপাত করছিল, তাই দেখে কুমার
অক্ষ তাকে আক্রমণ করায়, বানরটা কুমারকে বধ
করে' পালিয়ে গেছে।

মাল্য।—(খেদ-সহকারে) বল কি ?—নগর
দখল—কুমার নিহত ? না জানি এ বানরটা কে (স্মরণ
করিয়া) চর বলেছিল বটে, হনুমান দক্ষিণদিকে
গেছে। ওঃ!—

হনুমান লক্ষাপুরী
দখল করি' তুলার সমান
লক্ষাপতি রাবণের
তীব্র তেজ করিল নিরীক।

বৎসে! সে কি সীতার সমস্ত বৃত্তান্ত জানুভে
পেরেচে ?

ত্রিভু।—কনিষ্ঠ মাতামহ! আমার সামনেই
দেখলেম, একটা ক্ষুদ্র মর্কট সীতার সঙ্গে কি কথাবার্তা
কচ্ছিল, আর সীতা নিজের মাথা থেকে অভিজ্ঞান-চিহ্ন
স্বরূপ একটা কেশাভরণ খুলে দিল। এইমাত্র আমি
জানি।

মাল্য।—এই কি যথেষ্ট নয় ? (আশঙ্কার সহিত)
এতেই যে তার সমস্ত কার্য সিদ্ধ হ'ল। শুনতে পাই
নাকি, তার মতন আরও কত কোটি কোটি বানর-বর্গ
আছে।

ত্রিভু।—(মনে মনে চিন্তা করিয়া) অমন সুকু-
মার-দর্শনা স্নেহবতী মানুষী হয়ে, সীতা কি করে'
আমাদের রাক্ষসদেরও মধ্যে রাক্ষসী হয়ে পড়ল ?

মাল্য।—এ তো ঠিকই হয়েছে।

অমল সতীত্ব-জ্যোতি প্রশান্ত-কিরণ বলি'
জগতে কীর্ষিত।

কিন্তু সে অভাগী সীতা আমাদের দুষ্কৃতির
ফলরূপে এবে প্রজলিত ॥

ত্রিভু।—কনিষ্ঠ মাতামহ! প্রথমে, দণ্ডকারণ্য-
পর্যন্ত-বিস্তৃত বিবিধ পরীক্ষা-প্রদেশে আমাদের রাক্ষস-
দের বাস ছিল—তখন আমরা সমস্ত জঘন্যপন্থ
ইতস্ততঃ বিচরণ করতাম। এখন দেখ, আমরা
নিতান্ত অক্ষম হয়ে এই লক্ষায় বাস করছি। এখন
এর প্রতীকার কি ?

মাল্য।—বৎসে! তুমি এত কাতর হয়েছ কেন ?

সুহর্গম "চিত্রকূট"—তাগর উপর

প্রতিষ্ঠিত দেখ এই লক্ষার নগর ;

ইহার প্রাকারগুলি সপ্তপ্রকারের ভিন্ন
ধাতুতে নিশ্চিত,

অত্রপার্শ্বী উর্নিময় সুহস্তর সিন্ধুরূপ
পরিখা বেষ্টিত।

(চিন্তা করিয়া) অথবা এও বাহ্য মাত্র—

রাবণের ভীমবাহু দৃষ্ট-রিপু-নাশ-যজ্ঞে
দীক্ষিত যখন—

(বামাক্ষি স্পন্দনে)

হুর্ষিপাক বিধাতা কি বাক্যও মোদের এই
সহিতে অক্ষম ?

বৎসে! বৎস কুন্তকর্ণের নিদ্রার :আর কত
বাকি ?

ত্রিভু।—কনিষ্ঠ মাতামহ! এই কৃষ্ণচতুর্দশীতে
চতুর্থ মাস সমাপ্ত হয়েছে।

মাল্য।—শুনতে পাই, এখনও নাকি তাঁর জাগ-
রণের অনেক বিলম্ব আছে। (স্মরণ করিয়া)
বিবেচনা করে' দেখতে গেলে, কনিষ্ঠ বৎস বিভী-
ষণই দূরদর্শী। তার অবিম্ব্যকারিতা হতেও পরি-
ণামে শুভ ফল প্রসূত হবে। চারিদিক ভেবে
দেখলে মনে হয়, শেষে একমাত্র বিভীষণই বংশ-
স্থিতির মূল-রূপে বর্তমান থাকবে।

ত্রিভু।—(সভয়ে) কনিষ্ঠ মাতামহ! ধিক্! ও
পাপ-কথা মুখে আনবেন না।

মাল্য।—কেন বল দিকি ?

ত্রিভু।—অন্ত কোন অশুভ ঘটনার সময় কনিষ্ঠ
মাতামহ এরূপ করে' কখন তো বলেন নি?—এ যে
নূতন কথা শুন্নি।

মাল্য।—বৎসে! চারিদিক ভেবেই কথাটা
বলেছি। দেখো, এর পরিণাম এইরূপই হইবে।
কেন না :—

ইচ্ছামত অবিরত

বিচরণ করি' নভস্থলে

সূর্য্য যথা রশ্মি সহ

অবশেষে যায় অন্তাচলে,

—সেইরূপ রক্ষোনাথ

শুক কুলে লভিয়া গো

জনম গ্রহণ,

পাপ-বুদ্ধি-প্রণোদিত
সমস্ত জীবন,
প্রবল যে ভবিতব্য তাহা ছাড়া আর কোথা
হইবে পতন ?

রাজার স্ববুদ্ধি-পরিচালিত স্মৃতিই এখন এর
একমাত্র প্রতীকার। বৎসে! মহারাজ দশাননের
সে নীতির কোন উপক্রম কিংবা উদ্যোগ দেখতে
পাচ্ছ কি ?

ত্রিভু।—কনিষ্ঠ মাতামহ! এখন আমাদের প্রভু
“সর্বতোভদ্র” অট্টালিকায় আরোহণ করে’—
যেখানে রাক্ষসকুল-কালরাত্রি সীতাকে রাখা হয়েছে
—সেই অশোক-বনের দিকে একদৃষ্টে তাকিয়ে
আছেন। আরও একটা কথা স্ত্রীলোকদের মুখে
শোনা গেল নগরের এই অগ্নিকাণ্ড দেখে আমা-
দের ঠাকুরাণীও নাকি অত্যন্ত ভাবিত হয়ে, মহা-
রাজকে বোঝাবার জন্তে সেইখানে গেছেন।

মাল্য।—দেবী মন্দোদরী অতি উচ্চরের স্ত্রীলোক,
তাই তিনি রাজাকে বোঝাবার জন্ত এত বাগ্ন
হয়েছেন। কিন্তু মহারাজ তো সেরূপ লোক নন
—তাই এখনও তাঁর চৈতন্য হচ্ছে না। এসো,
এখন ঘরের ভিতরে গিয়ে, চরেরা কি-কি কাজ করলে,
জানা যাক।

[উভয়ের প্রস্থান।

ইতি বিষ্ণুস্তক।

দৃশ্য—রাবণের প্রাসাদ

(উৎকণ্ঠিত হইয়া রাবণের প্রবেশ)

রাবণ।—(সীতাকে ভাবিতে ভাবিতে)

থাকিতে ও-মুখখানি

চন্দ্রমায় কিবা প্রয়োজন ?

কি হবে গো নীলোৎপলে

থাকিতে ও চঞ্চল লোচন ?

থাকিতে ও-ভুরুভঙ্গী

কি করিবে ‘স্বর ধনু ধরি’

কি করিবে ঘন-ঘটা

থাকিতে ও-কুন্তল কবরী ?

থাকিতে ও তনু খানি

কোথাই বা লক্ষ্মীর মাধুরী ?

(স্বরণ করিয়া সোলাসে)

অহো ! হৃদ-মুখ-বিদারিত—যজ্ঞ-ভূমি-সমুখিত
সেই রমণীত্বকে ধ্যান করতে করতে, আমার চির-
কালের কামনা এতদিনের পর সিদ্ধ হল। (চিন্তা
করিয়া) অন্তকূল বিধাতার এইরূপই নাকি বিলাস-
লীলা। (সগর্বে) অথবা, এই বিধাতাই বা কে ?

যদি না থাকিত মোর আলম্বের দোষ,

ভুঞ্জিতাম আরো কত সুখ-পরিতোষ।

ত্রফাণ্ড পেষণ করি’ ত্রফাকে ভুবন হতে
করিতাম কিছু অপসৃত।

যশঃ-প্রতাপের তরে চন্দ্র-সূর্য্যে ইচ্ছামত
করিতাম গগনে স্থাপিত।

কিন্তু কেন অকারণে বেচারি বিধির পরে
করি আমি রোষ,

বিধি যবে বিধিমতে সাধিছে সদয় হয়ে
আমারি সন্তোষ।

(দাসীর সহিত মন্দোদরীর প্রবেশ)

দাসী।—এই দিকে ঠাকুরণ, এই সোপান-পথের
দ্বার। এইবার তবে উঠুন।

মন্দো।—(সোপান আরোহণ পূর্ব্বক রাবণকে
নিরীক্ষণ করিয়া) (স্বগত) এই যে, মহারাজ
দশানন এইখানে বসে’ অশোক-বনের দিকে একদৃষ্টে
চেয়ে আছেন। শক্রপক্ষ আক্রমণ করেছে, তবু রাজ-
কার্য্যে একেবারে উদাসীন! (প্রকাশ্যে) মহারাজ
দশাননের জয় হোক !

রাবণ।—(মুখের ভাব সম্বরণ করিয়া) এ কি !
মন্দোদরী যে। (পার্শ্বে উপবেশন করাইয়া)

মন্দো।—(উপবেশন করিয়া) এই বিষয়ে কি
ভাবচ বল দেখি ?

রাবণ।—কোন বিষয় ?

মন্দো।—শক্রপক্ষের আক্রমণের বিষয় ?

রাবণ।—(অবজার হাসি হাসিয়া) কি শক্রপক্ষ ?
—শক্রপক্ষের আক্রমণ ? যা কখন শোনা যায় নি,
তাই তুমি শুনেছ দেখিচি।

যার বাহু পরাক্রান্ত মন্ত-দিগ দস্তি-দস্ত

রুধিয়াছে ; আর, দিক-পালে

একসঙ্গে রণস্থলে আটকিয়া বাহুবলে

করিয়াছে জয় এক-কালে ;

প্রজলন্ত অশনির সুপ্রচণ্ড প্রহরণে
বক্ষ-চর্ম ছিন্ন-ভিন্ন যার,
তার প্রতিদ্বন্দ্বী রিপু নিতান্ত ক্লান্ত জেনো,
—এ অপূর্ব প্রমাদ কাহার ?

আচ্ছা, তব শোনা যাক্ । দেবি ! সে রিপু কে
বল দিকি ?

মন্দো ।—সেনাপতি সুর্য্যীবের অধীনস্থ সমস্ত বানর-
সৈন্য-পরিবৃত, অমূল্যসহচর, দাশরথি রাম ।

রাবণ ।—কি ? অমূল্যের সহিত সেই তপস্বী
রাম ? দেবি ! তার কিছা তাদের আক্রমণে
আমার কি হতে পারে ?

মন্দো ।—মহারাজ ! তাদের সম্মিলনই ভয়ের
কারণ । আরও শুনলেম, সাগর-তটে সেনা-সম্মিলন
করে' রাম যখন ভগবান্ সাগরকে আহ্বান করেন,
তখন নাকি তিনি ভয়ে ঘর থেকে বেরুন নি ।

সাগর-গরভে রাম হানেন কি-জানি এক
অস্ত্র অজানিত,

তাহার মহিমা-বলে নিমেষে সমস্ত জল
হইয়া আবৃত

চক্রসম ঘুরি'-ঘুরি' উত্তাপে হইয়া পাক
হ'ল রক্তময় ।

নক্রাদি উঠিল ভাসি', কচ্ছপ-সমূহ হ'ল
শীর্ণ অতিশয়,

সহসা মুচ্ছিত হল অসংখ্য সাগর-নর,
শঙ্ক-শক্তি সব

হইয়া গো বিক্ষোভিত তাহা হতে উঠিল গো
সুপ্রচণ্ড রব

রাব ।—(অবজ্ঞার সহিত) তার পর কি হল ?

মন্দো ।—মহারাজ ! তার পর, পুঞ্জমাত্র দৃশ্যমান
এইরূপ তীক্ষ্ণ শর-নিকরে শরীর ক্ষত-বিক্ষত হওয়ায়,
তোমার ভয় ভাগ করে', সমুদ্র তখন জল-গর্ভ হতে
নির্গত হলেন । তার পর, রামের পায়ে পড়ে' রামকে
অভ্যর্থনা করে', যাবার পথও দেখিয়ে দিলেন । আরও
শোনা যায় নাকি, তিনি এখন রামের সাহায্য করছেন ।

রাবণ ।—(সাহসের সহিত) আচ্ছা, শোনাই যাক্ ।
দেবি ! সে কিরূপ পথ বল দিকি ?

মন্দো ।—মহারাজ ! সহস্র সহস্র বানরেরা অসংখ্য
পর্কত এনে এখন সেতু নির্মাণ করুচে ।

রাবণ ।—দেবি ! বোধ হয়, তোমাকে কেউ

প্রতারণা করেছে । কেন না, সাগরের হুবগাহ
গান্ধীর্ষ্য-মহিমা চির-প্রখ্যাত ।

জম্বুদ্বীপে, কিছা আরো অত্র অত্র দ্বীপ-মাঝে
আছে যত গিরি অধিষ্ঠিত

তাহে নাকি সাগরের উদরের কোণ-মাত্র
কভু নাহি হয় গো পূরিত ।

তা ছাড়া, আমার কিসেই বা ভয় ?

কঠনলী বিদারত তাহা হতে প্রবাহিত
অভিনব যে শোণিত-জল

—সেই অর্ঘ্য দিয়া আমি হয়ে কুতাঞ্জলি-পাণি
ধুয়েছি যার পদতল,

হরযাশ্র-মধু-রাশি ফুট-শ্রী-ঈষৎ-হাসি
হেন দশ-মুখাশ্রুজ, যার পদে করেছি দান,

সেই মহাদেব মোর, সাহসের সাক্ষাৎ প্রমাণ ।

মন্দো ।—কোন বানরের হস্ত-নৈপুণ্যে নূতন
কোন কিছু নির্মাণ হয়েছে কি না, আপনি একবার
অবধারণ করুন । কেন না, দেখা গেল, কতকগুল
পর্কত জলের উপর ভাসুচে ।

রাবণ ।—(মাথা নাড়িয়া) “শিলা জলে ভাসে,”
—এ নিতান্ত নিরর্থক জ্বীলোকেরই উক্তি । দেবি !
অধিক আর কি বলব :—

জানেন গো ব্রহ্মা মোর বেদশাস্ত্র-জ্ঞান

জানে শচীপতি মোর আদেশ-বিধান ।

অশনি জানে গো মোর ধৈর্য কেমন,

যশে মোর পরিপূর্ণ এ তিন ভুবন ।

কৈলাস বলের মোর নিকষ-প্রসূর,

অধিক বলিব কিবা, নিজে মহেশ্বর

জানেন সাহস মোর—যার পদতল

অভিষিক্ত করি আমি দিয়া রক্ত-জল ।

(নেপথ্যে ঘোর কলরব)

মন্দো ।—মহারাজ ! রক্ষা কর, রক্ষা কর ।

(সত্রাসে উদ্গ্রীব হইয়া নিরাক্ষণ)

রাবণ ।—দেবি ! ভয় নাই ।

(পুনর্বার নেপথ্যে)

ভো ভো ! লঙ্কা-দ্বার-রক্ষি রাক্ষসগণ !

দ্বার শীঘ্র কর রুদ্ধ ; স্থাপন করহ তাহে

সোজা গুরু লৌহের অর্গল ।

তহুপরি রাখো শত্রু পরীক্ষা করিয়া দেখ
স্বকুলের সব বলাবল ।
তেজোহীন ক্ষীণ-প্রাণ শিশু ও যুবতি-জনে
বন্ধ রাখো ঘরে ।
খাণ্ডের সামগ্রী যত সংগ্রহ করিয়া রাখো
যতন-আদরে ।

প্রধান স্ত্রীসহ কপি-পরিবৃত
লক্ষ্মণের সাথে হেথা রাম উপস্থিত ।

(প্রতীহারীর প্রবেশ)

প্রতী।—মহারাজ! সেনাপতি প্রহস্তু কোন
বিষয় মহারাজের নিকট নিবেদন করবার জন্ত দ্বার-
দেশে দাঁড়িয়ে আছেন ।

রাবণ।—কি ?—সেনাপতি প্রহস্তু ?—আচ্ছা,
তাকে নিয়ে এসো ।

প্রতী।—যে আজ্ঞে । [প্রস্থান ।

(প্রহস্তের প্রবেশ)

প্রহ।—মহুয়া-পুত্রের একপ তেজ-বীর্ষ্য তো
কখন দেখি নি ।

উত্তাল তরঙ্গ-রাজি বিক্ষোভিত করে সদা
যার চারি দার,
'গোপ্পদের সম লজ্জি' এ হেন সে সুহস্তর
ভীম পারাবার,
লক্ষ্যপানে দৃষ্টি রাখি' মন্দ-মন্দ পদ-চারে
হয়ে উপনীত
বিষম "সৌবল" শিরে সৈন্যদের স্কন্ধাবার
করিল স্থাপিত ।

আর স্বল্প কপি-সহ সম্মুখ-প্রাঙ্গণে আসি'
নিজে অধিষ্ঠিত ॥

(সম্মুখে নিরীক্ষণ করিয়া) এই যে লক্ষ্মণ ।

রাব।—সেনাপতি! এই কলরবের হেতু কি
বল দিকি ?

প্রহ।—(স্বগত) কথার ভাবে বোধ হচ্ছে,
মহারাজ এখনও কিছুই জানেন না । আচ্ছা, এখন
তবে, কি কি কাজ করেছি, তাই শুধু জানাই ।

(প্রকাশ্যে)

সম্যক্ হয়েছে রুদ্ধ
নগরের কপাট দুয়ার ।

আপ্ত, ভক্ত, রক্ষিগণ
করিতেছে রক্ষা চারিদার ।

রাব।—কি নিমিত্ত ?
প্রহ।—(স্বগত) কি ?—এঁর এখনও এইরূপ
অজ্ঞান-অবস্থা ? আচ্ছা, তবে (প্রকাশ্যে) মহারাজ
লক্ষ্মণ !

মহুয়া-সন্তান-মাত্র অনুজেরে সাথে করি'
যথাশক্তি রুধিযাছে এই মহা লক্ষ্যপুরী ।
খাণ্ডের সামগ্রী সব ।
হ'ল তাই সুহর্ত্ত ॥

(প্রতীহারীর প্রবেশ)

প্রতী।—মহারাজ! একটা বানর রামের দূত
বলে, পরিচয় দিয়ে দেউড়িতে দাঁড়িয়ে আছে ।

রাবণ।—(অবজ্ঞা-সহকারে) বানর ?—নিয়ে
এসো ।

প্রতী।—যে আজ্ঞে । (প্রস্থান করিয়া অঙ্গদের
সহিত পুনঃ প্রবেশ) ঐ মহারাজ । নিকটে এগিয়ে
যাও ।

অঙ্গ।—(নিকটে গিয়া) পরম শৈব লক্ষ্মণের
জয় !

রাবণ।—তুমি স্ত্রীসহের অনুচর ?

অঙ্গ।—না, আমি তাঁর অনুচর নই ।

রাবণ।—তবে কার ?

অঙ্গ।—লক্ষ্মণ ! আমি কে, ও কি জন্ত এসেছি,
শ্রবণ করুন ।

গর্ষিত রাক্ষস-দল তাহাদের বনে যিনি
মূর্ত্তিমান দাবানল প্রায়

—সেই রাম-আজ্ঞাক্রমে দূত হয়ে আসিয়াছি
শাসিবারে তোমারে হেথায় ।

সীতারে ছাড়িয়া দেও স্ত্রী সুহৃদ জ্ঞাতি পুত্র
—আসি' তুমি তাদের সহিত

লক্ষ্মণের কর সেবা নতুবা উদ্ধত রাজা !
শরে তুমি হইবে শাসিত ।

রাবণ।—(হাসিয়া) বানরও বক্তা হল ?—এতে
আর আমার বক্তব্য কি আছে ?

অঙ্গ।—আমি স্বল্পভাষী বটে, কিন্তু তুমি এ
নিশ্চিত জেনো—

তোমার মস্তক আজি লক্ষণ-পদাঙ্গ-তলে
হবে অবনত,
কিংবা তাঁর তীক্ষ্ণ বাণে হবে বিদ্ধ, বল এবে
কিবা অভিমত।

রাবণ।—(সক্রোধে) ওরে ! কে আছিল ওখানে,
এই কর্কশ-ভায়ী হুমুখটার মুখগুচ্ছ করে' নিয়ে আয়
তো।

প্রহ।—মহারাজ ! ও তো দূত-মাত্র, ওর উপর
রাগ করে' কি ফল ?

রাবণ।—ওর মুখ-সংস্কার করে' দিলেই, সেই তপস্বী
রামের কথার উপযুক্ত প্রত্যুত্তর দেওয়া হবে।

অঙ্গ।—(অপের রোঁয়া ফুগাইয়া)

যদি না হতেম আমি পরাধান শ্রীরামের
দৌত্য-কার্য্য-ভারে,
—তীখন করাতি-সম বিষম নখের ক্রুর
প্রচণ্ড প্রহারে

শিথিলিয়া শিরোবন্ধ, ছিন্ন করি' দশমুণ্ড
দশদিকে না বিলায়ে বলি-উপহার
কভু না নিবৃত্ত হত এ রোষ আমার।
[লক্ষ দিয়া প্রস্থান।

রাবণ।—(নিরীক্ষণ করিয়া) কি আশ্চর্য্য !
জাতি-মূলভ চাপল্য কখনই ঘোচবার নয়।

প্রহস্ত।—এখন মহারাজের কি আদেশ হয়, শোন-
বার জ্ঞান হ্রয় উৎকণ্ঠিত হয়ে আছে।

রাবণ।—এ বিষয়ের আদেশ কি আবার জিজ্ঞাসা
করতে হবে ?

ভুবন-প্রখ্যাত বল শক্রনাশী সমুদ্রত
রাক্ষসের দল
অবস্থিত চারিধারে ;— এখনি ভাঙিয়া ফেল
ধারের অর্গল।
খুলে দাও বহির্দ্বার, শক্রনাশী অস্ত্র, ভুজে
করি, আফালন
উৎকট এ মর্কটের বৃথোথান লক্ষ-বাম্প
করহ খণ্ডন।

প্রহস্ত।—যে আজ্ঞে মহারাজ।

[প্রস্থান।

(নেপথ্যে ঘোর কলবর)

সকলে।—

[সত্যে প্রস্থান।

(পুনঃপ্রবেশ)

বধিতেছে রক্ষাগণে
ভীমমুষ্টি কপি-বীর বত
চারিদিকে বাঁধে বেদী

রক্ষ-মুণ্ড ভেদি' অবিরত।

যাহারা ক্রোধাক্রম হয়ে, বাহির হইতে চায়
পূর্বেই তাদের সবে করিছে ছেদন।

নিঃক্ষেপিয়া গণ্ড-শেল মহাবেগে ইতস্ততঃ
পুর-দ্বার চারিদিকে করিছে ভগন ॥

রাবণ।—(উর্দ্ধদিকে অবলোকন ও সক্রোধে
উৎপ্রেক্ষণ) কি ?—আমার বিবেচী ইন্দ্র প্রভৃতি
দেবতারাও আত্মজ্ঞানবঞ্চিত হয়ে আমার বিরুদ্ধে
উত্তেজিত হয়েছেন ? আচ্ছা, দেবি ! তুমি অন্তঃ-
পুরে যাও। আমি এখন :—

কতিপয় ভুজে মোর, মুখ্য কপি বীরগণে
মহাবেগে দিকে দিকে করি' নিঃক্ষেপণ ;
অস্ত্র দক্ষ বাহু দিয়া যুদ্ধ অভিনয়-নট
তাপস-অঙ্কুরদ্বয়ে করিব পেষণ।

রাম মোর ছিদ্ৰ—ইহা মনে মনে ভাবি' যারা
বৃথা সেই ছিদ্ৰ মাত্রে করিল আশ্রয়,
—বাকি বাহু দিয়া টানি' সেই দৃষ্ট দেবগণে

পাঠাইব কারাগারে হইয়া নিঃশব্দ।

[বিকটভাবে পরিক্রমণ করিয়া প্রস্থান।

দৃশ্য—আকাশ-মার্গ

(রথে সারথি মাতলির সঙ্গিত পরিজন-পরিবৃত
ইন্দ্রের প্রবেশ)

মাত।—দেব দিবস্পতি ! এই লক্ষা অভিযুখে :—
প্রলয়-বিপ্লব-কালে মহাঘোর স্তূবিকট

গর্জে বথা সপ্তসিদ্ধ

একসঙ্গে করি' মহারোষ—

সেইরূপ লক্ষ লক্ষ শক্রদের লক্ষ-বাম্প
রক্ষদের যাতায়াতে,

সমুখিত প্রচণ্ড নির্যোষ।

তাই মনে হয়, রাক্ষসাধিপতি রাবণ যুদ্ধার্থে বহি-
র্গত হয়েছেন।

ইন্দ্র।—সারথি! দেখ দেখ :—

ঘোর অক্রমণ দেখি' রক্ষ-পতি লয়ে সাথে
জ্ঞাতি পুত্র দাস শত শত,
উদ্ঘাটি' কপাট ঝট, তাড়িয়ে মর্কট সব,
পুরী হতে হল বহির্গত।

(শব্দ শুনিয়া) আঃ! উত্তরদিক হতে কনক-
কি'ঙ্গণী-জাল-ঝঙ্কত রথে কে না জানি সবেগে এই-
দিকে আসচে?

সারথি।—(নিরীক্ষণ করিয়া) যাকে আপনি
অনুগ্রহ করে' গন্ধর্ব-রাজ্যে অভিষিক্ত করেছেন,
সেই চিত্ররথ।

(বিমানাক্রম চিত্ররথের প্রবেশ)

চিত্র।—দেবরাজের জয়!

ইন্দ্র।—গন্ধর্বরাজ! সমর-দর্শনের জ্ঞাত কি
তোমার ঔৎসুক্য হয়েছে?

চিত্র।—তাও বটে, আবার তা ছাড়া আরও কিছু
প্রয়োজন আছে।

ইন্দ্র।—অন্ত কি প্রয়োজন?

চিত্র।—অলকেশ্বরের আদেশ।

ইন্দ্র।—কি রূপ?

চিত্র।—তিনি আমাকে বলেন :—

জন্ম-কাল হতে যে গো শ্রবল আধির সম
আমারে ও ত্রিলোকেরে
দিয়াছে মরম-পীড়া অতি হনিবার
—বিধির বিপাক-বশে আজি সেই রাবণের
আসিয়াছে মৃত্যু-দিন,
—শুভাশুভ ফলাফল জেনে এসো তার।"

তাই, এই কথা জানুবার জ্ঞাত আমাকে তিনি
পাঠালেন।

ইন্দ্র।—কি?—সমকুল-প্রসূত ব্যক্তিদেও এই-
রূপ মনের ভাব?

চিত্র।—সহোদর ভ্রাতারাও যে পরস্পর শত্রু
হবে, তাতে আর বিচিত্র কি? কেন না, কুবেরের
রত্ন ও পুষ্পক-রথাদি সেই দ্রবৃত্ত রাবণ হরণ করে-
ছিল, এ কথা তো সুপ্রসিদ্ধ।

অথবা :—

ত্রিলোকের মাঝে আছে
সুপ্রসিদ্ধ জীব-জন্ত যত

—উক্ত ব্যাভারে তার

বহু ক্রেশ পেয়ে নানামত
শ্রীরামের প্রতি তারা অনুাগ-ভরে
প্রতীক্ষা করিছে তাঁর বিজয়ের তরে।

ইন্দ্র।—(নিরীক্ষণ করিয়া) গন্ধর্বরাজ! সুবেল-
গিরির এই অধিত্যকা হতে বানরেরা কিল-কিল-
কোলাহলে দিক মুখরিত করে', ছত্রভঙ্গ হয়ে, উর্দ্ধ-
শ্বাসে যেরূপ ছুটেচে, তাতে মনে হয়, রাবণের অস্ত্রে
তারা আহত হয়েছে।

চিত্র।—দেবরাজ! দেখ দেখ :—

মহারথী রক্ষোনাথ সুবিষম গিরি-শিবে
চালাইয়া রথ
শিঞ্জিনী-নির্ঘোষে তার, প্রতিধ্বনি-পূর্ণ করি'
প্রান্ত-গিরি যত,
সমস্ত এ গগনের বিবর-বিস্তার
তুলিলা বধির করি'—এমনি টঙ্কার।

ইন্দ্র।—দেখ গন্ধর্বরাজ! সংগ্রামের রীতি-
অনুসারে উভয়ের বুদ্ধ-সজ্জা সমান হয়নি—(আবেগ-
সহকারে) সারথি! সারথি! রামভদ্রকে আমার
এই সাংগ্রামিক রথটি উপহার দেও। আমি গন্ধর্ব-
রাজের বিমানে আরোহণ করচি।

(তথা করণ)

সারথি।—যে আজ্ঞা মহারাজ! [প্রস্থান।

চিত্র।—যেরূপ তুমুল যুদ্ধ চল্চে, তাতে ভাল
করে' নিরীক্ষণ না করলে কিছুই বোঝা যায় না।
দেখুন না কেন :—

রক্ষ-কপি-বীর সবে উভয়ের অস্ত্রক্ষেপে
উভয়ে বিহ্বল-চিত্ত
—উভে হতজ্ঞান।

ক্রমে হল কাছাকাছি, ছত্র-ক্রম গেল ঘুচি,
চুলাচুলি ঘুসাঘুসি
বাধিল সংগ্রাম।

বিষম তুমুল রণে পরস্পর প্রহরণে
বিমদ্বিত নিষ্পেষিত
শরীর সবার।

তাহা হতে রক্তধারা বহে প্রবাহের পারা
রুদ্ধ হ'ল রণ-ভূমি
—পথ চলা ভার।



কোন বীর, রুও হতে মুণ্ড কারো করি' খণ্ড
বিশাল দোর্দণ্ড-বলে,
শত্রুর বিকট দেহ করিয়াছে বিনিক্ষিপ্ত
সমর-অঙ্গন-তলে।

জীর্ণ চিত্রকূট সম প্রকাণ্ড সে বপু তার
—তাহার পতন-ভারে

কোটি কোটি শূর-কীট পড়িয়া তাগাতে চাপা
বিলীন গো চারি ধারে।

ইন্দ্র।—গন্ধর্ভরাজ! এই দিকে, এই দিকে :—
প্রাদ-বিদ্ধ বীর-অঙ্গে রক্তধারা ছুটে রঙ্গে,
অগ্রমাংস তাহে সংলগন।

সে মাংসের লোভ-বশে গৃধরাজ আদি বসে
—রোম-চ্ছায়া যার অতুলন।

সংগ্রামেতে দিয়া ভঙ্গ, রুধিরাক্ত-সর্ব-অঙ্গ
শব্দ-ক্ষত যত বীরগণ,

ওই গৃধ-রোম-চ্ছায়ে বিঘম উত্তাপ দাষে
বিশ্রাম করয়ে কিছুক্ষণ।

এ দিকে আবার :—

বীরগণ যাহাদের বিদীর্ণ স্বকের ঘের,
যাহাদের মাংস সব
দলিত পেষিত ;

ধমনী হয়েচে ছিন্ন মহাঅস্থি-স্নায়ু ভিন্ন
অল্পচয় যাহাদের
স্পষ্ট সুলক্ষিত ;

—তাহারাও রণে মাতি শত্রু-দিকে বক্ষ পাতি
প্রহার প্রতীক্ষা করে
হয়ে ধৈর্য্যান্বিত।

চিত্র।—দেবরাজ! রক্ষপতির এই সৈন্ত-বিজ্ঞান-
পদ্ধতি অতি অপূর্ণ!

সমরাগ্রে ভূতাবর্ণ, বেষ্টিত অমুজগণে
মেঘনাদ পার্শ্বে অবস্থিত।

অন্ত পার্শ্বে কুম্ভকর্ণ —বীর-মাঝে সূতর্ষদ—
অসময়ে নিদ্রা-উদ্বোধিত।

পৃষ্ঠভাগে অবস্থিত দশানন-জননীর
ভীষণ বিকট জ্ঞাতিগণ ;

মধ্যেতে আছেন বসি বিদ্যাবৎ রথ-শিরে
ছবিগাহ লঙ্কেশ রাবণ।

ইন্দ্র।—দেখ গন্ধর্ভরাজ! আক্রমণে অভিনি-
বিষ্ট-চিত্ত হয়ে, সন্মুখে শত্রুদের নিরীক্ষণ করেও,

রামভদ্র কেমন নির্ভয় নিরুদ্ভঙ্গ! অথবা, এই তো তাঁর
উচিত। কেন না, এ কথা চির-প্রসিদ্ধ—

ঘোর ঝঙ্ক দিবানিশি বহে যদি দিশি দিশি
মহাসার কুল-গিরি
কিঞ্চিৎও কম্পিত তাহে
নহে কদাচন।

গান্ধার্যা-গরিমা, আর অক্ষত মহিমা যার
সেই ব্রহ্মমূর্তি সিদ্ধ
কড় নাহি করে তাগ
মর্ধ্যাদা আপন ॥

চিত্র।—দেখ দেখ!

মেঘনাদ-বধ-তরে ধনু আকর্ষণে ব্যগ্র
যাহার অঙ্গুলী-কিসলয়

—সেই ভক্তি-নন্দ্র ভাই লঙ্কণেরে কণ্ঠে ত্যজি'
স্থানান্তরে হইয়া উদয়

রঘুপতি রাম এবে —সমর-কুশল যে গো
কুম্ভকর্ণ আর সে রাবণ—

লক্ষ্য করি' তাহাদের, পুনঃ পুনঃ ধনুগুণ
পরশিয়া করেন মার্জ্জন।

আমার মনে হয়, এ অতি ছন্দর ব্যাপার।

এই সব রক্ষবীর সবে মিলি একসাথে
একই কালে করিতেছে রণ।

শূর্য-কুল-অঙ্গুর শ্রীরাম ও লঙ্কণেরে
একে একে করি' আক্রমণ,

কোটি কোটি শব্দ-জাল মুহুমূহ বরষিয়া
চতুর্দিকে করে আচ্ছাদন।

অথবা, এমনই কি ছন্দর :—

ইহারাও দুই জন শ্রীরাম আর লঙ্কণ
শত্রু-শব্দ নিজ বাণে

করি খান্ খান্
প্রকটি' প্রভাব-শক্তি —অক্ষত-মহিমা-দীপ্তি—

রণস্থল-মাঝে দেখ
কিবা শোভমান।

(চারিদিকে অবলোকন করিয়া)

কি আশ্চর্য্য! এই বানরদের মধ্যে পাঁচ-ছয়
জন, নিজনামের যোগ্যতা প্রকটিত করে' কেবল
রামভদ্রের চরণ-সেবাতেই নিযুক্ত। দেখ না কেন—

সুগ্রীব রথের আগে,
পার্শ্বে ভাবী লক্ষ্মীধীশ,
আর জাম্বুবান।
অনুজ লক্ষ্মণ-পাশে
রহে হনুমান ॥

(চিন্তা করিয়া) রামভদ্রের পাদ-পদ্ম সেবকদের
উভয় পক্ষেই মঙ্গল। কেন না—

স্বামি-ভক্তি, আর ধৈর্য্যে অক্ষত-শরীরে এরা
কিবা অবস্থিত।
রক্ষোগণ-আক্রমণে অন্য কপিদের মাঝে
দৈঘ্য স্থলক্ষিত ॥

ইন্দ্র।—দেখ গন্ধর্ভরাজ! মনুষ্য-লোকে বাৎস-
ল্যই সমস্ত ইন্দ্রিয়-বশীকরণের চূর্ণ-মুষ্টি-স্বরূপ। কেন
না—

ক্ষিপ্ত-প্রহস্ত-আদি গুণে লক্ষ্মণেরে কিছুমাত্র
নান বলি' নাহি হয় জ্ঞান।
আবার, সে খ্যাতনামা শূর-শ্রেষ্ঠ মেঘনাদও
লক্ষ্মণেরি তুল্য বলবান।
রাবণ ও রঘুপতি তাঁহারাও তুল্য অতি;
কিন্তু যবে পরস্পরে
ঘোরতর হয় বাণ-বৃষ্টি।

সেই সংগ্রামের স্থানে দুই মেহাস্পদ-পানে
উভয়েরি ছুটে স্নেহ-দৃষ্টি ॥

চিত্র।—দেবরাজ! এই তো উচিত কাজ। মহা-
স্মারা যে বাৎসল্যের অনুসরণ করেন, সে তো প্রসি-
দ্ধই আছে।

(বিশ্বয় ও ঐশ্বর্য্য-সহকারে) দেখুন দেবরাজ—

হইয়া মরম-বিন্দু
লক্ষ্মণের বজ্রসম শরে

কুপিত রাক্ষস-দল
যায় ধেয়ে সন্মুখ-সমরে;

রক্ষোনাথও কতিপয়
যুদ্ধে নিপতিত,
পুলে হেরি' রণস্থলে

রাম-সনে যুদ্ধ ত্যজি' মেঘনাদ-পার্শ্বে দ্রুত
হন অধিষ্ঠিত।

এইবার রামভদ্রের অমঙ্গল হবে বলে' আশঙ্কা
হচ্ছে।

ইন্দ্র!—গন্ধর্ভরাজ! অমঙ্গল আবার কিসের?

কুকুৎস্থ-কুল-অনুরদিগের অচিন্তনীয় মহিমা চির-প্রসিদ্ধ।
দেখ না কেন—

দশানন হইলেও বীর-সমাজের মাঝে
অদভূত রণে শোভমান,
শত শত রক্ষোনাথে একশরে বিনাশিতে
পারে এই মহাবীর রাম।

চিত্র।—দেবরাজ! বহু জনের আক্রমণেও যে
ব্যক্তি সফলতা লাভ করে, তার জয় জনসংখ্যার উপর
নির্ভর করে না। দেবরাজ! এই দিকে একবার অব-
হিত হয়ে দেখুন—

এই দিকে মহাবেগে
হইলে গো রাবণ নির্গত,

যুদ্ধাকাঙ্ক্ষী কুম্ভকর্ণ
রাম-শরে হইয়া বিফল

উচ্ছে করে হাহাকার; এইরূপ পিতৃ-দশা
করিয়া দর্শন

কুম্ভনামে পুত্র তার —মূর্ত্তিমান গর্ভ, কিম্বা
ভূধর জন্ম—

অতিরোধে মহাবেগে হয়ে ধাবমান
পিতার নিকটে আসি হয় অধিষ্ঠান।

(বিশ্বয় সহকারে) অহো! মর্কট জাতির কি ছিদ্র-
সঞ্চারিতা!—রক্ত দেখলেই তার মধ্য প্রবেশ করে।

কেন না—

কুম্ভ যবে ধাবমান
রাম-প্রতি হয়ে অতি ক্রুদ্ধ,

ইতিমধ্যে রণস্থলে
কপি এক তারে করে রুদ্ধ।

(সবিশেষ নিরীক্ষণ করিয়া) এ কি! এ যে সুগ্রীব।

রুদ্ধ করি' বাহু-দণ্ডে মহাবেগে করিয়া পীড়ন
ভূমে ফেলি করে বিদলিত।

তাহাতেও নহে তুষ্ট, ক্রোধাক্র হইয়া পুন
মাষবৎ করে নিষ্পাষিত ॥

(আশঙ্কার সতিত)

ইহা দেখি' কুম্ভকর্ণ অতিশয় দ্রুতগতি
আক্রমিয়া সুগ্রীবেরে করিল ধাবণ।

সুগ্রীবও নিপুণ অতি নিজেই মোচন করি'
স্বসা-সম নাসা তার করিল ছেদন ॥

ইন্দ্র।—গন্ধর্ভরাজ! এই দিকে, এই দিকে।



অনুজ লক্ষণ ওই

রক্ষোনাথ-মেঘনাদ-প্রতি

কি যে অস্ত্র হানিয়াছে

—অনির্কাচ্য অদ্ভুত অতি

যার লাগি ক্রোধে অক্ষ

হইয়াছে উভয়ে সম্প্রতি ।

অহহ! এইবার লক্ষণের রক্ষা পাওয়া ছুড়র দেখি। দেখ না কেন :—

মস্তুর প্রভাবে যার গতি অবিদিত

—নাগপাশ হানিল গো সেই ইন্দ্রজিত ।

হুবুভেত্ত অস্ত্র সেই খণ্ডিল লক্ষণ ;

হেনকালে মহারোষে আসি' দশানন,

শতশ্রী দিয়া মর্ষ বিধিল সবলে

মুচ্ছিয়া লক্ষণ পড়ে হনুমান-কোলে ॥

চিত্র। দেবরাজ! এইবার লক্ষণ অত্যন্ত আহত হয়েছেন। ভাইকে মুচ্ছিত দেখে রামের চিত্ত যুগ-পৎ করুণা ও বীররসে পূর্ণ হওয়ায় মুচ্ছিত লক্ষণকে দেখবার জন্ত উৎসুক হয়ে বিভীষণের নিকট হতে যেমন তিনি আসবেন, অমনি রাক্ষস-সৈন্য চারিদিকে তাঁর গতিরোধ করলে, কিন্তু তিনিও তৎক্ষণাত্ তার প্রতিবিধান করলেন।

যে অবস্থা শঙ্করের হয় সেই পুরাকালে

ত্রিপুর-বিজয়ে,

সেইরূপ অবস্থায় রঘুপতি রাম এবে

অবস্থিত হয়ে

ক্ষণমাত্রে শরঙ্গালে কুস্তকর্ণে খণ্ডে খণ্ডে

করিয়া ছেদন,

রক্ষ-সৈন্যে ভয় করি' অতি ব্যগ্র হয়ে তথা

করিল গমন ।

(নিরীক্ষণ করিয়া) অহো! রঘুপুঙ্গবের কি বাৎসল্য-মহিমা! উনি অনুজের অবস্থা নিজ হৃদয়ে যেন প্রত্যক্ষের ঞ্চয় অনুভব করছেন। (চারিদিকে নিরীক্ষণ করিয়া সহর্ষে) আ, বাচা গেল। রঘুকুল-কুমার ছুটি এখনও নিরাপদে আছেন। কেন না, সপরিবারে রাবণও এখন এই মহাবিপন্ন-সাগরে বিক্ষুব্ধ-চিত্ত (পুনর্বার ছুজনকে নিরীক্ষণ করিয়া) কিন্তু এখনও যে মুচ্ছিত দেখছি। বড়ই চিন্তার বিষয় হল। কেন না :—

বহু ছল জানে এই রিপু রক্ষোগণ,

তাহাতে অবশ তনু এবে ছই জন ।

বানর সহায় যত তারাও বিহ্বল ;

এই তো অবস্থা—দেখি, কিবা হয় ফল ।

না জানি বিধাতা এখন কি করেন ।

ইন্দ্র।—গন্ধর্করাজ! কেন তুমি এরূপ আশঙ্কা করচ? দেখ, লক্ষণকে বাঁচাবার জন্ত, অচিন্ত্য-মহিম মহাশক্তি-সম্পন্ন বীরাগ্রগণ্য হনুমানকে বলা হয়েছে। সম্প্রতি :—

রোম-কূপ প্রাফুরিত করি' হনুমান

—প্রলয়ের রজোগুষ্টি যেন মুর্ত্তিমান—

লক্ষ দিয়ে উঠে বেগে অস্তুরীক্ষ-তলে,

লাঙ্গুলাগ্রে টলাইয়া নক্ষত্র-মণ্ডলে ।

যেমন ম নর তার উৎসুক্য অপার

—তারি উপযুক্ত এই উদ্যোগ-ব্যাপার ।

কোথা হতে গিরি এক করি' আহরণ,

মূহুর্ষে সুবিজ্ঞ হনু করে আগমন ।

চিত্র।—(সোল্লাসে) দেবরাজ! দেখুন।

চন্দ্রের আলোক লভি' কুমুদ যেমনি,

লউহ লভিয়া যথা অয়স্কান্ত-মণি,

ভবসিন্দু-গতজন লভি' তদ্বামুত,

—সেইরূপ গিরি-বায়ু হনুর আনীত

আত্মাণিয়া ছইজনে লভিল চেতনা,

দ্রব্যবিশেষের হেন অজ্ঞেয় মহিমা !

(দক্ষিণদিকে দৃষ্টিপাত করিয়া) এ কি! লক্ষেশ্বর প্রলয়ের উবেল সমুদ্রের মত আবার যে শত্রু-আক্রমণে ধাবমান। (মনে মনে বিচার করিয়া) সম্প্রতি ধর্মযুদ্ধের বিধানে নিবারিত হয়ে, রাবণ মেঘনাদ প্রভৃতি রাক্ষস-সৈন্যের বহুতর প্রধান ব্যক্তি, রাম-লক্ষণের প্রতি এখনও উপেক্ষা করছেন এবং রাম-লক্ষণও সহস্র সহস্র রাক্ষস-কাটদের এখন গণনার মধ্যেই আনছেন না।

(পুনর্বার লক্ষণকে নিরীক্ষণ করিয়া)

শাণে ঘসা মণি যথা,

মেঘ-যুক্ত যথা দিনমণি,

নিষ্কাশিত অসি যথা,

চ্যুত-চর্ম ভূঙ্গ যেমনি,

মোহ-যুক্ত হয়ে এবে

শোভিতেছে লক্ষণ তেমনি ।

জয় জয় দিব্যোষধি !
কিবা তার অচিন্ত্য মহিমা !
সুপ্তব অসপ্তব
কিছু তাহে নাহি দেখি সীমা ॥

(নিরীক্ষণ করিয়া) এ কি ! কপি-রাক্ষসদের
মধ্যে আবার যে যুদ্ধ আরম্ভ হয়েছে দেখি চি । দেখ না
কেন :—

অবিরাম যুদ্ধমাঝে পরস্পরে স্পর্ধা করি'
অহমিকা-ভরে
—রাক্ষসেরা তাঁর বাণে কপিগণ তাঁক্ষ নখে—
বিধে পরস্পরে ।
রণ-ভূমি বিদলিত তাহা হতে সমুখিত
ধূলিজাল-কণ
স্বরভিত চূর্ণরূপে বীরগণ নিজ বৃকে
করে তা ধারণ ।

(সবিশেষ নিষ্কারণ করিয়া) সন্ধ্যার ঘন অন্ধ-
কারে ও প্রাতের অরুণালোক যে প্রভেদ, এই
রাক্ষস ও বানর-সৈন্যের মধ্যে সেইরূপ প্রভেদ দেখা
যাচ্ছে । দেখ না কেন :—

যেথা যেথা রক্ষ-সেনা . প্রতিক্রমে হইতেছে
অতীব ক্ষয়িত
—সেখানেই কপিসেনা অনন্ত-গুণেতে পুন
হয় গো বদ্ধিত ।

ইন্দ্র ।—গন্ধর্করাজ ! এই দিকে আবার ঘোরতর
যুদ্ধ উপস্থিত ।

রক্ষনাথ রঘুনাথ
—এ দিকে লক্ষ্মণ ইন্দ্রজিত
রণ-স্থল-মাঝে দৌছে
বন্দভাবে এবে একত্রিত ।
মহাশক্তিশালী উভে ধরুর শিফায় দৌছে
কেহ নহে ন্যূন ।

দিব্য অস্ত্র-সঞ্চালনে আর প্রতীকারে তার
উভয়ে নিপুণ ।
দৌছে রণে মহাবীৰ্য্য করিয়া প্রকাশ
প্রগয়ান্নি-সম দৌছে সৈন্য করে নাশ ।

চিত্র ।—দেবরাজ ! এই দুই মহাবীরের যুদ্ধ-
প্রভাব বহুবিস্তৃত ।

এ দুই যুগলবীর সিংহ-নাদে পূর্ণ করে
ককুভ-মণ্ডল,
শরজালে ব্যোম, আর অরাতির দেহ-খণ্ডে
সর্ব ধরাতল ।

আমাদেরো দৃষ্টি-পথ
নেত্র-জলে হইল আবিলা
সহসা রোমাঞ্চ, আর
কম্পন এ দেহে দেখা দিল ।

(সবিশেষ দেখিয়া) প্রত্যক্ষ ও অনুমান-প্রমাণের
দ্বারা একই বস্তুর কতটা প্রভেদ উপলব্ধি হয় । দেখ না
কেন :—

রাবণের বীৰ্য্য হতে রাম-বীৰ্য্য রণস্থলে
প্রত্যক্ষ নিরখি দশগুণ পরিমাণ ।
আর, পার্শ্ব-নিপতিত রক্ষ-মুখ্যদের হেরি'
অনন্ত গুণ বলি, হয় অনুমান ॥

যেমনি রাক্ষসগণ অস্ত্র-ধৃত-ভুজ-কেতু
করিয়া ঘূর্ণিত
বহুবল-দর্প-ভরে বৃষ্টিতে বৃষ্টিতে সবে
হল উপনীত

—অমনি রামের সেই শর-পক্ষ-সঞ্চালিত
পবনের ভরে
দীপ্ত যে প্রতাপানল —পতঙ্গ-সমান তাহে
ঝাঁপ দিয়া পড়ে ।

(চিত্তা করিয়া) এই সৃষ্টি পাঞ্চভৌতিক বলেই
প্রসিদ্ধ । তাই :—

সমগ্র যে ত্রিভুবনে না হইত পর্ব্বাশ্রয়
রক্ষদের দাঁড়াবারো স্থান
—পঞ্চত লভিয়া এবে ভূমি মাত্রে লীন হয়ে
এবে তারা করে অবস্থান ।

ইন্দ্র ।—গন্ধর্করাজ ! দেখ, এই রাম-লক্ষ্মণ কি
আশ্চর্য্যরূপেই প্রতারণিত হচ্ছে । কেন না :—

রাম-লক্ষ্মণের বাণে রাবণের এক যুগু
যেই ছিন্ন হয়
অমনি তাহার স্থানে অনন্ত মস্তক আসি'
হয় গো উদয় ।

আর, মেঘনাদ-গুণ অতুলন, বর্ণিবারে
কে বল সক্ষম ?

রাম-লক্ষ্মণেরো দেহে অচিন্ত্য প্রভাব কিবা
—যাতে কদাচন



ধৈর্য্য ও উৎসাহের না হয় বিরাম
—শিরশ্ছেদেও ক্ষান্ত নহে ধনুর্কাণ ।

(নেপথ্যে)

ওগো রামভদ্র ! যে অঙ্গ-প্রয়োগে ঐ ছুরাচারের
বধসাধন হতে পারে, সেটিকে কেন উপেক্ষা করচ ?
অবহিত হয়ে শ্রবণ কর :—

সীতারে লভহ তুমি, লভুক উচিত প্রীতি
এ তিন ভুবন ;

—বিভীষণ লক্ষাপুরী ; লভুক রাবণ পুনঃ
দেবত্ব আপন ।

কি আর বলিব বল, যে সকল মুনিগণ
প্রত্যক্ষ করিয়াছেন পরম-তত্ত্বের

তীহার লভেন যেন পরম পবিত্র শাস্তি
প্রসাদ-আনন্দ-পূর্ণ আপন অন্তরে ।

চিত্র ।—(শুনিয়া) কি আশ্চর্য্য ! দেবর্ষিরাও
যে ওদের বধের জন্ত রাম-লক্ষণকে ত্বরী দিচ্ছেন ।
অথবা, ছুট-দমনে কার না মনস্তপ্তি হয় ?

(ব্যস্তসমস্ত হইয়া বিশ্বয় ও ঔৎসুক্যের সহিত)

দেবরাজ ! দেখুন :—

রাম ও লক্ষণ দৌহে করিয়া স্বরণ
ব্রহ্ম-অঙ্গ আর দিব্য-অঙ্গ নারায়ণ
—সেই সব অঙ্গ-বাণে ক্রমশ যখন
রাবণ ও রাবণি-মুণ্ড করিলা ছেদন
—রণভূমে পড়ে দেহ তাদের দৌহারি,
অস্তঃপূরে মুচ্ছা যায় যত রক্ষ-নারী ।
আ দাশ হইতে রাম-লক্ষণের শিরে
সুমঙ্গল পুষ্প-বৃষ্টি হইল অচিরে ।

ইন্দ্র ।—(নেপথ্য-অভিমুখে অবলোকন করিয়া
সোল্লাসে) গন্ধর্ষ-রাজ ! দেখ, এই সুপ্রসিদ্ধ ত্রিভুবন-
শত্রু দশাননের নিধন-বৃত্তান্ত শুনে সুমনা মহর্ষিগণ
অতীব আনন্দিত হয়ে, মহোৎসব উপভোগ বাসনায়
আমার প্রতীক্ষা করছেন । আমি তবে এঁদের মনো-
রথ সম্পাদনার্থে এখনি যাত্রা করি । তুমিও এই
সমস্ত বৃত্তান্ত নিবেদন করে' প্রিয়সখা অলকেশ্বরকে
পরিভূষ্ট কর গে ।

[পরিক্রমণ করিয়া সকলের প্রস্থান ।

ইতি ষষ্ঠ অঙ্ক ।

সপ্তম অঙ্ক

(শোকাকুল লক্ষার প্রবেশ)

লক্ষা ।—(আক্রোশ সহকারে) হা মহারাজ
দশানন ! ত্রৈলোক্য-বিজয়ী হৃর্ষী হুঃসাহসী মহাবীর !
সকল-রাক্ষস-লোক-প্রতিপালন-সমর্থ মহাবাহু ! হা
কেকসী-পুত্র-তিলক । হা বন্ধুজনবৎসল ! এখন
আমি তোমাকে কোথায় দেখতে পাব ? হা কুমার
কুম্ভকর্ণ ! হা বৎস মেঘনাদ ! কোথায় তুমি ?
আমার কথার উত্তর দেও । কি ?—কেহই আর কথা
কচে না ? হা ছুটদৈব-হৃর্ষীপাকগ্রস্ত ! তোমার শেষে
কি না এই পরিণাম ?—অথবা তোমাকে কেন আমি
বৃথা তিরস্কার করি ?—আমারই ছুচরিতের এই ফল ।

(অলকার প্রবেশ)

অল ।—অহো ! রক্ষপতির এ কি দশা-হৃর্ষীপাক !
এই বিপুল রাক্ষস-সৃষ্টি মুহূর্ত্তমধ্যে বিনষ্ট হয়ে শেষে
কিনা শুধু বিভীষণ মাত্র অবশিষ্ট রইল ! (শব্দ শ্রবণ
করিয়া পরিক্রমণ) কি ?—আমার কনিষ্ঠা ভগিনী
লক্ষা, অভিনব ভর্তৃ-বিরহ-ব্যথায় বিধুর হয়ে ক্রন্দন
করছেন ? (নিকটে আসিয়া) ভগিনি ! আশস্ত
হও ! আশস্ত হও !

লক্ষা ।—(দেখিয়া) এ কি ! আমার ভগিনী
অলকা যে ।

অলকা ।—ভগিনি ! ধৈর্য্য ধর, ধৈর্য্য ধর—
এইরূপই সংসারের গতি ।

লক্ষা ।—ভগিনি ! আমার আর সান্ত্বনা কোথায় ?
এখন আমার কেবল বৃতিজনরাই অবশিষ্ট রইল ।
শুনে পাই নাকি, এখন বিভীষণই একমাত্র কুলতন্তু
—বংশধর যে বেঁচে আছে । কিন্তু এই হতভাগিনীর
এমনি হৃর্ভাগ্য, সেও নাকি এখন শত্রুপক্ষের সেবায়
নিযুক্ত ।

অলকা ।—না বোন, তা নয়—তিনি আমাদের
শত্রুপক্ষ নন ।

লক্ষা ।—তবে কিরূপ ?

অলকা ।—তিনি যার শত্রু, সে তো চলে গেছে ।
ত্রিভুবনের সহিত যার সম্বন্ধ, সেই দাশরথিই এখন
আমাদের স্বভাব-মিত্র ।

লক্ষা ।—(আশ্চরিত হইয়া) তাই না কি ?

অলকা ।—হাঁ বোন, তাই ।

লক্ষা ।—আমাদের স্বামীর এ কি বিপরীত পরিণাম !

অলকা।—অনুসন্ধান না করে' কেন একরূপ কথা
বল্চ ?

কেন পিতৃ-আজ্ঞাক্রমে, ভ্রাতা-মাত্র লয়ে সাথে
দণ্ডক-অরণ্যে রাম করিলে প্রবেশ
যে রূপ গর্হিত কাজ করে তব দশানন
তারি এ সমস্ত ফল জানিবে বিশেষ।

লক্ষা।—তুমি আবার এই সময়ে একরূপ কথা কেন
উপস্থিত করলে ?

অলকা।—শোনো তবে ;—রাবণের বৈমাত্র
ভাই কুবের, গন্ধর্ক-রাজ চিত্ররথের কাছ থেকে সমস্ত
বৃত্তান্ত জানতে পেরে, আত্মীয় স্বজনদের সাহসনা
করবার জ্ঞ, বিভীষণের লক্ষাভিষেক দেখবার জ্ঞ,
আর, রাবণ-অপহৃত বিমান-রাজ-“পুষ্পক”কে রাম-
ভদ্রের সেবায় নিবৃত্ত থাকতে উপদেশ দেবার জ্ঞ,
আমাকে এখানে পাঠিয়েছেন।

লক্ষা।—কি ? ভগবান্ পশুপতির মিত্র স্বয়ং
ধনেশ্বর রামভদ্রের সেবা করচেন ?

অলকা।—এতে আর আশ্চর্য্য কি বোন্।

পরমার্থ-দর্শীদের ইনিই পরম তত্ত্ব ;
পুরাণ পুরুষ ইনি—জেনো ইহা ঐব সত্য ;
ইনিই প্রকৃতি মূল ত্রিধায় হইয়া ভিন্ন
সাধুদের ত্রাণ-তরে মর্ত্যে অবতীর্ণ।

লক্ষা।—আচ্ছা, আমাদের প্রভু রাক্ষস-নাথ কি
এ কথা জানতেন না ?

অলকা।—তুমি কি জান না, শাপ প্রভাবে তিনি
মোহ-গ্রস্ত হয়েছিলেন ?—তঁারও কোন অপরাধ নেই।
(নেপথ্যে কলরব)

উভয়ে।—(ব্যস্তসমস্ত হইয়া সভয়ে কর্ণপাত)

(পুনর্বার নেপথ্যে)

ওগো ত্রিভুবন-বাসী প্রাণীগণ ! তোমরা সকলে
অবহিত হয়ে শ্রবণ কর :—

বসু, সূর্য্য, রুদ্র সহ
দেবরাজ করি' আগমন
“সাধু সাধ্বী সীতা” বলি'

করিলা সমভিনন্দন।

অনলে প্রবেশ করি' পুনঃ শুদ্ধভাবে সীতা
করে নির্গমন ;

ইনি তব কুল-স্থিতি —সাদরে গ্রহণ কর
ওহে রঘুত্তম !

অলকা।—কি ?—রাবণ-গৃহ-বাস-জনিত কলঙ্ক-
সংশয় অপনোদন করবার জ্ঞ, অগ্নি-প্রবেশ-নির্গতা
সীতাদেবীকে এই দেবগণও অভিনন্দন করচেন ?
অহহ !

পতিব্রতাময় জ্যোতি অগ্নির জ্যোতিতে কিনা
হইল শোধিত ?

—বড়ই আশ্চর্য্য ইহা কিবা বুঝি লোকাচার
হ'ল অনুসৃত ॥

লক্ষা।—(শব্দ শ্রবণ করিয়া) এই যে ! স্তম্ভল
তুর্ধ্য-ধ্বনি-মিশ্রিত গীতও যে শোনা যাচ্ছে।

অলকা।—(নেপথ্যাভিমুখে অবলোকন করিয়া)
এই যে, সীতার অগ্নিশুদ্ধি অনুমোদন করবার জ্ঞ
অপ্সরা ও দেবর্ষিগণও এখানে অবতীর্ণ হয়েছেন।
আর বিভীষণ রামভদ্রের আদেশে কৃতভিষেক হয়ে
তঁাদের সহিত মিলিত হয়ে পুষ্পকরথের পশ্চাৎ পশ্চাৎ
রামভদ্রের নিকটে যাচ্ছেন। এখন তবে এসো ;
যিনি নিজ স্বাভাবিক মহিমায় বিরাজমান, সেই
মহানুভব মহা-চরিত রামকে দর্শন করে' আমাদের
চক্ষু সার্থক করি।

[পরিক্রমণ করিয়া প্রস্থান।

ইতি মিশ্র-বিদম্বক।

(পুষ্পকরথের পশ্চাৎ পশ্চাৎ বিভীষণের প্রবেশ)

বিভী।—রামভদ্রের আদেশ-অনুযায়ী তো সমস্ত
কার্য্যই সম্পন্ন করা হ'ল। সেই আদেশ অনুসারেই
মাতলির অভ্যর্থনার পর :—

অনর্পল অশ্রু-ধারে রেখাঙ্কিত গণ্ডহুল
সুরলোক-বন্দী নারীগণ ;
কনক-কঙ্কণ-চ্যুত, পালয়ে নিয়ম-ব্রত
এক বেণী করিয়া ধারণ ;
ভূমিতলে বিলুপ্তিত, মান বস্ত্র পরিধৃত
তাহাদের করিহু মোচন ;
কিবা হাসি-হাসি মুখে স্বর্গধাম-অভিমুখে
এবে তারা করয়ে গমন।

(নিকটে আসিয়া) জয় রামভদ্রের জয় ! মহা-
রাজ ! এই পর্য্যস্ত আপনার আদেশ সম্পাদন
করেছি :—

বন্দি-পূর্ণ কারাগার
শূন্যে ছিল গো অলঙ্কৃত ;
এবে উহা স্মরণ
স্বর্ণময় পতাকা-শোভিত ।

আর, এই সেই "পুষ্পক" নামে বিমান-রাজ :-
অবারিত পথ-চারী প্রভু-ইচ্ছা-অনুসারী
ইহা অনুক্ষণ ।
যাহা তব মনোরথ তাহাই বিমান-রথ
করিবে সাধন ॥

রাম ।—সাঁধু লঙ্কেশ্বর ! সমস্ত কাজই বেশ
সুসম্পন্ন হয়েছে । (সুরগীবের প্রতি) সখা সুরগীব !
এখন আর কি করতে বাকি আছে বল ।

সুরগীব ।—
দৌর্দণ্ড-প্রতাপে তব ত্রিলোক-কণ্টক সেই
হল উন্মূলিত ;
দেবীর কলঙ্ক-কথা অগ্নি-শুদ্ধি-অনুষ্ঠানে
হল প্রশমিত ;
গুণবান্ বিভীষণে অভিষেক করি' হল
প্রতিজ্ঞা পালিত ।

সম্প্রতি যখন হনুমান দ্রোণ-পর্বত আনতে
গিয়েছিলেন, সেই সময় কুমার ভরত তাঁর নিকট
হতে সবিশেষ সংবাদ পেয়ে, সেই অবধি অত্যন্ত
বিষন্ন হয়ে আছেন । দেখ হনুমান ! তাঁর কাছে
একজন দূত পাঠিয়ে দেও । আর, আপনি স্বয়ং
"পুষ্পকে" আরোহণ করে' বিমান-রাজকে অলঙ্কৃত
করুন ।

রাম ।—প্রিয়সখা ! তোমার যথা অভিরুচি ।
(তথা করণ)

দৃশ্য—আকাশ-পথ

সীতা ।—(চুপিচুপি লঙ্কণের প্রতি) আমাদের
এখন কোথায় যেতে হবে ?

লঙ্কণ ।—দেবি ! রঘুকুল-রাজধানী অবোধায় ।

সীতা ।—বনবাসের নির্দিষ্ট কাল কি উত্তীর্ণ
হয়েছে ?

লঙ্কণ ।—দেবি ! আজই তার শেষ দিন ।

সকলে ।—(বিমান-গতি নিরীক্ষণ)

সীতা ।—(আশ্চর্য্য হইয়া) দূর হ'তে যার দক্ষিণ-
ভাগ নির্ণয় করা যাচ্ছে না—ঐ বিস্তীর্ণ শ্রামল ভূমি-
খণ্ডগুলি কি বল দিকি নাথ ?

রাম ।—দেবি ! ওগুলি ভূমিখণ্ড নয় ।
প্রসিদ্ধ যে অষ্ট মূর্তি তাহারি এ অব্যয়
মূর্তি প্রথম ;
কীর্তিত সাগর নামে —বর্ণিতে গান্তীর্ঘ্য যার
মানব অক্ষম ।

সীতা ।—বুদ্ধদের মুখে শোনা যায়, আমার ছোষ্ঠ
শ্বশুরেরা নাকি এই সাগর নির্মাণ করেছিলেন ।
আচ্ছা, ঐ সাগরের মধ্যেও, অভিনব তৃণাচ্ছন্ন ভূমিতে
দূর-প্রসারিত গুলু বস্ত্রের মত কি ওটা দেখা যাচ্ছে ?

লঙ্কণ ।—দেবি !
বানর নায়ক যত সোৎসাহে কুতূহলে
আর্থের শাসন শিরে
করিয়া ধারণ,
কলপান্ত কালাবধি লোক-পূজ্য যারা অতি
সে সব দিগন্ত-গিরি
করি' আনয়ন
নিরমল যেই সেতু —রঘু-কীর্তি-সুস্তরূপে
জলধির মাঝে দৃষ্ট
হতেছে এখন ।

রাম ।—(অঙ্গুলীর দ্বারা নির্দেশ করিয়া) দেখ
ভাই লঙ্কণ !

চিনিতে কি পারিতেছ এই সব ভূমি-ভাগ
—তমাল-নিকুঞ্জ-পুঞ্জ মিলিত হইয়া যেথা
ছায়া-অন্ধকারময় —শীতল তুষার-সম
উর্দ্ধে সুবিস্তৃত স্বচ্ছ মলয়ের তুঙ্গ শৃঙ্গ
—যাহা হতে নিপতিত নিব' রিণী-অগণন ।

লঙ্কণ ।—হাঁ ! দাদা, তাই বটে । আবার নিক-
টেই ওদের সেই পুরাতন গুহা ।

গর্জনে জর্জর যেথা দিক সমুদায়,
বজ্র-নির্ঘোষে নভ বধিরের প্রায়,
সুপ্রচণ্ড বায়ু-বেগে

মুহূর্হ মেঘের সঞ্চারণ,
ঘন ড্রুম-অন্ধকারে
অক্ষীভূত নয়ন সবার,

বংশ-গুচ্ছপরে যেথা
জলধারা হয় বরিষণ
—সেই সে গুহায় মোরা
এক রাত্রি করিহু যাপন।

সীতা।—(স্বগত) হায় ! এই হতভাগিনীর
দুর্ভাগ্যক্রমেই এঁরা এইরূপ অবস্থার পরিবর্তন অনুভব
করছেন।

বিভী।—মহারাজ রামভদ্র ! ঐ দেখুন, কাবেরী-
তীরস্থ প্রসিদ্ধ ভূমিভাগ দেখা যাচ্ছে।

এরি প্রান্ত-সীমাবর্তী ভূধর-নিতম্ব-দেশে
শোভে কত পুরাতন
তুঙ্গ বনস্পতি।

তারি তলে, মধুস্রাগী তাম্বুলী ও পূর্ণ-সতা
ঘনীভূতভাবে দেখ
করে অবস্থিতি।

বিরাজে আশ্রম নানা —যেথায় করেন বাস
কল্পস্থায়ী ভূত-সাক্ষী
যত মুনিগণ
—দূত তপস্যায় যারা আর বেদ-অধ্যয়নে
পরব্রহ্মে করিলা গৌ
সাক্ষাৎ দর্শন।

এরি অনতিদূরে, দক্ষিণ দিকে, লোপামুদ্রার সুবিস্তৃত
পরিসর-ভূমিতে কুম্ভ সম্ভব অগস্ত্যের এই জ্যোতি :—

যাহার লীলায় এই অশ্বনিধি, মরুভূমে
হয় পরিণত ;

বিক্র্যাচল-বুদ্ধি যিনি খর্ব করি' গর্ভ তাঁর
করেন বিগত ;

যাহার জঠরানলে
ভস্ম হয় বাতাপির দেহ

—অচিন্ত্য প্রভাব তাঁর
পারে কি গৌ বর্ণিবারে কেহ ?

সেই অমিত-প্রভাব মহাস্মাগণ—যারা সকল
অস্তুরাত্মার সাক্ষিস্বরূপ—তাঁদের বন্দনা কোথা হতেই
বা করা যায় ?

(সকলের প্রণাম)

(আকাশে)

অহুজের সহ মিলি'
প্রজা তুমি করহ পালন ;

কল্পান্ত-স্থায়ী হোক
যশোরাশি তব হে রাজন্ !
লভুক সে অমরত্ব
—রাম-নাম যে করে কীর্তন ॥

রাম।—(শ্রবণ করিয়া) সেই মহামুনির ভক্তজন
এই অশরীরী বাক্যে পরম অনুগৃহীত হল।

(অগ্ণদেরও অভিনন্দন)

বিভী।—মহারাজ রামভদ্র ! পম্পা-প্রান্তবর্তী
এই সমস্ত প্রদেশ বহুকাল হতে পরিচিত হলেও এর
নিদর্শনগুলি বলপূর্বক যেন আমাদের নেত্র আকর্ষণ
করচে।

এক বাণে বিদ্ধ সেই পরিচিত তাল-খণ্ড
সম্মুখে নিরখি ;

এইখানে তব বাণে বালিরে করিলে তুমি
খেলনার কপি ;

হেথা তুমি সকৌতুকে নিষ্কপিলে পদাঘাতে
কবন্ধ-কঙ্কাল-রাশি।

হেথা দেবী-উত্তরীয় দেখিলে রাজন্ তুমি
হম্মুর নিকটে আসি ॥

সীতা।—(স্বগত) কি ? আমার উত্তরীয় উনি
হুম্মানের হাতে দেখেছিলেন ?

রাম।—(স্মরণ করিয়া) দেখ দেবি ! তোমাকে
যখন হরণ করে' নিয়ে যায়, সেই সময় “অনশ্রুয়া”-
নামাঙ্কিত উত্তরীয়খানি তোমার অঙ্গ হতে ঝলিত হয়ে
নীচে পতিত হয়। আমি ব্যাকুল হয়ে তোমার অহু-
সন্ধান করতে করতে, হুম্মানের কাছে এই প্রথম
নিদর্শনটি দেখতে পাই।

দর্শন মাত্রে হল
শরচ্ছত্র নয়নে উদয় ;

কপূর-পরাগে পূর্ণ
হল যেন গাত্র সমুদয় ;

অমৃত-কুম্ভের জলে
সিদ্ধ হল অস্তুর-নিলয়।

সীতা।—(লজ্জিতা)

লক্ষণ !—এই—

পিতৃ-মিত্র গৃধরাজ পাপাত্মা রাবণে করি'
পশ্চাৎ-ধাবন

জরাজীর্ণ দেহ তাজি' অভিনব যশো-দেহ
করিল ধারণ।

আবার এ অন্তরীক্ষ — তাও যেন চারিদিকে
এক-ই সমান।

সীতা।—(স্বগত) আমার জ্ঞান সেই মহাত্মার
এইরূপ দশা হল ?

সুগ্রী।—মহারাজ ! এই প্রসিদ্ধ দণ্ডকারণের
সীমা এইবার ছাড়িয়ে যাওয়া গেল। এখন আমরা
সেইখানে এসেছি :—

স্বসা-কর্ণ-নাসাচ্ছেদ প্রতিশোধ-তরে
যেথা আসি' দূষণাদি তব হস্তে মরে।

সীতা।—(কম্পমানা) আবার যে রাক্ষসের কথা
শোনা যাচ্ছে।

রাম।—আর কোন ভয় নাই—এখন তাদের
কেবল নাম মাত্র অবশিষ্ট।

লক্ষ্মণ।—পুরুষোত্তম-পদ-লাঞ্ছিত মধ্যমলোকের
আকাশ-প্রদেশটি দেখবার জিনিস বটে।

(রথের উচ্চ গতি)

রাম।—(সবিস্ময়ে নিরীক্ষণ করিয়া)

যে দেবতা আমাদের পূর্ববর্তী পুরুষের
উদ্ভব-কারণ,

ত্রিবেদ-মূর্তি-সার তেজের যে মূলাধার
—সেই সে তপন

সন্নিহিত এই পথে ; —দেখিতেছি এই রথে
করি' আরোহণ।

(সকলে কৃতজ্ঞ হইয়া প্রণাম)

সীতা।—(উর্ধ্বে নিরীক্ষণ করিয়া) ও মা ! দিনেও
যে তারকা-মণ্ডল দেখা যাচ্ছে।

রাম।—সূর্য্যাকিরণে চক্ষু প্রতিহত হওয়ায়, অতি-
দূরত্ব-প্রযুক্ত দিবসে তারকা-মণ্ডল দেখা যায় না।
কিন্তু বিমানে আরোহণ করায় সে দূরত্ব আর নাই।

সীতা।—(সকৌতুকে) আহা ! গগনোষ্ঠানে
যেন কত ফুল ফুটে আছে।

রাম।—(চারিদিকে অবলোকন করিয়া) এখন
জগতের দিগ্‌বিভাগ নিরূপণ করা অসম্ভব।
কেন না :—

দূর বলি' স্পষ্টরূপে পৃথিবীর বস্তু কোন
নহে দৃশ্যমান ;

সুগ্রী।—মহারাজ ! ভ্রাতার সৌহার্দ্যবশে
যদৃচ্ছাক্রমে দিগ্‌দিগন্তে বিচরণ করে' এখানকার
সমস্তই আমি অবগত আছি।

উদয়ান্ত-গিরি এই —যার প্রতি উদয়ান্ত
—চন্দ্র-সূর্য্য-পরে করি'

বিশ্বাস স্থাপন—

তাহাদের ক্রোড়ে বসি' বাল্য ও বার্দ্ধক্য মোর
নিরভয়ে কুতূহলে
করিহু যাপন।

মহারাজ ! এই দিকটা একবার মনোযোগ দিয়ে
দেখুন :—

কৈলাস, অঙ্গন-গিরি —উভয়েরি তুল্যরূপ
উচ্চতা বিস্তার ;

ধরণীর বক্ষে যেন চন্দন কস্তুরী-লিপ্ত
ছটি স্তন-ভার।

আর এই দিকে কাঞ্চন-গিরি, আর তার ওদিকে
গন্ধমাদন পর্ব্বত। তার পরে যে সকল ভূমি—সে
সমস্ত আমাদের মত লোকের অগম্য।

রাম।—(চারিদিকে দৃষ্টিপাত করিয়া, ভয় ও
বিস্ময়ে) কি আশ্চর্য্য। সমস্ত জগৎ যেন এখানে
একটি স্থানের মত নেত্রগোচর হচ্ছে। সমস্ত সৃষ্টি
কি বাস্তবিকই এরূপ সীমাবদ্ধ ?

সীতা।—ও মা ! এ তো কখন দেখিনি—এ কি
অদ্ভুত জীব ?—না মানুষ না পশু।

রাম।—দেবি ! এরা হচ্ছে অশ্বমুখী কিন্নর-মিথুন
—এইরূপ অনেক জীব এই সব দেশে বিচরণ করে।

বিভা।—এই যে, এই দিকে আসচে—বোধ হয়,
এরা অলকেশ্বর কুবেরের দূত।

(নেপথ্যে)

মহারাজ ! দিনকর-কুলমণি ! রামভদ্র ! কৈলাস-
পতির আদেশে আপনাকে অভিনন্দন করতে আমরা
অযোধ্যায় যাচ্ছিলেম, আমাদের সুযাত্রার পুণ্যফলে
ইতিমধ্যেই আপনাকে এইখানে দেখতে পেলেম।
তাঁর আদেশ পালন করতে গিয়ে আমাদের বিশেষ
উপকার হল—সেই পুরাণ পুরুষের অবতার-শ্রেণীর

মধ্যে যিনি অবস্থিত—সেই পরম জ্যোতির সহিত
আজ আমাদের সৌভাগ্যক্রমে সাক্ষাৎ হল।

(প্রদক্ষিণ করিয়া অভিবন্দন)

সকলে।—(নিরীক্ষণ)

(পুনর্বার নেপথ্যে কিল্লর)

বিপন্ন-বৎসল-তুমি, জগৎ-জনের তুমি
আত্মীয় বান্ধব!

তুমি গো কমলাকর —যেথা করে বিচরণ
সুখ-হংস সব।

জন্ম-আদি কর্ম-বণে তুষায় কাতর যত
মনোষী-চকোর

—সহস্র বৎসরাবধি তব যশঃ-সুধাপানে
হয়ে থাক্ ভোর।

(নেপথ্যে কিল্লরী)

যাবৎ ফণীন্দ্র-শিরে থাকে ভূমণ্ডল,
যাবৎ গো অন্তরীক্ষে শোভে গ্রহদল,
তাবৎ ত্রিলোকে, তব পুণ্য-যশো-গীতা
অমল চরিত-কীর্তি— গীত হোক সীতা।

রাম-সীতা।—(লজ্জায় সঙ্কুচিত-নেত্র)

অন্তেরা।—এ কথা শুনে আমরা বড়ই সুখী
হলেম।

রাম।—লঙ্কেশ্বর!—এখানে আর অধিকক্ষণ
থাকা উচিত বলে মনে হচ্ছে না, এখন পৃথিবীর
সন্নিকটে যাওয়াই ভাল।

বিভী।—মহারাজ!

সুর-নদী-ধোত-শিলা এই সে হিমালয়ের
পুণ্য পাদমূল; —যেন উজ্জল কর্পূর-খণ্ড—
যত জীর্ণ-ত্বকধারী ব্রহ্মবাদী ঋষিগণ
অধ্যাত্ম-বিজ্ঞার সেবী —তব্বালোকে যাহাদের
নষ্ট মোহ-অন্ধকার —সেই ঋষিদের জ্যোতি
স্বভাব-মধুর সোম্য জাগে হেথা অহুক্ষণ।

লক্ষ্মণ।—দাদা! এই পূর্ক-পরিচিত প্রদেশগুলি
ছেড়ে চক্ষু যেন আর কোথাও যেতে চায় না।

রাম।—(নিরীক্ষণ ও স্মরণ করিয়া আবেগ-
সহকারে) ভাই লক্ষ্মণ! এই প্রান্তবর্তী তপোবন-
প্রদেশগুলি গুরুদেব বিশ্বামিত্রের চরণ-সঞ্চারে পবিত্র
হয়ে আছে। এইখানে ষাঙ্কবল্লভের শিষ্য দ্বিতীয়

বিদেহাধিপতি কুশল্বজের সঙ্গে থেকে, সেই গুরুজ্ঞান-
দের সহিত অমৃতময় বাক্যালাপের আমোদ উপভোগ
করে, সে সময়ে কতই না বাল্যোচিত ক্রীড়া
করতেম।

সীতা।—(স্বগত) কাকার কথা হচ্ছে না?
(চারিদিকে ব্যগ্রভাবে অবলোকন)

রাম।—লঙ্কেশ্বর! যে প্রদেশগুলি গুরুচরণ-
পঙ্কজে পবিত্র, বিমানারোহণে তার উপর ওঠা উচিত
হয় না।

(নেপথ্যে)

ওগো রাম-লক্ষ্মণ! সেই মহর্ষি বিশ্বামিত্র তোমাদের
আজ্ঞা করচেন:—

উভয়ে।—(বিমান-অধিদেবতাকে ধামিতে
ইঙ্গিত করিয়া) বলুন, আমরা অবহিত হয়ে শুনি।

(পুনর্বার নেপথ্যে)

অযোধ্যা নগরী-মুখে যাইবার পথে
দেখ যেন বিলম্ব না হয় কোন মতে।
অরুক্ষতী-সহচর মহর্ষি বশিষ্ঠ
করেন প্রতীক্ষা তব হইয়া সতৃষ্ণ।

আমি এখন মাধ্যাহ্নিক অহুষ্ঠানে ব্যাপ্ত—দণ্ড-
দ্বয়ের মধ্যে এখনি আস্টি।

উভয়ে।—যে আজ্ঞা গুরুদেব। (পুনর্বার বিমানে
অধিষ্ঠিত হইয়া)

রাম।—কি আশ্চর্য্য? মহাস্মারাও বাৎসল্য-
পরতন্ত্র! তপ ও বেদাধ্যয়নে তাঁদের সময় খণ্ডত
বিভক্ত হলেও, এই বাৎসল্যের প্রভাবেই দেখ তাঁদের
এখানে আস্তে হচ্ছে। অথবা এইরূপই উচিত।
কেন না, তাঁরা মুহুস্বভাব; কি উপবনের মুগ, তরু,
কি মল্লুয়া—সকলেরই প্রতি তাঁদের সমান করুণা।
বিশেষতঃ—

সূর্য্যবংশী রাজকুলে

আমাদের শুধু গো উদ্ভব

শান্ত-শান্ত-জ্ঞানাদিতে

সংস্কার দৌহা হতে সব।

বিভী।—(দেখিয়া) এ কি! অকাল-নীহার-
জ্বালের জ্বায় পৃথিবীর ধূলায় সহসা যে দিক্ আচ্ছন্ন
হয়ে গেল!

সকলে।—(সবিস্ময়ে দর্শন)

রাম।—(চিন্তা করিয়া) বোধ করি, হনুমানের
কাছ থেকে আমাদের সংবাদ পেয়ে ভরত সন্দেশে
এখানে আসছেন।

(হনুমানের প্রবেশ)

হনু।—(পাদপদ্ম স্পর্শ করিয়া প্রণাম করত)
মহারাজ!

পবিত্র চরিত তব অন্তরে করিয়া ধ্যান
এতদিন ভরত আছিল।

কোন মতে ;

সংবাদ পাইয়া এবে আমার নিকটে ইনি
ভেটিবারে আসিছেন
ক্ষত এই পথে।

অটা-টীর-ধারী হয়ে অমৃত-আস্বাদময়
রাম নাম মুখে সদা
করি' উচ্চারণ,

আনন্দে উৎফুল্ল যত মন্দিরের সঙ্গে লয়ে
ভরত করেন দেখ
হেথা আগমন!

রাম।—(সোনারসে) অহো! এত দিনের পর ভাই,
আবার তোমার সৌহার্দ উপভোগ করতে পেলুম—
সকল আনন্দের উপর এই আমার চূড়ান্ত আনন্দ।

লক্ষ্মণ।—(ঔৎসুক্যের সহিত) সখা হনুমান!
দাদা ভরত কোথায়?

হনু।—সন্দেশের সম্মুখে যে পাঁচ ছয় জন দাঁড়িয়ে
আছে—আর, তাদের আগে যিনি নিছক অল্পের সঙ্গে
রয়েছেন—তিনিই ভরত।

লক্ষ্মণ।—(নিরীক্ষণ)

সীতা।—(নিরীক্ষণ করিয়া) এ কি! এ যেন
আর কে। তার মত তো দেখাচ্ছে না।

বিভী।—ওহে বিমান-রাজ! অনেক দিনের
পর আশ্রয়দেদের মধ্যে দেখা সাক্ষাৎ হল—এইবার
আলিঙ্গনাদির দ্বারা এঁরা স্পর্শানন্দ উপভোগ করুন—
অতএব তুমি এইবার একটু থামো।

সকলে।—(বিমান হইতে অবতরণ)

(কতিপয় প্রধান পুরুষে পরিবৃত হইয়া
ভরত-শক্রের প্রবেশ)

রাম।—(সবেগে পাদপতিত ভরতকে উঠাইয়া)
এসো ভাই, এসো।

বিকসিত পঙ্কজের নালের সমান
রোম-হর্ষ স্পর্শ তব করি' অমৃতব;
—ব্রহ্মানন্দ হয় যথা লভি' তত্ত্বজ্ঞান—
সেইরূপ সুখ মোর অন্তরে উদ্ভব।

(গাঢ় আলিঙ্গন করিয়া)

লক্ষ্মণ।—(চরণে পতিত ভরতকে আলিঙ্গন)

শক্রয়।—(রাম-লক্ষ্মণকে অভিবাদন)

উভয়ে।—কুলমর্যাদার অনুসরণ কর।

ভরত-শক্রয়।—(সীতাকে দণ্ডবৎ প্রণাম করিয়া)

সীতা।—কুমার! তোমরা জ্যেষ্ঠ ভ্রাতার প্রিয় হও।

রাম।—ভাই ভরত-শক্রয়!

পোত-রূপে ইহাদের পাইয়াছিলাম আমি
সেই মহা বিপদ-সাগরে
কপীজ্ঞ সুগ্রীবে এই আর এই ধর্ম-রত
মিত্র লঙ্কেশ্বরে।

এঁদের আলিঙ্গন কর। (সুগ্রীব ও বিভীষণকে
প্রদর্শন করিয়া)

ভরত-শক্রয়।—(আলিঙ্গন করিয়া যথোচিত
সেবা)

ভরত।—দাদা! আমাদের কুল-গুরু মহর্ষি
বশিষ্ঠ সিংহাসন গ্রহণের জন্ত সমস্ত অভিষেক-সামগ্রী
সজ্জিত করে' আপনার প্রতীক্ষা করছেন; এখন
যে রূপ আজ্ঞা হয়।

রাম।—(স্বগত) মহর্ষি বিশ্বামিত্রের প্রতীক্ষায়
আমার থাকা উচিত—আবার এদিকে মহর্ষি বশিষ্ঠ
এইরূপ আজ্ঞা করছেন। আচ্ছা, এর সময়োচিত
প্রতীকার করা যাবে। (প্রকাশে) কুলগুরুর যথা
আদেশ।

সকলে (পরিক্রমণ)

(দশরথ-পত্নীগণ-সেবিতা অরুন্ধতীর
সহিত বশিষ্ঠের প্রবেশ)

বশি।—(স্বগত)

কুমার সুক্ষেত্র ইনি গুণমণিগণ-ধনি
সুবিপন্ন প্রাণীদের
পুণ্য-কল যেন মূর্ত্তিমান।

রাম ইনি কুপারাম নয়নের পূজা-স্থান
হেরিয়া ইঁহারে তাই
হরষে উথলে মোর প্রাণ ॥

যাই গোক. তবু লোকাচার অনুসরণ করা
কর্তব্য। (প্রকাশ্যে) বধু কৌশল্যা, সুমিত্রা !

উভয়ে।—আতা করুন গুরুদেব।

বশি।—সৌভাগ্যক্রমে বাচারা ছুঁনেই অকল-
শরাবে ফিরে এসেচে।

উভয়ে।—আপনারই আশীর্বাদ-প্রভাবে

অরু।—(কৈকেয়ীকে দেখিয়া) বৎসে ঠিক হয়েছি !

ভূমি কেন এত বিপন্ন হয়ে আছ ?

কৈকেয়ী।—জননি ! ছুঁভাগ্যক্রমে সকলেই এই
হতভাগিনীর কলঙ্ক ঘোষণা করচে। যে বাছাদের
প্রবাসের মূল—যে মন্ত্রার কথার বশ ছিল,
সেই মধ্যম জননী এখন বাছাদের মুখ কি করে
দেখেবে ?

অরু।—বৎসে ! বুঝা অপবাদের ভয় কোরো
না। মহর্ষিরা অন্তর্দৃষ্টিতে প্রকৃত কথা তখনই জানতে
পেরেছিলেন।

সকলে।—সে কি রূপ ?

অরু।—মালাবানের কথামত শূর্ণনখা মন্ত্রার
রূপ ধরে' এইরূপ করেছিল।

সকলে।—কি আশ্চর্য্য ! ছুঁশায় রাক্ষসেরা এই
অবলা-জনকেও কষ্ট দিয়েচে ?

বশি।—না, না, এই শুভ কার্যের সময়ে
একটুও ছুঁথ করা উচিত নয়। কি ? এখনও
রাক্ষসদের অত্যাচারের কথা ?

রাম।—(বশিষ্ঠকে দেখিয়া সোলাসে) এই সেই
মহর্ষি বশিষ্ঠ।

পূর্ণচন্দ্রে হেরি' যথা চন্দ্রকান্ত মণি

—এ'রে হেরি' মন মোর গলে' গো তেমনি।

(লক্ষ্মণের প্রতি) ভাই ! এই দিকে, এই দিকে।

উভয়ে।—নিকটে আসিয়া) মহর্ষি কুল-গুরুদেব !

রাম-লক্ষ্মণের প্রণাম গ্রহণ করুন।

বশি।—

নীতি, ধর্ম আর জ্ঞান, যে সময়ে যাহা ভূমি
করিবে সাধন

যথাযথ কালে যেন বিশুদ্ধ দৃষ্টিতে তাহা
করহ দর্শন।

উভয়ে।—(অরুন্ধতীকে অভিনন্দন)

অরু।—অভীষ্ট সিদ্ধ হোক !

উভয়ে। ক্রমাহুসারে সকল মাতাদের অভি-
বন্দন)

সকলে।—(গাঢ় আলিঙ্গন ও মনস্ক আত্মাণ
করিয়া) যামব যা িস্তা করি, তাই যেন তোমাদের
হয়।

সীতা।—(নিকটে আসিয়া বশিষ্ঠকে প্রণাম)

বশি।—বৎসে। যার-প্রসবিনী হও।

সীতা।—(অরুন্ধতীকে প্রণাম)

অরু।—(সীতাকে গাঢ় আলিঙ্গন করিয়া)

লোপামুদ্রা অননুযা আর দেখ এই আমি
অরুন্ধতী হেথা

—ছিলাম তিনটি, এবে তোমা লয়ে হোক সীতা ?
চারি পতিব্রতা।

সীতা।—(শ্রদ্ধাকে অভিবন্দন)

সকলে।— জাহ ! বংশধর-পুত্র-প্রসবিনী হও।

(নেপথ্যে)

ভগবান্ বিশ্বামিত্র

এই আজ্ঞা করেন ঘোষণা :—

ঘরে ঘরে পুরবাসী !

উৎসবের কর আয়োজন।

নিজ নিজ কর্মে, সব

কর্মচারী হও অবহিত,

ষিভবর ! কর সব

অভিষেক-সামগ্রী সজ্জিত।

বশি।—(শুনিয়া) বৎসের কি সৌভাগ্য-মহিমা !
ভগবান্ বিশ্বামিত্র স্বয়ং সিংহাসনে রামভদ্রকে অভি-
ষিক্ত করবার জন্ত এখানে সমাগত।

অন্তেরা।—আমাদের কি আনন্দের দিন !

সকলে।—


যজ্ঞ-বিঘ্ন-শাস্তি তরে দশরথ-কর-হতে
লইলু ইহারে যবে

—যে ছিল সঙ্কল্প মনে .তার অনুযায়ী কাজ
ভাবিলু—কতু কি হবে ?

দৈবের প্রসাদে এবে —রামের পৌরুষ-বলে
সফল হইল সব

নিশ্চিন্ত হইয়া তাই রামে করি' অভিষেক
মোরা করি মহোৎসব।

(সকলের পরিক্রমণ)



বশি।—ইনি সেই বিশ্বামিত্র ।
স্বাভাবিক ক্ষাত্র-বীর্য আর বিপ্রোচিত তেজে
বিশেষ উৎকর্ষ যার,
অলৌকিক ব্যাপারের আশ্চর্য্য নিধি যিনি
—কি না গো আশ্চর্য্য তাঁর ?

(বশিষ্ঠ বিশ্বামিত্র-নিকটে আসিয়া পরস্পরের
অভ্যর্থনা করত)

বিশ্বা।—মহর্ষি বশিষ্ঠ ! এখনও কিসের প্রতীক্ষা
করচেন ?

বশি।—যথোচিত অনুষ্ঠান আরম্ভ করুন ।

বিশ্বা।—(দেবর্ষিগণকে উদ্দেশ্য করিয়া) আপ-
নারা রামভদ্রের অভিষেক-কার্য্য সম্পন্ন করুন ।

অন্যেরা।—(যথোচিত কার্য্যের অনুষ্ঠান)

(নেপথ্যে ছন্দুভি ধ্বনি)

সকলে।—(সবিস্ময়ে পুষ্পবৃষ্টি করণ)

বশি।—এই লোকপালদের সহিত দেবরাজ রাম-
ভদ্রের অভিষেকে অনুমোদন করচেন ।

রাম।—(কৃতান্তিবেক হইয়া বশিষ্ঠ বিশ্বামিত্রের
নিকটে আসিয়া) গুরুদেব ! আপনাদের উভয়কে
অভিবাদন করি ।

উভয়ে।—

রামভদ্র ! গুণারাম ! ভ্রাতৃগণ-স্বসেবিত
হইয়া এখন

—ইক্ষাকুর নৃপগণ বেই ভার বহুকাল
করিল বহন—

—সেই রাজ্য-ভার তুমি আজি হতে তব শিরে
করহ ধারণ ।

অন্যেরা।—তথাস্তু । (অনুমোদন)

বিশ্বা।—বৎস ! রামভদ্র !

রাম।—আজ্ঞা করুন গুরুদেব !

বিশ্বা।—

সুগ্রীব বিভীষণ উৎসব-আমোদ তো উপভোগ
করলেন—এখন এঁদের, আর এই পুষ্পকে বিদায়
দিয়ে সঙ্কল্প-সময়-স্থলভ রাজরাজ কুবেরের আশ্রয় এখন
তুমি গ্রহণ কর ।

রাম।—(তথা করণ)

বিশ্বা।—বৎস রামভদ্র !

গুরুতর পিতৃ-আজ্ঞা করিলে পালন

ধর্ম্মও রক্ষিত হইল—আর ত্রিভুবন ;

মনস্তাপ ঘুচাইলে নাশি' রক্ষ-দলে,

দেবেরা কৃতার্থ সবে ; ইহা হতে আর

অধিক কি শ্রেয় বল আছে করিবার ?

রাম।—এর অধিক শ্রেয় আর কি হতে পারে ?

তথাপি ভগবৎ-চরণ-প্রসাদে এইটি যেন হয়—

নৃপগণ ক্ষীণ-তন্ত্র

ভূমণ্ডল করুন পালন ।

মেঘগণ যথাকালে

বারি-ধারা করুক বর্ষণ ।

ঘুচিয়া উৎপাত সব —বাউক সমগ্র রাজ্য

শস্ত্রতে ভরিয়া ।

দিউক আনন্দ সদা

কবিগণ সুবিশদ

শ্লোক বিরচিয়া ।

সুপণ্ডিত সুধীগণ

সমধিক মন দিয়া

পর-রচনায়

প্রচুর আনন্দ-রস

অবিরত উপভোগ

করুন তাহায় ।

[সকলের প্রশ্নান ।

সমাপ্ত

নাট্যাকাশে শারদীয় পূর্ণচন্দ্র ! হাস্য-বিদ্রোপের পুলক-জ্যোৎস্না !

বাঁহার বিয়োগে হাস্য-রসের অনাবিল—অকুরন্ত প্রবাহ মহমা বাঙ্গালার মরুহৃদয়ে
বিলীন হইয়া গিয়াছে—বাঁহার মহনীয় চিন্তাপ্রভাবে প্রাচীন
ও নবীন যুগবৈষম্যের ব্যবধানের অবমান হইয়া—

পিতামহ পিতা পৌত্র—তিন পুরুষ বাঁহার হাস্যরসে উদ্ভাসিত হইয়াছেন
সেই নাট্যসম্রাট—রসসাহিত্যের স্রষ্টা, প্রাণশক্তি প্রতিষ্ঠাতা—পরিহাস
বিদ্রোপ-কৌতুকের প্রস্রবণ—সমাজ-শিক্ষা-সংস্কারের পুণ্যধারার গোমুখী-প্রপাত—
সর্বজন-প্রমোদন নাট্যলীলার অনন্য-সাধারণ শক্তিদম্পন স্মৃতিপুণ চিত্রকর—
দেশসাত্বকার—বাঙ্গালীর স্বাতন্ত্র্যের একনিষ্ঠ সাধক—
প্রতিভা-মনীষার বরপুত্র

রসরাজ অমৃতলাল বসুর—পুণ্য-স্মৃতির অবদান !

অমৃত-গ্রন্থাবলী

প্রথম ভাগে—

- | | |
|----------------------|-----------------------|
| ১। হরিশ্চন্দ্র, | ২। বিবাহ বিভ্রাট, |
| ৩। ব্রজলীলা, | ৪। তাজ্জব ব্যাপার, |
| ৫। কালাপানি, | ৬। একাকার, |
| ৭। হীরক-চূর্ণ, | ৮। বৈজয়ন্ত-বাস, |
| ৯। চাটুর্বো-বাড়ুবো, | ১০। সাবাস-আটমস, |
| ১১। বিলাপ, | ১২। রহস্য-কবিতা ও গান |

এই নাটক-প্রহসন-পঞ্চরংগলীলা একত্রে ১৮

দ্বিতীয় ভাগে—

- | | |
|------------------------|-----------------------|
| ১। বিজয়-বসন্ত, | ২। সতী কি কলঙ্কিনী, |
| ৩। সাবাস বাঙ্গালী, | ৪। গ্রাম্যবিভ্রাট, |
| ৫। রাজা বাহাদুর, | ৬। চোরের উপর বাটপাড়ি |
| ৭। ডিস্‌মিস্ | ৮। নবজীবন, |
| ৯। গীতাবলী ও কবিতাবলী। | |

সর্বজন-প্রমোদন-নাট্যলীলা একত্রে ১৮

আবার একত্রে ৪ ভাগ ৩৮ টাকা, বাঁধাই ৩১০ টাকা মাত্র।

বসুমতী-সাহিত্য-মন্দির, ১৬৬ নং বহুবাজার স্ট্রীট, কলিকাতা।

তৃতীয় ভাগে—

- | | | |
|--------------|---------------|----------------|
| ১। তরুবালা, | ২। কৃপণের ধন, | ৩। আদর্শ বন্ধু |
| ৪। বোমা, | ৫। অবতার, | ৬। বাছুরী, |
| ৭। কবিতাবলী, | ৮। বাবু। | |

এই হাস্যের আর্মিয়ধারা ১৮ টাকায়

নবপ্রকাশিত চতুর্থ ভাগে—

- | | |
|---------------------|------------------------|
| ১। খাসদখল, | ২। নবযৌবন, |
| ৩। সন্ন্যাস-সঙ্কট, | ৪। নিমাইচাঁদ, |
| ৫। বাহবা বাতিক, | ৬। তিলতর্পণ, |
| ৭। স্মৃতির আদর, | ৮। বৈজ্ঞানিক দুর্গোৎসব |
| ৯। গানের বাঙ্গার, | ১০। রসের টুকরা, |
| ১১। বিরাট বৃহস্পতি, | ১২। সঙের ছড়া। |

[হাস্য-কৌতুকময় সমাজচিত্র]

পঞ্চরং-বৈচিত্র্য-সমস্বর ১৮ টাকায়

নাট্যসাম্রাজ্যে বিজয়-দুন্দুভি বাজিতেছে!

সেই অমরবাহিত—সাহিত্য-জগত-আকাঙ্ক্ষিত—ভারতপরিব্যাপ্ত আকুলকণ্ঠের করুণ আহ্বান—
‘বঙ্গ আমার! জননী আমার! প্রাণী আমার! আমার দেশ!’
‘আমার জন্মভূমি’ মন্ত্রের মন্ত্রগুরু—‘স্বদেশী’ তন্ত্রের মহাকবি—

দুন্দুভি বাজিতেছে বঙ্গ আমার

১ম ভাগে—

১। সাজাহান	১৥০
২। মীতা	১১
৩। সোরাবরুস্তম	১১
৪। সিংহলবিজয়	১৥০
৫। পরপারে	১১
৬। হামির গান	১৥০
৭। কালিদাস ও ভবভূতি	২১
৮। আৰ্য্যগাথা (১ম)	১১

এই ১৥০ মূল্যের জাতীয়-
প্রস্তুনিচয় মাত্র ১৥০ টাকায়।

২য় ভাগে—

১। রাণা প্রতাপসিংহ	১১
২। চন্দ্রগুপ্ত	১৥০
৩। বিরহ	১১
৪। বঙ্গনারী	১৥০
৫। কঙ্কি অবতার	১১
৬। আনন্দ বিদায়	১১
৭। চিন্তা ও কল্পনা	২১
৮। আৰ্য্যগাথা (২য়)	১৥০

এই ১১০ মূল্যের জাতীয় প্রাণসম্পদ-
স্বরূপ গ্রন্থরাজি মাত্র ১৥০ টাকায়।

৩য় ভাগে—

১। দুর্গাদাস	১৥০
২। তারাবাঈ	১৥০
৩। ত্র্যম্পর্শ	১১
৪। পাষণী	১৥০
৫। ত্রিবেণী	১৥০
৬। আঘাতে	১৥০
৭। একঘরে	১০
৮। হরিপদর রূপদ শিক্ষা	১০
৯। ছত্রমহিমা ও ভারতবর্ষের সূচনা	১০
১০। বিলাতের পত্র	১১

এই ১১১ ১০ খানি সর্বসম্মিলনী ১৥০

৪র্থ ভাগে—

১। ভীষ্ম	১৥০
২। নূরজাহান	১৥০
৩। পুনর্জন্ম	১১
৪। মেবার পতন	১৥০
৫। প্রায়শ্চিত্ত বা বহুৎ আচ্ছা	১১
৬। আলেখ্য	২১
৭। মন্ত্র	২১
৮। গান	১৥০

এই ১২১ মূল্যের ৮খানি ১৥০ টাকায়।

সস্তার উপর সস্তা—একত্রে সমগ্র গ্রন্থাবলী ৫৥০ টাকায়।

বঙ্গমতী-সাহিত্য-মন্দির, ১৬৬নং বহুবাজার স্ট্রীট, কলিকাতা।







